

**I. CRUCI  
MERCURIUS  
BATAUUS SIUE  
EPISTOLARUM  
LIBRI 5. OPUS...**

---

Jacobus Crucius



~~6  
41-e  
52~~

$\frac{3}{16}$



heca  
Rom.  
esu

*[Handwritten signature]*

95.36

6









~~6-23-51~~



BIBLIOTHECA NAZ.  
ROMA  
VICTORIO EMANUELE

I. CRUCI  
MERCURIUS

BATAVUS

*Bibl. siue se c.*

Epistolarum

*Coll. libri v. Rom.*

Opus stili, & Orato-  
riæ studiosis apprimè  
utile, inter alia Vitæ  
monita complectens

*See Ethica*  
*Politica*  
*Oeconomica.*

AMSTEL·ODAMI

In officina



JACOBI CRUCI  
EPISTOLARUM  
LIBRI V.







*Amplissimis , prudentissimisque Viris,*

M I C H A E L I vander H O E F,  
*viro Consulari.*

J A C O B O vander G R A E F *viro patri-*  
*cio, & Ecclesiae seniori.*

J A C O B O V O R B U R G I O *Scabi-*  
*no, &*

C O R N E L I O à B E R E S T E Y N *ex-*  
*consuli, & Domino in Middelhern.*

*Scholæ , Collegiique Delphensis Quatuorviris*

J A G O B U S C R U C I U S



*Dedico, confecroque.*



**D**umque cogitanti mihi,  
Viri amplissimi , quos libri hujus  
adoptarem patronos, non occurre-  
runt , quibus magis vellem , quibus magis  
deberem, quàm vobis. Vellem, quia litera-  
turam amare vos scio & literatos. Deberem  
autem, propter eximias virtutes vestras, cùm  
publicas , tum privatas. Multos jam an-  
nos , ingenii , ac consilii luce (quod in lu-  
rum palmarium du-



*Amplissimis , prudentissimisque Viris,*

M I C H A E L I vander H O E F,  
*viro Consulari.*

J A C O B O vander G R A E F *viro patri-*  
*cio, & Ecclesiæ seniori.*

J A C O B O V O R B U R G I O *Scabi-*  
*no, &*

C O R N E L I O à B E R E S T E Y N *ex-*  
*consuli, & Domino in Middelhern.*

*Scholæ , Collegiique Delphensis Quatuorviri*  
J A C O B U S C R U C I U S



*Dedico, confecroque.*

**D**ilectissime Viri amplissimi , quos libri hujus  
adoptarem patronos, non occurre-  
runt , quibus magis vellem , quibus magis  
deberem, quàm vobis. Vellem, quia litera-  
turam amare vos scio & literatos. Deberem  
autem, propter eximias virtutes vestras, cum  
publicas , tum privatas. Multos jam an-  
nos , ingenii , ac consilii luce (quod in lu-  
brico rerum humanarum palmarium du-  
co) patriæ profuistis; & quidam vestrum  
ea adhuc in Republica munia sustinetis,  
queis prodesse potestis, & etiam vultis,  
\* 3 . civium

civium societati utrumque meherclè , ut  
verum dicam , magnorum & præstantium  
virosum est. Sed alterius , ut major quæ-  
dam dignitas ; ita major semper in quaque  
Republica paucitas fuit. Nam si Anna-  
lium replico monumenta , si ad quotidia-  
nam experientiam animum & cogitatio-  
nem converto , multos sanè qui literarum  
fautores & Musarum patroni extiterunt ,  
invenio. At qui consilio , autoritate , pru-  
dentiâ , illâ rerum gerendarum quasi ani-  
mâ , Rempublicam gubernare , augere ,  
tueri possent , paucos equidem ex omni  
vetustatis memoria memini legere. Rei-  
publicæ enim habenas capeffere , & mode-  
rari , curasque omnes , & cogitationes  
suas in populi salute defigere , subditorum  
tranquillitatem tueri , civium opes & for-  
tunas defendere , lites dirimere , dissidia  
componere , statuta majorum , leges , jura ,  
vestigalia , tributa , non ad popularem  
rationem , sed ad maximam Patriæ utilita-  
tem dirigere , justitiam administrare , pu-  
pillorum facultates tutari , dum impu-  
beres adhuc , & minorennes , afflictos à  
fortuna relevare , bonos provehere , &  
ægrorum publicis valetudinariis curam  
gerere , ne aut inedia pereant , aut medica-  
tionis incuria ; commercia etiam quæ pu-  
blica , quæ privata comminisci , quæ urbi  
patriæ emolumentum adferant , & decus ;  
nullo



nullo denique metu , nulla spe , à Reipublicæ bono , tanquam Palladio securitatis dimoveri , majus quid est , quàm multo censcant , nec unius Herculis labor. Ea tamen (patiæmini enim, ut quid de vobis sentio , liberè dicam) vestra laus est. Quæ eò illustrior est , quod cum nescio quo fato , calumniæ & invidiæ telis expositi ferè esse solent ii , qui in altissimo rerum humanarum fastigio constituti , arduis negotiis implicantur , & excelsa in Republica munia sustinent , nulli tamen sermunculi temerè sparsi , & imprudenti (ut ferè solet) credulitate excepti , nullæ unquam injuriæ , nulla malevolorum protervia , aut obstrepentium dicacitas , quibus omne cerebrum in lingua est ; nulla denique ingratitude , & meritorum oblivio vos de statu animi deicere ; nec à constanti muneris functione deterrere potuerunt : vos dico , qui sublimitate mentis eminetis supra fatalem hanc luem , & jam pridem didicistis *ὅτι ἀπειροὶ τῶν καὶ τὸ βίον προάξουσιν* , virtutem ipsam sibi pretium esse , & livoris dentem effugisse , quisquis contempserit. Eò enim jam ventum est , ut in pretio sit contumeliæ amor , & summa flagitiorum voluptas , inquinare honesta. Nempe , ut sine nocte mortales diem non habent : ita nec vitam sine calumnia , quæ virtutem à tergo sequitur , ut umbra solem ; quæque animis

credulis, facile adhærere solet. Beati, qui hæc spernunt, & laceſſentis calumniæ iſtus riſu excipiunt, & exemplo veſtro, virtutis, & innocentiae clypeo propellunt. Ut enim radii Solis in ſordes, & caliginosa loca coniecti illuſtrant, non inquinantur: ſic vos inter hæc hominum propudia. Accedit in laudum veſtrarum cumulum, *Scholæ* cura, atque inſita in literas, & literarum ſtudioſos, animi propenſio: quæ ita in vobis elucet, ut ad hanc virtutem nati eſſe videamini. Huc enim veſtra conſilia tendunt, huc cogitationes omnes, ut ſub auſpiciis veſtris floreant amœniores Muſæ, non ornamenta ſolùm Reip. ſed auxilia & fulcra, permanſura donec interris erunt cultores ſapientiae atque eruditionis. Adeò ut quorum virtuti, & ingenio, per rerum anguſtias, prærepta omnis videtur emergendi ſpes, & intercluſa quaſi via ad bonam mentem, munificentiae veſtræ alis ſubnixi, feliciter tandem evo-  
lent ad doctrinae & honoris metam. Ex hac Palæſtra Athletæ prodeunt, qui pro Eccleſia, qui pro Republica certant. In hac alios inſula, alios purpura expectat, & formantur, pene dixeram, cuduntur in hac officina, qui templo præſunt, qui foro, qui curiæ. Quæ quo præſtantiora, eò digniores veſtræ curæ ſunt. Majus enim eruditionem promovere eſt, quàm habere; in aliis  
fovere;

fovere ; quàm in se admirari. Et hæ quidem virtutes in publicum spectant. Sunt aliæ domesticæ, & larium, ut sic dicam, vestrorum, pietas, eruditio, candor, humanitas, sedula & perpes Oeconomix cura, in adversis magnitudo animi, in prosperis moderatio; mores denique in imperio, facti ad elegantiam, & comitatem. Quas libasse mihi sufficiat, ne blandiri iis videar, aut assentari, quos admiratio mea laudari jubet; sed ut faciam vetat cùm modestia vestra, tum mea integritas, quæ virtutes vestras, & animi dotes, verecundiæ mantili obtegere mavult, quàm eas prædicando licentius profiteri; silentique supparo involvere, quàm apertis carceribus emittere styli equos ad palmam. Vos tantum viri magni, accipite hoc literarium munus, ex Charitum gazis, & Musarum scrinio depromptum, observantiæ meæ, & virtutum vestrarum testimonium, quas incolumes diu esse voveo, & opto, vestro & Reipublicæ bono. Delphis  
xvi. Junii M. DC. XLIII.


## LECTOREM.

**A**ntum blanda in me Amicorum  
 vis potuit , ut levia hæc styli spe-  
 cimina publico juri vindicare su-  
 stineam , & vadium hoc tentare  
 publicæ famæ. Nihil enim mihi minus in a-  
 nimo erat , quàm huic me devovere curæ , fa-  
 stidioso hoc ; ac delicatioris palati seculo , quo  
 multi nunc sunt Aristarchi , plures sycophan-  
 tæ , qui jejune malevoli , nihil præter odium  
 literarum profitentur ; & ut nihil sciunt , ita  
 omnia carpunt , nihil admirantur. Vicit ta-  
 men eorum importunitas , quibus me totum de-  
 beo. Tu in libello hoc explora omnia , vide  
 singula , & censuram aut si majoris judicium  
 suspende , donec totum legeris. Invenies for-  
 tassis , quæ allubescunt , & vel argumenti no-  
 vitate , aut usû , lectionis tædia discutient. Non  
 alius mihi in eo finis , quàm prodesse Juventu-  
 ti ; & vel meo exemplo , ad styli elegan-  
 tioris imitationem accendere , & studium Ro-  
 manæ dictionis ; Orationem dico , non aspe-  
 ram illam & duram , non ampullatam , non  
 obscuram , quam ventosi hodie literiones , &  
 ineptiarum candidati , qui tria vix Plauti  
 verba intelligunt , frigide nimis , & ridiculè  
 affectant : sed facilem , sed tersam , sed molliter  
 fluen-



7  
fluentem, quæ Latium sapit, & Tullianam  
puritatem, nec minus perspicuitate suâ, quàm  
diserta elocutione commendabilem. Hanc sem-  
per amavi, semper colui, & forte in hoc opu-  
sculo literario stricturne aliquæ sese offerent non  
contemnendæ. Quæ si ab iis foreantur, qui  
castæ latinitati initiati sunt, affirmare aude-  
am (quod sine ambitione possum) erupturas ali-  
quando in flammam, quæ facem præferat eun-  
ti ad majora. Quanquam nec hîc lusciniæ  
suam defuturam cantionem facile mihi per-  
suadeam; parata quoque mihi judicia præ-  
videam ab iis, qui rerum penè omnium igna-  
ri, tristi supercilio de nullo non doctorum  
sententiam ferre audent, & de scriptis alio-  
rum sic judicare, ut asini de musica, surdi de  
sonis, cæci de coloribus. Inveteratum malum,  
nec hujus solum ævi! Ita Zoilos suos habuit,  
& famæ vespillones Homerus; Pindarus  
Amphimachum; Simonides Timocreon-  
tem; Virgilius Mævios suos, & Bavios.  
Scilicet ut nulla sine umbra lux est: ita nulla  
virtus sine aliqua calumniæ aut livoris ne-  
bula. Hac immunem esse, humanam sortem  
excedit, nedum nostram mediocritatem. Quæ  
tales contemnere jam pridem didicit; nec  
placere illis unquam mihi propositum, qui ad  
pecoris Arcadici acumen proximè acceden-  
tes, tantum ad hoc nati videntur, ut quæ  
nesciunt, & quæ non capiunt, sugillent: sed  
iis tantum, qui erectas studio discendi mentes  
habent.

habent. *Quibus ut magis placeret hoc qualecunque laboris mei monumentum, visum fuit inspergere veterum ac recentiorum aureas sententias, alio charactere interstinctas, & tanquam gemmulas intexere huic panno, & flosculos huic telæ, ut earum dulcedine, & illicio, gratiam aliquam possit demereri, apud idoneos alieni laboris arbitros, & æquos rerum aestimatores. In quo voto, benigne Lector, desino, & te longum vivere, & valere opto.*



INDEX

# I N D E X

## EPISTOLARUM.

### A

<b>A</b> Brahamo Merano	pag. 232.
Abrahamo Crucio	322
Andreæ Riveto	137. 215. 147.
Andreæ Colvio	226. 373. 442.
Annæ Mariæ Schurman	507. 528. 533.
	520. 536.
Antonio Æmilio	473.
Arnoldo Lanoyo	299.
Arnoldo vander Gravio.	462.

### B

Bartholomæo vander Mastio	264. 308.
---------------------------	-----------

### C

Claudio Salmasio	414
Cornelio Borsselio	118.
Cornelio à Someren.	304. 351. 536.

### D

Daniëli Heinſio	124
Daniëli Colonio	77. 222.
Davidi Crucio	324
Dionyſio Crucio	328. 506.
	Eryco

## E

Eryco Puteano	409.
Esaia Pratenfi.	62

## F

Festo Hommio	154.
Francisco Gomaro	460.
Francisco Leuwio	281.
Franconi Burgersdicio.	129. 194.

## G

Gerardo Johanni Vossio	126. 353.
Gerardo Sgraefwegio.	25. 29. 33. 143.
	201. 406.
Gisberto Voetio	465. 509.
Guilielmo Crucio	15.
Gulielmo Niewenhusio	387.
Gulielmo Merano.	440.

## H

Hadriano Merano	72. 440.
Henrico Swalmio	284.
Henrico Geldorpio	111. 210.
Henrico Vander-Burgio.	95.

## I

Jacobo Crucio patri	15.
Jacobo Catsio	273. 445. 513. 517.
Jacobo Muyfio ab Holy	347. 398.
Jacobo Campio	418.
Jacobo	

Jacobo Facano	121.164.314.442.
	449.
Jacobo Crucio filio	53.88.191.249.
	254.363.
Jacubo Crucio cognato	316.
Jacobo Adrichemio	64.
Jano Groenwégio	167.
Jano Rœverio	331.
Johanni Crucio fratri	8.17.20.
Johanni Polyandro	50.149.157.476.
Johanni Westerbúrgio	171.358.442.
Johanni Beverovicio	176.333.448.
	455.500.519.530.
Johanni Crucio cognato	108.168.208.
	242.256.269.452.458.468.
	495.510.535.
Johanni Stangero	151.368.
Johanni Cabeliavio	35.38.41.101.
Johanni Hallingio	56.
Johanni Crucio filio	355.
Johanni Hogenhouckio	427.
Isaaco Beecmanno.	378.442.

## L

Leonardo Harlæo	435.
Ludovico de Dieu.	185.

## N.

Nicolao Crucio.	104.321.
-----------------	----------

## P

Paulo Briëlio.	492.
	Samuëli

# S

Samuëli Amfingio	260.291.393.
Samuëli Everwino	114.
Simoni Steinio.	513

# T

Theodoro Troncino	134.
Theodoro Boelio	68.131.160 279.
Theodoro Vallenfi	80.
Theodoro Schrevelio.	496.502.534.

# V

Volckero ab Osterwijck.	44
-------------------------	----



**JACOBI**

JACOBI CRUCI  
EPISTOLARUM,  
LIBER SEXTUS.

D. BOXTELIO *Ecclesia Gaudana*  
*Pastori S. D.*

Gaudam.



Larissime Vir, *quod differtur, non au-*  
*fertur.* Nigellas Cadmi filias, nun-  
tias valetudinis meæ, & studiorum,  
tandem ad te mitto. At cur non ci-  
tius inquires? Vin' causam? Occupa-  
tiones meæ hætenus fuere in mora. Catecheti-  
cæ enim meæ conciones, jam ante annos aliquot  
Gallicè à me editæ, in vernaculam nunc linguam  
suasum Amicorum conversæ, nec non auctæ, &  
emendatæ sub prælo calentes, me indies habue-  
runt occupatum, ut eliminatæ magis in lucem  
prodeant. Sed en meas & ad te litteras, quibus  
ad mellitissimas tuas respondere, longius super-  
federe nec potui, nec debui. Affectum quo me  
complecteris candidum & sine fuce, pari affectu  
complector, imo exosculor, sed encomia quæ  
nullo modo cadunt in nostram mediocritatem,  
& laudes quas literis tuis interseris, benevolen-  
tiæ tuæ, & animi tui in me propensione, aut si  
mavis errori tribuo, non meo merito: Utinam  
sic aut erret, aut judicet de nobis æqua virtu-  
tum æstimatrix posteritas? Interim est quod hac  
in parte mihi gratuler, quod & apud doctos &  
litteratos in pretio sim & eruditissimorum flo-  
ream amicitia. Hic inter alios laborum nostro-  
rum finis, ut talentum quaecunque nobis con-  
creditum Reipub. litterariæ, cui operam nostram  
devovimus, serviat, & famuletur.

Paulum



*Paulum sepulta distat inertia  
Celata virtus.*

Quæ si non in primis aut secundis, in tertiis saltem consistat; ut cum magno illo *Scipione*, gloriari nobis liceat, nunquam nos minus fuisse ociosos, quàm cum ociosi. Quid Homine ad laborem nato, dignius, quem non degenerem Mundi incolam, nec ad supinum, altumque ocium, pecudum instar, abjectum esse voluit summus ille rerum arbiter *DEUS*, sed ad imaginem suam conditum, assurgere, & eniti, cum humanarum, tum cœlestium rerum indagine, & meditationes, ad ejus solius gloriam, cujus beneficio sumus, & vivimus. Sed quis rumor nuper ad aures nostras accidit de vocatione tua Gaudam? Gratulor, iterum dico, gratulor tibi, Amicissime, animitus hanc *Spartam*, quàm, si probè te novi, egregiè ornatum ibis, quà vitæ inculpatæ moribus, quà doctrinæ soliditate, & agnata tibi eloquentia, qua stipata doctrinæ Evangelicæ Veritas, acrius movet, & potentius influit in *Auditorum* animos. Faxit Deus, ut prudentia tua seposito partim affectu, turbatam illam diu Ecclesiam, tandem componas, dissidentes animos concilies, & blanda quadam vi ducas, imo si opus trahas haud invitos, ad concordiam, & pacem. Affectibus indultum satis. Pulchrius injuriæ longanimitate vincuntur, quàm mutui odii pertinacia. Historiæ veteres & nostra ætas illustre nobis documentum præbent non esse admovendum oleum camino, nec ignem gladio fodicandum. Ubi pax, ibi *DEUS*: ubi *DEUS*, ibi charitas, quæ sola vinculum perfectionis est; ad quam adspirare omnium est; sed præsertim Pastorum in Ecclesia, quæ diffidiis, factionibus, schismatis, fatiscit, perit: concordia stat, tanquam muro aheneo, adversus omnes

*Αἰὲν οἷς ἔρεε τε φίλη, πόλεμοί τε μέγχι τε.*

Molestum fateor turbulentis ingeniis identidem  
confli-



conflictari, sed quid agas, devoranda hæ mole-  
stia, dummodo paci litetur, & Ecclesiæ ædifica-  
tioni; quæ iterum dico concordia floret, discor-  
dia collabascit. Prolixior eram, sed aliunde di-  
stractus, cogor abrumpere. Tu Vir doctissime  
ignosce cum indiligentiæ tum brevitati litera-  
rum, & amantem tui, quod facis ama. Delphis.  
XXIV. Augusti die ferali olim Ecclesiæ Gallicanæ.

## DIONYSIO SPRANCHUSIO

*Ecclesiæ Delphensis Pastori fidelissimo. S. D.*

**S**cilicet ad vitæ occasum, & metam eunti in-  
cidit in mentem cogitatio de meta, & seria  
*Mortis* meditatione, non ore tantum popu-  
lo pro concione inculcanda, sed calamo in pri-  
vatum *Autoris*, & publicum Ecclesiæ usum.  
Pio mehercule & laudabili instituto! Quid enim  
mortalibus salutaris, quàm mortalitatem as-  
siduè meditari & conditionis humanæ fragili-  
tatem, cujus extremum mors occupat? ut  
non sine gravi causa videantur majorum gen-  
tium *Philosophi* sapientiam definiisse, *Perpetuam*  
*mortis commentationem*? Aurea certe mihi sem-  
per visa est Romani illius Sapientis sententia:  
*In juventute curavi ut benè viverem, in senectute*  
*ut benè moriar.* In te video, Vir clarissime, qui  
potiorem Vitæ tuæ partem illibata morum pro-  
bitate traduxisti, & nunc hac ætate de reditu  
tuo in Patriam cogitas egregio illo tractatu de  
conflictu, & triumpho super Morte. Quem  
ut legi, doctior fateor, & melior ab eo redii.  
Quàm enim omnia (non blandior) in eo docta  
quàm à te graviter, quàm copiosè, quàm splen-  
dide tractata, & elaborata; quàm facili metho-  
do disposita, quæ stili ubertas, verborum,  
phrasiumque elegancia, sententiarum arguta  
suavitas, similitudinum gratia, omni auro magis  
aurea, quæ rationum pondera, quæ consolatio-  
num in ipso mortis articulo, vis? Ferus, &  
a 2 ferreus

ferreus sit oportet, quem ista non moveant, rapiant, percellant, ut animam Deo reddat, qui eam dedit, tinctam Christi sanguine, & immunem peccati. Mori enim quid nisi humanum, in communi hoc tributo naturæ? Sed benè mori Christianum. Ut fiat præmonstras viam, quàm qui insistit, non potest non benè mori, qui mori didicit, ut vivat. Quid enim vita hæc si res dicenda, nisi iter ad vitam? Quid ipsa Mors quam timemus? requies, gaudium, & vera vita; aut si quid in ea mali, malis tantum? Qui nasci contigit, restat mori: neminem ætas immunem facit nec magis mirum aut novum mori hominem, quàm nasci: omnis enim hora, omne momentum ad metam illam ducit. Sed verè felix qui securus sui possessor, crastinum sine sollicitudine expectat, curisque humanis altius caput attollens & totus Deo, mortisque meditationi vacans, Christum pectore, Christum ore, Christum opere spirat, animumque Cælo infert, inter tot orbitatis exempla, inter tam densa senum ac juvenum funera, antequam animam. Quæ multo ante prævisa sunt, languidius incurrun, & necesse est magis corruant, qui quasi ex inopinato feriuntur. Præparatione ergo seria hic opus, & ad hanc manu quasi ducis quemlibet Christianum aureo tuo scripto. Decretorius enim ille dies, ut de summa vitæ fert sententiam, ita nullus hic mimo, & histrionix locus, sed in hac catastrophe cuncta velo levato geruntur. Carmen quod à me petiisti dicatum nomini tuo, ad te mitto, non ex fonte Caballino, depromptum, qui labra mea nunquam proluit, sed ex intimo animi affectu. Si placet, benè est, sin minus edatur in lucem, sed *Vulcani*, vel si mavis relegetur ad *ἱερὸν ὑψίστου*. Voto uno finiam. Deus piis tuis laboribus porrò benedicat, ad nominis sui gloriam, & Ecclesiæ cui serio invigilas, ædificationem. Delphis M. DC. XLVIII.

Ad

Ad Clarissimum, Doctissimumque Virum  
D. DIONYS. SPRANCHUSIUM

*Super Tractatu ejus de præparatione ad mortem.*

**M**Armores Lector nullas hîc stare columnas,  
Nec titulis decorata vides monumenta superbis

Artificum fabricata manu, quæ cana Vetustas  
Suspicit, ingentisque inter Miracula Mundi  
Ambitiosa canit. Vitare obliviam Mortis  
Sic studeat, qui nil melius, quo semper in ævum  
Nobilitetur, habet. Libri sed celsius hujus  
Autorem mens diva rapit, Mortisque tremendæ  
Spicula, & armatas acies quas mittit ab Orco  
Dejicere, exemptasque animas terrore sepulchri  
Ducere ad æthereas secuto tramite sedes,  
Fert animus. Tu quisquis amas pius Incola Mundi  
Mortis iter penetrare, trucisque minantia Fati  
Vincula; & horrendas Erebi sub funera turmas  
Infraeto superare animo, Cœloque beari,  
Huc ades, & docti quæso monumenta libelli  
Nocturna versato manu, versato diurna:  
Invenies hîc arma, quibus mens tuta phalanges  
Tartareas, Stygiisque recens emissâ cavernis  
Agmina perumpet, mediâque in morte triumphans

Terrenas contemnet opes. Quid sceptrâ, tiarâ,  
Purpura, quid diademâ juvant? Mors sola faterur  
Quantula sunt hominum corpuscula: nullus ad  
Orcum

Ire, redire viam, donisque inopina morari  
Fata valet, non si Crœsus: stat ferreus ordo.  
Sed si dum moreris, mortem victricibus armis,  
Instantem frœnare voles; Hinc Balsama tristi,  
Hinc animæ opportuna petes medicamina,  
cum te

Febris agat, cum dirus hydrops extrema minari  
Tentat, & heu vitam dolor ultimus intercludit.  
Huc aures, huc flecte oculos, solatia rebus

Afflictis hic quare ; modum præmonstrat eunti  
Ad metam, panditque vias, queis celsa perennis  
Astra petas, animamque peracto flamine vitæ  
Morte triumphata , meliori in sede reponas.

Scilicet hic Libros labor est , hæc una sagacem  
AUTOREM pia cura tener, monstrare legenti  
Ipsam enim Mortem morientis morte domari.  
I nunc Alcidem memorato Græcia mendax.

SPRANCHUSI ad calamum , doctique insi-  
gnia Libri

Clava nihil, de Morte loquens, Mortem ipse per-  
emit,

Dumq; aliis mortem intentat, Mors victa fatetur  
Non alio potuisse viro, succumbere morti.

## DIONYSIO CRUCIO

*Cognato S. D.*

Neomagum,

**O**fficii aliqua cessatio apud me fuit, amicissi-  
me Cognate, non amoris: qui enim tui ob-  
liviscar quem in animo, quem in oculis fe-  
ro? Sed silentii diuturnioris causam si quæris, di-  
cam. Distantia locorum, infrequentia tabellario-  
rum hinc ad vos euntium, occupationes impor-  
tunæ quæ ex transverso incurrunt, distractiones  
crebræ involutando Sisyphio meo saxo, quod me  
tenet & ligat, fuere in mora. Alius enim nobis  
semper ex alio labor ; & quis finis, nisi cum mei  
finis? Sed en tandem meæ ad te litteræ, quas diu  
à te desiderari scio. De tuis, dicam liberè quod  
res est, pergratæ mihi fuerunt, & benevola me-  
moriam mei, sed illud longè gratissimum, quod in-  
columis cum lectissima conjugē, & filiolo, appu-  
leris ad ea loca ad quæ divina vocatione missus  
es velut ad mercatum *Animarum*. Quis enim  
alius muneris tui finis, quæ alia tua cura, quàm  
homines natura perditos servare, aberrantes re-  
ducere, lapsos erigere, & lucrari Christo? Et fiet  
si ta-

si talentum tibi conceditum cum fœnore reponas ei à quo accepisti. Nempe ut Luna quod luminis à Sole accepit, infero huic Mundo refundit; sic ut libens dona, quæ à magno illo Deo, memor moniti illius Apostoli ad Timotheum suum: *μη ἀμέλη τῶ ἐν σοὶ χαρίσματι· ὃ ἐδόθη σοὶ διὰ κορρητείας, μὴ ὀπιθέσιως· τῷ χειρὶ τῷ προσκυπίῃς. Ταῦτα μέλητα, ἐν ταῖς ἰαδί· ἵνα σὺ ἡ κορροπὴ φαιεῖται ἢ ἐν παῶσιν. Ἐπεὶ σεαυτῷ, ἐτὴ διδασκαλίᾳ, ὀπίωμι αὐτοῖς, τὸ το γὰρ ποιῶν ἐσεαυτὸν σώσεις, ἐ τὰς ἀκύνοντάς σε.* Nata tibi nunc occasio, qui pagum cum Urbe permutasti non minima illius Provinciæ, quæ inter unitas septem cultu bonarum artium, ingenio gentis ad humanitatem composito, magistratu splendore & propensione erga omnia honesta, facile de principatu contendit. Quo autem major sementis faciendæ spes, eo uberior messis; hocque ipso nomine tibi gratulor hanc *Spartam*, ἐ δὲ ποβαθείας γνώμης συγχαίρω. Meo voto quidem jam diu tibi is locus apud nos fuisset, & fratrem tuum habeo crebri judicii hujus mei testem. Sed Deo aliter visum, qui non semper vult suos, alligari glebæ suæ, sed natale interdum mutare solum, quod insisterunt, quod presserunt, ut discant viro bono, & forti omnem terram esse Patriam, ubicunque virtute sua, rectique conscientia involutus ætatem degit, & in levi habendum, ubi & quo loco commoremur, si Deum vocantem sequimur. Quid? Miles in castris audito viæ signo, annon vasa colligit, audito pugnæ deponit animo, oculis, auribus paratus ad omne imperium, & intentus? Idem tibi sit, & in hac militia sequere, iterum dico sequere, alacris, & pleno gradu vocantem *Imperatorem*. Urbem, incolas, aërem tibi placere libens audio. Qui aliter potest? ubi tot passim se offerunt non injucunda oculorum pabula, colles, agri, pascuâ, plantaria, hortorum spatia, ambulacra, flumina leni murmure Urbem

quam habitas præterlabentia. Quis adeò ab omni sensu derelictus, quem hæc amœnitas non delectet, qui tam vario adspectu rerum non capitur expers ambitionis, & pallentium curarum? Campi Elysi, Elysi non sunt præ his *Natura* deliciis, & blandimentis. Inter has terræ opes, hunc inferioris *Mundi*, mundum & cultum magnæ Matris, amica diversione, animum studiis defatigatum reficere, hic paululum salubri quodam secessu à curis, & turbis tranquillitatis tyrannis, feriari circumsonantibus ac velut salutantibus choris illis alitum suaviter fritillantium & minurientium, quid homini gratius, quid dulcius esse possit non video. Invenit enim ibi quod sine actione ulla agat, sine labore ullo elaboret, nunquam minus solus, quàm cum solus, & nunquam minus otiosus quàm cum otiosus. Scilicet attollit se magis ad alta Animus, cum in libero aëre, liber & magis sui juris videt suum Coelum, quàm cum ædium parietibus inclusus, libris & chartis perpetuo impallescit. Danda, danda est interdum remissio animis, meliores acrioresque requieti surgent. Ut fertilibus agris non est imperandum, cito enim exhauriet, illos nunquam intermissa fœcunditas: ita animorum impetus assiduus labor frangit; vires recipient paululum resoluti & remissi. De *Brasilia* quàm parum lati ad nos rumores, & de ea surrigenda quàm frigida hodie consilia quàm aversi quam alieni quorundam animi. Hostis ubique triumphat, ubique in insidiis, & in armis, & tantum non ad portas *Annibal*; & decussatis hic pene brachiis statur, nesciuntur moræ, dies ex die trahitur, & dum deliberant *Romani*, *Saguntus* capitur aut, ut mollius loquar, captura periculum incurrit. Atque hac per eos qui (probos eximo) sibi pascunt & privata sua commoda, publicis anteponunt. Utinam ejus misereri, & ægro huic qui nec morbum suum capit, nec remedia, opitulari

tulari dignentur *Patres Patriæ*. Alio brevi staret loco, armisque, prudentia, consilio, rei nummaria, merciumque œconomia suffulta, formidabilis esset hostibus quam nunc tanta perfidia adoriuntur, premunt, exhibitant. Interea à Deo, & ejus providentia (cujus puncto maximarum sœpe rerum monumenta stant, aut cadunt) pendamus, certi subire sortem quam ille dabit, cui cum volet *ἅπαν ἀπὸρον ὄβριμον*. Nec enim occiderunt omnium dierum soles, & forte serus vesper aliquid olim nobis haud inauspicatum advehet. Finio, Cognate, ne plus nimio (ut garrula res est, amor) verbosior tibi videar, Deumque rogo ut te fervet & tuos, in quo & à quo omnis salus, Conjugi tuæ, & filiolo à me osculum. Delphis. M. DC. L.

## THEODORO GRASWINCKELIO

*Philosophiæ Studio s. D.*

Ultrajectum.

**A** Micissime Studiose, Musarum alumne, literas tuas non ita pridem ad me datas lubens accepi. Quæris gratane fuerint? imo gratissimæ, & quidem duplici nomine; Uno quod tersæ, & ornata, elegantiam spirantes, & Romanam dictionem: altero quod nuntiæ diligentia tuæ in promovendis studiis quibus te totum devovisti. Regia hæc est ad eruditionem via, quam qui insistit, optimam & vitæ, & temporis rationem habere judicandus est, præsertim si comitem sibi jungat probitatem, & morum modestiam, sine qua nihili facio rerum etiam maximè sublimium scientiam; quia ad pompam tantum comparata videtur, non ad usum, quem in eo statuo, ut non nobis tantum sed & Reip. aliquando utilem navemus operam. Ad hoc nati, ad hoc facti sumus. Et qui hæc non spectant aut quarunt in vita, ii se fateantur, nec

cur vivant nôsse, nec quomodo vivendum sit, satis unquam intellexisse. Vivere enim, & non nôsse, cur & quomodo vivas, id vivere quid aliud est, quàm vita brutorum? Nam & his vita tributa est, id est ea natura & vis, per quam aluntur, crescunt, sentiunt. Hominis autem sublimior longè, & dignior vita esse debet, si suam supra pecudes tueri dignitatem velit. In te video, Studiose, cui nihil magis curæ & cordi, quàm studia tua protrudere ad altiora *Sapientie* adyta; sed præmissis (si meo consilio vivis) iis quæ tanquam manu te ducent ad nobile illud Juris prudentiæ studium, nempe Ethicis, & Politicis. Quorum cognitio dici non potest quam facem præferat studio juridico. Quid quod his disciplinis nihil jucundius, exspatiari scilicet per amœnissimum vitiorum & virtutum campum, & de utrisque differere ac judicare, nec-non ad Rerumpubl. statu quæ unquam fuere, & quæ nunc sunt, posse loqui; tum quibus legibus, moribus, ritibus regantur, quæ in iis justitiæ administrandæ ratio, quæ bonis constituta sint præmia, quæ poenæ, & supplicia malis: quid Politiam firmet, & stabiliat, quid perdat: quid Politicum faciat, theoria ne sola an praxis, an utrumque: quæ & quanta Rerump. etiam florentissimarum funesta tandem catastrophæ, ut omnia in hoc *Universo* interire nata sunt. quid discriminis sit inter Tyrannum, & Principem, quæ utriusque notæ, quæ *κεῖθινα*: quæ denique ortus & interitus eorum causæ, quæ exempla in omni ævo. Quibus exactè cognoscendis non parum etiam servit diligens, & seria lectio historiarum, cum antiquarum quales Græcæ, & Romanæ, tum recentiorum, ne dum res gestas alibi replicamus, & exteras Resp. perambulamus, nostram in qua nati aut ignorare, aut negligere videamur, & domi esse peregrini. Hæc matutinis horis destinantur, pomeridianis auctor tibi sum incumbere Latinitati, quæ seria lectione *Cicero-*  
*nis,*



*ni, Livii, Curtii, Salustii* parari solet, etiam Græcæ linguæ habita ratione, quæ non minus, quàm Latina literatum commendat & ex quo myrothécio promendum quidquid probabitur doctis. Prospera & votiva valetudine te frui ex parente tuo intellexi, & ut porro talis sis animitus precor. Ex musæo nostro. Delphis anno 1650. ipsis Kal. Februarii.

JOHANNI CRUCIO *Ecclesie  
Harlemensis Pastori, Cognato suo S.D.*

Harlemum.

M Unus tuum chartaceum nuperrimè ad me missum accepi, verè carum, & quod longè præfero iis quæ vulgus mirari solet, quia pereunt, & in casu posita esse aliquando desinunt. Aurum enim illud quod tanto opere affectant homines, quid nisi splendens quædam terra, & nitidius paulò lutum? Ingenii monumenta mihi in amore, & in pretio: quale tuum nuper à te editum sub nomine, & titulo ONESIMI. Quem ut legi, adprime mihi placuit. Quid enim in eo desiderem? Argumentum? serium est, grave, sacrum: methodum? perspicua est & facilis? *πρῶτα*? ex textu fluunt, non coacta, non longè petita, sed ad rem, & in rem. Stilum? non comptus, calamistratus, & ex mellitis verborum globulis curiosè contextus; sed ad captum populi attemperatus, & flosculis suis, ac sententiis molliter luxurians. Verè dicam? Sacram Scripturam, ut monet magnus ille doctor gentium, *ὁρδοτομεῖν*, Spiritus Sancti mentem in textu, eruere, scrutari; & ad praxin, cœlestis illius *Sapientie* arcana, revocare, nec tam de subtilibus, & argutis quæstiunculis ventilandis esse sollicitum, quàm de moribus formandis, & conscientia munienda adversus mundi illecebras, carnis lenocinia.

nia, & insultus *Satanae*, hoc demum iudicio verè esse *CONCIONARI*. Nam subtilia illa, quid nisi ad pompam, & ingenii ostentationem? ideo fallunt magis, quàm alunt, & prurientium ac delicatarum aurium curiositatem fovent magis, quàm movent, quia neglectio cœlestis Doctrinæ nucleo extremum tantum corticem arrodunt. Lege, volve, replica *Prophetarum*, & *Apostolorum* scripta, lege conciones Christi in Euangelio ad populum habitas, quid aliud spirant, quàm vitæ emendationem, pœnitentiam, studium pietatis? Quam acres eorum invektivæ in morum licentiam! graves à peccatis dehortationes, crebræ comminationes in transgressores legis, in pertinaces, in dissolutæ vitæ homines: Et si (quod faciunt) salutis & fidei mysteria inculcant, mox vitæ sanctitatem non verbis sed factis commendandam, commendant, tanquam unicum Religionis Christianæ condimentum, veritatis, *FIDEI κερτήριον ἀνευδίατον*, professionis nostræ animam, sine qua omnis Religio, omnis professio nostra, nihil nisi fumus, umbra, nihil: immò verba tantum & voces, quantumvis specioso pietatis obtentu incrustata. Theologia tota, nisi practica est; & Religionis Christianæ veritati qui dat operam, nunquam proponat sibi subsistere in vana aliqua speculatione, vel nuda rerum cognitione, sed sciat, nullius se habere veram notitiam, cuius & praxin non observet. Ut bene olim observatum à Hieronymo ad Nepotianum: *Non confundant, inquit, opera tua sermonem tuum, ne cum in Ecclesia loqueris, tacitus quilibet respondeat, cur ergo hæc quæ dicis, ipse non facis? delicatus Magister est, qui pleno ventre de jejuniis disputat. Accusare avaritiam & latro potest. Sacerdotis Christi os, mens, manusque concordent.* Vale mi Cognate. Jam enim interpellor, imo avocor. Delphis. M. DC. L.

## FREDERICO SPANHEMIO

*Viro Clarissimo, SS. Theologiae Doctori,  
& Professori, S. D.*

Lugd. Batavor.

**H**umanitatem tuam expertus, qua me excipere dignatus es in nupero meo alloquio, rotundè fateor, hunc tam prolixum adfectum non meruisse, à tali viro. Quid dicam? superavit expectationem meam. Gratias agam, aut habeam? habeo maximas. Quid enim nos comparati ad hunc *Solem*, nisi tenebræ? qui nisi vappæ ad has delicias? Sæpè mihi de te sermo, apud te nullus per litteras. Vetuit pudor, quem tandem posui, nixus benevolentia tua, qua bonos, & non planè illiteratos complecteris; quæ tantum apud me potuit ut ingenium mihi modestiæ vinculum abrumpere, & viam ad amicitiam tuam munire, non dubitaverim. Facit hoc amor & admiratio tui, faciunt Vir magne, docta ingenii tui monumenta magno labore, magnisque vigiliis elucubrata, quæ summa cum voluptate, summo cum fructu vidi, & legi: & ô utinam ætas (nam de voluntate non ambigo) ferat, plures ex hoc agro ingenii tui fructus prodire! De Republica certe litteraria mereri magis non poteras, quam dubiis tuis Euangelicis dignis memoria & laude sæculorum. Non quod vel *dubia* statuatur *Veritas Euangelica*, vel de ea ambigendum censeas. Absit ab homine Christiano, qui aliquo pietatis sensu ducitur, tam impia cogitatio. Sed dubia, quæ vel profanorum furor, vel infirmiorum imbecillitas non invenit in Scriptura, sed in Scripturam invexit, à radice revellere tibi fuit animus. Laudabili mehercule instituto! Nam cum non *Sectariorum* solum, sed & *Pyrrhoniorum* ac *Atheorum* funesta agmina passim occurrunt, qui sacrilega prorsus

propterea temeritate, Veritatem Evangelicam infeliciter subriles, vel convitiis aperte laceſſunt, vel per cuniculos labefactant, judicâſti quâ polles prudentia, hoc ſcribendi genus non utile ſolum, ſed & neceſſarium eſſe, & ſine crimine non debere negligi. Exemplo Patrum *Tertuliani, Originis, Epiphani, Hieronymi, Auguſtini*, & aliorum, qui ſtrophas Adverſariorum detectas ſolidè eliferunt, & S. Scripturæ dignitatem maſculè tutati ſunt, ne hominum impiorum protervia ullo modo fraudi eſſet Eccleſiæ Chriſtianæ, ſed ut in luce & oculis omnium, *Veritas* clarius exſplendesceret. Hos imitatus, Vir doctiſſime, operam tuam, & induſtriam in vindicanda textus Majeſtate, devovere, & crescenti impietati, quæ in Doctrinam Evangelicam tot auguſtis, & invictis testimoniis firmatam debacchari audeat, ſtrenuè te opponere & iniquitatis myſteria velo levato patefacere, non dubitâſti. Arduum fateor opus, materia gravis, & ſeria, quæ & judicium & acrimoniam, & intentionem exigit, ſed quàm feliciter, quàm doctè, quàm validè (verè tibi & in os dicam) ea deſunctus ſis, docti vident, videmus & nos, & miramur Deumque rogo ut te *παιδείας ἀρετῆς κακοσυμψύχου* diu ſervet Eccleſiæ, & Academiæ,

— Neve te noſtris vitiis iniquum

*Ocyor aura tollat virum longævitæ digniſſimum & non niſi ſero natali Cælo redonandum. Delphis.*

A N T O N I O D O R N I C K I O

*Studioſo S. D.*

Lugdun. Batav.

Bona & erecta indole natos, & ad bona, & rectè euntes, amo. Tu mihi talis S T U D I O S I. Quid ni ſic te appellem? quem gnâviter ſtudiis

studiis incumbere audio, & audio libens, vel eo nomine quod à disciplina mea ad Academiam promotus, ea te dignum reddis modestè quod ad vitam, industriè quod ad studia. Ne degenera, & ipsum te audi, ac nos audi. In flore ævis, in via ad doctrinam, & per doctrinam ad honores. Occasio proficiendi, voluntatem fecit; & ubi major, quàm in nobili illa *Musarum* palæstra, in qua nunc versaris? Amplectere modo, & quos habes juventutis tuæ Doctores; studiorum formatores audi, sequere, obsequere, magis quàm quibus vitam debes. Nam nasci vulgare est, benè institui altera vita est, & quæ ad æternam illam ducit. Cave in studiis ἀταξίαν, pestem omnis profectus. Horas tuas partire. Matutinas gravioribus impende, Logicis, Ethicis, Physicis, & in iis non leviter, non desultorie, sed seriò, te exerce; non multa lege, sed multum, non multos, sed paucos & optimos. Nam lectio varia turbat, obest non prodest, dum magno sed irritò conatu nusquam est qui ubique est: peregrinanti similis qui ingenium in via disseminat, & multa habet hospitia, nullas amicitias. Pomeridianæ, politiori literaturæ destinantur, Latinæ, Græcæ, Hebrææ: & jam me præeunte, viam ingressus es, imò non parum in ea progressus. Sed & altius hæc protrudenda continuâ exercitatione, & lectione Authorum qui recta eò ducunt, *Plutarchi*, *Xenophontis*, *Ciceronis*, *Salustii*, *Curtii*, *Taciti*, in Sacris, *Veteris* & *Novi Testamenti*. Mirum quantum crescentibus annis, non iudicium solum, sed & amor crescet legendi cottidie & discendi. Fuge qui non nisi remora sunt bonæ mentis, & virtutis evericula, temporis sui & aliorum fures, *Musarum* propudia, modestiæ & probitatis tineæ qui fraude, & arte irrepunt, & irrumpunt: fuge inquam sanguine viperino cautius, ἐὼς ὅπως αἰδέου πολυτῆ. Facilis enim est in procliva vitiorum decursus; at pedem retrahere difficillimum. hac præ-

præsertim morum licentia, quæ nimis hodie ad vanitatem, aut levitatem inclinat. Tu qui Honestam amas, ad quæ à Natura videris mihi factus, *Deum* imprimis time, fontem omnis Sapientia, callem virtutis decurre, te meliores, te doctiores adi, & audi, & illibatam serva conscientiam à *Mundi* contagio. Nihil abripiat, quacunque specie, aut illicio: nam & ibi *vada* & *syrtes*, *Circe*, & *Syrenes*, quæ allectos in pecudes, si non feras, transmutant. A te abeant, modestiæ, ac virtutis amanti, nec vel inter prava, & pravos, depravando.

Quod facere te hortor, & à mea disciplina profectum, incedere velut *exemplum*. Finio cum solenni formula salutis impertiendæ iis, qui mei meminisse dignabuntur. Delphis cIo Ioc L.

## D I O N Y S I O C R U C I O

*Cognato, Ecclesiæ Noviomagensis  
Pastori. S. D.*

Noviomagum.

**N**uncius qui de prospero conjugis tuæ puerperio nuper ad aures nostris accidit, an gratus mihi fuerit, ne quære Fidem testor, gratissimus. Sed heus, in *Sacris* illis *Lucina* sic files, aliis loquentibus, & de familia altera prole nunc aucta, ne verbulum quidem, ad eos quos ista celari non oportuit? Itane parvus es temporis, & calami, ut ne horula quidem supersit exarandis ad amicos literis? Emenda, Cognate, hanc culpam, ut in amicitia sis sine menda, & cave recidivam. Aliud enim postulat utriusque nostrum consanguinitas, aliud affectus quo te complector, & prolem, quam diu vivere opto. Si filius est (nam de sexu nihil inaudi) crescat *Deo* à quo datus, & *Patria* cui natus: sin filia utriusque parentis gaudio adolescat, & in *OEconomia* cura, matris vestigia premens, paria cum ea faciat. Hic  
inter

inter alios finis conjugii, habere furculos, & stirpis suæ propagines, familiæ fulcra, quæ parentum nomen, & famam vindicent ab interitu, & virtutes eorum æmulentur, ex quibus nati. Ita enim fere natura comparatum, ut

*Fortes creentur fortibus & bonis,*

*— nec imbellem feroces*

*Progenerent Aquila columbam.*

Ita si pergis, *jucundo tandem tibi liberi cingent* *armine mensam*. Defensionem regiam clarissimi *Salmasii* nati in miraculum, & gloriam hujus ævi, vidi, & legi, sanè doctam, & elaboratam: sed judicio quorundam mordacem nimis, & dentatam hoc rerum ac temporum articulo. Acres enim ejus passim invektivæ in *Anglos*, quos turpissimi dedecoris invidia ubique onerat, & tanquam latrones, sicarios, perduelles, tyrannos, perfidos, Regni usurpatores, traducit, & impetu magis, ac regnandi libidine, quàm consilio ferri, eumque demum prosperum esse Regni statum qui Regi Majestatem suam aſſerit, nobilitati pristinum decus, populo securitatem, legibus reverentiam, non eum, qui factiosos dominatu impotentissimo tuetur ac conservat. Quidquid horum sit, aliis judicandum relinquo, nec manum cum *Milone* haud temere infero inter hiantes has rimas. Non possum tamen quin doleam casum tanti Regis, non minus tragicum, quàm inauditum, cum ob exempli magnitudinem, tum personæ eminentiam nullo cothurno satis dignè extollendam. Legantur Annales, replicentur Historiæ cum sacræ, tum profanæ, tota excutiat Antiquitas, ubi terrarum tale quid factum? Quis Regum unquam tali supplicio, tali loco, & modo vitam finiit? O purpuræ, ô sceptrorum inconstantiam! Quis adeo stipes, qui ad ea non stupeat? Quem in hac rerum humanarum vicissitudine, judicia DEI inopinata, in Reges ipsos, & potentissimos terrarum Dominos, non moveant

veant, percellant, rapiant? Ita de folio deturbari, & vita privari, quos regalis apex, quos diadema, tanquam Deos in terris, supra communem hominum sortem evexit. Causas non requiro, nec curiosius inquirō, sed instabilitatis sceptrorum exempla, in historiarum monumentis cum serio ad animum revoco, succurrit identidem illud poëtæ: ὁ κύκλος τὰ ἀνθρώπινα; ut & illud Sapientis Hebræi: *Vanitas vanitatum, omnia vanitas*. Nempe hic *Fortunæ* ludus est, cui victimæ haud raro Reges. Quidquid in hoc Mundo magnum, celsum, sublime, augustum, huic fere stat fabula, aut tragœdiæ pars cruenta; ut gloriæ illius partem credas, sceptrā, diademata, purpuram calcasse, & plus in illa, quàm in Ligones sævisse. *Manlium* intuerē, cujus unius dextra *Capitolium* stetit, non stetisset *Roma*, ni *Manlium* populo Romano dedisset *DEUS*; & illius tamen haud multo post sanguine *Capitolina* funestata moenia. O quis post *Scipiones*, *Lentulum*, *Metellum*, *Camillum*, & tot magna nomina, fidat inconstantia rerum humanarum? Quis post *Aristidem*, *Themistoclem*, *Miltiadem*, *Cimonem*, *Periclem*, *Solonem*, *Phocionem*, *Lycurgum*, *Theseum*? Sic *Cræsus* rogam vidit, *Agis* laqueum; coedem conjugis, liberorum, suam *Mauritius*, sub *Phoca*; *Ptolomæus*, & *Iugurtha* vincula; *Alcibiades*, rela; in ediam *Pausanias*, & *Perseus* ille *Macedonia* rex, sceptro simul & libertate spoliatus, spiritum non traxit solum in carcere, sed & effudit. Non alia de causa *Dionysius* ille *Syracusanus* gladium seta equina appensum, è laqueari, capiti suo perpetuò immineri sibi, credidit. *Tiberius* Imperium se tanquam lupum auribus, tenere fatetur & experiendo didicisse, quàm arduum, quamque *Fortunæ* subiectum esset regendi onus.

*Sensit Alexander testa cum vidit in illa  
Magnum habitatorem, quanto felicior hic qui  
Nil cuperet, quàm qui totum sibi posceret Orbem.*

*Dio-*



*Diocletianus* in prædiis suis, & plantariis versari maluit, quàm habenas Imperii moderari. *Salencus* regium diadema, tantum curarum, & solitudinum agmen post se trahere, dixit, ut nemo si sciret id humo tollere dignaretur. Quid mirum? Tricæ enim & spinæ hæc omnis personata felicitas, & falleris si quæris in ea gaudiorum flores. Abeunt hæc vana & nos, sive Reges, sive inopes abimus, nec quidquam firmum, nisi in firmo illo loco. Finio; nec enim libet licentius exspatiari in hoc lugenti campo. Tu Cognate ecquid agas, & inprimis ecquid valeas, fac me tui amantem, certiozem. *Ruytingio* plurimum à me salutem nunciato, quo nihil fieri potest *Διελότιον*. Delphis. xvii. Kalend. Majas. M. DC. L.

## MAILARDO ADRIANI

*Studio S. M. precor.*

**P**rogressus tui specimina non poenitenda, cum gaudio nuper vidi in *Thefibus*, quas nomini meo inscribere visum, prolixi tui affectus, & grati animi testes in eum quem juventutæ tuæ olim ductorem habuisti, & doctorem: sub cujus disciplina dignum te reddidisti *Academia*, & quidem *Batava*, nobili illo *Athenao* tot viris doctis illustri, à quorum institutione, non potes non redire doctior, ac melior. Ut enim aromata odorem semper aliquem adfricant tangenti: sic boni & eruditi, auram aliquam virtutis suæ, ac doctrinæ. Tu modo occasionem arripe quæ se nunc offert, nunquam reditura si elabatur. Quid ætatis sis, vides. In hoc juvenili vere, nisi virtutis, doctrinæque sementem feceris, frustra messẽm exspectes. Ad utramque te hortor. Illa studiorum tuorum sit basis, & fundamentum; hæc ornamentum, & decus. Studia enim sine virtute quid sunt, nisi corpus sine anima? quid virtus nisi eam comitetur doctrina?

Vin'

Vin' dicam ? quod sine sale, sine condimento cibi. Utramque si me audis amplectere. Illa te probum, hæc literatum reddat: illa animam, hæc mentem regat; nunquam gratior futurus tuis & patriæ, quàm in hoc comitatu. *Philosophiam* à te amari video, & probo, sed quæ te quasi manu ducat ad *Theologiam*. Illa famula sit, hæc Domina, cui aliis omnibus posthabitis, seriò ac sedulò immorandum. Quæ tamen ipsa, quoniam sine pietate nulla est, cave, cave *Adolescens*, ne quid labis aut maculæ trahas, ex consortio juventutis maculosæ, quæ liberioris vitæ obtentu, in vitia præceps nimis, & se & alios it perditum suggestione & exemplo. *κακίας γὰρ ῥᾶν μίλαλαβειν, ἢ ἀρετῆς μίλαδ' ἔναι ἐπὶ τῷ νόσῳ μίλαχ' εἶναι μέλλον, ἢ ὑγίαν χειρίσασθαι.* Nam morum hodie quanta sit labes, quæ probrorum, quæ vitiorum alimenta, vides mecum, & doles. *Argum* esse oportet, qui pericula quæ eum à seculi contagio undecunque circumstant, prospicit, & prospecta declinat, ut nauta in navigatione procellam. *Mundus* enim quid nisi labyrinthus cui non melius te expedias, quàm si filum sequaris, non *Ariadne*, sed *Scripturæ*, quæ unica & sola vitæ nostræ norma, & actionum regula: & hæc in cogitationibus tuis, tibi prima sit & antiquissima, ut Deum optimum maximum, à quo uno, quæ verè bona sunt, emanant omnia, humanis rebus, quæ fluxæ nimis, infirmæque sunt longè omnibus anteponas. Vale, & veram virtutem, nosque ama. Delphis. Erid. Kalend. Iun. M. DC. L.

A B R A H A M O H E I D A N O

SS. *Theologiæ Doctori & Professori in Academia Lugd. Batav. S. D.*

Leidam.

PROvinciam nuper oblatam à *Curatoribus Academiae* valde tibi gratulor & *ἐπιβαθείας γυνή-  
μους*

μὴ συγκαίω. Voto meo tandem respondit eventus. Jam pridem enim tibi hanc destinavi. Quis (si probè te novi) muneri huic obeundo aptior? qui à puero, & cum lacte materno innutritus his *Sacris* sapientiæ, te totum devovisti penitiori meditationi rerum divinarum. In qua quantum profeceris, testantur conciones tuæ acres & patheticæ ad populum; testantur docta ingenii tui monumenta, in astruenda veritate, & causa Dei strenue vindicanda, adversus seculi nostri *Novatores* qui velut *Harpyie* contactu omnia fœdant. Cui creicenti malo, quo alio pacto occurri possit non video, quam si Verbo Dei sua asseratur dignitas, & auctoritas: quæ tot testimoniis ornata, & confirmata è cœlo; ringente incassum diabolo, & adversante mundo, hætenus subsistit. Facis, Vir doctissime, & nisi animus me fallit, hanc veram rationem esse judico, amolendi perverfas de *Deo*, & *Verbo* ejus dubitationes, ne dicam errores & hæreses; quæ hodie ubertim nimis luxuriant, sub desultoria illa prophetandi libertate, quam multi infelliciter subtiles (futiles pœne dixeram) sibi vendicant. Qui dum longè sibi præ aliis sapere videntur, minus sapiunt, nimiumque Suffeni, intelligentiæ vias sibi subdolè intercludunt, dum intelligendo sæpe faciunt, nihil ut intelligant *πάντοτε μὴ γινώσκοντες*, & *μὴδέποτε εἰς ὁπίσθασιν ἀληθείας ἐλθεῖν δυνάμενοι*, eo remotiores à vero, quo falsitatem Veritatis obtentu tegunt, & præjudicatis suis opinionibus lenocinantur, conceptus suos adorant & causam agunt non *DEI*, sed hominis, salutis suæ prodigi, & in perniciem suam ingeniosi. Hoc fonte derivata clades, in patriam, populumque fluxit; ut nec aliunde hoc venenum, quod hodie Ecclesiæ propinatur, seque tam licenter & impunè profeminat, vel ex supina Verbi divini ignorantia, vel quod fœdius longè, flagitiosa ejus depravatione. Hinc contentionis studium, hinc dissidia, factiones,



nes, odia, scripta dentata & aculeata hominum male feriatorum, qui ut gloriosis inimicitiiis inclarescant dum se mirantur, & sibi sapiunt, non tam de Veritate, quàm de victoria solliciti sunt. Quanto tu melius, qui veritatem his errorum portentis strenuè opponis, eamque à profanorum hominum dictariis, & sannis vindicas: quæ ut in Verbo quæri debet, ita & in eo inveniri. Extra Verbum Dei quæ proferuntur, humani cerebri figmenta sunt, fraudis latibula, & mera *Satanæ* ludibria. Eoque quàm miseri, quàm deplorandi, qui hoc Verbo destituti, sine Deo, & Christo sapiunt & qui inflati proprio sensu, Verbo huic detrahare aut addere, & sensum ejus adulterare nulli dubitant; aut relicto Verbo, Spiritum jactant, & proprias è cœlo revelationes dignas regi æternis tenebris. Tu Vir magnè, in studio hoc Veritatis persevera, quo nullum utilius, nullum salutaris & ubi non levia aut ludicra petuntur præmia, sed agitur de sempiterna salute animarum. Quidquid ergo in te virium est, quidquid ingenii, doctrinæ, & eruditionis, quidquid donorum, huc confer securus eorum qui etiam optimè dicta aut facta malitiosè detorquent. Officii enim conscientia murus est aheneus ad retundendos omnes impetus calumniarum. *Veritati* sacramentum dixisti, pro ea milita, hanc tuere, & ταῦτα ποιῶν καλῶς ἔσῃ διάκονος. Ἰησοῦ Χριστοῦ ἐν τῇ ἐξομολογήσει τοῖς λόγοις τῇ πίστεως, & τῇ καλῇ διδασκαλίᾳ ἢ παρηκολέθηκας. Μηδεὶς σε καταφρονεῖτω, ἀλλὰ τύπος γίνεσθαι πᾶσι πρὸς τὸν λόγον, ἐν ἀναστροφῇ, ἐν ἀγάπῃ, ἐν πνέματι, ἐν πίστι, ἐν ἀγνείᾳ. Ad totius *Euro*pæ celeberrimum Gymnasium promotus (quo, tanquam ad *Sapientiæ* mercatum omnes undique *Studio*si, certatim confluunt) Juventutem curæ tuæ, & disciplinæ concreditam exerce, doce, instrue, conatibus fave, studia promove; quo tandem emenso studiorum cursu, Patriæ, Reip. Ecclesiæ operam suam devoveant, surculi in

in concidentium arborum locum aliquando depangendi. Vides votum meum, vides affectum, tu Vir humanissime (merito rarioris doctrinae, carum mihi nomen) utrumque amplectere, καὶ σε φιλεῖν ἀνθρώποις. Delphis. M. DC. XLVIII.

## HERMANNO TEGULARIO

*Ecclesia Delphensis Pastori amicissimam salutem.*

**Q**Uæ hæc tam propensa in me humanitas tua, Vir doctissime, quod me tractatu tuo nuper edito cohonestare dignatus es? Mentiar si gratus quidquam accidere mihi potuit à tali viro, vero mysta *Virtutis*, & *Doctrinae*. Quorum me candidatum ingenuè fateor, sed hoc tantum. Quid enim scientia nostra? manca, mutila, superficialia est: quia maxima pars eorum, quæ scimus, minima pars est eorum, quæ ignoramus; ita ut exclamari nobis liceat: *Heu quantum est quod nescimus!* Quid virtus nostra in hac colluvie morum, hac vitæ licentia? Vin' dicam? debilis, & crebris concussionibus obnoxia, quæ nos cum magno illo doctore gentium *Paulo*, interdum violenter abripiunt, tristesque has nobis querelas haud rarò extorquent: Οὐ ὁ θεὸς, τὸ πρὸς ἡμᾶς, ἀλλ' ὁ μισθὸς, τὸ πρὸς τοὺς ἀλλοτρίους: τὸ γὰρ θελεῖν παρὰ κειταί μοι. τὸ δὲ κατεργάζεσθαι τὸ καλὸν ἔχ' ὁρίσκω. Οὐ γὰρ ὁ θεὸς τοὺς ἀγαθὸν, ἀλλ' ὁ δὲ θεὸς κακὸν, τὸ πρὸς ἡμᾶς. Hæc nempe fors fidelium in terris, quamdiu hanc carnem, hoc corpus peccati circumferimus. Nulla, aut rara hic quies, lucta pene perpetua; & beati qui in ea perdurant, assiduumque sibi bellum indicunt, ne tandem incuria sua fiant servi tot dominorum, quot vitiorum. Quæ nisi seriò vigiletur, tanquam herba irrigua ubertimè succrescunt, in perniciem ejus qui hæc tempestivè cordi suo non evellit zizania. Facis, & quidem sedulo, quæ ore, quæ calamo. **Quid enim**

enim aliud *Conciones* tuæ spirant, quam veram & vivam pietatis indolem, & seria ad eam hortamenta? Quid scripta, quàm vitæ sanctitatem, & morum modestiam, individuas fidei comites? Ut liquet ex elegantissimo tuo libello, in quo non alius tibi fuit scopus, quàm ad notas filiationis nostræ in *Christo*, provocare conscientiam eorum qui se Dei filios profitentur, talesque censerì volunt, dum ore magis tales sunt, quàm re, & vita professioni suæ non dico respondent, sed adversantur. Cui morbo ut occurrere non opportunum tantum, sed necessarium iudicasti, effoeto hoc virtutum seculo: ita quæ ponis filiorum Dei *κρίτηρα* ex S. Scripturæ penu deprompta, tam graphicè eos nobis suis coloribus depingunt, ut facile unicuique sit, discernere veros fideles ab hypocritis, & in Ecclesia natos; educatos, insitos, à spuriis, & nothis, de quibus Apostolus ἐξ ἡμῶν ἐξ ἡλδοῦν, ἀλλ' ἐκ ἧσαν ἐξ ἡμῶν· εἰ γὰρ ἧσαν ἐξ ἡμῶν μεμνημένοι· εἰ μὴ ἡμῶν. Quanta interim hic multorum incuria, qui dum parum, aut nihil de salute sua solliciti sunt, salutem tamen certò sibi pollicentur, & ad *Cælum* magnis se passibus grassari credunt, in via quæ ducit ad interitum. Hoc fascino, quot pereunt homines, quot enecantur? hoc lethargo, quot animæ? Desperatam dicam an amabilem insaniam, haud dissimilem lymphatorum, qui quo periculosius laborant, eò hilariores sunt & tum rident quum gravissimè morbo conflitantur: aut somniantium qui thesauros dormientes possident, experrecti, carbones. Ita cum iis comparatum, qui ore tantum, & nomine se Christianos esse digitant, cætera nihil. Larvam demè, perditissimis sunt moribus, & in pocula, libidinem, aleam effusi, ventre felicitatem metiuntur. Quos optem seria lectione libri tui, meliores fieri, & in se descendere, ut quàm longè remoti sint à notis homines verè Christiani, tandem intelligant ac teste conscientia sui ipsi

mo-

moribus erubescant. Salve vir humanissime, iterumque tibi à me gratiæ, quas animitus habeo & habebo, *dum parcent animæ fata superstiti.* Datum Delphis. XII. Januarii M. DC. XLVIII.

FESTUS HOMMIUS,  
J. CRUCIO S. D.

Delphos.

**C**Larissime vir, subjectus fuit heri examini Academico N. N. in quo clarissimis D. D. Professoribus ita satisfecit, ut idoneum judicaverint qui ad lectiones publicas admittatur, & in Collegium nostrum recipiatur. Faxit Deus ut diligentia in studiis, & modestia in moribus Amplissimorum D. D. Curatorum, tuæque, ac nostræ expectationi satisfaciat. Gratias habeo singulares, quod inter amicos tuos & viros eruditos meum quoque nomen referre non fueris dedignatus, in cruditissimis epistolis tuis nuper editis, quæ cum propter styli elegantiam, tum propter rerum dignitatem, atque utilitatem, non tantum à juventute, sed à prudentibus quoque viris accuratè legi merentur. Perge ita, Vir clarissime, de publico optimè mereri, & nomen tuum ab oblivione posterorum vindicare. Deus Opt. Max. laboribus tuis ubertim benedicat, & bonis literis quàm diutissimè incolumem conservet. Lugduni Batavorum.

VOLCKERO ab OOSTERWYCK  
*in Ecclesia Delphensi Verbi Dei Dispensatoris S. D.*

**I**Taliam olim infedisti, illam cultissimam terrarum, quas Sol videt, ac illustrium ingeniorum matrem, & in ea Urbem Venetam, *Orbis* illud miraculum, & *Mundi* panegyrim, inexpugnabile in hunc diem munimentum adversus formidabilem

Iem *Turcarum* vim & potentiam ; addo & Ur-  
 bium augustissimam , si hominum undecunque  
 certatim confluentium frequentiam spectes , si  
 ædium splendorem , si opes , si commercia , si  
 superba Principum palatia , si Tempia , Arma-  
 mentaria, Scholas, Bibliothecas , Collegia , si to-  
 gatos illos Patres , & venerandam senio , pru-  
 dentia , consilio turbam. In qua dum commo-  
 rari tibi datum , quæ se ex tam vario hominum,  
 indigenarum, exterorum, *Græcorum, Indæorum,*  
*Arabum, Persarum* confluxu , in linguis , & re-  
 rum scientia , obtulit proficiendi occasio ? quan-  
 tum studiis accessit robur , quanta animo pruden-  
 tia , & moribus comitas ? Viros enim magnos,  
 regio hæc habet, in quorum amicitiam , & fami-  
 liaritatem, qui se insinuat, non potest ab iis non  
 redire doctior. Nam ut ex contactu aromatum  
 odorem trahimus : ita ex conspectu & alloquio  
 doctorum eruditionem. Vagari, lustrare, discur-  
 rere quis potest , pauci indagare , scrutari , di-  
 scere. Nec alium tibi suscepti itineris finem  
 fuisse scio , immò à te rideri , & sperni desulto-  
 ria illa ingenia , & erroneos illos curiosos , qui  
 terras omnes, mariaque pervolitant , non ut di-  
 scant , sed novitate & varietate rerum , aspectu  
 urbium , jucunda locorum , gentium, terrarum  
 mutatione , oculos pascant , non animum ; qui  
 nisi literata prudentia condecoretur , & amore  
 virtutis, nihili pendo peregrinationem: quæ tum  
 demum cum laude suscepta , cum ab ea quis do-  
 ctior redit , & ad vitam sapienter instituendam  
 paratior. Talis tu mihi, Vir humanissime. Redux  
 enim in Patriam , & vocatione tua defunctus in  
 ædibus illustriss. Ordinum, Legati, cui fuisti à *Sa-*  
*cris*, quantum ex Ministerio , doctorum confor-  
 tio , bonorum familiaritate ; Optimatum allo-  
 quio, librorum rariorum lectione , morum , ri-  
 tum, legum, indagine, & spectabilis illius Reip.  
 regimine , prudentiæ, experienciæ, scientiæ, tibi  
 accessit, copiosè refundis in eos, quorum ædifica-  
 tioni,



tionem, & curæ pastoralis, totum te devovisti in urbe patria. Quo successu, ne tibi blandiri videar, iudicii aliorum res esto. Unum dicam. Conciones tuas mihi allubescere; quia methodicæ, doctæ, elaboratæ, & quod palmarium duco, succinctæ & grata brevitate temperatæ. Modus enim dicendi non est penes dicentem, sed audientem, & brevis concio detinet Auditorem in affectu, qui verbosa nimis prolixitate languescit. Jam si his accedat illibata vitæ innocentia, si in actionibus candor, in moribus integritas, in verbis fides, in conversatione *ἁγιοσύνη*, mirum quantam Ministro conciliant gratiam apud populum, qui molli frano regi mavult, quàm trahi & inescari hoc philtro virtutum, quas sibi imitandas proponunt, qui exemplo præeuntem vident. Extrema non nisi rarò tentanda, & in contumaces. Nemo Medicorum ad hæc recurrit, nisi mirrioribus in salutem adhibitis. Et si non nisi desperatis morbis, qui mali magnitudine clementiora remedia respuunt, itur ad ferrum, quanto magis in curatione Animæ, cujus longè major habenda ratio, quàm corporis? Prolixior eram, sed impediore alligatus Sisyphio meo saxo. Vale Vir doctissime, & me quod facis, ama. prid. Kal. Majas M. DC. L.

PHILIPPO BALDÆO,  
*Literaturæ & Philosophiæ studioso.*

Groeningam.

**L**itteras tuas, *Studiosè*, plena effusissimæ humanitatis, ac benevolentix nuper accepi, vidi, legi, ad quas citius respondissem, nisi graviores curæ, quæ sæpe inopinanter obveniunt, calamum sufflaminassent. Ita nempe dividitur vita hominis, ut non nostri juris esse videamur, sed majorem longè ejus partem labores habeant, & alligatos teneant, ad muneris nostri catenam,

quæ si interdum laxari potest, solvi non debet quamdiu in hoc *Mundi* ergastulo versamur, penso nobis à Deo imposito, defuncturi. Feriant nunc, & operum soluto, venit in mentem, meas à te desiderari, quas ideo longius differre nolui. Progressus tuos in literatura, & in philosophicis vidi; totidem specimina luculenta diligentia tuæ, & ardoris in studiis. Quod laudo. Non aliter enim *Musarum* hæc sacra constant, quæ coli amant & ambiri, nunquam largius *Alumnos* suos remuneraturæ, quàm si blanda importunitate fatigentur. Vitanda hic improba illa *Siren*, desidia, quæ multos hodie fascinat, & otii securioris lenocinio, incautos nimis, arcet ab adytis illis *Sapientia*, quæ non nisi improbo labore parabilis. Tu si me audis, vitæ tuæ cymbulam deflechte ab hac *Charybdi*, *Syrtes* has præterlabere. Quid enim turpius, quàm in *Palladis* palæstra, *διεγύγτε ἄσπετον, κατέλυτε νεώδειον*. Aliò te vocat spes consanguineorum, alio spes Patriæ, quàm nullo alio modo magis demereri potes, quàm si messem studiorum tuorum devotum eas ei, cui te totum debes. Experimento didici nihil esse feracius ingeniis benè natis, cum gnauiter excutiuntur. Ne longius abeam in te video, & in *Phœnice* tuo redivivo, nuper ad me misso, & cuius lectione haud exiguam cepi voluptatem: ita venam sapit, & veterum poetarum elegantiam, quos seriq; à te legi & teri video. Mihi crede, regia hæc via est ad stilum, si *Ciceronis*, *Livii*, *Curtii*, & aliorum lectione condiantur, præsertim *Sallustii* & *Taciti*, qui nervosa sua brevitæ, quidquid plus nimio luxuriat, depascunt, & acrioris iudicii lima deterunt. De valetudine mea si quæris, votiva est Dei gratia, nisi quod interdum importuna illa nimis bonorum ingeniorum, contubernalis *chiragra*, manus invadit, tenet, occupat, calamo ferias indicit ad plusculos dies. Sic quisque suos patimur manes, nec ab iis quies, nisi in superno illo & quieto loco, ad quem

in

in hoc vitæ occafu adfpiramus. Si quid ultra vivere mihi datum in lucro deputabitur ; capitis enim nives me propinquæ mortis admonent : fed quid hic mali, aut novi ?

— omnes una manet nox

*Et calcanda femel via lethi :*

*Et quis queri poteft , fe in ea conditione effe , in qua nemo non eſt ?* Homo natus ſum , & ex quo natus ſum , ducor ad mortem , in parentis magnæ ſinu aliquando recondendus. Vale amiſſiſſime , & benè rem gere. Delphis. VI. Maji clc. lcc. i.

CORNELIO DANKARDO  
*Eccleſiaſta S. D.*

**L**iteris tuis quæ de copula conjugali me nuper fecere certiorē, nihil mihi gratius, nihil parenti tuo & conſanguineis lætius accidere potuit, ita tibi ex voto cecidit hæc alea. Non enim pudicam ſolum, piam, œconomam illexiſti in naſſam matrimonii, ſed & opimè dotatam. O te fortunatum, cui in tanto virtutum cumulo, quæ virum abundè beant, ne quid ad felicitatem deefſe videretur, contigit inſuper irrigari aureo illo imbre, qui olim per impluvium, deſluxit in ſinum *Danaes*. Siccine noſti inefſcare virgines? Tanti nempe eſt commendari à probitate & doctrina, quæ non leve adferunt momentum ambienti compedes conjugales, apud Virgines illas quæ dotes animi præferunt, dubiis illis, & in caſu poſitis fortunæ bonis. O benè ſi unquam compoſitum par ! Felici enim conjugio, quid exoptatius in hac vita, homini accidere poſſit non video : contra quid triſtius, quid calamitoſius, quàm malè & infelici contubernio ſociari ? Vivi enim ſuos patiuntur manes, & damnati miſeriarum ad æternos præludunt cruciatus. Ad ſolennia nuptiarum humaniſſimis tuis litteris invitatum affixit me lari chiragra, ingrata illa do-

ſtorum contubernalis , & importuna nimis ſtudiorum comes. Ita ex tranſverſo inopinatum fere aliquid intervenit , quod nos à conſpectu & præſentia amicorum , nihil tale cogitantes , arceret. Gratia interim tibi à me & à muſis , quod & *Crucii* tui meminiffe dignatus es. Dabitur ſpero aliquando occaſio te & tuam compellandi , ubi per ſerías & valetudinem , liberior mihi erit aditus ad eos , quos nunc affectu tantum complector. Stationem in pago tuo tibi allubefcere gaudio. Duplici nomine mihi felix , ſi & tua. Nam ea demum vera eſt amicitia , etiam in conjugatis , idem velle , idem nolle , & unum idemque ſentire. Dici non poteſt quantam animi tranquillitatem pariat hic conſenſus , quàm validum , etiam marito in exornanda ſua Sparta , auctoramentum. Cujus inprimis habenda ratio , nec certior haberi poteſt , quàm ſi ſereno , ſi deſecrato animo ſtudiis incumbat , de nulla alia re magis ſolicitus , quàm de cura paſtorali , & concionibus docte elaborandis : quæ tum demum placitura populo , ſi demorſos ungues ſapiant. Nam extemporaneos illos qui inpræmeditatè hiſ *Sacris* operantur , & imperati cathedram conſcendunt , qui probem ? Sunt tamen qui blandientis inertia dulcedine , de eo gloriari audent , tanquam de re benè geſta. Alii qui ſubtiles argutiolas frigide affectant , & metuunt intelligi. Alii qui circa verborum & vocum minutias anxie curioſi , corticem tantum attingunt , neglecto Scripturæ nucleo. Alii abditiffima arcana Dei ignorare nolunt , & perperam iis indagandis ſe fatigant , quæ Deus voluit neſciri altique & ſubnixi ambulant , *μείζων τινὰ ἢ κατ' ἀνδραπονον σοφίαν σοφοὶ* : & quod *Socrati* objectum olim *ἀπειργάζοντα* ζητῶντες τὰ τε ὑπὸ γῆν καὶ τὰ ἐπὶ οὐρανῷ. Alii , qui diſputando & altercando tempus , non ſine radio Auditorum operoſè traducunt , de vita & moribus reformandis parum ſoliciti. Male , cum non alia ratione magis , Veritas amittitur ,

tur, quàm qua plerique eam quærunt. Tu, Vir doctissime, excita quidquid in te est curæ, diligentia, contentionis, atque industria, ut animos CHRISTO lucrifacias; huc dirige scopum studiorum, huc labores, ut Ecclesiam ædifices; & fiet si non doctiorem solum eam reddas, sed & meliorem. Quid enim cognitio, sine moribus? quid scientia, sine conscientia? hoc præsertim seculo, quo nullum fertilius Religionum, & sterilius pietatis. Εἰ ταῦτα ὁδοῦτε, inquit Servator noster Christus, μακάριοί ἐστε ἐάν ποιεῖτε αὐτά. Ignatius: & λέγειν μόνον, ἀλλὰ καὶ εἰ ποιεῖτε χρεῖστας: Augustinus, Summa Christianæ Religionis est imitari eum, quem colis. Scientia sine timore Dei, non servat hominem: imò quanto plus scit, tanto gravius judicabitur, nisi sanctius vixerit. Ορδοδοξία fateor seriò, ac sedulo defendi debet contra portentosos hæreticorum errores, ne quid de puritate doctrinæ salutaris decedat. Malè enim vivitur, ubi de Deo & divinis non benè creditur: sed vicissim inutiliter creditur, ubi non benè vivitur, & Christiani non sunt, qui dignam Christiano vitam non agunt. Quid prodest homini scientia, sine conscientia, non ex scientiæ libro, sed conscientia, judicando? Suavior harmonia dari non potest, quàm quum vita linguæ, & lingua vitæ congruit, cum theoriâ comitatur praxis, quæ non modo quæ recta sunt scit, sed facit. Hanc urgere, & inculcare qua publicè, quæ privatim, verè est concionari. Quid enim utilius moveri corrupto hoc ævo potest, quid salutaris in tanta morum licentia, quàm ut verba factis, vita professioni respondeat? Et si probè te novi, facis Vir amicissimè; perge modo, & in hoc laudabili instituto persevera. Datum Delphis. 6. Maji. cld. lcc. L.

## S O N N E T,

*Sur la presentation de mon livre intitulé*  
**THRESOR de L'AME CHRESTIENNE**  
*à mes Damoiselles les Fresles de Portugal,*

L O Y S E  
 A N N E  
 J U L L A N E &  
 S A B I N E.

**N***ymphes dont la splendeur d'une tres-noble race.*  
*Vos tiltres, & vos noms, estevé jusqu'aux*  
*Cieulx;*

*Et de quiles vertus esblouissent nos yeux;*  
*Ornées de beauté, de sçavoir & de grace.*

*C'est à vous qu'ores vient, se presenter en face.*  
*Ce mien œuvre, petit en ce qui est du mien,*  
*Mais au reste si grand, qu'au Monde n'y a rien,*  
*Qui de pres ou de loïn en peut suivre la trace.*

*Car desployez des tres-riches Thresors,*  
*Non ceux qu'aime le Monde, ou qu'on prend sur*  
*les bords*  
*Du Pactole fameux, mais les Thresors de vie.*

*Recevez donc ce don, & de vos chastes doigts*  
*Feuilleter dans ce Livre, les mysteres & loix*  
*De ce grand Dieu des Cieulx, vous incire l'envie.*

JOHAN-

JOHANNI GEORGIO GOETHALSIO  
*Ecclesiæ Delphenfis Pastori S. D.*

**L**ibellum tuum, Vir disertissime, nuper mihi oblatum legi. An gratus fuerit, ne quare, imò gratissimus. Affectum enim si tuum intueor, candidus est, & sine fūco, si stylum, ter-  
 fissimus; si argumentum, grave; sed funestum de obitu magni & invictissimi illius Herois, Principis *Frederici*, dignissimi longiore vita, nisi in meliorem (quanquam summo omnium luctu) commigrasset. Ita sati, ita nati sumus. Ineluctabile illud *Fatum* quem non expectat? quæ pur-  
 pura hic immunis? quod sceptrum, quod diade-  
 ma? Æquissima hæc naturæ lex est, quæ pariter ligat omnes, etiam potentissimos tertarum Do-  
 minos, Imperatores, Reges, Principes, qui re-  
 rum gestarum multitudine *Annales*, gloria *Or-  
 bem* implerunt. Qualis inter alios Princeps no-  
 ster, cui Patria, post Deum immortalem, vitam  
 debet & spiritum, & quidquid magni pro Liber-  
 tate gessit, in summis periculis, inter ardua bel-  
 lorum, tonitruum hostilium iras, inter flammæ  
 & strages, impavidus. Exemplo suo ostendens,  
 virtuti callem semper & ubique patere ad glo-  
 riam, verum generosarum mentium pabulum:  
 quia nihil tam grave excelsis animis, quàm tor-  
 por. Contra nihil generosius, quàm hostem la-  
 cessere, cominus pugnare, stanti instare, modo  
 militem, modo Ducem agere, corpus ad labo-  
 rem durare, regionum, urbium, munimentor-  
 um, vallorum, castrorum, situm; fluminum  
 ostia, alveos fluxus maris, littorum explorare,  
 hostium robur crebris excursionibus fatigare,  
 voce & exemplo in militum animos fortitudi-  
 nem, & honesti ardorem accendere, nihil inau-  
 sum relinquere, lineas, aggeres, vallos, statio-  
 nes, moles, turres, suggestus, loricas, forcipes,  
 lunata & cornuta opera, vineas excitare, in cin-  
 gendis

gendis & expugnandis, natura, situ, arte, milite, comineatu, machinis, apparatu, validissimis oppidis, castellis, munimentis, fortitudine omnino memoranda, strenuisque belli ducibus propemodum desperanda: Factum. Quot enim ut erat Imperii arcanorum scientissimus nefaria consilia hostium detexit, quot molitiones averit, quot prævertit? quot illi Patria urbes debet & munimenta, quot Reip. tranquillitas, vigilias, quot diu noctuque excubias? quantum securitatis, & gloriæ res Batava, vel ad invidiam multorum & stuporem? Quæ quanta sint, hodie demum intelligimus, amisso eo quo majorem consilio, magnanimitate, rei militaris scientia, humanitate ac prudentia, dum vixit, non vidimus. Tanti *Heróis* obitum non minus tragicè, quàm luculenter describis. Et quis te melius, qui ei fuisti à *Sacris*, quem in exercitu comitatus es, quem familiari colloquio, qua eras cum eo in gratia, belli curis, ac molestiis defatigatum monitorum & consolationum tuarum ambrosia & nectare, non semel recreasti, & vacillantem firmasti, cum de concione habita tecum ageret, scrupulos conscientiæ moveret, super fide inquireret, suam exponeret, de sua precibus in pietatis officiis, lentitudine, de luctu carnis cum spiritu, & hominis propensione ad peccatum quereretur? Quæ sedula muneris tui obeundi cura, tantum apud eum potuit, ut etiam fatali morbo, sed meliori vitæ meditandæ opportuno, laborantem, te lecto suo voluerit esse assiduum. Nempe quo animo inter tot vitæ pericula, belli discrimina, tot exantlatos labores, tot perpessâ incommoda, invictus vixerat, eo & mori voluit. Sciebat enim *Princeps* prudentissimus se mortalem, nec à vita solum, sed exitu æstimandam esse hominis fortitudinem, ut si hostes vincere amplius non posset, tamen nec ab hoste, nec à morbis, imò ne à natura quidem deficiente vinci se pateretur. Voto ejus respondit eventus,



tus. Quæ enim animi constantia, qua patientia se composuit ad diem illum decretorium sine metu, sine motu, excipiendum & humanæ conditionis legem, ad quam omnes nati sumus, ut denascamur? Quæ ejus in Christum Servatorem fiducia? quæ beatitudinis futuræ spes? quæ salutis consequendæ cura, seria delictorum pœnitundine, precibus, votis, suspiriis? paratus vitæ spatium non annis amplius & mensibus metiri, sed diebus & horis, eaque constantia excipere ultimam necessitatem, quæ animum sui victorem deceret, deque eo sibi cogitandum, nec extremam horam amplius à se expectari, sed desiderari, Deumque ducentem potius, quàm trahentem sequi. Quid enim vitæ ejus gloriosè transactæ, quid rebus strenuè gestis, quid victoriis ejus & trophæis, quid nominis celebritati per maria ac terras illustri fama propagatæ, majus accedere potuit, quàm beatè mori, & ex hac vita turbida & temporaria migrare in tranquillam illam & æternam, quæ nullis humani eloquii viribus, nullis temporum spatiis circumscribi potest? Interim gratias tibi meæ Musæ pro munere tuo chartaceo, & habituræ quamdiu erunt. Nempè ut *Ulysses* apud *Alcinoum* nihil habet, quod rependat, præter vota & grates: ita ego præter gratum hunc animum, qui mihi æternus in tales vires. Vale mi amicissime cum uxore tua, & tuis *ἡμεῖς φίλων διατέλλω*. Delphis.

JOHANNI CRUCIO

Cognato S. D.

Harlemum;

**C**Onjecti nuper in vincula nuptiarum, & aurea compede compediti *Alexis* & *Amaryllis*, ad vos excurrere minantur, invisuri ut solet, consanguinitate sibi junctos, ne mirare. Sacra hæc aliter non constant, & feriæ hæc ad tempus,

pus, quid nisi præludia sunt instantium curarum & solitudinum, quæ eos manent, qui solitudinem pertæsi, vitæ & tori sociam quarunt, nec ante quiescunt, quàm facti sint magni Ordinis pars. Similes piscibus qui nassam circumnatant, & intratam defugiunt, sed frustra: si multi, quod ambiunt liberi, damnant capti. Quanquam alia spe ducar, si mores eorum probe, si indolem novi. Utriusque enim explorata mihi est cura rem faciendi, diligentia, & præ aliis parsimonia, qua nulla *O Economia* pars compendiosior est, nec ad quæstum paratior. Cui si adspiret divini Niminis gratia, si benedictio, non possum, quin fausta & prospera de iis mihi pollicear; *πάντα γὰρ πόντος ὁρῶντα*. Mirum quid continua, & indefessa possit sedulitas, & *φιλοπρῖα*, turrimus addo & brevissima ad divitias via; fin minus, ut saltem assiduo iis luceat igne focus. Tu quæ Patruus hortare, mone, stimula, & quæ utriusque officia sint, amanter suggere. Idem facturi ubi se ad eam rem feret occasio: *Quid nocet admissio subdere calcar?* Res Indicæ quæ tantam de se olim excitarunt spem, nunc jacent & infati sui limine versari videntur. Deplorandum profecto, tam nobile Patriæ depositum, tam formidabile Reip. stabilimentum ita destitui, nec majorem haberi rationem conservandi ea loca, quæ tanto ære, & sanguine nobis steterunt, & adhuc stant. Satiùs longè fuisset hanc nunquam tentasse aleam, quàm tentatam olim feliciter, nunc afflictam, & pœne conclamatam deferere. Unum opto ut *Patres Patriæ* huic Navi naufragium minanti sint *Palinuri*, & qua sint auctoritate ac prudentia, collapsa erigant, *Societati* noxia tollant, deformata reforment, ut pristino suo splendori restituta, surgant, stent, floreat, quæ jam ad ruinam properare, & occasum suum præfigire videntur. Illa salva rescirci damna poterunt: sin perierit, quid speramus navi perdita? misera spes est, quæ tabula vehitur. *Votiva sic*  
fatis

fatis, Dei gratia, fruor valetudine, nisi quod (ut quisque suos patimur manes) carnifex ille morbus, qui satellites corporis pedes invadit, & instar callidi hostis è longinquo cuniculos agit, & incautum obruit, nonnunquam recurrat. Ferenda ramen ut humana, ut dignum est iis *Sapientiae* studiis quæ tractamus. Quid enim corpusculum hoc quod circumferimus aliud, quàm sarcina, & vehiculum imbecillitatis, fragilitate ipsa fragilius? quid vita, nisi cymbula, quæ ægitudinum & morborum fluctibus assidue pulsatur? Frustra à mari pæata sperantur, post malaciam sævior metuenda tempestas, adversus quam muniendus hic animus saburra patientiæ, unico malorum omnium antidoto. Vacillamus interdum aut labimur? Alacriores surgamus, morè palmæ quæ oneri non cedit, sed obnuitur? Et ut miles, si cecidit, surgit, & animos irasque sumit à casu. Idem nobis sit, & constanter pergamus ad illum *Tranquillitatis* portum, qui sollicitudinem omnium & ærumnarum expers, nos verè efficit beatos. Χαίρει σὺν ψυχῇ, καὶ τέχνῃς ἡμῶν φίλτατον κέλεα. Datum Delphis. 3. Idus April. M. DC. L.

JOHANNI CRUCIO I.F.

*Cognato Medicinae studioso S. D.*

Lugd. Batavor.

**Q**uid? Sicci-ne libata aliquandiu amœniori literatura animum ad Medicinam appulisti? Ita certe oportuit. Immorari his licet tanquam famulis, non immori, quæ tanquam manu nos ducunt ad sublimiora illa studia, quæ (electo certo vitæ genere) ad tumultum nos commitantur. Inter quæ MEDICINA non minimum fortitur locum. Eam enim Romanus ille Sapiens ponit inter artes liberalissimas. *Lucianus* cæteris honoratiorem, *Hippocrates*, summus ille Medicorum

corum princeps, artium nobilissimam prædicat : Alii artium omnium antiquissimam , & cum ipsis pene hominibus natam. Cæteras vel ad voluptatem , vel ad ornatum , vel ad contemplationem magis , quàm ad vitæ necessitatem fuisse excogitatas. Quæ autem major artis necessitas esse potest , quàm ea quæ mentem sanam in corpore sano tueri , & hominem à morborum & ægritudinum carnificina vindicare potest ? Vitam fateor, & animam infundere solius Dæi est : at vitam conservare , & jam fugientem animam sistere, Medici est , & divinitati proximum censerì debet. Ideo summo eam studio coluerunt *Hebraei, Chaldaei, Assyrii, Egyptii* , medicæque artis fama celebres , tanto numero in *Ægypto* floruerunt , ut *Plutarchus* scribere non dubitaverit, omnes *Ægyptios* Medicos haberi. Et certè nulla natio, nulla gens est , quæ hac arte destitui potest. Cujus præsidio nondum nati, nondum geniti egemus. Natis verò & in lucem editis, quid luce hac, qua fruimur, qua vivimus, optabilius ? quid vita carius , quid dulcius ? Contra quid iis in vita dulce, qui calculi carnificina vexantur , & quorum lapidosa chiragra , fatali bonis ingeniis contubernali , franguntur articuli ? haud aliter quàm equuleo distorti ? Quis mori non præoptet, quàm tam miserè vivere ? At hisce malis (ut innumera alia præteream) medetur illa vitæ, illa salutis conservatrix Medicina, sine qua quid totum hoc vivere aliud , quàm concatenata malorum series ? quàm variis æstibus , ventis & tempestatibus jactatum mare ? Quid opes , quid honores , si morbis assiduè confluetur , qui eas possidet ? Quis usus ciborum lethaleriter decumbenti , quis ferculorum ad ea nauseanti ? Quæ voluptas calculoso, arthritico, aut tabe laboranti , si vasis aureis & argenteis mensam instructam videat ? cum absque sanitate nec vita ipsa vitalis sit, aut jucunda , nec adeò ipsum vivere , quàm valere, vera vita. Quid quod non corpori solum,

solum, sed & animo salutaris sit MEDICINA, eoque tanto major & augustior, quod utrumque regat, moderetur, conservet. Corpus enim & Anima tam arcto inter se vinculo copulata sunt, ut motus & affectiones corporis, in animam, ut & animæ in corpus facillimè penetrant. Epilepsia, apoplexia, carus, lethargus, alique id genus morbi, quàm periculosè cerebrum, rationis arcem, & mentis palladium infestant? In Phreneticis, Maniacis, aliisque atra bile laborantibus, quanta animæ, quanta mentis alienatio, à morbido corpore, & dominante in eo, melancholia, quæ animum in consensum trahit.

*Atque affluit humo divina particulam auræ.*

Si *Cambysi* herculeo morbo laboranti, indeque luxata cerebro, dexter fidusque præsto fuisset Medicus, manus suas sanguine fratris, sororis, uxoris & aliorum, non cruentasset? Si *Caligula* corpore & mente valetudinario cerebrum purgatum fuisset elleboro, longè melius vitæ consulisset & nomini. Illa quippe est, quæ furibundos, & insanos ad bonam mentem revocat, depositos restituit, & ad vitæ perducit longinquitatem. Ideo & brutis insitum à natura, medicamentis sanitatem rueri. Ita canes ægritudinis suæ remedium quærunt à gramine, feles à calamintha, hirundines à chelidonia, cervi & capræ à dictamno, ciconia à clystere. Si hæc bruta, quid mirum si homines? Unde & ab omni ævo coli, ornari, exerceri, meruit hæc disciplina, non ab hominibus è trivio, sed magni nominis viris, & sapientiæ magistris, imò & à principibus, regibus, imperatoribus. Inter quos *Achillem*, *Mithridatem*, *Salomonem*, *Antoninos* Impp. & alios huic studio indulgisse testantur animalium monumenta, imò summis honoribus, præmiis donisque prosecutos esse. Ex quorum numero fuit *Persarum* ille rex potentissimus *Darius*, qui *Democedem* Medicum *Susis* basilicis donavit splendidissimis, & ὁμοτέλει

πρὸς

πρὸν suum honoris causa, esse voluit. Sic *Coti*,  
*Thessali*, *Argivi*, *Athenienses*, *Hippocratem* Eleu-  
 sinis sacris secundum ab *Hercule* solenniter ini-  
 tiarunt, coronam eidem auream in theatro pu-  
 blicè decreverunt, civem scripserunt, & in *Pry-  
 tanæo* alimenta tum ipsi tum posteris ejus dede-  
 runt. Et rectè. Τὸ γὰρ ἰατρικὴς, ὅσα σιμωτότερον  
 ἔστι, καὶ τῷ βίῳ χρησιμώτερον, τοῦ ἔτι καὶ ἐλθὺ δε-  
 λιώτερον εἶναι προσήκει τοῖς χαμένοις. Sed quo  
 MEDICINA nobilior est; eo diligentius se-  
 ctanda est ejus scientia. Qua qui destituti sunt,  
 quid nisi homines officiosè necant, & per mor-  
 tes experimenta agunt. Hac parte in homicidio  
 suo aliis feliciores, quod aliorum delicta Sol vi-  
 deat, horum Terra tegat, nullique, impune  
 occidere hominem, datum quàm Medico. Tur  
 Cognate, qui sedulam in hac arte operam navas,  
 quidquid difficultatum & molestiarum sese of-  
 fert, supera, per rumpe, devora. Doctrina enim  
 in MEDICO requiritur, non vulgaris, non su-  
 perficiaria, quæ cutem, quæ corticem tantum  
 stringat, sed quæ in artis medullam, & in viscera  
 penetret. Linguarum cognitio, & præ aliis Græ-  
 cæ hic necessaria, qua artis illius principes *Hip-  
 pocrates* & *Galenus*, docta, ingenii sui monu-  
 menta consignarunt & ad posteritatem transmi-  
 serunt. Adde quod etiam plantarum, morbo-  
 rum, remediorum, instrumentorum, ponderum,  
 mensurarum, innumera pene vocabula Græca  
 sunt, quæ ab agyrtis, & circulatoribus, ut intelli-  
 gi nequeunt, ita rudes & indocti, poriones pro  
 cataplastis, venena pro medicamentis injuriosè  
 seduli in ægrorum perniciem haud rarò adhibent,  
 carnificum potius (quomodo aliter appellem?)  
 quàm medicorum nomine digni. Philosophia  
 naturalis juxta linguas hic quoque apprimè ne-  
 cessaria, quæ tum admirandam hominis fabri-  
 cam, naturam, & corporis ex elementis com-  
 positionem, & temperamentum, tum anima-  
 lium, plantarum, metallorum, lapidum, minera-  
 lia

lium vires scrutatur, & inquit, ut & astrorum influentias in hac sublunaria, & quidquid talium est arcanorum Naturæ. Sed verborum desino, non amoris, qui tam prolixam à me Epistolam expressit. Vale. Plura coram. Delphis Kalend. April. M. DC. L.

THEODORO SCHREVELIO  
& AUGUSTINO SCHREVELIO  
illi Patri, huic filio S. D.

C Armen quod mediis Scholæ turbis, in Laudem *Virginis Batavæ*, ad animi diversionem per intervalla scripsi, & horis pene suffuratis, offerre vobis mihi visum, Viri ornatissimi. Humanitas vestra huc me impulit, & propensio in bonos & eruditos. Nec arbitror, ingratum vobis futurum hoc qualecunque munusculum, qui non tam quod offertur æstimare didicistis, quàm offerentis animum. Pondus si non à me, à *Virgine* saltem accipiat: cuius ut verbis nunquam exæquari potest virtutum magnitudo; ita qui eam laudat, errore non peccat aut affectu. Merentur *δεῖ γὰρ τ' ἀλλ' ἢ νέγες* ingenii dotes, non supra sexum solum, sed fidem: meretur eruditio, quæ varia est, in *Latinis, Græcis, Hebræis, Arabicis*, aliisque linguis, & stylus in scriptione, vel ad *Veterum* elegantiam & qui *Athenas* ipsas, *Hymettum* ipsam redolere videtur. Quid mores? ipsa probitas, ipsa comitas: quid pietas? supra vulgus. Religio? strenua ejus assëtrix, & Veritatis propugnatrix. Certus sum, quicumque propius eam novit, plura haud dubiè, & distinctiora, quàm dixerim, inventurum. Quo fit, ut etiam gloriam (non diffiteor) in eo ponam, inter admiratores ejus numerari. Si supra laudes nostras, ut facit, assurgat, dabitis veniam tenuitati meæ, quæ facile inveniet locum (ita ominor) apud tam æquos arbitros rerum & ingeniorum. Nempe ut olim  
ferunt

ferunt *Augustum* ex fortuito, & tenui apparatu collegisse, quàm esset familiaris sibi Romanus quidam civis, apud quem sequestrata *Majestatis* pompa, coenare dignatus fuerat: idem ego judicium de vobis faciam, si hoc quaecunque venæ meæ (si tamen venæ) ferculum gratum vobis esse intelligam. Placeat, quia simplex, inafectatum, sine fuco. De cæteris non laboro. Omnia mihi detrahantur, doctrinæ nomen, & politioris literaturæ elegantia; studium & amor utriusque maneat, quæ mecum feram ad tumultum. Eodem & vestri amorem. Parum sollicitus quid morosi hic aliqui, & fastidientis palati homines, clam insusurrent, qui alios deprimunt, ut se attollant; & suo nomine obscuri, aliorum inclarescant. Tales quia non nisi vapæ & quisquilæ hominum ridere ego soleo, & contemptum eorum, majore contemptu ulcisci: nec ante mihi, aut bonis placituri, quàm sibi ipsis displicere didicerint. Valete Viri amicissimi, & diu Reip. literariæ bono vivite. Plura non addo: quia ut in vita parsimoniam, sic in verbis amo.

J O H A N N I C R U C I O

*Academiae Candidato S.*

Dordracum.

**E**rgo superatis & positis tandem primis studiorum tyrociniis, dignum te reddidisti *Academia*? Ita oportet. Non semper hæsitandum in eodem luto, nec in eodem pulvere. Erigendus est animus ad altiora, quæ te virum faciant, & idoneum reddant Reipub. cui natus. Quo enim tibi studia, nisi ad hunc scopum, colliment? A quo ne aberres, duo tibi necessaria, *Constantia* & *Ordo*. Ingenium tibi non infelix, tu cura, ut exerceas, & solum illud fertile, assiduo, ut ita dicam, vomere invertas. Cogita quàm in præci-



præcipiti cursu, ætas sit, etiam Adolescentibus. Arripienda occasio, dum sese offert. *ἐν γὰρ τοῖς καυσοῖς τῷ ποταμῷ ἐνέπρηται.* Sed ut in flumine unda undam trudit, nec unquam revocas elapsam: sic in hac fuga temporum, dies diem, nec reparas amissam. Quid? messem vana credulitate, expectas, in juvenili hoc vere, hoc flore ætatis, si sementem facere neglexeris? aut oscitantibus credis eruditionem in ora delabi, & doctrinam sine contentione, sine labore parari? Erras. *Πάντα ὄντα ὄρεμα.* Nihil tam arduum, tam asperum, tam inaccessum, quod non perumpat, vincat, expugnet labor, cui in hoc *Sapientie* mercatu, omnia venalia, non magnis solum, sed mediocribus, atque etiam infra mediocritatem ingeniiis. Sudandum si usquam in Palladia hac palæstra, in stadio hoc litterario, quæ non certantibus, sed vincentibus, non currentibus, sed metam decurrentibus, palmam deferunt. Non aliam institere viam, qui unquam nominis sui fama claruerunt. Hos imitare. Ad solidam enim eruditionem eniti te volo & pleno gradu ad omnia summæ laudis exempla, Hancque parentis defuncti de te spem, hanc expectationem fuisse non ignoras: Cui ut respondeas, omnes industriæ nernos intende, nulli magis profuturus quàm tibi ipsi; & si alacer semper & vegetus, quid non effecturus? Sed & ordinem in studiis requiro, sine quo nihil proficiunt, quorum animi perpetuo peregrinantur, incerti quàm viam sint inituri, dum autorem aliquem, vix primoribus labris libatum, deponunt, aliumque arripiunt ad delectationem, non ad usum, & pruritu magis novitatis, quàm proficiendi desiderio. Sed ut fastidientis stomachi est, multa degustare; sic curiosi & nauseantis animi, permulta vagari. Solidis uno certoque tenore familiariter assuescere, & immorari oportet, ac innutriri. *Quæ varia sunt inquinant, non alunt, & nihil est quod aquè sanitatem impedit* (verba

ba Seneca sunt) quàm remedium crebra mutatio. Qui quo destinat pervenire quo vult, unam sequatur viam, non multas; non ire istud, sed errare est. Ut enim peregrinantibus hoc evenit, ut multa hospitia habeant, nullas amicitias: ita qui nihil serio agunt, sed omnia cursim, & properanter transmittunt: nusquam est, qui ubique est. Cogita Studiosè, & si meo consilio vives, initium tibi sit à literatura, quæ basis & fundamentum sit surgenti doctrinæ ædificio. Exemplo magnorum virorum Politiani, Criniti, Vallæ, Victorii, Turneli, Lambini, quibus illæ studiorum amœnitates ita placuerunt, ut, in iis consensendum pœne sibi esse, dicerent, nec mirum. Est enim ea literarum suavitas, ut hominem totum ad se raptant, raptumque detineant; ea necessitas, ut sine iis alia vix studia sibi constent, Linguis Latinæ & Græcæ strenuè operatus confer te ad Philosophiam: non illam horridam, incultam, & stultè clamoriferam, sed vetustam illam Atticam, ornatam ingenuarum artium splendido comitatu, quæ Academiæ & Lyceum redolet; sed cave huic famulæ adhærescas neglecta Penelope. Via tibi sit & ad sublimiora studia quasi manu ductio, qua instructus paratior accedes ad Theologiam, præmissâ ejus linguæ cognitione, quæ Sacra tractantibus apprimè necessaria; quàm qui ignorant, de textu Hebræo, haud aliter, quàm cæci de coloribus, judicant. Cujus si dignitatem spectes, si usum, omnia ut in ea summa sunt, ita summè te moveant oportet. Dignitas certè ejus linguæ quæ potest esse major, quàm quod linguarum omnium sit mater, quod antiquissima, & nata cum Orbe nato, quod prima generis humani lingua, quod lingua DEI, lingua Angelorum, lingua Prophetarum? Quis usus præstantior, quàm quod ea homo id consequitur, ut sine interprete, eadem lingua, cum Deo, cum Patriarchis, cum Prophetis disertè possit colloqui, & Spiritus Sancti mentem, Scripturæ arcana, Prophetarum oracula doctè

doctè interpretari, & ex fontibus ipsis haurire puriores cælestis doctrinæ aquas? Sed & vitæ morumque præ aliis habenda cura, sine qua quid curæ aliæ, quid labores, quid studia? Vin' dicam? fumus, somnium, umbra, & verbo ut absolvam, N I H I L. Tu Patris vestigia premens, virtutem ama, probitatem amplectere, modestiam cole. Αἶματ' εἰς ἀγαθοῖο φίλον τέκνον: ne degenera, & cum te ad omnem laudis cumulum naturâ genuerit, ratio formarit, voluntas & studium accenderit, ne patiare eas dotes ulla negligentia labe deformari. Cave quæ passim sese offerunt morum contagia, & vitiorum irritamenta, quibus haud rarò inescari hæc ætas solet, & velut Circeò poculo fascinari. Fuge degeneres illos *Academia* incolas, temporis sui & aliorum prædunculos, quibus ociari, inebriari, grafari, quotidiana sunt exercitia, & diurna nocturnaue studia: apud quos spretæ jacent literæ: Literæ solum? immo omnis pudor, probitas, virtus. Fuge (inquam) eos aut declina qui huic blando, & illecebroso vitio plusculum indulgent, non aliter quàm in navigando procellam, syrtes, brevia. Nam *ut flumina per se dulcia, ubi in mare venerint, salescunt: sic Adolescentes haud mali, si in malorum consortia, tactu inquinantur & mixtione, & malignus comes, quamvis candido, rubiginem suam affricat*; estque consuetudo talium eo nocentior, quo venenum suum cautius inspirant, nec obesse eos illico deprehendis, sed obfuisse. In tanta enim morum licentia, quàm facilis sit proclivis vitiorum decursus, quàm contra difficile, illibatam servare animam, *Hypsa* cœcior est, qui non videt. Fœcundiora enim malorum semina sunt, bonorum facilius exarescunt; & ardua virtutum, facilis contra vitiorum imitatio est. Sed quo plus tibi periculi ab hoc morum contagio, eo plus tibi laudis accedet à probitatis tuæ constantia, quàm unice tibi commendo, voveo, precor. Vale, & quæ monui

monui ac me unà ama, & semper: Οὐδέ τις ἐραστὴς  
 ὄστις καὶ αἰὲν φιλεῖ. prid. Kal. Jun. M. DC. L.

## ROBERTO JUNIO

*Ecclesia Delphensis Pastori S.P.D.*

**V**Ita hominis quid nisi peregrinatio est? In te video, Vir clarissime, qui olim, adhuc juvenis, & in prima lanugine, Veritatis Euangelicæ propagandæ studio, INDIAM ipsam petere non dubitasti. Arduum me hercule iter, & periculi plenum, sed & animi, quod Patria, quæ dulcissima aliorum est nutricula, valedicere tibi fuit decretissimum, ut talento tibi à Deo concredito intervalla, sub alio Sole viventes, longè, longè à nobis secernunt. Tantum scilicet potest vocantis Dei manus, quæ nos blanda quadam vi ducit ad ea loca, *ubi nec Pelopidarum facta, neque nomen audeas.* Et hic parere nostrum est, ac stationem à summo illo Imperatore assignatam tueri. Factum à te Vir doctissime. Sed & in hac navigatione, quæ materia ubique sanctæ meditationi? Circumferenti enim oculos per Neptuni regna, quoties subiit mirari stupenda magni illius Mundi Architecti & Rectoris Universi opera, cum his in Cœlum minantes scopulos, illic vada, syrtes, arenas, brevia; alibi sparsas per Oceanum insulas contemplari datum, immensa littorum late patentium spatia, quæ inventu suo maria distinguunt, aut hominum domicilia, aut inhospita ferarum refugia? In mari nunc monstra natantia, pristres, balenas, phocas, quæ homines tanquam pilas habent, & violenta aquarum ejaculatione, naves mergunt, aut cauda dejiciunt: nunc *μαλακίαν* & tranquillitatem, nunc procellas & tempestates, quæ singulis momentis naufragium minari videntur, & mortem intentare navigantibus; fluctus furente borea, non decumanos solum, sed montes

tes aquarum , sub quarum mole , & vi naves fatiscunt , malus crepat , antennæ gemunt , rudentes stridunt , vela , galeæ , aplustria , clavi , ventis ludibrium debent , pallor ubique , metus , trepidatio , ejulatus , suspiria , & plurima mortis imago. Quis tam ferus , aut ferreus , qui ad hoc non expavescat ? non horreat ? quod pectus tam adamantinum , quæ anima tam impiæ , tam profligatæ vitæ , quæ ad se non redeat ? Pericula hæc procul dubio , inter alia tibi fuere haud raro , concionum tuarum argumenta , ad *Neptuni* filios , asperum illud , & durum hominum genus , qui nunquam magis percelli , nunquam acrius in gyrum officii , atque obedientiæ compelli queunt , quàm si mortem oculis sibi imminentem videant. Tot viarum spatia difficillimis itineribus , emensus appulisti tandem in *INDIAM* , & in ea , venientem excepit te Insula nomine , & *re FORMOSA*. In qua alius tibi iterum ex alio labor. In quos enim ibi incidisti homines ? Vin' dicam ? incultos , agrestes , barbaros , homines gentiles , ἐλπίδα μὴ ἔχοντας , καὶ ἂν δέξαι ἐν τῷ κόσμῳ , *Cimmeriis* ignorantia suæ tenebris immerfos , sed labore tuo , vigilantia , familiari alloquio factum , ut non erudiri solum se passi sint , sed instillatis cura tua , & institutione primis *Christianæ Religionis* tyrociniis , ad eò ipsis allubescere cepit , doctrina illa salutis , ut ad conciones tuas , sua lingua habitas , certatim confluerint , ab ore tuo pendentes , haud aliter quàm infantes , ab ubere matrum ; & tandem ejurato paganismo , *Christiani* facti , Sacramento baptismi , *Ecclesiæ* initiari voluerint , non centeni aliquot , sed millia. O lucrum animarum eximium ! O sementem inexspectatam , in tam arido , tam infertili agro ! ô inæstimabilem ! ô auream messem ! magnificentius longè triumphasti quàm *Imperatores* olim *Romani* , equis alibentibus investiti in *Capitolium* : quia illi de hominibus tantum debellatis , tu de portis *Inferorum*,

THM,

*rum*, de regno *Satanae*. Quid animo tuo latius, quid optatius accidere potuit, quàm ministerio tuo tot *Orci* faucibus ereptas animas, Christo aggregari? Scilicet hæc prædicationis *Euangelii* vis est: cui nihil *Christo* duce impervium, nihil inaccessum, & quæ perrumpere amat corda potentius ictu fulmineo. In te vidimus, & gratulamur tibi hæc trophæa, hæc *Averni* spolia. Sed nec laborum tuorum hic finis. Lassus tot itineribus, tot viis & *Batavo* solo cœloque tandem redonatus, operam navas non contemnendam *Ecclesie Delphensi*, quæ vitæ exemplo, quæ concionandi *ἀκρίβεια*, acris morum censor, investivis tuis patheticis, queis posses vel

— *impia*.  
*Mollire Thracum pectora.*

Ita tibi curæ est Theologia illa practica, qua meliores reddantur, qui te audiunt, & vitiis missio repudio, vitæ sanctimoniam quàm ore profitentur, moribus exprimant. Laudabili profecto instituto? hoc præsertim ævo, quo nullum unquam feracius *Religionum* fuit, sterilius pietatis. Quæ enim hodie passim scandala, quæ vitiorum propudia, quæ vitæ licentia, etiam inter eos qui se *Reformatos* nominant, cætera deformatissimi? Maeste, maeste hoc animo, Vir reverende, κήρυξον τὸ λόγον, ὁπίστητι δὲ καί εἶπες, ἀκαίερος, ἑλεῖξον, ὁπίστημι σου, παραχέλισον ἐν πάσῃ μακροθυμίᾳ, καὶ διδασχῇ, & quæ dona in te ubertim contulit Deus, refunde in Ecclesiam, & Christi gregem curæ tuæ pastorali concreditum. Ita te Deus amet, & piis tuis laboribus benedicat. Vale mi amicissime, cum lætissima conjugē, & tuis.

x. Kalend. Majas M. DC. L.

SAMUELI DE LESCHERPIERE  
RIVERO*Ecclesia Gallicana Delphensis Pastori S.P.D.*

**G**Audeo, Vir amicissime, bonam valetudinem jam tecum fideliter in gratiam rediisse. Morbus in quem incideras, gravis sane fuit, & pertinax, qui te ad fati limen, non duxit solum, sed traxit, multorum iudicio depositum, ac conclamatum. Sed *ὁ κύριος* *μνηστὴς*, & velut inopinato, tanquam ex ruina, incendio, aut naufragio servatum, te nobis redonavit *Hygeia*. Ita nempe cœlesti illi Patri visum interdum exercere suos, ut doloribus, & ærumpnis subacti, verum colligant robur; more arborum, quæ quò violentius ventis agitantur, eò altiores in terram radices agunt. Morbi enim quid aliud sunt, quàm virtutum officinæ? afflictio quid nisi constantiæ Theatrum, humilitatis schola, patientiæ palæstra, probitatis coticula, visitationes Dei paternæ? quibus suos in hoc vitæ curriculo tentat, indurat, & sibi præparat; adeo ut quo magis in nos sæviunt mala, eo erectior est animus, omnesque fortunæ ictus fortius excipit, & dejectus, alacrior exsurgit. Non alio nobis coelitus imminuntur, & verè mihi sapere videtur, qui hîc sapit. Contra obniti hic stultum, recalcitrare impium. Nam ut equus natura sternax, & calcitrosus, jugum non excutit, sed durius à fessore habetur: sic homines à Deo quo major eorum in ferendo, impatientia. Quid, quod non alia ferè sit conditio proborum in hac vita. Rara aut, nulla hic quies. Ut enim in mari fluctus semper & undæ: ita in hoc vitæ salo, turbæ semper & vexationes, quibus etiam inculpatissimi mortalium exerceri consueverunt. Scio hæc homini dura videri, & ab iis abhorrere natura, quæ propensa nimis ad mollitiem; sed adversa corporis, remedia sunt animæ. Ut enim

c

fru-

frumentum tritura folliculos exsui ac deponit ;  
 sic nos concussuunculis istis , paleas vitiorum ,  
 quæ plus nimio nobis adhærescunt , & glebæ huic  
 affigunt *divinæ particulam auræ*. Et ut saniores è  
 mari veniunt , qui per nauseam , & vomitum , sen-  
 tinam corporis exhauriunt : ita è procellis hujus  
 vitæ , qui corporis languore , facies animæ eluunt.  
 Segetem intuerè , nunquam fertilior est , quàm  
 cum tempestiva , & acris pruina , eam ad tempus  
 coercet , & injecta velut mora , ad maiorem pro-  
 vocat ubertatem. Ita febris , catharrus , pituita ,  
 pleuritis , angina , calculus , exorbitantes nimis im-  
 petus in nobis , non sufflaminant modò ; sed ad  
 meliorem vitæ frugem movent , perducunt , tra-  
 hunt. Felix qui *Deum* sequi didicit , & cum per  
 morbos , & ægritudines ad se vocat , non refragari :  
 & hoc Christianum pectus decet. Quid  
 enim hæc vita , nisi via ad vitam , sed firmam , sta-  
 bilem , & æternam & cui uni vita hæc vivit ? quid  
 nisi statio , ex qua evocandi cum *Imperatori* visum ,  
 qui nos in ista collocavit , è misera servitute pec-  
 cati , iustis vindictis asserendos aliquando , in li-  
 bertatem filiorum *Dei* , ex lugenti campo ad sem-  
 piternam felicitatem & ex mortalitatis carcere ,  
 ad vitam eam commigraturos ; quæ non solum  
 omnium miseriarum finis est , sed & exordium  
 illius felicitatis , quæ nec temporum metis , nec  
 beatitudinis modo circumscribitur. Prolixius  
 fortean philosophari tibi videor ; sed si quid hæc  
 in parte delictum , affectui meo imputa , quo re-  
 prosequor. Tu Vir doctissime , ut finiam , cave  
 tibi à *recidiva* , & valitudinem tuam curâ diligen-  
 ter. Fiet , si te des ad hilaritatem , & ex animo  
 tuo dispellis , si quæ adhuc ex morbo tristitum co-  
 gitationum resident nubeculæ. Datum Delphis.  
 iv. Kalend. Majas M. DC. r.

JOHAN.



JOHANNI CRUCIO *Ecclesiæ**Harlemensis Pastori, Cognato suo S.*

Harlemuni.

**Q**uanquam non admodum frequens sum  
 in mislatione literarum, tamen cave suspi-  
 ceris quidquam amicitia nostra indignum.  
 Nosti occupationes meas in ergastulo nostro li-  
 terario, quæ calamum scripturientem inopinante-  
 ter sæpè sufflaminant. Valetudinem tuam pro-  
 speram ex filio tuo nuper intelligere fuit mihi  
 pergratum. De mea si quæris, meliusculè nunc  
 habeo. Chiragra aliquandiu laboravi, quæ im-  
 portuna nimis, & invocata supervenit nihil tale  
 cogitanti. Sed optimum malorum antidotum  
 patientia, qua fit ut cum mens se comparare  
 non possit ad ullam seriam curam, ac meditatio-  
 nem, manuum mearum fidiculas æquo animo fe-  
 ram. Vincit enim qui patitur, nec *si malè nunc,*  
*& olim sic erit.* Veniet aliquando illa dies, quæ  
 nos asertos in libertatem, eximet his vinculis,  
 ubi ventum erit, ad fatalem illam metam, quæ  
 nobis omnibus instat attingenda, quo ordine  
 summus ille *Imperator*, quemque ex hoc vitæ  
 præsidio in meliorem sedem evocabit; quæ vere  
 vita dici potest, non hic fundus calamitatis, in  
 quo mortuam vitam, & vivam mortem, in-  
 ter dolores, ac labores trahimus. A. G. (quem  
 innuam facile ariolari potes sine urinatore *De-*  
*lio*; aut ænigmatum conjectore) melancholia vi-  
 deo lenta velut febri comminui, cotidie viri-  
 bus linqui, & in deterius vergere. Tortorem  
 enim domesticum circumfert, & in sinu gerit;  
 qui eo acrior est, quod nullis se patitur alloquiis,  
 nullis monitis deliniri; sed ægritudinem suam  
 fover, panico quodam metu, & imagina-  
 ria mentis inquietudine, quæ eum ab homi-  
 num consortio ita divellit, ut intra privatos pa-  
 rietes,

rietes, tanquam in carcerem ultro se illatebret, sibi & aliis oneri dum nullum bonæ spei vadium, nec salutis aram, afflicto patere sibi persuadet. Olim trophæa *Miltiadis* excitabant e somno magnum illum *Græcia* ducem *Themistoclem*, hunc dormire non finit profunda & pertinax melancholia. Doleo hominis vices, ut & conjugis quæ ex mariti agritudine labem trahit, ut solet in tam arctæ vinculo conjugali junctis. Domesticum verè patientiæ exercitium! Sed ita DEO visum, interdum explorare suos nunc prosperis, nunc adversis. Felix qui in utroque mediocritatem servat. Nam non minus bonorum, quàm malorum intolerabilis est magnitudo. Facultas Theologica per obitum *Spanhemii* adhuc vacat. Majorem certè orbitatem pati non potuit *Academia*. Utinam illa illucescat aliquando dies, qua surrogetur in locum defuncti, qui cum eo paria faciat, sed mihi crede facilius reperietur qui locum subibit, quàm implebit. Doleo sæpe mecum extinctum hoc lumen sæculi, decus virtutum, & principem ingenii, & doctrinæ omnique scientiarum genere cumulatissimum. Sed ita DEO visum, cujus voluntati nostram subjeci par est. Nam assertum ac redonatum patrio cœlo, nobile illud pignus, ac depositum quod fata terris commodarant, si querelis, si votis importunis nimis, revocamus in hanc vitæ scenam, quid nisi in Deum injurii sumus, & in piam illam animam? quæ supra omnem sortis humanæ aleam evecta, ea nunc fruitur beatitudine, quàm nullis *Mundi* thesauris vellet commutatam; cujus virtutes, & supra hominem laudes æstima-bit, & venerabitur sequens ætas, postquam sublata sunt ex oculis. Plura non addo præter solennem epistolæ clausulam, ut valeas, & nos amare perseveres qui te in oculis ferimus. Raptim: datum Delphis propriæ die Kal. Quintileis Cl. Id. L.

RICHARDO WOEDENWAERD,  
ARNOLDO BRANTIO,

&

GULIELMO FABIO.

*Philosophia & Theologiae Studiosis.*

Lugdun. Batav.

**T**Heses vestras nuper mihi oblatas vidi & legi, quæ eo gratiores mihi fuerunt, quod in iis se prodant specimina non pœnitenda progressus vestri in re litteraria. Ita certe oportet. Quæ enim ætas huic promovendæ aptior, Adolescentia? Cujus tum demum habetur ratio, si tota studiis devoveatur. Ma&i hoc animo Adolescentes pergite, pergite inodò in hoc laudis stadio, quod currere cœpistis recto, & felici pede: non alia est ad eruditionem via, non alia ad honores, & ad eum censum, quem ex patriæ ruinis secum asportavit magnanimus *Bias*. Superandum hic generoso conatu quidquid sese offert molestiarum: amplectenda quoque occasio rei benè gerendæ, quæ neglecta tarditatem nostram, & ignaviam non exspectat. Πολυτελέστατον ἀνάλωμα χρέον, cuius si usquam pulchra est avaritia. Ut olim *Themistoclem* Μιλτιάδου trophæa exsuscitabant è somno: sic v&os doctrinæ præmia, *Attalicis* conditionibus longè præferenda, & spoliis *Plutis* patris: quæ omnia ut in casu posita sunt, ita possessa onerant, amata inquinant, amissa cruciant. Quid eruditio? μόνη τῶν κτημάτων ἀναφύετον. Possessorem enim suum nunquam destituit, sed eum ubivis terrarum per mille casus, & vitæ discrimina, ad tumulum usque comitatur. Ad hanc adspirare vos video, & video lubens: quia & vos ex eo numero estis qui à manu nostra, & disciplina prodeunt, & in eam spem educantur, ut aliquando pro parte sua vel Reip. clavum teneant,

vel moderanda Religioni præstare possunt. In quo omine desino, vosque *χαιρεν & ἀπ' αὐτῶν* ex animo voveo. Datum Delphis. x. Maji. cIo. lOc. l.

## S A M U E L I D O R E S L A E R

*Verbi Dei Ministro in Ecclesia Delphenſi*

*vigilantissimo S. P. D.*

**E**Vocatus non ita pridem ex *Hollandia* Septentrionali in Australem, vir disertissime, sedem fixisti *Delphis*, allectus amica & unanimi suffragatione, nec non latis auspiciis, in numerum Pastorum qui in Ecclesia hac ædificanda strenuè desudant. Optimè si quid judico utrique prospectum. Huic quia Virum quærebat iis donis instructum qui muneri suo obeundo par esset, cum doctrinæ soliditate, facundia, consilio, & prudentia, tum vitæ inculpatæ innocentia: Tibi, quia ejus Ecclesiæ regimini præfectum te voluit Cœli favor, quæ inter florentissimas Patriæ, multis palmam præripit, si Magistratus in Religione reformata conservanda studium, in Rep. gubernanda prudentiam, erga literatos benevolentiam, si Pastorum concordiam, si populi in concionibus audiendis ardorem, & frequentiam, si in omnibus pietatem, si morum candorem, & ingenuitatem spectes. Quo quid Verbi Dei Ministro gratius, quid optatius accidere possit non video, qui labores suos, studia, & operam Deo devovit, & Ecclesiæ. Hanc, Vir amicissime, Spartam ut ex animo tibi gratulor, ita egregiè eam ornatum is. Testes conciones tuæ doctæ, elaboratæ, & tali ordine, stilo, & judicio digestæ, ut in iis nihil sit quod insuper desiderari queat. Tanti nempe est studia in scholis, & *Academiis* non leviter, & desultoriè tractari, sed maturari ab iis, qui diviniore huic *Sapientiæ* se consecrarunt. Cujus cum limen vix libarint nonnulli, credunt se penetrâsse. Hinc

*φίλων*

φιλαντία illa , & nimia sui fiducia fatalis ingeniorum pestis , quæ tanquam pestilens aliquod sidus multorum animos afflavit. Qua fit ut minus de concionibus suis elaborandis solliciti , superfluariè tantum iis incumbant , & ὡς ἐν παροῖσιν , rati tum demum se metam studiorum feliciter attigisse , si negligenter , & securè his *Sacris* operentur , & tanquam aliud agentes. Sed ô audaciam ! & in quos verè quadret tritum illud ἐδὲν ἀμαθία θεοῦ τε γιν . Si enim muneris sui præstantiam , ad rectæ rationis lancem serio expenderent , si quid sit *Concionari* didicissent , & si quàm sit totum hominis , cathedram conscendere , ad populum verba facere , Dei oracula , & salutis mysteria interpretari , animas Christo lucrari secum , qua par est reverentia , cogitarent , nec homines solum & *Angelos* , sed & *Deum* ipsum , curæ suæ , aut incuriæ testem esse , imò judicem , eique aliquando reddendam rationem talenti sibi concrediti , alia longè industria , alia animi , alia mentis indagine , sedulitate , diligentia , hæc *SACRA* tractarent. Quorum Majestatem qui seriò perpendit , fieri non potest , quin ex imbecillitatis suæ conscientia , & gravitatè muneris sibi impositi , sacro quodam horrore percitus , nimiam sui confidentiam improbet , accuset , erubescat , omnemque ἀνταρσίαν si quæ animo ejus insedit , extundat , & longè à se amoliatur. Quid ? Verba facturus ad Principem , legatus , non nisi præmeditatè ad eum accedet , & de Divinis , ac Religionis mysteriis , ad populum , parum reverenter , & incuriosè loqui , gloriationis materia erit Suffenis ? qui dum plus nimio sibi placent concionibus suis malè pastis somnum potiùs pariunt , quàm aculeum defigunt in mentibus *Auditorum* , & nihil minus promittunt quàm doctum interpretem. Scripturarum. Tu melius , Vir humanissime , qui non minori φιλαντία , quàm enucleato judicio mentem Spiritus Sancti , arcana fidei scrutaris , in textus me-

monui ac me unà ama, & semper: Οὐδέ τις ἐραστὴς  
 ὅστις καὶ αἰὲν φιλεῖ. prid. Kal. Jun. M. DC. L.

## R O B E R T O J U N I O

*Ecclesia Delphenfis Pastori S. P. D.*

**V**Ita hominis quid nisi peregrinatio est? In te video, Vir clarissime, qui olim, adhuc juvenis, & in prima lanugine, Veritatis Euangelicæ propagandæ studio, INDIAM ipsam petere non dubitasti. Arduum me hercule iter, & periculi plenum, sed & animi, quod *Patriæ*, quæ dulcissima aliorum est nutricula, valedicere tibi fuit decretissimum, ut talento tibi à Deo concredito intervalla, sub alio Sole viventes, longè, longè à nobis secernunt. Tantum scilicet potest vocantis Dei manus, quæ nos blanda quadam vi ducit ad ea loca, *ubi nec Pelopidarum facta, neque nomen audeas*. Et hic parere nostrum est, ac stationem à summo illo *Imperatore* assignatam tueri. Factum à te Vir doctissime. Sed & in hac navigatione, quæ materia ubique sanctæ meditationi? Circumferenti enim oculos per *Neptuni* regna, quoties subiit mirari stupenda magni illius Mundi Architecti & Rectoris Universi opera, cum his in Cœlum minantes scopulos, illic vada, syrtes, arenas, brevia; alibi sparsas per Oceanum insulas contemplari datum, immensa littorum late patentium spatia, quæ inventu suo maria distinguunt, aut hominum domicilia, aut inhospita ferarum refugia? In mari nunc monstra natantia, pristres, balenas, phocas, quæ homines tanquam pilas habent, & violenta aquarum ejaculatione, naves mergunt, aut cauda dejiciunt: nunc *μαλακίαν* & tranquillitatem, nunc procellas & tempestates, quæ singulis momentis naufragium minari videntur, & mortem intentare navigantibus; fluctus furente borea, non decumanos solum, sed montes

tes aquarum , sub quarum mole , & vi naves  
 fatiscunt , malus crepat , antennæ gemunt , ru-  
 dentes stridunt , vela , galeæ , aplustria , clavi,  
 ventis ludibrium debent , pallor ubique , me-  
 tus , trepidatio , ejulatus , suspiria , & plurima  
 mortis imago. Quis tam ferus , aut ferreus , qui  
 ad hoc non expavescat ? non horreat ? quod  
 pectus tam adamantinum , quæ anima tam im-  
 pia , tam profligatæ vitæ , quæ ad se non re-  
 deat ? Pericula hæc procul dubio , inter alia tibi  
 fuere haud raro , concionum tuarum argumen-  
 ta , ad *Neptuni* filios , asperum illud , & durum  
 hominum genus , qui nunquam magis percelli ,  
 nunquam acrius in gyrum officii , atque obedi-  
 tiæ compelli queunt , quàm si mortem oculis sibi  
 imminentem videant. Tot viarum spatia diffi-  
 cillimis itineribus , emensus appulisti tandem in  
 INDIAM , & in ea , venientem excepit te Insu-  
 la nomine , & *IO FORMOSA*. In qua alius tibi  
 iterum ex alio labor. In quos enim ibi incidisti  
 homines ? Vin' dicam ? incultos , agrestes , bar-  
 baros , homines gentiles , ἐλπίδα μὴ ἔχοντας , καὶ  
 αἰδέεσθαι ἐν τῷ κόσμῳ , *Cimmeriis* ignorantia suæ  
 tenebris immerfos , sed labore tuo , vigilantia ,  
 familiari alloquio factum , ut non erudiri solum  
 se passi sint , sed instillatis cura tua , & institu-  
 tione primis *Christianæ Religionis* tyrociniis , adeò  
 ipsis allubescere cepit , doctrina illa salutis , ut  
 ad conciones tuas , sua lingua habitas , certatim  
 confluxerint , ab ore tuo pendentes , haud ali-  
 ter quàm infantes , ab ubere matrum ; & tan-  
 dem ejurato paganismo , Christiani facti , Sacra-  
 mento baptismi , Ecclesiæ initiari voluerint , non  
 centeni aliquot , sed millia. O lucrum anima-  
 rum eximium ! O sementem inexpectatam , in  
 tam arido , tam infertili agro ! ô inestimabilem !  
 ô auream messem ! magnificentius longè trium-  
 phasti quàm *Imperatores* olim *Romani* , equis al-  
 bentibus investiti in *Capitolium* : quia illi de homi-  
 nibus tantum debellatis , tu de portis *Infero-  
 rum*,

*rum*, de regno *Satanæ*. Quid animo tuo lætius, quid optatius accidere potuit, quàm ministerio tuo tot *Orci* faucibus ereptas animas, Christo aggregari? Scilicet hæc prædicationis *Euangelii* vis est: cui nihil *Christo* duce impervium, nihil inaccessible, & quæ perrumpere amat corda potentius ictu fulmineo. In te vidimus, & gratulamur tibi hæc trophæa, hæc Averni spolia. Sed nec laborum tuorum hic finis. Lassus tot itineribus, tot viis & Batavo solo cœloque tandem redonatus, operam navas non contemnendam *Ecclesia Delphensi*, quæ vitæ exemplo, quæ concionandi ἀρεταῖς, acris morum censor, investivis tuis patheticis, queis posses vel

— *impia.*

*Mollire Thracum pectora.*

Ita tibi curæ est Theologia illa practica, qua meliores reddantur, qui te audiunt, & vitiis misso repudio, vitæ sanctimoniam quàm ore profitentur, moribus exprimant. Laudabili profecto instituto? hoc præsertim ævo, quo nullum unquam feracius *Religionum* fuit, sterilius pietatis. Quæ enim hodie passim scandala, quæ vitiorum propudia, quæ vitæ licentia, etiam inter eos qui se *Reformatos* nominant, cætera deformatissimi? Maeste, maeste hoc animo, Vir reverende, κήρυξον τὸ λόγον, ὅτις ἡ πῦρ ἀκαίερος, ἀκαίερος, ἔλεξον, ὅτις ἡ μῆσος, παρακλέισον ἐν πάσῃ μακροθυμίᾳ, καὶ διδαχῇ, & quæ dona in te ubertim contulit Deus, refunde in Ecclesiam, & Christi gregem curæ tuæ pastoralis concreditum. Ita te Deus amet, & piis tuis laboribus benedicat. Vale mi amicissime, cum lectissima conjugē, & tuis.  
x. Kalend. Majas M. DC. L.



SAMUELI DE LESCHERPIERE  
RIVERO*Ecclesia Gallicana Delphensis Pastori S.P.D.*

**G**Audeo, Vir amicissime, bonam valetudinem jam tecum fideliter in gratiam rediisse. Morbus in quem incideras, gravis sane fuit, & pertinax, qui te ad fati limen, non duxit solum, sed traxit, multorum iudicio depositum, ac conclamatum. Sed *ὁ θεὸς ἰσχυρὸς*, & velut inopinato, tanquam ex ruina, incendio, aut naufragio servatum, te nobis redonavit *Hygeia*. Ita nempe cœlesti illi Patri visum interdum exercere suos, ut doloribus, & ærumnis subacti, verum colligant robur; more arborum, quæ quò violentius ventis agitantur, eò altiores in terram radices agunt. Morbi enim quid aliud sunt, quàm virtutum officinæ? afflictio quid nisi constantiæ Theatrum, humilitatis schola, patientiæ palæstra, probitatis coticula, visitationes Dei paternæ? quibus suos in hoc vitæ curriculo tentat, indurat, & sibi præparat; adeo ut quo magis in nos sæviunt mala, eo erectior est animus, omnesque fortunæ ictus fortius excipit, & dejectus, alacrior exsurgit. Non alio nobis cœlitus immittuntur, & verè mihi sapere videtur, qui hîc sapit. Contra obniti hic stultum, recalcitrare impium. Nam ut equus natura sternax, & calcitrosus, jugum non excutit, sed durius à sessore habetur: sic homines à Deo quo major eorum in ferendo, impatientia. Quid, quod non alia fere sit conditio proborum in hac vita. Rara aut, nulla hic quies. Ut enim in mari fluctus semper & undæ: ita in hoc vitæ sælo, turbæ semper & vexationes, quibus etiam inculpatissimi mortalium exerceri consueverunt. Scio hæc homini dura videri, & ab iis abhorreere natura, quæ propensa nimis ad mollitiem; sed adversa corporis, remedia sunt animæ. Ut enim

c

fru-

frumentum tritura folliculos exsult ac deponit ;  
 sic nos concussuunculis istis , paleas vitiorum ,  
 quæ plus nimio nobis adhærescunt , & gleba huic  
 affigunt *divina particulam auræ*. Et ut saniores è  
 mari veniunt , qui per nauseam , & vomitum , sen-  
 tinam corporis exhauriunt : ita è procellis hujus  
 vitæ , qui corporis languore , fæces animæ eluunt .  
 Segerem intueri , nunquam fertilior est , quàm  
 cum tempestitiva , & acris pruina , eam ad temptis  
 coërcet , & injecta velut mōra , ad majorem pro-  
 vocat ubertatem . Ita febris , catharrus , pituita ,  
 pleuritis , angina , calculus , exorbitantes nimis im-  
 petus in nobis , non sufflaminant modò \* , sed ad  
 meliorem vitæ frugem movent , perducunt , tra-  
 hūnt . Felix qui *Deum* sequi didicit , & cum per  
 morbos , & ægrotudines ad se vocat , non refragari :  
 & hoc Christianum pectus decet . Quid enim hæc vita , nisi via ad vitam , sed firmam , sta-  
 bilem , & æternam & cui uni vita hæc vivit ? quid  
 nisi statio , ex qua evocandi cum *Imperatori* visum ,  
 qui nos in ista collocavit , è misera servitute pec-  
 cati , justis vindiciis asserendos aliquando , in li-  
 bertatem filiorum *Dei* , ex lugenti campo ad sem-  
 piternam felicitatem & ex mortalitatis carcere ,  
 ad vitam eam commigraturos ; quæ non solum  
 omnium miseriarum finis est , sed & exordium  
 illius felicitatis , quæ nec temporum metis , nec  
 beatitudinis modo circumscribitur . Prolixius  
 fortean philosophari tibi videor ; sed si quid hac  
 in parte delictum , affectui meo imputa , quo te  
 prosequor . Tu Vir doctissime , ut finiam , cave  
 tibi à *recidiva* , & valetudinem tuam cura diligen-  
 ter . Fiet , si te des ad hilaritatem , & ex animo  
 tuo dispellas , si quæ adhuc ex morbo tristium co-  
 gitationum resident nubecula . Datum Delphis .  
 iv. Kalend. Majas M. DC. l.

JOHAN.

JOHANNI CRUCIO *Ecclesiæ**Harlemensis Pastori, Cognato suo S.*

Harlemuni.

**Q**uanquam non admodum frequens sum  
 in missatione literarum, tamen cave suspi-  
 ceris quidquam amicitia nostra indignum.  
 Nosti occupationes meas in ergastulo nostro li-  
 terario, quæ calamum scripturientem inopinante  
 sæpè sufflaminant. Valetudinem tuam pro-  
 speram ex filio tuo nuper intelligere fuit mihi  
 pergratum. De mea si quæris, meliusculè nunc  
 habeo. Chiragra aliquandiu laboravi, quæ im-  
 portuna nimis, & invocata supervenit nihil tale  
 cogitanti. Sed optimum malorum antidotum  
 patientia, qua fit ut cum mens se comparare  
 non possit ad ullam seriam curam, ac meditatio-  
 nem, manuum mearum fidiculas a quo animo fe-  
 ram. Vincit enim qui patitur, nec *si malè nunc,*  
 & *olim sic erit.* Veniet aliquando illa dies, quæ  
 nos assertos in libertatem, eximet his vinculis,  
 ubi ventum erit, ad fatalem illam metam, quæ  
 nobis omnibus instat attingenda, quo ordine  
 summus ille *Imperator*, quemque ex hoc vitæ  
 præsidio in meliorem sedem evocabit; quæ vere  
 vita dici potest, non hic fundus calamitatis, in  
 quo mortuam vitam, & vivam mortem, in-  
 ter dolores, ac labores trahimus. A. G. (quem  
 innuam facile ariolari potes sine urinatore *De-*  
*lio*; aut ænigmatum conjectore) melancholia vi-  
 deo lenta velut feбри comminui, cottidie viri-  
 bus linqui, & in deterius vergere. Tortorem  
 enim domesticum circumfert, & in sinu gerit:  
 qui eo acrior est, quod nullis se patitur alloquiis,  
 nullis monitis deliniri, sed ægritudinem suam  
 fovet, panico quodam metu, & imagina-  
 ria mentis inquietudine, quæ eum ab homi-  
 num consortio ita divellit, ut intra privatos pa-  
 rietes,

rietes, tanquam in carcerem ultro se illatebret, sibi & aliis oneri dum nullum bonæ spei vadum, nec salutis aram, afflicto patere sibi persuader. Olim trophæa *Miltiadis* excitabant è somno magnum illum *Græcia* ducem *Themistoclem*, hunc dormire non finit profunda & pertinax melancholia. Doleo hominis vices, ut & conjugis quæ ex mariti agritudine labem trahit, ut solet in tam arctè vinculo conjugali junctis. Domesticum verè patientiæ exercitium ! Sed ita D E O visum, interdum explorare suos nunc prosperis, nunc adversis. Felix qui in utroque medio-ritatem servat. Nam non minus bonorum, quàm malorum intolerabilis est magnitudo. Facultas Theologica per obitum *Spanhemii* adhuc vacat. Majorem certè orbitatem pati non potuit *Academia*. Utinam illa illucescat aliquando dies, qua surrogetur in locum defuncti, qui cum eo paria faciat, sed mihi crede facilius reperietur qui locum subibit, quàm implebit. Doleo sæpe mecum extinctum hoc lumen sæculi, decus virtutum, & principem ingenii, & doctrinæ omnique scientiarum genere cumulatissimum. Sed ita D E O visum, cujus voluntati nostram subjici par est. Nam assertum ac redonatum patrio cœlo, nobile illud pignus, ac depositum quod fata terris commodarant, si querelis, si votis importunis nimis, revocamus in hanc vitæ scenam, quid nisi in Deum injurii sumus, & in piam illam animam ? quæ supra omnem sortis humanæ aleam evecta, ea nunc fruitur beatitudine, quàm nullis *Mundi* thesauris vellet commutatam ; cujus virtutes, & supra hominem laudes æstimabit, & venerabitur sequens ætas, postquam sublata sunt ex oculis. Plura non addo præter solennem epistolæ clausulam, ut valeas, & nos amare perseveres qui te in oculis ferimus. Raptum : datum Delphis propriidie Kal. Quintileis Cl. Id. L.

RICHARDO WOEDENWAERD,  
ARNOLDO BRANTIO,

&  
GULIELMO FABIO.

*Philosophia & Theologia Studiosis.*

Lugdun. Batav.

**T**Heses vestras nuper mihi oblatas vidi & legi, quæ eo gratiores mihi fuerunt, quod in iis se prodant specimina non pœnitenda progressus vestri in re litteraria. Ita certe oportet. Quæ enim ætas huic promovendæ aptior, Adolescentia? Cujus tum demum habetur ratio, si tota studiis devoveatur. Ma&i hoc animo Adolescentes pergite, pergite modò in hoc laudis stadio, quod currere cœpistis recto, & felici pede: non alia est ad eruditionem via, non alia ad honores, & ad eum censum, quem ex patriæ ruinis secum asportavit magnanimus *Bias*. Superandum hic generoso conatu quidquid sese offert molestiarum: amplectenda quoque occasio rei benè gerendæ, quæ neglecta tarditatem nostram, & ignaviam non exspectat. Πολυτελέστατον ἀνάλωμα χρόνου, cujus si usquam pulchra est avaritia. Ut olim *Themistoclem* *Miltiada* trophæa exsuscitabant è somno: sic vos doctrinæ præmia, *Attalicis* conditionibus longè præferenda, & spoliis *Plutii* patris: quæ omnia ut in casu posita sunt, ita possessa onerant, amata inquinant, amissa cruciant. Quid eruditio? μὴν τι κατημάτων ἀναφύεσθαι. Possessorem enim suum nunquam destituit, sed eum ubivis terrarum per mille casus, & vitæ discrimina, ad tumulum usque comitatur. Ad hanc adspirare vos video, & video lubens: quia & vos ex eo numero estis qui à manu nostra, & disciplina prodeunt, & in eam spem educantur, ut aliquando pro parte sua vel Reip. clavum teneant,

vel moderandæ Religioni præesse possunt. In quo omine desino, vosque χαιρεν & ἀπεχθην ex animo voveo. Datum Delphis. x. Maji. cIo. lOc. L.

# S A M U E L I D O R E S L A E R

*Verbi Dei Ministro in Ecclesia Delphenſi*

*vigilantiſſimo S. P. D.*

**E**Vocatus non ita pridem ex *Hollandia* Septentrionali in Australem, vir disertissime, sedem fixisti *Delphis*, allectus amica & unanimi suffragatione, nec non latis auspiciis, in numerum Pastorum qui in Ecclesia hac ædificanda strenuè desudant. Optinè si quid judico utrique prospectum. Huic quia Virum quærebat iis donis instructum qui muneri suo obeundo par esset, cum doctrinæ soliditate, facundia, consilio, & prudentia, tum vitæ inculpatæ innocentia: Tibi, quia ejus Ecclesiæ regimini præfectum te voluit Cœli favor, quæ inter florentissimas Patriæ, multis palmam præripit, si Magistratus in Religione reformata conservanda studium, in Rep. gubernanda prudentiam, erga literatos benevolentiam, si Pastorum concordiam, si populi in concionibus audiendis ardorem, & frequentiam, si in omnibus pietatem, si morum candorem, & ingenuitatem spectes. Quo quid Verbi Dei Ministro gratius, quid optatius accidere possit non video, qui labores suos, studia, & operam Deo devovit, & Ecclesiæ. Hanc, Vir amicissime, Spartam ut ex animo tibi gratulor, ita egregiè eam ornatum is. Testes conciones tuæ doctæ, elaboratæ, & tali ordine, stilo, & judicio digestæ, ut in iis nihil sit quod insuper desiderari queat. Tanti nempe est studia in scholis, & *Academiis* non leviter, & desultoriè tractari, sed maturari ab iis, qui diviniori huic *Sapientiæ* se consecrarunt. Cujus cum limen vix libarint nonnulli, credunt se penetrâsse. Hinc

φίλων-

φιλαυπία illa , & nimia sui fiducia fatalis ingeniorum pestis , quæ tanquam pestilens aliquod sidus multorum animos afflavit. Qua fit ut minus de concionibus suis elaborandis solliciti , superficioriè tantum iis incumbant , & ὡς ἐν παροῖσιν , rati tum demum se metam studiorum feliciter attigisse , si negligenter , & securè his Sacris operentur , & tanquam aliud agentes. Sed ô audaciam ! & in quos verè quadret tritum illud ἐδὲν ἀμαθία θεοῦ τέρεν . Si enim muneris sui præstantiam , ad rectæ rationis lancem serio expenderent , si quid sit *Concionari* didicissent , & si quàm sit totum hominis , cathedram conscendere , ad populum verba facere , Dei oracula , & salutis mysteria interpretari , animas Christo lucrari secum , qua par est reverentia , cogitarent , nec homines solum & *Angelos* , sed & *Deum* ipsum , curæ suæ , aut incuriæ testem esse , imò iudicem , eique aliquando reddendam rationem talenti sibi concrediti , alia longè industria , alia animi , alia mentis indagine , sedulitate , diligentia , hæc SACRA tractarent. Quorum Majestatem qui seriò perpendit , fieri non potest , quin ex imbecillitatis suæ conscientia , & gravitatè muneris sibi impositi , sacro quodam horrore percitus , nimiam sui confidentiam improbet , accuset , erubescat , omnemque ἀνταρσίαν si quæ animo ejus insedit , extundat , & longè à se amoliat. Quid ? Verba facturus ad Principem , legatus , non nisi præmeditatè ad eum accedet , & de Divinis , ac Religionis mysteriis , ad populum , parum reverenter , & incuriosè loqui , gloriationis materia erit Suffenis ? qui dum plus nimio sibi placent concionibus suis malè pastis somnum potiùs pariunt , quàm aculeum desigunt in mentibus *Auditorum* , & nihil minus promittunt quàm doctum interpretem Scripturarum. Tu melius , Vir humanissime , qui non minori φεικλία , quàm enucleato iudicio mentem Spiritus Sancti , arcana fidei scrutaris , in textus me-

nullam penetras, & abditissima Verbi Divini sen-  
 sa eruis, & populo totis Suadæ gratiæque tuæ vi-  
 ribus, meditanda proponis, non minus dilucidè,  
 quàm doctè, gnarus quo polles iudicio nullam  
 Concionis præstantiorem esse dotem, quàm  
 δύειν τῇ σαφεινῇ & ἀπλότῃ, facilitatem ama-  
 re, & obscuritatem fugere tanquam scopulum.  
 Ut enim in conviviiis non parum interest quæ  
 epulæ ratione condiantur: sic in concionibus  
 magni refert quibus animi cogitata verbis enun-  
 cientur. Sed ut in Sole non sumus sine umbra;  
 sic nec in fama, sine livoris, sine calumniæ ali-  
 qua nebula. Ita nunc vivitur, & quamdiu hoc  
 vitæ salum navigamus, tamdiu procellæ; & si in-  
 terdum blandior aura nobis arridet & affulget,  
 ilicò se subducit, & acrior tempestas ingruit.  
 Quanta enim ut cacoëthes est hujus ævi, poene  
 dicam unici ad æmulationes, in multis hodie ad  
 calumniandum propensio? quàm patulæ quo-  
 que sunt mortalium aures, πῶς τὸ ῥᾶδιος ἡ-  
 σθεὶν τῇ διαβολῇ? Sed si quæ obveniant Spar-  
 tania generositate erecta fronte, laudabilique fi-  
 ducia, concoquendæ, eoque enitendum ut vel  
 ultro desinant irarum, vel agræ ex dolore con-  
 tabescant. Animis hic opus est & armis, quæ ra-  
 tio subministrat, quæ sapientia, in quam malo-  
 rum ingruentium agmen nihil potest. Ad  
 omnem enim incursum Sapiens invictus est,  
 atque interritus. Cujus dignitas eo clarius eni-  
 tescit, quo magis telis malevolorum est exposi-  
 tus: quos non melius retundas quàm si sumpta  
 laudabili superbia, eos qui nominis tui famam  
 rodunt, lacerant, impetunt honoratissimo vin-  
 dictæ genere tanquam minorum canum impor-  
 tunos latratus fortiter contempseris & velut affi-  
 lientes fluctus ad illibatæ conscientiæ rupem eli-  
 feris, secutus quid hic aut ille ex *Zoilorum* turba  
 de te sentiat, dicat, blateret. Exemplo nobis hac  
 in parte præeunt ipsi *Gentiles*, solo naturæ lumi-  
 ne ducti. *Xenophon* maledicenti sibi cuidam: Tu,  
 inquit



inquit maledicere didicisti, ego conscientia teste didici maledicta contemnere. *Socrates* ab *Aristophane* publicè in theatro verborum laceratus contumeliis, non modo, non ægrè, molestèque hoc tulit, sed & obvium sibi factum adversarium humaniter compellavit, an se rursus opus haberet ad similem contumeliam. Si hæc in altissimo *Gentilismo*, quo magis in *Christianis*? Vale *ἰμὸς καὶ χαρισμὸς τοῦ μωῦ*, & nos ama.

## DANIELI BRUELIO

*Ecclesiasta S. P. D.*

**S**pei tuæ cymbulam appulisti tandem ad portum diu desideratum, diu exoptatum, ex pulvere scholastico, vocatus ad Ministerium, stationem sanè perhonorificam. Ita nempe Deus prospectum ir suis, qui labores, & studia sua, vel à puero *Sacris* devoverunt. Gratulor, gratulor tibi Amicissime hanc Spartam, quam ego longè præfero omnibus gazis *Persarum*, & *Targi*, aut *Pactoli* auro. Deo enim servire, regnare est. Et in hac exornanda te totum jam occupari scio, ut Ecclesiam tibi concreditam cures, pascas, ædifices, redditurus aliquando rationem summo illi ovium Pastori Christo, qui operarios suos serius, ocyus protrudit in generis humani messiem: ad quam promovendam fidelitate in primis opus, & diligentia, si Deum vocantem spectes, si pretium animarum, quibus lucrandis invigilandum *ὁπκαίρες, ἀκρίεως ἐν πάσῃ μακροθυμίᾳ, & διδασκῇ*. His præsertim temporibus quibus si unquam juxta prædictionem Apostoli, *ἀνδρῶποι εἰσι φίλωνι, φιλόργου, ἀλαζόνες, ὑπερήφανοι, βλάσφημοι, γινώσκοντες ἀπειθεῖς, ἀχάριστοι, ἀνόικοι, ἀσεργεῖ, ἀσπονδοὶ, διάβολοι, ἀκρεατεῖς, ἀνήμεροι, ἀφιλάγαδοι, πρῶδοται, προπετεῖς, τετυφωμένοι φιλήδονοι μάλλον ἢ φιλόθεοι, ἔχοντες μέγαρον δισεβείας, τὴν δυνάμιν αὐτῆς ἡρημένοι: πρὸς τοῖς λύκοι βαρεῖς μὴ φειδόμενοι*

ἄνθρωποι τῷ ποιμνίῳ κεκαυτηριασμένοι τῷ ἰδίῳ σω-  
 εἶδεσιν. Inter tot vada, brevía, ὡς ἵπτος ἐν θαλάσσῃ,  
 quæ potest esse quies? & in tanta morum cor-  
 ruptela, inter tot scandala versanti, quæ un-  
 quam à cura, & sollicitudine remissio? ubi omnia  
 in pejus ruere videmus, & portas inferorum  
 certatim & conjuratis quasi odiis Veritatem im-  
 petere, portenta errorum, ac hæresium profe-  
 minare, in perniciem eorum qui hoc philtro Sa-  
 tanae, se fascinari patiuntur, ac seduci. Ἀλλὰ οὐ  
 νῆρε ἐν τῷ αἵματι κακοπάθησον, τῷ παρακαλεσθέντι  
 φύλαξον, ἔργον πόνησον διαγελισθε, τῷ διακονίᾳ  
 σὺ πληροφόρησον: Ἀἱματεὶ τὰ ταλάλη, & παρα-  
 κάλη & ἔλεος, & μὴ πάσης ὀπιταγῆς, ἵνα ἀνησά-  
 ρμοι τῷ ἀσέβειαι, & τὰς κοσμικὰς ὀπιθυμίας  
 σιωφρόνως, & δικαίως, & δίσεβως ζήσωσιν, ἐν τῷ  
 νῦν αἰῶνι. Ἀντιχρίστῳ τῷ κτὶ τῷ διδασκάλῳ πρὸς  
 λόγον ἵνα δωαλὸς ᾖ, & παρακαλεῖν ἐν τῇ διδασκα-  
 λίᾳ τῇ ὑμῶν ἐκ τῆς ἀντιλήψεως, & φρεναπά-  
 τας ἐλέγχων. Veritati sacramentum dixisti, pro  
 hac sta, pugna, dimica: Illam Deo nixus doce,  
 urge, clama, & dum tibi certamen cum Hydra  
 errorum, strenuè sub vexillo Christi milita, cau-  
 sam ejus defende. Quo stare possit inconcussa  
 adversus homines improbè acutos πλανῶντας &  
 πλανωμένους, qui per cuniculos subvertunt arcem  
 Religionis reformatæ. Διὰ τὸ τοῦ αἵματος σεαυ-  
 τὸν δοκιμὸν παρασλῶμαι τῷ Θεῷ, ἐργάτῳ ἀνεπαί-  
 χλωτον, ὁδοπομῆντα τὸ λόγον τὸ ἀληθείας, ἀνεπί-  
 ληpton μέχρι τῆς ὀπιταγῆς τῷ Κυρίῳ ἡμῶν Ἰησοῦ  
 Χριστῷ. Τὸ τοῦ αἵματος & σεαυτὸν σώσεις καὶ τοῦ  
 ἀκούοντός σε. Vides quæ nunc sint tempora, &  
 quàm fucata omnia, quàm personata in iis ho-  
 die, qui Religionem sub mentitæ pietatis lar-  
 va fervire voluit hominum ingeniis τῷ ἀκόλῳ  
 κηδομένῳ, & dum prophetandi libertatem  
 obtendunt, sub specioso, & plausibili velo ve-  
 ritatis Veritatem produnt: Scorpionum more  
 qui dum ludere paulisper videntur, aut blan-  
 diri,

diri, obliqua cauda feriunt & lethale venenum  
 sopiente morfu incautis inspirant. Tu, vir ami-  
 cissime, toto impetu, & pro virili parte, in eam  
 curam incumbe, in hanc cogitationem mentis  
 aciem intende, ut haud inglorio, nec immeren-  
 ti munus hoc demandatum esse videatur, sed  
 scopus, & summa votorum tuorum eò tendat,  
 ut *Deo*, & *Ecclesiae* pro captu virium, & indus-  
 triæ deserviat, contemptis iis qui præjudiciis,  
 suspicionibus, rumusculis, susurris, fama, & fru-  
 ctu dignitatis exuunt, aut saltem subdolè conan-  
 tur, viros probitate, & doctrina spectabiles.  
 Χαῖρε & ὅτι ἀγάπῃ φιλίας καί γε. Datum Delphis.  
 prid. Kal. Jun. cIo. Ioc. L.

NICOLAO MIDDLEHOUKIO

*Medicinæ Studio S. D.*

Lugd. Batav.

**I**Tane præmissio Philosophiæ naturalis studio,  
 animum dedisti ad Medicinam? Laudo;  
 quia manuductio illa tantum, ad sublimiora,  
 quæ te totum requirunt, poscunt, flagitant. Lu-  
 xisti hætenus circa littus, at nunc immissurus  
 navem in *Altum* illud Medicinæ, quot & quan-  
 ta tibi devoranda, si *Theoriam* spectes, si *Præ-  
 xin*? In *Theoria* tota se tibi aperit Natura; ho-  
 minum, brutorum, avium, piscium, serpen-  
 tum, plantarum, arborum, fruticum, herba-  
 rum, florum, quæ ubique varietate luxuriant:  
 adhæc lapidum, metallorum, mineralium. Hu-  
 mani corporis anatomia, temperamentorum  
 disquisitio, *διερεσία*, *ἀκραισία*: singularium  
 corporis partium morbi, symptomata, mor-  
 borum signa, discrimina, causæ, medicamen-  
 ta, remedia, ad eò ut abdita illa omnia rimari  
 & ingenii acumine emeriri, homine quid ma-  
 jus

jus esse videatur. In praxi quam dubia, & fallaces morborum notæ, sive vultum intuearis ægri, sive oculos observes, verba, motum, pulsus discrimina duri, lenti, formicantis, urinæ nunc crassæ, nunc crassissimæ, albæ, nigræ, prærubræ, pinguis, perturbata: morborum crises, earumque differentias, quæ fida, quæ infida, manifesta, obscura, periculosa, & sine periculo. Quorum quanta sit obscuritas, *ἰατρῶν οὐδὲς* experimento suo olim didicerunt, & indies adhuc discunt, quicunque hanc artem profitentur. Sed cave credas hæc à me moveri, ut te ab hoc studio deterream, sed ut stimulum & calcar addam cuncti. *Δύσκολα γὰρ κἀλα, & nil sine magno vitæ labore dedit mortalibus.* Cur enim Hominem ratione, cur intellectu, & mentis acrimonia, cur ingenio, præ aliis præditum esse voluit Deus, cur magni hujus Mundi simulachrum, *παντα παύων*, universi exemplar? ut non in sui tantum cognitione serio desudaret, sed & in rerum omnium creatarum. Tu Studiose fac, & in hoc ipso vernantis ætatis flore, quidquid in te est virium, acritatis, industriæ huc confer: sed in operoso hoc studio cave, tuo remigio rem geras: pessimus sibi quisque magister; Medicas lectiones frequenta, Medicos adi, & audi, viam quam ostendunt insiste, ordinem præscriptum sequere, qui te per compendia ducat ad eruditionem: *Τὰ δὲ πάντα γὰρ ἀμνημονεύειν*; contra nihil *ἀταξία* Juventuti perniciosius. Vaga enim illa & desultoria studia nulla sunt: *Δυσὶν ὁμιόμεναι, ὅδε τῆρε ἵππες*, non ire illud, sed errare est & tales dum ubique sunt, nusquam sunt: & ut reculæ ac quisquilæ quæ fluminibus innatant, temerè impinguntur in hanc illantve partem: quod hodie spernunt, cras appetunt. Tu cautius. Sed & inter seria curatum, ad jucundam in studiis diversionem, aliquid etiam subsecivæ cogitationis impertiendum lectioni boni aliqujus auctoris, cum Latini tum Græci. In utraque

que nempe paratus, nec minus à cognitione linguarum, quàm rei medicæ peritia commendabilis. Ætatis tuæ florem cogita, & ævi hujus fluxum: quodque *Aneas* apud *Homerum* aurigæ suo dixit, tibi ego:

Αλλ' ἄγε νῦν μέστῃα ἔπειτα σιγαλόεντα  
Δέξαι.

Donec emenso tandem feliciter studiorum cursu, dispicienda tibi sit pedum via, & quærenda ad tempus haud inglorii exilii sedes, in nobili aliqua Academia, aut Montpeliensi in *Gallia*, aut Paravina in *Italia*, à qua titulis *Doctura* insignitus ad nos redeas, & Patriæ, honori atque emolumento esse possis. Plura non addo; nisi ut valeas & nos amare perseveres. Datum Delphis. VI. Jun. clb. lbc. L.

JACOBO E. F. vander DUSSEN S.D.

Lugd. Batavorum.

**S**ilui hætenus, *Studiose*, nec ullæ meæ ad te litteræ. Cave tamen credas animo meo te excidisse. Amo & ingenium tuum, & virtutem, cui natus, & factus. Qualis enim olim fuisti sub disciplina mea, talem te & nunc video. Habet nempe hoc recta, & erecta indoles, ut semper sibi similis sit, in studiis, in vita. Studia ordine te persequi scio, & in linguis, *Ethicis*, *Politicis* eos fecisse progressus, ut ad sublimiora tibi sint quasi manductio. Ita certe oportet. Quid enim nobile illud *Jovis* studium sine linguis? quid sine rinctura aliqua *Philosophiæ* moralis, & scientia rei *Politicae*? quid sine *Historia*, teste illa temporum, magistra vitæ, & nuncia vetustatis? Sed libatis his, totus nunc es in *Jurisprudentia*: semper te eo destinavi, & gaudeo calidè à te tractari. Ætate hac vigente, & florida, cur differas? ea labilis, vita labilis & sæpe post moram poenitentia, imò & indignatio,

tio, *cur distuli?* Fruere, fruere annis nimis fugacibus. Nam vita hæc quid nisi torrens, qui impetu currit & decurrit. Studium in quo versaris eximium, sed & difficile. Quid enim præstantius, quàm iis cognoscendis incumbere, quæ Patriam, quæ Populi salutem spectant? quid augustius quàm in iis navare operam, quorum præsidio *Imperia, Regna, Respublicæ* stant, vigent, florent? Quid difficilius quàm in operoso hoc legum studio identidem occupari & in vasto hoc pelago navigantem, inter tot vada, syrtes, brevia, rectum tenere cursum? Sed difficilia quæ pulchra: ne diffide, sed Euripidæum illud cogita,

——— *ὄντο δὲ κλείας πατήρ.*

Nihil tam arduum, nihil tam altè à natura constitutum, quò diligentia non enititur, quod non expugnat, perrumpit, superat. Ingenium tibi capax & indefessum, memoria felix, mens docilis, iudicium pro ætate subactum: quibus si cultus ut coepit accedat, quid non sublime de te spondeamus? Perge modo, & te dignum gere sanguine è quo ortum ducis. Navigantes cynosuram respiciunt; Tu *Patrem & Patrum*, non aberrabis: Duces quoque juventæ tuæ habes & fautores studiorum, *Viros in Academia magnos, Schotanos, Mastertios, Vinnios*. Hos adi, & audi non deerunt auxiliari: generosa & Herculeæ hæc eminendi via est, honorum & dignitatum pararia. Nam & ex tali ligno *Mercurii*, in locum defunctorum aliquando surrogandi, qui clavum *Reip.* teneant, & *Imperii* habenas moderentur: totidem laborum in studiis promovendis auctoramenta. Sed probitas, & modestia tibi in primis cordi & curæ, sine qua hili non fecerim, aut pili alia. Basis illa tibi & fundamentum, cui superstruas surgentis doctrinæ ædificium. Nihil ab ea desleat, corrupto præsertim hoc ævo, & projecta morum licentia, quæ torrentis instar incautos sæpe rapit, nisi clavo probitatis se regi patiantur. Illa  
cœcum

cœcum primæ ætatis ardorem tanquam suffusa frigida temperat, & naturam in vitia nimis præcipitem, sufflaminat. Cave cave *Studiose*, si me, si te, si parentes, si consanguineos amas, quæ passim se offerunt in *Athenæo* tuo illicia, & vitiorum irritamenta; cave consortia quæ nimis hodie ad luxum, & vanitatem inclinant; quibus haud raro inescari hæc ætas solet, & velut *Circæo* poculo fascinari, dum perdendis tantum frugibus, & opibus alea, Venerè, crapula dilapidandis, nati, nihil solidum amant, nihil magnificum, nihil illustre; sed libertatem consistere arbitrantur, in rerum turpium licentia. Tu melius *Themidis* candidate; facessant longè à te illi, tinea virtutum, honestatis omnis everricula, & *Academia*, si fas dicere, dehonestamenta, qui non tam suggestionem nocent, quàm exemplo, faciuntque ut invisa primò morum protervia, postremò ametur. Habes à *Rectore* quondam tuo, consilium, sive monitum interpretaberis, habes affectum ære vel adamantino firmiorem. Vale, & me ama, constanter idem facturum. Delphis, v. Idus Julias.

M. DC. L.

## SIMONI HELLIO

*Verbi Dei Ministro S. D.*

**H**Ominem ad societatem natum, & factum esse, in te video, Vir amiceissime, qui calibatus solitudinem pertæsus, de vinculo conjugali serio cogitasti, allectus tandem in ejus *Ordinis* numerum, sine quo nec *Mundus* stare, nec societas humana potest. Nisi Patri tuo fuisset hic animus, nec tu esses, nec in te ulla generis tui propagandi cura. Ita nempe de sui conservatione, tacito quodam instinctu, sollicita est rerum omnium natura; & si bruta, si plantæ, quidni & homo, animalium nobilissimum, & ad imaginem Dei conditum? Quis unquam bonus audivit Reip. civis,

civis, qui de suscipienda prole, & liberaliter educanda non cogitaverit? Quæ gens tam barbara, tamque ab omni humanitate aliena, apud quam conjugii nomen, in amore non sit, & in pretio? Quis *Sapiens* unquam ab eo abhorruit, imo quis vel ex ipsa *Stoa*, aut severissima *Catonum* familia, barbam, & supercilium, tori legibus, & amplexibus uxoriis, non submisit? Cum omnibus commune sit, quod communis hominum parens, & naturæ auctor, tam altè, naturæ insinuavit, insevit, indidit, ut hominem pene, & quidquid in eo masculum est, exuisc videatur, qui copulæ illius dulcedine non capitur? Quid enim suavius, quid dulcius, quàm cum ea vivere, quæ non animorum solum, sed & mutua corporum communione tibi est conjunctissima? cum qua perinde, ut tecum loqueris, in cujus sinum, intimos animi affectus, curas, agritudines turò deponis; cujus conscientiam minus, quàm tuam times, quæ te *Unum* loquitur, te unum amat, spirat, cogitat, à te solo pendet, tecum vivere, tecum emori optat; quæ domi, sanum, & incolumem esse gaudet, & quæ fieri potest, servat, afflictum solatur, moerentem reficit, agro opitulatur; quæ præsentia sua, alloquio, risu, jocis, sollicitudines, tanquam animi nebulas, vultus sui serenitate, dispellit; quæ foras eunti, osculum figit, egressum oculis comitatur, absentem desiderat, redeuntem læta excipit, tenet, amplectitur; quæ vineæ instar frugiferæ, dulces tibi dat stirpis tuæ propagines, facitque ut

————— *jucundo tibi liberi*

*Cingant agmine mensam.*

O vitæ delicias, mero melle, & amore stillantes!

O gaudiorum, & amœnitatis veram sedem!

*Quis non malarum quas amor curas habet,*

*Hæc inter obliviscitur?*

Fruere, fruire modo, dum res, & ætas, & sororum  
*flatrium patientur atra*: nam quid hæc humana  
 nisi



nisi iactationes & fluctus? quam exiguum quoque & incertum hoc quod vivimus, quam vitrea corpusculi hujus valetudo, quam dubia spes nostra, quam fallaces! Sed in hac rerum humanarum inconstantia, hac vitæ incertitudine, *Virtutem* ama, & in virtute constantiam; magnum vel in paranda animi tranquillitate adminiculum, vel parata solatium. Utrumque tibi precor, ut rectam ad *Calum*, viam, & salvere te cum tua ju-beo carum mihi caput. Delphis. III. Non. Jul. M. DC. L.

## HENRICO GOEREE

*Theologiae Studioſo S. D.*

**D**iu & sæpe ad te scripturio, *Candidate*, sed nescio quæ identidem ex transverso intercurrent, quæ calamo meo moram injiciunt. Occupationes meas nōsti in operoso hoc munere, in quo alius semper nobis ex alio labor, qui districtos nimis, & distractos nos habet in hoc pulvere, non tamen indecoro ei qui *Sparta* sua probè defungitur. Nam quid Scholæ, nisi seminaria Reipublicæ? Quid Juventus, quam rotidem surculi in concidentium arborum locum aliquando depangendi? Qualem te video, & lætor. Eò enim studia tua perduxisti, ut prævio examine, illi quibus ista curæ, dignum te judicarent, qui conscensa cathedra, ad populum verba faceres. In quo dicendi genere totum te occupari nunc scio, non tamen sine agnata tibi diffidentia. Quam tantum abest ut in te carpam, ut contra mihi planè allubescat. Vis-ne tibi verum verbum dicam? *Peccares nisi sic peccares*. Quæ enim pestis alia, plura ingenia abripuit, quam nimia *φιλαυτία*, & æstimatio sui? Mihi crede *Studioſe*, nihil est quod æquè dignitatem literarum devenustat, quam fatalis illa ignorantia pedisequa, confidentia, qua quod videri quisque vult, hoc & esse se credit.

Malè,

Malè. Quid enim sumus, aut quid scimus? Maxima pars eorum quæ scimus, est minima pars eorum quæ ignoramus. Imo quid scire nostrum, sine illa demissione animi, nisi scientiæ umbra, quæ quo major nobis apparet, eo citius evanescit. At contra eruditio, humilitati & modestiæ superstructa perennat; quia fundus illa, & fundamentum est omnis veræ sapientiæ, quæ non tam de quæsitis secura, quàm de quærendis sollicita est. Hanc virtutem, *Candidate*, in te amo, & si me audis, stimulus tibi sit & calcar ad diligentiam, & φιλομαθίαν. Quo enim quis magis sibi displicet, eò magis adnititur ut aliis placeat: nec unquam magis aliis placiturus, quam si sibi displiceat. Novi, qui quum ingenita sibi modestia, nihil magni de se polliceri auderent, tantam tandem diligentia sua, & indefesso labore, parrhesiam sibi compararunt, ut *Auditoribus* suis sint admirationi, addo & ædificationi. Non alia mihi de te spes, si in ea perseveres. Cui si accedat illa ad quam te hortor vitæ integritas, morum innocentia, animi candor, quid est quod amplius in te requiram? Vin' dicam? nihil, nisi ut me ames, qui te æternum. Vale. De me si quæris, valeo ut soleo, & si non semper optimè, sic tamen ut studiis nostris frui liceat: quod si porrò detur, equidem hac mea sorte contentus vivam. Illam firmitatem, illa *Athletarum* latera non appeto, neque mihi unquam de natura queri veniet in mentem, quæ me corpusculo finxerit infirmiori, gratias agam potius, quod effecerit, ut adversæ valetudinis metu, temperantiam quæ virtus est, & ad virtutem ducit, non invitus amplectar! Delphis. M. DC. L.

## CORNELIO ROTARIO

*Theologiae Studioſo S. D.*

Delphos.

**A** Mari te à me *Rotari* amiciffime , ne mirare ; meretur , inſignis animi tui candor , meretur probitas tua & modestia , ad quam mihi vidēre factus. Utinam Juventus noſtra pleraque hodie talis , quæ cerea heu ! nimis in vitium ſecti , & prona ad faſtum , animique elationem , ubi vel minimum imbuta eſt ſucco aliquo politionis literaturæ . Quo nihil ego pernicioſius eſſe judico , ingeniū benè natis . Quæ enim alia major ſtudioſorum remora , & quid proſectui magis inimicum , quàm proſectus opinio ? Ad doctrinam hortaris ? jam docti ſunt : ad ſapientiam ? ſapiunt : carceres ipsis aperti ad curſum ? metam ſe credunt attingiſſe . Hunc deſidia , & in ſtudiis torpor , cujus dulcedine inefcati , in alto & ſupino otio celſos gerunt animos , de re nulla minus ſoliciti , quàm de ſtudiis , quæ cruda protrudunt in forum , aut in Eccleſiam . Tu contra probè tibi conſcius quàm noxia ſit in *Sacris* nimia feſtinatio , & præcipitantia , & quæ in *Ministerii* Candidato requirantur , ſtudia tua premis , urges , maturas . laudabili me hercule inſtituto ! Sat enim cito , ſi ſat benè . In theoria quanta ſe offert librorum copia , qui te quaſi manu ducunt ad diviniſſis illius *Sapientia* adita ; ſed in iis delectus habenda ratio . Conſulendi , legendi , terendi , non qui boni , ( quis enim eorum finis ? ) ſed optimi , qualis *Calvinus* , *Beza* , *Martyr* , *Zanchius* , *Uſſinus* , *Paraus* , *Molinaus* , *Rivetus* . In præxi viros habes in urbe tua patria , diſertiſſimos verbi divini *Præcones* acres , doctos , ſolidos *ἱργάτας ἀνεπαχύντες* , ὁρδοῦντάς τε λόγον τ' ἀληθείας , & quod caput τύπας τῶν πνεύων ἐν λόγῳ , ἐν ἀναſτροφῇ , ἐν ἀγάπῃ , ἐν πνέματι , ἐν πνεύματι , ἐν ἀγνείῃ .

*αἰρεία*. Hos audi, & adi Conciones quas habent elaboratas, & subactas excipe, exceptas rumina, imitare; nunquam utilius horas tuas collocaturus, quàm si recto pede vestigia eorum premas, in his sacris dicendi exercitiis, in quibus te totum nunc scio occupari. Persevera, ut & in tuo erga me affectu, quem vicissim tibi spondeo *ὁππότε βα-  
σειας ἑυχῆς*. Vale. Nonis Junilis. clo. lbc. E.

## JOHANNI CRUCIO

*Verbi Divini Administro S. D.*

Harlemum.

**M**enses aliquot jam effluxere, & nihil à te auditum. Quid hoc tui silentii? agrotas, an fastidis? aut ut mollius loquar, itane affixus es *Heliconi* tuo, itane *Musis*, libris, studiis, ut nostri pœne memoriam exuisse videaris? Malè: nam si amorem non deferis, non etiam debebas officia amoris, quæ nulla occupatione interrumpi debent. Danda, danda est interdum, animo remissio, & grata nonnunquam diversione feriandum à feriis illis curarum, & importunis occupationibus, quæ nauseam sape, & tadium pariunt plus nimio defatigatis. Neminem quoque tam *Stoicum* esse credo, tam rigido & austero ingenio, tam naturæ, tam sibi infensum, ut ne *Hilaritatis* quidem nomen ferat, omnique amœnitatis gustu genium suum defraudet. Si detur; vere dicam? non amo. Alendus, alendus ille animi Vigor, & quo honestiori, quo dulciori exercitio, quàm missitatione literarum, ad doctos, amicos, consanguineos? aut ambulatiuncula per campos, saltus, valles, montes, plantaria, ubi liber, & solutus operum, *Cælum* suum intuetur, & sub *Cælo* tot *Nature* miracula.

*De Gallia*, quæ ista sunt quæ aures nostras feriunt?

riunt? Incarceratio *Principum*, *Turenii* copiarum, arma *Regii*, apparatus utrinque calidi.

*Et fremitus spumantis equi, strepitusque virorum*

*Tympanaque in mediis spirantia praelia campis.*

Deus bone! quis talium esse solet finis, nisi luctuosus, funestus, exitiabilis? Quam optem redire eos in gratiam cum Rege, & utrinque sedatis animis, concordiae litari & paci, quæ

— optima rerum

*Quas homini novisse datum;*

& unica salutis anchora, rutilissimumque Regni stabilimentum; quod aliàs simultatibus, odiis, factionibus, bellis intestinis lacerari, & *Penthei* instar miserè discerpi testantur *Annales*, docet experientia: quod ut DEUS rerum humanarum arbiter, Regiæ Majestatis vindex, & Imperii statutor, clementissime avertat, animitus rogo, voveo, precor. Res Indiæ in *Brasilia* languidæ adhuc, & lentæ, cum radio Bonorum, & pœne desperatione. Doleo, & quod unum possum votis auxilia opto, & preces interpono, si forte DEUS ΔΕΟΙ ΜΑΧΑΡΑΙ huic ægro mederi dignetur, alluceatque aliquando illa dies, quæ spes nostras collapsas erigat, *Patria* & *Reip.* bono, cujus haud parum interest Batavi Imperii non contemnenda potentia in tuto tandem collocari.

Uxor luxato pede ex casu, cochleæ vitam agit. Ita nihil hîc tutum, non hora, horæ, non momentum, momento: & tamen multi sic vivunt, tanquam semper victuri, cum nulla non hora moriantur. Beatus cui omnis dies postremus, beatior cui omnis hora, beatissimus cui omne momentum. Sexagenaria, & quod excedit, ægrè se recolligit, ut solet ea ætate, quæ paulatim vergit ad occasum, sed & ad spem melioris vitæ, quæ malorum omnium expers, ubi lex Charitas & modus Æternitas, ubi vita non nisi gaudium, & ut cum Psalmista loquar.

: שבע שמחות אחד-פני יהוה נעמות כימינו נצח

At hic inopinata multa homini, & sæpe tristitia jactamur,

jaetamur, concutimur curis aut morbis, fluctus hic semper, saepe tempestates, & ut maximè, ex voto tibi feratur navis, tamen in multos scopulos impingas, multis vadis obhaerescas necessum est. Ita cum *Homero*

— *δέχεται κακὸν ἐν κακῷ αἶσι.*

sed queri hic aut angere stultum; specto, exspecto, & Deum sequor. Is te Cognate, tuam, & tuos servet, & mutuum inter nos amorem. Swalmio, Tegulario, Rullæo salutem dico. Delfis. prid. Idus Junias. M. DC. L.

## ROBERTO JUNIO

*Ecclesiae Delphensis Pastori S. D.*

**F**amiliaritatis nostræ jucunda recordatio, Vir doctissime, facit ut interdum per litteras, sapius ore compellem. Ad utrumque officium, me provocat humanitas tua, quam nisi pari humanitate rependam, ingratitude merito essem postulandus. Quid enim dulcius in vitâ quàm *Amicorum* colloquio, quàm doctorum necessitudine frui? quæ in majori longè apud me pretio,

*quam si quidquid erat non piger Appulus*

*Occultare meus diceret horreis.*

Magnetem ferrum ad se trahere, miramur; sed & docti Magnetes sunt. Habent enim quid in se *ἐλκυστικόν*, quo aliorum animos sibi conciliant, pelliciunt, trahunt. Talis tu mihi. Virtutum enim tuarum illicio, totum me tibi devinxisti. Quæris quæ illæ sint? dicam, & citra palpum; insignis animi tui candor, eruditio, pietas, ingenua affabilitate temperata. Sed ut in Sole non sumus sine umbra: sic nec in fama *Boni*, sine livoris, aut calumniæ aliqua nebula. Nunquam tamen tantum obtreptantium potuit protervia; ut invidiam malevolorum placare velint, virtute relicta, aut temerata conscientia. Nam si quod res est, ad rectæ rationis lancem examines, quantula ista

ista sunt & si iis tantum displiceas, quibus displicere laus est, quid famæ tuæ; quid nomini deedit? Ut in via si canis luto me adspergat, non respergo, sed eluo potius hoc lutum: Ita omnes isti pro caniculis habendi, qui non iudicio, sed impetu, & convitio lādunt; quo meliorem se agnoscit qui petitur. Quia ut picturæ lucem nihil tam illustrat, quàm umbra; sic non melius quàm obrectationi creditor, quales quantique sint viri in Repub. aut in Ecclesia, magni, quorum merita, eò clarius elucent, quò magis obnoxii sunt obloquentium susurris: quos non melius retundas, quàm si masculo, & infracto animo, eos qui nominis tui famam arrodunt, tanquam minorum canum importunos latratus fortiter contemperis, & homines infra iræ tuæ dignitatem positos, & virtutum fastigium, nixus ulibatæ conscientiae fulcro, tanquam muro aeneo, & Icario scopulo, adversus calumniantium assilentes fluctus. Cui si insuper accedat Bonorum suffragatio, & luculenta testimonia eorum qui ratione muneris sui, & probitatis vitæ, fidem merentur, apud æquos & candidos rerum æstimatores, nescio quid ultra desiderari possit, aut debeat, ad nominis alicujus tutelam, adversus eos, qui animas suas, ac linguas mendacio devoverunt. Talia tua sunt, Vir amicissime, quæ summa cum voluptate vidi, legi, perpendi. Ita enim de te, & Ministerio tuo testatur Ecclesia *Soulangeana* apud *Indos*, in Insula *Fermosa* (nam & ibi habes tuos æmulos) & ibidem xiv. annorum spatium commoratum esse, biennium quæ, & quod excedit, *Concristat aris* munere, in Belgica lingua, summa cum ædificatione defunctum: & annos fere xxi. Dei gratia, ac benedictione pagorum multorum incolæ non solum ab idololatria, & morum barbarie liberaveris, sed insuper cultu divino, & Religione Christiana introducta, Ecclesia tanto cum fructu à te fundata est, ut Verbi Divini prædicatione millenas aliquot animas

mas *Satana* faucibus ereptas, CHRISTO aggregaveris. Adeo ut te eximium DEI instrumentum eo loci fuisse, fateantur omnes, & ad multorum admirationem feliciter in agro DOMINI operatum. Adhuc *Indigenis* vitæ integritate, ac sanctimonia præeuntem, magno cum zelo ad salutarem DEI cognitionem perduxisse, cum institutione privata in pagis, matutinis, & vespertinis horis, rumacribus, & patheticis concionibus in lingua *Formosana*, cujus eras peritissimus, labore tam pertinaci, tam improbo, ut solus, ob defectum aliorum, haud raro ter, quater hebdomadatim *Sacris* operari coactus fueris. Quo nomine, non solum DEUM beneficiorum in *Formosanos* à te collatorum remuneratorem in hac vita, sed & in altera, non semel precati sunt, sed & ob indefessam in obeundo munere industriam, & sedulam Ministerii curam, ita acceptum fuisse, ut non Synedrium tantum, sed & omnium *Formosancorum* quotquot erant, votum fuerit, ut diutius ipsis cohabitares; nisi per invaletudinem, amorem *Patriæ* & *Matris* visenda desiderium, tibi ad tuos redeundi fuisset animus; testibus *Iohanne Bavio*, Verbi Dei Administro in *Soulangia*, *Iohanne Slovio* Ministerii Candidato inter incolas *Insula Formosa*, *Cornelio Bequo*, & *Iusto Egidio* Senioribus. Cui tam plausibili testimonio succinit & illud Classis *Zeland.* habitæ *Middelburgi*, his verbis: Reverendus D. *Iunius* antehac Verbi Dei Minister in *Insula Formosa* nuper ex *India* reversus, in conventu Deputatorum Classis *Wallachriæ* ad curam rerum Ecclesiasticarum in *India*, ipsis statum Ecclesiæ Christi apud *Indos* aperuit, & singulatim tempore Ministerii sui XIV. annorum spatio, ex quibus XII. annos commoratus est in *Insula Formosa*, inter gentiles, agrestes, nudos, idololatrias, nempe quo modo DEI gratia, & singulari ejus benedictione, abominanda idololatria istius regionis, magna sui parte turbata, & eversa fuerit, foemina



næ (diabolica verè instrumenta) quæ munus  
 alios instruendi sibi arrogabant, fugatæ, & in  
 exilium missæ, vero & puro DEI cultu in lo-  
 cum earum surrogato, adeò ut multi adulti in  
 cognirione CHRISTI tantum profecerant, ut  
 ab eo supra quinque millia, & quingentos Sacra-  
 mento Baptismi, Ecclesiæ Christi, exceptis pue-  
 ris initiati fuerint; & supra mille in statu con-  
 jugali confirmati. Administrata quoque inter  
 eos communio S. Cœnæ, multorum gaudio, &  
 ædificatione; apertæ Scholæ, præceptores consti-  
 tuti ex ipsis Indigenis, circiter quinquaginta nu-  
 mero, qui *juventutem* non solum in calligraphia  
 exercerent, sed eam unà cum adultis, institutio-  
 ne catechetica, primis Religionis Christianæ  
 fundamentis imbuerent. Quo factum est ut in  
 quibusdam pagis, numerus discipulorum excre-  
 verit ultra sexcentos, Italico charactere scriben-  
 di peritos, ut ejus diversa, vidimus specimina.  
 Inque cum finem à Domino Junio translata in  
 idioma Formosanum omnia Catechismi Christia-  
 ni exotemata, ut Decalogus, Oratio Dominica,  
 Symbolum Apostolicum, Precationes matutinæ  
 & Vespertinæ, adhæc Psalmi nonnulli ad cantum  
 in Ecclesiis nostris receptum, conformati. Qui-  
 bus adminiculis juniores & adulti, eos in doctri-  
 na Christi progressus fecere, ut non solum Ca-  
 techetica & Precationes memoriæ mandatas  
 promptè & expedirè recitaverint; sed multi eo-  
 rum pro re nata, ex tempore, quavis occasione  
 succinctam & Christianam precationem medita-  
 ri, & meditatam eloqui & proferre potuerint.  
 Quæ prolixè nobis constiterunt, non solum ex  
 relatu D. Junii, sed & ex literis Senatus Eccle-  
 siastici Tajovani, ut & ex diario ultimæ visitatio-  
 nis Ecclesiæ habitæ mense Septembr. & Octob.  
 anno 1643. in *Insula Formosa*, per pagos Tava-  
 can, Sincan, Baclou, Mathou, & Soulang, opera  
 D. Simonis Brenii & D. Bavii, cum duobus Depu-  
 tatis ex concilio Tajovano. Quod testor omnium  
 d nomi-

nomine *Somer* Ecclesiast. Flissingan. & deputatus Scriba, *Guilielmus Apollonius*, Eccles. Middelburg. Pastor loco Præsidis absentis. His lectis subiit mirari. tam perfrictæ adhuc frontis inveniri homines, tamque venalis animæ, qui Ministerium tuum, ibidem loci traducere, & fugillare non erubescant. Sed ita fere cum *Bonis* comparatum est, ut eos invidia perpetuò comitetur, ut in Sole ambulantes, umbra. Tu integritate conscientia fretus sperne, sperne, si me audis, hæc hominum propudia, securus unicè quid hic aut ille ex *Momi* satellitio de te sentiat, dicat, cogitet; quia dum omnis illis spes præcisa est tecum unquam paria faciendi, famam allatrare malunt, quàm virtutes tuas imitari. Mihi crede nulla validiora in Calumniam arma sunt, quam ea factis & moribus confutari; exemplo *Philippi Macedonis*, qui gratias se debere dicebat *Atheniensium* Oratoribus, quod convitiis suis redderent se meliorem: dum illos factis conatur refellere. Nam livoris illa spicula quæ iacta in bonos, ut quædam animalia amisso aculeo, torpent. Plura coram. Vale meque, ut facis, amare perge. M. DC. L. prid. Kalend. Jul.

VIRO AMICISSIMO N. N.

S. D.

**F**ilium tuum unicum, ut audio, à prima adolescentia, studiis devovisti: quod laudo. Quid enim utilius, quid liberali indole dignius, quàm iactis literaturæ fundamentis, ad doctrinæ fastigium tandem eniti: quàm ego longè omnibus aliis, quæ vulgus mirari solet, antepono; quia vana illa, lubrica, & in casu posita: hæc constans, firma, stabilis, & quæ possidentem ubivis comitatur: τὰ ὅλιστα ἀνία ἀποδίδωμι. Sed juventutem doles prolixis illis & operosis *Grammaticorum* regulis & præceptis obrui; quod memoriæ magis sint exercitia, quàm iudicii, quæ tyrunculi labo-

laboriosè discunt, ut psittaci suum *χαῖπε*, tanto temporis dispendio, ut anni aliquot ante abeant, quàm ea plenè imbiberint. Et in ea sententia multi tecum, qui hæc ludicra litteraria spernunt, quin & adducta fronte, ac censoria gravitate pronuntiant sine iis Latina disci posse; stultitiam rati, his fatigare *Inventutem*, & præceptorum multitudine tenella obtundere ingenia, quæ citius lusu discant & usu, quàm operosa illa recitationum crambe. Sed ô ridiculos Latinitatis Architectos! Ædificium nemo struit, nisi jacto prius fundamento: illi eruditionem omni ædificio majorem, sine fundamentis: nemo Faber, domum sine perpendicularo, aut amussi: hic curvas tyronum mentes, sine regula. O sapientiam ita sapere! frustra niti præjudicatis sententiis, contra publicam (quando ita volunt) stultitiam. Illa enim licet in minimis, iisque operosis versetur, ita tamen est necessaria, ut neminem unquam magnum evasisse, & ad graviores disciplinas, animum feliciter, appulisse, sit exploratum, nisi defunctis probè tyrociniis, & jactis purioris his literaturæ fundamentis. Quia fundus ea est & basis rectæ & inculpatæ institutionis: qua fit ut rudes ac teneræ puerorum mentes (unde Seminarium Reip. existit) statim & ab ipsis velut incunabulis insuescant congruati, artisque ejus adminiculo, manu quasi ducantur ad ipsos Latinitatis fontes, & veteres Romani eloquii amœnitates, & elegantias. Quæ ut aliunde peti nequeunt quàm ex his rivulis, nec via ad seria tutius, & compendiosius præmonstrari, quàm per hoc crepundia literarum: ita nuper laudabili illustrium *Ordinum* decreto cautum est, ne quis aliam instituendæ juventutis viam inire sustineat, quàm eam quæ publica suffragatione esset stabilita. Haud aliter (si magna licet componere parvis) quàm olim *Alexander* imaginem suam quo certior posteris proderetur, noluit à quovis artifice, vulgò

contaminari : solus eam *Polycletus* ære duceret, solus *Apelles* coloribus delinearet, solus *Pyrgoteles* in gemmis sculperet. Præter hos tres si quis uspiam reperiretur alius manus imagini Regis admolitus, haud secus in eum quàm in sacrilegum vindicaturus. Ita patriæ nostræ Proceres, hanc unius *Vossii* provinciam esse voluerunt, Grammaticam ingenii sui, & industriæ penicillo delineare, cujus una & eadem *Inventuti* perpetuò oberraret imago. Distrahit enim animos discipulorum, præceptorum varietas, & multitudo. Quid quod multorum ingenium, cribro, aut pertuso dolio simile est; perit, & effluit quidquid infunditur, nisi perspicuè, breviter, dextre inculcata, crebra auditione tandem memoriæ obhærescant. Quin ut vascula angustioris, infusam copiosius aquam, respuunt: sic tenella illa pectuscula, onerosam prolixitatem. Qua remota non utilem modo Filio tuo, sed & planè necessariam judico, tanquam unicam ad *Latinitatem*, viam. Cui si scilicet, si gnaviter incumbat, revocatis ad praxin regulis in compositione argumenti, spondeo non poenititurum quidquid etiam laboris in ea consumpserit. Non aliter hæc *Sacra* constant: nucem frangat oportet, qui nucleum esse vult, & *nil sine magno vita labore dedit mortalibus*. Hinc Poëta ne *Herculi* quidem, *Iove* nato, nisi maximis exantlatis laboribus *Cælum* dederunt. Sed de his satis. Tu Vir amicissime, etiam atque etiam vale. Delphis.

RICHARDO WOUDEWARDO

*Theologiae Studioso S.*

Lugd. Batavorum.

ITane Parens non ita pridem visus abiit, &  
*Illuc, unde negant redire quemquam?*

O no-

O nostra imbecillitas ! ô quàm mortales sumûs ! sed in hac mortalitate , quàm plerique mortalitatis suæ immemores ! Quotidie morimur , quotidie pars aliqua vitæ demitur : quotusquisque tamen inter tam densa juvenum ac senum funera, hanc seriò ad animum revocat ? hanc meditatatur ? Cum non dicam in dies, sed singulis poene horis, *Mors* aliquem sibi vendicet, & tanquam *victimam* nil *miserantis Orci* , abducat , hunc per satellitem morbum , illum per casum aliquem violentum, ut mille sunt moriendi modi. Fidem facit experientia , jam nunc quod in aliis vidisti, in te vides. Sed quid hic novum ? Cui nasci contigit, restat *mors* :

*Omnes eodem cogimur, omnium*

*Versatur urna, serius, æcius*

*Sors exitura.*

Hinc *Sapiens* omnem diem sibi ultimum credit, omnem horam supremam : nam punctum est, quod vivitur, & quis in tanta rerum humanarum inconstantia crastinum sibi audeat polliceri ? Sed ut vitæ nec tenax nimis est , sic nec prodigus , in utrumque paratus aut vivere aut mori, si Deo ita visum evocare eum ex hac Mundi statione in meliorem vitam. Commorandi enim nobis hic diverforium, non habitandi dedit. Cogita , mi *Richarde*, quid vita hæc, quid mors, quid fatalis illa sit Naturæ lex. Vitam eripi lugemus ? sed quid nisi vitæ umbra, miseriæ , & calamitatis tabula, peregrinatio molesta, navigatio periculi plena, in procelloso hoc Mundi salo, per brevias, syrtes, scopulos ? in quos ut maxime ex voto tibi feratur navis, fieri vix potest, quin sæpius impingas. Quid ipsa Mors ? portus, statio , quies post tempestatem. Quid doles , quid miseraris his vitæ ærumnis inclinata jam in senium ætate ereptum *Patrem*, & traductum ad vitam illam beatam ? Jam decretoria & fatalis illa lex , quid nisi æterna, & ab Æterno, & si æterna, quis eam infringat ? si ab Æterno quis posset , aut si posset , quis audeat ?

Si à Deo, quid quereris? Culpari ne quid potest in eo, qui Bonus est, imo Bonitas ipsa, & qui nihil vult, nihil decernit, quàm quod bonum suis, & salutare & ubi lucrum, in damno? Mortuus igitur est *Parens*? debuit. Illa ætate, illo morbo? debuit. Lex ita lata: cui refragari stultum, obniti, impium. Parendum potius, & quod vitari non potest, æquo ferendum animo. Optimum quippe malorum condimentum, patientia, & firmissimum in adversis solatium, velle quod Deus vult. A solo enim Deo veram animi quietem, solidum & efficax remedium adversus doloris & luctus acerbitatem, certissimamque ægritudinum quibus in hac vita conflitamur, consolationem peti debere, quis non videt? Illum rogo, ut te firmet, & patientia muniat, Matris nunc viduæ solatium, & familiæ fulcrum. Vale, & me ama, prid. Kalend. Jul. Anno M. DC. L.

## HENRICO RYNDICKIO

*Verbi Divini Administro.*

Pinakeram.

**C**Um morbo periculoso diu luctatus, inter spem & metum, feliciter tandem Dei gratia eluctatus es, restituta valetudine, quam tibi animitus gratulor, & Ecclesiæ, in qua ædificanda seriò desudas. Ita quos Deus interdum dejicit, lætoque affigit, probata aliquandiu eorum patientia, tandem miseretur, & benignè furrigit, ut multo ante mori discant, quàm moriendum. Quid enim aliud morbi, quam mortis prodromi, qui mortalitatem nobis inculcant, & ad metam ducunt, hos citius, illos serius? Beatum illum judico, qui quotidie, etiam in ipso ætatis flore, vitæ suæ summam imponit: quis enim scit quam prope versetur terminus? Si interim Deo vitam nobis prorogare decretum, in lucro deputandum, tantoque diligentius vocatio-

cationis nostræ habenda ratio, quanto major est vitæ nostræ incertitudo. Quod ut à te fieri, mihi est persuasissimum, ita vel hoc nomine lætor, quum video, eos qui ex disciplina mea prodierunt, *Spartam* suam tam egregiè ornare, & muneris sui dignitatem tueri, nec id minus gloriosum duco, quàm aut *Herodoto*, aut *Callistrato* fuit; illi quod *Thucydidem*, huic quod *Demosthenem*, ad ea studia, in quibus uterque postea, principem locum tenuit, excitavit. Quam enim te serio olim, quam amanter ad honesta, & liberalia studia, sim cohortatus, potes recordari: quoties litterarum, & doctrinæ præstantiam, tibi commendavi, & illas quærendas esse opes, quæ possidentem nunquam destituunt; ea colenda studia, quæ sola tranquillitatem animis afferunt, hominemque paulatim ab homine separant, & cum Deo conjungunt: non neglexisti; contulisti cogitationes omnes tuas ad studium veræ laudis, & te facere jam, lætor; facturum etiam multo in posterum diligentius, confido. Quis aliter potest? in tam honorifica Sparta quam nactus es, ubi non de terrenis conquirendis (levia hæc sunt) sed de salute hominum, de lucro animarum agitur: quæ quò pretiosiores sunt, eo major adhibenda est cura, ut CHRISTO lucrifiant. Finio. Tu præsta te mihi, qualem adhuc cognovi, amantem mei, & in amicitia constantem, & quanti tuam laudem facis, quæ tibi maximè curæ est, tantum enitere. Matri viduæ salutem meis verbis. Delphis.

JOHANNI CRUCIO *Cognato S.D.*

Harlemum.

**I**Ncolumem te ad tuos rediisse, tam mihi gratum fuit, quàm quod gratissimum. De valetudine mea si quæris integra adhuc est Dei gratia, & ut diu sit voveo. Hoc præsertim tempore,



quo febres nonnullas grassari videmus, pestifera quadam malignitate formidabiles: qua fit, ut qui in eas incidunt, aut periculosè laborent, aut conclamanti, solito citius ex hac vita discedant. Præludia hæc auguror majoris mali. Qui aliter potest in tanta vitæ licentia, tanta morum barbarie, quæ calles, omnes pudoris, & verecundiæ supergressa, nullis vix amplius monitorum repagulis, compesci se patitur, & inhiberi. Ut mirum non sit iram DEI in peccata hominum accendi, & crescentibus delictis, poenas crescere; quæ eò graviores esse solent, quo major ejus est in tolerandis impœnitentibus patientia, quæ tamen plus nimio lacessita, tandem fit furor. Tristes hic & crebri rumores, hunc quem biduo aut triduo antè in publicum prodeuntem vidimus, subito morbo correptum, illum agentem animam, aliùm vita defunctum, in omni ætate, florenti, decrepita, nullo annorum, nullo sexus discrimine. Totidem ad mortem tempestivè commentandam, hortamenta! ut certa ambiguis, tranquilla turbulentis, solida inanibus præferamus, & citra moram. Quis enim in tanta vitæ incertitudine tot ingruentes morbos, tot indies funera, crastinum sibi audeat polliceri? Extulimus non ita pridem duos eximie pietatis, & doctrinæ *Juvenes*, qui emenso feliciter studiorum suorum cursu in *Academia*, Ecclesiæ militanti ædificanda se totos devoverant, nisi ad triumphantem jam commigrassent. Novi qui lecto repente affixi, gravissimo inter spem & metum morbo conflictantur. *Spranchusium* vires in dies magis magisque deficiunt; lenta febris atteritur, pertinaci & violenta tussi fractus, & judicis *Medicorum* depositus, tendit ad metam, & vergit ad occasum, magno Ecclesiæ luctu. Quid enim illo Viro cum paucis comparando, doctius, quid humanius? quæ illi, in animo probitas, in ore eloquentia, in habitu modestia, in actionibus candor, in alloquio *Ἀνεργοντοια*. &



& affabilitas, in moribus comitas? quanta illi pietatis cura, quantus Veritatis propagandæ zelus, puritatis conservandæ ardor, Ecclesiæ edificandæ studium? quæ ejus in difficillimis & molestissimis temporibus (in quæ olim incidimus) altitudo animi, quæ arduis in negotiis, prudentia ejus & consilium? quæ in componendis dissidiis *μαχεσθούμια*, quæ animi ejus ad concordiam & pacem propensio? Adhuc quæ *Concionum* ejus *ἀρχίβητα*, quæ dicendi libertas, & parrhesia? quam gravia, seria, & pathetica ejus ad populum monita, pro salute animarum vel tuenda, vel recuperanda; quàm acres in mores investivæ? quæis contumacissimos etiam, & Marpesia caute duriores, aut mollire, & percellere; aut si inemendabiles, & desperatæ malitiæ, convincere saltem potuit, & horrorem incutere. Contra quis in erigendis vacillantibus, & sub tentationum pondere, ex sensu anteaactæ vitæ, & remorsu conscientiæ, fatiscientibus, eo paratior & in omni genere officii diligentior? quæ consolationum ejus vis in compellendis ægris, quæ ejus salutaria ad patientiam hortamenta? ardentes ad DEUM preces? quæ agrorum Christiana, & hilaris preparatio ad mortem, tali duce, & comite; ubi animos eorum, consolationum suarum dulcedine, tanquam oleo lætitiæ delibutos, stare jubet imperterritos adversus ignita tela *Satane*, & portas *Inferorum*? Quæ quò majora sunt, eò tristior eorum jactura. Quid tamen est, si summo illi vitæ Arbitro ita visum evocare eum ex hac *Mundi* statione, in coelestem illam *Patriam*, & Ecclesiæ subducere tantum lumen? Ferenda sunt ut humana omnia. Quid enim hic firmum, & stabile? Omnes eodem tendimus. Intervallis distinguimur, exitu æquamur; *Serius ocius sors exitura*, nihilque certum hic, quam hora illa incerta, quæ vitæ terminum, & votis nostris finem imponit. Cogitemus, parati, quandocumque DEO visum, ad ca-

d s

sum,

sum similem : quis scit, quando subeundum ?  
Non anni, mensis, dies, hora nos eximunt, non  
hac ipsa, qua scribo,

*Et certam praesens non habet hora fidem.*

Quid solatii ? inquires, à virtute : quæ secura,

*immotaque cunctis*

*Casibus, ex alta mortalia despicit arce.*

Salve, Vir amicissime, & da operam ut valeas. Li-  
teras tuas vehementer exspecto, & quidem ta-  
les, quales maximè opto. Delphis 12. Kal. Quint.  
M. DC. L.

J U S T O L O D E N S T E N I O

*Verbi Divini Ministro S. D.*

**M**ulta doctis & literatis, ad studium exi-  
miæ laudis adjumenta suppetunt, quæ si  
comitetur voluntas ita haud raro excel-  
lunt, ut ad nominis gloriam expedita quadam,  
& quasi compendiaria via perveniant. In te vi-  
deo, Vir amicissime, qui doctrina, & vitæ tuæ in-  
tegritate, à prima lanugine commendabilis, *Ec-  
clesiæ Soetermerianæ* adificationi operam tuam,  
ab ea legitimè vocatus, hætenus devovisti, tan-  
to cum successu, tanto *Auditorum* tuorum ap-  
plausu, ut sedula muneris tui obeundi cura, haud  
exigua ceperit incrementa. Sed ut aromatum  
ea vis est, ut odorem suum longè à se diffun-  
dant : ita tu pietate & doctrina, nominis tui fa-  
mam : quæ usque eò ad externos percrebuit, ut  
de te vocando cogitarit ecclesiæ, quæ *Stusa* est in  
*Flandria*, & jam vocatum obtinuerit. Perge,  
vir doctissime, in isto ad laudem cursu : Viam ini-  
isti quæ te eò ducit, studium nempe in susci-  
piendis ecclesiæ causa laboribus, constantia in per-  
ferendis, in conversatione humanitas, in consue-  
tudine, in alloquio familiarium comitas, in affli-  
ctis sublevandis *medicamenta*, voluntatis denique  
propensio ad optima quæque singularis. Quo tibi  
nomine vehementer gratulor, & ut perpetuo à  
me fiat, futurum confido. Scio enim qua cura,  
qua

qua animi intentione *Sparta* tuæ dignitatem tuearis, quanto animi ardore, quanta sollicitudine muneri tuo incumbas, qua diligentia studia tua tractes, non graviora solum, sed & ea quæ sibi ab humanitate, nomen adsciverunt; in quæ tanquam in hortum doctrinæ, deliciis amœnissimum, nonnunquam divertis; ut præter id temporis, quod vocationi tuæ ecclesiasticæ dare soles, hora pœne nulla sit, quàm non in linguis, literis, & philosophicis cum virtute traducas. Quam tuæ vitæ rationem qui ignorant, imitantur forte, unde illa tibi in adversis fortitudo, in morbis etiam violentis patientia, unde animi robur illud invicti, quod ne illa quidem ipsa quæ in rebus humanis *fortuna* dominatur, ullo pacto possit infringere. Contra cujus vim duplici te præsidio munitum is, artium cognitione, & mentis optimæ conscientia, muro verè aheneo, adversus obtreptantium incursum, & virulentas maledicorum linguas: quorum ut sæpè solet, à se ipsa, & suo quasi gladio jugulatur improbitas.

Sed quia te studiis impensè video dilectari, unum te moneo, ἀλλὰ γὰρ πονῶν, ἔτι πονεῖν διωάμην. Non amo nimium diligentes, quia ut aliarum rerum omnium; ita & literarum quadam intemperantia est: moderata durant & in sapientia modum tenuisse, summa est sapientia. Ut enim lima paulatim ferrum deteritur; sic nimio labore ingenium. Et ut fertilibus agris non est impetrandum, cito namque illos exhauriet nunquam intermissa fecunditas; ita animorum impetus assiduus labor frangit, vires recipiunt paulum resoluti. Plantæ mediocri humore foveantur, & attolluntur, immodico suffocantur: sic laboribus moderatis alitur animus, nimis & continuus obruitur. αἱ ἀνίσσεις πᾶντις παρασκευάζει καὶ πόνων εἰς. Ἐ λυγρὰ καὶ τόξον, Ἐ ἀνδρῶν ἀκμάζει δὲ ἀναπαύσεως. Nempe ut arcus & nervos laxamus, ut major intentio sit: sic animum curis, ut magis vigeat. Cogita. Quod enim mihi studia,

studia, si anxia nimis, & immoderata valetudini meæ noceant, & me inutilem reddant mihi, meis, & muneri in quo versor? Intelligenti pauca. Finio, Vir ornatissime, cum recepta clausula magni Oratoris, *valetudinem tuam cura diligenter*. Delphis. v. Idus Sextil. M. DC. L.

JOHANNI CRUCIO I.F.

*Cognata S. D.*

Lugd. Batavor.

**D**Octoræ gradum in *Medicina* te affectare lubens non ita pridem intellexi, & (vere dicam?) lætatus sum, eò magis quod totus jam in literis abditus, serio rerum tuarum fatagis, ut merenti deferri possit hic titulus. Non alius fuit studiorum finis, non alia quoque Patris, & consanguineorum expectatio: quibus nihil gratius, nihil optabilius accidere potest, quàm si promotum videant. Hic ego hortarer, pro mea in summa benevolentia, ut te ad omnem laudis cupiditatem incitares, sed neque industria tua cujusquam indiget hortamentis; nec te res ulla magis ad gloriàm accendit, quàm domesticum *Parentis* exemplum quem non dubito quin sæpe tibi imitandum proponas. Hoc tantum te rogo ut istum teneas quem cepisti cursum, nec te nunquam aut voluptatum illecebræ, quæ adolescentibus liberalioris indolis, blanditiis suis, & fucata boni specie, perniciosas insidias tendunt, aut inanis rerum humanarum splendor, à studio virtutis, id est à vera solidaque gloria, deducant. Turpe est gubernatorem, tot itinera feliciter emensum, post molestant navigationem, & periculi plenam, in portu naufragium facere; turpe militem post strenuè pugnata bella, & inita prælia, inclinata pœne in partes suas victoria, hastam abjicere. Gloriosum contra, ea quæ meritis proposita sunt præmia, consequi. Fiet, si *Patris* vestigia



stigia premas, & heredem sibi futurum cernat, non earum modo rerum, quæ *fortuna* bona dicuntur, sed etiam ingenii, virtutis & doctrinæ, quæ neque à *fortuna* dantur, nec eripiuntur, quia ut omnes humanos casus supergressa: ita nec turbari possunt, perpetuaque eorum & intrepida possessio est. Enitere ergo, & cura quod te jam egregiè præstare audio, ut ejus in te virtutes agnoscuntur, & quam veræ gloriæ viam jam ingressus es, celeri cursu eodem pergas: sic enim brevi bonis omnibus faventibus, laborum tuorum & vigiliarum fructus dulcissimos persentisces. Quod ut felix & faustum sit, rogo, voveo, precor. Vale, & me ama bona fide (dextram accipe) amaturum. Dom. Heroboord quantum potest, salvere cupio. Delphis. Prid. Non. Quinct. M. DC. L.

## DIONYSIO CRUCIO

*Verbi Dei Ministro S. D.*

Noviomaguni.

**N**Ec literis tuis quidquam mihi potuit accidere gratius, nec fausto reditu tuo *Neomagum*. Dulci & jucunda diversioni ad amicos (ut temporum sunt intervalla, & rerum vicissitudines) plusculum feriatus, rediisti tandem incolumis ad *Musas* tuas, & quidem sacras. In quibus totum te occupari scio, ut Ministerii tui *Spartam*, munerisque dignitatem tuearis, adversus invidorum calumnias; quæ quamquam ut scopulo fluctus, ita virtute franguntur, nominis tamen sui, & famæ præ aliis habenda est ratio, ne aut maledicorum obrectationibus, aut incuria nostra, & neglectu, aliqua, minuatur. Contemptu enim famæ (ut præclare quidam) contemnuntur virtutes, & eos homini virtutem adimere certum est, qui gloriam, & honorem à virtute sejungunt. Sublimia hic omnia, & plena si usquam, profundæ  
venera-

venerationis , queis nemo uti par est defungitur , nisi qui *Sacra* hæc reverenter habet. Ubi hæc veneratio , ibi humilitas , demissio animi , & anxia muneris probè obeundi cura , si Deum vocantem , si Ecclesiam ad quam vocatus , si lucrum animarum spectes , si dictamen conscientia , piasque ejus suggestiones sequaris , tanquam animæ tuæ ducem . Facis. Perge modò , & in hoc flore ætatis quidquid in te est ingenii , quidquid donorum huc confer , ἵνα ἄρπῃ ἥς ὁ τῷ Θεῷ ἀνδρῶν πρὸς πᾶν ἔργον ἀγαθὸν ἐξηρησμένῃ , σπαιτὸν δόκιμον παραστήσας τῷ Θεῷ ἐργάτῳ ἀνειπαίχμυλον ὀρθολομέντῃ λόγον τῆς ἀληθείας. Mirum , quantam tibi conciliabis gratiam apud tuos , quantam animo probè sibi conscio tranquillitatem , quantam *Ministerio* tuo auctoritatem , quantum vitæ tuæ ornamentum , & decus. De *Spranchusio* non nisi tristitia. Lenta quippe febris , ex phthisi attritus , fatisciente natura , debilitatur in dies , sed in hac corporis , doloribus fracti , infirmitate , firmus illi animus , & paratus obsequi , & sequi magnum illum Deum usque ad eò semper intrepidus , ut in domum aliquam è domo , non è vita migrare videatur. Exemplo suo docens , hominem Christianum , mori posse , non vinci , & in morte ipsa , triumphare de morte . Quid enim *Fideli* mors , nisi via ad vitam ? & , si via , quis non mori optet , ut vivat ? quis tam degeneris animi , ut exilium patriæ , Terram Coelo præferat. *Salmasium* rumor est , cogitare in *Sueciam* , & jam esse in procinctu , impetrata ad tempus venia à *Curatoribus Academia* , ut serenissimæ ibidem *Reginae* petitioni , morem gerat , quæ ejus videndi & compellendi desiderio impensè flagrans , eum ad se evocare non dubitavit. Queri jam desinant , qui eruditioni , & nominis celebritati , locum esse negant in *Aulis Principum*. Delet hanc maculam exemplo suo nunquam satis laudata *HEROIANA*. Sequestrata enim Majestate sceptri sui , &

& diadematis, literis, & literatis tantopere delectatur, ut nihil illi antiquius esse videatur, nihil omnino ducat præstantius, quàm his doctrinæ dapibus, & Sapientiæ bellariis pasci, familiari eorum affatu, qui in sublime celebritatis fastigium evecti, in doctorum choro tanquam *Aquila* nubibus, expedita linguarum cognitione, omniumque disciplinarum, ac scientiarum genere instructi, aliis longè palmam præripiunt. Summorum hac in parte Regum, ac Principum imitatrix. Memoria enim proditum est tempore *Alexandri* nullum fuisse philosophum, poetam, oratorem, mathematicum, architectum aut pictorem eximium, cujus videnti, alloquendi, honorandi, dirandi desiderio, non teneretur: atque adeò nonnullis statuas publicè curabat erigi, quo magis, & quanti faceret virtutem, declararet, & aliorum animos, ad eos imitandos accenderet. Dijudicare arduum foret, & difficile, cujus in eos magis esset prodigus, an animi sui ad amandos, an linguæ, & eloquentiæ ad laudandos, an pecuniarum, & nummorum, ad remunerandos. Aliis enim decem talenta, aliis quinquaginta, aliis centum, aliis mille largiebatur, tanta munificentia, & μεγαλοδωρία, ut citius opulentissimos *Darii* thesauros exhaurire potuisset, quàm suæ erga illos liberalitati satisfacere. De Imp. *Alexandro Severo* testantur Historiæ, apud exterarum gentium Legatos gloriarum esse non semel (tanquam de re maxime ad dignitatem, & felicitatem suam pertinente,) raros esse in Orbe Viros doctos, quos non esset allocutus, aut qui ipsum literis non salutassent. Illustre quoque est *Julii Caesaris* exemplum, qui cum post *Pompeji* necem in *Aegyptum* venisset, τῷ πρίνι Ἀλεξανδρίαν περὶ τῶν (ait *Appianus*) τῶν καλῶν ἰδούμεναι, & τῶν φοροσόρων μὲν τῶν πλῆθους ἐς τὸ ἀκρόατο in publicis auditoriis & scholis. *Pompejus* cum ex *Asia* reversus omnes liberalium artium professores audivisset, singulis

lis auri talentum obtulit, & fasces Imperii literis  
 submisit, cui se Oriens, Occidensque submise-  
 rat. Horum Principum æmula Regina, cui mi-  
 rum videbitur, si pari affectu, & favore doctos  
 complectatur, & eorum præsentia frui, gaudeat?  
 Unum voveo, ut diu, & ærem hunc ferant, qui  
 eò tendunt, crudiorē longē nostro, ἡμετέρας  
 χερσὶν, quale *Salmasii* nostri, ὁλεμιστάτων. Sub  
 finem epistolæ tuæ quod mihi vitæ longævitatē  
 exoptas, hoc quoque amoris signum: sed malo  
 prosperam vitam, quàm diuturnam: prosperè  
 autem vivere, est literis, vacuo curis animo, frui,  
 quod cum assequor, purpuras omnes, quæque  
 purpuratis cara sunt, præ his deliciis contemno.  
 Sitiant honores, sitiant opes qui volunt, *Tantali*:  
 quæ qui adipiscuntur vides à tranquilla vitâ,  
 quàm longè distent, quibus fluctuant curis, quibus  
 assidue incommodis urgeantur. Ego portiuncu-  
 la mea contentus, nihil ultra appeto, *satis beatus*  
*unicis Sabinis*, imo certiores longè *divitias* puto,  
 non egere, quàm possidere; non desiderare,  
 quàm frui. Vides enim quàm fluxa sint omnia:  
 quàm facile hunc & illum florentes opibus, flo-  
 rentes ætate, repentina mors auferat; ut hoc  
 ipsum, quod spatii nobis relinquitur, totum in  
 lucro deputandum esse videatur: Ac fieri quidem  
 potest, ut aliquandiu vivamus; sed obsecro quid  
 erit cur nos diu vixisse lætemur, inter domesti-  
 cas curas, inter hominum perjuriam, fraudes, in-  
 fidias, dolos, malas artes, quibus alii alios circum-  
 veniunt & emungunt, addo etiam publicas cala-  
 mitates, quibus anguntur *Boni*, quales nos &  
 esse & haberi volumus? *Θαυμάζω αὐτὸν ὃν ζῆν ἀθλίως*.  
 Itaque facio non invitus, ut, cum hujus peregrina-  
 tionis exitus haud longè distet, non tam de  
 via, quæ minima restat, quàm de exitu ipso, qui  
 principium afferet æternæ vitæ, cogitem, atque  
 allaborem.



## HENRICO GOEREO

*Theologiae Studio S. D.*

**T**E, quem fero in oculis, ob egregios mores, optimamque indolem, paulò melius habere, & jam post violentos aliquot febris paroxysmos, remittere non nihil eam, summa cum voluptate intellexi. Certè quam anxium me habuerit hætenus tua in valetudo, quoties de tuo statu quaesierim, & quàm sollicitus de tua salute fuerim, optimus ipse mei sum testis. Quod utinam quantum doloris, ex tuo periculo suscepi, tantum opis ad te sublevandum adferre potuissem, nã tu nunc plane integer & salvus, nullam pristinae valetudinis partem desiderares. Quod tamen brevi futurum, ita spero, ut valde tibi primum, deinde etiam mihi gratuler. Non enim dubito quin statim sis rediturus ad ea studia, quæ non vulgari cum laude tractasti, & quæ te (libet enim augurari quod opto) ad votorum tuorum summam quæ est sacrum Verbi Dei ministerium aliquando perducent. Tu modo cura ut valeas. Medicos habes qui locum in civitate principem obtinent, Mater assidet ægroto, languentem fovet, infirmum reficit, afflictum sublevar, curat, exsequitur omnia; Amicorum nec officia desunt, quæ speramus tibi fore salutaria: sed mihi crede medicina præstantior in te ipso, id est in constantia tua, reposta est. Nam quantum à terrenis abducit animum, tantum cœlestibus inserit: quia & virtutes, veraque animi bona, munimentis validissimis præcingit, & quidquid sereni animi, & Deo fruientis, tranquillum statum obturbat, id frangit, & dispellit; nihil concupiscit, nisi quod honestum, sanctumque, & generosum; cætera non putat tanti, sed virtute, omnia inferiora, rata nihil sibi eximescendum in vita, præter culpam. Quæ tum demum eminet, cum ex alto sapientiæ fastigio,  
hæc

hæc terrena despicit, & omnia velut minuta contemnit, quæ pro maximis vulgus optat: divina quippe meditatur, & humana longè infra dignitatem suam ponit, nixa bonis illis solidis, inconcussis, inexhaustis. Ita est. Liber est animus, & verè constans cum suus est, cum secum est, & ab externis omnibus in se, suæque reversus, erigit se supra blandimenta, supra terriculamenta fortunæ, sine ullis præfidiis aut telis, etiam inter infestas feris solitudines, securus,

*Sive per Syrteis iter æstuosas,*

*Sive facturus per inhospitalem*

*Caucasum, vel qua loca fabulosus*

*Lambit Hydaspes.*

Talem te esse video. Dedisti enim in ancipiti tuo morbo specimina non exigua patientiæ verè Christianæ; persuasus nihil in fortuitis miserum, nisi putare, aliquid miserum esse, nec mala, mala esse, nisi malè ferenti. Gravia sunt? imbecillis sunt. timenda? timidis. molesta? non nisi querulis; nostra mollitiæ, & socordia, non suo pondere valent. Non est fortis, qui fortis est spe: fortis est qui præsentia mala sentit, & perfert, atque ita perfert, ut etiam si duratura viderit, contemnat: alioquin si præsentia incommoda exspectatione commodorum tolerat, compensata est, non fortitudo; aut si fortitudo, non ingenua, sed mercenaria planè, atque mutila. Refert non tantum, quid sustineas, sed quomodo, nec tantum quid videas, sed quemadmodum, interest. Inflexit, & curvi per aquam conspiciantibus, remi, licet rectissimi, apparent; latitudo porticus, eminus, & è longinquo spectantibus, non servat *συμμετρίαν* suam, & columnarum intervalla jungi videntur. Videri certum, sed videri tantum. Ita nos credulos sæpe fallit imago, ita nobis imponit opinio. Mala si nos vincunt, vincunt, quia fugimus, & ideò opprimunt animum, quia non resistit, & urgeri se patitur ingruentium pondere calamitatum; quas

quas sustinet si obnuitur, & pleno fiducia spiri-  
tu se erigit. Ita est, remissos animos sequitur,  
& obterit ruina, quam oblucentes aut sustinent,  
aut repellunt: quia cedere sordidum, & dimo-  
veri de gradu turpe existimant. Tanti scilicet  
est habere animum pramunitum constantia. Hac  
integra provocari, laceffi homo potest, non  
vinci; concuti, non prosterni, pulsari, sed ut so-  
lidius roboretur. Arbori similis quæ violenta  
incurfione ventorum, altius pressiusque terram  
radicibus comprehendit, aut floribus pluvia gra-  
vatis poeneque deciduis, qui ad novæ lucis radios  
eriguntur. Si durius nos Deus habere videtur,  
& in hac *Mundi* palæstra nos malis perpetuo  
vult confictari, non odium est, sed amor. Ut  
boni providique patres, non in deliciis, & ad lu-  
sum liberos habent, sed ad serias curas, & stu-  
dia graviora, teneros statim animos formant, nec  
indolem ad virtutem natam, otio tabescere pa-  
tiuntur: Ita Deus ad robur, & virtutem seve-  
riori disciplina, suos informat, laboribus exer-  
cet, ærumnis fatigat, & quod impensius eos amat,  
& altius de iis sperat, eò graviora, & difficiliora  
ab iis exigit. Præclare in hanc sententiam *Seneca*:  
*In castris cur periculosa fortissimis imperantur?*  
*Dux cur lectissimos mittit, qui nocturnis hostes*  
*aggrediantur insidius, aut explorent interdium, aut*  
*præsidium loco dejiciant?* Nemo eorum qui exeunt,  
dicit, *Malè de me Imperator meruit, sed benè ju-*  
*dicavit. Idem dicant quicunque jubentur pati timi-*  
*dus, ignavisque flebilis: digni visi sumus Deo, in*  
*quibus experietur, quantum humana natura possit.*  
Cave credas *Studiose*, felices eos esse quibus  
omnia semper ex voto fluunt. Contra nihil ista  
felicitate infelicius, & nihil iis miserioribus  
nihil unquam adversi contigit. Tunc enim magis  
irascitur Deus, cum non irascitur, & insignis pœ-  
na est, & vindicta impietatis, connivere Deum,  
ac indulgere peccantibus; ut *Medicus* cum cu-  
rare desinit desperat. Ad me quod attinet, mi-  
seri-

sericordiam hanc nolo. Contra affligi, tentari, cædi malo, si Deo ita visum: quia castigationes ejus paternas esse scio cum peccavi, & frænos ne peccem. Arietibus benè passis cornua pruriunt, & *luxuriant animi rebus plerunque secundis*, qui compesci, inhiberi, & salutari hoc morborum sufflamine sisti debent, & redigi in officii gyrum, si exorbitent, & licentius à semita virtutis deflestant. Adversa corporis remedia sunt animæ; si remedia, cur abhorremus? si medicinæ, cur reluctamur? Sed multa nimis, fortassis de agro apud ægrum. Finio hoc uno monito: Valetudinem tuam cura diligenter, cætera Deo permitte, & ei te totum trade. De mea si quæris, prospera est Dei gratia; si de studiis, cum libris id est cum amoribus & deliciis meis, jucundissimè vivo. Nihil queror, nihil quæro, intra me maneo, nulli insensus, cuivis acceptus, pax, hilaritas, *aut telus* *pæcia* vigilantem me solantur, dormientem foveant. Delphis pridie Kal. August. M. DC. L.

N I C O L A O K I N S C H O T

*Studioso S.*

Leidam.

**M**Eus es, mi *Kinschote*, & semper eris. Quidni sic loquar de eo qui velut è sinu meo prodiit, & à disciplina mea promotus ad *Academiam*, in ea totus nunc es in protrudendis studiis? Suave mihi fuit, non mentior, intelligere laudabiles tuos in linguis, & philosophicis progressus, & jam tibi sternere viam ad *Iurisprudentiam*, cui ab ineunte ætate (scio) te devovisti. Benè est, perge, hæc eminendi, & prælucenti via est, quò tua te indoles, & *Majorum* splendor atq; exempla vocant. Quid dignius, aut aptius generi tuo, quid ætati, quàm tingi, imo, imbui iis artibus, quæ non scientiam solum, sed prudentiam ac sapientiam donant? Genus tuum si vides, illustre



lustre est vel à *Patris* tui nomine, & fama, ne dicam insigni pietate ac doctrina. Quid magis huic convenit, quàm non fortunæ solum, sed & ingenii ornamentis eminere? Si ætatem, flos ipse est, anni faciles & sequaces ad omnem disciplinam, ingenium ad optimas artes excitatum & tenax, judicium acre, valetudo firma & vegeta. Totidem ad diligentiam stimuli, quæ juncta his naturæ dotibus, mirum quid possit in adolescentibus benè natis, in ingeniis generosis, & ad alta nientibus. Occasionem quæ sese nunc offert amplectere, in nobili hoc *Athenao*, in tanto *Doctorum* numero, à quorum affatu & alloquio, si propius te insinuaveris, non potes non redire doctior. Nihil enim illis prius, nihil antiquius, quàm ducere, formare, promovero *Juventutem*. Adi & audi, ut adiisse & audisse te olim juvet. Quis enim alius studiorum tuorum finis? De meis si quæris, Reipub. serviunt etiam hac ætate: quo fructu aliis judicandum relinquo. Si qui interim parum candidi malè de me sentiant, aut loquantur (ut cacoëthes est hujus ævi) rideo, nec magis eos curo, quàm ut cum *Homero* dicam *εἰ με γυνὴ βάλῃσι ἢ παῖς ἀέρον*. Unum voveo ut *Pietas* & *Virtus* me comitentur, quas mecum feram in sepulchrum. Eodem & tui amorem. Vale *Studiosè*, & corpore atque animo cresce *Deo*, *Patriæ*, *Tuis*. xi. Kalend. Septemb. 1650.

JOHANNES WESTERBURGIUS

Clarissimo Viro JACOBO CRUCIO S.D.

Delphos.

**M**hi certè amissime *Cruci*, nihil optatius atque jucundius foret, quàm præclaris ingeniis, quæ inter tu emines, gratificari, sed ea tenuitatis nostræ conditio, ea negotiorum moles est, ut neque possim, neque si possum liceat,

ceat, aliorum de me expectatione respondere. Cum exulceratis hisce temporibus, quibus neque virtuti honos datur, & ab obrectationibus criminoforum; innocentium candor periculose laborat, nihil aliud se fatigando, nisi odium quærere, non est consilium. Dux atque Imperator vitæ mortalium, animus est, sed ille, qui nullius mali conscius, res omnes suas ad bene agendum, & merendum dirigit: at quotusquisque sapientium est, qui ferventi malorum quassatus intemperie, leviter aliquando non exorbitet? Ut enim ruptis aggeribus, aquarum vi, non solum leves calami stipulæque, sed & ingentia saxa invita protrahuntur: sic animum viri gravis, exundans sæculorum rabies, nonnunquam à veri bonique tramite transvorsum rapit. Caterum dum impune malitia, & secure agit ignavia, quæ lynceis oculis perspiciuntur, bonorum, vel minima errata, tanquam æternum nominis opprobrium sugillantur. Oportere vel sanctissimos viros, humanitatis legibus exemptos esse, illi inprimis existimant; quos & nulla vitæ commendat sanctimonia, & ipsi nihil homine dignum præstant: scilicet plebeji homines, ingenium quo ut recte ille, neque melius, neque amplius, in natura mortaliū est, incultu, atque socordia, torpescere sinunt, cæterosque qui per bonas animi artes, ad immortalitatem ducunt, petulanter convitiis dilacerant. Quis ferat dormitantes, & nihil prorsus agentes, de aliorum laboribus pronuntiare? Ita tamen fieri amat. Accusabatur antiquitus *Galba* quidam, quod otiose viveret: respondit ille, *unumquemque non otii, sed actionum suarum rationem reddere, teneri.* In quo vehementer errabat. Non enim probaverim simpliciter *Cremutii* defensionem illam, *Verba mea Patres Conscripti arguuntur, adeò factorum innocens sum:* nam & in desides, & ignavos animadverti æquitas, & rerum publicarum conservatio postulat. Quamquam profecto vitium illud non nostri, demum sæcu-

faculi male affecti, symptoma est; ad socios querelarum provocamus, omnes fere Antiquorum doctissimos. Igitur cedendum paulisper iniquitati temporum, quàm summa ope, contra nitendum, gravissimos authores habemus. Alioqui jam pridem aliquid moliebar scribere, de humanitatis studiis, cum sana Theologia conjungendis. Quod opus quanquam alios *Telamones*, & *Atlantes* exposcere ingenuè fateor, qui cervices suas, tantarum rerum moli felicius supponant, non tamen temere, neque ut inanem gloriam captem à me susciperetur, quam ut ratione aliqua; hominum istorum judicium convellam, qui ut noctuæ ad solis lucem caligantes, & barbariæ tenebris assueti, elegantiam omnem, & politum genus dicendi, tanquam caninam facundiam insectantur, & Theologo non modo non necessariam istiusmodi eruditionem ubique asserunt, sed contrariam potius, & blanda quadam voluptate repugnantem: qua propter non secus, quàm à navigantibus Homericas illas *Sirenes*, cautè evitandam, ne vocum modulatione capti, ab incepto cursu, inbrevia, & *Syrtes* aberremus. Audin' mi *Cruci*, commune gentis istius malum, contemptorem animum, & superbiam! Equidem qui imperitè omnia pruridi plebe, & nil nisi inconditam, crudamque verborum colluviem despumant, magistelli ineptissimi, alia cultiora fastidiant, ipsi nulla artium humaniorum cognitione tincti, & nulla rerum antiquarum peritia docti, suspectos habeant Authores, quibus illa excoluntur: quin & oblique, & invidiosè traducant, quibus hæc lautitiæ, tanquam meliorum studiorum condimenta, oblectamento sunt. Neque tamen hæc ita à me dici existimes, quasi qui res eas accessorias, adedò impensè celebrem, ut omnino priori loco haberi velim: sed quia confidenter asseverare ausim, sine amœniorum studiorum accessione, doctrinam omnem quanquam humanam

na

nã vitæ accommodam, pœne semper videri  
 squallentem, senticeris horridam, perinde atque  
 cibos certe bonos, in suaves tamen, & austeros,  
 qui salsamentis opportunis careant. Laudo igitur  
 rerum sacrarum Professores, laudo qui suam  
 quidem artem principem priore loco habent,  
 non tamen ut penitus ab Authorum politiorum  
 lectione abhorreant, sed quibus utantur, tan-  
 quam *Aegyptiorum* spoliis: ut rectè *Hieronimus*  
 qui quanquam Theologiæ peritissimus, lingua-  
 rum tamen meliorum, ac disciplinarum pœne  
 omnium exactam cognitionem hausit, & expres-  
 sit nec unquam sibi eam commoditatem invidit,  
 aut aliis putavit invidendam. Sed nã ineptum  
 me, qui paucis præscriptiunculis sanaturus ag-  
 grediar, quos sat scio, tota *Anticyra* non purga-  
 verit. Quid ita, inquires? Dicam. Res nobis erit  
 cum morosis istis, qui existimantes bonas lite-  
 ras, ut sordidissima artificia addisci, negligentiam  
 suam earum felicitati imputant: interim solis il-  
 lis, quibus à teneris assueverunt, studiis immor-  
 tui, cætera quantumvis ad meliorem cultum  
 utilia superciliosè contemnunt. Etenim grave  
 est quod adolescens perperam didiceris, in sene-  
 ctâ fateri velle, & fere quibus initio ut rectam  
 viam insisterent, sive animus sive consilium de-  
 fuit, post ubi magister rerum usus, atque ætas  
 adultos erudierunt, metuentes aut inconstantia  
 notam, si prima repudient: aut difficultate nova  
 addiscendi perterrefacti, uti cœperunt, barbara  
 quæque & insulsa, ingenio elaboratis, & indu-  
 stria, præferunt, & suo more agrestes porci, tri-  
 tico neglecto, glandibus vesci malunt. Deinde  
 negotium erit cum iis, qui inutilium literarum  
 studiis ut plurimum detinentur, & magno cona-  
 mine, magnas eblaterant nugas: probè scilicet  
 functi officio, si imperitis suis congerronibus  
 stupori sunt, *Græculorum* iste morbus fuit quære-  
 re, & accuratè describere: quem numerum re-  
 migum *Ulysses* habuisset; prior scripta esset *Ilias*,  
 an



an *Odyssea*, adhuc quæ Authori patria? Alia deinceps hujus notæ, quæ sive contineas, nihil tacitæ conscientiam juvant, sive proferas, non doctior videberis, sed molestior. Huncquem in noctis medio musæo exeuntem chartis impallescens vides, oculis lippitudine propter lectionem assiduam suffusus; pituita confectum, raucedine singultientem, ne credas eum tam diligenter, ac sollicitè libros suos evolvere, nonnunquam maria, & terras ambire, singulos prensare, sodalitia instituire; ut quid ii, qui magnam sapientiæ habuerunt opinionem, de virtute, & officio senserint, quam optimam Ecclesiæ formam judicant, quod iter ad veram pietatem, candoremque animi maximè necessarium censuerint; ne credas eum tantos exantlare labores, tot molestias perpeti, ut ex sacris Literis discat cæcos animi impetus compescere, errores corrigere; sed aut factionis novæ meditatur fundamenta, aut antiquæ stabilimenta, vel quibus artibus subdole det turbas facillimas prætextu pacis, aut pietatis obtentu. Atque ita optima pars vitæ nulla discendo necessaria, quia supervacua didicit, elabatur. Igitur quemadmodum renascentibus *Patrum* nostrorum memoria bonis literis, defacatissima purioris Theologiæ ex altis superstitionum tenebris lux Orbis divinitus restituta: & jam haud frustra metuamus, ne iis pereuntibus (pereunt autem indies) fatali quadam rerum vicissitudine, in antiquum chaos relabamur, nihil ad eò desiderem, quàm ut vincita barbaries à Theologiæ latifundiis ablegetur. Apposite & scite *Aristoteles* nos docuit; Artes æternas esse, sed earum tanquam stellarum varios esse ortus & occasus, ut modò excitentur & floreat, modo jaceant & contemnuntur. Sed ut pro mortalibus gloria æterni facti sunt, eas qui erexerunt; ita quorum socordia ceciderunt, luce indigniores noctuas, haud unquam terra dedit. Neque tamen tempora

lis auri talentum obtulit, & fasces Imperii literis submisit, cui se Oriens, Occidensque submiserat. Horum Principum æmula Regina, cui mirum videbitur, si pari affectu, & favore doctos complectatur, & eorum præsentia frui, gaudeat? Unum voveo, ut diu, & ærem hunc ferant, qui eò tendunt, crudiores longè nostro, ἢ ἡμετέρας χερσὶν, quale *Salmasii* nostri, πολέμιός τ' αὐτοῦ. Sub finem epistolæ tuæ quod mihi vitæ longævitatē exoptas, hoc quoque amoris signum: sed malo prosperam vitam, quàm diuturnam: prosperè autem vivere, est literis, vacuo curis animo, frui, quod cum assequor, purpuras omnes, quæque purpuratis cara sunt, præ his deliciis contemno. Sitiant honores, sitiant opes qui volunt, *Tantali*: quæ qui adipiscuntur vides à tranquilla vita, quàm longè distent, quibus fluctuant curis, quibus assidue incommodis urgeantur. Ego portiuncula mea contentus, nihil ultra appeto, *satis beatus unicus Sabinis*, imo certiores longè divitias puto, non egere, quàm possidere; non desiderare, quàm frui. Vides enim quàm fluxa sint omnia: quàm facile hunc & illum florentes opibus, florentes ætate, repentina mors auferat; ut hoc ipsum, quod spatii nobis relinquitur, totum in lucro deputandum esse videatur: Ac fieri quidem potest, ut aliquandiu vivamus; sed obsecro quid erit cur nos diu vixisse lætemur, inter domesticas curas, inter hominum perjuriam, fraudes, insidias, dolos, malas artes, quibus alii alios circumveniunt & emungunt, addo etiam publicas calamitates, quibus anguntur *Boni*, quales nos & esse & haberi volumus? θανέιν ἀεὶ σὺν ἡμῖν ἀβλίως. Itaque facio non invitus, ut, cum hujus peregrinationis exitus haud longè distet, non tam de via, quæ minima restat, quàm de exitu ipso, qui principium afferet æternæ vitæ, cogitem, atque allaborem.

HEN-

## HENRICO GOEREO

*Theologiae Studio S. D.*

**T**E, quem fero in oculis, ob egregios mores, optimamque indolem, paulo melius habere, & jam post violentos aliquot febris paroxysmos, remittere non nihil eam, summa cum voluptate intellexi. Certè quam anxium me habuerit hætenus tua in valetudo, quoties de tuo statu quæsierim, & quàm sollicitus de tua salute fuerim, optimus ipse mei sum testis. Quod utinam quantum doloris, ex tuo periculo suscepi, tantum opis ad te sublevandum adferre potuissem, næ tu nunc plane integer & salvus, nullam pristinae valetudinis partem desiderares. Quod tamen brevi futurum, ita spero, ut valde tibi primum, deinde etiam mihi gratuler. Non enim dubito quin statim sis rediturus ad ea studia, quæ non vulgari cum laude tractasti, & quæ te (libet enim augurari quod opto) ad votorum tuorum summam quæ est sacrum Verbi Dei ministerium aliquando perducent. Tu modo cura ut valeas. Medicos habes qui locum in civitate principem obtinent, Mater assidet ægroto, languentem fovet, infirmum reficit, afflictum sublevar, curat, exsequitur omnia; Amicorum nec officia desunt, quæ speramus tibi fore salutaria: sed mihi crede medicina præstantior in te ipso, id est in constantia tua, reposita est. Nam quantum à terrenis abducit animum, tantum coelestibus inserit: quia & virtutes, veraque animi bona, munimentis validissimis præcingit, & quidquid sereni animi, & Deo fruientis, tranquillum statum obturbat, id frangit, & dispellit; nihil concupiscit, nisi quod honestum, sanctumque, & generosum; cætera non putat tanti, sed virtute, omnia inferiora, rata nihil sibi extimescendum in vita, præter culpam. Quæ tum demum eminet, cum ex alto sapientiæ fastigio,  
hæc

hæc terrena despicit, & omnia velut minuta contemnit, quæ pro maximis vulgus optat: divina quippe meditatur, & humana longè infra dignitatem suam ponit, nixa bonis illis solidis, inconcussis, inexhaustis. Ita est. Liber est animus, & verè constans cum suus est, cum secum est, & ab externis omnibus in se, suæque reversus, erigit se supra blandimenta, supra terriculamenta fortunæ, sine ullis præfidiis aut telis, etiam inter infestas feris solitudines, securus,

*Sive per Syrteis iter æstuosas,*

*Sive facturus per inhospitalem*

*Caucasum, vel quæ loca fabulosus*

*Lambit Hydaspes.*

Talem te esse video. Dedisti enim in ancipiti tuo morbo specimina non exigua patientiæ verè Christianæ; persuasus nihil in fortuitis miserum, nisi putare, aliquid miserum esse, nec mala, mala esse, nisi malè ferenti. Gravia sunt? imbecillis sunt. timenda? timidis. molesta? non nisi querulis; nostra mollitiæ, & socordia, non suo pondere valent. Non est fortis, qui fortis est spe: fortis est qui præsentia mala sentit, & perfert, atque ita perfert, ut etiam si duratura viderit, contemnat: alioquin si præsentia incommoda expectatione commodorum tolerat, compensata est, non fortitudo; aut si fortitudo, non ingenua, sed mercenaria planè, atque mutila. Refert non tantum, quid sustineas, sed quomodo, nec tantum quid videas, sed quemadmodum, interest. Inflexit, & curvi per aquam conspiciantibus, remi, licet rectissimi, apparent; latitudo porticus, eminus, & è longinquo spectantibus, non servat *συμμετρίαν* suam, & columnarum intervalla jungi videntur. Videri certum, sed videri tantum. Ita nos credulos sæpe fallit imago, ita nobis imponit opinio. Mala si nos vincunt, vincunt, quia fugimus, & idè opprimunt animum, quia non resistit, & urgeri se patitur ingruentium pondere calamitatum; quas

quas sustinet si obnititur, & pleno fiducia spiritus se erigit. Ita est, remissos animos sequitur, & obterit ruina, quam oblucentes aut sustinent, aut repellunt: quia cedere sordidum, & dimoveri de gradu turpe existimant. Tanti scilicet est habere animum prævinitum constantia. Hac integra provocari, lacessi homo potest, non vinci; concuti, non prosterni, pulsari, sed ut solidius roboretur. Arbori similis quæ violenta incursione ventorum, altius pressiusque terram radicibus comprehendit, aut floribus pluvia gravatis pœneque deciduis, qui ad novæ lucis radios eriguntur. Si durius nos Deus habere videtur, & in hac *Mundi* palæstra nos malis perpetuo vult conflictari, non odium est, sed amor. Ut boni providique patres, non in deliciis, & ad lusus liberos habent, sed ad serias curas, & studia graviora, teneros statim animos formant, nec indolem ad virtutem natam, otio tabescere patiuntur: Ita Deus ad robur, & virtutem severiori disciplina, suos informat, laboribus exercet, ærumnis fatigat, & quò impensius eos amat, & altius de iis sperat, eò graviora, & difficiliora ab iis exigit. Præclare in hanc sententiam *Seneca*: *In castris cur periculosa fortissimis imperantur? Dux cur lectissimos mittit, qui nocturnis hostes aggrediantur insidiis, aut explorent interdum, aut præsidium loco dejiciant? Nemo eorum qui exeunt, dicit, Malè de me Imperator meruit, sed benè judicavit. Idem dicant quicunque jubentur pati timidis, ignavisque flebilis: digni visi sumus Deo, in quibus experietur, quantum humana natura possit. Cave credas Studiose, felices eos esse quibus omnia semper ex voto fluunt. Contra nihil ista felicitate infelicius, & nihil iis miseriùs quibus nihil unquam adversi contigit. Tunc enim magis irascitur Deus, cum non irascitur, & insignis pœna est, & vindicta impietatis, connivere Deum, ac indulgere peccantibus; ut *Medicus* cum curare definit desperat. Ad me quod attinet, mi-*

feri-

fericordiam hanc nolo. Contra affligi, tentari, cædi malo, si Deo ita visum: quia castigationes ejus paternas esse scio cum peccavi, & frænos ne peccem. Arietibus benè pastis cornua pruriunt, & *luxuriant animi rebus plerunque secundis*, qui compesci, inhiberi, & salutari hoc morborum sufflamine sisti debent, & redigi in officii gyrum, si exorbitent, & licentius à semita virtutis deflestant. Adversa corporis remedia sunt animæ; si remedia, cur abhorremus? si medicinæ, cur reluctamur? Sed multa nimis, forçassis de agro apud ægrum. Finio hoc uno monito: Valetudinem tuam cura diligenter, cætera Deo permitte, & ei te totum trade. De mea si quæris, prospera est Dei gratia; si de studiis, cum libris id est cum amoribus & deliciis meis, jucundissimè vivo. Nihil queror, nihil quæro, intra me maneo, nulli insensus, cuivis acceptus, pax, hilaritas, *aut talia* vigilantem me solantur, dormientem foveant. Delphis pridie Kal. August. M. DC. L.

N I C O L A O K I N S C H O T

*Studioso S.*

Leidam.

**M**Eus es, mi *Kinschote*, & semper eris. Quidni sic loquar de eo qui velut è sinu meo prodiit, & à disciplina mea promotus ad *Academiam*, in ea totus nunc es in protrudendis studiis? Suave mihi fuit, non mentior, intelligere laudabiles tuos in linguis, & philosophicis progressus, & jam tibi sternere viam ad *Iurisprudentiam*, cui ab ineunte ætate (scio) te devovisti. Benè est, perge, hæc eminendi, & prælucendi via est, quò tua te indoles, & *Majorum* splendor atq; exempla vocant. Quid dignius, aut aptius generi tuo, quid ætati, quàm tingi, imo, imbui iis artibus, quæ non scientiam solum, sed prudentiam ac sapientiam donant? Genus tuum si vides, illustre

lustre est vel à *Patris* tui nomine, & fama, ne dicam insigni pietate ac doctrina. Quid magis huic convenit, quàm non fortunæ solum, sed & ingenii ornamentis eminere? Si ætatem, flos ipse est, anni faciles & sequaces ad omnem disciplinam, ingenium ad optimas artes excitatum & tenax, judicium acre, valetudo firma & vegeta. Totidem ad diligentiam stimuli, quæ juncta his naturæ dotibus, mirum quid possit in adolescentibus benè natis, in ingeniis generosis, & ad alta nientibus. Occasionem quæ sese nunc offert amplectere, in nobili hoc *Athenao*, in tanto *Doctorum* numero, à quorum affatu & alloquio, si propius te insinuaveris, non potes non redire doctior. Nihil enim illis prius, nihil antiquius, quàm ducere, formare, promoverè *Inventutem*. Adi & audi, ut adiisse & audisse te olim juvet. Quis enim aliis studiorum tuorum finis? De meis si quæris, Reipub. serviunt etiam hac ætate: quo fructu aliis judicandum relinquo. Si qui interim parum candidi malè de me sentiant, aut loquantur (ut cacoëthes est hujus ævi) rideo, nec magis eos curo, quàm ut cum *Homero* dicam *ἔμμε μὴν βάλῃς ἢ πάλῃς ἀρετῶν*. Unum voveo ut *Pietas* & *Virtus* me comitentur, quas mecum feram in sepulchrum. Eodem & tui amorem. Vale *Studiose*, & corpore atque animo cresce *Deo*, *Patriæ*, *Tuis*. xi. Kalend. Septemb. 1650.

JOHANNES WESTERBURGIUS

Clarissimo Viro JACOBO CRUCIO S.D.

Delphos.

**M**hi certè amissime *Cruci*, nihil optatius atque jucundius foret, quàm præclaris ingeniis, quæ inter tu emines, gratificari, sed ea tenuitatis nostræ conditio, ea negotiorum moles est, ut neque possim, neque si possum liceat,



ceat, aliorum de me expectatione respondere. Cum exulceratis hisce temporibus, quibus neque virtuti honos datur, & ab obtrektionibus criminoforum; innocentium candor periculosè laborat, nihil aliud se fatigando, nisi odium quærere, non est consilium. Dux atque Imperator vitæ mortalium, animus est, sed ille, qui nullius mali conscius, res omnes suas ad benè agendum, & merendum dirigit: at quotusquisque sapientium est, qui ferventi malorum quassatus intemperie, leviter aliquando non exorbitet? Ut enim ruptis aggeribus, aquarum vi, non solum leves calami stipulæque, sed & ingentia saxa invita protrahuntur: sic animum viri gravis, exundans sæculorum rabies, nonnunquam à veri bonique tramine transvorsum rapit. Cæterum dum impune malitia, & securè agit ignavia, quæ lynceis oculis perspiciuntur, bonorum, vel minima errata, tanquam æternum nominis opprobrium sugillantur. Oportere vel sanctissimos viros, humanitatis legibus exemptos esse, illi inprimis existimant; quos & nulla vitæ commendat sanctimonia, & ipsi nihil homine dignum præstant: scilicet plebeji homines, ingenium quo ut rectè ille, neque melius, neque amplius, in natura mortaliū est, incultu, atque socordia, torpescere sinunt, cæterosque qui per bonas animi artes, ad immortalitatem ducunt, petulanter convitiis dilacerant. Quis ferat dormitantes, & nihil prorsus agentes, de aliorum laboribus pronuntiare? Ita tamen fieri amat. Accusabatur antiquitus *Galba* quidam, quod otiosè viveret: respondit ille, *unumquemque non otii, sed actionum suarum rationem reddere, teneri*. In quo vehementer errabat. Non enim probaverim simpliciter *Cremutii* defensionem illam, *Verba mea Patres Conscripti arguuntur, adeò factorum innocens sum*: nam & in desides, & ignavos animadverti æquitas, & rerum publicarum conservatio postulat. Quamquam profecto vitium illud non nostri demum sæcu-



saeculi male affecti, symptoma est; ad socios querelarum provocamus, omnes fere Antiquorum doctissimos. Igitur cedendum paulisper iniquitati temporum, quàm summa ope, contra nitendum, gravissimos authores habemus. Alioqui jam pridem aliquid moliebar scribere, de humanitatis studiis, cum sana Theologia conjungendis. Quod opus quanquam alios *Telamones*, & *Atlantes* exposcere ingenuè fateor, qui cervices suas, tantarum rerum moli felicius supponant, non tamen temere, neque ut inanem gloriam captem à me susciperetur, quam ut ratione aliqua; hominum istorum iudicium convellam, qui ut noctuæ ad solis lucem caligantes, & barbariæ tenebris assueti, elegantiam omnem, & politum genus dicendi, tanquam caninam facundiam insectantur, & Theologo non modo non necessariam istiusmodi eruditionem ubique asserunt, sed contrariam potius, & blanda quadam voluptate repugnantem: qua propter non secus, quàm à navigantibus Homericas illas *Sirenes*, cautè evitandam, ne vocum modulatione capti, ab incepto cursu, inbrevia, & *Syrtes* aberremus. Audin' mi *Cruci*, commune gentis istius malum, contemptorem animum, & superbiam! Equidem qui imperitè omnia pro rudi plebe, & nil nisi inconditam, crudamque verborum colluviem despumant, magistelli ineptissimi, alia cultiora fastidiant, ipsi nulla artium humaniorum cognitione tincti, & nulla rerum antiquarum peritia docti, suspectos habeant Authores, quibus illa excoluntur: quin & oblique, & invidiosè traducant, quibus hæ laetitiae, tanquam meliorum studiorum condimenta, oblectamento sunt. Neque tamen hæc ita à me dici existimes, quasi qui res eas accessorias, adeò impensè celebrem, ut omnino priori loco haberi velim: sed quia confidenter asseverare ausim, sine amœniorum studiorum accessione, doctrinam omnem quanquam humana

na

næ vitæ accommodam , pœne semper videri  
 squallentem, senticetis horridam, perinde atque  
 cibos certe bonos , in suaves tamen, & austeros,  
 qui falsamentis opportunis careant. Laudo igitur  
 rerum sacrarum Professores, laudo qui suam  
 quidem artem principem priore loco habent,  
 non tamen ut penitus ab Authorum politiorum  
 lectione abhorreant, sed quibus utantur , tan-  
 quam *Ægyptiorum* spoliis : ut rectè *Hieronymus*  
 qui quanquam Theologiæ peritissimus , lingua-  
 rum tamen meliorum , ac disciplinarum pœne  
 omnium exactam cognitionem hausit, & expres-  
 sit nec unquam sibi eam commoditatem invidit,  
 aut aliis putavit invidendam. Sed næ ineprum  
 me , qui paucis præscriptiunculis sanaturus ag-  
 grediar, quos sat scio , tota *Anticyra* non purga-  
 verit. Quid ita, inquires ? Dicam. Res nobis erit  
 cum morosis istis , qui existimantes bonas lite-  
 ras, ut sordidissima artificia addisci, negligentiam  
 suam earum felicitati imputant : interim solis il-  
 lis, quibus à teneris assueverunt, studiis immor-  
 tui , cætera quantumvis ad meliorem cultum  
 utilia superciliosè contemnunt. Etenim grave  
 est quod adolescens perperam didiceris, in sene-  
 ctâ fateri velle , & fere quibus initio ut rectam  
 viam insisterent , sive animus sive consilium de-  
 fuit , post ubi magister rerum usus , atque ætas  
 adultos erudierunt, metuentes aut inconstantia  
 notam, si prima repudient : aut difficultate nova  
 addiscendi perterrefacti , uti cœperunt, barbara  
 quæque & insulsa , ingenio elaboratis , & indu-  
 stria, præferunt, & suo more agrestes porci , tri-  
 tico neglecto , glandibus vesci malunt. Deinde  
 negotium erit cum iis , qui inutilium literarum  
 studiis ut plurimum detinentur, & magno cona-  
 mine, magnas eblaterant nugas : probè scilicet  
 functi officio, si imperitis suis congerronibus  
 stupori sunt, *Græculorum* iste morbus fuit quære-  
 re, & accuratè describere : quem numerum re-  
 migum *Ulysses* habuisset; prior scripta esset *Ilias*,

an *Odyssæa*, adhæc quæ Authori patria? Alia deinceps hujus notæ, quæ sive contineas, nihil tacitam conscientiam juvant, sive proferas, non doctior videberis, sed molestior. Hunc quem in noctis medio musæo exeuntem chartis impallescens vides, oculis lippitudine propter lectiorem assiduam suffusus; pituita confectum, raucedine singultientem, ne credas eum tam diligenter, ac sollicitè libros suos evolvere, nonnunquam maria, & terras ambire, singulos prensare, sodalitia instituere; ut quid ii, qui magnam sapientiæ habuerunt opinionem, de virtute, & officio senserint, quam optimam Ecclesiæ formam judicarint, quod iter ad veram pietatem, candoremque animi maximè necessarium censuerint; ne credas eum tantos exantlare labores, tot molestias perpeti, ut ex sacris Literis discat cœcos animi impetus compescere, errores corrigere; sed aut factionis novæ meditatur fundamenta, aut antiquæ stabilimenta, vel quibus artibus subdolè det turbas facillimas prætextu pacis, aut pietatis obtentu. Atque ita optima pars vitæ nulla discendo necessaria, quia supervacua didicit, elabitur. Igitur quemadmodum renascentibus *Patrum* nostrorum memoria bonis literis, defæcatissima purioris Theologiæ ex altis superstitionum tenebris lux Orbis divinitus restituta: & jam haud frustra metuamus, ne iis pereuntibus (pereunt autem indies) fatali quadam rerum vicissitudine, in antiquum chaos relabamur, nihil adèò desiderem, quàm ut vineta barbaries à Theologiæ latifundiis ablegetur. Appositè & scite *Aristoteles* nos docuit; Artes æternas esse, sed earum tanquam stellarum varios esse ortus & occasus, ut modò excitentur & floreat, modo jaceant & contemnuntur. Sed ut pro mortalibus gloria æterni facti sunt, eas qui erexerunt; ita quorum socordia ceciderunt, luce indigniores noctuas, haud unquam terra dedit. Neque tamen tempora

c

acer-

acerbius notare velim neque mihi censoris partes arrogare in ea maximè culpa, cujus me ipsum inter multos conscium ac participem fateri malo, quàm convinci. Et sanè prudenter *Cornelius Nepos in Epaminonda*: *Amicorum commissæ celare, non minus prodest interdum, quàm dicere.* Sed ut *Favonium* cygnos ad cantum impellere memorant: ita eloquentia, & nitore linguæ, præclaros viros, ad rem eandem feliciore manu tentandam incitarem, fungererque vice cotis Horatianæ. In magnis tempestatibus summos gubernatores, etiam à vectoribus admoneri non indignum est, & tamen quispiam mei in communi periculo modestè acclamantis, vocem, attentione non dignetur? Te imprimis hortarer *Cruci*, cujus ego in palæstra hac litteraria, non minus candidam & ingenuam, quàm solertem diligentiam, & industriam mirari soleo. Strepant mali,

———— tamente

*Cum magnis scripsisse invita fatebitur usque  
Invidia, & fragili quærens illidere dentem  
Offendet solido.*

Sed & multorum sanè doctorem hominum auctoritatem elevatum nos ire objiunt calidè nonnulli, & malignè suspicaces. Nihil minus. Quanquam enim linguæ minus Latinæ horrorem, sermonis elegantia, potior habuerint, æquus tamen judex discernens inter hominum, & temporum vitia, de iis candidè nunquam non sensi, doctrinamque magni feci: tantummodo quidquid ex eorum fertilibus areis, ad nostrum excolendum studium conducatur, id totum censui puræ, Latinæque locutionis fluviis irrigandum. Scilicet ut *Democritus Hippocrati* dicebat se de insanis scribentem, animalia quæ videret, eo consilia resecare, non quod odio haberet opera Dei, sed bilis naturam, & sedem quærens: sic si ad vivum fortasse quædam ressecanda, statues non maledi-

ledicentia ductum me id facere, aut obtrectandi studio (longè mihi alia mens est) sed ut quæ in illiteratis sunt pravaricationes perscruter, & agnoscam. Quam certè laudem me iudice, minimè tulisse videntur *Novatores* quidam, vibices, & maculæ Ecclesiastici ordinis, qui nuper admodum *Lojolitas* imitantes, laudem sibi eruditionis solis arrogarunt, & tum demum viros se præstitisse, & ad summam claritudinem niti existimantes, si ætate posteriores, unicè id operam dent, ut seniorum sententiis adversentur, omnemque horam, quam doctrinæ impendisse debuerant, contradicendo infumant. Credite *Calvini, Beza, Martyres, Casauboni, Heynsii*, cedere, aut vapulate: soli isti sapiunt, luciferi, & antesignani eruditionis, soli verè docti, mente sagaciori fidei nostræ adyta scrutantes, splendidius quoddam lumen è sacris Scripturis eliciunt, percipiuntque. Possent fortassè aliquid, si major cura foret piè vivere, sapientiam æstimare, quàm argutè disputare, cæterosque contemnere: at nunc postquam docti sibi prodierunt, boni esse desierunt & unicè sibi placentes, magno conatu magnas nugas dicunt. Quapropter cordatis omnibus merito risui, & fastidio sunt:

*Humani qualis simulator simius oris*

*Quem, puer arridens pretioso stamine sexum  
Velavit, nudasque nates, & terga reliquit,  
Ludibrium mensis.*

Plura mi *Cruci* in hanc materiam scriberem, nisi inclementia morbi ex defluxu catharri, in cervicis nervos exquisitissimo cum dolore, integram hebdomadam lecto me affixum teneret. Itaque vides literarum mearum hæc initia characteris propriæ manus quidem descripta, at in cæteris exarandis manum, operamque fidelem mihi commodassè amicissimum mortalium *D. Focannum*, quem & *Dii* immortales respexerunt, &

tum in hac palæstra, & tum alibi qui Vir sit, editis monumentis luculentissimè testatum fecit.

*O duret capiti per sæcula lumen!*

Salutat te officiosè, utque diu agas, quod bene agis, adprecatur. Vale. Dordrechtii.

S A M U E L I C A B E L I A V I O

*Ecclesia Christi quæ Iselmonda est*

*Pastori S. D.*

**E**N Vir doctissime filium meum, natu maximum, quem humanitati tuæ concilio, & curæ tuæ inter alios conceditum volo, quæ membrum Ecclesiæ Christi. Recepto ejus à Colvio, testimonio, dabo operam ut quàm primum, καὶ ὡς τάχιστα, ad te perferatur, ut membrorum numero aggregari possit. Eget stimulis Juventus salutarium admonitionum, ut virtutis semitam insistat, inque ea perseveret. Tu si placet, data occasione, in promovenda virtute ejus, quæ adhuc in herba est, vel mei causa allabora. Ratum, habebo, & gratum, imo in rationes meas referam, & accepti tabulas, quidquid hac in parte, tua præstabit humanitas, remuneraturus quibuscunque potero officiis, animi tui in *Juventutem* studium, & propensionem. Salve Vir amicissime, καὶ Σπάρτῳ ὡς ἔλαχες αὐτῷ κόσμῳ, ad Numinis divini gloriam, & Ecclesiæ adificationem. Delphis.

In Curiam Delphensem ex incendio nitidius  
restauratam anno 1618.

**C***uria quæ damno nuper, luctuque meorum  
In cineres (ehen) pœnereducta fuit,  
Nunc melior, nec non mediis exstructa ruinis  
Pulchrior exsurgo Iustitiæ & Patriæ.  
Quod perii fera flamma tuum est, quod splendida  
rursum  
Conspectior, totum debeo DELPHA tibi.  
Inter-*

*Interea exemplo hoc qui transis, disce Viator,  
Quam fragili constent maxima quaque loco.*

HENRICO BLEYSWYCKIO  
*Ornatissimo Iuveni S. D.*

Andegavum.

**A**ffectus quo *Meos* prosequor, facit ut meæ etiam ad te eant literæ. Quid ni eos sic appellem qui adolescentiæ suæ partem, cum laude, sub disciplina mea traduxerunt. In quorum numerum, & te refero. Emenso enim feliciter studiorum tuorum cursu, messëm, quæ olim sub me tantum erat in herba, improbo labore, & indefessa diligentia, perduxisti tandem ad maturitatem, consecuto in *Gallia* Licentiæ titulo in facultate juridica. Ita certè oportuit. Quo enim studia nisi ad scopum suum, cui destinata sunt, dirigantur? Gratulationem expectas? gratulor tibi, & quidem ex intimo animi affectu, hunc honoris gradum. Sed dum adhuc in meditullio *Galliæ* versaris, unum te moneo, Gallicam linguam cum Latina conjunge, nec minor tibi sit in illa, quàm in hac proficendi animus, sic *una fidelia duos parietes dealbabis*. Optima se nunc ad eam rem offert occasio. *Galliam* insides, illam cultissimam terrarum, comitatus & morum magistram, *Minervæ* sedem, *Musarum* domicilium. Aude modo. Nusquam majori cum fructu, frons ponitur. Noxia hic diffidentia, & taciturnitas. Loquere, inquire, roga; sicubi in verbulo, phrasi, pronuntiatione, peccatum, emenda. Qui nunquam male, nunquam benè. Novi qui libertate hac loquendi, etiam hæsitanter, & malè, semestris spatio, tantum profecerant, ut in communi colloquio, non *Belgas*, sed *Gallos* esse credidisses, promptitudine, pronuntiatione, & accentu, magno studiorum suorum ornamento. Quæ enim hodie lingua gra-

c 3

tior,



tior, quæ frequentior in Aulis Regum, ac Principum? quæ receptior in ædibus Magnatum? In causidicina, pro tribunali, in Comitibus Ordinum, in agitandis consiliis, in obeundis legationibus ad externos? Ubi usum suum non habet? cui non conciliat gratiam, quem non commendat? quis eorum qui in Republica, honorifico aliquo munere funguntur, hujus est imperitus? Tu si me audis, cura ut ea instructus ad nos redeas, eò gratior futurus tuis quod non doctior solam, sed & disertior ab ea rediturus. Valetudinem tibi adhuc integram esse, ex affine tuo lubens intellexi, & ut diu sit, voveo & precor. De mea si quæris, vivo & valeo DE I gratia, sed nunquam melius, quam cum aliquantulum liber à gravioribus muneris mei curis, otium quo fruor, diversione non injucunda, amœnioribus Musis impendo, nunquam minus otiosus, quam cum otiosus. Nullis profecto æque ac hujusmodi deliciis oblectari soleo. Quid enim homini ad laborem nato turpius, quam si patiatur ingenium segni otio torpescere, & inane hoc vitæ spatium per luxum, aut desidiam defluere, omnibus vitiis opportunum; ubi nulli rei bonæ, & honestæ impenditur? Præclare Basilius: ἀπρία γὰρ κερπιάς ἀρχὴ. Quam Scyllam ut decernemus, Seneca audiendus: Soli, inquit; omnium optime otiosi sunt, qui Sapientia vivunt; qui soli vivunt, nec ætatem suam solum benè tuentur, sed & omne ævum suo adjiciunt. Non enim otium à rebus optimis, sed in otio res optimas querere oportet: Sic neque molestiam, neque fastidium nobis creabit altior in recessu tranquillitas. Sed prolixius his immorari, quid aliud est quam, quod veteri verbo dicitur, ἡλὶος τὸ φῶς δαρείζειν. Vale mi Amicissime. Delphis. iv. Kal. Augusti M. DC. L.

*Fotio malitior ergo.*

ADRIA-



A D R I A N O vander C Y S I O  
*Studioſo S.*

Lugd. Batav.

**E**X quo intellexi te ſedulò ſtudiis tuis immorari, plurimum ſanè voluptatis animo cepi. Facit enim amor erga te meus, ut exiſtimem quidquid tibi laudis ex literaturâ, eam in me derivari: quia meus olim, & à diſciplinâ mea, promotus ad *Academiâ*, non degenerem ejus incolam te proſiteris. Novi quippe ingenium tuum, novi impetus ad laudem, & in promovendis ſtudiis ardorem. Et certè, mirum quid poſſit, & quantum valeat alacritas, excellendi cupido, aggrediendi fiducia, conficiendi celeritas, ſuſtinenti vigor. Quæ omnia cum in te ſint, non poſſum quin & tibi vehementer, & mihi gratuler. Quid enim hac ingreſcente ætate, poſt tot exantlatos labores, tot devoratas moleſtias, in inſtituenda *Juventute*, gratius mihi eſſe poteſt, quid jucundius, quam ſurculos, & *Seminarii* noſtri propagines ali, creſcere, roborari in ſpem *Patriæ*, & *Reip.* ornamentum, ac decus, ut iis aliquando digni ſuccedant, quos grandior ætas, aut emeritos fecit, aut in meliorem vitam traduxit? Cogita in ea te urbe nunc agere, quæ liberalium omnium diſciplinarum hodie velut domicilium habetur, & *Sapientiæ* divinæ, ac humanæ palæſtra, à qua inanem quemquam redire turpiſſimū judico. Longe longe à te abeant qui literaturam vix à limine & in tranſcurſu ſalutant, aut Philoſophiam extremis ſolum digitis, & dicis, ut ita loquar, cauſa attingunt, & de Græcis literis ita parum ſoliciti, ut eas ne quidem delibare pretium operæ cenſeant. Tu melius *Studioſe*. Quam enim præclara tibi nunc affulget occaſio proſcendi in tam celebri, tam nobili *Athenao*? quæ doctrinæ acceſſio, ex alloquio doctorum? quæ formandi ingenii & judicii materia, in diſputationibus cum publicis, tum

privatis? Utere modo, & quandoquidem ad jus civile, studium curamque tuam contulisti, si me audis, facultatem istam non ut hodie multi, qui veræ eruditionis, & literaturæ, vix umbram viderunt, nudam, & jejunam, sed exemplo *Veterum*, multiplici rerum scientiâ, præcipuè vero Latinæ eloquentiæ quasi dote instructam, à te ornari, & locupletari volo. Mirum quantum *Themidi* robur, & decus adferat eloquentia. Quam non ex uno solum Autore, sed ex electione multorum comparari, satis superque nobis comprobant doctissimorum virorum exempla; qui qua polluerunt eloquentia, ex variis eam autoribus imbiberunt. Jam quis elegantia verborum, & phrasium, *Cicerone* ornator? quis uberior varietate scriptorum? quis eo subtilius, quis eruditius disputat? Quis *Livio* sublimior? ingeniosior, exactior? *Tacito*, & *Salustio* gravior, nervosior? *Curtio* puriori? *Seneca* nato ad sapientiam animis infundendam, acrior, & sententiosior? Hos lege, volve, tere, ut de quacunque materia differenti, *rem verba non invita sequantur*. Quid enim eruditio, *Latinitate* destituta, nisi arida, & pœne muta rerum cognitio? Quid literatura, nisi eam eloquentia comitetur? Quid ipsa denique *Iurisprudentia*, ab omni Romanæ dictionis elegantia, aliena, nisi mera balbuties, quæ sibi soli sapit, non aliis, dum imparata ab hac supellectile, qua feliciter concepta, & meditata sunt, effari nequit? Perge igitur ad gloriam, recta via, ut jus civile non modò perdiscas, verum etiam vehementer ornes. quod si efficias, lætabor; sin minus (ah, absit) hoc tamen tibi, non obscurum, ut opinor, studii in te mei testimonium relinquam. Vale nosque ut facis, ama. Delphis. Kalend. Augusti 1650.

## HENRICO SWALMIO

•Verbi D. Ministro S. D.

Harlemum.

**I**Ntervallis locorum disjungimur, non affectu. Habet enim hoc amor à virtute ortus, ut absentes conjungat animis, & sit inter eos, recordatione mutux benevolentix, tanta suavitas, quantam vix, aut ne vix quidem ulla potest asferre consuetudo. Plerique tamen homines, quotidiana fere salutatione, familiaritate, & beneficiis, ita ali, & conservari amicitiam arbitrantur, ut si hæc desint, minui eam, immo & deficere ac exstingui, sibi persuadeant. Stultè. Nam si ab honesto manat amicitia: nulla re indiget; ipsa se sua sponte, suisque viribus tuetur, ac sustinet: sin aliunde oritur, dubia semper est, inconstans, multis mutationibus obnoxia, & à fortunæ varietate pendet. Diu est, fateor, quod nullas ad te dederim literas, sed in hoc silentio, quoties tu mihi in mentem? quoties de te sermo, apud eos qui te norunt? quam grata tui animo meo obversatur memoria? cum dulcissima à studiis & curis gravioribus diversione, recordor necessitudinis olim nostræ, & familiaritatis delicias, & scitamenta, discursus liberiores, confabulationes, sales, lepores, jocos, condiendæ planè, ac temperandæ vitæ. Nunc per ætatem emeritus, in otio, sed literario quod vitæ restat, & viæ, SACRIS impendis, & vacuo curis animo, remotus à turba, & confluxu hominum, *virtute tuate involvis, probamque pauperiem*, aut si mavis *δύταρξίαν, sine dote queris*. Sic olim magnus ille Scipio à publicis Reip. muneribus, otium sibi sumebat aliquando, & à foro, hominumque frequentia, in solitudinem, tanquam in portum se recipiebat, ratus *Sapientia non indicium, sed initium esse, secum consistere,*

& sibi vacare. Quæ enim vita potest esse tranquillior, quæ optatior? Nulli qui molesta & odiosa garrulitate, obstrepant, nulli qui interpellent, sed tuus, & tui juris, mentem erectam habes ad contemplationem rerum coelestium, & meditationem eorum quæ pectus firmant, & formant ad iter in patriam. Nam quid hæc vita, nisi peregrinatio, & velut è stramine flamma? quid *Mundus*, nisi mare, in quo non uno vento agitamur turbamur? quid nisi triste contubernium malorum, quibus perpetuo nobis conflictandum est, & *Caucasus* in quo tanquam *Promethæi* ligamur vinculis sollicitudinum; quæ si laxantur interdum, solvi tamen nequeunt, nisi soluto corpusculi hujus tugurio per mortem. Sed unum nos solatur, mortem hanc ipsam, quam nonnulli tantopere exhorrescunt, viam nobis esse, quæ nos ducit ad vitam. Οἷδαμεν γὰρ ὅτι, εἰς τὴν ἡ. ὀπίγειον τὴν οὐρανὸν οὐκ ἔστιν ἄλλος δρόμος ἢ τὸ θεῶν ἔλεος, οὐκ ἔστιν ἄλλος δρόμος ἢ τὸ θεῶν ἔλεος. καὶ γὰρ ἐν τῷ πνεύματι, τὸ οὐκ ἐκ τῆς σαρκὸς, καὶ τὸ οὐκ ἐκ τοῦ αἵματος, καὶ τὸ οὐκ ἐκ τοῦ νόμου, καὶ τὸ οὐκ ἐκ τῆς δικαιοσύνης, καὶ τὸ οὐκ ἐκ τῆς ἰσχύος, καὶ τὸ οὐκ ἐκ τῆς ἐξουσίας, καὶ τὸ οὐκ ἐκ τῆς ἐξουσίας, καὶ τὸ οὐκ ἐκ τῆς ἐξουσίας. Hæc votorum nostrorum summa, hæc spei nostræ anchora, huc aspiramus omnes, & in hac una felicitate gloriamur, ita ut exclamare nobis liceat cum Psalmista: מִהֲיֶקֶר חֶסֶדְךָ אֱלֹהִים וּבְנֵי אָדָם בְּצַל כְּנָפֶיךָ יִחְסִיִּין: יִרְוֶן מִרְשֵׁן בִּיחֶךָ וּנְחָל עֲרִיכָה תִּשְׁקֶם: כִּי עֲמָה מְקֹר חַיִּים:

Quem vitæ fontem tibi & mihi voveo. Vale vir Amicissime, & me quod facis ama. Delphis XII. August. M. DC. L.

GERARDUS JOHANNES VOSSIUS  
JACOBO CRUCIO S. P. D.

Delphos;

ET si quas mihi tribuis laudes, agnoscere non debeam, nec velim, irrepsit tamen animo, nescio.

nescio quæ voluptas, quod ab erudito doctum, à probo bonum haberi me videam: quorum illud ut assequeretur, ætatem meam studiis omnem impendi, spe non tam tumidæ famæ, quàm de publico benè merendi: hoc ex æquo omnibus expectandum, ut pii & sint ipsi, & aliis videantur. Itaque non diffiteor, jam pridem debitorem me tibi, qui immerentem me, saltem de te, meritum nihil, cumulare laudibus, & tanta profequi humanitate volueris. Atque eo magis dolet, tardè adeò me tibi respondere. Et utinam solus hic aliquid in me desiderares. Simili nomine vapulo pœne ab omnibus amicis meis. Sed ita est, mi *Cruci*, neque ego in me tantum juris habeo, ut quæ velim, possim: neque illæ vires humanæ, ut animus eodem tempore omnibus sufficiat. Me tum propinqui, tum exteri distinent quotidie, satis alioqui occupatum, tum publico munere, quod cæteris antehabui semper; tum iis quæ vulgare paro, aut jam emitto. Sic nunc quoque calefacimus prælum, commentariis nostris de arte Grammatica: in quibus *τεχνολογῶν* veterum, & nobiliorum nostræ ætatis *Grammaticorum* labores, ad examen revoco, plurimaque optimorum scriptorum loca, vel mendosa corrigo, vel obscura illustro. Hoc opus, mox consequentur *Originum* libri: tum ii quos de re Poëtica fecimus. Scio non defore, qui omne hoc argumentum humile, & inferius ætate mea arbitrentur. Et ego idem sentio. Sed nolui labores tantos, quos maximam partem ante annos prope xxx. exhausti, æternum tineis gratificari. Nelebeim etiam multorum fallere expectationem, qui jam pridem promissa mea impleri postulant. At his defunctus, majore animo, si vitam summum Numen concesserit, aggrediar, quæ jam pridem de Historia Ecclesiæ, & quæ huc pertinent, mecum agitavi. Igitur tot tantisque semper pœne obrutum dixerim occupationibus; miretur quispiam in rescribendo

bendo Amicis , esse aliquanto negligentio-  
 rem. Ingenuè , & verè dico , si subinde literas ad ami-  
 cos dare cupiam, plurimum ad eò præcipitari scri-  
 ptionem opus est, ut aliud poene agenti eas exci-  
 disse quisque judicaturus sit. Neque id me malè  
 habet: quia satis profectum ad laudem arbitror ,  
 si quæ molior utilia , quæ dico non barbara habe-  
 antur. Quomodo animatus aliter scribere non  
 possum , quam occupatum decet. Sed novi can-  
 dorem , & prudentiam tuam. Non disertas à  
 me literas , aut quod huic sæculo potius vide-  
 tur , affectato acumine ornatas desideras. Habe  
 igitur simplices hasce , quas solus tui amor di-  
 ctavit. Habe simul animum meum , quem si non  
 alia re , certe eruditione tua , ne humanitatem  
 dicam , abundè tibi conciliasti. Vale. Amstelo-  
 dami.

A N D R E A S C O L V I U S

J. CRUCIO. S. P. D.

Delphos.

**C**Larissime , Doctissimeque Vir , filius tuus  
 summæ spei Juvenis , salutem mihi nuper  
 plurimam tuo nomine dixit : quæ mihi fuit  
 longè gratissima , præsertim cum te mei memo-  
 rem vivere intelligo. Ex eo tempore mihi in men-  
 tem venit, me in ære tuo esse, & me necdum re-  
 spondisse ad elegantissimas tuas literas. Ut verum  
 fatear, onus hoc quod portamus, nos ita premit, ut  
 vix animum liceat paulisper oblectare amœniori-  
 bus studiis, & satisfacere amicis. Oportet enim nos  
 esse assiduos in vinea *Domini*, & pervigilare super  
 animabus , pro quibus *Christus* fudit pretiosum  
 suum sanguinem : ut nobis constet ratio tempo-  
 ris, & donorum *DEI*. Res magna est, esse pusilli  
 gregis bonum Pastorem, præsertim hoc deprava-  
 to, & impuro seculo, in quo tot lupi rapaces infe-  
 stant ovile *Domini* , in quo tot malevoli acuunt  
 linguas

linguas suas, ut gladios, in verbi D E I ministros, & gaudent ut pater ipsorum *Diabolus*, si quando ipsis contigit, aut vitæ, aut doctrinæ errores committere. Et ut Sol non habet spectatorem nisi cum deficit, ita nec isti, quos ipse *Dominus* vocat, lumen terræ. Nostrum est benefaciendo impuris istis os obturare, & in cæteris ridere ipsorum risum, & strenuè contemnere ipsorum contemptum. Si enim studemus hominibus placere, utique non erimus servi *Christi*. Ipse enim dixit, quomodo potestis credere, qui gloriam à vobis invicem accipitis, & illam quæ à solo D E O est, non quæritis? Capiti nostro hac in parte debemus esse conformes: non enim est discipulus supra Magistrum. Dominus Deus benedicat piis tuis laboribus, & te diu incolumem ad gloriam ipsius, cum tota familia, conservet. Dordrecht.

S A M U E L C A B E L I A V I U S  
J. C R U C I O S. D.

Delphos.

**L**iteras nuper à te accepi, reverende *Cruci*, amicas valde, & humanas: quibus certè animi tui benevolentiam satis apertè docuisti, & propensionem erga eum, qui non tantum facie tibi incognitus, sed ut mihi persuaseram, ne quidem nomine tibi innotuerat. Meum itaque fuisset pari alacritate, tuæ jam dudum respondisse humanitati. Quid me retinuerit, huc usque, distincte assignare vix scio: hoc autem scio, iteratam tuam salutationem, ut & invitationem per filium effecisse, ut rupto silentio, hæc tibi literulas funderem. Volui non tantum iis testari, me tuam ambabus ulnis, libenter amplecti amicitiam, verum etiam operam, officia, studia, & quæcunque mea vicissim offerre. Ego quidem occasionem  
optem

optem, & subjectum, ubi gratificari tibi, & humanitatem quam mihi offers, si non penetrare, animo saltem grato, à limine salutare possim. Filium tuum uti petis, in sinum & communionem Ecclesiæ cooptavimus nostræ. Vita ejus, & conversatio apud nos talis est, qualem si in omnibus nostris conspiceret membris, minori certe cum negotio, majori cum fructu, & lætitia, munere fungi possem meo, ad nominis divini gloriam, & Ecclesiæ ædificationem. Vel hoc itaque nomine felix es, cui talem Deus sobolem concessit, qua doctis tuis junctis laboribus, corpore demortuus, nomine reviviscere, imò quasi æternari queas. Interim si qua ratione, virtutis studium in eo promovere, & excitare possim magis, firmiter tibi persuasum habeas velim, me partibus tam privatim quàm publicè pro modulo neutiquam defuturum meis. Vale reverende *D. Cruci*, & me uti facis ama, scabritiemque Scriptoris æqui bonique consule.

JOHANNI B. F. vander DUSSEN  
*Studioso S. D.*

Lugd. Batav.

**Q**Uæ solet ex carissimis, jucundissimisque rebus percipi voluptas, eam ipsam ex studiis tuis capere me, prorsus velim tibi persuadeas. Quæ tanto animi ardore, ut audio, tanta industria persequeris, ut nullum diem cum *Apelle*, imò nullam poene horam, abire patiaris sine Linea, & laudabili progressu in *JURIS*; quod unum tibi nunc pensum, jactis ante literaturæ, & philosophiæ moralis fundamentis. Macte hoc animo *Studiose*. Quæ Parentis tui vota sint, quæ consanguineorum expectatio, quæ Patriæ spes, non ignoras. Nam & ex tali ligno *Mercurii*, qui *Reip.* clavo aliquando admovendi, ubi emenso feliciter studiorum suorum



rum cursu, vitæque ac morum probitate commendabiles, se purpura hac dignos reddiderunt. Probitatem ut vides tibi ingero. Quid enim omnis literatura nostra, quid eruditio, virtute, & ingenuo morum candore destituta? Vin' dicam? nihil. Tu cave *Adolescens*, ne tantillum ab ea deflectas, præsertim hoc temporum, ac morum contagio, hac vitiorum licentia, quæ in *Lycæo* vestro (mentiri optem) crescit indies, & augetur. Major quottidie peccandi cupiditas, minor verecundia, quæ optimo cuique rubiginem suam affricat. Tu in hoc flexu vitæ, in hoc bivio atatis cum *Hercule* constitutus, *Sirenios* hos canrus præterlabere, ne à voluptatum blanditiis deceptus, in vada, & scopulos deferaris, in quos cum impeeris, non sit receptui locus. Alliciunt & invitant? fuge; aut declina: blandiuntur? subduc te, & deflecte: contemnunt ut difficilem, & morosum? ride; τὰ τοὶς γὰρ ἀπέσκειν τοῖς σοφοῖς ἔστιν ἀπαρέσκειν, & ab illaudatis contemni, laus est. Oderunt? sperne, & ut gratiam eorum, sic & offensas, odia, simultates, patriæque virtutis æmulus, & recti conscientia fretus, inania hæc fermunculorum, & importunè obstrepentium susurros, tanquam assilientes fluctus, elide, frange, dissipa, ad virtutis tuæ rupem. Non enim tantum terroris, & periculi ab armata militum manu *Adolescentibus* benè natis, benè educatis: quantum à lenocinio voluptatum, quæ irrepunt verius, quàm irrumpunt, & tanquam hamo, parum cautos inescant, adeò ut capite non sentias, nisi captus, nec perire, nisi cum perieris. Prudentia hæc opus est *Studiose*, atque *Argi* oculis, & induenda *Catonis* aut *Lycurgi* frons, ut sub severioris vitæ mantili, & illibatæ probitatis velo, elabaris. Ut enim nidorem muscæ, calorem culices: sic indolem ad virtutem natam, hac morum licentia sequitur, & libidinum irritamenta, nisi ea recta mens, recta ratio temperet, ac moderetur. Et fiet si *DEUM*,  
&c

& coelestis veritatis *Cynosuram* (quod caput ego censeo in homine) tanquam vitæ tuæ ducem sequaris, nihilque abripiat, quacunque specie, aut illicio. Vides affectum meum à niveo, & amico pectore profectum. Tu monentem audi, & ama. Delphis. 18. August. 1650.

OTHONI de VOOCHT  
Studio S. D.

Leidam.

Magna laus est eorum, qui non ad vulgarem, humilemque artem, sed ad nobilem aliquam, liberalemque doctrinam, sua studia conferunt; maxima verò si quis eam, inter alias, doctrinæ partem, quæ *Iurisprudentia* appellatur, ita est complexus, itaque totus in ea cognoscenda desudat, ut avelli ab ea nulla prorsus ratione possit. In te video *Studiose*, hocque ipso nomine tibi haud parum gratulor. Quid enim homini natura magis ingenitum, quàm eminere? quid studioso, quàm ad doctrinæ fastigia eniti, & per doctrinam, ad honores? Viam quæ eò recta ducit, insistis. Labori enim nihil impervium, vincit, perrumpit, penetrat, quidquid molestiarum sese offert in palæstra hac litteraria: ἀλωτὰ γίνεται ὀπρμελεία & ὀνόμα ἀπ᾽ αὐτᾶ, & serior hora sapere vehit, quod prima negat. Fruere modò occasione quæ tibi nunc ad manum; non reditura amplius, si negligatur: nam ut in flumine unda undam trudit; sic in tempore dies diem. Elapsa semel & amissa revocari nequeunt, aut reparari: & ut nihil temporis iactura turpius, ita ejus serior multi, sed serior nimis damna deplorant, omni æstimatione majora. Cogita quantum vitæ nostræ decedat per somnum, per infantiam, & pueritiam; cujus magna pars vagiendo in cunis, magna inter nuces, talos, crepundia, magna denique in

in puerili prætexta consumitur, ludendo par impar, aut *equitando in arundine longa*: quod in Adolescentia sarciri potest si temporis fugirivi, & tui rationem habeas. Habebis si redimas, & temporis nimium prodigos longè longè à te amandes: nam quid nisi remora sunt ituris ad bonam mentem, & ἐμπόδια currentibus in Palladio hoc circo? Si in hoc vere ætatis, hoc vitæ flore, doctrinæ sementem feceris, est unde messem exspectes aliquando uberrimam, parenti tuo non ingratam, tibi non indecoram. *Musas* cur in arduo, atque edito monte habitare, fabulati sunt, illi olim *Sapientiæ* magistri, & laborem, sudorem, vigilias ad earum atrium excubare voluit *Antiquitas*? nempe hoc figmento homines acutissimi nihil aliud indicare voluerunt, quàm doctrinam, non venire in sinum dormientibus, nec oscitantibus in ora delabi, sed perpetuis laboribus acquiri, comparari, possideri. Ita est *Studiose*. Nucem frangat oportet, qui nucleum esse vult: &

————— *nil sine magno  
Vitalabore dedit mortalibus.*

Additur studiis, quidquid somno, quidquid otio detraxeris. Hanc inierunt viam, quotquot insignioris unquam doctrinæ fama claruerunt. Contra fungi, degeneres animæ, fures temporis sui, & aliorum, familiæ patriæ dehonestamenta, & inutilia (si fas dicere) terræ pondera, qui turpi desidia tempus prodigunt, de nulla re minus solliciti, quàm de studiis: tu tales apud quos quidlibet in pretio magis est, quam quod pretio nullo digno æstimemur, si te amas, fuge sanguine viperino cautius.

Sed modestia tibi, & pietas in primis cordi sit & curæ, sine qua quidquid in studiis sudatur & lucubratur, nihili pendo. Basis ea est, & fundamentum omnis veræ literaturæ, cui quod inædificatur, firmitatem suam tuetur, & perennat. Cætera quæ vulgus mirari solet *οὐκ ἐστὶν ἐν ἐργασίᾳ*.

*ἀντα*

ἔγωγε καὶ τὴν αἰὶνάν σου σπέρται; fluxa, & in casu po-  
 sita, abeunt, & momento saepe labilis horæ,  
 transmutant dominos. nihil habent in vita fir-  
 mum, nihil stabile, dubia semper fortuna vacil-  
 lant, nulla re perpetuò fruuntur. Ipsa doctrina  
 quæ tanto nobis stat, quid nisi ad pompam, &  
 ostentationem, nisi eam pietas perpetuò comi-  
 retur? A qua animus lumen accipit, non se-  
 cus ac visus à circumfuso aëre. Hinc interroga-  
 tus quidam quid sibi conferret virtus, quid eru-  
 ditio? Respondit, ne in *Theatro* lapis lapidi in-  
 sideam. Et *Socrates* cum *Georgiam* percunctare-  
 tur, an *Persarum* regem, felicem esse arbitrare-  
 tur? *Nescio* inquit, *quantum virtutis habeat, &*  
*disciplina.* Innuens nullam sine virtute, & disci-  
 plina felicitatem dari, de qua quis jure gloriari  
 possit. Sine ea, inanis est omnis eruditio nostra;  
 quia doctos illa quidem nos reddit, non bonos,  
 scientiam subministrat, non sapientiam. Virtus  
 est, quæ libidinum æstus compescit, ardorem  
 temperat, quæ luxuriæ apparatus, ambitionis  
 strepitum, vana gloriæ & popularis auræ aucu-  
 pia ridet, quæ fastum, quæ animi elationem re-  
 tundit, quæ superbiam animis exculcat, humili-  
 tatem virtutum reliquarum parentem, & *Sa-*  
*pientiæ* ipsani prolem inculcat, mentem magni-  
 ficæ de se opinionis vanitate inflatam, reprimit.  
 Eruditio contra, virtute destituta, navi similis  
 est quæ sine remige, aut *Palinuro*, medio mari  
 decumanos inter fluctus, facile in brevia, syrteis,  
 vada delabitur. Sine virtute docti quid nisi utres  
 vento distenti, *Suffeni* superciliosi, aliorum con-  
 temptores, sui admiratores, & quid non? Vir-  
 tute præditi, humiles, humani, affabiles, sibi &  
 aliis utiles. Tu virtutem hanc ama, cole, ample-  
 cterò, perge ut cœpisti in Studiis, & animum  
 tuum pulcherrimis, reque dignis cogitationi-  
 bus exerce, viam quam præmonstrant in *Acade-*  
*mia* viri clarissimi, *Scotani*, *Vinnii*, *Masterii* infi-  
 ste. Istac euntibus rectissimus est ad gloriam cur-  
 sus.

sus. Et si augurari mihi fas, cum ad ingenium tuum, ad industriam, ad illos animi tui præclaros ad laudem impetus, mentem, & cogitationem refero, facile inducor ut credam te, & Parentis tui, & meæ expectationi abunde responsurum. Finio. Cura ut valeas, & me, ut amas, ama. Delphis x. Kalend. Septembr. M. DC. L.

JOHANNI CRUCIO

S. D.

Harlemum.

**S**ilentium meum sic satis diuturnum, si forte miraris *Cognate*, in causa sunt, non occupationes tantum meæ, solito importuniores, quæ (ut ille ait)

*& caput, & circa saliunt latus,*

sed & publicus ille mœror ex iis quæ nuper acciderunt, quibus ut non dejici magnæ constantiæ est; ita non affici, vix humanum. Acris enim erat tempestas, atra nube quæ nobis non ita pridem imminuit, quæ me (cur dissimulem?) attonitum planè reddidit. Me tantum? imò & omnes qui *Patria*, qui *Reip.* benè volunt. Deo Opt. Max. sit gloria & laus, qui eam subito, & inopinatò ortam, tam benignè, tam clementer à nobis avertit. Arcana *Imperii* curiosius scrutari, nec meum est, nec mei moris, sed Patribus Patriæ, & Deo hæc permitto: qui ex tenebris lucem elicere, & malorum ingruentium nimbos in serenitatem illicò convertere potest. Nulla tutior quies, quàm illi se dare, ab eo pendere, & judicia ejus quæ obscura, interdum, nec pervia humanæ menti, sine murmure venerari. Facio, imò & in me descendo, nec certior aliam talium motuum causam esse video, quàm delicta *Patriæ*, publica, privata, quæ ubi licentius grassantur, nec ullis legibus, aut pœnis se patiuntur inhiberi, sed pudoris



ris omnes, ac verecundiæ calles supergressa, Coelum ipsum petunt, & DEO bellum inferunt, cui mirum videri debet, si plus nimio tentata Numinis divini patientia, tandem exardescat, & patriæ casum si non meditari, minari saltem videatur? Leve adhuc vulnus est, imò admonitio tantum, & quidem paterna, ut ad nos redeamus, & his malis remedium petamus à nobis ipsis, seria conversione ad Deum, non fucata poenitudine peccatorum votis ac precibus ardentibus, ut *Patres Patrie* spiritu suo regat, spiritu dico prudentiæ, spiritu pacis, & concordiæ dissidentes animos magis magisque componat, offensos conciliet, alienatos reducat iisque eam mentem inspiret, ut qua prudentia, magnanimitate, consilio, fortitudine PATRIAM ante hac inter tubas & amorum strepitus defenso- runt, eam porro defendant, protegant, tueantur. Et futurum spes firma mihi manet, cum animo meo replico præteritorum temporum exempla, inopinatas ex summis periculis liberationes, irrita hostium in *Patriam* tentamenta, victorias exigua militum manu, inauditas, urbes omnium poene judicio inexpugnabiles, captas, & illustris- simorum ORDINUM imperio adjectas, aliaq; DEI in Remp. supra spem cumulata beneficia.

— *præmissa futuris*

*Dant exempla fidem.*

fore, ut porro nostri miserescat DEUS, qui suos interdum castigat, non ut pereant, sed pareant, ardentiusque ad aram clementiæ ejus, confugiant, quò periculo propiores fuere. Quid enim totum hoc VIVERE, nisi spinæ, & aulei? quid nisi salebræ, turbæ, pericula? Quot tela angoris, aut metus in hac rerum humanarum vicissitudine, nobis cottidie excipienda, nisi clypeo hoc munimur? Ecce & jam nunc tristitia, dum hæc scribo de obitu *D. Spranchusii*, heu quanti viri! Si enim pietatem ejus spectes, quis eo religiosior? si eruditionem quis eo do- ctior?

Etior? si dicendi parrhesiam, quis eloquentior? si mores quis candidior, humanior, hospitalior? *Musas* cum *Gratiis* sacro quodam vinculo junctas, in animo ejus sedem suam fixisse credidisses, ita oris vultusque gravitatem, ipsa canitie venerabilem, affabilitate, mansuetudine, ac modestia temperare didicerat, ut utris naturæ dotibus excelluerit, jure ambigi possit ac dubitari. Affectibus suis quis potentius imperare ipso potuit? Quam ille iram, perturbationum animi non minimam, in manu habuerit, magnis sæpe indiciis compertum. Et quamvis irasci interdum deberet, irasci noluit, ne vel tantillum sibi dissimilis videretur. Aliorum impetum ferre poterat nullius rei minus, quàm vindictæ cupidus, sed ea oris majestate, ea animi constantia, quæ pudorem exprimeret, etiam contumacissimis. Quanta moderatione, in utroque fortunæ vultu, prospera, & adversa excepit? Quam magno etiam animo difficillimis temporibus, & intricatis Ecclesiæ negotiis, cruda, & præcipitata vulgi de se judicia, una suæ virtutis conscientia subnixus, contempsit? Nullam sibi quietem, nullam à curis remissionem sibi indulgens, nisi cum Ecclesiæ salute conjuncta foret. Ista una cura præ aliis, illi curæ fuit. Hæc una studiorum, vigiliarum, & laborum ejus meta, & finis. Quoties ille suo consilio, sive qua pollebat eloquentia vacillantes firmavit, lapsos erexit, aberrantes reduxit, reluctantes in obsequii & officii gyrum redegit & audientium animos velut catenis vinctos, traxit in quamcumque partem ipsi visum? Quoties simultates in nervum & scandalum Ecclesiæ erupturas, ea prudentia, & longanimitate composuit, ut blanda monitorum suorum vi, etiam pertinacissimos in sententiæ suæ assensum adduxerit? Quoties ab ejus ore, *Synedrium*, *Classis*, *Synodus* in arduis Ecclesiæ negotiis, pendit? quoties unus vidit, quod aliis invisum? Nemo ab ostentatione, & inanis gloriæ aucupio,

pio, eo erat alienior ; nemo morum modestia & comitate gravior ; ut id unum tota vita egisse videretur , quo se omnibus acceptum redderet. Jam in scriptis quàm acer illi sermo & gravis , & cui cessit vel acumine in disputando , vel in explicando quæ sentiebat facilitate , copia , varietate , gratia ? Exempla & historiam veterem sic habebat ad manum , ut ingenium habere in numerato , & quasi promum condum totius Antiquitatis esse videretur. Quæ quo majora , & illustriora in eo fuerunt , eò gravior omnium in ejus obitu mœror. Mœret eum familia , uxor maritum , liberi patrem . Mœret Ecclesia pastorem suum , & fidei ac vitæ ducem suæ indefessum . Mœrent Collegæ , quæ in hoc Viro , non amicum , non fratrem , non symmystam solum , sed *Parentem* amiserunt. Mœret Magistratus qui tantum Reip. lumen, tantum Ecclesiæ columen. Quamquam ( si res dicenda ) non tam amissus , quàm præmissus in cœlestem illam PATRIAM. Cujus nec sublimitas hostem, nec ferenitas caliginem, nec puritatis labem, admittit. Quia defæcatus jam per mortem, in splendidam DEI imaginem transiit, eo-que felix merito censeri debet , & verè *μακαρίτης*. Hominem fateor lugere humanum est , Parentem pium, Pastorem æquum , sed si votis nostris , si suspiriis , & lacrymis retractum imus in terram , qui jam cœlum habitat , & in optatam illam libertatem postliminio rediit, nimio amore, nimio affectu peccamus , & crudeliter officiosi his rursus vitæ ærumnis immergi optamus , qui jam è fluxis his rebus transiit ad illas æternas , & in DEI , in *Angelorum* , in beatarum *Animarum* choro , divitum pavimenta ridet , & totam cum auro suo terram . Optima hæc lugendi defunctos ratio est , non tam in mortalitate eorum quam exuerunt deploranda quàm in nostra seriò meditanda occupari , ut multo ante mori discamus , quam moriendum est , & perpetuò



petuò nobis animo sit & in ore illud Prophetæ :  
 למנות ימינו בן הדרך ונביא לבב חכמה :

Plura non habeo. Hoc uno finiam, me ex animo  
 esse, & fore tui amantem te mei : nec incidat  
 hunc nexum ulla dies, quàm ea quæ vitæ hoc fi-  
 lum incidet. Delphis. xx. Augusti. M. DC. L.

JOHANNES BEVEROWYCIUS  
 JACOBO CRUCIO S.D.

Delphos.

**Q**Uantum ego ante hac *Focanum* nostrum,  
 ἀρχαίου ἔργου καὶ θέμις πηλαγωγῆς παρόν-  
 τος) ob ingenii, & doctrinæ præstantiam,  
 & indolis suavitatem colui, & dilexi, tantum  
 nunc meritò amo, quod se pararium constituerit  
 amicitiae inter nos conciliandæ. Cum ille litteras  
 quas ei scripseras, quod me capi crederet earum  
 elegantia, mecum communicaret, statim velut  
 ἐκ τοῦ οὐχόν τὸν λέοντα, æstimare cœpi tuam  
 eruditionem. Ita enim mihi persuadeo, ex nul-  
 lis magis scriptis, quàm ex literis perspicui posse  
 cuiusque animum : qui in tuis elucet non mino-  
 ri pietate, quàm eruditione excultus. Scriben-  
 di hoc genus, quo per literas μεταλήψεις, seu  
 conceptus tuos, posteris tradere paras, mihi  
 maximè commodum semper visum est. Nam  
 de quocunque argumento, quovis ordine, &  
 quantum velis, tractare potes. Quod etiam mo-  
 visse crediderim magnum *Senecam*, cur monita  
 sua, Christiana pietate non indigna, epistolarum  
 titulo, ad *Lucilium* scripserit. Macte virtute vir  
 clarissime, quia tantum *Herodes* refert, & quod  
 proposuisti, bonis avibus perface, ac exhibe Reip.  
 literariæ, desideratas à literatis literas, ingenii  
 tui monumenta victuro genio scripta, non mo-  
 dio, neque trimodio, ut ait *Plautus*, verum  
 ipso horreo. Pluribus tecum agerem, nisi omne  
 tempus, quod à praxi superest impendendum  
 esset

optem, & subjectum, ubi gratificari tibi, & humanitatem quam mihi offers, si non penetrare, animo saltem grato, à limine salutare possim. Filium tuum uti petis, in sinum & communionem Ecclesiæ cooptavimus nostræ. Vita ejus, & conversatio apud nos talis est, qualem si in omnibus nostris conspiceret membris, minori certe cum negotio, majori cum fructu, & lætitia, munere fungi possem meo, ad nominis divini gloriam, & Ecclesiæ ædificationem. Vel hoc itaque nomine felix es, cui talem Deus sobolem concessit, qua doctis tuis junctis laboribus, corpore demortuus, nomine reviviscere, imò quasi æternari queas. Interim si qua ratione, virtutis studium in eo promovere, & excitare possim magis, firmiter tibi persuasum habeas velim, me partibus tam privatim quàm publicè pro modulo neutiquam defuturum meis. Vale reverende *D. Cruci*, & me uti facis ama, scabritiemque Scriptoris æqui bonique consule.

JOHANNI B. F. vander DUSSEN  
*Studioso S. D.*

Lugd. Batav.

**Q**Uæ solet ex carissimis, jucundissimisque rebus percipi voluptas, eam ipsam ex studiis tuis capere me, prorsus velim tibi persuadeas. Quæ tanto animi ardore, ut audio, tanta industria persequeris, ut nullum diem cum *Apelle*, imo nullam poene horam, abire patiaris sine Linea, & laudabili progressu in JURIS; quod unum tibi nunc pensum, jactis ante literaturæ, & philosophiæ moralis fundamentis. Macte hoc animo *Studiose*. Quæ Parentis tui vota sint, quæ consanguineorum expectatio, quæ Patriæ spes, non ignoras. Nam & ex tali ligno *Mercurii*, qui *Reip.* clavo aliquando admovendi, ubi emenso feliciter studiorum suorum

rum cursu, vitæque ac morum probitate commendabiles, se purpura hac dignos reddiderunt. Probitatem ut vides tibi ingero. Quid enim omnis literatura nostra, quid eruditio, virtute, & ingenuo morum candore destituta? Vin' dicam? nihil. Tu cave *Adolescens*, ne tantillum ab ea deflectas, præsertim hoc temporum, ac morum contagio, hac vitiorum licentia, quæ in *Lycæo* vestro (mentiri optem) crescit indies, & augetur. Major quotidie peccandi cupiditas, minor verecundia, quæ optimo cuique rubiginem suam affricat. Tu in hoc flexu vitæ, in hoc bivio ætatis cum *Hercule* constitutus, *Sirenios* hos cantus præterlabere, ne à voluptatum blanditiis deceptus, in vada, & scopulos deferaris, in quos cum impegeris, non sit receptui locus. Alliciunt & invitant? fuge; aut declina: blandiuntur? subduc te, & deflecte: contemnunt ut difficilem, & morosum? ride; *τάτοις γδ' ἀπέσκειν τοῖς σοφοῖς ὅτιν ἀπαπέσκειν*, & ab illaudatis contemni, laus est. Oderunt? sperne, & ut gratiam eorum, sic & offensas, odia, simultates, patriæque virtutis æmulus, & recti conscientia fretus, inania hæc fermunculorum, & importunè obstrepentium susurros, tanquam affilientes fluctus, elide, frange, dissipa, ad virtutis tuæ rupem. Non enim tantum terroris, & periculi ab armata militum manu *Adolescentibus* benè natis, benè educatis: quantum à lenocinio voluptatum, quæ irrepunt verius, quàm irrumpunt, & tanquam hamo, parum cautos inescant, adeò ut capite non sentias, nisi captus, nec perire, nisi cum perieris. Prudentia hæc opus est *Studiose*, atque *Argi* oculis, & induenda *Catonis* aut *Lycurgi* frons, ut sub severioris vitæ mantili, & illibata probitatis velo, elabaris. Ut enim nidorem muscæ, calorem culices: sic indolem ad virtutem natam, hac morum licentia sequitur, & libidinum irritamenta, nisi ea recta mens, recta ratio temperet, ac moderetur. Et fiet si *DEUM*,  
&

& coelestis veritatis *Cynosuram* (quod caput ego censeo in homine) tanquam vitæ tuæ ducem sequaris, nihilque abripiat, quacunque specie, aut illicio. Vides affectum meum à niveo, & amico pectore profectum. Tu monentem audi, & ama. Delphis. 18. August. 1650.

O T H O N I de V O O C H T  
*Studioſo* S. D.

Leidam.

**M**agna laus est eorum, qui non ad vulgarem, humilemque artem, sed ad nobilem aliquam, liberalemque doctrinam, sua studia conferunt; maxima verò si quis eam, inter alias, doctrinæ partem, quæ *Iurisprudentia* appellatur, ita est complexus, itaque totus in ea cognoscenda desudat, ut avelli ab ea nulla prorsus ratione possit. In te video *Studioſe*, hocque ipso nomine tibi haud parum gratulor. Quid enim homini natura magis ingenitum, quàm eminere? quid studioſo, quàm ad doctrinæ fastigia eniti, & per doctrinam, ad honores? Viam quæ eò recta ducit, insistis. Labori enim nihil impervium, vincit, perumpit, penetrat, quidquid molestiarum sese offert in palæstra hac litteraria: *ἄλωται γίνεται ὀπμιελεία & πόνος ἀπάντα*. & serior hora saepe vehit, quod prima negat. Fruere modò occasione quæ tibi nunc ad manum; non reditura amplius, si negligatur: nam ut in flumine unda undam trudit; sic in tempore dies diem. Elapsa semel & amissa revocari nequeunt, aut reparari: & ut nihil temporis jactura turpius, ita ejus serior multi, sed serior nimis damna deplorant, omni æstimatione majora. Cogita quantum vitæ nostræ decedat per somnum, per infantiam, & pueritiam; cujus magna pars vagiendo in cunis, magna inter nuces, talos, crepundia, magna denique in

in puerili prætextâ consumitur, ludendo par impar, aut *equitando in arundine longa* : quod in Adolescentiâ sarciri potest si temporis fugitivi, & tui rationem habeas. Habebis si redimas, & temporis nimium prodigos longè longè à te amandes : nam quid nisi remoræ sunt ituris ad bonam mentem, & *ἐμπόδια* currentibus in Palladio hoc circo? Si in hoc vere ætatis, hoc vitæ flore, doctrinæ sementem feceris, est unde messem exspectes aliquando uberrimam, parenti tuo non ingratham, tibi non indecoram. *Musas* cur in arduo, atque edito monte habitare, fabulati sunt, illi olim *Sapientiæ* magistri, & laborem, sudorem, vigilias ad earum atrium excubare voluit *Antiquitas*? nempe hoc figmento homines acutissimi nihil aliud indicare voluerunt, quàm doctrinam, non venire in sinum dormientibus, nec oscitantibus in ora delabi, sed perpetuis laboribus acquisiti, comparari, possideri. Ita est *Studiose*. Nucem frangat oportet, qui nucleum esse vult : &

————— *nil sine magno  
Vitalabore dedit mortalibus.*

Additur studiis, quidquid somno, quidquid otio detraxeris. Hanc inierunt viam, quotquot insignioris unquam doctrinæ fama claruerunt. Contra fungi, degeneres animæ, fures temporis sui, & aliorum, familiæ patriæ dehonestamenta, & inutilia (si fas dicere) terræ pondera, qui turpi desidia tempus prodigunt, de nulla re minus solliciti, quàm de studiis : tu tales apud quos quidlibet in pretio magis est, quam quod pretio nullo digno æstimemur, si te amas, fuge sanguine viperino cautius.

Sed modestia tibi, & pietas in primis cordi sit & curæ, sine qua quidquid in studiis sudatur & lucubratur, nihili pendo. Basis ea est, & fundamentum omnis veræ literaturæ, cui quod inædificatur, firmitatem suam tuetur, & perennat. Cætera quæ vulgus mirari solet *ἀσπερ ἐν Εὐρείῳ, ἄνα*

αἶμα ἐν αἵμα πάντα σπένδεται; fluxa, & in casu posita, abeunt, & momento saepe labilis hora, transmutant dominos. nihil habent in vita firmum, nihil stabile, dubia semper fortuna vacillant, nulla re perpetuò fruuntur. Ipsa doctrina quæ tanto nobis stat, quid nisi ad pompam, & ostentationem, nisi eam pietas perpetuò comiteretur? A qua animus lumen accipit, non secus ac visus à circumfuso aëre. Hinc interrogatus quidam quid sibi conferret virtus, quid eruditio? Respondit, ne in *Theatro* lapis lapidi infideam. Et *Socrates* cum *Georgiam* percunctaretur, an *Persarum* regem, felicem esse arbitraretur? *Nescio* inquit, quantum virtutis habeat, & discipline. Innuens nullam sine virtute, & disciplina felicitatem dari, de qua quis jure gloriari possit. Sine ea, inanis est omnis eruditio nostra; quia doctos illa quidem nos reddit, non bonos, scientiam subministrat, non sapientiam. Virtus est, quæ libidinum æstus compescit, ardorem temperat, quæ luxuriæ apparatus, ambitionis strepitum, vana gloriæ & popularis auræ aucupia ridet, quæ fastum, quæ animi elationem retundit, quæ superbiam animis exculcat, humilitatem virtutum reliquarum parentem, & *Sapientie* ipsam prolem inculcat, mentem magnificæ de se opinionis vanitate inflatam, reprimat. Eruditio contra, virtute destituta, navi similis est quæ sine remige, aut *Palinuro*, medio mari decumanos inter fluctus, facile in brevia, syrteis, vada delabitur. Sine virtute docti quid nisi utres vento distenti, *Suffeni* superciliosi, aliorum contemptores, sui admiratores, & quid non? Virtute præditi, humiles, humani, affabiles, sibi & aliis utiles. Tu virtutem hanc ama, cole, amplectero, perge ut cœpisti in Studiis, & animum tuum pulcherrimis, teque dignis cogitationibus exerce, viam quam præmonstrant in *Academia* viri clarissimi, *Scotani*, *Vinnii*, *Masterii* infiste. Istac euntibus rectissimus est ad gloriam cursus.



sus. Et si augurari mihi fas, cum ad ingenium tuum, ad industriam, ad illos animi tui præclaros ad laudem impetus, mentem, & cogitationem refero, facile inducor ut credam te, & *Parentis* tui, & meæ expectationi abunde responsurum. Finio. Cura ut valeas, & me, ut amas, ama. Delphis x. Kalend. Septembr. M. DC. L.

## JOHANNI CRUCIO

S. D.

Harlemum.

**S**ilentium meum sic satis diuturnum, si forte *Spiraris Cognate*, in causa sunt, non occupationes tantum meæ, solito importuniores, quæ (ut ille ait)

*& caput, & circa saluunt latus,*

sed & publicus ille moeror ex iis quæ nuper acciderunt, quibus ut non deijci magnæ constantiæ est; ita non affici, vix humanum. Acris enim erat tempestas, atra nube quæ nobis non ita pridem imminuit, quæ me (cur dissimulem?) attonitum planè reddidit. Me tantum? imò & omnes qui *Patria*, qui *Reip.* benè volunt. Deo Opt. Max. sit gloria & laus, qui eam subito, & inopinatò ortam, tam benignè, tam clementer à nobis avertit. Arcana *Imperii* curiosius scrutari, nec meum est, nec mei moris, sed Patribus *Patriæ*, & Deo hæc permitto: qui ex tenebris lucem elicere, & malorum ingruentium nimbos in serenitatem illicò convertere potest. Nulla tutior quies, quàm illi se dare, ab eo pendere, & iudicia ejus quæ obscura, interdum, nec pervia humanæ menti, sine murmure venerari. Facio, imò & in me descendo, nec certior aliam talium motuum causam esse video, quàm delicta *Patriæ*, publica, privata, quæ ubi licentius grassantur, nec ullis legibus, aut pœnis se patiuntur inhiberi, sed pudoris

ris omnes, ac verecundiæ calles supergressa, Coelum ipsum petunt, & D E O bellum inferunt, cui mirum videri debet, si plus nimio tentata Numinis divini patientia, tandem exardescat, & patriæ casum si non meditari, minari saltem videatur? Leve adhuc vulnus est, imò admonitio tantum, & quidem paterna, ut ad nos redeamus, & his malis remedium petamus à nobis ipsis, seria conversione ad Deum, non fucata poenitudine peccatorum votis ac precibus ardentibus, ut *Patres Patriæ* spiritu suo regat, spiritu dico prudentiæ, spiritu pacis, & concordiæ dissidentes animos magis magisque componat, offensos conciliet, alienatos reducat iisque eam mentem inspiret, ut qua prudentia, magnanimitate, consilio, fortitudine P A T R I A M ante hac inter tubas & amorum strepitus defenserunt, eam porro defendant, protegant, tueantur. Et futurum spes firma mihi manet, cum animo meo replico præteritorum temporum exempla, inopinatas ex summis periculis liberationes, irrita hostium in *Patriam* tentamenta, victorias exigua militum manu, inauditas, urbes omnium poene judicio inexpugnabiles, captas, & illustrissimorum O R D I N U M imperio adjectas, aliæque D E I in Remp. supra spem cumalata beneficia.

— *præmissa futuris*  
*Dant exempla fidem.*

fore, ut porro nostri miserescat D E U S, qui suos interdum castigat, non ut pereant, sed pareant, ardentiusque ad aram clementiæ ejus, confugiant, quò periculo propiores fuere. Quid enim totum hoc V I V E R E, nisi spinæ, & aulei? quid nisi salebræ, turbæ, pericula? Quot tela angoris, aut merus in hac rerum humanarum vicissitudine, nobis cottidie excipienda, nisi clypeo hoc munimur? Ecce & jam nunc tristitia, dum hæc scribo de obitu *D. Spranchusii*, heu quanti viri! Si enim pietatem ejus spectes, quis eo religiosior? si eruditionem quis eo doctior?



Etior? si dicendi parrhesiam, quis eloquentior? si mores quis candidior, humanior, hospitalior? *Musas* cum *Gratiis* sacro quodam vinculo junctas, in animo ejus sedem suam fixisse credidisses, ita oris vultusque gravitatem, ipsa canitie venerabilem, affabilitate, mansuetudine, ac modestia temperare didicerat, ut utris naturæ dotibus excelluerit, jure ambigi possit ac dubitari. Affectibus suis quis potentius imperare ipso potuit? Quam ille iram, perturbationum animi non minimam, in manu habuerit, magnis sæpe indiciis compertum. Et quamvis irasci interdum deberet, irasci noluit, ne vel tantillum sibi dissimilis videretur. Aliorum impetum ferre poterat nullius rei minus, quàm vindictæ cupidus, sed ea oris majestate, ea animi constantia, quæ pudorem exprimeret, etiam contumacissimis. Quanta moderatione, in utroque fortunæ vultu, prospera, & adversa excepit? Quam magno etiam animo difficillimis temporibus, & intricatis Ecclesiæ negotiis, cruda, & præcipitata vulgi de se judicia, una suæ virtutis conscientia subnixus, contempsit? Nullam sibi quietem, nullam à curis remissionem sibi indulgens, nisi cum Ecclesiæ salute conjuncta foret. Ista una cura præ aliis, illi curæ fuit. Hæc una studiorum, vigiliarum, & laborum ejus meta, & finis. Quoties ille suo consilio, sive qua pollebat eloquentia vacillantes firmavit, lapsos erexit, aberrantes reduxit, reluctantes in obsequii & officii gyrum redegit & audientium animos velut catenis vinctos, traxit in quamcumque partem ipsi visum? Quoties simultates in nervum & scandalum Ecclesiæ erupturas, ea prudentia, & longanimitate composuit, ut blanda monitorum suorum vi, etiam pertinacissimos in sententiæ suæ assensum adduxerit? Quoties ab ejus ore, *Synedrium*, *Classis*, *Synodus* in arduis Ecclesiæ negotiis, pependit? quoties unus vidit, quod aliis invisum? Nemo ab ostentatione, & inanis gloriæ aucupio,

pio, eo erat alienior ; nemo morum modestia & comitate gravior ; ut id unum tota vita egisse videretur , quo se omnibus acceptum redderet. Jam in scriptis quàm acer illi sermo & gravis , & cui cessit vel acumine in disputando , vel in explicando quæ sentiebat facilitate , copia , varietate , gratia ? Exempla & historiam veterem sic habebat ad manum , ut ingenium habere in numerato , & quasi promum condum totius Antiquitatis esse videretur. Quæ quo majora , & illustriora in eo fuerunt , eò gravior omnium in ejus obitu mœror. Mœret eum familia , uxor maritum , liberi patrem . Mœret Ecclesia pastorem suum , & fidei ac vitæ ducem suæ indefessum . Mœrent Collegæ , quæ in hoc Viro , non amicum , non fratrem , non symmystam solum , sed Parentem amiserunt. Mœret Magistratus qui tantum Reip. lumen, tantum Ecclesiæ columen. Quamquam ( si res dicenda ) non tam amissus , quàm præmissus in cœlestem illam PATRIAM. Cujus nec sublimitas hostem, nec serenitas caliginem, nec puritas labem, admittit. Quia defæcatus jam per mortem, in splendidam DEI imaginem transiit, eo-que felix merito censeretur debet , & verè *μακάριος*. Hominem fateor lugere humanum est , Parentem pium, Pastorem æquum , sed si votis nostris , si suspiriis , & lacrymis retractum imus in terram , qui jam cœlum habitat , & in optatam illam libertatem postliminio rediit, nimio amore, nimio affectu peccamus , & crudeliter officiosi his rursus vitæ ærumnis immergi optamus , qui jam è fluxis his rebus transiit ad illas æternas , & in DEI, in *Angelorum* , in beatarum *Animarum* choro , divitum pavimenta ridet , & totam cum auro suo terram . Optima hæc lugendi defunctos ratio est , non tam in mortalitate eorum quam exuerunt deploranda quàm in nostra seriò meditanda occupari , ut multo ante mori discamus , quam moriendum est , & perpetuo

petuò nobis animo sit & in ore illud Prophetæ :  
 למנוח ימינו כן הוֹרַע וְנָבִיא לְכָב הַכֹּהֵן :

Plura non habeo. Hoc uno finiam, me ex animo  
 esse, & fore tui amantem te mei : nec incidat  
 hunc nexum ulla dies, quàm ea quæ vitæ hoc fi-  
 lum incidet. Delphis. xx. Augusti. M. DC. L.

JOHANNES BEVEROWYCIUS  
 JACOBO CRUCIO S.D.

Delphos.

Quantum ego ante hac *Focanum* nostrum,  
 ἀρχομένη ἔργα καὶ θέλω πηλαγὸς πρὸς πο-  
 τον) ob ingenii, & doctrinæ præstantiam,  
 & indolis suavitatem colui, & dilexi, tantum  
 nunc meritò amo, quod se pararium constituerit  
 amicitiae inter nos conciliandæ. Cum ille litteras  
 quas ei scripseras, quod me capi crederet earum  
 elegantia, mecum communicaret, statim velut  
 ἐκ τῶν οὐράων τὸν λέοντα, æstimare cœpi tuam  
 eruditionem. Ita enim mihi persuadeo, ex nul-  
 lis magis scriptis, quàm ex literis perspicere posse  
 cujusque animum : qui in tuis elucet non mino-  
 ri pietate, quàm eruditione excultus. Scriben-  
 di hoc genus, quo per literas μαθημάτων, seu  
 conceptus tuos, posteris tradere paras, mihi  
 maximè commodum semper visum est. Nam  
 de quocunque argumento, quovis ordine, &  
 quantum velis, tractare potes. Quod etiam mo-  
 visse crediderim magnum *Senecam*, cur monita  
 sua, Christiana pietate non indigna, epistolarum  
 titulo, ad *Lucilium* scripserit. Macste virtute vir  
 clarissime, qua tantum Heroa refers, & quod  
 proposuisti, bonis avibus perface, ac exhibe Reip.  
 literariæ, desideratas à literatis literas, ingenii  
 tui monumenta victuro genio scripta, non mo-  
 dio, neque trimodio, ut ait *Plautus*, verum  
 ipso horreo. Pluribus tecum agerem, nisi omne  
 tempus, quod à praxi superest impendendum  
 esset

esset affini *Veldt drielio* qui Ord. Gen. legatione ad Magnum *Moscovia* Ducem functus gratissimus hospes, interim dum tuas cum admiratione legit, me has scribere patitur. Alias longiores aliàs breviores exspecta: quas ego à te creberrimè. Interim vale Vir clarissime, καὶ ἐμὸν καλεῖσθαι σου, & me armare perge ἀδιαλείπτως. Raptim Dordrecht.

ALBERTO GROENWEGIO

*Studio* S.

Lugd. Batavorum.

**D**uplici nomine grata mihi tua studia; & quod ante hac, sub me haud infeliciter tentata; & quod nunc tam calidè à te tractantur. Verè dicam? Utroque unicè gaudeo. Me quidem morum tuorum ingenuitas, & modestia cum meus esses, & præsens, ita cepit, ut non possim non amare absentem. Virtus hoc habet, ut se gratam reddat & acceptam, virtutem amantibus. Cui si accedat φιλιμαθία, quid non de te speremus? qui jam in via es, quæ doctrinam, quæ gloriam tibi pariet. Huc omnem ingenii aciem intende, omnes animi nervos contende, ut optimam indolem, & naturæ tuæ agrum, quem DEUS feracem optimarum artium dedit, industriæ tuæ aratro scindas, & semina scientiarum injicias, ut cœpisti, sed maturanda. Non enim amo nimium festinantes, quia iis haud absimiles, qui caneros esitant, in crustis potissimum occupati, dum esculenti parum inveniunt. *Sat citò, si sat benè! male cuncta ministrat impetus.* Superficialia sunt studia, quæ corticem solum tangunt, non penetrant: & ut pluvia inutilis est, quæ in lapides aut rupes cadit, & supernè, irrigat tantum: sic doctrina quæ in ore, & verbis, in pectus non descendit. Ut maturescant, & quasi concoquantur, indefessæ tuæ diligenti-

diligentiæ (ut sic dicam) solem adhiberi volo, ut metere aliquando queas, & colligere laboris tui fructus, quos nec cœli calamitas corrumpat, nec malus, furto subtrahat, nec belli favientis impetus devastet, quos non tuis solum, sed *Patriæ* devovisti, in qua natus. Fiet si ea discas in terris, quorum scientia tibi perseveret in cœlis. Quo enim aliò omnis doctrina nostra, quò literatura, nisi eò tendat, eò collimet? Ut nihil prodest clavis aurea quæ non aperit: sic nec omnis eruditionis nostræ splendor & pompa, quæ ad hunc finem non ducit. Probitatem quæ tibi in animo, cole, & sèrva, magis magisque (ita ominor) augendam: nihil ab ea deflectat, hoc ævi contagio, quod præceps nimis in vitia, libero illo aëre Academico, quo multi hodie licenter nimis abutuntur, non studiorum solum, sed & nominis sui intertrimento. Tu tanquam alter *Ulysses* insidiantes hos scopulos, cautus præterlabere, & in hac vitiorum hominumque colluvie, ardeat in animo tuo semel accensus honestior ille ignis, qui paleas illas luxuriæ, & vanitatis adurat, & illibatam servet vitæ tuæ, morumque integritatem, quam si colis, quod homine dignum est, facis, & meliore illa origine tui. Procul à te amanda inextes illos, & malè feriatos, ad hoc tantum natos, ut ingeniosè nequiores sint, & stultitiam suam, sub specioso studiorum obtentu, mundo propinent, ut Parentum bona olim parta turpiter (proh dedecus!) abliguriant, & pro tot expensis, domum nihil referant, quàm vanitatem, & omnis generis intemperantiam, nescio quibus *Circæis* poculis fascinati. Sed de te meliora. Vale *Studiose*, quem è disciplina mea, in sinu isto pectoris circumfero, ac gesto, & calcar testimonii, & iudicii mei hoc habebis; habituri etiam qui morum ingenuitate tecum paria facient; quorum juventuti formandæ indies adhuc incumbo, sed diu futurum diffido, cum ætatem meam video, paucorum passuum, an graduum,

duum, quæ præcipitant, & ruit ad metam. Sed quid hic mali? quo enim propius res humanas intueor, & in iis misérias, malitias, vanitates, magis aspernari eas lubet, & domicilio quod è coelo est, superindui, ubi omnia lata & pura. Vale & nos ama. Delphis. αἰ τὰ χῆσα. v. Kallend. Sept. M. D. C. L.

G U L. N I E U W E N H U S I U S

J A C O B O C R U C I O *Verbi Dei Ministro, & Collegii Scholæque Delphensis Moderatori.* S. D.

Delphos.

**S**I nominis tui existimationem plurimum apud me valere, inficiatus fuero, sincerus ne judicer; & nisi animum tuum usque adeò in me propensum duabus ulnis amplexus, & exosculatus, ingritudinis crimen, quomodo evitaturus sim, nullus equidem video. Gaudium quo afficior, verbis exprimere non habeo, eo quod meam agendi rationem, etiam probis, doctis, magnique nominis viris, probari intelligam. Et quanquam honore quo me dignaris indignus sum, prompta tamen illa in me voluntas, varia mentis tadia discutit, quamvis ignorantis, quænam illa sint, quæ tuam humanitatem, tam facile in meas partes, meique amorem traduxerint, & me in amicorum tuorum chorum allegerint. Nihil *οὐκ ἔστιν*, nihil *οὐκ ἔστιν* scribo. Cum autem omnia quæ ad Spartam, quam nacti sumus, rite adornandam desiderantur, ipsius ad amissim describas, paucioribus hic mihi agendum judico. Musis virtutem adjungendam comitem, & virtuti (etsi sibi ipsa pretium est) ex literis aliquem splendorem eliciendum, jure summo statuis: tradunt quippe mutuam operam, possessorem ad veram & perennem felicitatem evehunt. Subscribis meæ, & ego tuæ  
sen-

sententiæ. Cum ad hunc scopum collimamus, cum Juventutem curæ, & disciplinæ nostræ commissam ad ista incitamus fideliter (ni fallor) quod muneris nostri est exsequimur. Quod munus honestum omni procul dubio fateor, asperum ac tædiosum, neutiquam diffiteor. Asperitatem, & nauseam quis graphicè satis depingat? quam subinde movent, cum quibus quotidie nobis negotium est, immorigeri, socordes, pertinaces discipuli: adde & parentes istiusmodi prolis authores, & fautores. Felicius virtutis semina, quondam animis, tabulis quippe rasis, agrisque fertilioribus committerentur, nisi perniciosum cæcutientium parentum obstaret irritamentum. Felicius inculcarentur artes, virtutis fundamento nixæ, nisi eorundem improba ignorantia, fidelium præceptorum disturbareret consilium. Accedit quorundam impudentia qua impulsus, ipsis moderatoribus, quid agendum præscribunt, quod verò pueris à præceptoribus injungitur, rejiciunt, ludibrio exponunt, reprehendunt. Sic sutor *Apellem*. Sed valeant istiusmodi blaterones cum suis. Nos autem nugæ istæ ne commoveant. E palæstra potius nostra paternæ stoliditatis futuri hæredes exturbentur; ne contagium ulterius serpat, & vicinum quemque polluat. Fungus me hercle fiet oportet, qui languide & non potius *Σεπμῶς* (cum misera remedia malum ipsum efflagitat, cum urendum, secandum morbus ipse indicat) monstris, & carcinoma- tis istis extirpandis se accingat. Nunquam eò pusillanimitatis prolabamur, ut artes & linguas denuò languere patiamur, ut barbariem & Cimærias tenebras, cælum barathro misceri permittamus, ut morum censuram flaccescere sinamus. Maxima animo excitatur lætitia, quia te mihi adstipulantem video; quia de virtute, & politiori literatura te usque adeò sollicitum scio, quia te Atticæ suavitatis defensorem, *Palladis*



clypeo instructum cerno ; quia venustæ pariter ,  
 ac vetustæ linguæ acerrimum patronum te agno-  
 sco. Quis ignorat quantopere hæc spreta jaceat ;  
 quàm multis sordeat Juris peritis, Medicis, ne  
 dicam Theologis? Tanta dona cum spernantur, si  
 forte Deus clementiam in iram converteret ,  
 tranquillam pacem (qua florente illis frui datur)  
 subduceret, si cruenti *Martis* habenas in nos  
 laxaret, quid ? an non tantam *ἰλιάδα κακῶν* no-  
 bis imputandam, universus Orbis clamitaret? an  
 non serò, & frustra amissæ illæ opes quæreren-  
 tur ? Verum hæc *ἐν παρῳδῳ* nunc quidem : ne  
 identidem eandem incudem tundere, & eadem  
 per eadem tractare videar. Alibi enim hæc ple-  
 nius à me assignata sunt. Bonus ille bonorum  
 dator, tam durum omen avertat, ne omnia in-  
 dies in pejus vergant. Quin animus nobis eri-  
 gatur, spe aliqua saltem coelitus affulgente, dum  
 adhuc aliquos *φιλέλλωνας* superesse videmus, qui  
 indefesso studio, linguam tam eximiam tanto  
 ornamento omnibus futuram, Auditoribus suis  
 commendant, inculcant, Græcæque venustatis  
*μωροθήκια* aperiunt: qui etiam *Latium* splendere,  
 & inprimis virtutem immortalitatis ornamen-  
 tis insigniri volunt. Inter horum Antesignanos,  
 cum te gravissimas ob causas recensendum pu-  
 tem, ut Deus Opt. Max. pio tuo conatui adspiret,  
 ex animo opto, teque Ecclesiæ, Reip. Scholæ,  
 familiæque diu incolumem servet, unicè voveo,  
 & oro. Ne autem *μέγα βιβλίον, μέγα κακόν* ju-  
 dices, plura non addo. Vale, vir reverende, &  
 cum tuis à nobis salve, meque ut facis, amare  
 perge. Dab. Harlemi.



PETRO vander DUSSEN, ADRIANO  
BOGARDO, CORNELIO  
BOSCHARDO *Academiae*  
*Candidatis S. D.*

**I**Ta certè oportuit. Institutione mea, & diligentia vestra promoti ad *Academiam*, finem ad quem dudum aspirastis, jam possideris. Quæritis quem? dicam: ut studia vestra quæ adhuc in herba, his tyrocinis feliciter defuncti, alius protrudatis, in uberrimam aliquando messem (ita spero, certè voveo) cxsurrectura. Ætatem vestram cogitate, quæ mollis, & quasi cerea, signa melioris doctrinæ, & monitorum admittit: Indolem, quæ literaturæ capax, & quæ etsi jam ante campum habuit, in quo se exerceret sub disciplina mea, tamen nunc amplius in nobili illo *Athenæo*. Magnos ibi viros videbitis, & audietis: adite, æstimate, haurite, quantum datur. Sicut nautas in tenebris levis intermicantis sideris coruscatio dirigit: sic vos in cursu studiorum, illi viri vel inspecti. Sed unum, *Adolescentes*, vobis commendo, nempe *Ordinem*. Ut enim memoriæ mater est, ita & studiorum, qui culmen ædificio imponit. Citra ordinem, studia quid nisi desultoria & vaga? & qui ea tractant, quid nisi *Errones*, nusquam domi, ubique peregrini? Viatoribus haud absimiles, qui hospitium quidem multa habent, at nullas amicitias; & dum operosè se movent, parum aut nihil promovent: quia novitatis magis studio quàm proficiendi desiderio, teneri videntur, qui instar canis Ægyptii studia sua currendo lambunt, & ita properanter, libros pervolant, ut vix *Ladas* aliquis, aut cum *Pegaso* suo *Perseus*, multa legentes, non multum. Male, quia sine fructu, sine usu. Ut enim qui gemmas, vel aurum quærunt, non summam terræ cutem leviter stringunt, sed in viscera ejus penetrant: sic qui

f 3

veram

veram doctrinam, altius necessum est in scriptorum sensa, se immittant: Ut fiat, seria vestra sint studia, intenta, ordinata. Πολυτελής ἀπὸ ἀνάλωμα χρόνῳ. Cujus melior haberi ratio nequit, quàm si matutinæ horæ studiis gravioribus destinentur, *Logicis, Ethicis, Politicis*, quæ vos tanquam manu ducant ad *Iurisprudentiam* necessarium futuro regimini Reip. instrumentum, & à qua tam in fago, quam in toga, omne consilium domi, militiæque petendum. Pomeridianæ literaturæ, & linguis lectione seria non *Planti* tantum, & *Ciceronis*, sed & aliorum melioris notæ, quales *Livius, Curtius, Sallustius*, & præ aliis *Seneca*, qui ita de virtute disserit, ut eam inferat quoque, & inculcet. Fugite ignaviam, ὁμῶς αἰδῶο πύλησι, & cum ea confidentiam, & φιλαυτίαν, duas peltes *Inventutis*. Fores animi his vitiis præcludite, ne intrent. Fugite inquam, vel potius fugate, & quidem assiduè. Neque enim ut in agro, satis est semel sementem jecisse, sed fovenda est, donec fructus proferat: sic cottidiano (ut sic loquar) vomere proscindendi, & obserendi sunt animi, ad meliorem illam frugem. Video & gaudeo à vobis fieri: Pergite modo. Regia hæc est ad eruditionem via, & per eam ad honores. Nihil ab ea deflectat. In stadio hoc currendum, donec ventum ad metam. Videte *Parentes*, jamdiu inter *Patriæ* decora, & vos quandoque eritis, si viam quam inistis, firmo pede calcatis. Date, date interrim studiis dulcia quandoque intervalla. Avidius ad cibos itur post abstinentiam, aut famem. Habent & *Musæ* honesta sua laxamenta, & in comitatu suo *Gratias*, quæ ridere interdum amant. Ipse *Sisyphus* in fabulis, qui perpetui laboris damnatus, suspendit tamen, *Orpheo* cantante suum saxum. Quid quod

— Vires instillat, alitque  
Tempestiva quies.

Et quis adeo truncus, aut stipes, qui neget? Ut enim

enim facem extinctam si igni admoveas, vehementius accenditur: sic posita, ad tempus studia. In iis *Pietas* vobis semper sit in animo, proptas ante oculos: ad quam nunquam satis vos morder. Fundamentum enim illa omnium virtutum, nec peccatis alia plura ingenia abripuit: quam proterva illa morum licentia, quæ tanquam *Harpyiæ* contactu suo omnia foedat, & ubi ginem affricat rudibus adhuc, incautis, & norum ignaris. Utinam non vivat vigeatque, ubi minimè deberet! Quot enim Veneris nepotuli, nugigeruli, alastores, vitiorum proxegetæ? quot *Phormiones* hodie, quot *Davi* qui juvenutem, petulantis inertiae dulcedine inscatam, corrumpunt? Interea proficiendi in studiis occasio labitur, quæ ante capillata, post alva est. O miseros, & prodigos nimis, temporis sui decoctores? qui quid sit verè vivere, nisi um desinunt, vident & sui juris ac arbitrii facti, libitam illam mutationem ferre nequeunt, & libertatis Academicæ ventis abrepti lascivire sotent, ac insolescere, perruptis omnis pietatis, ac pudoris repagulis. Vos *Studiosi*, deflectite cymbulam vestram ab hac *Charybdi*, multorum naufragio infami, quos puros ab hac labe fore, sponset mihi & altior vestra indoles, & liberalis educatio sub oculis parentum, qui quam habent proptatem, vobis ab ineunte ætate, instillarunt, sine qua mihi credite, alia, fumi, & quisquiliæ sunt; & quò vestra studia nisi ducunt, valde à recto abluunt. Amicos (quis enim sine iis vivat?) degigite non oblatos istos, & passim obvios, de paræstra, de sphæristerio, de fritillo, sed qui à proptate, & morum modestia commendabiles, ligni qui ament, & amentur. Nec enim Amici unt, quicunque vos sequuntur (alioquin tam multi, quàm sunt in culina muscæ, quæ cum ipso odore confluunt & recedunt) sed quorum inguitatem, ac innocentiam exploraveritis. Sed monitionum satis. Valete virtutis, & doctrinæ

pio, eo erat alienior ; nemo morum modestia & comitate gravior ; ut id unum tota vita egisse videretur , quo se omnibus acceptum redderet. Jam in scriptis quàm acer illi sermo & gravis , & cui cessit vel acumine in disputando , vel in explicando quæ sentiebat facilitate , copia , varietate , gratia ? Exempla & historiam veterem sic habebat ad manum , ut ingenium habere in numerato , & quasi promum condum totius Antiquitatis esse videretur. Quæ quo majora , & illustriora in eo fuerunt , eò gravior omnium in ejus obitu mœror. Mœret eum familia , uxor maritum , liberi patrem . Mœret Ecclesia pastorem suum , & fidei ac vitæ ducem suæ indefessum . Mœrent Collegæ , quæ in hoc Viro , non amicum , non fratrem , non symmystam solum , sed Parentem amiserunt. Mœret Magistratus qui tantum Reip. lumen , tantum Ecclesiæ columen. Quamquam ( si res dicenda ) non tam anussus , quàm præmissus in cœlestem illam PATRIAM. Cujus nec sublimitas hostem , nec serenitas caliginem , nec puritas labem , admittit. Quia defæcatus jam per mortem , in splendidam DEI imaginem transiit , eo-que felix merito censeretur debet , & verè μακάριος. Hominem fateor lugere humanum est , Parentem pium , Pastorem æquum , sed si votis nostris , si suspiriis , & lacrymis retractum imus in terram , qui jam cœlum habitat , & in optatam illam libertatem postliminio rediit , nimio amore , nimio affectu peccamus , & crudeliter officiosi his rursus vitæ æumnis immergi optamus , qui jam è fluxis his rebus transiit ad illas æternas , & in DEI , in Angelorum , in beatarum Animarum choro , divitum pavimenta ridet , & totam cum auro suo terram . Optima hæc lugendi defunctos ratio est , non tam in mortalitate eorum quam exuerunt deploranda quàm in nostra seriò meditanda occupari , ut multo ante mori discamus , quam moriendum est , & perpetuo

petuò nobis animo sit & in ore illud Prophetæ :  
 לְמִנְחָת יָמֵינוּ בֵּן הָדָרַע וְנָבִיא לְבָב חֲכָמָה :

Plura non habeo. Hoc uno finiam, me ex animo  
 esse, & fore tui amantem te mei : nec incidat  
 hunc nexum ulla dies, quàm ea quæ vitæ hoc fi-  
 lum incidet. Delphis. xx. Augusti. M. DC. L.

JOHANNES BEVEROWYCIUS  
 JACOBO CRUCIO S.D.

Delphos.

**Q**Uantum ego ante hac *Focanum* nostrum,  
 ἀρχαίῃς ἔργα καὶ θέμῃς πηλαγὰς πορεύου-  
 πον) ob ingenii, & doctrinæ præstantiam,  
 & indolis suavitatem colui, & dilexi, tantum  
 nunc merito amo, quod se pararium constituerit  
 amicitiae inter nos conciliandæ. Cum ille litteras  
 quas ei scripseras, quod me capi crederet earum  
 elegantia, mecum communicaret, statim velut  
 ἐκ τῶν οὐράων τὸν λέοντα, æstimare cœpi tuam  
 eruditionem. Ita enim mihi persuadeo, ex nul-  
 lis magis scriptis, quàm ex literis perspicui posse  
 cujusque animum : qui in tuis elucet non mino-  
 ri pietate, quàm eruditione excultus. Scriben-  
 di hoc genus, quo per literas μετατίθηται, seu  
 conceptus tuos, posteris tradere paras, mihi  
 maximè commodum semper visum est. Nam  
 de quocunque argumento, quovis ordine, &  
 quantum velis, tractare potes. Quod etiam mo-  
 visse crediderim magnum *Senecam*, cur monita  
 sua, Christiana pietate non indigna, epistolarum  
 titulo, ad *Lucilium* scripserit. Maestæ virtute vir  
 clarissime, quia tantum Heroa refers, & quod  
 proposuisti, bonis avibus perface, ac exhibe Reip.  
 literariæ, desideratas à literatis literas, ingenii  
 tui monumenta victuro genio scripta, non mo-  
 dio, neque trimodio, ut ait *Plautus*, verum  
 ipso horreo. Pluribus tecum agerem, nisi omne  
 tempus, quod à praxi superest impendendum  
 esset

esset affini *Veldt drielio* qui Ord. Gen. legatione ad Magnum *Moscovia* Ducem functus gratissimus hospes, interim dum tuas cum admiratione legit, me has scribere patitur. Alias longiores alias breviores expecta: quas ego à te creberrimè. Interim vale Vir clarissime, καὶ ἐμὸν χεῖρσιν ἀσπάζομαι, & me armare perge ἀδιαλείπτως. Raptim Dordrecht.

## ALBERTO GROENWEGIO

*Studioso S.*

Lugd. Batavorum.

**D**uplici nomine grata mihi tua studia; & quod ante hac, sub me haud infeliciter tentata; & quod nunc tam calidè à te tractantur. Verè dicam? Utroque unicè gaudeo. Me quidem morum tuorum ingenuitas, & modestia cum meus es, & præsens, ita cepit, ut non possim non amare absentem. Virtus hoc habet, ut se gratam reddat & acceptam, virtutem amantibus. Cui si accedat φιλιμαδία, quid non de te speremus? qui jam in via es, quæ doctrinam, quæ gloriam tibi pariet. Huc omnem ingenii aciem intende, omnes animi nervos contende, ut optimam indolem, & naturæ tuæ agrum, quem DEUS feracem optimarum artium dedit, industriæ tuæ aratro scindas, & semina scientiarum injicias, ut cœpisti, sed maturanda. Non enim amonimium festinantes, quia iis haud absimiles, qui caneros esitant, in crustis potissimum occupati, dum esculenti parum inveniunt. *Sat citò, si sat benè! male cuncta ministrat impetus.* Superficialia sunt studia, quæ corticem solum tangunt, non penetrant: & ut pluvia inutilis est, quæ in lapides aut rupes cadit, & supernè, irrigat tantum: sic doctrina quæ in ore, & verbis, in pectus non descendit. Ut maturescant, & quasi-concoquantur, indefessæ tuæ diligenter

diligentiæ (ut sic dicam) solem adhiberi volo, ut metere aliquando queas, & colligere laboris tui fructus, quos nec cœli calamitas corrumpat, nec malus, furto subtrahat, nec belli favientis impetus devastet, quos non tuis solum, sed *Patriæ* devovisti, in qua natus. Fiet si ea discas in terris, quorum scientia tibi perseveret in cœlis. Quo enim aliò omnis doctrina nostra, quò literatura, nisi eò tendat, eò collimet? Ut nihil prodest clavis aurea quæ non aperit: sic nec omnis eruditionis nostræ splendor & pompa, quæ ad hunc finem non ducit. Probitatem quæ tibi in animo, cole, & sèrva, magis magisque (ita ominor) augendam: nihil ab ea deflectat, hoc ævi contagio, quod præceps nimis in vitia, libero illo aëre Academico, quo multi hodie licenter nimis abutuntur, non studiorum solum, sed & nominis sui intertrimento. Tu tanquam alter *Ulysses* insidiantes hos scopulos, cautus præterlabere, & in hac vitiorum hominumque colluvie, ardeat in animo tuo semel accensus honestior ille ignis, qui paleas illas luxuriæ, & vanitatis adurat, & illibatam servet vitæ tuæ, morumque integritatem, quam si colis, quod homine dignum est, facis, & meliore illa origine tui. Procul à te amanda inextes illos, & malè feriatos, ad hoc tantum natos, ut ingeniosè nequiores sint, & stultitiam suam, sub specioso studiorum obtentu, mundo propinent, ut Parentum bona olim parta turpiter (proh dedecus!) abliguriant, & pro tot expensis, domum nihil referant, quàm vanitatem, & omnis generis intemperantiam, nescio quibus Circæis poculis fascinati. Sed de te meliora. Vale *Studiose*, quem è disciplina mea, in sinu isto pectoris circumfero, ac gesto, & calcar testimonii, & iudicii mei hoc habebis; habituri etiam qui morum ingenuitate tecum paria facient; quorum juventuti formandæ indies adhuc incumbo, sed diu futurum diffido, cum ætatem meam video, paucorum passuum, an gra-

f

duum,



duum, quæ præcipitant, & ruit ad metam. Sed quid hic mali? quo enim propius res humanas intueor, & in iis misérias, malitias, vanitates, magis aspernari eas lubet, & domicilio quod è cœlo est, superindui, ubi omnia læta & pura. Vale & nos ama. Delphis. αἰ τὰ χεῖρα. v. Kalendar. Sept. M. D. C. L.

G U L. N I E U W E N H U S I U S

JACOBO CRUCIO *Verbi Dei Ministro, & Collegii Scholæque Delphensis Moderatori.* S. D.

Delphos.

**S**I nominis tui existimationem plurimum apud me valere, inficiatus fuero, sincerus ne judicer; & nisi animum tuum usque ad eò in me propensum duabus ulnis amplexus, & exosculatus, ingritudinis crimen, quomodo evitaturus sim, nullus equidem video. Gaudium quo afficior, verbis exprimere non habeo, eo quod meam agendi rationem, etiam probis, doctis, magnique nominis viris, probari intelligam. Et quanquam honore quo me dignaris indignus sum, prompta tamen illa in me voluntas, varia mentis tædia discutit, quamvis ignorantis, quænam illa sint, quæ tuam humanitatem, tam facile in meas partes, meique amorem traduxerint, & me in amicorum tuorum chorum allegerint. Nihil *οὐδὲν*, nihil *οὐδὲν* scribo. Cum autem omnia quæ ad Spartam, quam nacti sumus, rite adornandam desiderantur, ipsius ad amussim describas, paucioribus hic mihi agendum judico. Musis virtutem adjungendam comitem, & virtuti (etsi sibi ipsa pretium est) ex literis aliquem splendorem eliciendum, jure summo statuis: tradunt quippe mutuam operam, possessorum ad veram & perennem felicitatem evehunt. Subscribis meæ, & ego tuæ sen-



sententiæ. Cum ad hunc scopum collimamus, cum Juventutem curæ, & disciplinæ nostræ commissam ad ista incitamus fideliter (ni fallor) quod muneris nostri est exsequimur. Quod munus honestum omni procul dubio fateor, asperum ac tædiosum, neutiquam diffiteor. Asperitatem, & nauseam quis graphicè satis depingat? quam subinde movent, cum quibus quotidie nobis negotium est, immorigeri, socordes, pertinaces discipuli: adde & parentes istiusmodi prolis authores, & fautores. Felicius virtutis semina, quondam animis, tabulis quippe rasis, agrisque fertilioribus committerentur, nisi perniciosum cæcutientium parentum obstaret irritamentum. Felicius inculcarentur artes, virtutis fundamento nixæ, nisi eorundem improba ignorantia, fidelium præceptorum disturbaret consilium. Accedit quorundam impudentiâ qua impulsî, ipsis moderatoribus, quid agendum præscribunt, quod verò pueris à præceptoribus injungitur, rejiciunt, ludibrio exponunt, reprehendunt. Sic sutor *Apellem*. Sed valeant istiusmodi blaterones cum suis. Nos autem nugæ istæ ne commoveant. E palæstra potius nostræ paternæ stoliditatis futuri hæredes exturbentur; ne contagium ulterius serpat, & vicinum quemque polluat. Fungus me hercle fiet oportet, qui languide & non potius *Σερμῶς* (cum misera remedia malum ipsum efflagitat, cum urendum, secundum morbus ipse indicat) monstris, & carcinoma- tis istis extirpandis se accingat. Nunquam eò pusillanimitatis prolabamur, ut artes & linguas denuò languere patiamur, ut barbariem & Cimmerias tenebras, cælum barathro misceri permittamus, ut morum censuram flaccescere sinamus. Maxima animo excitatur lætitia, quia te mihi adstipulantem video; quia de virtute, & politiori literatura te usque adeò sollicitum scio, quia te Atticæ suavitatis defensorem, *Palladis*

clypeo instructum cerno ; quia venustæ pariter ,  
 ac verustæ linguæ acerrimum patronum te agno-  
 sco. Quis ignorat quantopere hæc spreta jaceat ;  
 quàm multis sordeat Juris peritis, Medicis, ne  
 dicam Theologis? Tanta dona cum spernantur, si  
 forte Deus clementiam in iram converteret ,  
 tranquillam pacem (qua florente illis frui datur)  
 subduceret , si cruenti *Martis* habenas in nos  
 laxaret, quid ? an non tantam *ἰλιάδα κηκῶν* no-  
 bis imputandam, universus Orbis clamitaret? an  
 non serò , & frustra amissæ illæ opes quæreren-  
 tur ? Verum hæc *ἐν παρόδῳ* nunc quidem : ne  
 identidem eandem incudem tundere , & eadem  
 per eadem tractare videar. Alibi enim hæc ple-  
 nius à me assignata sunt. Bonus ille bonorum  
 dator , tam durum omen avertat , ne omnia in-  
 dies in pejus vergant. Quin animus nobis eri-  
 gatur, spe aliqua saltem coelitus affulgente, dum  
 adhuc aliquos *φιλέλλους* superesse videmus, qui  
 indefesso studio , linguam tam eximiam tanto  
 ornamento omnibus futuram, Auditoribus suis  
 commendant, inculcant , Græcæque venustatis  
*μυσθία* aperiant: qui etiam *Latini* splendere,  
 & inprimis virtutem immortalitatis ornamen-  
 tis insigniri volunt. Inter horum Antesignanos,  
 cum te gravissimas ob causas recensendum pu-  
 tem, ut Deus Opt. Max. pio tuo conatui adspiret,  
 ex animo opto, teque Ecclesiæ , Reip. Scholæ,  
 familiæque diu incolumem servet, unicè voveo,  
 & oro. Ne autem *μέγα βιβλίον, μέγα κηκὼν* ju-  
 dices, plura non addo. Vale, vir reverende , &  
 cum tuis à nobis salve, meque ut facis , amare  
 perge. Dab. Harlemi.

PETRO

PETRO vander DUSSEN, ADRIANO  
BOGARDO, CORNELIO  
BOSCHARDO *Academiæ*  
*Candidatis S. D.*

**I**Ta certè oportuit. Institutione mea, & diligentia vestra promoti ad *Academiæ*, finem ad quem dudum aspirastis, jam possidetis. Quæritis quem? dicam: ut studia vestra quæ adhuc in herba, his tyrociniis feliciter defuncti, alius protrudatis, in uberrimam aliquando messem (ita spero, certè voveo) exsurrectura. Ætatem vestram cogitate, quæ mollis, & quasi cerea, signa melioris doctrinæ, & monitorum admittit: Indolem, quæ literaturæ capax, & quæ etsi jam ante campum habuit, in quo se exerceret sub disciplina mea, tamen nunc amplius in nobili illo *Athenæo*. Magnos ibi viros videbitis, & audietis: adite, æstimate, haurite, quantum datur. Sicut nautas in tenebris levis intermicantis sideris coruscatio dirigit: sic vos in cursu studiorum, illi viri vel inspecti. Sed unum, *Adolescentes*, vobis commendo, nempe *Ordinem*. Ut enim memoriæ mater est, ita & studiorum, qui culmen ædificio imponit. Citra ordinem, studia quid nisi desultoria & vaga? & qui ea tractant, quid nisi *Errones*, nusquam domi, ubique peregrini? Viatoribus haud absimiles, qui hospitium quidem multa habent, at nullas amicitias; & dum operosè se movent, parum aut nihil promovent: quia novitatis magis studio quàm proficiendi desiderio, teneri videntur, qui instar canis *Ægyptii* studia sua currendo lambunt, & ita properanter, libros pervolant, ut vix *Ladas* aliquis, aut cum *Pegaso* suo *Perseus*, multa legentes, non multum. Male, quia sine fructu, sine usu. Ut enim qui gemmas, vel aurum quærent, non summam terræ cutem leviter stringunt, sed in viscera ejus penetrant: sic qui

f 3

veram

veram doctrinam, altius necessum est in scriptorum sensa, se immittant. Ut fiat, seria vestra sint studia, intenta, ordinata. Πολυπλίστα πν ἀνάλωμα χεῖν. Cujus melior haberi ratio nequit, quàm si matutinæ horæ studiis gravioribus destinentur, *Logicis, Ethicis, Politicis*, quæ vos tanquam manu ducant ad *Iurisprudentiam* necessarium futuro regimini Reip. instrumentum, & à qua tam in sago, quam in toga, omne consilium domi, militiæque perendum. Pomeridianæ literaturæ, & linguis lectione seria non *Planti* tantum, & *Ciceronis*, sed & aliorum melioris notæ, quales *Livius, Curtius, Sallustius*, & præ aliis *Seneca*, qui ita de virtute disserit, ut eam inferat quoque, & inculcet. Fugite ignaviam, ὁμῶς αἰδᾶο πύλησι, & cum ea confidentiam, & φιλαυτίαν, duas peltes *Inventutis*. Fores animi his vitiis præcludite, ne intrent. Fugite inquam, vel potius fugate, & quidem assidue. Neque enim ut in agro, satis est semel sementem jecisse, sed fovenda est, donec fructus proferat: sic cottidiano (ut sic loquar) vomere proscindendi, & obserendi sunt animi, ad meliorem illam frugem. Video & gaudeo à vobis fieri: Pergite modo. Regia hæc est ad eruditionem via, & per eam ad honores. Nihil ab ea deflectat. In stadio hoc currendum, donec ventum ad metam. Videte *Parentes*, jamdiu inter *Patriæ* decora, & vos quandoque eritis, si viam quam inistis, firmo pede calcatis. Date, date interrim studiis dulcia quandoque intervalla. Avidius ad cibos itur post abstinentiam, aut famem. Habent & *Musa* honesta sua laxamenta, & in comitatu suo *Gratias*, quæ ridere interdum amant. Ipse *Sisyphus* in fabulis, qui perpetui laboris damnatus, suspendit tamen, *Orpheo* cantante suum saxum. Quid quod

——— *Vires instillat, alitque*

*Tempestiva quies.*

Et quis adeo truncus, aut stipes, qui neget? Ut enim

enim facem extinctam si igni admoveas, vehementius accenditur: sic posita, ad tempus studia. In iis *Pietas* vobis semper sit in animo, probitas ante oculos: ad quam nunquam satis vos horter. Fundamentum enim illa omnium virtutum, nec pestis alia plura ingenia abripuit: quam proterva illa morum licentia, quæ tanquam *Harpyiæ* contactu suo omnia foedat, & rubiginem affricat rudibus adhuc, incautis, & morum ignaris. Utinam non vivat vigeatque, ubi minimè deberet! Quot enim Veneris nepotuli, nugigeruli, alastores, vitiorum proxenetae? quot *Phormiones* hodie, quot *Davi* qui Juventutem, petulantis inertiae dulcedine inescatam, corrumpunt? Interea proficiendi in studiis occasio labitur, quæ ante capillata, post calva est. O miseros, & prodigos nimis, temporis sui decoctores? qui quid sit verè vivere, nisi cum desinunt, vident & sui juris ac arbitrii facti, subitam illam mutationem ferre nequeunt, & libertatis Academicæ ventis abrepti lascivire solent, ac insolescere, perruptis omnis pietatis, ac pudoris repagulis. Vos *Studioſi*, deflectite cymbulam vestram ab hac *Charybdi*, multorum naufragio infami, quos puros ab hac labe fore, spondet mihi & altior vestra indoles, & liberalis educatio sub oculis parentum, qui quam habent probitatem, vobis ab ineunte ætate, instillarunt, sine qua mihi credite, alia, fumi, & quisquilæ sunt; & quò vestra studia nisi ducunt, valde à recto abducunt. Amicos (quis enim sine iis vivat?) deligite non oblatos istos, & passim obvios, de palæstra, de sphæristerio, de fritillo, sed qui à probitate, & morum modestia commendabiles, digni qui ament, & amentur. Nec enim Amici sunt, quicunque vos sequuntur (alioquin tam multi, quàm sunt in culina muscæ, quæ cum ipso nidore confluunt & recedunt) sed quorum ingenuitatem, ac innocentiam exploraveritis. Sed monitionum satis. Valete virtutis, & doctrinæ

Candidati *Musarum* pulli, Adolescentes ingenui vultus, ac sanguinis, valete filii: quidni sic appellem, quos tanquam filios complector? Deus studia vestra dirigat, maturet, consummet, parentum, & consanguineorum gaudio, & bono Patriæ cui nati. Delphis. M. DC. L.

## JOANNES STANGERUS

I. *Crucio S.*

**N**ectaris flos mihi litteræ tuæ fuerunt, & Veneris lac, Vir doctissime. Singularis enim erga me amoris auram, mihi afflari, animumque tuum benevolum in iis propinari sentiebam. Etenim non tantum ἐν τῇ κρηαίῳδῳ τοῦ φρασμε γινώσκειν; sed etiam nunc verba, cum re ipsa conferre mihi facile est. Hominem certè duplicem te non esse, cui plures linguæ, pluraque corda, jam dudum satis exploratum habui. Tu me in album amicorum tuorum referre, tu me in numerum *Collegarum* adsciscere, interque eos principem mihi locum ex auctoritate *D. Curatorum* designare non es dedignatus; tu secundas mihi nuptias dulcivenæ tuæ latice imbuisti, & publica gratulatione condecorasti. His nunc insuper accedit liberalis hæc benevolentia tuæ oblatio, & amica ad literarum commercium invitatio. Id fidei certè tuæ, id amoris est erga me tui. Candidi pectoris est, amicorum infortuniis condolare, iisdemque ex undoso adversitatum *Oceano* in tranquillum portum delatis congratulari. Est ita ut dicis, vir amicissime, civilium dissensionum fluctus in vastum me detulerunt mare, nudum remigio latus erat, neque jam mihi integra lintea, quid facerem? ulterius provehi consultum non fuit, repressit metus, & adnavigare littus coëgit. Stationem aliquam ad tempus nactus sum, sed parum fidam meæ carinæ, neque recolligendis tabulis satis aptam. Deus autem quæ est ejus benignitas, nos respexit,

respexit, & ad tempus, ab Ecclesiæ gubernaculo dejectos, tandem ad ejus seminariū clavum sub tuo ductu, & auspiciis, admovit, ut non omnino stationem meam pristinam deferuisse videar. Non omnibus, neque omni tempore licet Architectis esse, sunt & qui ligna, lapides, cementum adferunt, & eques subinde peditis munia. Luceant ergo soles isti inter minora sidera, dummodo & horum aliquis mundo usus sit. Sed utinam & Patriæ nostræ simul & Ecclesiæ, post nubila hæc, affulgeat aliquis *Phæbus* tranquillitatis; ut ab hoc contentionum nimbo jam dudum defatigata requiescat, & in eo sole apricari liceat! Utinam inquam jam perfuncta esset hoc misero, fatalique dissidio, quod per aliquot annos eam vexavit, & vulnus, nisi interveniente Deo, immedicabile infixit. Quid? an jam ad cicatricem rediisse tibi videtur? voleo id quidem, sed an voto res ipsa respondeat, tantum non dubito, cum ad hunc Ecclesiæ, mitto Patriæ nostræ statum, oculos, animumque reflecto. Non enim, jam dicam cum *Enripide*:

Τὰ χρέματ' ἀνθρώποις πμώτατα  
Διώκῃν τε πλείω τῶ ἐν ἀνθρώποις ἔχει.

Missæ hæc facio, & alio quibus hoc concessum, & datum huic *φιλαργείας* morbo, remedia adhibere jubeo. Quotusquisque autem veteris similitudinis poenitentia ductus, novæ injuriæ, ansam non facile arripiat? & vicissim quotusquisque illatas sibi injurias expectoravit? Omnes quidem exclamant:

*Nulla salus bello, pacem te poscimus omnes.*

Sed verba sunt. Tectum tantummodo hoc malum est non sepultum, & hoc unum non sine causa vereor, ne solutis aliquando autoritatis publicæ repagulis rursus erumpat, viresque suas diuturna quiete reparatas exferat. An aliter sentiam? non possum. Ferax enim hoc sectarum, & opinionum, sed sterile pietatis sæculum, id





tantum non clamare videtur. Multarum quaestionum vortices illi nos involvent. Dissertatiuncula quædam quotidie in hoc Ecclesiæ hortu sensim pullulantes, leves illæ quidem prima fronte, sed quæ tandem in nervum erumpent, Ecclesiam pessundatum ibunt. Sed quidquid sit hoc animadvertere mihi videor, multos qui in Ecclesia primas tenent, imo & quam plurimos infimi census homines, ad eorum exemplum, arcana illa Dei anxie inquirere, ingenii sui acumine perscrutari, imò in ipsa æternæ sapientiæ adyta penetrare usque adeo ut nihil in cœlo, aut in terra sibi incognitum esse velint, imò sentiant, dicant, glorientur. Viderint illi ne omnia cœlestia, & divina subtilis ingenii ala pervolantes, cœlum ipsum tandem prætervolent. Si non ita temere quaestionum tricis se implicarent homines melius, & sibi & Ecclesiæ, meo quidem iudicio consulerent. Non enim tanto cessabit cardine rerum *Satanas*. Sed abeant in altum quantum volent alii, mea cymba leget lictus: quin etiam portum hunc *Musarum* jam semel occupatum fortiter, ut spero retinebit. Iis litasse ad extremum vitæ meæ spiritum non pigebit. Tuæ enim Vir doctissime super hac re sententiæ, & iudicio, calculum meum lubens adjicio. Eò nos vocat Resp. id urget & Ecclesiæ, hoc clamat & optat etiam mobile vulgus: cui id semper in ore, summis votis à Deo Opt. Max. contendendum ut divitum domos, non tam pulchra, quam sapienti prole, beatas reddat Reip. ergo inservire, Ecclesiæ gratificari, vulgi ipsius vota favore, & in eo laureolam aliquam captare, quid vetat? Si *neglectis urenda filix innascitur agris*, luxurianti huic juvenilis naturæ agro, diligenti cultura subvenientes quis spernat? Hæreditario quasi jure Nobiles si rudis suæ juventutis formatores non admiserint, exornabunt familiam suam, ut verrucæ faciem, Divites opibus affluentes, sed nulla disciplina,



plina, nulla rerum cognitione, nil nisi aurei asini, aureæ pecudes. Omnes igitur quibus hæc bonæ institutionis felicitas contigit, habent quod sibi gratulentur: quin etiam cum *Alexandro* se plus præceptoribus, quàm parentibus debere fateantur. Verum etiam si id nobis in hac arena desudantibus, ab ingrato hoc saculo non contingat, benefactorum tamen conscientia apud Deum, quin & apud homines nos exhilarabit. Reip. enim & Ecclesiæ salus summum nobis votum, summa lex sit oportet. Utinam modo Spartam hanc, quam nactus sum, dignè satis exornare queam. Agnosco enim quam mihi sit curta suppellex, voluntate tamen, sedulitate nulli cedere est animus. Verum Asiaticus nimis sum, & putida hæc mea animum tuum melioribus curis intentum distrahunt. Abrumpam igitur colloquium hoc literarium: Coronidis tamen vice amorem meum, & obsequium perpetuum pro isto tuo erga me candore, & benevolentia jure offero ab animo non ficto. Salve & vale, vir amicissime. Idem voveo uxori tuæ lectissimæ, cui ad sanitatem pristinam, eamque ipsam diuturno hoc morbo abiturientem tibi tuisque restituat Deus, unice exopto. E Musæo meo.

## JUSTO TROTIO

*Studioso S. D.*

Lugd. Batavor.

**P**Ergratum mihi fuit, epistolam à te videre, & in ea affectum, ac memoriam mei: quæ utraque à nobis tibi reddi, certò velim te scire. Ita vixisti apud nos, ea probitate, ea modestia, ut *Schola* nostra in te habuerit, & ornamentum, & exemplum. Optem tales è Juventute ad nos venire, tales abire. Huc enim vigiliæ, huc labores nostri eunt, nec horas ulla melius à me collo-

cari censeo , quàm in formandis , & instituendis iis qui Ecclesiæ , qui Reip. crescunt. Qualis tu *Studiose*. Perge modò , & in hoc studio tanquam *Athleta* curre , palma posita est , eam pete. Et petes si recto ad eam , & firmo pede eas. Votis prosequor , ut adipiscaris , & teneas , non solum tangas. Non alius scio , studiorum tuorum finis , non alia tibi mens , quàm in iis progredi , donec metam attigeris. Sed fuge , fuge qui importunè nimis interpellant ; temporis sui , & aliorum prodigi , qui dum otio , & luxu diffluunt , hoc unum agunt , ut ætatis suæ florem , & in ea meliores horas ociosè transducant , inter pettinem , & speculum occupari , hoc est aliud agentes , aut malè agentes , sapissimè nihil agentes.

Cave , & familiaritatem in plures nimis diffusam , quia turbat , & quod utilissimum in vita est , *Tempus* eripit , aut partitur. Paucis assuesce , à quorum consuetudine doctior redire potes , ac melior. Mirum quid levis interdum intermissio à studiis gravioribus possit , apud ingenuos , & litterarum amantes ; familiari colloquio & amica collatione studiorum , ubi *Animus* magis se explicat , & lætius , libentiusque diffundit. Studia enim inter curas , & gaudia nonnunquam dividenda , & melle feriarum intercurrentium , temperandum vitæ hoc *Falernum* in studiis , sed spinis intermixtis. Illa carpenda , hæc vitandæ. Alacrius quoque se exserit , & reddit ad labores paululum suspensos , post requiem aliquam & levamentum. At Theologiam (quod felix faustumque sit) animum appulisse te audio , & laudo. Huc enim pietas tua te vocat , imò & me iudice ipsa *Natura* , quæ te iis dotibus instruxit , quæ *Spartæ* hunc ornandæ non parum serviunt , ingenio , memoria , iudicio. Nihil parentibus tuis , nihil consanguineis gratius esse potest , tibi nihil honestius. Compendiaria hæc via est ad famam , & gratiam ; et si

ea

ea finem non habes, scio, sed ad salutem & tuam & aliorum labores tuos, & lucubrationes dirigis. Rogas quos legere ad hanc rem suadeam. Paucis habe. Præmissis linguarum studio, Latinæ, Græcæ, & Hebrææ, si meo consilio vives, Sacram Scripturam continua lectione, familiarem tibi redde. Fons enim hæc omnis *Sapientiæ*, in qua multum profecit, cui illa placere cœpit. Cum Scriptura, Catechesin *Ursini* conjuge, eam lege, non properanter, & *ὡς ἐν παρόδῳ*, sed intentè, lectam semel, bis terve repete, meditare, rumina. Hac non leviter delibata, sed in succum & sanguinem versa, autor sum, ut *Institutiones Calvinii* diligenter evolvas. Plures dari scio magni nominis Theologos, sed ille tibi sit instar omnium. Quis enim eo doctius, & solidius scripsit? quis acrius Veritatem tuetur, validius errores, & hæreses profligat, confodit, jugulat? controversias tractat eruditius? quis Sophistarum strophas subtilius detegit, eludit, elevat? Nemo. Unde & à doctis censetur indoctus qui *Calvinum* non legit: indoctior qui lectum contemnit; indoctissimus, cui non sapit. Tu *Studio* se huic uni immorare. Quæ varia sunt, turbant, inquinant, obruunt. Novi qui juxta S. Scripturam, non alium quàm hunc autorem legerunt, vel anni spatio, tanto in studiis successu, ut inter summos sui temporis Theologos habiti fuerint. Posito hoc diviniore *Sapientiæ* fundamento, quidquid postea ex lectione aliorum, nempe *Bezae*, *Martyris*, *Musculi* lectione, superstrues, surgenti doctrinæ tuæ ædificio, accedet. Sed quia (ut ille inquit) *tantum quisque novit quantum meminit*, cum ingenio, memoriam cole, veram eruditionis depositariam. Sine qua irritum quidquid auditur, legitur, notatur. Exercitatione continua hic opus est. Hanc tolle, quid mens nostra, quid ingenium, nisi cribrum, cui quidquid infunditur, effluit? Ne fiat, perutile judico quæ lecta, & audita interdum, vespertinis præ-

*Liber*

præsertim horis, & si opportunitas feret, sub ipsum somni tempus, repetere ac ruminari. Mens enim tunc nescio quomodo melius arripit, retinet, digerit per quietem. Tenta *Studiose*, vel meo exemplo, reperies in levi monito, non leve momentum. Vale. Delphis, vi. Kalend. April. M. DC. XLIX.

JOHANNES WESTERBURGIUS  
J. CRUCIO S.

Delphos.

**V**Ir clarissime, quod fausto, ac lato amicitiaë auspicio sit,

*Accipe daque fidem.*

Sæpe me tibi Amicum dixi, nunc scribo, mi Crucio; & ut magna ingenia, quæ virtutis, doctrinæ, quæ fama Orbem implent, quam plurimos, neque notos, neque noscendos, in amorem, & admirationem sui rapiunt; ita te quoque animum *Westerbürgii* traxisse jam pridem comperio. Ignosce si intempestivus, si ignotus, amicitiaë foedus tecum ambio: qui scriptis, & moribus, mortales omnes tibi concilias, utriusque immortalis, natisq; conciliaturus, si perrexeris,

*Deorum*

*Muneribus sapienter uti.*

Certè inter alia quæ cœlitus dona accepimus mortales, illustria in primis illa, & quasi divina sunt, quæ in Literis, liberalibusque disciplinis consistunt, quibus homines non modò se brutis præstant, sed à rudi etiam, & imperito vulgo, ita distinguuntur, ut tanquam Dii quondam in terris splendescere videantur. Non omne metallum, magnes, non omne itidem ingenium, genius *Musarum* trahit: lucrum alios, fastus alios, alios vota profani vulgi, transversos rapiunt. Tu felix mi *Cruci* qui *Musarum* totus es, & vanas atque insipidas istas mentes, magno judicio, pari animo

mo fastidis. Et qui litteras (quarum quò quisque maximè ignarus, eò magis ferocit) facem vitæ, lucem artibus, & rebus cæteris præferre experimento didici, soleo honesto earum avocamento à negotiis solitis, nonnunquam obsequi. Et en carmen meum, quod succisivis, & subsecundariis temporibus, laboriosè magis ob desuetudinem, quàm feliciter scripsi, & forte cum famæ dispendio evulgavi. Certè intererat *Sylvam* vinci, non ita cani. At quia nostri homines malè passim apud *Politicos* audiunt, tanquam elegantia omnis, & politioris literaturæ contemptores, autores *Amici* fuerunt (qui nimium hic mihi, & ego illis tribui) ut qualicunque versu docerem, esse inter nostros, qui studia ament: Ipse judicabis quo successu. Plura adderem, sed stat in procinctu amicus hic, qui operam suam in his litteris perferendis officiosè obtulit. Vale vir clarissime.

ABRAHAMO CARPENTERIO  
*Studioso S.*

Lugdun. Batav.

**S**Tudia calidè à te tractari, lætor magis, quam miror: quia idem tibi olim fuit animus sub disciplina mea. Habent hoc nempe amoeniores Literæ, ut dulcedinis suæ philtro inescatos animos φιλομαθῶν blanda quadam vi trahant ad venerationem sui, & cultum. Præclare quondam *Plato*; *Si* (inquit) oculis suis homines pulchritudinem virtutis intueri possent, incredibiles sui amores, animis eorum ingeneraret. Cur non ego idem de eruditione, & literaturâ? cujus qui præstantiam penitus expenderit, fieri haud potest, quin eam impensè amet, ejusque consequendæ desiderio, non teneatur solùm, sed flagret, & ardeat. Quid enim in rebus humanis, ea pulchrius? Alia ad quæ tantopere  
aspi-

adspirant homines, quid nisi vappæ & quisquiliæ, ad has delicias? Opes inhiant? fortunæ Ludicra sunt, imò trica, spinæ, sarcinæ ituris ad bonam mentem. Honores? Sed ὁ κύκλος τὰ ἀνθρώπων : tolluntur in altum ut lapsu graviore ruant. Quis honoratior Sejano? sed quo die illum Senatus deduxerat, populus in frustra divisit. quis Hamane sublimior? Laqueo sublimior vitam finiit. Vana, vana sunt honoris aucupia, & quibus non casibus fortunæ, & mutationibus obnoxia? Veniunt, abeunt, affluunt, refluunt & cum habere te putas, habetis. Præclare Seneca; Nulli fortunæ minus, quàm optimæ creditur: Alia felicitate, ad tuendam felicitatem, est opus. Æstimari à te ipso debes. Et fiet, si doctrinam colas, & cum doctrina virtutem. Illa te litteratum, hæc sapientem; illa te gratum reddat hominibus, hæc DEO. Ornamentum illa vitæ tuæ sit, hæc fulcrum: quo qui nititur, nullo fortunæ novercantis turbine concuti, nullo dejici potest, nec

*Si fractus illabatur Orbis  
Impavidum ferient ruinæ.*

Quæ mundana felicitas, quæ cum hac felicitate paria faciat? Illa Euripo inconstantior est; hæc caute Marpesia firmior. Illius gratia, vitri instar cum maximè splendet, frangitur; hæc perennat, & possessorem non ante quàm vita destituit. In summis calamitatibus, bello, incendio, naufragio, perpetua, & fidissima comes. Hac gaude, hanc amplectere, hanc cogita. Hac enim quid optabilius? quid præstantius? quid homini melius? quid homine dignius? Et jam in via es. Perge modo, & tramitem quem insistis, firmo pede decurre. Difficiles quidem aditus doctrina spectantibus offert,

— Et præcepta ardua monstrat iter,  
Sed quibus ipsa dedit, summum contingere culmen,  
Perpetua hos requies, lausque decusque manent.  
Radices si amaræ, fructus dulces sunt, qui laborum,

rum, vigiliarum, lucubrationum amaritudinem dulcedine sua, abundè leniunt, solantur, remunerant. Patrum intueri, virum doctum & litteratum, vestigia ejus preme, eruditionis ejus, & virtutum æmulus. Quid illi gratius si feceris, accidere potest, tibi quid honestius? Academiam insides, nobilem illam Sapientiæ officinam, doctrinæ sedem, liberalium ingeniorum palæstram; quæ in ea proficiendi in studiis occasio? quæ hortamenta, qui stimuli ex conspectu, & alloquio tot insignium virorum? In Collegio versaris, in quo præter exercitia Philosophica, & Theologica, occasio sese offert eam discendi linguam, quæ elegantia sua, nulli non grata est: in qua eos olim *Filius* progressus fecit, ut non lustrata *Gallia*, conciones habuerit ad populum, non contemnendas. Imitare. Invenies in ea Autores magni nominis: in Epistolico scribendi genere *Ostatum*, & *Balsacum*, in Philosophicis *Duvairium*, in Historicis *Amyotum*, *Belleforestum*, *Froissardum*, *Petrum Matthiam*, *Aubignæum*, *Serranum*; in Theologicis *Plessæum*, *Chamierum*, *Molinaum*, *Rivetum*: Viros magnos, & in *Sacris* non inficianda seculo nomina nec ullo squalentia ævi senio delenda. Quos si legas, volvas, teras, non doctior modo, sed facundior, sed eloquentior ab iis es rediturus. Fac si me audis, & me ut soles ama. VI Idus Augustas M. DC. L.

ARNOLDUS LANOYUS  
JACOBO CRUCIO S.D.

Delphos.

Quod me & olim amaveris, & etiamnum amas, Vir spectatissime, immortales habeo, & ago gratias: Sed quod me isto amore tuo, quo me prosequeris, dignum censes, quin & litteris tuis ad me per filium datis, prædicas,

cas, id vero totum humanitati tuæ acceptum tribuo.

Nempe nescire non possum, quàm sint omnia exigua, atque exilia mecum, & uti cum illo loquar, *quàm sit mihi curta supellex*. Verum tamen, & gaudeo, & mihi gratulor, quod loco tam bono habere me, non dedignaris. Ego certè vicissim te, & animi tui dotes non tantum nunc amo, & amavi semper, sed etiam honoro ac veneror. Numerasti tu ante hac nomen tuum inter Mecœnates meos: atque id jure quidem tuo, ac merito. Ex eo tempore, si te revereor non est quod mireris. Debeo id tibi, & eruditioni tuæ. Plura non addo, fidem adhibes nullus dubito simplicitati & ingenuitati verborum meorum; nosti enim qui sim. Filium tuum optimæ indolis, ac eximiæ spei juvenem, etiam non rogatus; commendatum mihi habeo: cujus rei non alium tibi testem dabo, quàm illum ipsum filium tuum, quem mihi commendas. Vale Vir doctissime, & venerande, ac sacra Theologiæ studia, artes Philosophicas, & amœniores literas non Romanas tantum, & Græcas, sed & Hebræas in quibus singulis versatissimus es, excolere, & quod nunc indies præstas, excolere perge. Lugd. Batavorum. postrid. Kal. Febr.

*Nobilissimæ Virgini*

ANNÆ MARIÆ A SCHURMAN

S. P. D.

Ultrajectum.

**O**Decus Patriæ Virgo, *quas dicere grates, quasve referre parem*, quod etiam honore me tuarum literarum non dedignaris. Quas ut vidi, appressi ad pectus, & ad os. Quid etiam? legi, expendi, ruminavi; quia subtiles, acutæ, elegantes, flosculis sententiarum molliter luxuriantes & quæ Lectorem, dulcedine sua perfundunt, & con-



continent in affectu: ita leporis plenæ sunt, & quamquam virginali quadam gratia, modestiam præ se ferant, mirè tamen graves, & cordatæ. Rarum hercule in hoc sexu? nec minus novum, quàm si de glacie brumali nascantur violæ, si de nivibus rosæ, si de pruinis lilia: Quæ quo rariora sunt, eò majorem tui admirationem excitant, apud æquos rerum æstimatores. Legi fateor exempla non ingloria, nec seculo olim inficienda nomina, sexus fœminei, quæ ingenii sui famam æternitati consecrarunt. Legi quæ in omni genere doctrinæ excelluerunt, & vel in ipsa poësi laurea Apollinari dignæ: *Quales Telephilla, Corinna, Sappho, Anyte, Praxilla, Cleobulina*. Sed cum eas tecum compono, tantum de laudum earum cumulo deruitur, quantum tuis accedit: quæ tot tantæque sunt, ut quid iis amplius superaddi possint, non video. Stylum enim in scriptis si intueor, facilis est, tersus, castus, elaboratus, numerosus, *Latinitatem* spirans, & elegantiam *Romanæ dictionis*. Si materiam, gravis est & seria. Si ordinem, nihil ordinatius. Ubique; & semper tibi similis ita semper prioribus certant sequentia, & novæ fertiliter inter scribendum efflorescunt *Veneres*. Jàm verò in *Philosophicis*, quæ illa ingenii vis? quæ judicii acrimonia, qua nodos inenodabiles; à multis nunquam solutos, à pluribus nunquam solvendo explicare parata es? In *Theologicis*, quanta dexteritate quæstiones etiam obscurissimas illustras, difficillimas enucleas? quanto animi ardore, ac zelo monstra hæresium profligas, errores jugulas, de mendacio triumphas, veritatis acerrima propugnatrix? Quid de Poësi dicam? Quæ tibi adeò familiaris est, ut ad eam nata videaris, & vel in ipso *Helicone* versari, in choro *Musarum*, decima; tanta venæ dulcedine, tanta versuum leniter fluentium elegantia, ut te nequaquam

---

Car-

~~Carminibus vincant aut Thracius Orpheus~~  
 Aut Linus, huic mater quamvis, atque huic pa-  
 ter adsit,

*Orphei Calliopea, Lino formosus Apollo.*

Sed laudem omnem superat, insatiabile illud in  
 Virgine, linguarum studium, artium & scientia-  
 rum pulcherrimo comitatu decoratum, quo fit  
 ut non in una, sed in pluribus excellas, & cum  
 iis paria facias, quos hodie veneramur cultores  
 linguarum principes. Quales *Merceri, Pagnini,*  
*Vatabli, Plessæi, Marnixii, Aria Montani, Bux-*  
*torffii.* Testes eloquentissimæ tuæ literæ Latinæ,  
 Græcæ, Hebrææ, Gallicæ, quas cum lego, si quid  
 mei de iis iudicii est, non recentiores modo  
 omnes longè post te intervallo relinquis, sed ve-  
 terum etiam scriptorum laudem in hoc genere  
 haud dubiè adæquas: ita ubique in scribendi ele-  
 gantia tibi constas, ut nihil quod ad candorem, ad  
 venustatem, ad decus Romani sermonis aut ad  
 sententiarum gravitatem pertineat, aut requiri  
 abs te, aut desiderari posse ullo modo, videatur.  
 Sed ne tempora tua longius remorer, finio.  
 Vale literarum decus, pudicitia, modestia, pie-  
 tatis exemplar, sexus feminei gloria,

*Neve te nostris iniquam*

*Ocyor aura tollat,*

longinquitate vitæ dignissimam & inter doctos  
 conspicuam digito monstrari, & dicier, hæc est.  
 Unum optem commercia hæc literarum fre-  
 quentius ultro citroque inter nos coli: sed oc-  
 cupationes tuas novi, novi ardorem tuum infati-  
 gabilem in studiis, & ex transverso importunos  
 nimis salutatores, qui interpellant. Sed animum  
 testor, nihil meo in te affectui, nihil virtutum tua-  
 rum venerationi, silentio meo decessurum, quod  
 ut & de te mihi pollicear, facit integritas tua, &  
 in doctrinam amantes, non fucata propensio.  
 Delfis VIII Idus Aprilis.

JOAN-

JOHANNES WESTERBURGIUS  
*Viro Clarissimo* D. JACOBO CRUCIO  
 S. P. D.

Delphos.

**D**iu est, mi Cruci, sat scio, quod literas meas  
 sapius promissas exspectas. Ego certè mi-  
 nimè, nisi rerum onere, quæ ex officio  
 incumbunt, impeditus, mora earum tam longa,  
 desiderio vestro defuissem. Abundant alii otio,  
 qui veluti pecora, palantes, immemores sui,  
 pretiosissimi temporis ad benè agendum oppor-  
 tunitatem consumunt inutiliter: alii ventri,  
 ignaviæ, symposiis dediti, corpus, animumque  
 virilem effœminant. Optarim mihi sæpe pauxil-  
 lulam, quam illi largissimè eunt perditum, otii  
 usuram, collocandam certè, ubi quæ privata, quæ  
 publicæ utilitati, consultum foret maximè. At  
 nunc etiamnum Collega destituti, Ministerii la-  
 boribus magis gravamur, & sistimur velut fracta  
 rota, currus, undique præclusis ad amœniora  
 studia, diverticulis. Identidem jam experior in-  
 opinatæ symmystarum meorum mortis calami-  
 tatem. Anni sex sunt, quod hunc tramitem de-  
 curro Ecclesiastici muneris, in urbe primaria:  
 & vix unquam temporis aliquid intercessit, quo  
 integro suo ἐργατῶν numero florentem vidimus  
 Ecclesiam; modo hic, modo ille naturæ con-  
 cedens, seriem interruptit. Huc accedit, quod  
 præter alibi receptum morem, apud nos diebus  
 hebdomadam singulis publicè pro concione di-  
 cendum. Qui vero ex quotidiano illiusmodi  
 exercitio, nescio quam incredibilem dexterita-  
 tem, & facilitatem benè dicendi, nobis appro-  
 mittunt, nā illi falluntur. Contra experimento  
 didicimus, nimia fatigatione non parum inge-  
 nia deteri. Moderata durant: atque uti facile  
 hebescit, aut obliquatur ferri acies, si nimium  
 acuatur

acuatur : ita & ingenia nostra quo valeant , vi-  
geantque , lima quidem sed ea moderatiore po-  
lienda sunt. Est enim eorum quæ agrorum fere  
ratio , sterileſcentium nimirum , quando nun-  
quam non irrequieti , absque intermissione con-  
feruntur. Veniam igitur merebitur incomptius  
hoc meum carmen , suffurati temporis , & ni-  
mium fatigati spiritus , immatura proles. Scio  
in priore editione, quam vehementer flagitarunt  
Amici , meque inconsulto procurarunt , multa  
videri his præsertim exulceratis temporibus , li-  
berius dicta , sed quæ ea sunt nisi publicè verissi-  
ma , & hac tempestate , seria commonefactione  
inculcanda? Et quanta est hæc unius homuncio-  
nis in laborantis Patriæ calamitate , annuntianda  
libertas, ubi recordamur (recordamur autem sæ-  
pius) quàm effrænata licentia , malefani quidam  
Hypocritæ, & versipelles Christiani nominis pro-  
fessores , in innoxios veritatis cultores , ipsam-  
que adeò D E I viventis Ecclesiam , debacchen-  
tūr. D. Focinus, & amicorum alii, ut operis cor-  
rectionem importunè promoverunt : ita auto-  
res fuere , brevi ut hac præfatiuncula tibi inscri-  
berem ; cui noster hic inprimis charus , acceptus-  
que fuerit : tum quod eo animo sis , qui Musarum  
has lautitias , politumque scribendi genus  
ab arte principi, minimè proscribendum existi-  
mes. Et certè, mi Cruci, inter nostræ professio-  
nis homines, qui humaniorum literarum studiis  
clarent, te inprimis suspicio, & admiror, & velut  
eruditionis antesignanum , tot Barbarorum co-  
hortibus unum oppono. Perge præclare cætera  
agendo , de Rep. litteraria bene mereri , erit  
quod grata sibi posteritas gratuletur , nobisque  
quod imitandum unicè proponamus. Vale. Dor-  
drechti 15. Kal. Quintil.

JOHAN-

JOHANNIS WESTERBURGII  
EPICEDIUM.

In obitum clarissimi viri Samuelis Ever-  
wini Collegæ sui.

**S**ilviaco reduces bello, victricibus armis  
Auriacos cecini, Nassoviosque Duces.  
Si quid id est, & nos Cythara dignatus Apollo  
Et letos cecinit Calliopæa modos.  
At nunc Pierias fugiens Elegia sorores,  
Defer ab Aoniis tristia plectra jugis.  
Non ego jam planctu decorem tua funera sero  
Calvine, aut cineres Magne Philippe tuos,  
Non quem leta suum Germania jactat Alumnus,  
Primus in Hesperios qui tulit arma, Deos.  
Non rutilate note Domus à Lampade, non te  
Beza, nec Vrsino, doctæ Grynæ, minor.  
Non te magne Sadel, non plenas numinis Alpes  
Zanchii, & Ausonii Martyris ossa canam.  
Non querar acceptæ tot publica vulnera cladis,  
Materies Elegis altera nata meis.  
Ille potens fandi, sacroque salutifer ore,  
Cujus in occiduos iussimus ire dies,  
EVERWINUS obit, nobisque salubria cessat,  
Eloqui grato verba movere sono:  
Digna viri Cælo pietas: nihil Orbe perennat  
Eximium: pariter cum grege pastor obit.  
Quid juvat innumeris cumulari altaria donis?  
Quid pia fumosis thura micare focis?  
Omnia si rapiunt nullo discrimine Parca,  
Nec revocans avidas nobiliora manus?  
Ah! quoties dixi, præclaris parcite Divi,  
Gloria vos alia de necè magna manet.  
Spes hominum stolidas, & inani concita vento  
Vota! vident numeros optima nulla suos.  
Bis tria namque Viri vix lustra peregerat ætas,  
Cum perit, & charum condidit urna caput.

Sic

Sic nondum matura seges de fulmine flagrat,  
 Conficit, & vernas una pruina rosas.  
 Sic cecidit Pallas, domitor sic Lausus equorum  
 Primus, & Iliaca Protesilaus homo.  
 Quis furor heu! ferro mortem properare, vel undis?  
 Quid miser horrendum detrahe pendet, onus?  
 Cur sua Leucadiis festinat funera Sappho  
 Fluctibus, aut Phrygiomunere Elysa perit?  
 Sponte omnes sua fata manent; calcabimus ultro  
 Ducit ad Elysius quæ via nota domos.  
 At majora fide, quæ nos dispendia tangunt!  
 Quæ mala jam pridem grandine plura petunt.  
 Namque iram Pater ut Divûm componat adeptus  
 Non satis in pœnas unus, & alter erat.  
 Quin EVERWINUM repetito adjungere luctu,  
 Et socios voluit continuare rogos,  
 Eheu! quanta graves iterandi causa dolores,  
 Cum nova vix sano corpore plaga subit!  
 Non tamen injustis damnamus fata querelis,  
 Sed dolor attonitos cogit acerba queri.  
 Sepe ubi naufragii levis est jactura, silebit,  
 Qui tamen ingentes navita plorat opes.  
 Quis neget Iliadum sociorum strage dolores?  
 Sed dolor Hectoreo funere major erat.  
 Parvum parva decent: facilis jactura columbæ est,  
 Raraque defuncto vulture, mœret avis:  
 At simul hic terris Divûm fidiſſimus Hermes  
 Cessit, & emerito desiit ore loqui;  
 Heu! quanto miseri curarum involvimur æstu!  
 Quanta parentatas damna sequuntur opes!  
 In primis miseranda parens Ecclesia luget,  
 Efferrî hoc ipso funere visa sibi.  
 Urbs patrem gemit orba suum, Respublica civem;  
 Sanctæque Doctorem muta Cathedra suum;  
 Inque omnes frustra conjunx sua brachia partes  
 Flexa, vocant taciti nomen inane viri.  
 Utque piam thalami subeunt dispendia mentem,  
 Continuo tepidos irrigat imbre sinus.  
 Non vetat hoc quisquam, lacrymis indulſit, adempto  
 Hæmo-

*Hæmonis Hæmonio, Laodamea viro;  
Et viduus sterili nemoris sedet arbore turtur,  
Comparis æterno murmure, fatagemens.  
Ipse, suo Vahali cum flumine, Mosæ redundans  
Aggemit, & tumidas gurgite voluit aquas;  
Marvedaque vado, turbatis Najades, undis  
Altera diluvii fata redire timent.  
Quin etiam, mediis ubi fluctibus aggere rupto,  
Alta ruinoso culmine tecta natant;  
Labuntur, lentis & condemnata ruinis,  
Implorant hominum pendula saxa manus.  
Nunc quoque perpetuo ventis habitantur, & imbri,  
Multaque ferales nocte queruntur aves.  
Quo fugis, Antistes, Superum fidissime rebus?  
Nostra tuis humeris fulta ruina sedet.  
Constas? nulla suo ludent nos pondera lapsu,  
Deficis? in miseros omne recumbit onus.  
Nonne vides passim rabidas in ovilia tygres,  
Et pavidum diros in pecus ire Lupos?  
Arminius, Papista, vaser cum Memnone Faustus,  
Turba ruunt in nos seditiosa, proci,  
Impius ut fidei spoliis exultet adulter.  
Et titulum sceleris, ille vel iste ferat.  
Et quamquam in sacris toties moderamina rebus  
Pestiferae voces officiosa probant,  
Acta tamen contra, morumque exempla fatentur,  
Nulla magis durâ praelia fronte geri.  
O scopuli infames, crudelia barbara saxa  
Heu! quibus allisæ tot periêre rates.  
Non tot ad infidas dura Acroceræunia cantes  
Naufragio populos turbida merfit hyems.  
Non tot in expletis fera faucibus unda Maleæ  
Scyllaque veliferas hausit avara trabes.  
Tu tamen his socios luctanteis deseris undis  
Causa sit ut gemino iusta dolore queri.  
Quid fugis? en tumido pendet trabs anxia fluctu,  
Et perit, undecimâ si prior unda venit.  
In te fortè minor si spes, si fama fuisset  
De te fortè minor nostra quercla foret.*

*In te perdidimus quia plus, plus lædimur in te,  
 Non facit ingentes parva ruina metus.  
 Rura semel pinguis qua fluminis unda rigavit,  
 Dona diu relinent aufugientis aqua :  
 Nos quoque qui nuper tot chara reliquimus in te.  
 Temporis exacti sensus & umbra juvant.  
 Ingenium caeleste suis velocius armis  
 Et nitor eloquii more fluentis aquæ ;  
 Et placidi mores, atque asperitate carentes,  
 Mens humilis, pura Religionis amor.  
 Unica pro populi semper tibi cura salute  
 Unica constanti corde tenere fidem.  
 Talem te mirata suis urbs prima Batavum  
 Civibus, & talem conscia Gouda suis.  
 Et mihi te talem, quisquis fuit ille Deorum  
 Unanimi junxit mente fideque virum,  
 Idem ambos animus, candor devinxerat idem  
 Et studia à studiis non aliena meis :  
 Idem ambos labor, atque eadem sacralimina Templi,  
 Inque suum pietas, sola trahebat opus.  
 Forsitan haud alio steterat concordia nexu,  
 Ad quorum stupuit Cerberus ipse fidem.  
 Nunc quoties tacitus damni mementa recordor,  
 Quæ quatiore, tanti maxima, morte viri,  
 Et quocunque gradum mæstus, vellumina flesto  
 Insequitur vultus offesa forma meos ;  
 Diffundor lacrymis, & inania murmura morti,  
 More nivis verno sole madentis, eunt.  
 Scilicet ut tectus nigro ferrugine vultus  
 Difficiles homini Sol facit ire dies.  
 Nec vigor est herbis, nec amœnis gratia sylvis,  
 Iamque silent homines, jamque siletis aves :  
 Sic quoque cunctarum queis nunc abes, horrida rerum  
 Perpetuo ante oculos errat imago meos.  
 Tempore tristitiam solantia vina leguntur :  
 Tempore maturis flavel arista comis.  
 Tempore grandæva solido stant robore quercus,  
 Arvæque planitie versicolore nitent :  
 Tempore convestit primâ lanugine malas,*

*Impa-*



*Impatiens parva, caca juventa moræ.  
Sola sed haud mollire meas ego tempora curas,  
Aut non convictus plura fuisse queror,  
Testor inextinctos manes, umbrasque silentes  
Quique meos luctus Diique hominesque vident  
Funere me nullo tantum doluisse, nec ipsi  
Sanguinis agnati cum perire mei.  
Non frater senior, non cum mea pignora, nati  
Me coram gelida contererentur humo,  
Nec cum longævos (pietas ignosce) parentes  
Sæva dies fato sustulit una pari.  
Forte aliquis quod restat adhuc, morientis amici  
Ultima quæ fuerint fata requireret, erit.  
Expediam, postquam serie collecta laborum  
Vis morbi imposuit languida membra toro  
Et modò vel febris rabido sic perfurit æstu,  
Ut minus Æthnæi sæviat ira rogi;  
Vel modò, nescio quæ latè mala fusa per artus  
Viscera Sarmatico frigore tacta secant:  
Corrupti jecoris vitio succedit aquosus  
Quique fluit toto corpore dirus hydrops.  
Iam lymphæ interius, morbo gliscente, tumescit,  
Laxaque stat proprio corpore mota cutis:  
Occurrunt pariter Podalirius, atque Melampus,  
Phyllirides, Chiron, Pæoniusque senex:  
Sed nihil, admotis herbis, succoque salubri  
Invito potuit NUMINE docta manus.  
Ergo ubi suffossis retrò fugere cavernis  
Tempora, nec cervix sustinet agra caput,  
Præsentemque viro portendunt omnia mortem  
Figit in ardentes lumina fessa, polos;  
Iamque aderant oris luctantia verba supremi,  
(Scribimus, & lachrymis humet arundo meis)  
Nec mora commendans patulas adstantibus aures,  
Languida dissolvit talibus ora sonus:  
O bone terrigenum custos, tutelaque Mundi,  
Publica suspendit tot cui vota, salus;  
Mens mealassa malis, quàm te desiderat Unum!  
Cervus ut irrigui fontis anhelus aquas;*

*Improba quin tandem fugimus ludibria mundi*  
*Et legimus portu carbasa lenta tuo.*

*Fallor: an oranti, cœlestis limina Templi,*

*Regiamarmoreas explicat aula fores?*

*Nate Deo, mea Spes, mea Lux, mea sola Voluptas*

*Nunc oculis etiam conspiciere meis:*

*Nunc erit ut tecum regno jungamur in uno*

*Servat ubi æternus longa serena, tenor,*

*Viximus, & terris nunc qui superestis Amici,*

*O semel humana discite lege MORI.*

*Dixerat, & plancture resonat domus omnis; at ille*

*Vestra quid incassum pectora torquet? ait*

*Siluctus tantilla mea sunt tempora vitæ*

*Ne, bona, quæ fuerit vita, putate brevem,*

*Si luctus suspecta mea sunt crimina vitæ*

*Salva Redemptoris sanguine, turba sumus.*

*Vox erat in cursu, cum sensim morbida, somnus*

*Ferreus æternâ lumina nocte premit,*

*Qualiter ad Solem foliis morientibus, arent*

*Candida Virginea lilia secta manu.*

*Ergo sodalities pars sincerissima nostri*

*Ultima lux oculis est hodierna tuis?*

*Nec revocande jaces, nec dextras jungere saltem*

*Ipsa dies lethi præcipitata, dedit?*

*Nos pietate tua, studiisque fidelibus orbos*

*Conficit ambiguus spesque timorque malis*

*Insidia passim, fraudesque, dolique triumphant,*

*Et docet exemplo crimina quisque suo,*

*Æmula tercentum fumant altaria Diti*

*Ipse sua vivens exulat Æde DEUS.*

*Iam muros fatalis equus, jam dirus Ulysses,*

*Iam Thoas, atq; Athamas, jam Menelaus habet;*

*Deiphobi ruit ampla domus, jam proximus ardet*

*Ucalegon, flammæque invaluerè morâ,*

*Dum tepide timidæque Viri pugnamus in hostem,*

*Et Patriæ rigida mente negamus opem,*

*Tu castos inter cœtus, animasque piorum,*

*Fulgidus æterna munera pacis habes.*

*Latius in Elysia ripa spatiaris, amœnus*

*Semper*

*Semper ubi vitreos lucus inumbrat aquas.  
 Non nitidum glacialis hyems constringit Olympum  
 Quassa nec immiti grandine testæ sonant.  
 Perpetuum ver astra colunt, ubi tutus inaneis  
 Nunc hominum curas, regnaque vana vides.  
 At tu Cæcylas ducens fortissime turmas  
 Cui cingunt decies millia, mille, latus  
 Ut tua se tota fulgentior exserat Orbe  
 Gloria, nos ala protegat umbra tua.  
 Accelera, pactasque tibi ne desere gentes,  
 Et duplicis belli vimque metumque preme.  
 Quin alios, cinere ex isto, da posse renasci  
 Protinus intrepidos ad tua Sacra duces.*

## JOHANNI CRUCIO

S. D.

Harlemum.

**H**EUS tu! Itane tibi nuper animus excur-  
 rendi *Neo-magum* ad tuos? Laudo. Danda  
 enim interdum studiis aliqua remissio, &  
 curæ graviores recreationem amant, dulcissi-  
 mum laborum condimentum: quia continua ani-  
 mi intentio torporem parit, & quod libenter fa-  
 cit, nisi aliquando remittat, frigide facit, aut nec  
 facit. Arcus cur interdum detenditur, nisi ut  
 tensus, validius scopum feriat? cur in cythara  
 laxantur fides, cur in testudine nervi? non aliò  
 quàm ut acius sonent. Aquæ ni moveantur, vi-  
 tium capiunt: sic intentus nimis animus langue-  
 scit, & ex assidua mentis occupatione, hebetatio  
 quædam nascitur: contra *major post otia virtus*.  
 Parcius studiis utendum, ut diutius utamur.  
*Μίτρον ὅτι πᾶσι ἀειδόν*, & veterem illam vo-  
 cem nonnunquam haud invitus usurpo, inter  
 laxamenta curarum, *εἰς ἀειδόν τὰ πρῶτα*. Sic  
 dulci diversione à belli radiis,

— *cantata Briseide venit Achilles*

*Acrior, & positus erupit in Hectora plectris,*

g 3

fertur-

feriturque inter lituos, tubas, tympana,

*Amonia curas attenuasse lyra.*

*Iulius* & *Scipio*, post gravissimas Reip. curas, vagas litoribus, conchas, & umbilicos lectitasse, *Alexander* animi ægritudines cytharâ leniisse; *Epaminondas* luisse fidibus. Unde etiam *Timocles* cum in epulis lyram recusasset, habitus fuit indoctior. Ita homini innata penè illa ad recreationem propensio, & laborum intervalla. Statueram & ego diebus canicularibus. Justitio paululo literario frui, peregrinatiuncula aliqua ad consanguineos & ad te inprimis. Sed nescio quid invisum; & inopinatum sistat fere, & sufflaminet jam paratos ad iter. Ne miremur. Homo enim proponit, Deus disponit. Et quid frequentius in hac rerum humanarum vicissitudine, mille obstaculis non prævisis obnoxia? De Socru nostra si quæris, valetudinaria est; nunc vertigine capitis, nunc catharris, nunc calculo, nunc podagra conflictatur. Sed in hoc malorum ingruentium conflictu, semper sibi similis, patiens, & magni animi; & ut secundis rebus non inolefcit, sic nec adversis dejicitur: in utrumque parata, aut vivere, aut mori, & DEUM sine murmure vocantem sequi cum vitæ depositum reposit ille qui vitæ Author; hoc præsertim ætatis ingravescentis deliquio, quæ non singulis diebus solum, sed horis ad metam ducit. *Demonasti* seni cum crura intumuisent, cuidam id videnti, & roganti; *Quid istuc mali est Demonax?* *Charon* inquit *me momordit*, innuens senectutem esse morti vicinam. Sed quo animæ Christianæ, mors vicinior, eo gravior est, quia dissolvi optat, & esse cum *Christo*. Quid enim *Vita* hæc nostra aliud quàm peregrinatio molesta, & navigatio periculosa, in qua nullus sinus, aut portus nisi *Mortis*? imò si res dicenda, quid hæc vita, nisi iter ad vitam? illam dico æternam, & beatam, cui uni, vita hæc vivit. A. G. Antiquum obtinet, nulla illi à melancholia sua remissio ita ut  
 totum

totum eum occupare, & pedem in eo, ac sedem fixisse videatur : tanto acrior quod nullis medicamentis auscultet, nec ulla *Medici* curase, non dicam tolli, sed ne levare quidem patiatur. Signa non diuturni solum morbi, sed si quid iudico, immedicabilis. Cui non aliud remedium præscribo quàm *Patientiam*, optimum & unicum talium malorum antidotum. Quid quod tunc votis, & precibus ad DEUM præcipuus sit locus, cum spei nullus, & de divina misericordia nunquam magis sperandum, quàm cum humana præsidia deficiunt. Nescii quid serus tandem vesper vehat. Rebus afflictis, & homini præne desperatis succurrere nonnunquam solet DEUS *δοτο μυχωνs ινα η σωαμs αυτηs εν αιδνεια ημωs δοξαση*. Sed quàm inopinatus ille nuper nunciatus de clade *Scotorum*, prope *Edinburgum* *Scotiae* metropolin, inauspicato planè prælio, tam instructo, tam numeroso exercitu. Quanto satius longè fuisset, Hostem cunctando fatigare, & inopia commeatus, redigere ad inedia? Quod nunquam felicius tentatur, quàm in proprio fundo. Exemplo prudentissimi illius bellatoris *Fabii*, qui in *Italia* vires *Annibalis* nunquam magis attrivit, impetum fregit, conatus elusit, quàm tergiversando, quam cunctando. Cujus exemplum si imitati fuissent, κατ' ανθρωπον λεγω, de Hoste suo procul dubio, triumphassent, qui jam victi turpe solum tetigere mento? parum memores, periculosè *Martus* aleam tentari in suo fundo, nec unquam gloriosius pugnari, quàm Hosti redacto ad incitas, & abitum meditantem sternere pontem aureum. Præclare poëta,

*Da spacium, tennemque moram, malè cuncta ministrat*

*Impetus.*

Si in aliis, quanto magis in bello, in quo non bis, peccatur. Ideo magnos olim Duces plura longè consilio, quàm vi perfecisse legimus: nec temere

*Diomedii* socium *Ithacum* assignare, sapientiæ patrem. Si se recolligant, opto ut felicius ipsis, hæc cadat alea, ad regni & Ecclesiæ reformatæ, stabilitum, & populi securitatem. Tu si quid habes rerum novarum, fac participem. Vale cum tuis. Tegularium, & Rullæum velim meo nomine plurima salute impertias. Delfis VIII. Calend. Novemb. M. DC. L.

G I S B E R T U S V O E T I U S

J. CRUCIO S. D.

Delphos.

**C**larissime vir, quod prolixæ tuæ humanitati, & tam eruditæ scriptioni, hætenus non responderim, fecit laborum, & exercitiorum nostrorum concatenatio. Horam unam atque alteram subsecivam iis subtrahere non potui, quâ mens nostra meditationi, & commentationi de proposita quæstione vacaret. Et dum vacuus coram te comparere nolo, aliamque ex alia occasionem capto, sed frustra: interea ab scriptione supersedeo. Nunc quia video in aliud tempus consilium illud rejiciendum, præambulam saltem hanc mei erga te animi, & amicitiae cum Deo augendæ tesseram præmitto, Inaugurationem scilicet hujus nostri Gymnasii, & lectionum in eo seriem. Lege quæso, expende, judica, & si quid ad incrementum ac dignitatem studiorum in medium consulere visum fuerit, liberè subinde imparti. Pro munere literario gratias ago, & referam aliquando si Dei benignitas cœptis nostris faverit. Erudita tua dissertatio de *Termino Vitæ*, ita me affecit, ut non potuerim abstinere, quin in meo spicilegio, de eadem quæstione, calculum illi adjicerem, & communi veritati patrocinium pro viribus offerrem. Ubi lucem aliquando adspexerit, tuum erit censere, quid præ-

præstiterim. Tu mihi eris *Curia, Censor, & Quirites*. Reliquos præjudiciis, & affectibus turgidos non moror; quibus nihil placet, quàm quod ipsi fecerint. Excuditur nunc libellus in lucifugam *τὸ πινάκων* emissarium. Hæ scilicet meliorum-studiorum remoræ sunt. Quid faciam? Ut quimus ajunt, quando ut volumus non licet. Talia nunc sunt tempora, ut pro sapientiâ, & pietate pugnandum nobis sit, quamvis aliter velimus. Non cessabimus tamen cum Deo, inter bellicos tumultus, & fragores spargere in juventutem *τὰ ἔχοντα τῆς σωτηρίας*, quod ex serie lectionum intelliges. Novum & succrescens hoc nostrum Gymnasium, ut per occasionem commendes multis non contentam. Declarasti jam satis, quo animo sis in nostra quæ promittimus, & supra promissa conamur, quorum indicium faciet, qui has ad te perfert *ὑπὸ πῆνι*, eorum, & pars non minima. Vale & salve Clarissime vir, meque favore tuo in posterum dignare. Ultrajecti. III Kalend. April.

## DIONYSIO CRUCIO

Cognato S.

Noviomagum.

**N**uper tuo adventu gratius mihi nihil accidere potuit; quia desideratus diu, & inopinus. Utinam dulci tua præsentia, & alloquio longius frui licuisset. Si quid tamen præperero tuo à nobis discessu peccatum, emenda. Sarciri poterit, diuturniore paulò apud nos mora: qui hac locorum distantia, frequentiori alter alterius conspectu prohibemur. Salvum te ac incolumem cum *Tua Neomagum* rediisse, spero. Valetudo nostra, si quæris, DE I gratia nunc ex voto est: quâ dum fruor, fortunatum me judico, hac præsertim ætate, quæ certo gradu,  
g 5 me

me ducit ad metam. Quid enim vita nostra, si morbis, si calculo, chiragra, podagra, lumbagine, si feбри identidem infestetur, nisi miseriæ trutina, & calamitatis tabula? quid nisi molesta habitatio in hoc corporis tugurio? jactatio perpetua in hoc Mundi pelago, inter tot ægritudinum incurfus? Ubi si respiratio interdum datur, tanto gravior esse solet, quo invalitudo gravior fuit, & lucta diuturnior. In me experior. Nunquam quoque mihi gratiores *Musa*, quàm cam eas per intervalla regustare licet: Nunquam vita vitalior, quàm quæ sic agitur: quam, verè dicam? longè præfero *Persarum* gazis,

————— nec isthac

*Otia, divitiis Arabum liberrima mutem.*

Quis *Sapiens* aliter judicavit? Quid enim suavius quàm literaturæ deliciis pasci, præsertim sacra, & diviniore illa *Sapientia* imbui; ad hanc vitæ suæ periodos, & actiones omnes expendere; hanc tanquam fidei & vitæ normam sequi; ex hac in usum suum decerpere incitamenta ad pietatem; in ea venerari DEI Sapientiam, potentiam, justitiam, clementiam, in magni hujus Mundi regimine, & ad animi sui ædificationem convertere, spretisque terræ filiis, terrenisque omnibus impedimentis, inoffenso cursu, generoso conatu, lectione Scripturarum, meditationibus, precibus, votis, ad cœlestis hæreditatis palmam contendere. Quod qui faciunt, ne illi optimè sibi prospectum eunt. Quid enim sine hac, omnis literatura nostra? Vin' dicam? gladius in manu furiosi, nisi animorum imperatrix *Religio* clavum moderetur. quid eruditio, nisi somnium, fumus, umbra, nihil, sequestrata meliori illa scientia, deprompta ex Sacro illo Codice Venerandæ Antiquitatis, quæ nos non doctiores solum reddit, sed meliores, & viam præmonstrat ituris ad bonam mentem? Adeo ut nihil iis sit infelicius, qui dum operosè desudant circa morosas & anxias vocum minutias,

aut



aut curiosam rerum humanarum indaginem, Cœlum negligunt, & cœlestia, nullasque horas pejus collocari putant, quàm quas legendis SACRIS impenderunt, ut de *Domitio Calderino*, & *A. Politiano* factum perhibetur. Ne quid dicam de iis qui aut *Plantii*, *Petronii*, *Apulei* Lætionem S. Scripturæ præferunt, aut commentandis *Priapeis*, & quidquid talium est putidarum, & scurrilium nugarum, ætatem suam terunt. O verè profanos, & irreligiosos, ne dicam monstra, & prodigia hominum! queis castæ illæ sordent Scripturarum deliciæ, nectâr illud (ut cum magno illo Antistite Hipponensi loquar) & ambrosia omnis eruditionis, Oceanus omnis eloquentiæ, myrothecium omnium scientiarum, omnium antiquitatum penus, omnium studiorum cos, & lima, una vitæ rectè instituendæ cynosura, amussis, principium, & finis. Mihi crede, hæc demum pia eruditio, & erudita pietas, quæ divinâ illâ *Sapientiâ* nixa, & nexa est. Quam amare te scio, & huc dirigi labores tuos, huc vigilias, huc vitæ tuæ cursum. Et sic in viridi ætate cana maturitas. O utinam multi tecum! Nulla enim suavior *Harmonia* dari potest, nec excogitari in Ministris, & servis CHRISTI, quàm si vita respondeat professioni, professio vitæ, lingua moribus, & Euangelii quod in ore, in corde, in sinu, in oculis, in auribus cottidie habent, vim ac virtutem exemplo suo ostendant. Contra *Væ illis* (ut verba magni nostri temporis, Theologi, mea faciam) *si Religioni student, si pietatem aliis instillant, cujus gustum forte nunquam perceperunt; si per ludum, & jocum, latera exercent, in omnium peccata detonantes iis interim vitiis scatent, quæ in aliis carpunt; si dum alios flere volunt, privatim deliciantur, si alios commovent, & ipsi non moventur; si pro fide disputant, & contra fidem vivunt, si de turpitudine peccati, de DEI iustitia, de ultimo iudicio, pœnis infernalibus ampullantur, & omnibus terrorem incutiunt, ipsi tamen*

*omnium istorum securi, familiariter peccato cohabitant. Absit, absit. Aliud quid pretiosus sanguis, aliud salus animarum, aliud vocatio, aliud Ecclesiæ exspectatio postulat. Animas suas nisi tradunt ad lucrandas animas, nisi verbo, & opere ædificant, mercenarii sunt, proditores sunt qui si non semper alios, se saltem & salutem suam produnt; parum memores dicti Servatoris nostri: ὅς ἂν σκανδαλίση ἕνα τῶν μικρῶν, τῶν πιστευόντων εἰς ἐμὲ συμφέρει αὐτῷ, ἵνα κρεμάθῃ μύλη ὀπίκός ὅτι τὸν τρέχοντα αὐτῷ, & χαλαπόν τιδῇ ἐν τῷ πλάγι τῆ θαλάσσης. Prolixior eram, sed retrahor ad saxum meum Sisyphus. Tu vale, conjugii tua, à me salutem, & filioli osculum. Delfis. 9. Idus Octobr.*

PETRO vander DUSSEN, ADRIANO BOGARDO, CORNELIO BOS-CHARDO *Studiofis S. D.*

**I**Am & Academicos, & ad Academiam, meus vos comitatur affectus. Vastum illum JURIS Oceanum intraturi, Adolescentes lectissimi, unum vos moneo: Horas aliquot subsecivas impendite, si probè vobis vultis consultum, lectioni Historiarum: qui jam me præeunte, principia delibastis disciplinæ politicæ. Ad quam quid conferat Historia nemo paulò humanior ignorat. Qui enim ejus olim auctores fuere? Certè non proletarii, non è trivio, non de plebe homines, sed viri magni, viri honoribus amplissimi, qui ætate in Reip. administratione contrita, historicam illam provinciam tantum abest ut erubuerint, ut eam contra conscribere, summæ laudi duxerint, & rerum gestarum gloriam, generis sui splendorem, nominis claritudinem tot victoriis, tot triumphis partam, longè posthabuerint Historiarum monumentis. Quales olim fuere *Portius Cato Censorius, Postumius, Albinus, Sempronius, Cæsar*

*far Dictator, Sallustius, Tranquillus, Tacitus*, aliique innumeri, quos Consulatu, Prætura, Tribunatu, & id genus in Rep. honoribus perfunctos, accepimus. Quin & ipsi Principes Romani neutiquam sua maiestate indignam hanc occupationem censuere. Quos inter, *Augustum, Tiberium, Trajanum, Alexandrum Severum*, aliosque, res gestas literis consignasse, nemo nescit. Imò nec Reges à sceptro suo, ac diademate, provinciam hanc alienam judicant, *Dionysius Siciliæ, Ptolomæus Lagi, Ptolomæus Evergetes, Egypti reges*, atque alii, quibus recensendis longius non immoror. Jam quæ lætionis Historiarum sint emolumenta, in omni literarum genere, tam publicè, quam privatim, si scire vobis est animus? Dicam. Nihil est, *Studiosi*, quod animis nostris magis agnatum, nihil quod grata magis diversione laborum, & lucubrationum nostrarum tædia dispellit, & curarum amaritudinem, dulcedine sua magis temperat, quam varî rerum gestarum narratio, quas non legere, & audire solum, sed oculis coram intueri, & in rem præsentem manu quasi deduci videmur. *Militadem* enim cum *Dario* eongredientem cernimus, *Xerxem* mari compedes & vincula minitatem, *Annibalem* Alpes penetrantem, *Scipionem* *Carthaginem* expugnantem, *Cæsarem* *Rubiconem* trajicientem, & *Pompei* in campis *Pharsalicis* victorem; tribus postea & viginti vulneribus in *Capitolio* in medio Senatu, confossum: inter alios, à *Bruto* quem filii loco semper habuerat. Quæ omnia tanta legentium animos voluptate perfundunt, ut iis satiari nequeant,

— *Studio fallente laborem.*

Sed quid voluptatem loquor? non minor earum est utilitas, quam ex læctione rerum gestarum capimus. Peregrinantibus haud absimiles, qui dum oculos vario terrarum, regionum, urbium adspectu pascunt, multa quoque in usum vitæ, multa

multa in usum Patriæ, & Reip. diligenter observata, in animum recondunt, quæ quid faciendum sit, factum ostendunt prius, idemque tentandi animum cunctantibus injiciunt, & dum viam præmonstrant exempla, tritam ab aliis viam sequimur, ut vel virtutibus eorum alacriores, vel flagitiis timidiore, vel periculis, & dubiorum eventu reddamur cautiores, & vitæ nostræ actiones, ad earum rerum imaginem, quæ Annalibus consignantur, tanquam ad speculum componamus, fortunæ alienæ arbitri, nostræ fabri, sed & correctores. Exemplo celeberrimi illius pictoris *Zeuxis* qui *Iunonem* graphicè, & suis coloribus ad vivum effigiaturus; virgines *Agrigentinarum* formâ præ aliis insignes conduxit, in singulis quod pulcherrimum imitaturus. Scio multa ex Philosophia salutaria depromi, multa contineri præcepta, quæ vitæ rectè instituendæ haud parum serviunt, sed longum per ea iter, at breve, & efficax per exempla in utroque fortunæ vultu. Rebus quippe secundis, & ex voto fluentibus, moderationem nobis inculcat historia, fastum exculcat; dum velut in *Theatrum* spectandas proponit, tot regnorum depopulationes, Rerum publicarum everfiones, urbium florentissimarum rudera: dum *Cyrum* clade accepta, *Scytharum* reginæ ludibrium fuisse, memoriæ prodit; *Valerianum* Imperatorem, *Sapori* regi *Persarum*, equum consensuro, tanquam scabellum subternit; *Dionysium* magnum illum *Siciliæ* regnatorem à sceptro, ad ferulam dejecit; *Cræsum* rogo imponit; *Annibalem* flagellum diu *Italia*, hausto veneno quod annulo inclusum gestabat, extinctum; *Antonium* *αὐτόχειρ*; *Cleopatram* morsu aspidis, ne in Romanorum manus incideret, oppetentem: *Polycratem* in crucem actum, *Bajazetem* cavæ ferreæ inclusum, *Antiochum* Syria, à latronibus, *Pyrhum* à fœmina, *Henricum* III Gallia regem, à *Monacho* & IV ejus nominis à *Ravaillaco* sicario occisum,

occisum, commemorat. Contra reflante fortuna, cum rebus afflictissimis, ad incitas pæne reducti videmur, & hostem non intra fines solum armis savientem, sed & in ipso Patriæ medullio omnia depopulantem, urbes, agros, opida, ferro, flammaque devastantem, cadibus, laniis in Reip. viscera grassantem adspectamus, ne tunc quidem desperandum esse nos monet Historia, sed forti, & interrito obnitendum animo, quidquid evenerit. Cum *Themistoclem* exigua militum manu, navali prælio, victorem; *Xerxem* tot millibus suorum caesis, scapha, qua *Hellespontum* trajecit, profugum; *Manlium* in arce *Tarpeja*, capta jam & incensa *Româ*, adversus *Gallas* intrepidum; *Romanos* post cladem *Flaminii* ad lacum *Thrasymenum*, & *Pauli Æmilii*, ad funestas Imperio *Cannas*, rebus prope conclamatis, impavidos, & invictos adversus hostem, tot præliis, tot victoriis exultantem, & extrema minantem, spectandos exhibet. Quæ profecto, atque alia id genus exempla, quantam animis fortitudinem ingerant, & rebus desperatis fiduciam, quàm acres victis addant stimulos, quàm validè jacentes erigant, & dejectos in gradum reponant, *Hipsaâ* cæcior est, qui non videt. Quid? quod omnium rerum gerendarum alieno hîc periculo, experimentum capere liceat, & dubios rerum eventus securè intueri, dum quæ ab aliis feliciter gesta sunt, nobis imitanda proponimus: aut si malè, ut alieno damno cautiores reddamur, & tanquam è specula, conspecto aliorum naufragio; medias inter rupes, syrtes, breviam, *Scyllam* inter & *Charybdin*, rectum teneamus cursum, in procelloso hoc *Mundi* falo:

————— *felix quicumque dolore,  
Alterius didicit, posse carere suo.*

Adhæc, quid suavius, quàm nullo sumptu, labore periculo citra itinerum molestias, navigationis tædia, corporis lassitudinem, aliena non dicitem.

tempora, sed loca lustrare, totum perambulare *Universum*, & Musæi sui cancellis, terras, maria, lacus, flumina, imo *Orbem* ipsum includere? Quid utilius, quàm in amplo hoc Historiarum *Theatro* hominum ingenia, mores, dicta, facta, consilia, eventus, Rerump. ortus, & occasus, fatales *Imperiorum*, & *Regnorum* terminos & vicissitudines, tanquam in *Tabula* contemplari? Hic bella, pugnas, prælia, hic clades & lanienas, hic victorias, & triumphos: Alibi pactas inducias, initam pacem, ista fœdera, non aliquot abhinc annis, sed jam inde ab *Orbe* nato, sæcula omnia percurrit, qui Historiam; nusquam peregrinus, ubique præsens. In ea quot generoso, & excelso animo, ad gloriæ immortalitatem incitamenta? quoties legenti occurrunt nomina seculis haud inficianda. Viri magni, viri rebus strenuè gestis, consilio, prudentia clari, literatura, & eloquentia eximii, quos sola æternitatis custos ab oblivione vindicat Historia. Vitam *Ciceroni* rapuit *Antonius*? reddidit Historia. Rapuit illi lucem sollicitam, & ætatem senilem inquit *Paterculus*, famam verò, gloriàmque factorum, & dictorum ad eò non abstulit, ut auxerit. Vivit vivetque, illo etiam invito, per omnium seculorum memoriam: dumque hoc rerum naturæ corpus, quod ille penè solus Romanorum, animo lustravit, ingenio complexus est, eloquentia illuminavit, manelit incolume, comitem ævi sui laudem *Ciceroni* trahet perpetuam. Vivunt, vivunt quoque nominis sui nunquam interituri famâ, magnæ illæ animæ, *Militiades*, *Themistocles*, *Orientis* terror *Alexander*, libertatis vindex *Brutus*, *Codrus*, *Curtius*, *Decii*, &

— duo fulmina belli

*Scipiade.*

quamdiu fasti, quamdiu annales, & in iis magna illa inscripta nomina. Quantum verò Historiarum lectio iis conducatur, qui primis literarum studiis defuncti, ad *Iurisperudentiam* animum adjunxere, neminem credo esse qui ambigat, si  
eam

cam vel à limine tantum salutavit. Viderunt hoc Viri olim, & nostra memoria clari, qui absolutissimum Civilis doctrinæ corpus, ex solis Historicis concinnarunt, in quibus *omnis exempli documenta in illustri posita intueri licet, ut inde & tibi, & Rep. tuæ* (verba Livii) *quid imitere capias: indidem fædum inceptu, fædum exitu quod vites.* Ita profecto est. Non aliunde magis quàm ex Historiis prudentia paratur, ubi jam inde ab omni ævo, rebus gestis interesse legentibus contingit, tot secretorum conscii esse, tot Regnorum, tot Rerumpublicarum arcana scrutari. Unde etiam ad penitiora Consilia Principum admitti non solent, nec in Republica ad Curiam promoveri, quàm qui Annalium lectione, & longo rerum usu, subactioris sunt iudicii, & digni qui Imperii habenas moderentur. Neque mirum. qui enim literis benè excultum pectus gerunt, non unius solum alteriusque belli inspectione, aliquam rerum militarium nacti sunt experientiam, sed sedula librorum volutatione hoc consecuti, ut omnibus quotquot post hominum memoriam gesta sunt, bellis, quasi post principia positi interfuisse, atque in omnium Principum penitioribus consiliis, quasi Arbitri sedisse, & eventus perspexisse videantur. Id si cuiquam vestrum, mirum fortassis videri possit, maximorum clarissimorumque de ea re Philosophorum libros, atque in primis *Aristotelis* in manusumat. In quibus nullum fere aut præceptum, aut documentum inveniet, quod non ex ipsa historia, tanquam è vena perenni, & fonte aliquo uberrimo emanaverit. Sed multa fortasse nimis pro Epistola. Finio. Vos *Studiosi*, qui magnam domi, magnam in Rep. sustinetis expectationem, ut ei respondeatis, opto, precor, voveo, ne per vos stetisse videatur, quo minus ex Athenæo Lugduno-Baravo, tanquam ex equo Trojano prodeant, qui utilem aliquando *Pa-*  
*trie*



tria operam sint navaturi. Delphis VI Kal. Decembr. M. D. C. L.

## D O D O N Æ O M E R A N O

*Studioſo S. D.*

Lugd. Batav.

**D**Octrinam amare te ſcio, & viam inſiſtere quæ eò ducit. Qui aliter poteſt inter tot ſtudiorum illicia quæ invitant, imò trahunt? Familiæ ſpendor, fundamenta literaturæ feliciter olim ſub me jacta, vota parentum, & conſanguineorum, commoda vitæ ſupra vulgum, ætas vernans, & florida, Academia tot viris magnis inſeſſa, qui inſtituendæ *Juventuti* totos ſe devoverunt. Arripienda occaſio dum ſeſe offert, non reditura amplius, ſi elabatur. Avis fugitiva eſt, quæ ad manum non redit. Nemo annos reſtituet, nemo iterum te tibi reddet, ibit quæ cœpit ætas, nec curſum aut revocabit, aut ſiſtet. Maximum vivendi impedimentum, eſt expectatio ex craſtino.

*Vidi ego jam juvenem premeret cum ſenior ætas,  
Mærentem, ſtultos præteriſſe dies.*

Quæ enim major ſtultitia, quàm præteritorum temporum jacturam deplorare irreparabilem, & ex tanto annorum numero à cunis ad canos, nihil ſuperſeſſe aliud quàm breve momentum eſſlandi ſpiritum, & inglorium, ſibi que, & Patriæ inutilem, ad *Orcum* detrudi. O viles nimium animæ, & degeneres *Mundi* incolæ! qui non aliam temporis ſui rationem habent, quàm ut tempus perdant, nullius rei magis prodigi, quàm cujus punctum tantum poſſidemus. Tu melius *Studioſe*, qui vitam non vitam, ſed vivi hominis ſepulturam eſſe, cum magno illo *Themistocele* jam pridem didiciſti, quæ marcido, & ſupino otio torpeſcit. Quo enim ratio, mens, intellectus, & illa divine particula *aura*,  
præ



præ reliquis animantibus indita homini, nisi ut eam exerceat, colat, imbuat amœniore literatura, & earum rerum cognitione, quæ hominem, per humanitatis studia, longè supra communem hominis sortem extollant. Illa enim sunt quæ adolescentiam erudiunt, senectutem exornant, ejusque incommoda leniunt; ac si fortuna favet, oblectamento sunt, si novercatur, solatio. Commorandum domi? tædia solitudinis dispellunt. Peregrinandum? nullius comitis jucundior confabulatio. Feriandum? nihil est quo otium honestius fallas. Confistendum morbis, aut aliis vitæ incommodis, nihil est quo suavius, certiusque lenias. Exemplo magni illius Imperatoris *Augusti*, quem inter belli lituos, tubas, tympana, & imperii curas, literis humanioribus vacasse, *Tranquillus* refert. Ne mirare. Alia si quæ delectant, solitum semper aliquid habent, quod lætis intervenit, & fastidium adeò non tollunt, ut augeant. Hæ quæ parantur studiis voluptates, quò percipiuntur majores, eò avidius expetuntur. Homines literatissimos intuère, videbis, tanta quandoque studiorum dulcedine delinitos, ut alios cibi, potusque ceperit oblivio; alios in captura urbis suæ, nec armorum strepitus, nec civium qui contrucidabantur, suspiria, lamenta, ejulatus, testorum cadentium fragor, à fervore studiorum avocare potuerunt, adeò ut prius percussoris manus, jugulo exceperint, quàm totius urbis excidium, auribus hauserint. Jam quæ & quanta literaturæ utilitas? nulla major, quàm quod literarum cultores, non dubiis, non suspensis, sed grandibus, ut sic dicam gradibus, ad honores, & purpuram comitatur. Hac instructi tanquam *Patriæ* lumina Reip. clavo haud raro admoventur, gratiam Principum, & amorem populi demerentur, arduis negotiis præfunt, & nominis sui famam quoquo versum diffundunt, ut iisdem quibus Orbis terrarum finibus,

nibus, contineatur. Quid divitiarum, quid opes? brevissima ad eas per Literaturam est via. Unus instar omnium sit ille quem *Antiquitas* invidendo elogio, eruditionis principem indigerat, SENECA, qui quamvis natione non Romanus, non Italus, sed Hispanus, admiranda sua eloquentia, & Imperatoris munificentia, tantam aris, tantam pecuniarum vim contraxit, ut non *Crassum* solum, Romanorum veterum opulentissimum, facultatibus, hortorum amœnitate, & prædiorum numero longè superaverit, sed & *Italiam* ipsam ac provincias fœnore suo haurire diceretur. Possedit enim ter millies H.S.S. id est septuagies, & quod excedit centena millia Philippicorum, teste magno illo Annalium scriptore *Tacito*. Splendida me hercules doctrinæ augmenta? acres ad Literaturam stimuli! Quid enim ingenuos, quid generosæ indolis Adolescentes in *Patria*, & gloriæ spem natos, moveat, nisi hæc moveant? Perge modò, mi *Merane*, & quanto tibi olim præsidio, ornamentoque futura sint Studia, cogita; quæ ut ad virtutem, & honestatem euntibus facem præferunt, ita ad res præclare gerendas, insigni esse solent adjumento, iis qui summa animorum contentione, virtute duce, ac comite doctrinâ, ad veram grassantur gloriam. Vale, & me ama. Delfis. M. DC. L.

JOHANNES BEVERWYCIUS

*Iacobo Crucio Dilectissimo.*

Delfos.

**N**on *Apollinis* magis verum est, Vir clarissime, atque responsum quod nuper dedisti de vite nostræ Termine. Quo quid elegantius, quid doctius, quid sapientius, *Æsculapium* iratum habeam, si unquam legisse meminerim. Impu-

Impudens sit qui tot argumentis refragari audeat ; insulsus planè quem tot rationum pondera non flectant ; impius denique, qui firmis sacri Codicis fundamentis non steterit, ab ineluctabili divinæ providentiæ reti se capi non sinat. At intellectus ista non comprehendit. non mirum.

Ἀπαντὶς ἰσχυρὸς πρὸς τὰ θεῖα ἀβίλπτου,  
 Κ' ἔκ ἰσχυρὸν ἔδεν.

*Ad res divinas blenni, non homines sumus,  
 Nec scimus hylum, ut vertit μάντις ἀμύμων.*

Bestiæ humana non capiunt, & miramur adhuc nos non capere divina ? Multa credenda *Christianis*, quæ mente consequi nequeunt, & scrutari nefas sit. ἔδ' εἰ γὰρ δεσποτῶν φύσιν ( ut verè *Xenophon* ) ἢ πρῶτον δέλας δεῖ εἰδέναι, οἷον ἔδεν πλέον ὑποφρεσίας πρὸς σὴν. Medicorum tamen plerique dum arti suæ consultum volunt, alios vitæ limites commentati sunt : quos nihilominus cum vestris componere, & conciliare haud difficulter liceat. Major pars *Mortalium* (inquit *Seneca*) de naturæ malignitate conqueruntur, quod in exiguum ævi gignimur ; quod hæc tam velociter, tam rapidè dati nobis spatia decurrant : adeo ut exceptis, admodum paucis, cæteros in ipso apparatu, vita destituat. Unde teste *Cicerone*, *Theophrastus* moriens accusasse naturam dicitur, quod cervis, & cornicibus vitam diuturnam, hominibus tam exiguam, dedisset : & maximus Medicorum, statim in limine Aphorismi ὁ βίβλος βραχὺς. His magnorum virorum, & vulgi querelis occurrere, & breviter vitæ spatia extendere, dum negotii sui esse credunt ἡμῶν ἰατρῶν παύσις, remoram sibi fieri putant. imò se planè tanta de spē decidere, si fata nos ducunt, & quantum cuique restat, prima nascentium hora disposuit. Universo hominum generi certum vivendi tempus præscriptum à natura, & constitutum est, quo completo, sponte humana com-

compages dissolvitur. Hoc justæ & legitimæ ætatis spatium Lxx. annis, *Solon*, vel ad summum Lxxx *Moses* determinavit.

*Septies denos spacioſa in annos*

*Vita proſcurrit, quibus eſt ſenectæ*

*Firmior, ſermè in decimum ſuperſunt.*

*Amplius annum.*

*Egyptii* & alii ex cordis pondere, ætatis, & vitæ meſura ſumpta, centum annis circumſcribere, ut fuſius videre eſt apud *Plinium* 11. natural. hiftoriæ 36. *Censorin.* de die natali cap. 14. *Rhodig.* 19. *Antiq. lect.* 21. *Lang.* 1. epiſt. Med. 79. Ad centum verò, & viginti annos produxere, doctiſſimi Mathematicorum, teſte *Pollione*: vide ſis *Plinium* lib. 7. cap. 49. Hæc ætate mortuus *Moses* Propheta, nec caligavit oculus ejus, nec dentes moti ſunt, dicit Scriptura. Fuit etiam *Arganthonius* quidam *Gadibus*, qui octoginta regnavit annos, centum viginti vixit, ut *Cicero* narrat. Nec opus hic referre exempla longiſſimæ vitæ, quæ citantur à *Plinio* lib. 7. cap. 48. & *Luciano* in *μυχεγείois*. Statum hoc vitæ curriculum paucos admodum, naturæ legibus conſicere; alios haud longè à metis; quosdam in medio ſtadio deficere, nonnullos in primo limine, & in iſſis carceribus, caſuum, & ægritudinum vi effuſos, occumbere, Medicorum opinio eſt. Huic verò ſoli deſtinatum finem contingere, qui firmam corporis conſtitutionem, qua ortus; & in lucem editus, moderatrice temperantia, ſedulo conſervat, nec in volubilis fortunæ caſſes incidit. Ita dum valetudinis, & vitæ rationem haberent, utramque homines, olim in plures quàm hodie *ῥοῦς αἰχμαλωτὴς*, annos prorogaſſe, legimus. Hæc ratio ab *Hippocrate* præcipua poſita in moderatâ diætâ, & *ἀσκήσιν πόνων*. Quod *Cicero* ſecutus, utendum inquit, exercitationibus modicis: tantum cibi & potionis adhibendum, ut reficiantur vires, non opprimantur. Hæc diætâ vidi mater-

*impignitâ laborat*

mater-

maternam aviam , & proaviam , utramque ætate  
 pæne æquasse aviam paternam , ejusque matrem  
 lustro superasse *Nestorem* : si verum est *Ἰσίδωρος* *Gra-*  
*cis* pariendi , ac generandi perfectius spatium ,  
 quod annorum triginta periodum conficit , signi-  
 ficare ; uti quoque visum è recentioribus , inter  
 alios *Rhodig.* in antiquit. & *Mureto* ad *Senecam*.  
 An verò hæc vitæ longinquitas rara adeò apud  
 sæculum prius , ut triseclisenex in *Livio* apud *A-*  
*gellium* dici meruerit ? Sed hæc *παρέρχως*. Eadem  
 vivendi ratione *M. Valerium* *Cos.* ad centesimum  
 annum accepimus vitam perduxisse : eadem *Ma-*  
*sanissa* usus , nonagesimo ætatis anno filium ge-  
 nuit , iter pedibus ingressus , nullo incommodo ,  
 imbrem , frigus tulit , & mira Valetudinis prospe-  
 ritate , ad extremam pervenit senectutem. Con-  
 fer huic nostri sæculi Reges , brevis ævi , quod

*obiter*

*Molliter assiduo celsa curentur in Aula.*

Confer *ὀλιγοβίους* nostros , natos fruges consu-  
 mere , cum veteribus Philosophis , quos sana  
 mente , & integris corporis viribus , ad longam  
 pervenisse senectutem , & tum quoque conden-  
 dis ingenii monumentis , vâcasse memoriæ pro-  
 ditum est. *Plato* ( *Tullii* verba sunt ) uno &  
 octogesimo anno scribens , mortuus est. *Isocra-*  
*tes* Panathenaicum quarto & nonagesimo anno  
 scripsisse dicitur , vixisse quinquennium postea :  
 cujus magister *Leontinus Gorgias* centum & se-  
 ptem ( ut *Cicero* ) vel octo ut *Plinius* complevit  
 annos , neque unquam in suo studio , atque ope-  
 recessavit : qui cum ex eo quæreretur , quam ra-  
 tione prosperam valetudinem , tamdiu conservas-  
 set , *ἰδὲν πῶποτε* inquit *ἰδὲν ἔτι βίωσι μετέχας*.  
 Nulla certe capitalior pestis , nulla sanitati , & vi-  
 tæ perniciosior , quàm immoderata corporis vo-  
 luptas. Omnes autem res , & causæ quarum  
 vi , aut in morbum incidimus , aut pristinum  
 statum retinemus , aliæ necessariae , sine quibus  
 vivere non possumus , ut aër , cibus , potus , &c.  
 aliæ non necessariae , quæ declinare studemus , ut  
 gladii

*brevis in-  
 uisibile*

*Nihil unquam voluptatis causa facimus*

gladii ictus, naufragium, omniaque fortuita. Quibus si addidero causam supernaturalem, sive voluntatem divinam, monstrabo fontem ex quo *Laur. Ioubertus* magni nominis medicus, triplicem derivavit vitæ terminum. *Supernaturalem*, qui primæ *Mundi* ætati ad multiplicandum genus humanum concessus, nulla nunc arte parabilis. *Naturalem*, quem quisque pro constitutione, & temperie corporis consequitur, nisi prosternatur à causis morbificis, aut inconstantis fortunæ casibus obteratur; unde terminus *Accidentarius* qui circa fortuita versatur. Quorum impetus cæci, quod nec arte provideri, nec vitari possint, neque etiam vita *καὶ ἐπὶ φύσιν* nunc extendatur, in solius naturalis observatione, artem medicam concludit. Ad hunc, Medicinam perducere hominem statuit, tuendo ejus corpus ab externarum rerum injuriis, sanando à morbis, & cavendo ne vitium capiant, aut nimium consumantur calor nativus, & humidum primigenium, à quorum conservatione vitæ salus dependet. Hac arte fretum *Asclepiadem* medicum, sponsionem cum fortuna fecisse narrat *Plinius* 7. 37. ne medicus crederetur, si unquam invalidus ullo modo fuisset ipse, & victorem, suprema in senecta lapsu scalarum exanimatum esse. Qui finis *Iouberto*, accidentarius, καὶ ἐπὶ τῶν Αἰσκληπιδίου ἐπὶ Ασκληπιδίου. De *Herodico* admodum valetudinario restantur *Plato* & *Aristoteles* hac arte vegetum ad ultimam pervenisse senectutem, in flore ætatis aliàs periturum. Idem de se ipsis *Galenus*, & *Lud. Cornarus* nobilis Venetus, cujus libellum de vitæ sobrietate, ex Italico Latinum fecit, & Hygiastico suo adjunxit *L. Læsius*. Cæterum nec *Ioubertus* nec alii quidam hic subsistunt: sed arte naturalem quoque limitem transiliri posse, contendunt. Extra omnem controversiæ aleam ponunt, tum Philosophi, tum Medici vitam manere pro tempore quo manent, & per-

& persistunt naturalis calor, & humidum radicale : atque hoc deficiente illo extincto deficere, & extingui hominem morte ut vocant naturali, *περὶ φύσιν* seu *αὐτομάτη* ut *Agellius Demosthenem* interpretatur 13.1. Quod ne aliquando fiat, prohibere ars nequit : quamvis vanissimus olim ostentator, citante & ridente *Galeno*, & nonnemo hodie *Chymicorum* nugipolyloquides, & argenti extenebronides (Plautinis uti liceat) indeque immortalitatem, mortalibus promittere ausi. At nostri ista vitæ primordia non quidem perfectè instaurari posse fatentur, refo-  
cillari tamen, ac refici aliquantulum, tum alia, tum hæticorū sanationes ostendere affirmant. Ita sæpius observavi fugientem animam sisti, & vitam pœne invitam retineri, si moribundis exhibeantur, & admoveantur quæ cum facultate, cadentes venas, ut loquitur *Seneca* reficere ac fulcire queant, ac vulgo *cordialia* appellamus. Scitum est quod de *Democrito*,

ὡς θάνατον παρέντα τὰ ἡμέατα δώματι ἔχε,  
literarum monumentis traditum est. Hic cum ex senio deficeret, & propinquus videretur morti, mœrentem sororem, quod ille in celebritate *Cereris* moriturus, ipsa Deæ vota exsolvere nequiret, bono animo esse iussit, panesque calidos sibi quotidie adferri : eos igitur ut *Laërtius* (mel alii) naribus cum admovisset, vivum sedum *Theismophoria* transierunt, servavit. Ubi vero dies illi transierunt (tres autem erant) quietissimè ac minimo dolore, anno ætatis exx conclusit vitam. Tecum dicam, & hoc triduum vitæ, Philosophi, à Deo antea destinatum : quamvis id ἀνδραγαθῶς sagacitati *Democriti* tributum sit. Deus enim cum finem, simul media ad finem disposuit, & hinc Medicorum necessitas, quod nec *Ciceronem* latuit, cum tam fatale esse ait Medicum adhibere, quàm convalescere. *Hier. Cardanus* Mathematicus & Medicus celebris, mortuus est, eodem quo prædixerat anno, & die.

ob id ne falleret, mortem suam inedia, accelerasse creditur, ut *Thuanus* autor est. Quidquid sit, quocunque genere, quis è vita excedat, suo tempore moritur, quod Deus illi scilicet ad moriendum assignavit, ac præstituit; licet forte ante tempus legitimum quod humanæ vitæ præfinitum est. Quod ut piè credere Medicum volo, ita tamen apud ægros versari, tanquam revera quæ Medici promittunt, præstare posse, & parum curare,

*Sen plures hyemes, seu tribuit Iupiter ultimam.*

Extremum quod te alloquor V. Cl. hoc est, quid respondendum quærenti quis vitæ terminus eorum qui à morte excitati, iterum mortui, an *Euclidis* gladio jugulandus? Tu pro recondita eruditione videris, neque ego falcem in alienam messiem. Quid? ridendus ne, qui nobis *Nestoreos* annos precatur? liberis pro vita parentum orantibus, ingerendum ne hoc Matronianum?

*Define fata Deum flecti sperare precando.*

Nimum multis tecum egi, Vir reverende, quæ vel mihi ignoscas peto, vel *φιλότητι κεφαλῇ Foca-* no nostro impures, qui ne sine literis meis ad te ireret, ut has *ἐκὼν ἀεικονίζε* *συμῶ* mittere auderem, persuasit. *Ἐρρώστο δὲ βέλτεται καὶ ἐμῶ πολλὸν φίλτεται* *συμῶ*, *Cruci*, & hæc ab occupato scripta, censoria si ita videtur virgula nota. *Dordrechtii.*

N. N. Viro amicissimo S. D.

**Q**uid quisque vitet nunquam satis homini cautum est in horas. Tristis & inopinatus nuper ad aures tuas, ut & ad nostras accidit nuntius de jactura haud exigua rei nummaria, quam passus es ab eo à quo minime oportuit. O fragiles! ô inanes hominum contentiones! quæ in medio spatio sæpe corruunt, & ante in ipso ortu obruuntur, quàm portum attigerint.

*Non*



*Non annis anni, non menses mensibus usque  
Conveniunt, sequi ipse dies, aliumque relinquit,  
Horaque non ulli similis producitur hora.*

Felicitatem hic nobis pollicemur? nulla stabilis.  
Spem certam? vitrea est & fallax. Gaudiorum  
flores? concidunt, marcescunt, pereunt:

— *Nulla est sincera voluptas,  
Solicitemque aliquid letis intervenit;*

nec ulli Mortalium divina providentia tam exactæ felicitatis gaudia contingere, ut non aliquid ei relictum sit, quod gemat. In te vide, & à te disce. Tela (ut est in veteri verbo) prævisa minus feriunt: non prævidisti, hocque ipso iactura tua gravior, quo occultior. Quid tamen est? Ferenda, ferenda vir amicissime: quia à DEO, quia visitationes paternæ, quia patientiæ Christianæ exercitia, virtutis nostræ, & probitatis examina, venæ sectio salutaris *Animæ*, nec alter eam interpretor. Ita nempe DEO visum, vitæ nostræ *Falernum* temperare nonnunquam tristi aliquo mœrorum poculo, ut non tam aliorum experimento, quam nostro discamus, quàm lubrica humana hæc omnia, & in casu posita. Hæc meditari verè sapere est, magnique animi nec secundis rebus insolescere, nec dejici adversis. Ut quidam fluvii per media maria transire dicuntur, & servare suam undam; sic constans animus per vitæ hujus damna, ut salvedinem nullam trahat ex hoc pelago mœrorum. Jaces? constantia te attollet. Vacillas? sustinebit, mala undecunque conferto velut agmine in te ingruunt? solabitur, & verum illud *Nepenthes* propinabit, in quo oblivio curarum, & dolorum. At durum inquires tanto pecuniarum dispendio, tanto nummorum intertrimento mulctari. Quis renuit? sed ea perire præstat, quàm te. Ditiior quidem sic esse poteras, sed nunc melior. Adversa corporis, remedia sunt animæ. Medicum laudas, qui si ægro amara interdum propinat, salubritate medicamentorum, amaritudi-

ritudinem temperat. In DEO animæ tuæ Medico, cur culpes? nihil ille palpat, nihil blanditur, sed penetrat, pungit, radit, & acri nonnunquam afflictionum sale, sordes abstergit animum. Paternum DEVS habet animum, sudorem suis, & interdum lacrymas excutit, eosque fortius amat, quos ut verum colligant robur, doloribus ac damnis exagitat; quæ tentata fide nostra & patientia, abundè suis, & cum foenore, haud rarò reponit. Mihi factum, & grato id animo, sæpe apud me reminiscor. Ita nati, dolere, & latari: alternis hæc eunt vicibus. Et ut aduersa ex secundis nascuntur; sic prospera nonnunquam ex aduersis. Ut ut sit,

————— *Flagrantior æquo*

*Non delet dolor esse viri, nec vulnere major.*

Romanum illum Sapientem audi: *Non est tam misera domus, quæ in miseriore non inueniat solatium.* Cladem passus es, sed quàm multi hodie tecum? & quid frequentius effæcto hoc virtutum saculo, quàm circumveniri callidè, & emungi, non à plebiis solum & de trivio, sed viris in civitate primariis: ut verè nobis nunc exclamare liceat cum Poëta:

*Heu pietas! heu prisca fides!*

Tristis Principis nostri obitus non aures solum nostras percudit, sed & mentem; Ita in florentatis nobis eripi magni FREDERICI, magni HEROIS FILIUM,

*O utinam tibi longa dies, tibi cernere vultus  
Natorum, viridesque genas tibi iusta dedissent  
Stamina, sed media cecidere abrupta Inventæ  
Gaudia, florentesque manu scidit Atropos annos.  
Qualia patientes declinant lilia culmos,  
Pubentesque rosa, primos moriuntur ad Austros:  
Aut ubi verna novæ expirat purpura pratis.*

Res humanæ quid estis? quàm lubrica hic omnia, quàm dubia, & ancipitis alex? stant, cadunt, veniunt, abeunt, crescunt, decrescunt, quæ interire nata-

nata. Frustra crastinum nobis pollicemur cras morituri : Frustra magna concipimus , magna molimur , famam factis extendimus , ubi punctum est quod vivitur. Longævitatē speras ? *Vitæ summa brevis, spem nos vetat inchoare longam.* *Ætati tuæ fidis ? flosculus est , & quid eo citius marcescit , cadit , defluit ? Sedem hic figis ? Com-* morandi nobis natura diversorium dedit , non habitandi. In alto dignitatis fastigio , tanquam in ipso securitatis limine collocatus es ? *Nullum sæva caput Proserpina fugit , & ut celsos fulmina montes feriunt , sic fatalis illa hora , Principes.* Nemo hic eximius ; & nunquam minus parca , quàm hic *Parca,*

Communia toti

*Genti sceptrā tenens , æternæque sædera servans  
Quæ Magnos parvosque terit , quæ fortibus æquat  
Imbelles , populisque Duces , seniumque juventæ.*

Beati qui ita formant animum tanquam ad extrema perventum sit , qui nihil differunt , qui quotidie vitæ suæ manum imponunt , qui mortem ut nunquam timeant , semper cogitant. Perperam (inquit) si vitari nequit. Imo vitavit & effugit mortem quisquis contempserit. Contemnit qui eam pie meditat̃ur , & crebra cogitatione sibi reddit familiarem , qui fidei , sanctitatis , & bonæ conscientiæ viatico instructus , intrepidè eam exspectat , ratus non turpe esse mori , sed turpiter mori : contra malè mori non posse , qui bene vixit. Sed heus , vin' inauditum aliquod , & novum ; Arrige aures *Pamphile* , dicam. *Brutellus* noster cum conjugē , in *Indiam Orientalem* non cogitat solum , sed cō tendit ; transactum nuper inter ipsum , & *Societatis* præfectos , de conditionibus oppido lautis. Navis viris , armis , mercibus , commeatu copiosè instructa , primo vento velificationem parat ; ille abitum longè à Patriā , à parentibus , à consanguineis ad quinquennium , nec tenuerint hominem *Batavæ* omnes quadrigæ. Spatium fateor sic satis diuturnum. Sed

h 3

quanta

quanta se illi rerum ubique novarum facies aperiet? Quas lustraturus terras, quas *Mundi* plagas, alio sub sole calentes, quos sinus, promontoria, litora, insulas, portus, & emenso tandem itinerè *Indiam* ipsam, ne rumoribus quidem ei satis cognitam. Habebit quo temporis sui tædia, honesta ac pia occupatione dispellat: Videbit quoquo versum domi, foris, terra, marique quo oculos pascit: audiet, quo aures, sed inprimis *Animum*. Nullo enim novitatis desiderio, nulla curiositatis prurigine; sed solius *DEI* gloriæ, & Veritatis Evangelicæ propagandæ studio impulsus, profectionem hanc molestiæ, laboris, ac periculi plenam suscipere non dubitavit. Tantum scilicet potuit in hoc *Timotheo* ardor lucrandi animas ἀνυπόκριτῶς inter incultos, barbaros, sine lege, sine religione, ferino prope ritu degentes homines. ἀπὸ πολλοῦ τρωμένους τῷ Θεῷ, καὶ ξένους ὅψι διαδουλοῦν τῇ ἐπαγγελίᾳ, ἐλπίδα μὴ ἔχοντας, καὶ ἀδύνατον ἐν τοῦ κόσμου. Sed ô vitæ humanæ inconstantiam! & ô verè nimis *Poëta*: Nescia mens hominum fati, sortisque futura. Dum enim ad iter accincti parant abitum, obiit repente conjux & abiit non in *INDIAM*, sed patriam illam cœlestem, ad cujus hæreditatem aspiramus omnes, ferius ocyus hinc exituri. Homines quid sumus? quàm fragiles spes nostra? quàm totum illud vivere nostrum dubium, & anceps?

*Frustra cruento Marte carebimus  
Fractisque ranci fluctibus Adriæ:  
Frustra per Autumnos nocentem  
Corporibus metuemus Austrum.*

Unus nascendi modus, mille moriendi, febris, angina, tæbe, epilepsia, arthritide, caro, exanthematis, & id genus aliis, quæ incautos haud rarò, corripunt, incessunt, opprimunt, nullo ætatis, nullo sexus discrimine. Hic vide. In flore enim vitæ, vegeta, juvencula, plena animi, fato fungitur origini suæ, hoc est cœlo repetita, & intra paucu-

pauculos dies , spes suas , & voto in eundem secum tumultum recondidit. Perstat interim hic *Noster* , paratus DEUM vocantem sequi *qua patet Orbis* , vel ad extremos *Garamantas* , ut talento sibi concredito Christo serviat , & Ecclesiæ ædificationi , cui se totum devovit. DEUS ( quod unum animum opto ) euntem præsidio suo comiteretur ; nos precibus , ut salvus , & incolumis emenso tandem itinere , pedem figat , & sedem ubi messis uberior. Obitus *Principis* nostri inopinati luctum leniit utcumque DEUS prole mascula nuperrimè nata. Crescat modo hic posthumus , illustrissimæ domus Nassaviæ stabilimentum , & Patriæ , ut virtutum Auraicarum olim æmulus , ad parem aliquando honoris apicem assurgat , inclyti sanguinis , ac nominis fama illustris ; ut quoties *Patrem* , *Avum* , *Patrum* , *Proavum* mente circumferet , toties singularis in iis prudentiæ , & fortitudinis militaris cum fortitudine conjunctæ imaginem recognoscens , per vestigia eorum decurrat , & sicuti generi , ita & magnitudini *Majorum* suorum , citra ullius invidiam , omnium applausu gloriosè succedit , in quo voto finio. Vale & me quod facis , ama. Delphis v i Kalend. Decembr. M. DC. L.

NICOLA O MIDDELHOUCKIO  
*Medicina Studiose S. D.*

Lugd. Batav.

**O** Te felicem ! ô fortunatum ! Ita ne jam doctissimi *Kipperii* , domo , mensa , alloquio fruereis , *Studiose* ? Bella me hercule occasio proficiendi in re medici , cui te totum devovisti. Amplectere modo , & in docto hoc contubernio sciscitare , quære , roga ; ductorem nactus es , non poenitendum in *Theoria* & in *Praxi*. Illa ut ordina prima est , ita primas apud te teneat , non jejunam illa ,

na illa, & superficialia, sed quæ jactis seriò fundamentis, melioris notæ autores, trivit, evoluit, & in succum ac sanguinem vertit. Quales inter veteres *Hippocrates*, *Galenus*, inter recentiores *Fernelius*, *Riolanus*, *Forestus*, *Senertus*, *Heurnius*. Qui lecti, mirum quanto tibi futuri sint adminiculo ad *Praxin*, præsertim si in tanti viri comitatu, agros adire detur, & audire Medicum de morbo differentem, signa disquirentem, causas penitus scrutantem, medicamenta præscribentem, & quidquid morbo levando, aut curando conducit, officiosè suggerentem. Quæ difficultas in re medica tibi obveniet, quam non diluet? quæ obscuritas, quam non illustrabit? qui scrupulus, quem non eximet? Mihi crede, nusquam magis quàm hic expedit pudorem, tanquam sudorem noxium à fronte detergere. Quò in sciscitando liberior eris, eò gratior. Non enim alio collimant doctorum curæ, vigilæ, lucubrationes; inque eo toti sunt ut *Spartam* sibi concreditam ornent: Ornant si tota occupetur in iis formandis, qui Reip. crescunt. Cujus haud parum interèst habere Medicos doctos & exercitatos. Nam *Agyrtas* illos, & *Empyricos* ridere soleo, finias verè Medicorum, ne dicam umbras; qui experientia sua nixi de morbis, & eorum causis, vix aliter judicant quàm cæci de coloribus, *βροτολογῶν* verius, quàm *ἰατρῶν*: hoc nomine felices quod aliorum delicta *Sol* videat, horum *Terra* tegat. Infelices contra, qui à talibus officiosè necantur, dum jactura sæpè, & dispendio vitæ aliorum, experimenta capiunt. Orationem *D. Kipperii* inauguralem, videre gestio. Si habes, fac participem, & me tui amantissimum, quod facis, ἀντιπρίλ. Delfis. Kal. Decemb. M. DC. L.

## DAVIDI CRUCIO

S. &amp; amorem nuntio.

Rupellam.

**Q**ui verè erga te magnus, qui enim non amem tam arcta cognatione mihi junctum, optimi Patris haud degenerem filium, virtutumq; eius æmulatorem strenuum? Ita certe oportet. *Dedecorant bene nata culpa.* Contra nihil generi, nihil familiæ honestiori, majorem conciliat gratiam, & decus, quàm parentum & liberorum flagrans in studio virtutum conspiratio. Patrem habuisti pietate, & eruditione insignem, humanitate, modestia, morum candore (verè tibi, & in os dicam) eximium. Imitaris, & vitam, mores, actiones tuas ita instituis, ita regis, ut parentem non nomine tantum repræsentes, sed totus id operam das, ut virtutum ejus quasi tabula, & viva quædam defuncti imago esse videaris. Mastrè hoc animo Cognate. Quid enim virtute præstantius, quid augustius? Sola hæc sibi constat; sola inter vicissitudines rerum humanarum, nullis casibus, nullis mutationibus obnoxia;

*Cætera fluminis ritu feruntur.*

Fluxa sunt, & caduca quæ vulgus hominum mirari solet, opes, honores, dignitates, & quæ alia sunt fortunæ blandientis lenocinia. Si duratura speras, abeunt, fugiunt, & tanquam nives ad meridianum solem evanescunt. Marmora ipsa vetustas exedit, ferrum ignis; virtutem nihil. Hæc una eminet, & vera mentis saburra est, adversus violentos tentationum assilientium fluctus; unica anchora adversus animi, & affectuum motus; unica arx, quæ nullis fortunæ novercantis machinis concuti potest, nullo ingruentium malorum ariete, aut balista, subverti. Hanc Cognate, quod facis ama, effecto hoc virtutum seculo, in quo

quo fucata fere omnia, & personata. Olympici Jovis apud *Megarenſes* vultum ex auro, & ebore conflatum, corpus reliquum è luto, & fictili materia tradit *Pauſanias*. Quàm multri hodie, doleo dicere, ſunt ubique Joves Olympici, qui vultum habent aureum, corpus luteum? qui aliud ore produnt, aliud mente recondunt, & magnitudinem Fortunæ, peccandi licentia metiuntur? quàm multæ graſſantur *Harpyia* quibus ſunt, ut illis apud *Poëtæ*, ora virginum, ungues vulturum? Quod frerum non continet *Scyllas*? Quis *Ulyſſes* non videt *Sirenas*, quæ regio non parit *Centaurus*, omnes humana facie? ſed aliquid ſubeſt monſtri; quo fit ut quidquid lubet, pro licito vendicent, qui domi talpæ, foris hiſtrioniam exercent, cum univerſo *Mundo*; ut polypi referentes ſemper ejus ſaxi colorem, cui ſe applicant; aut *Lamiarum* inſtar; exemptiles oculos in publico aſſumentes, quos domi iterum depouunt, dumque aliena vitia infeſtantur, ſua produnt. Fuge tales, & vita,

*Cui arte benigna*

*Ex meliore luto ſinxit præcordia Titan.*

Serpunt enim vitia, & in proximum quemque transfiliunt, & contactu nocent; mihi crede, rubiginem ſuam affricant incautis: *Syrtes* ſunt & brevia navigantibus in hoc vitæ ſalo, quò occultiora, eò periculofiora. Vin' dicam? Monſtra hominum ſunt quibus tollendis non unus *Hercules* fit ſatis. Felix qui ab horum contagio liber, apud ſe manet, & in ſe ſibi, & ſuis probitatem amat, colit, veneratur, non tam curioſus ſcire quis ſit, quàm ſolicitus quis, & qualis eſſe debeat. Verè enim is probus eſt, quem non pœnitet, quàm probus ſit, & frugis bonæ, ſed id optimum cenſet, ut ſit optimus; aut ſi id nequiverit, ſaltem ut optimis ſit proximus. Jucundum fuit, & per mihi gratum intelligere de lectiſſimæ conjugis tuæ felici puerperio, quæ nova prole, & quidem maſcula te parentem fecit. Felix Athleta in hac palæ-



palæstra ! Οἷκε γὰρ ὅλκι εἰσι παῖδες ἄρσενες. Sed ut hominis est , gignere hominem : ita viri sapientis, & Christi ini, benè educare. Ætatula hæc puerilis, ceræ similis est , & in omnes formas sequax, quoquo versum flectitur ; sed adulta ætate frangas citius quàm flectas , quæ in prævum induruerunt. Ideò

*Nil dictu fœdum, visuque hæc limina tangant.*

*Intra quæ puer est, procul hinc, procul ite puella, Lenonum, & cantus pernoctantis parasiti.*

*Maxima debetur puero reverentia, si quid*

*Turpe putas, nec tu pueri contempseris annos*

*Sed peccaturo obstat tibi filius infans.*

Intelligenti pauca. Tristis ille de obitu Principis nostri nuncius , aures tuas , credo feriit , nobis non aures solum , sed & animos. O vitæ humanæ fragilitatem ! ô inconstantiam ! Ita occidere Solem in suo ortu , & florem hunc mortis falce recisum, adeò inopinanter, & præmaturè nobis eripi ; ultimum heu ! illustrissimæ Arausionensium domus , nisi posthumus hic surculus à Deo datus, & natus denato patre , defuncti locum teneret , unicum stirpis Auriacæ stabilimentum. Deus infantulum servet, annis cumulet, virtutibus iis imbuat quæ Principem Deo gratum , & populo acceptum reddunt , ut magnitudinem suam non ad ambitum , sed ad salutem & comoda Patriæ in qua natus convertat , & Imperium non sibi , sed se ipsum Imperio Illustrissimorum Ordinum dedititium faciat. Turbas Burdigalenses interventu Majestatis regiæ compositas esse gaudeo. Utinam & inter *Anglos* & *Scotos*, quorum arma, ut & aliorum optem converti in communem Orbis Christiani hostem, exemplo nunquam satis laudando *Venetorum*, qui Barbarorum incursus non minus generosè quàm feliciter in hunc usque diem sustinuerunt , factum retuderunt , vires attriverunt , ad confœderatorum omnium admirationem , & terrorem hostium , tot tantisque victoriis

riis ac trophæis, ut qui hæc non videt, nihil omnino videat. Quæ enim gens est, quæ natio (verbo absit invidia) cujus vel plura vel majora & in Christianam rempublicam, & in Imperium Romanum argumenta fidei, & fortitudinis appareant? Quæ funera Deus bone, quas strages non ediderunt? quoties barbarico maduerunt sanguine campi? quoties illi qui Orbi Europæo hodie tam impotenter insultant, turpe solum tetigere mento, victi, cæsi, fracti, ab ea Republica quæ validissimum hætenus est munimentum, propugnaculum inexpugnabile impiæ illi *Othomannorum* genti, Amphitheatrum honoris, & palæstra *Martis* iis, qui in *Amurathas*, *Bajazethos*, *Saladinos*, *Solymanos*, *Mustaphas*, & quidquid talium est nominum barbarorum, arma sua aciunt. Et quis dubitet vel hoc ipso nomine, augustam hanc Rempublicam, quæ in mille annorum, & amplius firmitate gloriatur, à tam formidabili hoste, tot annos impetitam, non modo subsistere, sed & florere, ac ditionis suæ pomœria longius, longiusque protrudere? Tanti nempe est non armis solum, sed consilio, & prudentia rem gerere. Sine qua quid frontis illi, & vultus torvitas, quid minantium acinacum acies, quid vires, quid armorum ille apparatus, quid machinarum, quid tormentorum portenta? Vin' dicam? mera *μορμολύκεια*, terrores panici, bruta fulmina, consilio & prudentia destituta. Quis enim eorum finis? non alius quàm *Phaëtonis* temere, præcipitanter, & impetu juvenili regentis *Solus* equos. Historias replica, videbis. Impar congressus olim *Alexandri* cum *Dario*, tam numeroso exercitu, centenis aliquot hominum millibus constante, exigua tamen militum manu, caditur, profligatur: non minus impar *Atheniensium* cum *Xerxe*, qui mari compedes minatus, *Hellepontum* navibus straverat, sed accepta clade apud *Salaminem* vix ac ne vix scapham invenit, qua evaderet. Causam quaris? Vis

consi-

*consilii expers mole ruit sua*, Polyphemo exoculato haud absimilis, aut navi quæ medio mari, furente borea, sine clavo, ventis ludibrium debet, & huc illuc in brevia, syrtes, arenas impellitur. Ita profecto est. Omnis virtutis principium est *prudentia*, finis *fortitudo*, & ut illa quid agendum sit indicat, ita hæc servat & tuetur. Utramque possideris Viri Principes, Viri Senatores sago rogaque clari, veneranda canitie spectabiles, armis inclyti, consilio & prudentia conspicui, confœderatorum societate formidabiles. Utramque etiam (quod auguror) retenturi, ut omnium qui Christiano Orbi bene volunt, applausum, seculi famam, posteritatis gratiam demereamini, victorias victoriis, trophæa trophæis cumuletis in æternum Reip. vestræ stabilimentum, & decus, ut quamdiu virtuti precium erit, fortitudini laus, armis præsidium, prudentiæ pondus, annalibus fides in liberrimo illo historiæ campo nominis vestri nunquam interituri gloria stet, crescat, maneat, quamdiu *diem Sol fundet aureum*. In quo voto finio, & ne, Cognate amicissime, plus nimio prolixior sim, meas ad te literas. Vale, & me ama. Conjugi tuæ à me salutem, & liberis osculum. Delfis ix. Decembr. M. D. C. L.

## HERMANNO TEGULARIO

*Viro Doctissimo S. D.*

**T**Ractatum tuum elegantissimum, Vir reverende, quo sapius lego, eo impensius amo: quia pietatem spirat, & succum diviniore illius *Sapientiæ*, quam non doces solum, sed inculcas, nec satis esse putas, Christianum videri, nisi etiam sit, quod videtur. Quid enim in DIVINIS illis scientia nostra, nisi eam comitetur conscientia? quid theoria, quid nuda hic contemplatio, sine praxi? Vin' dicam? Verba, & voces, imò gladius in manu furiosi, nisi animorum imperatrix, *pietas* clavum teneat,

neat, & moderetur. Mihi crede, *Anima* hæc est *Theologia*, cujus verum seriumque finem scio, *VITAM*: ut melior sit, non doctior, quicumque Christiani nomen profitetur. Argutas disputantium velitationes, quæ mentem acunt, pectus non instruunt, & ad vanæ gloriæ aucupia magis, quàm ad veritatis indaginem institutæ sunt; non amo; nec illos qui dum omnia subtilis ingenii sui alâ pervolant *μείζω τινὰ ἤματα ἀνδραπρον σφίαν σφίσι*, prætervolant ipsi sese, & dum nihil ignorare videri volunt, ea ignorant, quæ scitu necessaria sunt. Reliqua sciunt, se nesciunt. Male! Laudabilior est animus, cui nota est infirmitas sua, quam qui eâ non perspectâ, arcana *DEI* decreta, & vias ejus homini impervestigabiles curiosius indagat, ponderat, examinat, vias siderum scrutatur, mœnia Mundi inquirir, fundamenta terrarum, fastigia Cœlorum, parum interim aut nihil sollicitus de fundamentis salutis suæ, & de viâ ad Cœlum. Quanta interim proh dolor! sacrilega; hîc quorundam audacia, qui in abditissima mysteriorum divinorum adyta licentius penetrare non exhorrescunt, & circa sacram hanc flammam, lascivire nulli dubitant, quæ venerari, & mirari oportet, non rimari. Caligant enim hic oculi nostri, ut nocturnarum, ad lumen diurnum: & ut ii qui oculorum aciem, in Solem acrius defigunt, eam amittunt; sic mentis omne lumen, qui eam intendunt in hoc lumen.

*Nescire velle quæ Magister maximus,*

*Docere non vult, erudita inscitia est.*

Et is demum mihi sapere videtur, quicumque intra modestiæ limites se continuerit, nihil sollicitus de iis quæ divina illa Mens, occulta nobis esse voluit, sed in eo totus est, ut se sciat, se ipsum examinet, ventilet, excutiat, in recessus omnes, & latebras conscientiæ penetret, severa cogitatione omnem astuantis libidinis impetum compescat, vitiis suis irascatur, animum non solum in  
fron-

fronte, sed etiam in lingua gerat, quotidie se meliorem, si non reddat, saltem optet; nec tam ut aliis, quàm ut sibi innotescat, sollicitus, idque unum operam dans, ut quæ hominis verè Christiani notæ sunt, quæ *κερίσματα* sibi applicet. Quod quàm difficile sit, experimento sua didicere olim, & indies adhuc discunt, etiam probissimi. Ita enim plerique, naturâ comparati sunt, ut nemo non sibi blandiatur, & indulgeat, nemo non actionum suarum benignus sit interpret. Quorundam contra tanta sit conscientiæ teneritudo, tamque acris, ac penetrans in ipsis peccatorum sensus, ut vix ullo consolationum medicamine patiantur se deliniri, sed anxii, & penduli inter spem, & metum, inter sacrum & saxum, gemant, suspirent, lamententur, quod nulla, aut perexigua *Filiationis* suæ signa in se deprehendant, nec ad se pertinere putant, quæ ex sacra pagina, ad salutis firmitatem, & ad optionis suæ in *CHRISTO* certitudinem afferri solent. Utrisque, Vir doctissime, libello tuo verè aureo consultum is. Securos enim stimulas, aberrantes reducis, vacillantes firmas, lapsos erigis, & animæ acriminis peccatorum sensu dejectæ, faucibus, fatiscenti, unguentum infundis salutaris gratiæ, depromptum ex myrothecio Scripturarum. Verè dicam? Pastoris officio fungeris, nec satis esse putas publicis concionibus ædificare Ecclesiam, nisi quod viva voce præstas, præstes & calamo. Pio mehercule instituto! Perge modo, Vir amicissime, & ut verba magni illius Doctoris gentium, mea faciam, κηρύξον τὸν λόγον, ὅτι ἡ διδασκαλία, ἀκάρεος, ἐλεγχὸν, ὁπτιμύτην, παρακαλεσὼν ἐν πάσῃ μακροθυμίᾳ καὶ διδαχῇ. Ἐστὶ γὰρ κενὸς ὁ πῶς τῆς ὑμῶν διδασκαλίας ἐκ ἀνέχονται. Σὺ ὅ γὰρ ἐν πᾶσι, ποιεύμενος ἐν ἀρχότητι τοῦ ἀντιδιατεμένου, καὶ συνεδίζων σεαυτὸν δοκιμὸν παραστήσαι τῷ θεῷ ἐργάτῳ ἀνεπαίχμωντον, ὁρδοτομεῖς τὸν λόγον τῆς ἀληθείας. τὸ το γὰρ ποιῶν

καὶ σεαυτὸν σώσεις, καὶ τὸν ἀκρόντας σε. Sed quia ut umbra corpus sequitur, sic virtutem calumnia: tu si me audis contemne eam & ride. Laudaris cum culpant tam illaudati, & clarius elucescit virtus, quæ æmulum patitur. Quid? cæte immunem credis? Quis ullo seculo non proximus aliquando stetit huic igni? quem non ambussit hæc flamma? Ut prope signum viri sit, aut magni, aut ad magna nati, pati obtrectantium linguas. Nam cum obtrectatio fere ab æmulatione oriatur, solaque magnitudo aut parva aut sperata, æmulationum materia sit, haud rarò accidit, ut in magnos insurgant hæ linguæ, ac non nisi in tales tela sua vibrent, quò incautius, eò acrius. Sed ut catuli generosissimorum equorum vestigia importunè allatrant, quos tamen ne quidem adspectu, non dicam calce dignantur: Ita viri fortis, & veri sui æstimatoris est, dicaculorum omnium obstrepentium susurros, dicteria, murmura, infra iræ suæ dignitatem ponere, eaque ridere potius, quam ulcisci. Quid enim nisi fluctus qui scopulo assultant sibi injurii, dum integri insurgunt, fracti resiliunt, aut ut quædam animalia, quæ amisso aculeo torpent. Finio cum Poëta,

— *Hic murus athenicus esto  
Nil conscire sibi, nulla pallescere culpa.*

Vale nexu & vinculo necessitudinis non fucata, mihi conjunctissime, quod non nisi atra mors rumpet. Quid restat? Hoc unum; amare me virtutem, doctrinam, & amaturum semper, eosque qui ea præditi, te inter primos, Vale. Delfis 17. Decemb. M. DC. L.

N. N. Studioso S. D.

Tuas vidi libens: utinam & ea quæ in ipsis. Frigus præferunt in studiis, & languorem, quæ calere debebant, & alacrius à te tractari. Viti-  
tium

rium hoc olim tibi insitum quando tandem exsues? Ætas ista, parentum expectatio, consanguineorum vota, spes nostra hoc postulant. Quid temporis avaritiâ pulchrius? Quid hominis tam proprium, quàm erigi ad alta, & mentem, ætheream illam nostri partem cœlitus nobis immisissam, imbui literaturæ & doctrinæ succo? Cujus si animo tuo oberraret præstantia, & in seriam ejus meditationem descenderes, quantos tibi adderet stimulos, ad fastidiens illud tædium excutiendum haud longè à veterino? Nulli præclusa doctrinæ via est; omnibus patet, sed labore parabilis, qui omnia vincit improbus. Quid? Homines ut rem faciant, quos non labores, incommoda, molestias subeunt? quot quantisque terra marique periculis se obiciunt, ut ea lucrentur, quæ fluxa sunt, & in casu posita: Et nos in paranda eruditione, cujus opes perennant, nosque ad tumulum usque comitantur, segnes erimus, & degeneris animi? Athletas vide. Oculi semper illis in metam: sic tibi mens in eruditionem. Fruere occasione, quæ se nunc offert, non redditura amplius si negligatur; torrenti similis qui per præcipitia decurrens sisti nequit, aut revocari. Agrum ingenii tui cole, fertilem si quid judico bonarum frugum, si conferatur, & in eum conijciantur semina solidioris doctrinæ. Et quando tandem opportunius quàm hoc aratis flore? Non alius magis idoneus disciplinæ. Procrastinatio hic noxia, & dilatio, nec pestis alia plura ingenia perdidit, rubigini haud absimilis, quæ nisi defricetur, metalla deterit, corrumpit, exedit. Cave credas per otium, & desidiam parari, quæ non nisi diligentia, & laboris indefessum sunt præmia. ut

*Neglecta urenda filix innascitur agris.*

sic ingenii si negligantur, cardui & vepres ignorantia. Et quid homine indignius, quid turpius ad imaginem DEI condito, & scientiarum capaci? Tales (vin' dicam?) quid nisi trunci, fungi, caudices,

dices, vultu homines, cetera pecudes, digni qui relegendur in *Arcadiam*. Altior tibi indoles, quàm ut

*Sterilem patiare situ segnescere campum.*

Cole, confere, occa, in spem fecundæ messis. Apud illos nunc viros es, qui seculi sui famam strenuè tuentur, & illustrant; Viros magnos, Viros doctrina, & pietate eximios, vitæ tuæ, & studiorum duces. Vide ne frustra: frequenta, audi, disce. Occasiones rei benè gerendæ tarditatem nostram, & ignaviam non expectant. Si molestiæ hic, devorandæ; si labores, perferendi. Non alia ratione, eruditio paratur, non alia lege, & conditione obtinetur. Imperus dilatione, & mora languescit; industria crescit, & intenditur, nihilque tam arduum est, quo non penetret fervida, & pertinax animi vis. Cogita, ne tandem aliquando annis in hoc flore ævi, per inertiam exactis, serò nimis deplores damna omni æstimatione majora. Prolixior eram, *Studiose*, sed distractus muneris mei curis quæ alio me vocant, abrumpo. Tu monentem audi, & ama, qui te animitus. Delfis. Prid. Kalend. Januariæ M. DC. I.

ANTONIUS ÆMILIUS *reverendo*  
& doctissimo viro I. Crucio S. D.

**A**dolescens (clarissime vir) quem mihi de meliore nota commendas, abhinc non ita multis diebus literas tuas mihi reddidit, oblivionem causatus. Facies liberalis est, & ingenua,

— *multa & præclara minatur,*

& quantum ex primo congressu conjectare potui, ingenium ad maxima quæque factum videtur, & literaria cultura ante alios dignum. Commendavi eum *Martino Schockio*, veteri discipulo, juveni literatissimo, qui privatis lectionibus historicis, & Philosophicis, triviali rude recens donatos, & minusculis istis mysteriis initiatos, gnave-  
viter



viter exercere, & majusculis, magis maturos reddere solet. Dabo operam quò ad ejus à me homine districtissimo fieri poterit, ut quàm curatissimè instituatür, utque quod caput est, quem ad nos moribus integris transmisisti, & melior, & doctior ad te redeat,

Αἰχρὸν γὰρ δὴ ἐπὶ τὸ μέγιστον καὶ τὸ νέεσθαι.

Studium tuum erga me, tuæ loquuntur literæ: de mea vicissim in te voluntate, & animo ne quæso dubites: cujus hoc subitarium, & tralatitium epistolium, tanquam oblidem habe. Onus sustineo ut scis duplex *Ætnâ* quod ajunt gravius, atque *Atlante* aliquo dignum, qui hoc cœlum fulciat, meis humeris prope deficientibus, propter assiduam splenis obstructionem. Quo malo nisi propediem lever; alterutra muneris parte exonerandus ero, priusquam succumbam. Nihil est ut scis isti malo magis inimicum jugi illa meditatione, & sedentariis studiis. Omnis agritudinis averruncus Deus viderit. Jam imperiosa lectionis hora me vocat; quare manum de tabula. Humanissimis & doctissimis *Spranchus*, & *Iunio* plurimam salutem. Etiam atque etiam vale, reverende & doctissime vir, unâ cum conjugē, & tuis omnibus. Trajecto ad Rhenum.

Delphos.

## HENRICUS GELDORPIUS

*I. Crucio S. D.*

**L**iteras tuas, Cruci doctissime, cum lubentia vidi ac legi; partim quod ab ista manu, partim quod ita scriptæ, ut in illis eandem politæ mentis imaginem, quæ in Thesauro Catechetico elucet egregiè, liceret denuo contueri. Hanc non tantum stilus tersus, purus, elegans; sed vel ipsi arguunt ductus literarum, qui tabellam potius pictam, quam literarum alloquium ob oculos

los repræsentant. Semper mihi placuit illud Sapientis Græci *loquere ut te videam* : nam ut rectè ex prisca ista Patrum corona unus ;

Καπὸς ὃ διανοίας ὁ λόγος ὅτι.

Cui etiam non sit acceptissima tanta humanitas, quâ ultro ambis meam immerentis, tuamque vicissim liberaliter offers amicitiam ? quam quidem ego & exosulor, & ambabus (quod ajunt) ulnis amplector ; & prout lex postulat Amicitia, ad omnia honesta, justaque officia, hæc quasi syngrapha, me obstringo. Sic volo, mi Cruci, & quomodo nolle, vel tergiversari possem ? dum tu tam benevoli affectus, non guttulas adspergis, sed imbrem quandam effundis, decumanarum istarum de me laudum præconem, & buccinatorem te præbens. quas si agnoscerem, φιλαυτίας arrogantiaq; suspicionem apud meum ipsius animum non effugerem. Neque enim tam duræ frontis sum, ut hæc me coram, haud possent dare in ruborem. Heu quàm sæpe doleo, quod ex vasto illo rerum sciendarum Oceano, tam parcè hauserim ! Tuum lubens claudio latus, o *Socrates*, meque unum hoc scire, quod nihil sciam, plenis buccis vociferor, & cum veteribus istis, non σοφῶν, sed φιλόσοφον profiteor. Virtutum quas recenseres si me cultorem, ac studiosum patiar laudari, id vero modestiæ limites non excedere, quivis æquus rerum æstimator, aut nã ego vehementer fallor, arbitrabitur. Pudor enim non parum pudendus est, si virtutis possessione gaudere non datur, neque illam amare quidem, nec sectari velle. Quod gravem arduamque disseris, quam indignus (nam quis ad ista dignus ?) sustineo Provinciam, in eo tantò majorem mereris fidem, quantò longiori experientia isti volvendo saxo incubuisti. At (pace tua dicam) pene silentio præteris, aut leviter innuis, id quod nobis, qui hac sede moramur, stadium hoc imprimis reddit asperum, ac tædiosum : istud nimirum mea querelæ volebas

lebas esse materiam, iniquissimam dico temporum injuriam, in quam iniquus haud ero, Tullianum istud, *ô tempora, ô mores!* si vel sexies ingeminavero. Nec mirare, si rei indignitas eliciat & hunc gemitum,

*O domus antiqua heu quam dispari Domino  
dominaris!*

Vin' audire cui acceptum hoc feramus? Immundissimo isti Mundo, qui maris instar, indefesso motu, fessus duntaxat quiescendi, Piusque naufragium inferendi avidus, sursum deorsum se jactat, volutat, quique fundamenta Ecclesiæ, tum Reip. imis mavult convellere sedibus, quam suo non obsequi animo; quam suæ non parere mentis perversis moribus; quam odia non explere plusquam Vatiniana. Domi forisque experiuntur proh dolor! quotidie non pauci, quam verum sit, quod nonnemo, ut verè, ita satis protulit appositè,

*Nunquam bella bonis, nunquam certamina desunt,  
Et quicum ceryet, mens pia semper habet.*

Præter ancipitem rerum statum, qui nos inter spem metumque alternis vicibus, fluctuantes perpetua, ac gravi sollicitudine, implicitos tener, quantum nobis ex hisce turbis, omnibus horis nascatur negotii, & quàm parum à re nostra sit otii, vel inde liceat conjicere, quod in Ecclesiæ, quæ tot alias magnitudine antecellit, & in toto Orbe (de Orthodoxis loquor) pacem vix invenit, mutili sumus tertia nostri parte. Ergo, inquires, literas Amicorum, ut muscas importunas abigis, & chartaceum hoc iter terere veras: Apage istud verbum. Nequam mihi ipsi essem (& cui tum bonus?) si me tam jucundo, tam suavi in rebus duris orbarem solatio. Sed quærens levamentum, quæror apud Amicum. Nam ut calor undique septus, in ignem vertitur, & anxietas feræ, undique cinctæ, in furorem: sic dolorem duplicat, qui eum aëre prohibens, alto corde premit. Perge  
i 5 igitur

igitur mi Cruci, qua occœpisti via, & frui nos patere tam disertio alloquio. Respondebimus si non pari facundia, saltem non minori affectu. Si qua rusticitas, aut asperitas, aut defectus, in nostro est sermone, id tu, quia hîc ut pisces in aëre extra elementum nostrum sumus, pro mellea humanitate tua, non modo boni consules, verum etiam corriges. Officium quod exigis, perfeci. At responsum mihi, *Gallica* in hisce partibus tardius distrahi, & propter caritatem operarum nostratum typographicarum, minus in *Gallia* expecti. Et si quid affulgeat lucri, ilicò *Genevenses* ad proelium volare. Quod tuo etiam operi vel evenisse, vel jam jam eventurum, quidam ex nostris Librariis (procul dubio in Nundinis) intellexerat. *Δουτίες φεγγίδες* nisi *σε φάρμακον* essent, & si quid abortivi, si quid elumbe est, ex primarum curarum incuria, elamberent, atque expolirent, quod iniquæ sunt id emptores, improbarem. At jam perge, & nos secundo bea novâ industriâ, ut maximè ludabili, ita perutili nostro Ordini, quem tu per felicem hunc, & gratum laborem semel obstrictum, altero vinculo, magis efficies debitorem. Quod tam tardè calamum in manum inserui, ad respondendum, id culpæ, occupationibus imputes velim, quæ non rarò maximè necessariis, a quo diutius supersedere cogunt. Vale vir prastantissime. Datum Amstelodami.

P E T R O de W I T T E

*Ecclesiæ Delfensis Pastori Vigilantissimo S. D.*

**C**Larissime Vir, munera tua Chartacea ter iterata, quæ affectus solus expressit, accepi. Grata dicam? imo gratissima, duplici nomine, quod à tam amica manu, tam docto calamo. Vin' amplius? non legi solum, sed relegi: quia elaborata in iis omnia, & ad exacti iudicii limam revocata. Ac primo Analysis tua in Catechesin Ecclesiarum

clesiarum nostrarum, quam illa (ingenuè loquor) familiaris, & attemperata ad caput populi? quod in tali doctrinæ genere palmarium duco. Rideo qui obscure adeò, sua aliis meditanda proponunt, ut vix à quoquam intelligi queant, ita ut tricarum indigestam congeriem, longe facilius in ordinem redigas, quàm talium conceptus, & nec Sibyllæ quidem ipsæ interpretentur, aut Oedipus: non alio fine quàm ut ingenium suum ostentent, aut quod metuant intelligi, dum tenebras tenebris offundunt. Tu melius: qui Catechesis vestigia premens, καὶ νόδας, enucleatè omnia, ac perspicuè inspicis, expendis, examinas, & non in corticem solum, ut quidam jejunè ac superficialiter, sed in medullam ipsam penetras, ea cum facilitate, tum soliditate, ut non rudiores solum instruas; sed & doctioribus uberem materiam præbeas habendæ concioni, ~~πορίσματα~~ subministrando, orthodoxiam strenue tuendo, & hæreses data occasione Achillis argumentis profligando; protractas è tenebris in lucem, quam erubescunt. Ita nempe una fidelia duos parietes. Maeste hoc animo, Vir doctissime. Melius collocari, nec devoveri queunt horæ tuæ, quam asserendæ VERITATI, cui dixisti Sacramentum. Pro hac stas, pugna, dimica. Nihil desleat, nihil deterreat.

——— *Phalaris licet imperet, ut sis*

*Falsus, & admoto dicit perjurium tauro.*

Ne quid dicam de ipsa VERITATE quæ non non nisi abscondi erubescit, tantamque vim habet ut nullis Tyrannorum machinis, aut Hæreticorum strophis labefactari, nedum subverti queat. Suave mihi quoque fuit nuper, & jucundum oculos, mentemque pascere conspectu, & lectione libelli tui elegantissimi, cui titulus, *Tonitru Delfense*. In quo tanquam in Tabula nobis representas, & suis coloribus depingis tristem illam, ac funestam imaginem cladis plusquam Cannensis Urbis nostræ, ex incendio inopinato pulve-

pulveris sulphurei , in Armamentario HOLLANDIÆ 12. Octobr. anno 1654. Dies si quisquam nigro signandus lapillo , nec sine horrore refrigerandus. Quis enim deploratum Civitatis statum tunc temporis, verbis exæquare , ac pro rei magnitudine emetiri satis queat ? Cum animo meo replico horrendas domorum strages , & ruinas, cadentium testorum fragores inauditos , tabulata flammis absumpta, raptatas per aëra trabes, disjectas in mille fragmenta ædium compages, tigna, fenestras, januas , sanguine rubentia pavimenta, luxatos passim, & hiantes muros, *Templa* lacera, mutilata , & undecunque turpi vitrorum fractura patentia, *Delfica* illa *Tempe*, & amœniora loca honestis civium exercitiis destinata , imis revulsa sedibus suisque sepulta cineribus, & solo æquata. Hic trunca hominum membra , capita, brachia , pedes , hic fœda vulneribus cadavera, fœnie ac tabo disfluentia : & inter hos casus , ruinas , lanienas , lamenta ubique opem implorantium, clamores vulneratorum, suspiria , singultus, ejulatus virorum , fœminarum, puerorum, gemitus morientium : anhelantes nonnullos, alios semineces , alios expirantes , alios ruinis domorum , maximo vitæ concivium periculo, *Orci* quasi faucibus ereptos ; quosdam sub lapidum cumulo sepultos, & non inventos. Nullus tam atrox gregibus solet esse lupus , nulla tigris tam avida prædæ , quam Cyclopica illa officina pulveris nitrati , cum instar *Ætnæ* ; aut *Heclæ* fumos, & flammæ longe lateque evomens densa Coelum caligine obnubilavit , tanto fragore, tanta vi, ut magna Urbis pars violento quasi terræ motu concuti videretur ; ita ut multi novissimum judicii diem præsto esse judicarent. Quis adeo ferus , ac ferreus , quis tam omnis expertus humanitatis , qui ad hæc non stupeat , cui non stent comæ , hæreat lingua, cor trepidet , & cujus luctu non colliquescat animus ? ita momenti spatio, tam horrendam stragem, ac calamitatem Urbi

Urbi ingruere, ita fauciarī, dejici, & enecari homines, nulla ætatis, nulla sexus habita ratione; & loca paulo ante referta incolis in desertissimas verti solitudines. Unde rota passim Urbe per plateas, vicos, angiportus discurrentium pallo-  
 rum, vicinorum huc aliunde ad nos confluentium commiserationes, lacrymæ, gemitus, ex tam tristi spectaculo. Hanc tragicam vere rerum imaginem, ut nobis ponis ante oculos: ita horum malorum omnium causam prodīs; justitiam DEI peccatorum populi sui ultricem; cujus si patientia plus nimio læditur, in furorem tandem vertitur, & tarditatem supplicii gravitate compensat. Quæ enim nunc sunt tempora, vides, & doles scio mecum: vita multorum quam effrenis hodie, quam dissoluta, quanta vitiorum licentia! Mitto *Atheismum*, *Libertinismum*, *Idololatriam*, quæ calles omnes pudoris supergressa, torrentis instar violenter irrumpit, & levato velo ferream frontem induit, ac palam ostentare se, non erubescit. Mitto hæreses, & inter alias, abominandam illam *Socinianorum*, orthodoxorum omnium calculis damnatam, quæ per cuniculos Patriam nostram perreptat, & venenum suum, sanguine viperino tetrius, disseminat, sub mentito nomine pietatis, & fucato abstractioris vitæ mantili. Si mores, si vitam multorum intueamur, qui hodie Religionem Reformatam profitentur, quid illis deformatum magis, quid ab ea magis alienum? adeo ut crapula, adulteria, scortationes, perjuria, fraudes, extorsiones, usuræ, calumniandi, & obtre-  
 scendi licentia, contentiones, rixæ, odia, simula-  
 tates, non in veniam solum, sed & in laudem pene, apud multos venisse videantur. Nomen Christiani externe profiteri, quibusdam satis, etiamsi nihil habeant Christiani, & Religionem, cum maxime sint irreligiosi. Et miramur adhuc iram DEI in nos accendi, & magni illius mundi Judicis fulminantem dextram armari, & ex-  
 ardesce-

ardescere in populi calamitatem publicam, ac privatam, ut bene à te observatum. Sed quia iisdem pœnis Pii, & probi, cum malis haud raro involvuntur, ut acrem vitiorum censorem agis, ita & animæ medicum, dum afflicto solaris, vacillantes firmas, lapsos erigis, aberrantes reduces, & non pœnas solum, sed bonis castigationes paternas esse suggeris, humilitatis scholam, patientiæ palæstram, & virtutum officinam, in qua suos exercet, indurat, sibi praparat, & ut sub imagine loquar, alas incidit, ne temere evolent. Sed nec hoc sine stant curæ tuæ, & studia, ut vidi in *Antifocino* tuo nuper edito, cujus portenta errorum, S. Scripturæ gladio, tibi jugulanda proponis, non minori successu, quàm industria: remotis enim fanaticarum opinionum zizaniis Veritatem orthodoxam, ad Lydium Scripturæ lapidem examinatam, strenuè defendis, & ab impiis contradicentium criminationibus vindicatam, omnibus spectandam proponis. Perge, Vir doctissime, & in hoc labore desudando constanter persevera. Quæ enim lues, quæ pestis hodie Ecclesiæ potest esse nocentior? quibus quæso furiis acrius oppugnari, quam eorum qui Religionis reformatæ fundamenta subruere, & solum, ac deorsum volvere, pensi loco habent: Qui Christi divinitatem & cum Patre *ὁμοσίαν*, satisfactionem, merita, sacrilega impietate, ac audacia, non arrodere solum, sed impudenter negare, non erubescunt: qui intoleranda acrimonia, in munus Christi propheticum, sacerdotale, regium, non minus licenter, quàm impune despumant: qui S. Sanctam T R I N I T A T E M, tam horrendis convitiis, ac blasphemis insectantur, proscindunt, odiosè exagitant, ut iis paginam hanc conspurcare exhorrescam: qui denique sceleratissimi S. Scripturæ tortores, contra Spiritus Sancti mentem, analogiam fidei, Prophetarum, & Apostolorum oracula, errores suos prodigiosos defensare non dubitant.



bitant. Quos ut examussim enumerare mei non est instituti, nec mearum partium, ita paucis delibasse sufficiat. καὶ ἐν τῷ κεραιίδῃ τὸ ἱερὰ μα γινώσκουσιν. Ἀλλὰ σὺ γάρ εἰς ἀνὴρ δισηβέστατε ἐν πᾶσιν, καὶ ἀπὸ δασον σεαυτὸν δόκιμον παρεθήσασαι τῷ θεῷ ἐργάτῳ ἀνεπαίχῳ τὸν ὀρθοτομέοντα τὸν λόγον τῆς ἀληθείας, ἵνα δώῃς ἡς καὶ παρακαλεῖν ἐν τῇ διδασκαλίᾳ τῇ ὑμῶν ἐσθῇ, τὰς τε ἀντιλήγοντας, καὶ φρεναπάτας ἐλέγχων. Finio ne prolixitate nimia peccem. Vale, vir doctissime & diu, Ecclesiæ, tibi & tuis. Delfis ex Musæo nostro M. D. C. LV.

Lugd. Batavor.

CORNELIO SCREVELIO  
suo S. D.

**M**Agnum Dei beneficium esse, interpretor, ad munus publicum, & honorificum promoveri; majus in eo cum laude, & *Bonorum* applausu versari, sed longe maximum, vitæ inculpatæ conscientia, & doctrinæ eminentia, muneris sui dignitatem strenuè tueri. In te video. Spartam enim oppido laboriosam, & honoratam nactus, cotidie eam curis, vigiliis & laboribus tuis cohonestas, in regimine Juventutis tibi conceditæ. In qua excolenda, tanto magis desudandum, quanto animantium nobilissimum *Homō*, longe alia supereminet. Imago Præceptoris discipulus est, & in eo aliquam sui imaginem exhibet. Sed à primis annis, dum animus ad omnem formationem magis idoneus est, atque ad disciplinas capeffendas sequax & facilis, crudis puerorum mentibus, virtutum, & doctrinæ semina instillanda sunt, quæ paulatim per ætatem succrescant, ac maturefiant. Nam hominem nasci videmus omnis omnino cognitionis expertem, sed ut in ejusdem animo deinde, velut in tabula rasa, *Institutio* optimarum artium, & scientiarum depingat imagines. Urfa mox ab ipso partu, in formem foetum, dum mollis

mollis adhuc est, lambendo perficit, & effingit membra, omnem alias operam perditura, si indurari sinat. Tractanda est cera, dum mollissima; & virga si gyros suos habeat, & curvamina, flectenda est in eam formam, quam ei perpetuam esse velis, dum tenera adhuc, & flexilis. Quanti ad virtutem inter sit bene, fideliterque puerum institui, perspectum habuit *Philippus Macedonum Rex*. Cum enim *Alexandrum* filium suscepisset, datis ad *Aristotelem* literis, multum *Diis* se debere testabatur, non tam quod natus sibi esset, quam quod eo potissimum tempore, quod tali Magistro uti liceret. Haud injuria. Puer enim rectam nactus institutionem, docile mansuetumque animal (ut bene *Plato*) effici solet; sin minus eorum quæ terra progenuit ferocissimum. Sed nullum prorsus ingenium est adeo durum, quod cura, & correctio promovere non queat; ut metalla videmus scalpro & malleo domari, & in tenuissimas duci laminas. Nil fiat, degenerant etiam optime nata, haud secus atque in agris male cultis succrescunt spinæ, & herbæ noxiæ. Torpent me hercle, & sopita jacent ingenia ad laudem & gloriam facta, si desint qui excolant, ut fecundissima sine cultura terræ. Adde illam, etiam tesqua, solitudines, desertæ, frugum ubertate luxuriant, & quis dubitet in animis culturam posse, quod in terra. Sed prudentia hic opus. Nam ut validiori aratro, ligone, marra, una ad fecunditatem provocanda est, sic molliori alia, quædam levi manu colenda, durius alia, & non nisi per sudorem. Idem in ingeniis, aut minus disciplina in iis poterit, quam in aliis industria. Quid? ulla ne tam effera est, ulla tam sæva bellua quæ non mansuescat cura, & diligentia domitoris? & ullum erit hominis ingenium, tam malum, durum, pervicax, quod seria ac sedula institutione non mitescat? Tum maxime si se amari videat ab iis quibus instituitur. Et videt si severitatem *Docentis* blanda vitempe-

temperatam animadvertat, & non nisi invitum ad pœnam compelli. Rigor nimius dejicit, hebetat, obtundit animos : Liberales ac generosi, duci amant, non cogi. Juventus pullo equino similis est, qui duriori freno obnititur, & recalcitrat, molliori regitur & paret. Ingenia æquo asperius habita in desperationes abeunt, ut exhalationes intra nubes in fulgura. In aliquibus vis valet, in multis tolerantia. Peccant? longe satius esse duco, alterius culpam ferre, quàm tuam prodere. In offensis puerilibus mora danda, ultro pœnitudo sequetur vel nutu oculi, lacryma delictum, confessio pudorem perpetrati delicti. Pœna ad timorem servilem impellit, lenitas ad amorem filialem. Nimia est in *Præceptore* ~~deprecatu~~ *deprecatu*, & exigua sui aestimatio, leviusculis puerorum delictis commoveri. Connivendum interdum, sprete exolescunt, suisque ipsi moribus erubescunt; si irascaris, agnita videntur. Majoris prudentiæ est ea tolerare, quam penitus tollere; nam si prohibita impune abeant, neque metus ultra, neque pudor est. Pudore ac pœnitudine contentus sit, qui puerum regit: quod si severiori fronte, pœnæ interdum statuendum sit exemplum, ea ad paucos perveniat, metus ad omnes. Non imperat melius qui saepe, & acrius castigat, sed qui excusat. Ut in morbis secuta illa sunt medicamenta, quæ paulatim sanguinem noxium educunt, aut corrigunt: Sic illa in Scholis disciplina, quæ molli freno ferocientes mitigat. Bene Philosophus, *honorari, coli, diligere, majus imperio est; & amari qui vult, languida regnet manus*, majorque semper ab amore, quam à metu veneratio. Rectores illi Scholarum (libere loquar) qui *MEDIUM* hic tenent beati. Nam ut confidentiâ veniæ, audacia invalescit: sic nimia lenitas parit contemptum, & irreverentiam. Sed qui ita dextre utrumque miscere noverit, nã ille feliciter, munere suo defungitur: quia contentus

los repræsentant. Semper mihi placuit illud Sapientis Græci *loquere ut te videam* : nam ut rectè ex prisca ista Patrum corona unus ;

*Καὶ πρὸς ᾧ διανοίας ὁ λόγος ἔστι.*

Cui etiam non sit acceptissima tanta humanitas, quâ ultro ambis meam immerentis, tuamque vicissim liberaliter offers amicitiam ? quam quidem ego & exosculor, & ambabus (quod ajunt) ulnis amplector ; & prout lex postulat Amicitia, ad omnia honesta, justaque officia, hæc quasi syngrapha, me obstringo. Sic volo, mi Cruci, & quomodo nolle, vel tergiversari possem ? dum tu tam benevoli affectus, non guttulas adspergis, sed imbrem quandam effundis, decumanarum istarum de me laudum præconem, & buccinatorem te præbens. quas si agnoscerem, *φιλαυτίας* arrogantiaq; suspicionem apud meum ipsius animum non effugerem. Neque enim tam duræ frontis sum, ut hæc me coram, haud possent dare in ruborem. Heu quàm sæpe doleo, quod ex vasto illo rerum sciendarum Oceano, tam parcè hauserim ! Tuum lubens claudio latus, ὦ *Socrates*, meque unum hoc scire, quod nihil sciam, plenis buccis vociferor, & cum veteribus istis, non σοφῶν, sed φιλόσοφον profiteor. Virtutum quas recenseres si me cultorem, ac studiosum patiar laudari, id vero modestiæ limites non excedere, quivis æquus rerum æstimator, aut nã ego vehementer fallor, arbitrabitur. Pudor enim non parum pudendus est, si virtutis possessione gaudere non datur, neque illam amare quidem, nec sectari velle. Quod gravem arduamque disseris, quam indignus (nam quis ad ista dignus ?) sustineo Provinciam, in eo tantò majorem mereris fidem, quantò longiori experientia isti volvendo saxo incubuisti. At (pace tua dicam) pene silentio præteris, aut leviter innuis, id quod nobis, qui hæc sede moramur, stadium hoc imprimis reddit asperum, ac tædiosum : istud nimirum meæ querelæ volebas

lebas esse materiam, iniquissimam dico temporum injuriam, in quam iniquus haud ero, Tullianum istud, *ô tempora, ô mores!* si vel sexies ingeminavero. Nec mirare, si rei indignitas eliciat & hunc gemitum,

*O domus antiqua heu quam dispari Domino dominaris!*

Vin' audire cui acceptum hoc feramus? Immundissimo isti Mundo, qui maris instar, indefessus motu, fessus duntaxat quiescendi, Piisque naufragium inferendi avidus, sursum deorsum se jactat, volutat, quique fundamenta Ecclesiæ, tum Reip. imis mavult convellere sedibus, quàm suo non obsequi animo; quàm suæ non parere mentis perversis moribus; quam odia non explere plusquam Vatiniana. Domi forisque experiuntur proh dolor! quotidie non pauci, quàm verum sit, quod non nemo, ut verè, ita satis protulit appositè,

*Nunquam bella bonis, nunquam certamina desunt,  
Et quicum ceytet, mens pia semper habet.*

Præter ancipitem rerum statum, qui nos inter spem metumque alternis vicibus, fluctuantes perpetua, ac gravi sollicitudine, implicitos tenet, quantum nobis ex hisce turbis, omnibus horis nascatur negotii, & quàm parum à re nostra sit otii, vel inde liceat conjicere, quod in Ecclesiâ, quæ tot alias magnitudine antecellit, & in toto Orbe (de Orthodoxis loquor) pacem vix invenit, mutili sumus tertia nostri parte. Ergo, inquires, literas Amicorum, ut muscas importunas abigis, & chartaceum hoc iter terere veras: Apage istud verbum. Nequam mihi ipsi essem (& cui tum bonus?) si me tam jucundo, tam suavi in rebus duris orbarem solatio. Sed quærens levamentum, quæror apud Amicum. Nam ut calor undique septus, in ignem vertitur, & anxietas feræ, undique cinctæ, in furorem: sic dolorem duplicat, qui cum aëre prohibens, alto corde premit. Perge  
i 5 igitur

igitur mi Cruci, qua occœpisti via, & frui nos patere tam diserto alloquio. Respondebitus si non pari facundia, saltem non minori affectu. Si qua rusticitas, aut asperitas, aut defectus, in noster est sermone, id tu, quia hic ut pisces in aëre extra elementum nostrum sumus, pro mellea humanitate tua, non modo boni consules, verum etiam corriges. Officium quod exigis, perfeci. At responsum mihi, *Gallica* in hisce partibus tardius distrahi, & propter caritatem operarum nostratum typographicarum, minus in *Galliis* expecti. Et si quid affulgeat lucri, ilicò *Genevenses* ad prœlum volare. Quod tuo etiam operi vel evenisse, vel jam jam eventurum, quidam ex nostris Librariis (procul dubio in Nundinis) intellexerat. *Δούτερες φεγγίδες* nisi *σφωτίει* essent, & si quid abortivi, si quid etumbe est, ex primarum curarum incuria, elamberent, atque expolirent, quod iniquæ sunt in emptores, improbarem. At jam perge, & nos secundo bea novâ industriâ, ut maximè laudabili, ita perutili nostro Ordini, quem tu per felicem hunc, & gratum laborem semel obstrictum, altero vinculo, magis efficies debitorem. Quod tam tardè calamum in manum inserui, ad respondendum, id culpæ, occupationibus imputes velim, quæ non rarò maximè necessariis, æquo diutius supersedere cogunt. Vale vir præstantissime. Datum Amstelodami.

P E T R O de W I T T E

*Ecclesiæ Delfensis Pastori Vigilantissimo S. D.*

**C**Larissime Vir, munera tua Chartacea ter iterata, quæ affectus solus expressit, accepi. Grata dicam? imo gratissima, duplici nomine, quod à tam amica manu, tam docto calamo. Vin' amplius? non legi solum, sed relegi: quia elaborata in iis omnia, & ad exacti iudicii limam revocata. Ac primo *Analysis* tua in *Catechesin* *Ecclesiarum*

clesiarum nostrarum, quam illa (ingenuè loquor) familiaris, & attemperata ad captum populi? quod in tali doctrinæ genere palmarium duco. Rideo qui obscure adèd, sua aliis meditanda proponunt, ut vix à quoquam intelligi queant, ita ut tricarum indigestam congeriem, longe facilius in ordinem redigas, quàm talium conceptus, & nec Sibyllæ quidem ipsæ interpretentur, aut Oedipus: non alio fine quàm ut ingenium suum ostentent, aut quod metuant intelligi, dum tenebras tenebris offundunt. Tu melius: qui Catechesis vestigia premens, καὶ ἀόρατα, enucleatè omnia, ac perspicuè inspicis, expendis, examinas, & non in corticem solum, ut quidam jejunè ac superficialiter, sed in medullam ipsam penetras, ea cum facilitate, tum soliditate, ut non rudiores solum instruas; sed & doctioribus uberem materiam præbeas habendæ concioni, ἀπορίσματα subministrando, orthodoxiam strenue tuendo, & hæreses data occasione Achillæis argumentis profligando; protractas è tenebris in lucem, quam erubescunt. Ita nempe una fidelia duos parietes. Maeste hoc animo, Vir doctissime. Melius collocari, nec devoveri queunt horæ tuæ, quam asserendæ VERITATI, cui dixisti Sacramentum. Pro hac sta, pugna, dimica. Nihil defleat, nihil deterreat,

———— Phalaris licet imperet, ut sis

Falsus, & admoto dicit perjurium auro.

Ne quid dicam de ipsa VERITATE quæ non non nisi abscondi erubescit, tantamque vim habet ut nullis Tyrannorum machinis, aut Hæreticorum strophis labefactari, nedum subverti queat. Suave mihi quoque fuit nuper, & jucundum oculos, mentemque pascere conspectu, & lectione libelli tui elegantissimi, cui titulus, *Tonitru Delfense*. In quo tanquam in Tabula nobis repræsentas, & suis coloribus depingis tristem illam, ac funestam imaginem cladis plusquam Cannensis Urbis nostræ, ex incendio inopinato

pulveris sulphurei, in Armamentario HOLLANDIÆ 12. Octobr. anno 1654. Dies si quisquam nigro signandus lapillo, nec sine horrore refrigerandus. Quis enim deploratum Civitatis statum tunc temporis, verbis exæquare, ac pro rei magnitudine emetiri satis queat? Cum animo meo replico horrendas domorum strages, & ruinas, cadentium tectorum fragores inauditos, tabulata flammis absumpta, raptatas per aëra trabes, disiectas in mille fragmenta ædium compages, tigna, fenestras, januas, sanguine rubentia pavimenta, luxatos passim, & hiantes muros, *Templa* lacera, mutilata, & undecunque turpi vitrorum fractura patentii, *Delfica* illa *Tempe*, & amœniora loca honestis civium exercitiis destinata, imis revulsa sedibus suisque sepulta cineribus, & solo æquata. Hic trunca hominum membra, capita, brachia, pedes, hinc fœda vulneribus cadavera, sanie ac tabo disfluentia: & inter hos casus, ruinas, lanienas, lamenta ubique opem implorantium, clamores vulneratorum, suspiria, singultus, ejulatus virorum, foeminarum, puerorum, gemitus morientium: anhelantes nonnullos, alios semineces, alios expirantes, alios ruinis domorum, maximo vitæ concivium periculo, *Orci* quasi faucibus ereptos; quosdam sub lapidum cumulo sepultos, & non inventos. Nullus tam atrox gregibus solet esse lupus, nulla tigris tam avida prædæ, quam Cyclopica illa officina pulveris nitrati, cum instar *Aetna*; aut *Hecla* fumos, & flammæ longe lateque evomens densa Coelum caligine obnubilavit, tanto fragore, tanta vi, ut magna Urbis pars violento quasi terræ motu concuti videretur; ita ut multi novissimum judicii diem præsto esse judicarent. Quis adeo ferus, ac ferreus, quis tam omnis expertus humanitatis, qui ad hæc non stupeat, cui non stent comæ, hæreat lingua, cor trepidet, & cujus luctu non colliquescat animus? ita momenti spatio, tam horrendam stragem, ac calamitatem Urbi



Urbi ingruere, ita sauciari, dejici, & enecari homines, nulla ætatis, nulla sexus habita ratione; & loca paulo ante referta incolis in desertissimas verti solitudines. Unde tota passim Urbe per plateas, vicos, angiportus discurrentium pallores, vicinorum huc aliunde ad nos confluentium commiserationes, lacrymæ, gemitus, ex tam tristi spectaculo. Hanc tragicam vere rerum imaginem, ut nobis ponis ante oculos: ita horum malorum omnium causam prodixisti; iustitiam Dei peccatorum populi sui ulticem; cuius si patientia plus nimio luditur, in furorem tandem vertitur, & tarditatem supplicii gravitate compensat. Quæ enim nunc sunt tempora, vides, & doles scio mecum: vita multorum quam effrenis hodie, quam dissoluta, quanta vitiorum licentia! Mitto *Atheismum*, *Libertinismum*, *Idololatriam*, quæ calces omnes pudoris supergressa, torrentis instar violenter irrumpit, & levato velo ferream frontem induit, ac palam ostentare se, non erubescit. Mitto hæreses, & inter alias, abominandam illam *Socinianorum*, orthodoxorum omnium calculis damnatam, quæ per cuniculos Patriam nostram perrepat, & venenum suum, sanguine viperino tetrius, disseminat, sub mentito nomine pietatis, & fucato abstractioris vitæ mantili. Si mores, si vitam multorum intueamur, qui hodie Religionem Reformatam profitentur, quid illis deformatum magis, quid ab ea magis alienum? adeo ut crapula, adulteria, scortationes, perjuria, fraudes, extorsiones, usuræ, calumniandi, & obtrectandi licentia, contentiones, rixæ, odia, similitates, non in veniam solum, sed & in laudem pene, apud multos venisse videantur. Nomen Christiani externe profiteri, quibusdam satis, etiamsi nihil habeant Christiani, & Religionem, cum maxime sint irreligiosi. Et miramur adhuc ipsam Dei in nos accendi, & magni illius mundi Judicis fulminantem dextram armari, & ex-

ardesce-

ardescere in populi calamitatem publicam, ac privatam, ut bene à te observatum. Sed quia iisdem pœnis Pii, & probi, cum malis haud raro involvuntur, ut acrem vitiorum censorem agis, ita & animæ medicum, dum affictos solaris, vacillantes firmas, lapsos erigis, aberrantes reduces, & non pœnas solum, sed bonis castigationes paternas esse suggeris, humilitatis scholam, patientiæ palæstram, & virtutum officinam, in qua suos exercet, indurat, sibi præparat, & ut sub imagine loquar, alas incidit, ne temere evolent. Sed nec hoc fine stant curæ tuæ, & studia, ut vidi in *Antisocino* tuo nuper edito, cujus portenta errorum, S. Scripturæ gladio, tibi jugulanda proponis, non minori successu, quàm industria: remotis enim fanaticarum opinionum zizaniis Veritatem orthodoxam, ad Lydium Scripturæ lapidem examinatam, strenuè defendis, & ab impiis contradicentium criminationibus vindicatam, omnibus spectandam proponis. Perge, Vir doctissime, & in hoc labore desudando constanter persevera. Quæ enim lues, quæ pestis hodie Ecclesiæ potest esse nocentior? quibus quæso furiis acrius oppugnari, quam eorum qui Religionis reformatæ fundamenta subruere, & sursum, ac deorsum volvere, pensi loco habent: Qui Christi divinitatem & cum Patre *ὁμοουσίαν*, satisfactionem, merita, sacrilega impietate, ac audacia, non arrodere solum, sed impudenter negare, non erubescunt: qui intoleranda acrimonia, in munus Christi propheticum, sacerdotale, regium, non minus licenter, quàm impune despiciunt: qui S. Sanctam TRINITATEM, tam horrendis convitiis, ac blasphemis insectantur, proscindunt, odiosè exagitant, ut iis paginam hanc conspurcare exhorrescam: qui denique sceleratissimi S. Scripturæ tortores, contra Spiritus Sancti mentem, analogiam fidei, Prophetarum, & Apostolorum oracula, errores suos prodigiosos defensare non dubitant.

bitant. Quos ut examussim enumerare mei non est instituti, nec meorum partium, ita paucis delibasse sufficiat. καὶ ἐν τῷ κρασίδι τὸ ἱερὰ μα γι γάσκειν. Ἀλλὰ σὺ γῆρε δ' ἄνερ δύσεῖς ἐσται ἐν πάσιν, καὶ ἀπὸ δαίμονος σεαυτὸν δόκιμον παραστήσαι τῷ θεῷ ἐργάτῳ ἀνεπαίχτων ὁρδοτομέωντα τὸν λόγον τῆς ἀληθείας, ἵνα δώῃς ὅς καὶ παρακαλεῖν ἐν τῇ διδασκαλίᾳ τῇ ὑμῶν ἐσθ, τίς τε ἀντιλέγοντας, καὶ φρεναπάτας ἐλέγχειν. Finio ne prolixitate nimia peccem. Vale, vir doctissime & diu, Ecclesiæ, tibi & tuis. Delfis ex Musæo nostro M. D. C. LV.

Lugd. Batavor.

## CORNELIO SCREVELIO suo S. D.

**M**agnum Dei beneficium esse, interpretor, ad munus publicum, & honorificum promoveri; majus in eo cum laude, & *Ponorum* applausu versari, sed longe maximum, vitæ inculpatæ conscientia, & doctrinæ eminentia, muneris sui dignitatem strenuè tueri. In te video. Spartam enim oppido laboriosam, & honoratam nactus, cotidie eam curis, vigiliis & laboribus tuis cohonestas, in regimine Juventutis tibi concreditæ. In qua excolenda, tanto magis desudandum, quanto animantium nobilissimum **HOMO**, longe alia supereminet. Imago Præceptoris discipulus est, & in eo aliquam sui imaginem exhibet. Sed à primis annis, dum animus ad omnem formationem magis idoneus est, atque ad disciplinas capeffendas sequax & facilis, crudis puerorum mentibus, virtutum, & doctrinæ semina instillanda sunt, quæ paulatim per ætatem succrescant, ac maturescant. Nam hominem nasci videmus omnis omnino cognitionis expertem, sed ut in ejusdem animo deinde, velut in tabula rasa, *Institutio* optimarum artium, & scientiarum depingat imagines. Urfa mox ab ipso partu, in formem fœtum, dum mollis

mollis adhuc est, lambendo perficit, & effingit membra, omnem alias operam perditura, si indurari sinat. Tractanda est cera, dum mollissima; & virga si gyros suos habeat, & curvamina, flectenda est in eam formam, quam ei perpetuam esse velis, dum tenera adhuc, & flexilis. Quanti ad virtutem inter sit bene, fideliterque puerum institui, perspectum habuit *Philippus Macedonum Rex*. Cum enim *Alexandrum* filium suscepisset, datis ad *Aristotelem* literis, multum *Diis* se debere testabatur, non tam quod natus sibi esset, quam quod eo potissimum tempore, quod tali Magistro uti liceret. Haud injuria. Puer enim rectam nactus institutionem, docile mansuetumque animal (ut bene *Plato*) effici solet; sin minus eorum quæ terra progenit ferocissimum. Sed nullum prorsus ingenium est adeò durum, quod cura, & correctio promovere non queat; ut metalla videmus scalpro & malleo domari, & in tenuissimas duci laminas. Nisi fiat, degenerant etiam optime nata, haud secus atque in agris male cultis succrescunt spinæ, & herbæ noxiæ. Torpent me hercle, & sopita jacent ingenia ad laudem & gloriam facta, si desint qui excolant, ut foecundissimæ sine cultura terræ. Adde illam, etiam tesqua, solitudines, deserta, frugum ubertate luxuriant. & quis dubitet in animis culturam posse, quod in terra. Sed prudentia hîc opus. Nam ut validiori aratro, ligone, marra, una ad foecunditatem provocanda est, sic molliori alia, quædam levi manu colenda, durius alia, & non nisi per sudorem. Idem in ingeniis, aut minus disciplina in iis poterit, quàm in aliis industria. Quid? ulla ne tam effera est, ulla tam sæva bellua quæ non mansuescat cura, & diligentia domitoris? & ullum erit hominis ingenium, tam malum, durum, pervicax, quod seria ac sedula institutione non mitescat? Tum maxime si se amari videat ab iis quibus instituitur. Et videt si severitatem *Docentis* blanda vi  
tempe-

temperatam animadvertat, & non nisi invitum ad pœnam compelli. Rigor nimius dejicit, hebetat, obtundit animos : Liberales ac generosi, duci amant, non cogi. Juventus pullo equino similis est, qui duriori freno obnititur, & recalcitrat, molliori regitur & paret. Ingenia æquo asperius habita in desperationes abeunt, ut exhalationes intra nubes in fulgura. In aliquibus vis valet, in multis tolerantia. Peccant? longe satius esse duco, alterius culpam ferre, quàm tuam prodere. In offensis puerilibus mora danda, ultro pœnitudo sequetur vel vultu oculi, lacryma delictum, confessio pudorem perpetrati delicti. Pœna ad timorem servilem impellit, lenitas ad amorem filialem. Nimia est in *Præceptorum præterea*, & exigua sui æstimatorio, leviusculis puerorum delictis commoveri. Connivendum interdum, spreta exolescunt, suisque ipsi moribus erubescunt; si irascaris, agnita videntur. Majoris prudentiæ est ea tolerare, quam penitus tollere; nam si prohibita impune abeant, neque metus ultra, neque pudor est. Pudore ac pœnitudine contentus sit, qui puerum regit: quod si severiori fronte, pœnæ interdum statuendum sit exemplum, ea ad paucos perveniat, metus ad omnes. Non imperat melius qui sæpe, & acrius castigat, sed qui excusat. Ut in morbis securra illa sunt medicamenta, quæ paulatim sanguinem noxium educunt, aut corrigunt: Sic illa in Scholis disciplina, quæ molli freno ferocientes mitigat. Bene Philosophus, *honorari, coli, diligi, majus imperio est; & amari qui vult, languida regnet manu*, majorque semper ab amore, quàm à metu veneratio. Rectores illi Scholarum (libere loquar) qui *MENIUM* hic tenent beati. Nam ut confidentiâ veniæ, audacia invalescit: sic nimia lenitas parit contemptum, & irreverentiam. Sed qui ita dextre utrumque miscere noverit, næ ille feliciter, munere suo defungitur: quia contentus

centus inde & harmonia suavis conficitur; haud aliter quàm ex sonis acuto, & gravi inter se apte contemperatis. Sic ros & pruina in fruges egregiè conspirant. Roris enim benignitate procreantur, & luxuriant; & rigore pruina, ac nivium conservantur, ut altiores radices agant. Quid? quod augescit interdum delictorum pertinacia si remedia adhibeantur intempestiva, & plus nimio violenta: armis non indiget, qui à suis amari debet. Nec optimum semper & securum remedium est extremus rigor: rami qui resecantur, pereunt, quia revirescere non possunt. Insignis magnanimitas, & rara prudentia ab omnibus poenam sumere non velle, nec tamen obligare se ad connivendum. Sed & prae-miis interdum excitanda *Juventus*, & æmulationis illicitis stimulanda haud aliter quàm calcari-bus equi. Habet nimirum hoc aras illa, ut si vix parem, superiorem saltem agere, aut non ferat. Hinc diligentia, & in studiis ardor, ne se ab eo superari patiatur, cui se similem arbitratur. Sed ut recens animi testula, scientiarum liquore imbuenda est, ita non minor morum habenda ratio. Malis in ortu obstandum, ne plus nimio tolerati pubescant, olitorum exemplo, qui herbas noxias, quæ frugibus immiscentur, stirpitus evellunt. Nam licet ipsi mali non sint, fiunt tamen nonnunquam consuetudine eorum qui mali. Ita se diffundit hæc lues, & contactu omnia foedat. *Adfert enim (verba Senecæ) seorsim quisque suas culpas, quas mixti vulgant, & velut contagia tradunt invicem: major quotidie peccandi cupiditas, minor verecundia; & ut flumina cum in mare venerint, saluginem contrahunt: sic Adolescentes alias natura ingenui, tactu inquinantur, & mixtione non minus venenata, quàm alicuius viperæ, & malus comes, quamvis candido rubiginem suam affricat.* Nam ea est perversa naturæ humanæ inclinatio, ut vitia potius, quàm virtutes imitetur. Quantæ & quam eximie illæ fuerunt  
quæ

quæ in *Alexandro* elucebant? Imperator tamen *Caracalla*, nihil ad se, suosque mores transferre conatus est, præter hoc unum, quod caput in latus sinistrum inflecteret. Morbo huic occurrendum rempestive, & in herba suffocanda primæ nequitie semina. Quod à te, vir doctissime, fieri video, & audio, hocque ipso nomine Scholæ cui præes, tibi que gratulor, qui studia jungi vis prohibari, quæ nisi eò ducunt, valde à recto abducunt: & ut omnia tela aberrant, ubi collineatio fallit; sic illa ubi hic scopus, perinde ut speculum non limbi exteriores commendant, sed intrinseca ejus præstantia. Virtutem & literaturam se mutuo comitari, & pari passu ambulare oportet. Si interim per infirmitatem erratum, iter relegat, quo quis aberrasse se videt, facilius in viam redit. Expedit & interdum errasse, ne peccetur deinceps gravius. Et ut umbra picturæ lucem dat: ita ex erroribus primum recte agere discimus. Libros quibus me antehac cohonestare dignatus es, vidi & legi, & in iis Specimina luculenta indefessi laboris tui, ac diligentie. Vidi & nuper editum à te *Manuale* tuum græcæ linguæ: Opus (dicam quod sentio) accuratum verè, Scholæque perutile, ac necessarium. Maeste hoc animo, vir doctissime, qui utroque potes, pollesque sedula cum institutione *Inventis*, tum studio rei literariæ: quam serio promotum is, crebra editione librorum, qui ad incudem, & judicii tui limam revocari, *Doctorum* notis auctiores, ac emendatiores in lucem prodent. Perge, perge gloriosis & ære perennioribus laboris ac ingenii tui monumentis incallescere, ut te, etiam cum non eris, sera loquatur posteritas, tanquam optimè de re literaria meritum. Vale, Vir humanissime, Deus te diu servet incolumem tuis, Scholæ, Patriæ. Delfis.

M. DC. LV.

centus inde & harmonia suavis conficitur; haud aliter quàm ex sonis acuto, & gravi inter se apte contemperatis. Sic ros & pruina in fruges egregiè conspiciant. Roris enim benignitate procreantur, & luxuriant; & rigore pruina, ac nivium conservantur, ut altiores radices agant. Quid? quod augefcit interdum delictorum pertinacia si remedia adhibeantur intempestiva, & plus nimio violenta: armis non indiget, qui à suis amari debet. Nec optimum semper & securum remedium est extremus rigor: rami qui refecantur, pereunt, quia revirescere non possunt. Insignis magnanimitas, & rara prudentia ab omnibus poenam sumere non velle, nec tamen obligare se ad connivendum. Sed & præmiis interdum excitanda *Inventus*, & æmulationis illicitis stimulanda haud aliter quàm calcari- bus equi. Habet nimirum hoc atas illa, ut si vix parem, superiorem saltem ægre, aut non ferat: Hinc diligentia, & in studiis ardor, ne se ab eo superari patiatur, cui se similem arbitratur. Sed ut recens animi testula, scientiarum liquore imbuenda est, ita non minor morum habenda ratio. Malis in ortu obstandum, ne plus nimio tolerati pubescant, olitorum exemplo, qui herbas noxias, quæ frugibus immiscuntur, stirpitibus evellunt. Nam licet ipsi mali non sint, fiunt tamen nonnunquam consuetudine eorum qui mali. Ita se diffundit hæc lues, & contactu omnia foedat. *Adfert enim* (verba Senecæ) *seorsim quisque suas culpas, quas mixti vulgant, & velut contagia tradunt invicem: major quotidie peccandi cupiditas, minor verecundia; & ut flumina cum in mare venerint, salsuginem contrahunt: sic Adolescentes alias natura ingenui, tactu inquinantur, & mixtione non minus venenata, quàm alicuius viperae, & malus comes, quamvis candido rubiginem suam affricat.* Nam ea est perversa naturæ humanæ inclinatio, ut vitia potius, quàm virtutes imitetur. Quanta & quam eximia illa fuerunt  
quæ



quæ in *Alexandro* elucebant? Imperator tamen *Caracalla*, nihil ad se, suosque mores transferre conatus est, præter hoc unum, quod caput in latus sinistrum inflecteret. Morbo huic occurrendum rempestive, & in herba suffocanda primæ nequitiae semina. Quod à te, vir doctissime, fieri video, & audio, hocque ipso nomine Scholæ cui præses, tibi que gratulor, qui studia jungi vis probitati, quæ nisi eò ducunt, valde à recto abducunt: & ut omnia tela aberrant, ubi collineatio fallit; sic illa ubi hic scopus, perinde ut speculum non limbi exteriores commendant, sed intrinseca ejus præstantia. Virtutem & literaturam se mutuo comitari, & pari passu ambulare oportet. Si interim per infirmitatem erratum, iter relegat, quo quis aberrasse se videt, facilius in viam redit. Expediit & interdum errasse, ne peccetur deinceps gravius. Et ut umbra picturæ lucem dat: ita ex erroribus primum recte agere discimus. Libros quibus me antehac cohonestare dignatus es, vidi & legi, & in iis Specimina luculenta indefessi laboris tui, ac diligentiae. Vidi & nuper editum à te *Manuale* tuum græcæ linguæ: Opus (dicam quod sentio) accuratum verè, Scholisque perutile, ac necessarium. Maeste hoc animo, vir doctissime, qui utroque potes, pollesque sedula cum institutione *Juvenituti*, tum studio rei literariæ: quam serio promotum is, crebra editione librorum, qui ad incudem, & judicii tui limam revocati, *Doctorum* notis auctiores, ac emendatiores in lucem prodent. Perge, perge gloriosis & ære perennioribus laboris ac ingenii tui monumentis incalescere, ut te, etiam cum non eris, sera loquatur posteritas, tanquam oprime de re literaria meritum. Vale, Vir humanissime, Deus te diu servet incolumem tuis, Scholæ, Patriæ. Delfis.

M. DC. LV.

*Venerando Viro*

J. CRUCIO. S. D.

**R**aras à te litteras , Venerande Vir & Vegete Senex , accipio : Sed certe charas stillantes mero melle & amore. vellem utrumque, ut & eruditionem amare possem & adfectum. verum amavi te antea, & amo veneratione quâdam virtutum tuarum causa. adhuc multo magis , cum te quoque video conspirare mecum in hoc adfectu , imo sentio , ut etiam antea ex litteris tuis amore & Judicio & eruditione plenis vidi. à me litteras petiisti quam sæpe & scripsi , sed vide & agnosce me in litteris multa velle, te autem posse. attamen quæso reverentiam tuam, ut hunc eundem adfectum erga me aut sumas aut retineas : & ut plane pleneque me beës, mutuis cum litteris styli gravitate , & morum pietate scatentibus, foveas atque alas : ipso enim desiderio mihi chariores sunt.

Absens, monitis tuis sis mihi præsens , & silens , mihi loquens , imo post obitum eris mihi vivens, ex epistolis tuis eruditio , ex eruditione illa apud omnes audies immortalis , præsertim apud me quem immortalitatis tuæ participem reddidisti.

*Ἀρχέτυπα* Epistolarum mearum quondam ad Rever : tuam scriptarum , quæ adhuc penes me fuerunt , tibi ex petitione tua mitto (petitio enim tua , mihi lex) alia omitto , quoniam illis careo ; hæcque prolixa benevolentia mando ; quo facto rem angebis, & facies tam liberali interpretatione, ut ultro obliger , & novas gratias tibi debeam : quam ut prorsus solvam, ne expecta, non est istarum virium , non item animi, qui magis magisque alligari venerandæ Senectuti tuæ cupit , & nunquam dependere ut à te pendent semper.

Incolumem te ad tuos una cum Coniuge dilectissima

lectissima rediisse, tam mihi gratum fuit quàm quod gratissimum. Incolumem te vegetum Senem, diu servet Deus Opt:Max. Voto uno atque altero Epistolam hanc concludam, sed non finiam: Deus Opt. Max. indefessis & piis tuis laboribus in hac vegeta & alta senectute porrò fa-  
veat, in Nominis Sanctissimi sui gloriam, & Seminarii Delphenensis, studiorumque ædificationem. Vale.

Ἀρκεῖ σοι τῶς Ἀνδρὶ μεγάλης ἀρετῆς, τῷ Θεῷ ὃ  
χάρις. καὶ γὰρ δυνάμεις αὐτῷ ἐν πόντοις σεαυτοῖς πε-  
λεῖσται.

Ex musæo meo dabam Oostzaanz vii Kalend.  
Septemb. 1655.

*Reverentia Tue addictissimus*  
CORNELIUS DANCKERTS.

*Reverendo Clarissimo Viro-Seni S. D.*

**A**Ccepi quod non expectaveram, librum ni-  
mirum Epistolarum vi, completentem Mo-  
nita Ethica, Politica, Oeconomica, quid ni Theo-  
logica? non literas tantum, sed revera litteras,  
inter quas video speciatim Epistolam meo nomi-  
ni inscriptam, ita ut per tuam famam innotescat  
meum nomen. Omnibus placuisti, Ethicis ethi-  
cè, Politicis politicè, Oeconomicis œconomicè,  
Theologis theologicè.

Monitum illud theologicum me valde affecit,  
quod votum mihi præcipuum. Non enim illam  
Theologiam approbo, ubi de Deo & Christo  
bene creditur, verum ubi præterea Deo & Chri-  
sto benè vivitur. Alia quid curem? placere iis  
& satisfacere in alio quovis argumento, non ma-  
gis possum quam in doctrina & vita simul. Ita  
Salus aliquando me serio respicit, ut mihi insigni  
gaudio, imo robori sint tuæ litteræ ad multos  
& præsertim ad me scriptæ. Te novi, me novi:  
& hoc scio hunc tam benevolunt adfectum non  
meruisse

meruisse à Tali viro. Quid dicam? me meaque offerrem, & addicerem, nisi impar congregeder Achilli, imo imparitatis conscius essem. Publicâ causâ (verè dicam) tibi debeo, privatâ magis, quia tantas ex iis mihi inscribis, hoc est, immortalem me facis; quo quid homini ab homine majus dari potest; vivent enim doctissimæ istæ litteræ quàm diu Musæ, & cum iis tuus Labor, & cum labore tuo meum nomen: sed desino hujusmodi sermonem, quia revera *καὶ ἔφαθ' ὁδός*. gratias agam, aut habeam; referre malim quam possum, at nequeo.

Merito ergo Amantem mei redamo, & te mihi, Reverende Cruci, inter primos, verum & veterem Musarum mearum Fautorem. Scito ergo Venerabilis Pater, chara & grata, tua, de vita & doctrina mea monita, & liberè fateor, quod his talibus *ἀέτι καὶ ἐνδοτὶ θυμός*. Tu si me monitis & litteris sapius compellaveris, & in iis etiam rerum aliquid adsperseris quæ istic geruntur (præsertim si quid ad me & mea studia) me beabis, & revera videbis provocatum à te *ἵππων εἰς πένον*.

Tu admodum Reverende Vir, salve, & tibi à me gratiæ, quas animitus habeo & habebo, & me ama qui te intimè & æternum.

Hæc Epistola scripta est Ouderkerckæ 10 Kal. Septemb. 1651.

C. DANCKERTS.

*Venerabili* D. CRUCIO S. D.

**C**ertior te, hujus negotii, Clarissime Vir, quod nuperrimè in pago meo factum est, & contigit, reddere, haud inconsultum judicavi (nimirum deputatos Ecclesiæ Daventriensis, concioni meæ interfuisse, ad exploranda mea dona, quâ intentione, quove fine, non auguror, Danckerts sum, non Oedipus, hoc fata norunt, aderant

aderant duo Pastores, D. Alstorpius, D. Bellocampus, unus Reipub. Daventriensis consul, duo Seniores & unus diaconus, exceptis famulis & ministris: spectatissimus erat conventus. Quâ perturbatione & quâ tremore tam venerando Delegatorum Ecclesiasticorum conspectu, me percussum fuisse, haud difficile erit conjecturam facere. hoc ago, quia miram tuam in me animadverto benevolentiam & fidem: amoris certe verbum leve est, in re autem multa pro me audes, ut pro liberis parentes, imo certus sum te gaudere hoc negotio meâ causâ: utinam hæc fama perveniret ad aures Delphenses, si sit in fatis, in promotione opportuna forsân mihi non obesser.

Hæc scribo, & gratias serio tibi ago pro amico in me animo, in eoque ut perseveres, si necessum est, rogo, peto. etsi cur necessum? quem ultro amandum delegisti, non spernes, ut opinor, cupientem jam imo ambientem; utar enim isto verbo & quam maximè ambio amicitiam tantî Viri, & gratiam, quem velut sidus quoddam hujus ævi habeo, & à quo lucem conciliare, me posse scio pallenti meâ famâ.

Vale Rev. & doctiss. Vir, & à valente me salutationes multas & ut sic dicam robustas, accipe.

Hæc Epistola scripta est Ouderkerckæ 17. Kal. Decemb. 1652.

*Rever. Tue Additissimus & humillimus*

C. DANCKERTS.

IN-

# I N D E X

## E P I S T O L A R U M

### L I B R I S E X T I.

#### A.

<b>A</b> Brahamo Heidano.	<i>Pag.</i> 29
Abrahamo Carpenterio.	135
Adriano Bogardo.	125, 156
Adriano vander Cys.	103
Alberto Groenwegio.	120
Andreas Colvius <i>I. Crucio.</i>	108
Annæ Mariæ Schurman.	138
Antonio Dornick.	14
Antonius Æmilius <i>I. Crucio.</i>	186
Arnoldo Brantio.	53
Arnoldus Lanoyus <i>I. Crucio.</i>	137

#### B.

D <sup>no</sup> . Boxtelio.	1
-----------------------------	---

#### C.

Cornelio Danckardo.	29
Cornelius Danckardus <i>I. Crucio.</i>	200, 201, 202
Cornelio Rotario.	67
Cornelio Boschardo.	125, 156
Cornelio Screvelio.	195

#### D.

Danieli Bruclio.	57 Davidi
------------------	--------------

J. C R U C I,  
M E R C U R I I  
B A T A V I

*Sive*

E P I S T O L A R U M  
L I B E R V I.

Opus Styli & Oratoriæ Studioſis appri-  
mè utile, inter alia viræ monita  
complectens

E T H I C A,  
P O L I T I C A,  
O E C O N O M I C A.



A M S T E L O D A M I,  
Apud JOANNEM JANSONIUM  
c15 150 LVIII.





I

JACOBI CRUCI  
EPISTOLARUM  
LIBER PRIMVS.

IACOBO CRVCIO *patri, filius studiosus*  
S. D.

Middelburgum:

**A**bellariorum hinc ad vos euntium infrequentia facit, ut paulò insolentior sim in officio hoc literario. Si tui fateor ad tempus. Sed quid in eo delictum, dabis hanc culpam, locorum intervallis. Gestio enim quacunque occasione paternam in scribendo promptitudinem, nunquam non simillimo munere abundè remunerari: quanquam nemo est tam timidus offensarum, qui non in illas dum vitat, incidat. Sed unum hoc peto, ut animum meum referendi officii cupidum metiaris, non raritate literarum, sed propensa scribentis voluntate, quæ in ratione meæ erga te observantiæ, paginam utramque facit. Nunquam enim erit, quod vel ad aras spondeo, quin amem, & pietate complectar vitæ auctorem; & juventæ meæ formatore indefessum: & solille citius splendorem, quam ego venerationem, & cultum tui linquam. De studiis si quaris, totus in iis nunc sum, aliisque omnibus, posthabitis, hoc unum ago, ut me cotidie doctiorem reddam, in sacra illa literatura, cujus discendæ gratia Meccenates me huc amandari voluerunt, nihilque mihi prius esse potest, nihil antiquius, quàm ut parentis expectationi fiat satis, & redeam, aliquando exutus adolescentiæ vitiis, & ignorantia: quod si fecero, voti mei metâ attigero. Ætatis cerè hoc ver, me ad labores invitat, & animi cultum; inque hoc juventutis limine, nihil arduum, nihil difficile

A

ci cui

ei cui natura non est difficilis. De me, tarditatem meam non invitus agnosco, sed eam diligentia rependo, & ad ingenii deliquia, industriam adjungo, quæ ad doctrinæ portum properet, & ad optatam metam me sistat patri, & patriæ. Quanquam quid metam loquor? semper hic in via sumus, & nulli mortalium tanta est ingenii vis, tantus proficiendi ardor, qui ad ultima scientiæ, aut sapientiæ unquam assurgat. In Deo hæc perfectio, ad quam homini niti quidem datum, sed non eniti. Progrediendū tamen in hoc stadio semper, & quamdiu in hac Musarum palæstra collocati, colluctandum perpetuò cum agnata nobis inscitia, & devorandum strenuè quidquid molestiarum sese offert in hoc cursu. Nam ut omnis aër aquilæ pervius est; sic in re litteraria difficultas omnis, diligenti. Quid, quod in rebus arduis omnia potius tentare, & experiri oportet, quàm ob assequendi desperationem, à recta voluntate deseriri: quum ad summa nitenti, pulchrum sit, etiam in secundis, tertiisque consistere. Non alia mihi mens est, nec erit, quādiu commorari dabitur in hoc literarū, & bonarum artium mercatu. In quo studiis meis certatim patrocinari videntur omnia, libri, institutio, contubernium, Academia ipsa, totidem ad doctrinam stimuli, & incitamenta. Libros in sacris his Musis abundè mihi subministrat paterna liberalitas. Institutio supra votum est, cum publica sub magno illo D R V S I O, viro nulli in Hebræis secundo, quem audio, sequor, obsequor; cum privata sub Radai filio, quicum mihi intimæ familiaritatis usus intercedit, quique in tyrociniis meis promovendis, subsidiariam operā liberalissimè confert. Accedit litterarum popularium meorum contubernium sub eodē tecto, ad eandem mensam, in eodem musæo; inter alios H E I N S I I juvenis magnæ, & supra ætatem indolis, & in paucis, poetæ: à cujus consuetudine tantum mihi indies accedit, quantum à nullo alio. Ita omnium est horarū, &

litera-

literaturæ suæ, in qua præ aliis excellit, ut nec ambitiosè prodigus, ita nec sordidè tenax, sed quidquid in copia ejus est, facit libens, & promptius laxiusq; quàm dicat. Quid? quod & loci ipsius opportunitas, validum mihi sit ad diligentiam auctoramentum. In qua quid juventuti ad maturanda studia deesse possit, non video. Viri enim hîc magni, & qui egregiis ingenii monumentis, vindicant à barbarie seculum. Adeò ut si usquam, hîc vigeat litterarum nomen, & decus: nec abs re Mecenatibus meis hanc mentem fuisse video, eò me ablegandi, ubi tanquam in novo aliquo Helicone, aut Parnasso, sedem suam fixisse videntur Musæ. Nam ut agricola qui plantaria habent, novellas stirpes transferre è natali suo solo, in aliud solent, ut laxius, latiusq; crescant: sic adolescentibus, ne genitali solo affixi esse videantur, transferri interdum expedit, ut translati, sub insolito docentium supercilio, uberius in virtute, ac doctrina proficiant. Sed heu Academiæ labem! temulentiam in ea sic grassari, & crapulam; studiisque devotam juventutem sic bacchatim vivere, ut omni pudore diruto, ad morum barbariem; & Cimmerias ignorantiae tenebras magnis jam passibus ire videatur, & mala sua, quod malorum ultimum est, amare. Quò fit, ut seminarium hoc doctrinæ, & elegantiae, curvis istis ingeniis, Schola fiat nequitiae omnis, & licentiae: & nisi huic malo occurratur tempestivè, metuo ut brevi, nihil propemodum hæc Academia retineat, præter umbram magni nominis, & inania famæ. Ita se diffundit hæc lues, & velut Harpyiæ, contactu omnia fœdat. *Adfert enim seorsum quisq; suas culpas, quas mixti vulgant, & velut contagia tradunt invicem. Major cotidie peccandi cupiditas, minor verecundia. Quin ut herba irrigua, sic moris mali succrescunt uberrimè; & ut flumina per se dulcia, cum in mare venerint, salsescunt: sic adolescentes haud mali, si in malorum venerint consortia, tætu inquinantur, & mixtione, & malignus comes*

*quamvis candido, & simplici, rubiginem suam affricat,*

*Tenerque sensus inde noxiam trahit,*

*Qua postmodò latentes in mores abit,*

*Partesque sanas in mali assensum rapit.*

Ego in hac morum corruptela, quid? indignor, imò ringor, cum strenuos illos Bacchi athletas video ab omni pudore, & honesti sensu derelictos, eam probri, & ignominia notam, sibi inurere, quamvis omnibus undis eluerit genitor nympha-rum. Oceanus; dum libertatem existimant consistere, in rerum turpium licentia, & impunitate; eaque agitare non erubescant, queis foedius nihil, aut illaudatius, esse potest iis quos Ecclesia sibi, aut Respublica, alumnos vendicat. Non alio sanè nomine magis deflendi, quàm quod ipsi sese non deflent: nec alio magis infelices, quàm quod infelicitatem suam non sentiunt. De multis loquor, absit de omnibus. Boni enim & hîc sunt, & ingenui Musarum cultores, illibati nominis, & famæ, quos amo & colo. Alios, & quæ eò inclinant, non spernere solum didici, sed detestari. Blâdiuntur, & arident? subduco me, & deflecto. Alliciunt & invitant? fugio aut declino, non aliter quàm in navigando procellam: trahunt? obnitor, & bonæ mētis, ac virtutis Pegaso, noxiæ huic me expedio chimæra. Morem obrendunt? renuo. Antecedentem enim gregem sequi, pecudum est, non hominum; & magna vitiorum scaturigo est, consuetudinis prava; licenter introducta tyrannis. Contemnunt, ut difficilem, morosum, & hominem tristissimæ frontis? rideo; displicere enim malis, veræ virtutis signum est, & contemni à non laudatis, laus, adeoque me non lādunt inania hæc sermunculorum, ut potius iis utar ad segetem, & materiem gloriæ. Oderunt, & minantur? Sperno & ut gratiam eorum; sic & offensas, simultates, odia, floccipendo sola que recti conscientia fretus frango leves istos levium hominum de me susurros, rumusculos, minas,

minas, ut à scopulo fluctus eliduntur; & inter eos me esse video :

— quos nec

*Falsus honos juvat , aut mendax infamia terret.*

Deus faciat, ut in hoc virtutis, & laudis curriculo studiosè, gnaviterque pergam ;

*Nec mea jam mutata loco sententia cedat.*

Non enim est tantum ab armata manu, terroris, ac periculi, adolescentibus liberali indole præditis ; quantum à lenocinio voluptatum, & pravo hominum consortio, qui blanda vi, & arte Sino-  
nia, quidquid in nobis est, ingenui sanguinis, extinguunt, & in ipsam rationis arcem, in animæ sacrarium, per cuniculos irrepunt verius, quàm irumpunt, faciuntque ut invisâ primò morum protervia, postremò ametur. Sed ne longius (quod mei moris non est) patrem tædiosis demorer sermonibus, aliunde plus nimio districtum. plura non addam. Tu precibus tuis, & votis me juva, ut non sit quod Patrem aliquando pudeat suæ prolis, nec prolem sui patris. Cujus complexus olim eò mihi optatior erit, quò majora hîc dederò profectus mei, ac probitatis experimenta. Vale reverende pater, cum matre. Vtrique vestrûm salutem æternam, vitam inoffensam, fortunam prosperam, placidam senectam, mortem seram, cum summa animi devotione precor voveoque. Fraterkeræ.

JACOBO CRUCIO patri, filius. S. D.

Eodem.

**L**iteras tuas amorem, & curam adolescentiæ meæ spirantes, accepi, & animo caras fuisse, lubens profiteor. Nam amari à parente, liberali indoli non potest non esse per jucundum : Curari, gratum & salutare. Amor certè inter alia elucet in munere tuo literario, quo supellectile meam librariam auctam esse, voluisti. Cura, quod currentem etiam stimulas, in hoc studiorum cir-

co. Munere tuo, nihil mihi optatius accidere potuit. Iam enim diu est, quod principem historicorum nostri seculi SLEIDANUM, & videre, & legere gestio, commendabilem præ aliis omnibus recentioribus, cum ab argumento, tum à stilo. Argumentum in eo grave, multa & præclara comprehendens, magni Imperii sub magno Imperatore res gestas, calida super Religione dissidia, contentiones, turbas; bella cruenta, prælia, clades inopinatas in Germania, & alibi rerum vicissitudines, maximorum principum exilia, proscriptiones, supplicia; victrices ubique Aquilas, nec in extremo Imperii solum, sed & in Africam ipsam & Barbaros, ditionis suæ alas, potentius explicantes. Stilus quidè elocutione tota facilis, tersus, Latinus, Tullianam puritatem spirans, & elegantiam; sententiosus tamen, sanguinisque plenus, & nervorum, si alius illo ævo. Et quod rarum in plerisque facta dictis exæquans, ut lector in rem quasi præsentem deduci videatur. Veterū exemplo, qui ita curiosè, & anxie, in veritatem *Animam Historiam*, & rerum divinarum, atque humanarum reginam, inquirebant, ut eos omnes qui rebus gestis non interfuissent, nec scribenda ipsi vidissent, ab historia sacris; tanquā profanos, indignosq; arcendos, putaverint. Vir multiplici rerum usu, & prudentia insignis, Imperiiq; arcanorum scientissimus. In narrationibus suis seposito partium affectu, liber, gravis, operosus, distinctus, sine vanitate tamen, & verborum ambitu; ubique Lectorem instruens, & actiones omnium, vitamq; dirigens. Verbo, Scriptor ad historiam à natura factus, & si quis alius Principe dignus, qui iudicium egregiè format, & ad civilem prudentiam ducit. Timantem pictorē celebrant, quod in ejus tabulis, plus semper aliquid intelligeretur, quàm pingeretur. Idem de Historici hujus scriptione merito dixeris. Quem (si de tanto viro judicare mihi fas) nunquam legeris sine fructu, & quo sapius legas, plus auferas. Cō-

tinua

tinua, fertilitas est : quantum demis nascitur , & cum omnia collegisse te putes plura relinquis. Hic animum severioribus Musis aliquandiu distractum revoco , & reficio; ut quidam ad speculi virorem , aberrantes oculos ; & per latos latosque hujus historiae campos exspatiari juvat, inter seria curarum, horulis aliquot subsecivis: dum alii prodigi temporis & fame, aut nihil agendo, aut male, non minimam ætatis suæ , & vitæ partem detulerunt. Quod diligentiam identidem Manliano imperio , paternè tamen, urges, benè est ; jubet affectus , & studiorum meorum finis , & meta , quam sine ea nunquam attigero. Cave tamen credas , eam vel tantillum imminutam. Incalescit à libris & studiis, inque hoc totis industria viribus incumbo, non solum ut in literis proficiam, sed ut ex honesti rectique norma , vitam actionesque meas componens , virtutem cum doctrina jungam. Siquidem virtus dignitatem suam non agnoscit, & præcipuo suo splendore destituta est, nisi stipata sit præsidio bonarum artium, & lauto literarum comitatu. Doctrina verò tanquam gladius est in manu furiosi , nisi dux & inpetratrice vitæ mortalium, recta mens , rationis clavum teneat. Meliusculè tibi esse, aut potius minus malè, quàm fuit, gaudeo. Primus hic ferè esse solet ad valetudinem gradus, quam restaurari , & in solido locari, intimum meum est votum. Cum Deo videbitur, fiet, à quo paterna hæc visitatio. Ille te reverende pater nobis & rebus nostris diutissimè incolumem servet. Matri carissimæ plurimam à me salutem, & ut apud te omnia benè, & votivè, idque in longum , Deum iterum rogo. In musæo nostro. Franckera.

JOHANNI CRVCIO *fratri, Eccles. Gal-*  
*licanæ quæ Harlemi est, Pastori,*

S. P. D.

Harlemum.

Nulla mihi littera tua suavior, his postre-  
 mis, quæ me de nova prole fecerunt certio-  
 rem. Latum auditu, de felici conjugis puerpe-  
 perio, latum de filio. Maeste vir hac virtute; si  
 sic pergis, Scyllurum tandem referes, aut Masa-  
 nissam. Vide tamen ne dum intentus nimis in  
 has valles, neglectum eas Parnassios Musarum  
 colles. Extra jocos, est quod tibi gratuler, &  
 proli. Crescat, crescat, inquam, & vivat diu, pa-  
 rentibus gaudio, & patriæ, ecclesiæque emolu-  
 mento. Ita succinere libet votis tuis, quæ scio huc  
 collimare, ut surculi isti & stolones ex tam fœ-  
 cunda stirpe pullulantes, publico bono succe-  
 scant, in veterum arborum concidentium locum  
 aliquando depangendi. Sic agricolæ, aut hortulani  
 plantaria sua habent, & in iis propagines quas  
 alunt, fovant, educunt, ne genus pereat in unius  
 plantæ, aut alterius interitu. Idem tu. Naturæ litas  
 egregiè, & hortuli tui fœcunditatem non pateris  
 marcescere ignavo situ, aut inusu; sed aras, conse-  
 ris, occas & sementis tuæ frugem, ac messem Deo  
 offerre, ac devovere, una tua est cura. Mores mul-  
 torum si video, non solet; præsertim inter Aulæ  
 clientes, & purpuræ cultores, qui hianti ore auras  
 captant honorum, & dignitatum sibi, & suis: ut il-  
 los sordidè avaros, auri argentique mancipia, qui  
 Deum non adorant, præter Monetæ numen, &  
 Plutum patrem. Gurgites maris citius explèveris,  
 & dolia Danaïdum, quàm illos bonorum helluo-  
 nès. Cani similes qui quicquid excipit, protinus in-  
 tegrū devorat, & semper ad spem futuri hiat: aut  
 renibus qui adipe circumvoluti, sicci semper sunt,  
 & aridi: sic isti dum stipantur undique divitiis, &  
 opibus eorū scrinia restagnant, nunquam tamen,

ac



ac ne minimo rationis dictamine, honestiq; sensu, ad fugiendam avaritiam, sordidosq; quæstus, muniantur. Prolem habent? Mundo nata videtur, & ab ipsis incunabulis, seculi licentiæ. De pietate, ac Religione nulla cura, de formandis in hac ætatula moribus, altum silentium, & profana incuria. Quærendi primum honores, quærenda pecunia; & alibi poëta, *Virtus post nummos*; ac ne tum quidem: potior enim hoc tempore nutus Fortunæ, quam virtutis & sapientiæ cadus, ad obtinenda vitæ commoda. Adeò ut quos à Deo acceperunt liberos, non Deo, sed diabolo offerre videantur: ita ultrò præcipiti juventæ habenas immittunt, & ad vitia pullulantia in fertili hoc nequitia solo, non connivent modò, sed ferunt, probant, applaudunt. Herodiadis enim hodie æmulæ matres, & liberis in peccato adjutrices, filias suas tripudia, ac saltus compositos docent; gaudent si quid liberius dixerint, verba ne Alexandrinis quidem permittenda deliciis risu & osculo excipiunt, petulantiam, lasciviam, fastum, vanitatem in cultu, levitatem in verbis, & *à vaideur* in vultu foveant, acuunt, stimulant. Patres quid? haud segnius matribus, filiis quoq; in peccatis sunt adjutores, ne dicam duces. Qui enim ut est in veteri verbo, *non vetat peccare, cum potest, jubet*, & magna licentia, magnum ad vitia est præcipitium. Et quasi parum sit, ad ea propendere, quæ fert adolescentia, aleam, popinam, venerem, ipsi suos in vitia trudent. Potent, ludant, ament, jurent, pejerent, rem patris obliant, vixerint ut libet, omnia quamvis turpissima, adrident. Discunt hæc miseri, antequam sciant vitia esse: quid non adulti faciant? quid non audeant, aut quæ non acturi senes, qui hæc pueri? Minuta quædam animalcula; cum mordent, non sentiuntur, adeo tenuis illis, & fallax in periculum vis est. Idem hîc non vident primò quantum obsit blanda hæc nimis in liberos indulgentia, sed obfuisse tandemprehendunt. Certè non aliunde

nobis promanat effrenis illa morum barbaries ,  
 quam scio vides mecum, & doles, & projecta hæc  
 seculi licentia : non aliunde hæc omnigenum vi-  
 tiorum sentina, quæ non irrepunt solum sed ma-  
 gna vi, & conferto velut agmine, in patriam no-  
 stram, in urbes, oppida, vicos, & familias irrum-  
 punt. Hinc virtutis in omnibus pene ordinis ho-  
 minibus, commune deliquiū, ut probitas, mode-  
 stia, simplicitas, candor, fides, pietas, religio peni-  
 tus exulasse, & cum Astræa terras reliquisse vide-  
 antur. Alia tibi mens frater , quod laudo. Nasci  
 enim vulgare est , benè institui altera vita est, &  
 quæ ad Æternam illam ducit; nec liberis tuis fœ-  
 nerari potes utilius, quàm si eos à puero virtute  
 imbuas, quæ sola *τῷ κτηματί τῳ ἀναφύετον, & π-  
 μιά τ' αὖτε*. Sola contra Sirenium cantus amuletū,  
 contra fortunæ tela ancile tanquam calo dela-  
 psum. Perge, perge in pio hoc, & laudabili institu-  
 to, & quæ mutui amoris vestri conjugalis pignora  
 tibi, & tuæ esse voluit Deus, nominisq; tui, ac fa-  
 miliaæ aliàs ruituræ, columnina , ea tu Deo , hone-  
 sta, sedula, ac liberali educatione, redona; ut à quo  
 naturā acceperunt & vitam; ab eo, & gratiā in hac  
 vita referant. Quanquam non unius hæc parentis  
 cura est: partem quoque sibi vindicat mater. Cui  
 primæ educationis tædia incumbunt, lactatio, nu-  
 tritio, sordes, vigiliæ, affectiones, vagitus, morbi,  
 servandi nunquam satis diligenter cura. Nam *ma-  
 rres* appellare eas quæ tam cara pignora, alienæ fi-  
 dei concredita distituunt , & dimidiatum matris  
 nomen transferunt in feminam alienam , liberè  
 dicam mihi penè religio est, iisq; vel ipsa Natura  
 in os reclamare videtur, quæ binos uberum fon-  
 tes perpetua lactis scaturigine stillantes , feminis  
 dedit. Quid ? *Terrane dicitur omnium parens, quod  
 gignat tantum? Imò multò magis, quod nutriet ea qua  
 genuit. Quod aqua gignit, in aqua educatur. In terra  
 nullum animantium aut planta genus nascitur , quod  
 eadem terra succo suo non alat. Nec est ullum animan-*  
*in ge-*

tis genus, quod non alit suos fœtus. Ulula, Leones, & Vipera educant partus suos, & homines suos fœtus abjicient? infantulumque tenerum, adhuc à matre rubentem, matrem spirantem, matris opem ea voce implorantem, quæ movere dicitur, & feras, tradent mulieri fortasse, nec corpore salubri, nec moribus integris: denique cui pluris sit pecunia pauxilium, quàm totus infans? Accedit, quod haud parum inter sit, utrum infans tenellus, cognatum illum, & familiarem haurias succum, & calore jam assueto foveatur, an alienis cogatur assuescere. Triticum in aliud solum jactum, degenerat in avenam, aut siliginem: vitis in alium collem translata, mutat ingenium: plantula revulsa à parente terra, flaccescit, ac velut emoritur. Sic pueris ex alieno lacte, indolem vitiari non aliter existimo, quàm in frugibus, & plantis, terra succus mutat naturam ejus quod alit. Proinde ne peperit quidē, quæ quod enixa est, max abjicit. Istuc enim abortire est, non parere: & in tales fœminas mihi competere Græcorum videtur etymologia, qui *μὴ τῆπειν* hoc est à non servando. Melius longè tua, quæ prolem suam non parit tantum, sed servat, fovet, lactat, alit; nec corpusculi tantum curam gerit, sed & animi, quem ab ipsa balbutie, nutu, signis, junctura manuum, verborū aliquot affatu, antequam cibum capiat, aut somnum, ad pietatem format, & prima Religionis elementa tenero pectusculo, sollicitè instillat, dum grandior paternæ curæ committatur, & injecto severioris disciplinæ fræno, ad altiora paulatim assurgat. Quod petieras in filioli tui nativitate Genethliacon, à me pangi, ecce feci. Tu hoc pauperis officium Camœnæ, hoc qualescunque versus, non ingenii, aut venæ, sed amoris mei notam habe. Si placent prælo, quando ita vis, committam. Amorem enim amoris, & obsequia virtuti tuæ, ac ætati debeo, & hac carminis scriptione defero. Puerperam Sacris jam Lucinæ defunctam salute mea imperti, & osculo prolem. Franckera.

## GENETHLIACUM

in Natalem filioli

JOHANNIS CRUCII.

**C**Or micat exultans, præcordiaque intima pulsat  
 Delius, optatque ardet Natalis honorem,  
 Et generis celebrare decus, natamque sub auras  
 Progeniem, cumulare meis de more Camænis.  
 Carminibus Bona verba Dea, Bona verba Puella,  
 Suppeditate, novamque mihi Parnassia rupes  
 Pande viam. Tuque ante alias cui cura puellas  
 Virgineâ mulcere manu, cum turgida pleno  
 Pondera fert utero pia fœmina; casta puello  
 Casta fave Lucina; tuo mihi numine major  
 Surget honos: Da diva altas se tollere ad auras  
 Cruciadem tenerum, & patrii insistere chartis.

O nimum lux fausta, diesque optata parenti  
 Munera tanta ferens, patria virtutis honorem  
 Præmiaque. Hæc gaude dono pater, & pia mater;  
 Mater jo dabit ille tuo tot digna labore  
 Munera, dum niveis circumdat colla lacertis:  
 Mater jo, tibi cella tenellus ille lacertis  
 Aureolus cingit puer, & felicia figet  
 Oscula, dum blandos in te declinat ocellos.  
 Adspicias ut nitido densissima nubila cælo  
 Diffugiant, Phœbusque immensâ luce renidens  
 Emicet, & roseo crispetur lumine, circum  
 Tempora, & aquoreis subitum caput exserat undis.  
 Scilicet adspirat puero, vultuque benigno  
 Excipit arridens, circumfususque repente  
 Natura miratur honos, feliciaque ortu  
 Sidera, propensi dant argumenta favoris.  
 Macte igitur puer, auspiciis melioribus orbe,  
 Fortunate puer, prolesque optata parentum:  
 Cresce tuos patrii celeres virtutibus, annos  
 Antevolans; nec non decor, & venerabilis ille  
 Accedat pietatis amor, sanctique pudoris

Regula.

Regula, Relligioque, imis qua fixa medullis  
 Materno cum lacte bibis, patriosque penateis  
 Condecorant. Hac perge viâ, nec tramite recto  
 Te mala pestifera flebant contagia turba,  
 Sed vitium, & fraude carens, furiosa malorum  
 Consilia, atque artes fugias, sceleratæque vitans  
 Gaudia, fallaces Sirenum respue voces.  
 Tu quoque blandidulâ hac ô terque quaterque beatus  
 Prole parens, puer ut primis assuescat ab annis  
 Iustitia, sit cura tibi, mollemque docendo  
 Ne pigeat formare animum monitisque paternis  
 Virtutis monstrare vias, & prava sequentem  
 Flectere dum faciles animi, dum mobilis ætas.  
 Sit pietas primis semper comes addita cunis  
 Et nivei candoris amor, probitasque, fidesque  
 Perpetua, ut temeris tandem formatus ab annis  
 Ante annos, animumque gerat, curasque viriles,  
 Aspice; compositio Aonides ex ordine Musa  
 Accelerant, luduntque sacrum Pæana canentes  
 Floreaque alternas ducunt per præta choræas,  
 Undique gratandi studio. Tibi tota Sororum  
 Thespiadum pia turba venit, simul agmine densò  
 Se agglomerant, totumque parant Heliconæ, puella  
 Pandere, Castaliasque domos, & Palladis arces.  
 Scilicet adspirant soboli, tenerumque lacertis  
 Musarum; Charitumque chori, mixtaque puella  
 Leniter excipiunt puerum, lauroque virenti  
 Tempora circumdant juvenilia, & usque corollas  
 Floribus accumulant viridantibus, & nova texunt  
 Serta dea: nunc æthereas attollere in auras  
 Nunc molli cohibere sinu puerilia membra  
 Certat ovans chorus, & faustum natalibus omen  
 Parnassi agglomerata canit manus: insuper ipsa,  
 Ipsa quoque occulti scrutata volumina cœli  
 Vrant, motusque vagos, & splendida mundi  
 Sidera, quaque suos volvuntur signa per orbes  
 Prospera, candidulum compellat voce puellum:  
 Salve care puer, nimium felicibus annis  
 Digne puer nasci, mea spes, mea sola voluptas,

Quid

Quid tua commemorem Natalis signa, quid altos  
 Arcanosque poli reperam tibi carmine motus,  
 Astraque fausta tuis natalibus? Omnia grata,  
 Omnia, felicesque tenent nunc candida cursus  
 Sidera. Nascentem cælo te vidit ab alto  
 Cynthia, auratis aries cum cornibus annum  
 Panderet, aquatoque celer, super athera lapsus  
 Tenderet, obliqui dirimens confinia cæli.  
 Scilicet ut medio natus sub sidere, felix  
 Limite sic vita medio, tranquilla videbis  
 Tempora, pacatosque lares, mediisque procellis  
 Tutus eris; vel si concussi machina cæli  
 In chaos antiquum, & turbati tempora mundi  
 Concidat, excelsum caput, & juvenilia nusquam  
 Membra repentina poterunt teigisse ruina:  
 Non fera parve tuos agitant bella penates,  
 Non hostis furibundus agros, patriasque Tyrannus  
 Funditus evertens, spoliando exhauriet urbes.  
 Non mala te ambitio, mundi non blanda voluptas,  
 Contemptusque Dei, nec opum vesana cupido  
 Sublimem abripiunt animum: sed firmus in omnes  
 Illecebras, Venerisque faces, & noxia mundi  
 Tela puer, patrii vires tranquillius in oris.  
 Fervida sed quò me rapit aura, & inania vocum  
 Murmura, chare puer, manibus ve subtrahere nostris  
 Molle caput, tu noster eris, te in monte locabo  
 Castalis, Charitesque dabo, tenerasque puellas  
 Et nemora Aonidum, sacrosque accedere fontes.  
 Parris eris, Patriaque decus: tu sola parentis  
 Gloria, spesque tui, factis super alta fereris  
 Astra tuis, claroque petes excelsus Olympum  
 Vertice, sublimemque vehet per sacula pennis  
 Laus animi, virtusque tui, Mundique tenebris  
 Eruet, & placidâ illustrem in sede reponet.

Dixerat, excepitque Dea venerabile dictum  
 Atropos, & rigida fuso properante puella  
 Talia fata suis dixerunt volvere dextris.  
 Nec mora: virgineâ Phæbus comitante catervâ  
 Omnia læta dedit, puerique tepentia tinxit

Tempora

*Tempora rore novo, gelidâ quem molliter undâ  
Castalis, Aonîas venerabilis inter arenas  
Voluit. Ibi chorus omnis, amæno in vertice mentis,  
Floreâ purpureis infundit dona canistris.*

GVLIELMO CRVCIO *fratri*  
S. D.

Middelburgum.

PER mihi gratum fuit ex intervallo regustare  
tuum amorem, quem luculenter, exseris splen-  
dido hoc donario. Video te non esse ex iis, qui  
aureos montes polliceri solent, & tandem pro  
thesauris carbones. Biblia Hebræa quæ mihi adhuc  
puero, addixeras Plantiniana, accepi. Et oportune.  
Serio enim sacris his studiis incumbō, & devora-  
tis tyrociniis ad *quiescentia* & *defectiva*, id est gra-  
viora illa, & sublimia perveni, non segniter quie-  
scendi, aut turpiter deficiendi animo, ut ferè solet,  
sed perrumpendi strenuè, quidquid se in hac lit-  
teratura offeret obstantium difficultatū. *μὴ θείν  
ἀνάγκη τὰς θείοντας βιτυχεῖν*: non alio pre pa-  
rantur hæ merces, non alia moneta, Erasmus se-  
culi sui decus, interrogatum, à quodam, qua ratio-  
ne doctus evaderet, respondisse, ferunt: *Si doctus as-  
siduè conviveret: si doctos non minus attentè audiret,  
quàm reverenter: si doctos strenuè legeret: si doctos  
diligenter edisceret: si se doctum, nunquam putaret.*  
Aureum mehercule dictum! ad cuius similitudinē  
me compono, adnitorq; omnes ingenii mei ner-  
vos intendere, ut ex convictu, auditu, alloquio, le-  
ctione doctorum, & sedula ruminatione eorum  
quæ audivi, legi, didici, doctior redeam, & agello  
meo quem colo, aliquid semper bonæ frugis ac-  
cedat. Neq; tamen isthæ *φιλαυτία* nos habet, ut  
ex progressu non illaudato, animos capiam, & me  
blandior crescentis doctrinæ aura titillet. Exem-  
plo eorum qui quàm primum in via pedem po-  
suerunt, nisi cum habere in meta. Ita sapere, desi-  
pere

pere est, & verè *ληρεῖν*. παναντίον οὗτο μάλιστα  
 ἔστιν ὁ ἑαυτὸν εἰδώς ὁ μηδὲν ἑαυτὸν εἶναι νομίζων.  
 Quid enim, & quantula sunt quæ scimus? quam  
 manca, mutila, vana, imò *nihil*, si ad profundum  
 illud Sapientiæ compares, cujus oram legere tan-  
 tum in hac vita datum. Etiam sapientioribus, qui  
 quoties in cogitationem hanc descenderunt, tantę  
 abyssi stupentes infinitatem, *hoc unum* se scire li-  
 berè, ingenuèque professi sunt, *quod nihil scirent*.  
 Irrumpo tamen in hæc adyta, & si penetrare ne-  
 gatum, dum hîc sumus, libare saltem est animus;  
 dumque alii Baccho litant, & ad Dionysiaca cer-  
 tamina proruentes, uno impetu *ἐκ πνέουσι* capa-  
 cissima educunt pocula, victi, dum vincunt; ego me  
 libris involvo, & animum, celestis illius Ambro-  
 siæ ferculis, non pascō solùm, sed oblecto: subit-  
 que non semel mirari, tam languidè tractari hæc  
 studia; imo planè, negligi à multis hodie, qui se  
 Ecclesiis devoverunt. Nam si illi qui in terras  
 longè remotas cogitant, peregrini sermonis igna-  
 ri, alienas regiones malè possint sine duce pera-  
 grare: quæ sodes illorum est incogitantia (ne quid  
 gravius dicam) qui dum ad Canaan illā cœlestem  
 tendunt ipsi, & alios ducunt, hujus tamen linguā  
 ignorant, ejusque discendæ tædia, & labores defu-  
 giunt? Sine qua friget lectio omnis S. Scripturæ,  
 & interpretatio: nec plus mihi sapere videntur  
 iis, qui aut alienis maxillis comedunt, aut contem-  
 ptis fontibus, turbidas rivulorum aquas hauriunt  
 avidè, ac bibunt. Sine his adminiculis, Scripturam  
 enodare, & pro dignitate sensum ejus eloqui, jux-  
 ta puto, ac sine alis volare. Vidisti cœcos illos qui  
 in triviis, aut ostiatim cum stipem petunt, alienis  
 oculis ac fide oberrant, nec tam eunt, quàm se-  
 quuntur. Simillimos existima, qui ex interpreta-  
 tione sapiunt. Si quid vident, aliorum hoc debent  
 oculis, & quæ ipsi non habent, ab iis emendicare  
 coguntur, qui quidquid etiam agant, nativam Scri-  
 pturæ in stilo elegantiam, & rerum in ea sublimi-  
 tatem



tatem & δεινότητα crasso versionis suæ penicillo non satis adumbrant, sed puræ ejus simplicitati nubem obducunt. Excusatius peccant, & venia digniores sunt qui literas nesciunt, quia nunquam eas discendi se obtulit occasio. Habent enim effugium ad ignorantia patrocinium, quod alieno remigio rem gerant. Sed in tam celebri Athenæo, sub tanti viri disciplina, totque in his litteris proficiendi adminiculis, sacrum hoc studium torpere, imò à plerisque contemni, qui fidei sacramento se Ecclesiis devinxerunt, non desidia solum, sed perfidia crimen est: nulla alia ratione expiandum, quàm si non ante Theologiæ (quæ summa Academiae & Religionis doctrina est) nec sacris concionibus initientur, quàm in contempta hac literatura, laudabilis sui progressus dederint specimina. Sed ut ad te redeam, de rebus tuis scire desiro, satis-ne ex voto sint. Spero, ut & patris quem jure veneror & colo. Tu illum plurima salute velim impertias meis verbis; & de valetudine nostra facias certiolem. Plura vellem sed aliò me vocant studia, & curæ, quæ mihi, Horatianis utar verbis,  
*per caput, & circum saliant latius.*

Corollarium hoc addam, *gratias* nempe quas possum maximas, pro insigni tua in me liberalitate, qua cæteris beneficiis cumulum addidisti. Cujus nunquam me capiet oblivio, quamdiu mihi largietur vitam, ille qui vitæ author. quin & jam munus tuum remuneror, si non pretio, affectu pari. Franekeræ.

JOH. CRVCIO *fratri* S. D.

Harlemum.

Nescio quæ fama ad aures meas accidit, de invaletudine tua. Si ita est, etiam files parcus calami, & literarum quasi in altero Orbe, apud Antipodes degeres? non debebas. Occupationes tuas novi, & seria studiorum tuorum  
*assima-*

æstimatio, majorem reverentiam postulat, quàm ut inanibus literarum formulis, tempora tua morari audeā: sed vel literula una sollicitudinis meæ scrupulum, si placet animo meo exime, & me lætiori nuntio erige, plus nimio nunc consternatum tristi carissimi mei præceptoris TRELCATII obitu. Quo viro Leida nihil tulit doctius, nil vidit sol humanius, aut melius. Iurāsses (verè loquor) factum illum à Gratiis, educum, & edoctum à Musis, natum ad juventutis institutionem, & curam. Nam illi quanta in animo probitas? in sermone simplicitas, in ore eloquentia, in habitu modestia, in actionibus candor, in alloquio comitas, in moribus suavitas? Qui sales, lepores, joci, facetiæ? quanta in omni vita pietatis cura, quantus Religionis propagandæ zelus, puritatis conservandæ ardor, veritatis asserendæ fides? Quanta in maximis Ecclesiæ negotiis administrandis, altitudo animi, prudentia, dexteritas? in componendis dissidiis *μακροθυμία*? quæ concionum ejus vis, quæ facundia? quàm dilucidè omnia, & distinctè, quàm solidè quoq; & nervosè, addo & breviter? Noverat quippe vir sapiens, qua erat prudentia, & judicio, nihil pro concione, populo esse gratius facundiâ brevitate condita, quæ plura semper insinuat, quàm indicat, sententiarum non mole, sed pondere æstimanda. Brevis enim concio detinet auditorem in affectu, & *modus dicendi non est penes dicentem sed penes audientem*. Quoties ab ore ejus pependi, attonitus pene, & stupens hominis parthesiam, eloquentiam, eruditionem, ordinē, cum de improvviso, & in ipso attentionis ardore, dicendi finem faceret? mira interim verborum frugalitate facundus, tanquam non lingua, sed mente loquerentur, copiosus. Quo artificio oratorio tantum effecit apud suos, ut non solum diligentiam eorum in audiendis concionibus acuerit magis: sed & ad eas avidius longè confluerint, quàm multi ad fercula sua, & dapes. Dignus trium

Nestorum

Nestorum ætatem vivere, si ita Deo visum. Sed heu res humanas! redonatum est cœlo, nobile illud pignus, ac depositum, quod fata terris commodârunt, & occidit sol ille literarum, Academiæ decus, virtutum viva imago, Ecclesiæ columnen, bonorum omnium delictum. Occidit; imò abiit, & alis fidei subnixus, ad superas illas, & beatas sedes evolavit. Vbi scientia, sine ignorantia; amor sine furo, gaudia sine dolore, sine fastidio, sine termino. Ad quorum præstantiam, nec sensuum vires, nec mentis nostræ acies pertingunt. Præmissus, non amissus; oblatus Deo, sed ablati suis, ablati Ecclesiæ, ablati piis omnibus, ac bonis. Et quid hæc ablatio, si vitia nostra respicimus, si sæculi mores, si licentiam, quàm indignitatis nostræ, indignationis divinæ, majorumque impendentium malorum, non obscura testificatio? Quàm eximia enim hoc anno (1602) lumina, Ecclesiis erepta propter earum indignitatem? Magnū illum Tossanum Ianuarius sustulit Heidelbergæ; Tassinum illud modestiæ, & candoris exemplar, Majus Amsterodami; nunc verò Trelcatium, Augustus qui nobis desuit augustus esse, quia luctuosus. Dispendia mehercle tristia! Ferenda tamē, ut omnia quæ divinitus immittuntur, & parendū æternæ illi legi. Ita nempe visum summo illi rerum arbitro, exercere suos ne torpeant nimis, aut segnescant: sed ut ex crebris his mortalitatis exemplis, multò antè, in hac vitæ statione collocati, mori discamus, quàm moriendum est, & tandiu patriæ, ecclesiæ, Deo vivamus.

*Donec vocamur, parque nos jubet dies*

*Fatale, magno reddere expensum, Deo.*

Nam quid vita hæc nisi *Scena*; mundus, *Theatrum*; *Actores* homines; mors *Siparium*? quæ in ipso dramate, illos citius, hos tardius spectantium oculis subducit, & ut omnium finem facit, *Comediæ finis*; sic mors nostri. Itaque absit dolor,

*Absint inani funere nanis,*

*Luctusque turpes, & querimonia.*

Gu-

Gubernator in navi, non frangit impetu magnos illos & decumanos fluctus, sed vitat, aut declinat: sic in tristi illo illustrium virorum casu errat quisquis obnititur, patientia superanda sunt, & magno excipienda animo, quæ vitari non possunt. Et ut musto tempus damus quo despumet: sic mœsto animo, ut ægritudinis fæces ejiciat, diesque paulatim leniat & mora, quod soli ratio non potest: *λύπης γὰρ πάσης ἐστὶν ἰατρὸς χρόνῳ*. Sed sapientiæ satis. Tu valetudinem tuam cura diligenter, quàm prosperam esse, & ex voto, intimum meum est votum. Conjugi tuæ Elizabethæ castissimæ thori, & vitæ sociæ, me & mea seriò defer. Lugduni nostræ.

### I. CRUCIO fratri. S. D.

Eodem.

**A**Pertis litteris tuis, admiratio simul, & dolor me tanquam ictu aliquo fulminis, attonitum reddiderunt, cum inopinatum obitum conjugis tuæ intellexi. Itane ultimum mihi non ita pridem visa, abiit; &

*Illuc unde negant redire quemquam!*

Heu quàm mortales sumus! quàm fragilis materia, & levi casu rumpenda! Quamquam quid subit mirari? Scio enim pallentem illam Divam capiti unicuique nostrum imminere, & ictu quos ferit percellere inexpectato. Morimur omnes, & jam cœpimus, ex quo nati: *quidquid atavus retrò est, mors tenet*. Sicut in aquâ pisces ludunt; & in aëre, ramisque arborum, aves insidiarum securæ: at illi hamo capiuntur, istæ tendiculis, aut visco. Sic fit nobis, & aliquem semper è magno illo hominum grege, venatur, tenet, capit nigra hæc *dea*; & nec tuæ parca fuit hæc *Parca*. Amissam scio doles. Quid ni? Homines sumus, non scopuli, & illusione rerum fortuitarum movemur. dulcissima quoque tibi fuit vitæ socia, optima conjunx, foecunda mater,

tër, ad rem attenta, Oeconoma, sedula liberorum  
 educatrix verbo, affixa domo, ut testudo suæ co-  
 chleæ. Sed quem tibi dolorem permittit ratio, et-  
 jam coërcet, & lenit. Non enim ut palea ab omni  
 vento: sic nos rapi ab affectuum turbine debemus,  
 sed rationis pondere stabilire hunc animum.  
 Communis enim hæc Naturæ lex est, ut qui cœ-  
 pit esse, aliquando desinat. ad quam componi, non  
 Sapientia, non ratio solum suadet, sed necessitas  
 cogit. Qui adversus tempestatē nititur, saepe nau-  
 fragium facit: at qui obtemperat procellæ, supe-  
 rat. Ad quid immoderatus ille luctus, ad quid la-  
 crumæ, si quod lugemus non posse tantum, sed  
 debere evenire, præscimus? Si & nobis, quod illi  
 evenire potest, & debet? ab eo; cujus supremæ vo-  
 luntati, nostram submitti par est, & æquis animis  
 ferre quidquid jubet: non aliter quàm universum,  
 & in magno hoc universo, sol, luna, sidera, ele-  
 menta, non invita parent Conditori. Obsecro te, in  
 hoc luctu, oculos mentis ad Deum flecte, unicum  
 afflictæ & exulceratæ mentis perfugiū, & ab illo  
 robur sume. in hoc mœroris tui deliquio, quod  
 crudum dolorem tuum mitiget, aut mergat. Con-  
 jugem amisisti? Imò jam demum è misera servitu-  
 te peccati asserta est justis vindictis, in libertatem  
 filiorum Dei. Cogitas multa esse quæ perdidit? co-  
 gita plura esse quæ non timet, non cupit, non pa-  
 titur, imò plura longè esse quæ possidet. Ad eam  
 enim vitam commigravit, ad eam felicitatem,  
 quàm nullus animo complecti unquam potuit.  
 Excessit vegeta, juvencula, plena sanguinis & viri-  
 um? Quis senectam addixit, aut plures annos? Sic  
 ordinandus est dies omnis, tanquam cogat agnē,  
 & consummet, atq; expleat vitam. Sed ita sumus,

———— *maxima parvo*

*Tempore molimur.*

Et mortem quàm præmaturam omnes timemus,  
 & tanquam leges scribamus, Deo, in senectutem  
 rejicimus: sed ille stat vitæ, laborumque arbiter,  
 & pro-

& producit, aut incidit. At tali ætate (inquies) abripi durum videtur. Videri, scio; esse tamen qui potest, nisi vitæ finem, non in bene, sed diu vivendo collocemus? οὐχ' ὁ μακρότατος βίῃ δέσσει, ἀλλ' ὁ σφαιρότατος. Diu vixit, qui bene, qui honestè: imò quicumque moritur, senex est, quia in annorum meta: & sapientes non annorum, sunt; sed anni sapientum. Quid quod hæc ipsa quietis par est, ad quietem citius transferri: & qui navigant, acri malunt flatu, in portum devehì, quàm segnibus ventis diu ludi, aut lentissimo tranquillitatis radio lassari. *In hoc errore versamur, ut non putemus ad mortem nisi senes, inclinatosque jam, vergere, cum illo infantia statim, & juvenia, omnisque ætas ferat. Prudens hic qui omnes horas complectitur: sic enim fiet, ut minus ex crastino pendeat, si hodierno manum injecerit.* Nam quod ætatem vocamus humanam, si compares immenso videbis quàm exiguum sit quod optamus, quod extendimus. Ex hoc enim quantum lacrymæ, quantum sollicitudines occupant, quantum valetudo? Adjice labores, luctus, pericula, & intelliges etiam in longissima vita minimum esse quod vivitur. Fateor cum insigni familiæ jactura, & tuo ac liberorum non levi incommodo ereptam. Quid tamen est? Ideone supremi illius Patris, & Rectoris universi contracta manus? ideone curam tui posuit, & liberorum? non faciet, quamdiu tu, & tui; & curæ sunt hæc curæ illi, qui supra nos curat. Quorsum sodes lamenta, & singultus? quorsum querelæ? non juvāt, quia non mutabis. Etiam non decent: quia æterna hæc lex est, nasci, denasci, oriri, aboriri; & à DEO, in quem insurgere, impium est & profanum. Nullum hic Fata discrimen agnoscunt, nullum ordinem; in senes & juvenes, in decrepitos, & vegetos suum exercent jus.

*Poma ut in arboribus pendent: sic corpora nostra*

*Aut matura cadunt, aut citò acerba ruunt.*

Veterem poëtam audi, *Avellimur*, inquit, *dejici-*  
*mur;*

*mur, sponte cadimus, & hæc omnia ex fatali lege.* Ideo nullus non dies tanquã ultimus adspiciendus est, & Christiano sic ordinandus, tanquam canat receptui; ne cum illi moriendum, mortis nomen reformidet, quam sibi effecit cogitatione multa familiarem. O sapientem, qui hic sapit! nec quicquam impotentius, contra æternum hunc cursum molitur. Repugnas? nihil tam exasperat fervorem vulneris, quàm ferendi impatientia. Obniteris? hoc unum vinces, ut pluribus plagis contusus vincare. *Similis refractariis illis equis, qui si recalcitrent, hoc consequuntur, ut verbera etiam aliquot excipiant, nec excutiant tamen jugum.* Quare quod vult velimus, quod ducit eamus. *Necessitatis enim non aliud effugium est, quàm velle, quod ipsa perit.* & nisi facimus, trahendi nihilominus, aut impellendi. Quæ autem dementia est potius trahi, quàm sequi? *Θεῶ δ' ἑλθεῖν ἐκ ἑλθερίας μόνον ἀλλ' ἔ βασιλείας ἄμεινον.* At triste (inquies) illud *Avelli.* Triste certè, si verè tale esset. Quid? *Avelli* ne potes ab ea quam votis tuis cotidie comitaris, in meliorem illam sortem, in quam ivit? cujus indies tibi ob oculos versatur imago? quam in animo circumfers? quam loqueris, cogitas, spiras? ad quam pleno gradu tendis? Nam quid hæc vita? Nihil nisi miseriarum finis, & exordium felicitatis, & ad illam aditus. Illam dico æternam, beatam, & cui uni, VITA hæc vivit. Et ut diutissimè vivas (ita voveo) tamen pauca lustra supersunt, fortassis anni, imò dies, & sequeris illam præmissam. Et hoc *divelli* appellabis? Non divulsa, sed prægressa est; non obiit, sed abiit, ex tristibus & turbidis, ad latiora & puriora. Vbi semota à rebus nostris, sejunctaque longe, neque miseriis exeditur, neque iis angitur incommodis, cum quibus quotidie dum in terris sumus luctamur. Quis metallum perire dixerit, cum liquefcit, & posita per ignem scoria, insignis statuæ materiam præbet? Idem in tua, quæ defœcata jam per mortem, in splen-

splendidam imaginem Dei transit. *Qui periti cœlestium sunt, in Solis, aut Luna deliquio, non stupent aut timent: sciunt enim mox redituram utrique sideri suam claritatem. Simile nobis Christianis sit, qui gnari divinarum promissionum, non mortem, hanc habemus, sed transitum ad vitam.* Sed amasti eam unicè. Quid & nunc? optimèque illi esse velis, quæ tanto amore dignior est, quò alius evecta DEO-que propior, qui AMOR totus, & CHARITAS, amare didicit perfectè Sanctos omnes, & te in iis. Nec tamen tota à te abiit: liberos vide, quos ad votum tibi reliquit, & ex utroq; sexu; in quibus vivere illam puta, & te affari. Malè enim ac ne vix obuisse videtur, quæ in tot animis, corporibusque suorum vivit. *Vt agricola parum aut nihil dolet in arbore amissa, quæ ex uno trunco plures fructices & jam pænè arbores dedit: si hîc simile.* Magna pars hominum misera est, non alia de causa, quàm quia querulus ipsis est animus. Melius Cæsar qui in terram prolapsus, etiam casum suum benignè interpretatus est, *Teneo, inquit te Terra mater;* quodq; morosus aliquis aut morus, mali prælagii loco habuisset, ille in victoriæ bonum omnem non minus lepidè, quàm animosè convertit. Idem tu,

— leve fit quod benè

*Fertur onus:*

*Nihilque tam acerbum est, in quo non aquus animus solatium inveniat.* Habuisti ut amissurus aliquando? Benè. Amiseris jam, tanquã adhuc habeas, & hoc ipsum quod fruitus es non annos aliquot, sed lustra, in lucro deputa. Nam ut benè Philosophi; *certissima illa voluptas est, quæ fuit;* & ingratus ille est qui præteritortum oblitus, præsentia tantum cogitat, aut futura. Aves & feræ fœtus suos diligunt, quarum concitatus est amor, & pene rabidus, sed cum amissis, totus exstinguitur. Hoc prudentem virum non decet: meminisse perseveret, lugere desinat. Ut finia, duo nunc munia, *Patris, & Matris* sustinere te volo; atq; ut facias, peto, rogo, polo.



Rulo. Etiam illud ut animum capias non à ratione solum, & solatium à Christi scholâ; sed & à liberis tuis, optima si quid video, indole præditis, quos tu forma, & dirige ad Dei gloriam, & tuum ac familiæ decus. Ita sit. Nam altera jam anchora navis tua spoliata est; D E U S servet illam *sacram*, & te patrem diu velit superesse. Delphis.

GERARDO SGRAEFWEGIO

*Studioſo S. D.*

Lugd. Batav.

**I**Tane heri me inſalutato, Leidam redire tibi decretum? & dulciſſima me tua præſentia fruſtrari? ô factum ab amico non amicum! Nam quod res tuas obtendis, & occupationes, non excuſo, inò indignor; ſed indignatione tibi non ingrata, cujus fons ab amore tui, & ſtudio. quo fit ut nec offendas, cum offendis. Ut enim irritabilis eſt ſenſus tenerè amantium, ad capiendam; ita pronus & facilis ad deponendam offenſionem. Sed heus tene plus ſolito vexat vetus illa tua contubernalis melancholia? ſuſpicor; & jure. Ut quid enim tamdiu nihil à te vidimus litterarum? Cur binis his menſibus nulla nos amoris tui afflavit aura? Emenda, & cave ſedem in te figat hæc ingeniorum peſtis, & fatalis calamitas, quam niſi vitas, ſeriò dico, te ipſe evitas. Cave inquam ea te abripi patiaris à laudabili ſtudiorum tuorum inſtituto: nec te tranſverſum agat nimia tui, ingeniiq; diffidentia. Nam initia ſelebras ſuas habent: reliquus curſus in proclivi eſt, & multa experiundo fiunt, quæ ſegnibus aut puſillanimis ardua videntur. Quare devorandum ſtrenuè, quidquid laborum ſeſe offert, nec ſtatio hæc temerè deſerenda. *Perdit agricola quod ſparſit, ſi labores ſuos deſtituit in ſemine. Multa cura, ſata perducuntur ad ſegetem: nihil in fructum pervenit, quod æqualis cultura non proſequitur.* Vacillas interdum, imo cadis? ne cede tamen, at

B

ſurge

surge & assidua (quod facis) industria, improboque labore, naturæ tarditatem, quam vocas, corrige, & emenda. Viden? ut miles quoque, si cecidit, surgat alacrior; & animos, irasque sumat à casu? Idem in te. Redigendus in gyrum rationis animus, ne intus obstrepat, & superanda hæc in studiis, reluctantis naturæ rædia, quæ currenti tibi scrupulum identidem injiciunt, & moram. Lentius tibi progredi tua videntur studia? Cogita, maxima quaque (neque id rarò) tardos habere progressus & mora crescere, nec uno ictu dejici quercum: multa que adhuc in te desiderari quæ longiores, in hoc cœpto itinere, labores exposcunt. Ut horologii umbram non progredientem, sed progressam sentis; & herbam non crescere, sed crevisse: Ita & ingeniorum profectus, minutis constans auctibus, ex intervallo sentitur. Sed ut longiore via potius utendum est, si modò tutior, quàm brevior, & periculosa: Sic ad doctrinam enitendum, ut serius contingas, tutò potius; quàm statim & cum periculo. Quod autem periculum majus esse potest eo, quàm *ἰσχυδαίης*, & vanæ opinionis hordeo, pastam habere animam, non verò sapientiæ succo? Quid, quod citò parta vilescunt; contrà diu, multumque desiderata, dulcius obtinentur. Tarditatem tuam incusas? *βέλπεν ὁ φιμαθὴν χαλεΐδαν, ἢ μὴ ἀμαθὴν*. Fateor quidem ad doctrinam capeSSendam plurimum momenti naturam habere: sed ingenium sæpe labor vicit, & naturam industria. Exemplâ petis? Soli natura si cultura deficiat, sterilefcit, quantoq; melior terra, tanto deterior fit neglectu. Contrà, solum quod per duritiam ligones vix admittit aut aratri dentem, subactum jam, illicò fructuum ubertate luxuriat. Sed & vide ne in numero eorum censeare, qui non tam tarditate, quàm tarditatis opinione laborant. Mirum, quantum in optima etiam ingenia, præjudicata hæc possit opinio. Sed ut procellæ quædam repente oriuntur, & repente ponunt: sic illa si ratio-

firationi des locum. Eruditionem desperas, & doctrinam? At desperatio quoties magnæ spei causa fuit? Et quot hodie videre est viros magnos, Musarum *Hercules*, & præ aliis in nubibus *Aquilas*, quos non minus, quàm te, hæc prima coxerunt tyrocinia? Emergère tamen, & vastum illud literaturæ pelagus feliciter superârunt. Præstat mi Sgraefwegi nimia sui peccare diffidentiâ, quàm *φιλανθία*: illa quippe nos rectâ ducit ad sapientiam; hæc abducit: illa diligentiam acuit; hæc torporem parit, & ignaviam, & non nisi doctrinæ solidioris everriculum est, & profundæ ignorantiae mantile. Qui enim, amabilis hujus insanix fatui, plus nimio sibi placent, oscitantius ferè sua tractant studia, rati se earum rerum scientiam consecutos, à qua tamen quàm longissimè absunt. Somniantibus similes, qui aureos montes possidere se credunt, & magna auri pondera, clausis vident oculis. Quæ, somno soluti, somnia esse vident, & umbram, imò nihil,

*Et cuncta aërii discerpunt irrita venti.*

Imaginaria enim tantum est, & umbratica eorum eruditio, ad quam aliquando pervenire potuissent, nisi jam se pervenisse putarent. *Sicut struthionem ajunt volandi speciem habere, non volare. Tales illi, docti videntur, veratamen eruditione expertes.* Hoc morbo fere, hodie juvenus nostra laborat, qui eò periculosior est, quod plerique morbum esse non intelligunt. Ac proinde ut difficillimè sanantur, qui sui sensu carent, in morbo; ita difficillimè revocantur ad meliorem in studiis mentem, qui multa sibi deesse, nec vident, nec sentiunt. Quanto tu melius, qui tenuitatis tuæ probe conscius, nullam non adhibes operam, nullum non moves lapidem, ut politioris literaturæ, & philosophiæ studiis mentem imbuas; & metam quam à puero tibi proposuisti, feliciter, & cum laude contingas. Si restudineo (ut tibi videtur) gradu, saltem firmo. *Poco à poco van à lexos, y corriendo à mal lugar.* Sci-

mus sine radice, arborem arescere, sine fundamento domum corruere. Perrarò diurnant citò nata, nec ferunt ætatem, quorum accelerata est magnitudo. Quæ egregia futura sunt, serò proveniunt, & lentis ausibus absolvuntur. In rerum natura, celeris, nimisque præcox cucurbita, se in altum, brevi admodum temporis spacio, effert; & cum de se quid magni promittere videretur, deficit. Sic ingenia quò præcociora, eò breviora. Præcipitari nolunt studia, sed præmi: & in iis, ut in pomis immaturis, placet acerbitas: nam hac demum maturescunt, & maturitas his tempellivam adfert suavitatem; reliqua ante tempus putrescunt. Accedit, quod quæ labore & molestia discuntur, firmiùs longè adhærescunt, quàm quæ *παύριως*, & *ὡς ἐκ παρόδω*. Et ut vasa Augusto ore difficilius recipiunt, sed retinent certius, liquorem: ita ingenia quæ tardius percipiunt, serè meminerunt tenaciùs. Quercus ista non statim sternitur, nec vertit aries primo impetu muros: frequenter quæ putaris perfici non posse, tempus expedit. Maeste igitur mi Sgræfswegi, & quo pede cœpisti perge. Habebit præteriti laboris secuta recordatio, suam olim delectationem; & exanthlato studiorum cursu, liquescet tibi aliquando molli cogitatione animus, ubi te consecutum senties, quæ jam plus nimio desperas. Interim solitudinem fuge, quæ pabulum est melancholiæ, nec libris tuis nimium indulge. Nam quò plus opere iis impendes, hoc te magis impedies. Quod evenit in labyrintho properantibus, ipsa illos velocitas implicat. *Amant* ut est in veteri verbo, *alterna camœna*: & ut studiis sua sunt laxamenta, & temporum intercapedines: ita ex assiduitate laborum nascitur animorum quædam hebetatio, & languor. *Danda est remissio animis, meliores, acrioresque requieti surgent. Ut fertilibus agris non est imperandum; citò enim exhauriet illos nunquam intermissa sæcunditas. Ita animorum impetus, assiduus labor frangit; vires recipient paululum resoluti,*

*resoluti, & remissi.* Si quis tam austero, rigidoque judicio est, ut ne *Hilaritatis* quidem nomen ferat, Naturæ ille infensus, omnis amœnitatis fructu genium defraudat. Alendus, alendus animi ille vigor, ut honesto exercitio, non tantum sani, sed vegeti, robustique simus. Sed de his satis. Tu audi tantum, & ama ista, ac me tui peramantem. Doctissimis Polyandro, & Heinſio plurimam à me salutem nuncia. Ex urbe in qua tu olim.

## G. SGRAEFWEGIO

S. D.

Lugd. Barav.

**I**AM verò non tam verbis, quàm re testaris studium nostri, qui alteris litteris me occupas, nec tale quid opinantem, tam humaniter, tam officiosè salutas. De quo te amo. Libros quos ad me misisti, accepi, unà cum litteris ad Pavium nostrum, quæ illi gratissimæ fuère, iisque prima occasione se responsurum, significat. Progressus tuos in stylo, probo & laudo. Phrasis tersa, facilis, non affectata, latinitatem spirans, & elegantiam, arguta quoque & sententiarum flosculis, judiciosè satis & feliciter adpersa. Rectè, quod studiorum tuorum seriò satagis, omnesque alias cogitationes relictas habes, præ cura consequendæ eruditionis. Quæ unicum in vita viaticum est, quod cum naufragio enatat: ut vel ad summam (ut res sunt humanæ) angustiam reductis, cum Biante exclamare liceat; *Omnia mea mecum porto.* Hæc illa est suppellex, quæ ubique terrarum nos comitatur, nec ante dominum, quàm vita destituit. Ideò fluxis his, ac caducis fortunæ ludicris, longè præferenda. Ad virtutem enim nos ducit, & sapientiam. At illæ quas vulgus miratur, pene dixeram, adorat, *Stultitiam patiuntur opes*, sarcinæque sunt & onera, ituris ad bonam mentem. Placet, quod totum te stilo dederis; sed in eo parando, unum te moneo; facessat varia ista, & desultoria auctorum lectio. *Distrabit*

B 3

enim

- enim *animum librorum multitudo: & fastidientis stomachi est, multa degustare. Et ut oculus, qui varie se inflectit, intentè nihil videt: sic mens quæ distrahitur. Certus ingenii, ut optimè Seneca, immorari oportet, & innutriri, si velis aliquid trahere, quod in animo fideliter sedeat. Quæ varia sunt & diversa, inquinant, non alunt; nec prodest cibus, qui statim sumptus emittitur. Et ut agri animi ista est iactatio: ita nihil aque sanitatem impedit, quàm remediorum crebra mutatio. Qui quò destinavit, pervenire vult, unam sequatur viam, non per multas vagetur: non ire istud, sed errare est. Quid? quod nusquam est, qui ubique est. Ut enim in peregrinatione vitam agentibus hoc evenit, ut multa hospitia habeant, nullas amicitias: ita necesse est iu accadat, qui nullius se ingenio familiariter applicant, sed omnia cursim, & properanter transmittunt. Quocirca ex authoribus probatiores lege, atque eos tantum, quorum oratio ad informandum animum, solida rerum cognitione, ac scientia, apta videri possit. Sed nec in eorum lectione, unus idemque semper tibi scopus! Aliud in isto, aliud in hoc tibi imitandum propone. Delectare vis? nullus plus habet festivitatis, & leporis quàm Plautus; nullus plus elegantiae, quàm Terentius. Docere? non alius, Seneca probat vel efficacius, vel peritius. Flectere? nemo Cicerone acrior, nemo qui Auditorum animos rapiat magis, aut stimulet. Copiam amas? nusquam suppellex locupletior; tori hic, ac quasi iubar & verrens lacinia, ac stola. Sublimitatem? nusquam sublimior, nusquam altior. Placet Laconismus? nulli plus Tacito, Sallustio, Seneca, cogitationis relinquunt: ossa hic, muscoli, nervi. O mi Sgraefwegi, quàm suave est variis his epulis pasci! Sed ut apes non quidvis ex omnibus colligunt: ita non omnia petenda ex eodem autore: sed ex unoquoque sumendum, quod habet utilissimum. Et ut illi qui sunt à scorpiis icti, solent, ab iisdem remedium petere: ita tibi author sum, ut animi lassitudinem studiis*

studiis gravioribus contractam, iisdem, sed amœnioribus nonnunquam recrees : haud aliter quam in dubia cœna, ad nova fercula, se fessa deliciis gula laxat. Etenim qui verè studiosi sunt, non tam intermittunt studia, quàm remittunt; & relaxant subinde ingenium, cessant nunquam; otiantur interdum, sed interim agentes aliquid, & cum Romano illo, *nunquam minus ociosi, quàm cum ociosi*. Ita enim feriantur, ut otii rationem pulchre queant reddere; & cessatio eorum plus adferat bonæ frugis, quàm quorundam negotiosissimæ occupationes. Sic nimirum *agrestes olim Curii, sic veteres Coruncani, sic Fabricii, cum pax bella suspenderat, inter aratra vivebant, & ne virtus quiete languesceret, depositi in gremio Iovis Capitolini laureis, triumphales viri rusticabantur*. Sic fortis, & gnavus miles dum in æstivis, aut hybernis agit, aut dum induci præstant, ut necesse non sit in acie stare, aut excubare; tamen ita lufibus relaxat animum, ac vires reficit, ut lusus ipsi militiam sapiant. Pugnat ad palum, jaculatur ad scopum; torquet fundam, vibrat hastam, decertat palastra, concurrat lanceis, torrentem natatu transmittit, armatus in equum insilit: denique sic feriatur à belli munus, ut ad ea redeat vegetior. Ad hoc exemplum, animum studiis fatigatum instaurare te volo, & contractas intentiore vita nubeculas dispellere, aut eruditorum conspectu, & alloquio; aut inter ambulandum lectione eorum, aut meditatione, quæ cum fructu adferunt voluptatem. Quid refert? Ardua hæc ad eruditionem via, diverticula sua habet, & oblectamenta, quibus, quidquid in ea molestiarum occurrat, leniri debet aut superari. Quemadmodum pictores oculos nimia intentione hebetatos, in virides colores transferunt, ac recreant: ita tibi licet à gravioribus studiis, ad molliorem, mitioremque Musam transire. Luscinii tantum est canendi studium, ut certantes emoriantur, spiritu citius deficiente, quàm cantu. Ita nonnulli litterarum immodico amore, valetu-

dinem exstinguunt : dum à nullo vinci volunt,  
 eruditione pereunt, in ipso conatu. Tu sic ad eam  
 enitere, ut valetudinis tuæ non minorem, quàm  
 studiorum habeas rationem. Ut enim pluvia le-  
 nis & modica, facilius in terram penetrat, & hu-  
 meſcat : sic studia in animos. Et ut illi qui venan-  
 tur, facilius fallunt feras, ſi aliud agentes id faci-  
 ant : ita non rarò maximè proficiunt illi, qui alio-  
 rum opinione, quod aliud interdum agant, mi-  
 nus proficere videntur. Nempe ut nautæ vela ſua  
 interdum ſinuant, & obliquant, & tenent nihilo-  
 minus ſuum portum : ſic tu per has ambages, &  
 diverticula, ſtudiorum tuorum metam. Ad ami-  
 corum *ὁμιλίαν* & familiaritatem quod attinet,  
 delectu hîc opus eſt. Non omnes in vultu ani-  
 mum gerunt: ſimulare, fallere, decipere, in procli-  
 vi eſt. Non omnes tam boni ſunt, ut amari mere-  
 antur, non omnes dextra tua digni. Tales ſectare,  
 quorum eruditione & exemplo doctior reddi po-  
 tes, & melior : quorum ſermo ſollicitudinem le-  
 niat, hilaritas triftitiam diſſipet, conſpectus ipſe  
 delectet. Qui alio ingenio ſunt, ſanguine viperino  
 cautius vita. Nam prorsus non ſine contagione, impre-  
 borum familiaritas eſſe poteſt : conſpurcatur qui cœ-  
 num, aut lutum contrectat. Et ut flumina per ſe dulcia,  
 cum in mare venerint, ſaleſcunt : ſic adoleſcentes haud  
 mali, ſi in malorum venerint conſortia, taſtu inqui-  
 nantur, & mixtione. Ætati tuæ nihil diligentius di-  
 ſpiciendum eſt, quàm quos in familiarium tuo-  
 rum numerum cooptes. Inimica enim eſt multo-  
 rum converſatio. Nemo non aliquod nobis vitium  
 commendat, aut imprimis, aut reſcientibus allinit.  
 Nec tamen truncum ego te, & caudicem, hoc eſt,  
 ab omni honeſtæ recreationis ſenſu, alienum eſſe  
 volo; neque etiam ſeverum, ac tetricum. Hoc tan-  
 tum moneo, non eas quærendas amicitias, quæ  
 dulciſſimæ videntur, ſed quæ honeſtiſſimæ ſunt.  
 Quid amplius? miſcenda hæc ipſa, & alternanda  
 ſunt, ſolitudo & frequentia. Illa tibi faciet homi-  
 num



ntum desiderium, hæc tui, & erit altera alterius remedium. Odium turbæ sanabit solitudo, tædium solitudinis turba, ne plus nimio solus mæstam vigilantiam, & malas curas exerceas. Vale φίλτατο, καὶ εὖ, & Crucium tuum qui te medullitus amat amare persevera. Delphis.

GERARDO SGRAEFWEGIO

J. C<sup>to</sup>. S. D.

Eodem.

Ἀλωπα γίνετ' ἐπιμελεία, & πόνῳ ἅπαντα, inquit Poëta. Et in quem verius, quàm in te. ? qui ruptis consilio meo δυσελπίας tua, & diffidentia repagulis, latoque illo studiorum amne trajecto, ad doctrinæ portum feliciter tandem ap- pulisti Ita certè oportuit. Et ô beatum illum diē ! quo te in patriam reducem, non jam studiosum, ut olim, sed *Licentiatum*, sed Jurisconsultum, & *The- midis* Sacerdotem appello, non auri, argenti- que vi, extorto Licentia titulo ( ut fere fit ) sed Jurispru- dentia Sacris inauguratum, cum laude & applausu eorum omnium qui solenni huic Actui interfue- re. Tantum scilicet potest indefessa, cum alacritate conjuncta, φιλεργία, & labor, ut ii qui more te- studinis repere quasi videntur, non emergant so- lum, sed & acerrima non raro ingenia, longè à tergo relinquant. Nempe ut Sertorii miles caudā equinam depilavit sensim carpendo: sic tu studio- rum tuorum metam feliciter attigisti, doctrinæ in- crementa sensim capiendo: & ut arbores quadam; sic eruditio tua firmior erit, quò tardius crevit. Gratulor, gratulor tibi, ocelle amicorum, novum hunc honorem, & si quid vota mea possunt, Deum oro, bonorum omnium fontem, ut cujus nunc in arduo hoc studio, progressus eximia dedisti speci- mina, magis magisque excrecant, communi Reip. bono, Quò studia nostra, imprimis dirigenda, ut non nobis tantum, sed & Patriæ nos natos esse, appareat. Sed audi. Serio nunc hoc Juris, & legum

B. 5.

pela-

pelagus intras, in quo scopuli, & vada, imò Scylla & Charybdis: & quanquam natura probus, tamen nescio quomodo vitio humani ingenii

———— proclivior usus

*In peiora datur, suadetque* L I C E N T I A *luxum,*  
quæ periculosissimum solet esse depositum apud eos qui non callent artem utendi. Tute igitur coërce, & quod in te est, effice, ut verè ( qui jam pridem annos & ingenium *Iustitia* consecrâsti )  
I. Ctus. sis, atque audias,

*Vindex avara fraudis, & abstinens*

*Ducentu ad se cuncta pecunia.*

Rabulas istos, & Legulejos vita, nummorum in Caussidicina eruscatore sordidos, harpyas forenfes; & Apuleji verbo, vultures togatos, qui sacrum hoc, & venerandum *Causidici* munus, tricis suis, ac involucris dehonestant, leges etiam in liquido jure, ut ceram habent, & pro animo, aut lucro suo, huc illuc flectunt. Utque libra in eam vergit partem, unde plus accipit: sic illi nunc huc, nunc illi favent, qui plurimum det, non cujus causa sit optima; & alienæ tranquillitatis, ac opulentiae quasi pertasi, perperuò litem ex lite serunt, ac sub recti specie jurisque obtentu, honesta clam exercentes latrocinia, fidei suæ commissos clientes, quibus summa votorum est citò absolvi, nefariè produnt, & perdunt, pecuniaque emunctos ad inedia, longo litium sufflamine, tandem redigunt, & famem. In quos incidere, crudelius longè censeo, quàm in corvos; nam hi cadavera expectant, & non nisi mortuos vorant, illi vivos. Timeas, illos, & sorices Rerumpubl. meritò appelles, in infamiam seculi natos, & ludibrium Sacrorum *Themidis*, cujus splendorem non vident, dum oculos, animumque habent tantum in auro. Quos si Principes aulis suis ejicerent, nã illi Augiæ stabulum purgarent, & cum Hercule *monstrorum domitores* dici possent. Tu osor, aut insolens aulicarum artium nostri temporis, aliò mentem

con-

converte, & animum. *Iustitia* inprimis tibi si-  
cordi, quæ virtutum omnium Regina est, & Rei-  
publ. benè constitutæ basis & fundamentum: quæ  
Deo cultum tribuit, regibus obedientiam, mayo-  
ribus reverentiam, minoribus comitem, op-  
pressis tutelam, dubiis consilium, omnibus inno-  
centiam. Hanc cole, hanc ama: hæc unica actio-  
num tuarum, imo & vitæ norma sit, & regula; &  
ad quam alios provocas, te ipsum compone, ne  
cuivis alii melius, quàm tibi ipsi consulere videar-  
is. Inauguralem tuam sine præside disputationem  
de nobilissima *Ususfructus* materia, nomini meo  
inscriptam, vidi, & legi: vidi & ampla ac luculenta  
quoque Professorum Academiae testimonia, qui-  
bus te discedentem honorificè condecorârunt.  
Quid dicam? placent: & ista stimulum tibi esse vo-  
lo, & calcar (ita loquor) ut ipsa *Themidis* adyta  
penitiora perlustrares, & pium tuum pectus, legum  
sacratiorum succo ita imbuas, ut quidquid in iis  
laboris collocabitur, id totum aliquando ad Reip.  
bonum, & salutem redundet. Sine qua

*Vile latens virtus; quid enim submersa tenebris  
Proderit?*

Haud magis,

*Quam lyra qua reticet vel qui non tenditur arcus.*  
Vale mi Sgræfwegi: Καμὲ ὡσπερ εἰς ἄστας, ἀπὸ  
φελῶν διατέλει. Pavo meo optimarum partium  
juveni, multam salutem. Delphis.

JOH. CABELIAVIO J. CRO.

S. D.

Hagam. Comitiss.

**L**itteris tuis vir clarissime hesternæ die, manu  
Sgræfwegii ad me datis, nihil mihi gratius,  
nihil dulcius accidere potuit, ita prompti & pro-  
ni in me adfectus plenæ sunt. Caudex aut stipes-  
sim, non homo, si amicitiam hanc quam igno-  
to, & immerenti, tam benignè, tam humaniter of-

B 6

fers,

fers, non amplectar, non exosculer. Est profecto quod mihi gratuler, ei me innotuisse viro, in quo insignis candor & pietas, cum litteratura certare, deque principatu contendere, mihi videntur: ita omnia tua quæ vidi hætenus & legi, *Notæ* singularem redolent & illibatam animi integritatem. Quæ quanto rariora sunt, tanto ea magis in te admiror. Hoc præsertim seculo, quo nescio an ullum multis retrò annis, extiterit doctius; sterilius vero, quod deplorandum, impietatis. Sine qua tamen (audebo dicere) omnem ego floccipendo litteraturam, quantocunque etiam penitioris rerum scientiæ mangonio sit obvoluta. Hæc, hæc vera est, & sola ad Sapientiam via: hæc veræ eruditionis basis, & fundamentum, quæ lato, & lato tramite ad nominis æternitatem ducit. Quam te vir clarissime, ab ineunte ætate, ne dicam materno cum lacte alte jam pridem imbibisse haud obscure ex scriptis tuis animadverto. Centuria enim tua prima epistolarum, quid religiosius? Cum familiaribus tuis & amicis, rebus afflitis, solatia præbes, & ad patientiam hortaris, aut constantiam, in perferendis iis quæ summo illi rerum Arbitro propinare nobis visum, ex tristi suo mœrorum poculo. Quam graviter, piè, sanctè omnia, & ex ipso velut sapientiæ penetrali partitè tuis suggeris, & subministras: ut non amicum, sed medicum agere videaris; ita prudenter cuivis malo remedium applicas, & medicinam. Taceo seria tua ad diligentiam in studiis persequendis incitamenta: acres ad modestiam, & morum probitatem stimulos, quibus torpentes excitas, aut lapsos erigis. Taceo salutaria consilia quibus ardorem eorum & impetum, qui studiis injuriosè seduli, plus nimio impallescent, non sine valetudinis dispendio, amicissimè compescis ac sufflaminas. Quæ tanto verborum lenocinio condita sunt, ut non minus stili elegantia, quàm rationum pondere tuos monere videaris, & ad officium

non

non trahere, sed ducere. Ad *μετάφρασιν* tuam quod attinet, si iudicium expectas (verè dicam & citra palpum) feliciter in ea desudasti. Placet stili nativa suavitas, & elegantia non affectata; placent hinc inde dictionum flosculi, & sententiarum lumina, non minus judiciosè, quam liberè inspersa, serie tractationis illasà; ut gemulæ vestibus acupictis ingeniosè insertæ sine noxa formarum; quæ *παροξυσμα* præli intercurrentia, quæ excusas tanquam leviores naves facile inumbrant, nec operi tuo quicquam detractum eunt. Maestri mi Cabeliavi hoc animo, & scripta hæc gradus tibi sint ad majora, non meta. Sic ingenii tui monumentis, quæ annos ferant, & in seculum eant, inclarescere porro perge: ut nominis tui fama, virtutis ac eruditionis alis subvecta, in ultimas tandem terrarum oras, se diffundat,

*quæ medius liquor*

*Secernit Europen ab Afro:*

*Quæ tumidus rigat arva Nilus.*

Quid refert? regia hæc ad cœlum via est; quam non nisi alta mentes, non nisi generosæ decurrunt animæ. Supina enim, & ingloria pectora, ut nullo laudum ducuntur studio: ita mundi hujus cœno, pecudum more, quas Natura ad pastum abjecit, sordidè adharescunt. Triumviri illi de quibus in litteris tuis, nomine tenus, tantum mihi innotuerunt: nulla mihi cum illis familiaritas, nulla necessitudo. Sed si ad Allobroges excurrendi, si Theodatos, Troncos, Turetinos, magna illa Ecclesiæ, & Scholæ Genevensis lumina & columnina, litteris tuis ad amicitiam invitandi sit animus, en me pararium. Pro munere tuo litterario per mihi grato, gratias habeo maximas, pro quo (libertatem vide & candorem quo jam nunc apud te utor in ipso hoc aditu amicitiae) en tibi *ἀντίδωρον* Logicam nostram, ante annos aliquot à nobis editam, in Scholæ nostræ usum: munusculum exiguum, sed proni & grati in te animi testem. Tu qua es

*Græcia*

*ἡμετέρα* animum nostrum referenda gratiæ cupidum metire, non æstimatione muneris, sed propensa tribuentis voluntate; & quaecunque hoc mutui in te affectus, & amoris pignus, suscipe, quem nulla vis abrumpet, nulla fraus imminuet,

*Dum memor ipse mei, dum spiritus hos reget artus.*  
Idque tibi non per epistolam scriptum, sed velut per syngrapham consignatum volo. De Hebræarum litterarum studio, pluribus aliquando, coram. Interim vale familiæ tuæ decus. Deus generosos tuos conatus, & labores litterarios ex voto secundet, ut Reipublicæ aliquando inservire possis, & patriæ, cui te natum auguror: & in firma hac spe salvere te iterum jubeo carum mihi caput, iterumque tibi à me gratiæ, quas habebō æternum. E musæo meo. 4. Kal. Nov. M. DC. XXXI.

JOH. CABELIAVIO J. C<sup>to</sup>. *suavissimo*  
*amico amicam S. D.*

Hagam-Comitis.

**V**irtus tua est, doctissime Cabeliavi (quam ut veteri fertur verbo, ἡδιστον ἀκρομαθῶταιν) quod laudes quas meritò tibi defero, aure surda præteris, & ad eas verecundari te, jubet ingenua & agnata tibi modestia. Sequitur tamen te gloria, & sequetur, quamdiu hunc premeas sapientiæ callem. Placet interim hæc animi non fucata demissio, quæ incredibiles sui amores apud cordatos omnes, & bonos excitat; ut ex adverso philautia (quam ultrà Sauromatas, & glaciale Oceanum relegendam censeo) justum odiū, & fastidium, animis eorum omnium ingenerat, qui doctam humilitatem venerantur, & colunt. Suffeni enim illi & erudituli, quos distendit opinio, ut utres ventus, quique in mustaceo laureolam quærunt, ingrati mihi semper, & exosi. Nec injuria. Quid enim scientia nostra, quid eruditio, si compares ad immensam illam & inexhaustam  
Sapien-

Sapientiæ abyssum ? quæ sagacissimi cujusque fatigat industriam : quid, inquam, aliud, quàm umbra in Sole ? Ut verè nobis hic exclamare liceat ; *Hec quantum est quod nescimus !* & cum magno illo Hippocrate ; *Ars longa, vita brevis*. Quare desinant vanitatis suæ nugaculi illi scioli , qui in doctorum numero, tantum munus, pene dixeram nihil ; & quod non sunt, nec esse se putent, aut putentur. Maxima enim pars eorum quæ scimus, minima pars est eorum, quæ ignoramus : imò pura est & puta ignorantia , præ illa artium & scientiarum perfectione, quam sequi quidem datur in hac vitâ, non consequi ; deperire, non amplecti. Semper enim hic in via sumus ; & nulla ætas , nullum ingenium, ad ultima Scientiæ, aut Sapientiæ perducet. In DEO hæc perfectio. Vident hoc & intelligunt tui similes , quibus ut natura iniecit ingenuam doctrinæ cupiditatem, reverentiamque posteritatis : ita gloria stimulus est & calcar , quo generosa pectora, sublimesque animæ concitantur ad studium *πολυμαθίας*, quam tamen in se mutilam, & mancam esse , imò nullam , non inviti agnoscunt, quantoscunque etiam in ea progressus fecerint. Litteras ad Theodatum, Troncinum, Turetinum , ubi ad me miseris, per amicissimum mihi hic Delphis virum, cui crebra sunt cum Genevensibus illis luminibus, literarum commercia , prima occasione tutò perferri curabo : meis insuper si voles additis, ut melius, & compendiarie magis via, iis innotescas. Centuriam tuam secundam, avidus expecto, ita mihi in Epistolicis tuis arridet, & placet stili facilitas Attico melle dulcior. Sed heus, mi Cabeliavi , quid tibi in mentem , quod carmen à me contendis honorarium, cui jam pridem exaruit si qua in me fuit venula. Musæ enim illæ quæ exsculpi non solent è quercu , poetarum fontibus irrigari identidem amant, & seria lectione coli, ac usu. Frumento similes, quod nisi subinde ventiletur , facile marcorem contrahit, & situm :

tum : aut vineæ, quæ nisi fodiatur ligone, purgatur sarculo, posita tandem fecunditate degenerat, ac sterilefcit. Ne tamen expectationem tuam frustrari videar, en tibi specimen aliquod conatus nostri poëtici, quæm juris tui facio. Si placent, tuæ sunt & honori tuo dicata. Sin minus edantur, in lucem, & tradantur Vulcano, ut quæ igneus tui amor expressit, in ignem eant. De causa tua quod suggeris, quid ni cogitem? Jubet hoc tui studium, & cura; jubet & Reipublicæ bonum, cujus salus in vero, ac serio virorum delectu. Inde est quod opellam meam in litteris ad Nutium, etiam non rogatus, conferendam, putavi. ἔως γὰρ κατὰ τὸ ἀνελιπτόν τῶν πραγμάτων, & favores bonorum calidè ambiendi, nec numero minus, quàm pondere pugnandum, ut si non prosint singula, multa juvent. Tu si rerum potiaris, cave, felicitatem hanc solus digeris, sed illic ad nos advolent tuæ litteræ, ut gratulari tibi liceat, unaque tecum latri. Salve amicorum intime (& quod verius ego de versu nostro, quàm tu de nocturno tuo calamo) ignosce, imo vide, corrige, emenda sicubi cespitatum. E musæo meo; Delphis IV. Novem-  
ber. M. DC. XX.

Ad clarissimum, doctissimumque Virum.  
Joh. Cabeliavium, alteram Epistolar. Cen-  
turiam edentem.

**N**on eadem nos cura tenet, non omnibus idem  
Est animus, cunctis voto nec vivitur uno.  
Ille fori rabiem, tricasque, & fervida laudat  
Iurgia, conscriptosque Patres, Nemesisque tribunal  
Præsidium, columenque reis. Contra hic irabe vasta  
Regna per undosum fugientia quatitat aquor  
Intrepidus, terrasque alio sub Sole jacentes  
Ardet, & impatiens oçi freta carula verrit.  
Hunc laris immemorem patrii, juvat horrida Martis  
Bella sequi, lituosque inter; tum rauca tubarum  
Murmura, pro patriâ dulcem profundere vitam

Gestis



*Gessit ovans pulchrumque mori succurrit in armis.  
 Ille paterna suis tutus sæcunda caballis  
 Arva colit, tacitusque procul discordibus armis  
 Pinguis Triptolemi committit munera sulcis.*

*Nihilior te cura trahit, pectusque, animumque  
 Sp. us intus agit melior, dum turpia vita  
 Gaudia, dum instabilis ridens ludibria mundi,  
 Pierias conquiris opes, quò fama superstes  
 Equales longè ante alios, te è millibus unum  
 Eximat, excelsumque ferat super aethera nomen.  
 Felix ô nimium felix, cui tantus ab annis  
 Surgit honos, meritisque datur prævertere laudem  
 Iam fractos ætate senes. Te gaudet Alumno  
 Patria Musarum sedes; teque ipse tumescit  
 Mosa viro, viridesque sonant tua nomina ripa.  
 Perge agedum, famamque tuis extendere scriptis  
 Ingenii sit Sparta tui: sic itur ad astra.  
 Non omni moriere, tui pars optima tristem  
 Vitabit Libitinam, atraque oblivio mortis.  
 Musa suos vetat ipsa mori, Cæloque perennes  
 Alma beat, vitæque per alto famine, tandem  
 Suscipit, & latos meliori in sede reponit.*

JOH. CABELIAVIO J.C<sup>to</sup>. S.

Hagam. Comitis.

**M**iraris fortasse silentium meum, doctissime Cabeliavi. Sed en tibi causam! Negotiis plusculum districtus per aliquot dies, mellitissimis tuis litteris respondere hætenus supersedi. Tu me pro humanitate tua & *ἡμετέρα*, culpa hac, si qua est, libera. Trinas tuas quas apertas ad me miseris, tumultuaria quidem cura, ob temporis angustiam, legi: sed mirum in modum mihi placuere, subiitque animum admiratio insignis tuæ cum verborum, tum rerum copia, super uno eodemque argumento, tam affabrè variatæ, ut per jocum mihi & ludum fundere videaris. Mihi crede, allubescit vir amicissime, iterum dico, allubescit.

befcit mihi, magis magisque tuum illud fcribendi  
 genus, doctum, facile, & fine curâ ulla accuratum,  
 averfiffimum quoq; ab omni fucô. Næ tu Latini-  
 tatem authorum, & elegantiam imbibiffe, & in-  
 defeffo ftudio, Romanum illum inprimis Sa-  
 pientem, in fuccum mihi vertiffe videris, & in  
 fanguinem: ita fententiofi tui ftili me delectat  
 brevis & fuccincta fuavitas, nullis calamiftris aut  
 pigmentis infufcata. Supellex hæc litteraria, non  
 ocreis paratur & calcaribus inauratis, non gladiis  
 lateri accinctis, non capillorum luxuriantium cir-  
 ris levorfum in humeros molliter defluentibus,  
 non choreis, & tripudiis, folita huic ætati lascivia;  
 non denique mero titubantium graffationibus  
 intempeftis, & fcintillante gladiatorum attritu ad  
 ftrata platearum, tanquam, fi Hannibal efferet ad  
 portas, ut hodie *Batava* fere noftræ *Stoa* funt  
 mores, fed infracto labore, & pertinaci, authorum  
 lectione, & ufu. Quæ quò graviora funt laborifu-  
 gæ noftræ juventuti, cui fere, blandientis inertix  
 dulcedine, unum hoc opus eft, *Ambulare* & *Nu-  
 gari*, aut inter pedinem & fpeculum occupari; eò  
 rariores tui habes imitatores. Citius enim opi-  
 nor filiam fuam *Ceres* invenerit, quàm illi ho-  
 ræ quam *Minervæ* impendant. O viveret *Per-  
 fius* quàm luderet in hos luxuriæ & vanitatis tri-  
 bunos! At quàm egregiè fibi iwent confultum, fi  
 tua hæc in parte premerent veftigia, & poft habitis  
 illis aut mentitæ nobilitatis, aut *Martis* infignibus,  
 virtuti litarent, & fapientix, viamque fibi fter-  
 nerent, ad veram nominis & famæ nobilitatem,  
 quæ longè fuprà folium, fuprà tiaras, & fceptra  
 regum exfurgit. Sed hæc *ἐν πρῶτῳ*. Fruftà  
 enim fine *Morum tyranni* fuffragio, cenfuram mo-  
 rum exerceo, & nitor contra torrentem. *Hydræ*  
 caput amputare contendit, fi quis morem inve-  
 veteratum tollere fperet. Litteras tuas ad Trium-  
 viros noftros, non in gloria nomina, transmittendas  
 curavi, measque addidi, ut fidem meam apud te  
 liberem,

liberem, & expectationi tuæ satisfiat. Nullus dubito, quin fraternam tibi (si probè eos novi) amicitiae dexteram sint porrecturi, & tuam in litteris humanitatem exosculaturi. Typographi tui lentam incusas manum. Nihil mirum: ita sunt, & plus satis explorata mihi id genus hominum fastidiosa procrastinatio, & tarda seguities: nisi forte morem & disciplinam eos æmulari, quis dicat Maximi illius qui *cunctando restituit rem*. Bone Deus! quàm illi verè Lentuli, patientiam nostram in Thesauro Catechetico gallicè nuper edito, exercuerunt! quories me etiam sub prælo operis incepti subiit pœnitudo? Sed quid agas? ferenda imò devoranda hæc tadia. frustra etiam nos vexat, & urit, quod emendari non potest. De litteris meis quod suggeris, id totum ut arbitrio, sic & prudentiæ tuæ committo. Non enim tantum ego mihi tribuo, ut ea quæ in amici sinum, minus fortassis perpolita, & subacta effudi, publicare audeam, & docto huic seculo exponere. Optarim res tuas auspiciatum brevi sortiri eventum. Sed aliter Deo visum, qui spes nostras ludere interdum videtur, aut aspernari, quò preces nostras stimulet, & acuat. Citò enim data vilescunt; at diu, multumque desiderata dulcius obtinentur. Tu interea obdura, & in quem descendisti campum, petitor, persta. Unde ut referre pedem non potes sine conscientia imbecillitatis, vel nota inconstantiae: ita vota tua in tempore hic aut alius vesper vehet. Vale vir *ἐμὸν κεχαρισμένον θυμῷ*, & fac brevi te videam, teneam, amplectar, & animos ac sermones unà misceamus. Interim ignosce & indigentiae, & brevitati litterarum. E musæo meo, alato ut vides calamo, VI. Januarii M. DC. XXXI.

*Volckero ab Oesteruvijck Illustrissimorum Ordī-  
num apud Venetos Oratori à Sa-  
cri S.*

Venetias.

O Ccupationes meæ, vir doctissime, solito fre-  
quentiores, plusculos dies mihi abstulere, &  
me tibi. Sed ignosce, & scribendi animum, quem  
aliquandiu habui, agnosce. Literas tuas nup-  
eras accepi, mero amoris melle stillantes, & af-  
fectu. De quo etsi nunquam subiit animo dubi-  
tare: fit tamen, nescio quomodo, ut omnis aper-  
ta illius, & non fucata significatio, accepta mihi  
sit & perjucunda. Novitium nostrum foetum,  
Thesaurum Catecheticum nuper editum, tibi  
probari gaudeo, & iudicium tuum de eo mihi  
gratum. quanquam (ita ut fit) ab amore magis no-  
stri profectum, quàm operis merito. *ὡς γὰρ οἱ  
ὀμίχλης τὰ σώματα, ὅπως οἱ ἀγάπης τὰ ὡφέ-  
λματα μείζονα φαίνεῖ.* Ut per nebulam corpora;  
sic per amorem, & adfectum, res videntur majores.  
Quam curta enim mihi sit supellex, nec aurium  
docti hujus seculi, non invitus agnosco. Vadum  
tamen hoc, suasu amicorum, tentare sustinui & in  
publicum famæ theatrum prodire: non ut glorio-  
lam inde referrem, à qua semper natura fui alie-  
nus, sed ut concreditum mihi, foenori darem ta-  
lentum, & rudiorum in Ecclesia ædificationi meâ  
hac qualicunque opella inservirem. Sed quid au-  
dio? Itane conjunctissimus tibi Symmysta Rous-  
sellus, obiit? itane morte inopina, tibi, suisque ere-  
ptus? Hen! homines quid sumus? Quàm totum  
hoc vivere, lubricum, breve, nihil. Equidem est  
cur doleas, *εἶλα γὰρ ὃ δὲν κτῆμα τιμώμερον.* Ami-  
sisti (verè dicam) amicum re, non nomine; ami-  
cum candidum, literatum, & qua erat probitate,  
& prudentia, eximium ductorem vitæ, & docto-  
rem; in quo virtutes simul omnes viguerunt, quæ  
fin-

singulæ in omnibus prædicantur. Quæ quò majora fuerunt , eò gravius te torquet & urit tanti viri jactura. Cave tamen plus nimio te maceres , & fibulam laxes dolori. Cogita jucundissimum esse quod habuisti , humanum quod perdidisti , & inesse rebus cunctis quendam velut Orbem , ut quemadmodum temporum vices , ita doctorum vertantur.

*Aqua leges necessitas  
Sortitur insignes, & imos.  
Omne capax movet urna nomen.*

*Dives ne prisco natus ab Inacho  
Nil interest, an pauper & infima  
De gente sub Dio moreris  
Vidua nil miserantur Orci.*

Omnes eodem tendimus , imò omnes eodem cogimur, serius, ocysus, fors exitura. At inquires , in isto ætatis flore? Quasi verò non hoc meritis sit Christus morte sua , ut vivis dominetur & mortuis! Et scillius sumus (ut esse nos oportet) cur non vitæ & mortis in nos arbitrium habeat & potestatem? Ignis quo clarius fulsit , citius exstinguitur. Sic ingenia quo illustriora , breviora sunt. Eripit se aufertque ex oculis perfecta virtus , nec ultimum tempus exspectant , quæ in primo maturuerunt. Sed quæso te quid hæc vita , cujus diuturnitatem tantopere suspicimus, tanti æstimamus, quid aliud quam laboris & periculi plena peregrinatio? quàm miseriarum, & calamitatum palæstra? quàm scena? quid dico? scenæ imago , imo nihil? Quid vota nostra hic aliud quam fumus, umbra & umbrâ minus? Quam fragiles spes nostræ? *quam fallaces & inanes contentiones , quæ in medio spatio sæpe franguntur, corruunt, & ante in ipso cursu obruuntur.* O beatum ergo illum quem in lubrico stantem , & hoc corpusculi ergastulo liberatum , Deus in vitæ firmioris portum transtulit , ex turbulento hoc , ac procelloso mundi pelago. *In quem si quis intra pri-*  
mos

mos vegetæ & florentis ætatis annos delatus est, non magis queri debet, quàm quicquid navigavit. Alium enim venti segnes ludunt, ac detinent, & tranquillitatis lentissimo radio lassant: alium pertinax flatus celerrime perfert: Idem evenire nobis puta. Alios vita velocissime adduxit quò veniendum erat, etiam cunctantes; alios maceravit & coxit. Quid? tu vitam hanc quam vivimus, dierum numero, & temporum intercapidine mensurari credis? Absit. Vixit, cui omnis hora ultima, omnis prima. Sat vixit qui benè: & canitiem ego laudo, non annorum, sed morum. Inò senium, id est senilem cum gravitatem, cum prudentiam, multi maturè, & ante senectutem adipiscuntur: plerique nunquam, qui etiam senes vitia retinent puerorum. At ephemerica licet & dialis sit vita proborum, implent tamen dies suos, & eos summus ille rerum arbiter non ante diem, non præmaturè, sed opinione nostra, inò spe & voto, citius eripit ex hac valle lachrymarum: ut adversus mortem qua nihil certius in ancipiti hac vita, tempestivè, inò in singulas nos horas muniamus. Nihil hic subitum, nihil inopinum nobis, nihil improvisum esse debet. In omnia præmittendus est animus. Sed tantum virum inquires? Curiosè nimis mi homo; ne rimare, sed mirare hic mecum Dei judicia, quæ occulta quidem multa esse possunt, nulla injusta: & quæ quoties à me cogitantur, vincor magnitudine, & redigor ad silentium. Elephantès ajunt, et si fluviis impensè delectentur, haud temere tamen eos ingredi, cum inscii sint natandi. Idem hic. Cave temeritate pecces, aut licentia. Noxæ enim hæc assimilari humanitus non possunt, non debent. Alia apud Deum trutina est, aliud tribunal, & quomodocunque se recondita illa sapientia celestis arcana habeant, non culpanda ea nobis, sed ferenda & verenda. Nimirum seculi hujus pravitas, & licentia tantum non metuere virum, nec Ecclesiæ ingratiitudo, tantum lumen, *ὁτι* γὰρ, ut præclarè alibi Philosophorum ille

ille princeps Plato, βέληται Θεὸς εὖ παρὰ πόλιν, ἀνδρας ἀγαθὸς ἐποίησεν : ὅταν ᾧ μέλλῃ κακῶς παρὰ πόλιν, ἐξῆλε τοῦ ἀγαθὸς τῆς πόλεως ὁ Θεός. Imò majorum hæc malorum non raro solent esse præfagia. Ut enim hirundines, tacito naturæ sensu, pullos suos ex ædibus ruinam minantibus auferunt, & alibi tuto deponunt : Sic piorum animæ hinc paulò antè emigrant, quàm ærumnosi & labantis hujus mundi ruinis, & calamitatibus implicentur. Sed quid diutius me teneo? quid ambages longius quæro, & diverricula, quibus in tanti viri obitu adversus jacturam longè graviores terminiam? Ut in mari unda undam trudit : sic in hoc vitæ salo, multa falsa & amara: dolor dolorem excipit, calamitas calamitatem; & *quid quisque vitæ, imò lugeat, nunquam satis homini cautum est in horas. Trica enim & spina hæc omni vitæ, & falleris si quaris in ea gaudiorum flores. Abeunt hæc vana, & nos abimus : & abiit ultimum tibi visa, abiit dico dulcissima tua mater : fecit quod facere nata erat, ad cœlestem suam patriam (ita sperare Pietas ejus jubet) commigravit, & viam quam ituri, beatæque illas sedes quò & nos aliquando redigendi, suo à nobis discessu, & exemplo, præmonstravit. Verbo : ad meliora ivit, ad puriora, lætiora, pravis, turbidis, tristibus his relictis. Natura hîc doloris recens, suas fundat lacrymas : (nam non sentire mala sua, non est hominis; & hominem te esse scio) sed quas ratio temperet, patientia leniat, pietas extergat. Ut enim flere humanum est, non commoveri beluinum : ita tristitiam suam moderari & luctum, christianum planè, & homine religioso dignum. Ad hanc animi moderationem, & in acerbissimo hoc casu patientiam, quanquam te iis præfidiis instructum scio, quæ animæ christianæ, non minimo possint esse solatio; hæc paucula tamen habe tristitiæ tuæ ab amico remedia, si non, quod optem ἀλξίνεκα, saltem quæ aliquod dolori tuo adferant lenimen-*  
tum

tum, & luctus tui ardori frigidam suffundant, rerumque humanarum instabilitatem miserari discas, mirari desinas. Unum est vir doctissime, certum ac firmum consolationis genus, ut mentem ad eas meditationes perpetuò revoces quæ nobis à summo illo magistro, in veritatis schola dictantur. Matrem quam à Deo acceperas, Dominus recepit? & tristi hoc divortio filium dilectissimum, maternæ senectæ scipionem, divisit à matre, & matrem amantissimam à filio? O triste discidium! Sed apage à te vanas illas, & impias stultorum hominum querelas, O dura mors! ô Parcæ inexorabiles! Queri enim hîc aut angî mollitia est, reluctari infania. Deus qui in hac vitæ statione ad tempus eam locaverat, evocavit. Si Deus: quid quereris? Jus suum tenet, in dando, & adimendo. Culpæ potes aliquid mali in eo, & ab eo, qui Bonitas, & Benignitas totus? aut si quid mali quid nisi hoc unum quod indignaris, & quereris. Quod à Deo factum audis, cogita, non temere, non fortuito, sed eo consilio, quo non modò nihil nisi quod æquum & justum, sed nihil etiam nisi quod bonum ac salutare nobis providet, decernit, vult. Ubi justitia & æquitas, quis reclamare audeat? quis obniti? Ubi verò cum æquitate illa, nostra quoque conjuncta est utilitas, & salus, cujus ingratitudinis foret, non æquo, non moderato animo suscipere, quidquid benigno huic Patri nostro placuerit? & quem sequi & obsequi, prima sapientia est. *Uti fumus & caligo quamvis crassa, cum sublata est dissipatur, & spargitur: sic dolor omnium cum mens ad supera fertur, & aterna.* Cave tamen putes id me abs te contendere, ne doleas. Nam hominem lugere, humanum est; parentem, piûm est quoque aliquod calamitatis lenimentum, dedisse lacrimas malis, quæ pietatis indices sint, non doloris, & pectus laxasse suspiriis. Contrà nulla major est pœna, quàm esse miserum, nec videri: sed satis luxit, qui affectum suum ostendit; nimium qui ostentavit.

Quare



Quare ut hanc in Schola Christiana non didicimus Philosophiam, ut eam quam nobis Deus indidit humanitatem exuendo in lapides mutemur, & in saxa: ita fufis quæ naturæ, & matri debentur lacrymis, volo tandem ut te recolligas, & iustissimo tuo mœrori finem statuas & modum. Quorsum enim nimius iste luctus, & dolor? quorsum lamenta hæc, & suspiria? quæ animi mollitiem magis, & impotentiam arguunt, quàm verum in parentem, affectum. Vitiosum est ubique quod nimium est. Erige te, mi Volkere, & mortis huius maternæ acerbiteratem, hæc cogitatione tempera, *debuisse mori, voluisse mori, mortuam*, sed in Domino, sed morte iustorum, sed morte placida; addo & opportuna, si tempora, & ea quæ circumstant, adspicis. Quid? nesciebas mortalem esse, & ad hanc legem natam? Quid igitur doles? & in unâ, ubi tam frequens, & assidua, iactura est? *Ridemus, si quis cum tributa populariter danda sunt, lamentetur, & sortem suam accuset, quid ita? quia omnes cum dant, non superbe solum, sed stultè facit, qui se vult eximium, aut exortem. In hoc humani generis, tributo, cur non sic affecti simus? cur fatua mollitiæ querelam, & planctum miscemus? cur miramur aliquid nos amittere, amissuri uno die omnia? Adversus hunc casum te jam pridem instructum oportuit, & præmunitum. Quæ enim multò ante prævisa sunt, languidius incurrunt; &*

*Bene præparatus rebus adversis homo,*

*Quidquid futurum præstolatur, excipit.*

Mortuam luges? sed quid hîc novum? hoc ipso quod homo natus es, mori natus es. An hoc insolens, filium iusta fecisse matri? cotidie fit. Quæ familia, quæ domus omnem omninò orbitatem vitavit? Ducere te quoque ad tragicam hanc Scenam Deus voluit: cur renitentem, aut invitum? Matrem abducere: cur ab invito? Mori: sed quid hic mali? Requies enim illa, & vera vita; aut si quid in ea mali, malis tantum. Exinctum credis?

C

Viva

Viva est & superstes, nec esse desiit, sed cœpit, quia novo vitæ exordio. Amissam? non est, sed præmissa, cœloque nunc recepta, immortalis ad immortalem illum patrem, ex alto res mortalium despicit, & pro brevi, turbida, & impacata vita, æterna ab æterno, in æternum, cum æternis illis mentibus, nunc fruitur, quæ curarum, turbarumque expers. Optes dulcissimo ejus adhuc frui consortio? sed injuria sunt vota tua in eam, quam amâsti unicè, quod malis jam liberam, & bonis omnibus extra omnem sortis vicissitudinem, abundè cumulatam, crudeliter officiosus, retractum is in hanc vitam, miseriarum omnium, & calamitatum officinam, & è Cœlo in cœnum. Quis enim bonus optet pessimo hoc ævo esse diuturnior? quis in fluctibus & procellis his rerum, vitalior? Optima hæc lugendi defunctos ratio est, non tam in mortalitate parentum, quàm exuerunt deploranda, quam in nostra seriò meditanda occupari: ut multò ante mori discamus, quàm moriendum est, ne nos incautos opprimat nigra illa Dea, sed paratos ad iter, & succinctos quocunque etiam die, & loco. Nullis illa gravis est, quam quibus est repentina; facile eam sustinet, qui semper expectat, & corpus suum non aliter adspicit, quàm vinculum aliquod libertati suæ circumdatum. Vale vir doctissime, & me ama, huncque ineuntem annum, atque alios felix vide. Delphis XX. Ianuar. M. DC. XXXI.

JOHANNI POLYANDRO S.S. *Theologia Doctori & Professori in Academia Lugduno-Batava S. D.*

Lugd. Batavorum.

**M**editationes tuas, Vir clarissime, in Psalmum 6 à Cabeliavio nuper versas, vidi & legi. Quæris quid sentiam? Materia in iis seria, ordo facilis, tractatio solida, *πορίσματα* non coacta, sed

sed ex intimo Scripturæ penu, deprompta, & vel sponte è textu fluentia. Quam in Sacris enodandis ἀνεύρεται, ut in te laudo: ita eorum tantum est, qui ex magni illius gentium doctoris Pauli præscripto, Prophetarum oracula, & Apostolorum didicerunt ὁρδομεῖν, & ἀπὸς τοῦ πλὴντος ὁικοδομῶν διατίθεν. Perge vir doctissime, perge inquam, scriptis, ingeniique monumentis publico inservire. Regia hæc ad famæ, & nominis immortalitatem via est. Hac præsertim ætate, in qua omnia defæcata, ac longo rerum usu, & succo penitioris Sapientiæ delibuta. Filium meum curæ tibi esse, ex animo gaudeo. Certè perpetuò me tibi devincis, quod candidissimum tuum in me adfectum, etiam in eum derivas, qui mihi apprime charus, ejusque institutioni tam seriò incumbis. O fortunatum adolescentem, cui tam auspiciata contigerunt juventutis suæ formandæ, adminicula. Faxit Deus (quod mihi unice in votis) ut insignem hanc in studiis proficiendi opportunitatem strenuè arripiat; quò tantorum virorum institutione defunctus tandem, Ecclesiæ cui natus est, & ab incunabulis dovorus, utilem aliquando det operam. Ad me quod attinet, est & erit æternum hæc mihi mens, colere te, & amare: & prius,

*Extinguet Ortus, referetque occasus diem.*

*Pax ante fida, nivibus, & flammis erit:*

*Et Scylla Siculum junget Ausonio latus,*

*Priusque multò vicibus alternis fugax,*

*Euripus unda stabit Euboica piger,*

quàm hujus tui in nos adfectus, me capiant oblivia. De obitu conjugis, molestum mihi audire: idque ex meo sensu. Nam & ego hanc olim jacturam sum expertus. Hic quid agas? Duo sunt vir doctissime, quæ solari te debent: & communis illa naturæ lex, quam cæcus est qui non videt, stultus qui non cogitat: & quod paterna Dei benignitate, dulcissimo ejus consortio, diutissimè, & præter communè morem, potitus es. Nam si quid ultra

punctum, horam, diem, annum vivitur, donum est, non debitum, & in gratia ponendum, ac lucro. Ad extremam pæne ætatem, illa tua costa, & vitæ socia venerat. Vidit in te, liberis, conjugio, re familiaris, quæ voluit. Quid felicitatis ejus cumulo adjici? quid ultra ei, gaudii accidere potuit, imò quid non doloris? Ætas illa infirma, tremula, decrepita in qua obiit, tot incommodis, tot malis obnoxia. Ætas hæc publica, tot vitiis, & calamitatibus: ut felices meritò censeamus, & verè μακαρίτας, qui educti; contrà nihil nisi misérias propagari illi voluerit, qui vitam. Homines sumus & illa fuit; illi humanum accidit, accidet & nobis. *Ut in mari fluctus fluctum subquitur, & ordine in litibus illisi, pereunt: ita nos mortales. Σοφτεία τίς ἐστὶν ὁ βίον ἐκείνου, & αὐτὴ μακροὶ & ποικίλη* nunquam hic quies, nunquam otium. Quid ergo? Votis, votis comitanda est, quò abiit, nec ad terrena hæc revocanda, & misérias humanas, quas qui seriò perpendit, quid in vita eum teneat? quid alleget? & quis cum portum Deus ostendit, refugiat, & eligat jactari? Certè nihil potest esse stultius, nihil indignius, quàm ad præmia cælestia, non obsequio voluntatis adcurrere; sed necessitatis vinculo, invitum trahi. Sed ea multorum est dementia, ex nimio solutionis, & mortis metu, ut vivere etiam optent, ut vivant. Tolle hunc, vitæ amorem sustuleris, nec dubito quin plerique faciant, quod ille Apostolorum non è minimis, qui optabat dissolvi, & esse cum C H R I S T O. Quid enim hæc vita, nisi calamitatis tabula; & cui in ea unquam, tam exactæ felicitatis gaudia contingere, ut nihil ei relictum sit, quod gerneret? Solum impediri solem perperam putes, haud minores vitæ hujus nubes sunt, ne dicam tempestates. Sæpe curis, mœrore, luctu obfuscatur animus, sæpe damnis, ærumnis, calamitatibus inhorrescit. Aliàs nervi nos, alias pedes vexant: nunc ejectio, nunc catharrus; nunc de capite querimur, nunc faucibus,

nunc

nunc ventre. In tanta ægritudinum venientium, abeuntium varietate, quis vivere adhuc amet, aut mori metuat? Plura non addo; qui hæc & talia meditanda in hoc casu à te sciri, & usurpari scio. Tantum abest ut constantiæ tuæ, animique celsitudini in adversis, diffidam. Sed officii mei apud te, aliquod saltem exstare volui documentum. Quanquam si & mea sollicitudo, nimis fortasse tibi anxiosa videtur, eam pro eximia tua humanitate boni consules, tanquam ab ingenuo erga te amore, & adfectu, profectam: quem in charta ista consigno, & testor. Vale vir doctissime, & à me salve, qui æternum tuus. Delphis M. DC. XXXI. 6. Kalend. Febr. Saluto ex animo Rivetum, conjunctissimum tibi collegam.

JACOBO CRVCIO filio S.S. Theologiae  
studioſo, Pater S. D.

Eodem.

ET literæ tuæ valdè mihi gratæ, fili, & prospera tua valetudo. Sed illud longè gratissimum, quod profectus tui egregium in lingua Gallica mihi dederis specimen. Hæc si ad latinam, græcam, hebræam, accedat, mirum quanto tibi aliquando futura sit usui, quantumque ad exornandam Spartam illam momenti sit allatura, cui te ἐν ταῖς ἀρχαῖς ἐπιστήμασι, & à puero, devovi. Ut rorem & imbrem, etiam adultæ segetes poscunt: ita sublimiores scientiæ, literas. Copiam majorem, & elegantiam, quam in te desidero, supplebis frequens & indefessa lectio authorum, qui hæc in parte excelluerunt. Quales sunt Amiotus, Bellaius, Duvalius, Ronfardus, Garnerius, Salustius, Flessaus, Molinaus, & id genus alii. quorum dictione, phrasi, stilo, quid purius, tersius, elegantius; addo quid gravius, & sententiosius, dari possit non video. Hi tibi semper ad manum, & in manu, etiam feriant, & inter ambulandum, in tuo jugiter sint

comitatu. hinc Gallicismi tui succum trahe, & li-  
 quorem. *Vt enim apes è variis varios colligunt saccos*  
*sed eos suo spiritu mutant ac digerunt, alioqui non fa-*  
*ctura mel:* Sic evol vendi sunt autores, sed quod legeris,  
 in tuos usus transformandum. Sed quia nobili illi fa-  
 cultatum reginæ, THEOLOGIÆ dico, ferviunt  
 tantum, & adminiculantur; sic ad studium lin-  
 guarum incumbere, ut cœlestem illam, & divinam  
 sapientiam, præ aliis amplecti, præcipua tua sit cu-  
 ra, ne neglecta Penelope, famulis ejus tantum ad-  
 hærescere videaris. Quæ tamen ipsa, quoniam sine  
 pietate, & morum modestia, nulla est; cave fili,  
 cave inquam ne quid labis aut maculæ trahas, ex  
 consuetudine eorum, qui improbitatem, ne prima  
 coitione appareat, astute simulant, & sub mentitæ  
 pietatis velo, quidquid in se vitiorum est invol-  
 vunt, nec non aliqua specie rationis incrustant,  
 quò fucum faciant incautæ juventuti. Scorpio si-  
 miles, quem si manu tractes, ludere paulisper vi-  
 detur, at mox obliqua cauda ferit: ita nequities  
 eorum eò blandior est, & diligentius regitur, quò  
 propius accedit, & periculosius se insinuat. Capras  
 nunquam sine febris, ait Varro, ideoque dentem  
 earum, & salivam arboribus esse, venenum. Verè  
 illi perpetua bonos depravandi, febris laborant, &  
 in quos inciderint venenato afflatu ita inficiunt,  
 ut vel unica vitii scintilla plus inflammet, quàm  
 uberrima monitionum flumina restinguant. Id-  
 que prudenter observavit ingeniosissimus Vates,  
 apud quem in Metamorphosi temeraria mulier-  
 cula plus nuâ dictiuncula Phaëtoni juveni nocuit  
 ad superbiam, quàm prudentissimi patris elo-  
 quentissima oratio prodesse filio potuit ad mode-  
 stiam. Sic Chereæ dum suavit joco Terentianus  
 ille Parmeno in domum meretriciam deduc-  
 ceretur, pro Eunuchis, tantum hac arte pro-  
 fecit, ut Cherea fecerit serio, quod Parmeno  
 suaserat joco. Hos surdæ nequitie magistros (quid  
 ni sic appellem?) tanquam Sirenum cantus fu-  
 ge:

ge : nec minori cura quam navigantes brevia , & fyrtes,

— *hic nigra succus toligini, hac est*

*Aerugo mero.*

à qua cum lædi nihil timeas, jam læsit. Alios qui vitæ petulantioris licentia ebrii, Academiam, Musarum illud Sacrarium, doctrinæ & honoris sedem pessimis suis moribus contaminant, nihil moror. Scio enim te natura disparissimū iis, quos noto; tantum abest ut te in vitiorum suorum societatem pelliciant. Vt enim radii solis in sordes aut tenebrosa loca coniecti, illustrant, non inquinantur: sic piæ animæ inter propudia hæc morū, splendent nihilominus vera virtutis suæ luce. Sed majus tibi periculum à primis, qui ut aliud verbis ostentant, aliud corde meditantur; ita eorum consuetudo tanto nocentior est, quantò venenū suum cautius inspirant & instillant credulitati bonorum eosque non obesse illicò, contagis suæ affrictu, deprehendis, sed obfuisse. Torpedo piscis haud nocet, nisi contactu, sed virus suum etiam ab ære per linum, & arundinis internodia ad piscatoris manum mirè transmittit. Sic improbi illi non nocent, si nihil cum illis habeas commercii: verūm quacunque consuetudine morum venena afflant, & ut polypi quidquid tetigerint, tenent. Bona nobis, de te, & studiis pollicemur; tu vide ne quid tibi mali à malis, & ne hanc virtutis, & gliscentis doctrinæ messem, quæ adhuc in herba est, depravent pravi. Vt enim in magna strage, alius alium trahit in ruinam: ita in publica morum barbarie, alius ferè alium ad vitæ licentiam, quæ una janua, & aditus ad omne nefas. Ætas quam degis, lubrica est, & ad vitia non prona tantum, sed præceps, in qua si non laberis, haud exigua spe ducor, fore studiorum tuorum metam feliciter, & cum laude pertingas. Salve, & per te Esaias Praten-sis, vir (invidia audiat) ut planè bonus, & amore dignus, ita ab omni fuco alienus, ad exemplum

antiquæ simplicitatis. Delphis. Propriid. Kalend. Februarii M. DC. XXXI. statim à tuis litteris acceptis.

JOHANNI PAVLI HALLINGIO  
*studioſo S.*

Eodem.

**T**anto me amore proſequeris, mellitiſſime Hallingi, ut in humanitatis notam effugere non poſſim, niſi tibi in amore reſpondeam. Quis enim adeò à gratis omnibus alienus, cui non grata ſit illa morum tuorum ſuavitas, ac urbana modeſtia, qua vel maximè feros ac ferreos in amicitiam tuam pellicias, & trahas; Tantum etiam apud me potuit, ut totus amore tui incandeſcam, benevolumque hunc animum, ex animo complectar, atque exoſculer. Maſte adoleſcens, & inſignem hanc tuam humanitatem, morumque elegantiam, humanioribus litteris, & quod caput, pietatis ſucco inprimis tempera. Mirum, quot & quantos tibi amicos conciliatura ſit, & adamantino quodam nodo nexos, æternùm tibi devinctura. Proſperam tuam intelligere valetudinem, ex tuis, fuit per mihi gratum, ſed longè gratiſſimum, quod ſtudia tua ſeriò tractas. Ita certè oportet. Quæ parentum ſit exſpectatio, quæ amicorum omnium vota, quæ & mea de te ſpes, quæ tua denique ſit ætas, vides. In hoc Vere, niſi virtutis, doctrinæque ſementem feceris, fruſtrà fructum exſpectes, imò fruſtrà ſine literis nomen. Sed & in hoc ſtudiorum tuorum curſu, unum te moneo; ne deſlectas. Vaga enim & deſultoria ingenia, qui problem? qui dum leves, & nullius ſeriæ curæ, ἀτάκτως, & nullo ordine, per omnia vagantur, operoſè nihil agunt. Et quemadmodum mulieres quæ uterum ferunt, ad ſalubria ferè naſeantes, pannos avidè vorant, aut carbones: ita hi rejectis, ſuperbo ſaſtidio, optimis authorum ſcriptis & utilioribus



lioribus Musis, unde doctrinā hauriant dum otio abundant pene ad languorem usque, & inertiam, nugis, fabulis, ineptiis, aridisque argutiolis segniter ætatem terunt, & verā sapientiæ segeti inspersis tribulis, ociosè adhærescunt. quo fructu? momentaneæ voluptatis, & ut tempus suum, imò & se fallant, dum interrupta lectione velut ex equo in equum se trajiciunt; ab hoc scriptore, in alium; ab isto argumento, in illud. Quo fit ut frustrā tandem habita parentum spe, ab Academia nihil nisi ignorantiam reportent, ac studiorum cruditatem: alti quidem animo, sed in ista altitudine, & fastu, alti tantum, hoc est suffeni, vani, superciliosi, & qui, præter doctrinæ speciem & fucum, nihil habent. Feminis haud absimiles, quibus perinde est, num proceritas, quā tantopere amant, vera sit vel ficta, subditis nimirum calonibus. Tu hos fuge: & si consilio meo vives, ad solidam eruditionem linguarum, & artium pulcherrimo comitatu decoratam assurge, firmo & fixo pede in studiis, desuda: quæ fores aperiunt (liceat ominari) ad dignitatem & honores: addo & opes; nam earum etiam hîc seges, nec paratior alibi aurea illa messis. Non multa lege, sed multum: non quosvis auctores (quis enim finis?) sed bonos, imò optimos; non qui aures demulcent, sed animum solidiore sapientia pascunt, & mentem doctrinā imbuunt. Distrahit enim animum librorum multitudo, varietas obruit, vanitas corrumpit. Et ut oculi etsi acres supra & infra simul intueri nequeunt: sic nec mens nostra uno tempore dare se ad diversa. ὁ χρήσιμ' εἰδώς, σοφὸς, ἔχ' ὁ πολλὰ. Stulticia est cui nihil constat, nihil diu placet. Quos sub disciplina mea in literis, & philosophia, progressus feceris, & tu scis, & omnes qui te norunt. Hunc doctrinæ fruticem ne exarere patiaris, aut extinguere, sed natum hîc, & feliciter eductum, ale & fove ingenii, & diligentiae tuæ radiis, in illa quā nunc versaris Musarum palæstra, ut dulcissimos,

ex eo aliquando fructus capias. Quod futurum omninò est, si in hac auspicata feliciter studia, quo pede cœpisti, diligenter incumbas. Sed absit (iterum moneo) hic ἀταξία. Gravioribus maturinæ destinentur horæ, ut philosophiæ, & linguæ græcæ: pomeridianæ, Latinitati dentur & stilo; cui formando haud parum faciet lectio Ciceronis, Terentii, Plauti, Quintiliani, Senecæ; aut si magis historiæ placent, Cæsaris, Curtii, Livii, Sallustii, Taciti. O sapientem qui hic sapit! Qui ad hanc segetem venit, manipulos frugum colligit, & in usum suum recondit. Rideo enim & jure, illos præmaturè sciolos, qui spreto linguarum, ac philosophiæ, præsertim Logicæ studio, χερσὶν αὐτοῖς, & cœco quodam impetu, ad lus ita properant, ut vix Ladas aliquis, aut cum Pegaso suo Perseus; & tum demum egregios se credunt Iuriconsultos, & Themidis filios, si legum superficialia cognitione imbuti, cætera ingorantissimi, primoribus (quod ajunt) labris Iustinianum suum delibârint, aut Codicem. *Nam ut rosei quidam colores recenti opere, ac arte belli ac vivi, cum senio expallescent: sic ingenia illa præcoccia tandem exsiccantur, ac deficiunt.* Tu cave ne stulta hæc, & barbariæ proxima, in animum tuum irrepat opinio, quæ eruditionis omnis veræ ac doctrinæ inimica est, artium liberalium contemptrix, & linguarum præsertim Græcæ, pessima profligatrix, à qua morbo magis, quàm studio non minus, mihi abhorrere videntur hi tenebriones, quàm canis à Nilo. In qua tamen ego non minimam doctrinæ partem collocandam esse statuo. Imò si linguæ alicujus præstantiam æstimare velimus, quid hac una communius? quidve ad disciplinas capeffendas utilius, ac magis necessarium? nempe, qua velut Delphico gladio ad omnia, & ubique uti conveniat? *Latina eruditio, citra Gracismum manca est. Apud Latinos rivuli vix quidam sunt & lacunula lutulenta: apud Græcos fontes purissimi, & flumina aurum volventia.*

*ventia.* Sacra, Iura, & quæcunq; altioris notæ studia, his fulcris nituntur, his deliciis ornantur. Quæ enim lingua plures vel scientias, vel bene vivendi præcepta tradidit, & posteritati propagavit? Quota quæque plures, eosque clarissimos in omni disciplinarum genere scriptores exhibuit? non in Græcia tantum, sed & in Italia ipsa, & media Roma, Regina orbis, domicilio legum, & gymnasio literarum, ubi græcorum lingua, ipsa propemodum latina vulgarior fuit: & in ea viri magni & celeberrimi, græcè scripserunt: ut Ælianus, cujus, quanquam Italiam nunquam egressus sit, græcæ extant historiæ: Item Plutarchus, Strabo, Dionysius, Appianus, Diodorus & innumeri alii qui Romæ vixerunt, illicque scripta sua græco sermone ediderunt. Quemadmodum in Syria, & Ægypto Iosephus & Philo Iudæi, græco, quàm nativo uti maluerunt, è quorum scriptis omnis doctrina liberalis, omnis historia, omnis sermonis elegantia copiosè depromi potest. Et ut rem verbo complectar, quæ tandem lingua est, quæ disciplina, quæ hinc Colonias non duxerit? & indidem, ceu è publico quodam mercatu, doctrinæ scientiæque suppellestem non comparavit? aut potius ceu ex uberrimo omnis sapientiæ fonte, rivos non diduxerit? Nam ut Homerus (omnis eruditionis parens) de Oceano canit, *Ἢέ εἰ, ἰνquit, ποταμοὶ, ἔ παῖσα θάλασσα, ἔ πᾶσαν κρήνη ἔ φρεῖά τε πᾶντα ναῖσι.* Ita ex hac lingua veluti vasto quodam bonorum omnium mari, disciplinæ, artes, scientiæ, atque adeò ipsa elementa manarunt. Hinc Rethorica, Dialectica, Grammatica, Poëtica: hinc Mathematica, Politica, Ethica, Physica, Metaphysica, & ut verbo absolvam, universa Philosophia, disciplinarumque omnium cyclopædia, & orbis. Quæ omnes artes, Græcos etiam nunc fontes redolent, ut ne nomina quidem alia quàm nativa, & græca admittant. Eximia sanè cū utilitatis huius linguæ, tum necessitatis docu-

menta ! Nam ut ad Iurisperitiam veniam , fecram illam Reipublica, humanæque societatis, ac pacis tuendæ magistram , quis sanæ mentis non videt , J U R I S nostri originem & Reipublicæ constituendæ formas, Romanos à Græcis petitas, instituisse ? Quis diffiteri potest , Romanis linguam græcam adèd familiarem , & in deliciis habitam , ut vel maximi olim Jurisconsulti , cum utriusque linguæ peritissimi essent, non existimarent quemquam fore , tam impudentem , aut ab omni ratione alienum , qui ad hanc facultatem, animum adjungeret, nisi & ipse Græca eruditione instructus esset. Vnde non rarò è Græcorum thesauris *κειμήλια* proferunt quibus in legum interpretatione utuntur. Adhæc, sententias Græcorum philosophorum , Poëtarum, Oratorum, tanquam gemmas, & Orationis lumina ad res significantius exprimendas, subinde inferunt. Animadverterunt enim , non modo verborum lenociniis, sed & sententiarum gravitate scaterere, literas humaniores, quæ etiam testimonii, & judicati, non rarò vicem obtineant, & vim. Sic Solon magnus ille *νομοθέτης* , & è septem Græciæ sapientibus unus , Homeri versibus qui divinum illud opus Iliadis exadificavit , sententiam suam iudicibus approbasse fertur , ut videlicet Salamina insula à Megarensibus occupata, adjudicaretur Atheniensibus, abdicatis Megaræis. Latius se hîc opinione mea diffudit calamus, amicissime Hallingi, ut garrula res est amor , & in hoc chartaceo aquore ilberius paulo exspatiatus sum. Sed prolixitatem hanc quæ tuo militat bono, gratè & benignè interpretari te velim. Eo enim facit ut politiorum literarum, & philosophiæ viatico, probe instructus tanto majori cum laude & fructu, laboriosum illud, & arduum JVRIS iter aliquando ingressurus, ad Themidis Sacrarium lustrandum seriò te accingas. Indoles tua & ingenium ad magna te vocant. Tu fodes ad ea enitere , sed (quod maximum, duco)

duco) per virtutis callem. Ad eam antè omnia te hortamur. Hanc sectare. Hæc laborum tuorum principium sit & finis: hæc literaturæ tuæ prora & puppis. Huic literas tuas servire volo, & tanquam Dominæ suæ mancipari, magno vel in paranda eruditione adjumento, vel jam parata ornamento. Non enim solum per eam gratior est sed & robustior, adversus pellacis hujus mundi illecebras, & blanda carnis lenocinia, quibus incauta juvenus, tanquam laqueis irretiri solet, & capi, nisi pectus virtute imbutum habeat, & sacro hoc elypeo testum ac præmunitum. Corruptissimo præsertim hoc ævo, & perditissimis (cur dissimulem?) Academiæ nostræ moribus, in qua ocari, inebriari, grassari, quotidiana multorum hodiè sunt exercitia, & diurna, nocturna que studia, ut non tam Musarum, quàm Bacchi, & Martis sedes esse videatur. In tanto vitiorum contagio, quàm facilis sit in procliva vitiorum decursus: quàm difficile contrà rectam tenere viam, illibatam fervare animam, cæcus est, qui non videt. In vitia enim alter alterum trudimus: & ut dissolutis illis placere non potest, cui placet virtus: ita malis artibus talium quæritur favor, similem te illis facias, oportet. Sed quò plus tibi periculi ab hac licentia, eò plus tibi laudis erit à virtutis tuæ constantia. Hac vitæ tuæ duce, & studiorum magistra suffultum, incalescere te volo, non intabescere studiis, immorari, non immori: Nam ut plantæ mediocri aqua aluntur, immoderata suffocantur: sic animus moderatis laboribus colitur, immoderatis obruitur. Et ut sunt vices somni & vigiliæ, noctis, & diei, belli & pacis: ita reficiendus interdum ocio animus, & leniendi labores honestis feriarum intervallis. Achillem media inter arma cytharam, & fides interposuisse, & animum ægrum cura & belli mole, recreasse, ferunt. Idem & tu facito studiose, memor Catonem, Lælium, Scipionem feriis miscuisse jocularia, camposque nunquam otiosos.

sterili-

sterilitatem minari. Dandum, dandum est aliquod animo oblectamentum. *Ἀπάντων γὰρ πλημπρονή.* Et ex assiduitate laborum nascitur ingeniorum heberatio quædam & languor. Vitis nisi subinde coërceatur amputata, ipsa sua fœcunditate gracilescit, & perit. Vale, & me amare perge. Delphis.  
2. Febr. M. DC. XXXI.

E S A I Æ P R A T E N S I *Ecclesia Gallo-Belgica qua Leida est,  
pastori S.*

Eodem.

SI ex litterarum infrequentia affectum in te meum æstimas, & amorem, malè apud te audiam, necesse est, & officio meo videbor defuisse. Sed cave hæc in animum tuum descendat cogitatio. Alias nimis amicitia nostra, in animis utriusque nostrum, radices egit, quàm ut levi de causa, minui possit aut exolescere. Amo, amo te, & amabo quamdiu me homine

— *Diem*

*Sol fundet aëreum.*

Iam de amore tuo erga me, quì dubitem? quem tam abundè, in filium meum transfundis; cujus studia, mores, vita; ita tibi curæ ut te alterum velut parentem venerari jure possit, ac debeat. Perge in pio hoc instituto: & virtutis hanc, & doctrinæ sementem culturæ tuæ concreditam cole & fove, dum adhuc est in herba, ut ampla inde aliquando Ecclesiæ messis exurgat. *Vt enim fruges non bonitas soli tantum gignit, sed cæli solisque solus & temperies educit atque elicit: sic ingenia non à Natura tantum velut solo alenda, sed Mecænatum quoque benigna cura & velut cælesti aura, fovenda atque attollenda sunt.* Eadem olim de nobis cura. Et quamdiu hic stabit mundus & in mundo Ecclesia, propagandæ semper & educandæ novellæ stirpes, quæ cum veteres (ut sic dicā) arbores concidunt, depau-

depangantur in earū locum. Tu de moribus ejus  
& studiis liberè velim judices, atque etiam quod  
verè amici, devincies. Amat admoneri: & qua est  
probitate, ac modestia, non aliorum atque oportet,  
monita eorum accipit, quos sibi addictos esse  
novit. Lubrico stat loco juvenus nostra, sterili hoc  
virtutum seculo; quo omnia in pejus ruere videntur,  
non aliter quàm in præceps dejecta pondera,  
& ultimam mundi senescentis ruinam præfagire.  
Quare ut vites fulturas suas habent ac pedamenta,  
quorum ope surriguntur: ita adolescentibus  
haud mala indolis, quibus indies cum vitiis aliorum  
lucta est, bonarum admonitionum statumine  
opus est, quo erecti, ad scientiarum culmen,  
firmo ac inoffenso pede, niti ac eniti queant. Atque  
eò acrius in hanc curam est incumbendum,  
quod eorum rara sit copia, qui cum litteris  
modestiam & virtutem conjungunt. Sine qua tamen  
mihi studia nulla sunt. *Vt enim arborum illa optima,  
qua non florem solum, sed fructum ferunt: sic hominum,  
quibus præter ornamenta doctrina, vita etiam  
est ad frugem.* Strenuè, ut audio, se parat ad examē  
Theologicum, cui Sparta ornanda jam aliquot ab  
hinc annis, serio se devovit. Faxit Deus, ut vestra  
omnium, & mea expectationi satisfiat. Thesaurum  
nostrū Catecheticum egregiè Leidæ distractum,  
ex nuperis filii literis intellexi. Est quod  
mihi gratuler hunc qualemcunque ingenii nostri  
foetum, ad bonorum salivam esse, & gustum. Addunt  
mihi hæc primi favoris specimina, calcar, & animum,  
opus hoc accuratius perspiciendi, ut si à quoquam  
Typographorum de altera editione aliquando cogitetur,  
limatius longè prodeat, magisque elaboratum. Multi hic,  
& alibi avidè ejus in sermonem Belgicum versionem desiderant.  
Optârîm hac in parte per insignem metaphrasten,  
voto eorum satisfieri. Nullus enim mihi alius in  
edendo hoc scripto finis quàm multorum ædificatio,  
& salus. Tu si quid domi potes, apud majorum

rum gentium librarios , in iteranda aliquando libri nostri editione, operam tuam non invitus confer, & magis magisque me tibi devincies. Ut finiam, Deus te vir optime, Reipub. & bonis servet, & mihi hunc animum tuum, quem tam amanter deferres. Vale. Delphis, 10. Febr. M.DC.XXXI.

JACOBO ADRICHEMIO  
*studioſo S.*

*Eodem.*

**A**Rgumentum ſcribendi ad te, mî Adrichemi, nullum mihi aliud , quàm amor tui , & cura ſtudiosorum. Quorum alterum me ad officium hoc litterarium invitat, alterum impellit. Pergis haud dubiè , & ad eruditionem cujus jacta ſub me nuper fundamenta , ſtrenuè contendis. Hac ut unica parentum tuorum ſpes eſt; ita unus tibi eſſe debet ſcopus, ad quem perpetuò collimes. Eò indoles tua te vocat , eò muneris paterni dignitas, familiæ ſplendor , amicorum vota , mea denique exſpectatio. Etenim cum vita Majorum publica ſit, eaque perpetua inſtituendæ vitæ noſtræ ratio, ac norma; & generoſis ingeniis non tam imperio opus ſit, quàm exemplo , ipſi parentes factis ſuis præeuntibus, quæ ſunt blandiſſimum jubendi genus , liberos ſuos ad virtutis paternæ æmulationem validè trahunt, ſtimuloſque ſubdunt & calcant, ut quoquo modo, ad patriæ tandè aliquando dignitatis apicem, & faſtigium aſſurgant. Hoc animo , & tu Adoleſcens , aude aliquid indole tua & familia dignum, in hiſ caſtris Muſarum, laudabile hoc ſtadium decurre, moleſtias devora , quæ molles illos, delicatos, & degeneres deterrere ſolent à ſtudiis quæ in adoleſcentia honeſtiſſima ſunt , in juventute optima, jucundiſſima in ſenectute. In via virtuti nulla eſt via, ſic nulla diligentia, & labori, qui omnia vincit improbus. Otium te capiat, non ſupinum illud, ſolutum, & languidum,



dum, sed quod libri, exercitia, lucubrationes alāt, & quod aliquid egisse te in Academia, apud tuos testetur. Remissio placeat sed erudiat; amœnitas, sed seria. Aut eruditionē esse credis verba & voces, ut ligna lucum? Catonem imitare, qui esse maluit, quàm videri. Doctrinam amas? non oscitando, & pandiculando paratur, sed agendo, sudando, vigilando, prosperè omnia succedunt. Vbi socordię, atq; ignaviæ te dederis, ne quicquā ad eam adspires. Additur vitę, quod somno, quod otio demitur. Et sera in fundo est parsimonia temporis rei pretiosissimæ. Non de nihilo Musas poëtæ, in arduo montis, sedem suam habere fabulati sunt: & labores, sudorem, vigilias, ad earum atrium excubare voluit Antiquitas sapiëntiæ magistra. Sciebant enim viri prudentissimi, non alia ratione eruditionem parari, non alia lege, & conditione obtineri. Hanc ingressi sunt viam, quotquot insignioris unquam doctrinæ fama claruerunt. Quam qui declinant, & decussatis quasi brachiis tam vacui, quàm ipsa *Vacuua*, ætatis florem ignavè deterunt, nihilo satius mihi sapere videntur, quàm qui uberem expectāt messem, non facta prius semente; aut qui neglecta velificatione, portum subire gestiunt. Ne longè petantur exempla. Quot hodie videre est Musarum alumnos, de re nulla minus sollicitos quàm de Musis? Quibus litteræ, non nisi nomen sunt & umbra? Qui positis aliis curis, soli in hac cura, ut dies in popina sepeliant, aut pecudum more, ætatem in otio degant? Fungi (si fas dicere) & terræ pondere, Academiæ numerus, fures sui temporis, & aliorum, animæ degeneres & familiæ patriæ dehonestamenta. Nam *quanto vita majorum præclarior, tantò posterorum socordia flagitiosior est*. Ut enim turpitude, objectu lucis conspectior fit: sic ille Parentum splendor, degenerum filiorum nævos detegit & labes: ita ut satius longè esset latere illos, quàm in tam clara luce, & illustri virtutum theatro, à parentibus collocari. Ita est studiose. Ad

virtu-

virtutem nobis esse debent stimuli, majorum genus, opes, vita, honores, præclare gesta, non desideria pellices, & licentiæ irritamenta. Quare tu illos fuge qui securè indormientes blandienti inertia, in Academia nihil aliud sunt, quàm quod in apiario fuci. Quorum familiaritas è cautius vitanda, quod supinam suam ignaviam, studiorum contemptum, surdo nescio quo fascino, aliis affricent, & non tam suggestionē noceant, quàm exemplo. Equidem non ignoro, quàm difficile sit, in freto hoc ævi blandis eorum tentatiunculis se expedire. Sed quo se propius insinuant, è longius arcendi, & oculo retorto, ac tristi supercilio relegandi. Quis enim inter hæc litteris aut bonæ menti locus? non herclè magis, quàm frugibus, in terra sentibus ac rubis obsita. Rident labores tuos & in studiis alacritatem? rideant & progressus, rideant honores, & consecutum tandem *Licentia* aut *Doctura* gradum, diligentia tua ac laboris præmia. Ab his laudari, probrum, penè dixeram crimen: contra vituperari, laus est. Quibus, quò magis displicebis, eo plus tibi gloriæ accedet & honoris, ut queis placere nemo potest, sine suspitione similitudinis morum. Sed quid hæc levia commemoro? Non unis liberalia ingenia, & generosæ mentis insidiis patent, non ad unum scopulum impingunt atque obhærescunt. Periculosa hinc passim vada, brevia, syrtes, in quas vento licentiæ, & luxus turbine, violenter illisi, tristissimum haud raro, vitæ, & famæ naufragium patiuntur. Liberè loquar? doleo cum juventutem nostram Batavam intueor ità petulantem, & vanam, ut nec honesti decus, nec officii ratio, à morum & vitæ luxuria deterreere eam possit: cum eos ocreis, & calcariibus, ut Martis pullos superbè incedentes, & per plateas Stentorea vociferatione, & intempestis armorum grassationibus audio, lymphatorum instar bacchantes, & discurrentes. Quid plura? Angor intimis sensibus, & horret animus meminisse, ebrieta-

ebrietatis, & crapulae monstra, qui ad pocula, & calices velut signo dato, ad plamam currunt, in Dionysiaco hoc certamine, & foedis temulentiae suae moribus (heu Academiae fatum!) tanquam densa caligine, nobilis hujus Lycæi splendorem, nomen, famam turpiter obumbrant. Tantum scilicet potest effraenis illa morum licentia, & extremum malorum, *Impietas!* quæ ubi dominari cœpit, & levato quasi velo, fractisque pudoris omnis, ac honesti repagulis, ferream semel frontem induit, nulla amplius ratione compesci potest, aut sufflamini;

*sed fertur equis auriga, nec audit currus habenas.*

Apud vos si sic pergitur, quanta brevi barbaries, & quod non dico? Cave Adolescens, ne vitium hinc trahas aut labem imbecillis oculis similis, qui ad aliegam lippitudinem, & ipsi suffunduntur. Sed licentiam hanc vita, consortia hæc fuge supra ipsam pestem. specie quidē læta, sed eventu tristitia, ac luctuosa. Ita enim plerumq; evenit, ut cum boni malis junguntur, boni non corrigant malos, sed mali corrumpant bonos; & *inclinatis semel in vitium animis, nulla ruina deformis est.* Illi ergo quod juvat, quando ita volunt faciant, jurent, pejerent, potent, ament, rem perdant, vixerint ut libet; avaritiam in equis, ocreis, popinis, conviviiis, tripudiis agant; dediti sint ventri, baccho, aleæ, veneri. Tu mi Adrichemi, in studiis seriò desuda, & Homeri verbo, πάντες ἀρετὴς μιμήσαιο. magna pars bonitatis est, velle bonum fieri. Hæc tua sint fercula, deliciæ, oblectamenta. In his ebrietatem fero, & crapulam: his totum te madere nil veto; hinc animum tuum pascere, hinc mentem. In ea nunc versaris Schola, à qua non solum redire doctior potes, sed melior. Apud illos es viros, qui patriæ, imò seculi sunt decus, vide ne frustrà, frequenter, audi, discere. Ne satis esse puta, nasci, & cœcā hanc naturam in tenebris suis torpere, ἀβίωτον γὰρ πᾶν δαδάτω ὁμοῖον existimo esse eam vitam quæ absq;

ingeniū

ingenii cultu traducitur. Quid quod ut fructus ut plurimum agrestes & feros gignit arbor, citrà institutionis curam: & agri si non colantur, carduos & vepres, exculti verò omnis generis frumenta: sic homo nisi naturam nobile illud Dei depositum, doctrina excolat, tanquam rudis & indigesta moles & informis massa, in magno hoc mundi palatio versatur, dum hominis usurpat nomen, conditionem negligit: secus, in se uno omnia habet, nullaque est disciplina, nulla scientia, cui capessendæ non sit idoneus. *Omibus enim Deus (ut magni illius Senecæ verba, mea faciam) fundamenta dedit, semenque virtutum, quod doctrina suscitatur, non secus ac scintilla, levi flatu adjuta, ignem suum explicat.* Hos igniculos, hæc semina quæ summus ille naturæ parens, calitus, larga in te manu contulit, fove, cole, matura. Quò emenso tandem feliciter studiorum cursu, operam tuam Patriæ ac Reip. cui crescis & adsurgis, devotum eas, & communi amicorum applausu, parentum gratulatione, bonorum denique omnium voto, non honesti solum civis partes sustineas; sed & boni Magistratus. Nam & tu ex eo ligno es, unde tales fabricantur Mercurii. Animum meum vides, quem pleno modio in te effundo. Tu fruiere, & me amma. Doctissimo Burgerisdicio præceptor jam tuo, plurimam à me salutem. Delphis. 8. Februarii M. DC. XXXI.

THEODORO BOELIO

*studioso S. D.*

— Eodem.

MUfas tuas calere, acri etiam hac bruma, amicissime Boëli, audio. Benè est. Ætas illa hoc postulat; & indoles tua, ingeniumque, quæ ad alta te vocant. Studiorum salum ut sic dicam, ingredi jam serìo incipis: pueritia & adolescentia tua luserit adhuc circa litus. Altius in hoc literarum pela-

pelagus, immissurus navem, amara tibi multa hîc propone, sed quæ dulces studiorum fructus temperare solent, & constans in iis proficiendi ardor. Quid? Eruditionem, citra sudorem, & φιλομαθίαν parari censes, disciplinas oscitantibus in ora delabi, venire in sinum dormientibus? Erras ἰδεῖν τα δεῖν περιπαρεῖδεν ἔθνη, & τ' ἀγαθὰ τοῖς πόνοις πωλεῖν. Hæc quoties tibi adhuc puer, in Lycæo nostro versanti, ingessi? si me amas, aureas has gnomas ama, tecum examina, & cave quidquam remittas de pristina tua industria. Non currenti, sed decurrenti laurea decernitur. Perseverandum in hoc stadio, donec metam attigeris. Sed absit hic (momenti crede) præcipitantia nimia, & æstimatio sui. Nam ad maturitatem tractu temporis, perducta studia, perennare solent, accelerata verò perire illicò ac intercidere, quia succo carent & fundo. Non minor boni principii in studiis habenda est ratio, quàm finis: nam ut inquit poëta: κακῆς ἀπ' ἀρχῆς γίνεσθαι κακὸν τέλος, & malè incipit, qui nimium properat. Hic si usquam, festinandum quidem, sed lentè, sat enim citò, si sat benè. Imò

Πάλιν δεσμεῖν ἀμύμον, ἢ δεσμεῖν κακῶς.

Intumescunt scio plerumque in primo studiorum limine juveniles animi, & nullo antiquitatis prægustu, nulla amœnioris literaturæ promulsæ initiati, ad forum curiamque præmatura tollentes vota, despiciere artes audent, à quibus ordiuntur. Sed à te absit: ad solidam enim eruditionem eniti te volo; & hanc parentis tui expectationem esse scio, hoc unum in te expetere, urgere, velle; huc se vota sua conferre, non obscure mihi aliquando significavit. At nihil solidiori huic doctrinæ noxium magis est, aut inimicum, quàm desultoria illa, & vaga, addo & præcipitata studia. Quæ sufflamini nulla aliâ ratione validius queunt, quàm si Socraticum illud identidem nobis in animo sit, & in ore: *Hoc unum scio, me nihil scire.* Circumfe-

rens

rens enim mentis oculos per latos & latos philosophiæ campos, & profundas sapientiæ abyssos, quis adeo suffenus, cui oboriri audeat hæc cogitatio, *se aliquid scire* : aut si audiat, cui regerere non licebit, Persianum illud, *Scire tuum nihil est, nisi te scire, hoc sciat alter* ? Credere te sapientem, primus est ad stultitiam gradus : & nihil profectui magis est inimicum, quàm profectus opinio. Qui enim nondum didicerunt, quid se scire, nullius rei sibi non arrogant scientiam, dum sciunt, quod nesciunt. Quid mirum? ignorant sese ipsi, & si res dicenda est, aut nesciunt plerique quam rudes sunt, aut si paulum aliquid ultra primas litteras progressi, litterarum sublimitatem non capiunt. Pestem tamen hanc video in pleraque juventute nostra hodiè, quam ludit amabilis illa infania. Quæ simul ut sapere cœpit, jam sapit, & ubi vix lumen libavit sapientia, putat se penetrâsse. Tu vide mi Boëli, ne in hunc scopulum impingas, naufragio multorum infamem. Qui si se modulo suo, & pede metiri didicissent, bone Deus! quantos in cursu litterario, progressus facere, & ad quem tandem doctrinæ apicē assurgere non potuissent? Quos jam ventosa tantum sui distendit opinio, ignorantia propior, quàm veræ eruditioni; quæ non arrogantiam & fastum, sibi comitem habet, sed summum juventutis decus, modestiam, & animi demissionem. Vt montium proceritas procul intuentibus minus conspicua est, ubi accesseris, tum apparet quæ sint in arduo. Ita nemo prospicit, quàm excelsum sit doctrinæ culmen, quantumque suprâ opinionem vulgi emineat, nisi cominus contempleris, & propius ad illam accesseris. Eruditio nostra ex brutæ plebleculæ censu, metienda non est, quæ certè aliud quid est, quàm vulgares isti oculi aut mentes vident. Qui indoctorum comparatione, doctus sibi videtur, perinde est, ac si quis ad claudos respiciens, suam miretur velocitatem : alio, alio longè calculo æstimanda est, &

est, & ut, ejus non dico exiguitas appareat, sed  
*ἐδύσα*, ad eam conferenda est sapientiæ cyclo-  
 padiam, cui consequendæ integra vix sufficient  
 secula, & cujus vix doctiores à limine salutant  
 principia, nedum ut eam assequi totam queant,  
 aut emetiri. Apage ergò hîc juvenilem illam, &  
 risu dignam Catoniano *δοκισιτερίαι* & confiden-  
 tiam, quæ non pauca abripere solet ingenia. Re-  
 verà enim quid sumus? quid scimus? aut quid, &  
 quantula ista sunt? *Sicut in Iberia equas à vento Fa-  
 vonio concipere ajunt, sed evanido fœtu: sic qui ab  
 Opinione blandiente gravidæ, serium nihil pariunt,  
 tumidi tantum utres*, qui displosi in crepitum desi-  
 nunt. Audi me, quò longiùs progrediêre in  
 scientiæ via, stultam scio multorum mirabere  
*φιλαυπία*, & ingenio humano circumfusam cali-  
 ginem. Humilitate, humilitate opus, quæ funda-  
 mentum est sapientiæ, & seges veræ gloriæ & do-  
 ctrinæ, quæ non quid actum sit, sed quid agendū.  
 non quid adsit, sed quid desit, attendit, quæ non  
 de quæsito gloriatur, sed de quærendo sollicita est.  
 Tu hîc sâpe, & viam hanc humilitatis calca. Quam  
 si cum sapientiæ & virtutis studio conjunxeris, nâ  
 illa bonis omnibus gratum te reddet, & acceptū.  
 Nunquam enim magis placiturus aliis, quàm  
 cum displicere tibi cœperis. Sicuti enim à vitro  
 lumen colorem trahit; sic à modestia, eruditio.  
 Pieras quoque tibi in oculis, imò in mente, quæ  
 sal & anima virtutum, ad quam nunquam satis  
 te horter, & quam ego æstimo, & tollo super no-  
 men omne litterarum. Ad eam in hoc bivio &  
 flexu vitæ positus, adspira, in eam incumbe, in hac  
 defuda. Cave adolescens ne à voluptatum blandi-  
 tiis deceptus in vada deferaris & scopulos, in  
 quos cum impeggeris, non sit receptui locus. *Ἡδο-  
 νὴ ἀγμιστρὸν ἐστὶ τῆ διαβόλου πρὸς ἀπώλειαν ἔλκον.*  
*Blanditur ut fallat, arridet ut noceat, illicet ut occi-  
 dat. Et non desinit animarum ille hostis antiquus; de-  
 ceptionum laqueos ubique pratendere. Novit cui adhi-  
 beat*

*beat æstus cupiditatum, cui gula illecebras ingerat, cui apponat incitamentum luxuria. Omnium discurrit consuetudines, ventilat curas, scrutatur affectus, & ibi querit nocendi causas, ubi quenquam viderit studiosus occupari. Et ut non eodem astu omne genus piscium aggreditur piscator, sed pro palato cujusque escam parat; nec uno modo avem fallit auceps, sed has fistula, illas laqueis, alias visco: sic ille, uniuscujusque mores, & cui vitio propinqui sunt intuetur, ac talia homini objicit, ad qua facilius cognoscit inclinari mentem, ut blandis ac latis moribus, luxuriam, vanam gloriam, & similia; asperis mentibus, iram ac superbiam proponit. Hic si usquam agenda seridè excubia, ne tot & tanta discrimina quæ te circumstant incautum aliquando opprimant. Nihil tibi prius esse debet, quàm ut sanctè religiosè caveas, ne quod deliquium, morum tuorum integritas patiatur, à fatali illa labe, quæ adversa virtuti eorum, qui rectis studiis ab bonam mentem adspirant. Ineuntis ætatis levitas, & inconstantia fræno rationis regenda est, quæ tanquam alter Orpheus, vocem illam, quæ rupes traxit & nemora, explicet, hoc est salutaria præcepta suggerat, queis vitiorum omnium inimicus, per mundi hujus vanitates, libidinem, luxum, ad eas virtutes tendas, quibus vitam tueri possis & famam, sicque eas tibi serves ac vendices, ut ab hac vita citius, quàm ab iis avellaris. Quid aliud? Nihil, nisi ut valeas, & me ames. Delphis. 9. Febr. M. DC. XXXI.*

HADRIANO MERANO

*Studioso S. D.*

*Eodem.*

**T**V verò quid facis mi Merane? Animus ne tibi in studiis? opro ita sit, & si probè te novi, ita auguror. Eruditionem enim amare te scio. Sed ut natura gemmas altissimè recondidit, vilia passim obvia sunt: Ita quæ sunt, optima, non nisi



non nisi summo studio eruuntur. Perge, perge  
 Adolescens. Saxa & chalybem stillicidia solvunt.  
 ingenium ut ferrum est, splendet si utare; rubi-  
 ginem contrahet, si recondas. Nucem frangat  
 oportet, qui nucleum esse vult, non alia ad doctri-  
 nam via est; non alia ad honores. Hanc instirere  
 quotquot in excello illo famæ Theatro unquam  
 collocati. Demosthenem summum illum dicendi  
 magistrum, quo nemo unquam laboriosius, nemo  
 per plura reluctantis naturæ obstacula, ad culmen  
 eptavit eloquentiæ, plus olei quàm vini consum-  
 sisse ferunt, omnesque artifices ægeis, antelu-  
 ana longè industria superasse. Philosophorum  
 principem Aristotelem, quo dubito, rerum scien-  
 tia, an inventorum acumine, an operum varietate,  
 lator quis unquam extiterit, ita in studiis desu-  
 lasse testatur antiquitas, ut quotiescunque cubi-  
 um iret, in manus ceperit globum æneum suppô-  
 ta pelvi, ut cadentis in pelvim globi sono excita-  
 tur. Cleanthem quæstu hauriendis aquis noctur-  
 o tempore, inopia sua sustentata, diurno Chry-  
 ppi præceptis percipiendis operam dedisse. Na-  
 vigasse in Ægyptum, Pythagoram, Platonem, De-  
 mocritum ut melius philosopharentur. Exempla  
 hæc, quibus plena est Antiquitas, juventuti amu-  
 nda; nec committendum, ut minor nunc, quàm  
 olim Majorum, in litteris proficiendi sit ardor.  
 Quid? Homines, ut rem agant & augeant, nullos  
 abire detrahebunt labores, nullas molestias, ut ea  
 accrentur, quæ fluxa sunt, vana, & in casu posita?  
 Et nos in paranda eruditione segnes erimus, cujus  
 spes perennant, nec possidentem unquam desti-  
 tuunt? Quanto cum labore agricola terram arat,  
 castinat, conserit, occat in spem dubiæ, ac incertæ  
 messis? Quot vitæ sustinet discrimina miles, quot  
 periculis obiectat caput, ut de fronde populea,  
 iustor gloriari possit; aut adorea, & pulvere non  
 indecoro sordidus, hostiumque exuviis gravis  
 partia sua jactare vulnere, & cicatrices? Quot

D

fulcat

fulcat maria, exul patriæ mercator, quot trajicit freta, superat flumina, quot saxa inhospita, syrtes, brevia præterlabitur? quot denique, ut cum poëta loquar, *dolato confusus ligno*, procellis se exponit ac tempestatibus, quæ singulis illi mortem momentis intentare videntur, ut spoliis Indiæ onustus redeat. At quàm vilia hæc sunt, imo nulla, quis non videt? & quàm omnium extrinsecus affluentium lubrica, & incerta possessio? si cum illis componenda sint, opibus, quas larga manu, Sapiencia in nos cumulat? Quas qui tenet

*Intactis opulentior*

*Thesauris Arabum, & divitis India*

— — *ab alto*

*Infrà se cernens hominum genus.*

*Latius regnat, litteraria hac instructus suspellectile, & Palladio hoc insignis diademate*

*Quàm si Lybiam remotis*

*Gadibus jungat, vel uterque Pænus*

*Serviat uni.*

Sed rebus maximis difficultatem proposuit Natura, & in sublimi, ac prærupto loco, Honoris præmia Virtus collocavit. Quidquid obvium & promptum est, evilescit, ac mox contemnitur. Ardua in honore sunt, ac pretio. Arduum quoque ad Musas, & asperum iter est. Sudandum mi Merane in hoc stadio; certandum strenuè in hac palæstra, & quæ se offerunt forti animo devorandæ molestiæ. Nihil est quod non expugnet pertinax labor, & intenta ac diligens cura. Si animum intenderis submittent se tibi celsa Parnassi juga, aperietur vel ultrò Minervæ Templum, Musæ suis sedibus effusa adveniienti occurrent. Contra si ver hoc ævi sine semente abit, dolebis postea, & horrea aliorum plena aspicias, vacantibus tuis per tuam culpam. Quid quod nemo restituet annos, nemo iterum te tibi reddet. Ibit qua cœpit ætas, nec cursum suum aut revocabit, aut suppresser. In hoc artium mercatu, labori omnia venalia. Quid aliud Homerum in-

innuisse arbitramur, per herbam Moly, cui radicem nigram esse voluit, florem lacteum, quàm radicis nigræ symbolo, LABORIS molestiam significari, qua pervenitur ad florem lacteum, id est, ad florentis ætatis dignitates, & honores, eruditionis emensæ dulcissima præmia? Faceßat ergo hic supina illa, & projectè mollis quorundam ignavia, qui ad somnos videntur nati, & pandiculationes; ad otia; non ad studia, fuci, tenebriones, licentiæ alumni, qui non ut vivant, edunt, sed vivunt ut edant, potent, stertant, de farciendo ventre solliciti magis, quàm de libris; qui pravo sodalitio, & praviore consilio mentes pervertunt: digni quos irata Minerva casside sua, & cuspide arceat ab adytis Sapientiæ. Hos fuge Adoleßcens. Parasiti enim sunt, non amici, pecuniæ patriæ expilatores strenui, validi in vitia, & luxum, rerum omnium prodigi, sed imprimis temporis & famæ, & verbo ut absolvam, omnis melioris vitæ blattæ actineæ, & virtutis everriculæ. Otium tibi est? Sed literarium, sed occupationis plenum & laboris, non otiosum, non solum, non languidum. Occupanda, occupanda Juventus, quæ quoties nihil agit, ad noxia dilabitur. Libertas? Sed lubrico sæpè lapsu transit, ac degenerat in licentiam, virtutum novercam, & luxus omnis ac nequitie magistram. Tempus otio liberius indulgendi? Sed pulchra temporis avaritia est, cujus semel elapsi, jactura reparari non potest. Opes tibi splendida & lautæ? quibus plus satis prospectum tibi credis, adversus temporum injurias, & vitæ hujus incommoda? sed quid hæc sunt, & quanti pretii? Mihi crede insidiis circumsepta sunt, ubi quis tutum se existimat, perit facilius, & fortuna trahente præcipitatur. Alia felicitate, ad tuendam hanc felicitatem opus est, nec hominibus tantum, sed & rebus persona demenda est, & reddenda facies sua. Quod si fiat etiam inter angustias paupertatis, humillimi, trabeatos Romuli nepotes super-



eminere valent , veris ingenii divitiis , quæ sola bona censerì debent. Vices has habet conditio mortalium , ut adversa ex secundis nascantur ; & ista quibus veheris in summum , nescis ubi te relictura sint , habebunt suum , non tuum finem. Si quis latioris Fortunæ radius affulget , ecce minantis , & novercantis simul umbra adest , & vestigia premit , aut excipit. Vana , vana sunt , quæ miramur , in hoc fluxu , ac refluxu rerum humanarum , & alimenta vitiorum , non remedia , nisi cæcum illum Plutum sapientia regat , & moderetur. Cave tibi in hoc sereno indulgentis fortunæ , plus nimio placeas : nam vitrea est , & quò magis splendet , eò citius frangitur. Hæc qui nimis avidè concupiscis , necesse est , malè concoquat. *Fera , aut piscis spe aliqua oblectante decipitur : munera ista fortuna reputas ? insidia sunt , in quibus hoc miserrimum fallimur , habere nos putamus , habemur. Quid quod immodica divitia , sunt veluti ingentia & enormia gubernacula , facilius mergunt , quam regunt : cum habeant irritam copiam , & noxiam nimietatem. nihil quoque illi altum , nihil magnificum , suscipere possunt , qui suas omnes cogitationes abjecerunt ad rem tam humilem , tamque contemptam. Illas tibi O P E S para , quæ suprà omnem inconstantiam , & mutationis aleam positæ : quæ etiam nudum , naufragum , exulem , ubique terrarum comitantur , vel ad extremos Garamantas : in quas cuneus , ac cumulus nihil potest ingruentium malorum : quæ nec eripi , nec surripi possunt unquam ; neque naufragio , neque incendio amitti , nec temporum injuria mutari. Quas qui possident , verè sunt divites , quod enim proprium divitiarum , contenti rebus suis , externa ista levi & spernente oculo delibant ; satis esse putant quod est , nulla re egent , nihil sibi deesse sentiunt , nihil requirunt : Quin & cum Biantre , in urbis patriæ captura , & excidio inter micantes ubique gladios , & militarem in rapinam tumultum , nihil de rebus suis asportantes , omnia tamen*

tamen sua secum portant ; ludibria hæc fortunæ , ne sua quidem putantes , quæ vulgus eam bona appellat. quia si abeunt, nihil auferunt, nisi semet-ipsa. O te prudentem, si hîc prudens ! & hîc vitæ hujus vicissitudines , opumque instabilitatem seriò tecum expendens , nihilque quidquam ad te pertinere , quæcunque à fortuna vel dari possunt vel eripi , animum ad pietatem adjunxeris & timorem Dei , qui caput & fundamentum est omnis Sapientiæ. Ad quem omnis nostra scientia, doctrina, eruditio , adde & virtutes , nil nisi verborum sunt strepitus. Plura vellem, sed negotiis interpellor. Unum illud addam, te mihi esse in oculis, idque parentis tui merito , cujus amplitudinem veneror, eruditionem suspicio , humanitatem colo. Tu qui jam severioribus Musarum Sacris initatus es, patrias virtutes æmulare , & quas in te natura dotes contulit, ne patere, ut aquam immortam sordescere. Neque enim in te benigna fuit, ut suum beneficium negligeres , & ab illustri hoc Lycæo vacuus velut ex incendio , vel naufragio domum redires ; sed ut ad decus , ad dignitatem conferres. Vale. Delphis. xviii. Febr. M. DC. xxxi.

## DANIELI COLONIO.

*Collegii Gallo-belgici Regenti*

S. D.

Eodem.

**T**arditatem meam meritò incusem , si ex crebro litterarum commercio æstimandus sit animus. Ita enim hoc frigore , mihi friget calamus , ut ignaviæ jure postulari debere videar. Sed ad facilitatem tuam provoco , in qua cum certam veniæ spem mihi pollicear , interdum blando huic vitio plusculum soleo indulgere. Quid quod firmior sit amicitia nostra , & necessitudo , quàm ut levioribus istis , ad sui fulturam , egeat adminiculis. Inveteravit jam pridem ille amor , & ut annosa quercus

D 3

quæ

*quantum vertice ad auras*

*Æthereas, tantum radice ad tartara tendit.*

Quanquam & diuturnum meum silentium paratus sum expungere frequentiori alloquio. Valetudinem tibi hac ætate satis firmam esse, & validam, ex animo gaudeo, & diu talem precor : De mea si quæris, prospera est. Induciæ mihi adhuc cum tyranno & tortore calculo, qui jam à plussculis annis dimisit, & vix lacinia me tenet. Ô me beatum ! si hæc in perpetuam pacem aliquando vertantur induciæ, & intermissa diu renum carnificina, stirpitus exole scat. Certè si ex signis conjectare mihi fas, pennas quaterere videtur, & à nobis abire (fiat, fiat) mala illa, & non minima Furiarum. Sed ut nihil est ab omni parte beatum, interdum podagra corripior, qua divina velut compede constrictus, vector ~~desertariv~~, & pedibus æger, claudicare disco, ad plussculos dies. Ita nempe caelesti illi PATRI visum, exercere suos in hac mundi palæstra, ut doloribus, & damnis agitati, verum colligant robur. Languent enim, & torpent desidia animi,

*Velutque pigra mole, marcentes aqua*

*Halant Mephytim ; sic saginatum bonis*

*Imbelle pectus, otio situm trahit.*

*Sed ut frumentum tritura folliculos exuit ac deponit : sic nos concussu vinculis illis paleas si fortè vanitatum, qua nimis sæpè animis adhærescunt, è tractatione ista litterarum. Adversa corporis, remedia sunt animæ. Calamitas vera, virtutum officina est ; afflictio, constantiæ theatrum, materies patientiæ, & latissimus campus, in quo exerceri possit hac virtus, nec alia communior ferè nota bonorum, qua discernantur à malis, quos non impunè tantum Deus, sed & luxuriosè ac delicatè patitur vivere, quia non putat emendatione sua dignos. quæ jam major potest esse miseria quàm nimia felicitate torpescere, & velut in mari lento, inertis tranquillitate delineri ? qua major esse pœna & vindicta impietatis, quàm*

quàm connivere Deum ac indulgere peccantibus? quàm major ira,quàm non irasci? Quid ergo?

Τάλαστοις ἐν σήδεσσιν ἔχοντα λαπένδεα θυμόν.  
*Calcitrantes isti, & refractarii equi hoc consequuntur, ut verbera etiam aliquot excipiant, nec excutiant tamen jugum. Et ut laqueos fera dum jactat adstringit; aves viscum dum tripidantes excutunt, plumis omnibus illinunt. Sic eo gravius homini incumbit malum, quo contumacius patitur, nihilque tam exasperat fervorem vulneris,quàm ferendi impatientia. Feram igitur quod emendare non possum, & Deum, quo auctore cuncta eveniunt, sine murmure comitabor. Non si malè nunc & olim sic erit. Veniet, veniet aliquando illa dies, quæ nos solutos hoc carcere, & ruinoso corpusculi hujus ergastulo liberatos, in illa reponet sede, quæ dolorum omnium expers. Filium ad Examen Theologicum serio hortatus sum, ut ei sit subeundo: agi de honore ejus, & in eo viam sibi sterni ad altiora. Exhibuit mihi quædam stili sui specimina. Progressus ejus in lingua Gallica laudo, qui majores haud dubiè futuri, continua lectione Amioti, Plessci, Molinæi & aliorum, qui in hoc genere excelluerunt. Propositiones aliquot ( ne nescias ) sub Regeunte suo habitas, mihi quoq; privatim recitavit. Placet methodus, vox, pronuntiatio, parrhesia, & in nonnullis imitatio præceptoris sui non poenitenda. Tu naves vir reverende & vitia, quæ in hoc formando Candidato ( qua es judicii ἀκρίβεια ) deprehendis, corrige & emenda: juvenilem ejus in dicendo libertatem, modestia & verecundia tempera; calorem nimium, & supra hanc ætatem, graviter & paternè sufflamina, ut semper meminerit, se adolescentem esse, & affinem earum rerum, quas fert adolescentia: multa decere virum, aut jam adultum, quæ hac ætate decora minus sunt, & grata. Non omnia omnibus convenire. Gravitatem senibus, aut jam viris, tyronibus & adolescentibus humilitatem & modestiam.*

*quantum vertice ad auras*

*Aethereas, tantum radice ad tartara tendit.*

Quaquam & diuturnum meum silentium paratus sum expungere frequentiori alloquio. Valerudinem tibi hac ætate satis firmam esse, & validam, ex animo gaudeo, & diu talem precor: De mea si quæris, prospera est. Induciæ mihi adhuc cum tyranno & tortore calculo, qui jam à plusculis annis dimisit, & vix lacinia me tenet. Ô me beatum! si hæc in perpetuam pacem aliquando vertantur induciæ, & intermissa diu renum carnificina, stirpis exolescat. Certè si ex signis conjectare mihi fas, pennas quaterere videtur, & à nobis abire (fiat, fiat) mala illa, & non minima Furiarum. Sed ut *nihil est ab omni parte beatum*, interdum podagra corripior, qua divina velut compede constrictus, vetor ~~æteritæ~~, & pedibus æger, claudicare disco, ad plusculos dies. Ita nempe celesti illi PATRI visum, exercere suos in hac mundi palæstra, ut doloribus, & damnis agitati, verum colligant robur. Languent enim, & torpent desidia animi,

*Velutque pigra mole, marcentes aquæ*

*Halant Mephytim; sic saginatum bonis*

*Imbelle pectus, otio situm trahit.*

Sed ut frumentum tritura folliculos exuit ac deponit: sic nos concussiunculis illis paleas si fortè vanitatum, qua nimis sæpè animis adhærescunt, è tractatione ista litterarum. Adversa corporis, remedia sunt animæ. Calamitas vera, virtutum officina est; afflictio, constantiæ theatrum, materies patientiæ, & latissimus campus, in quo exerceri possit hac virtus, nec alia communior ferè nota bonorum, qua discernantur à malis, quos non impunè tantum Deus, sed & luxuriosè ac delicatè patitur vivere, quia non putat emendatione sua dignos. quæ jam major potest esse miseria quàm nimia felicitate torpescere, & velut in mari lento, inerti tranquillitate detineri? quæ major esse pœna & vindicta impietatis.

*quàm*



quàm connivere Deum ac indulgere peccantibus? quàm major ira,quàm non irasci? Quid ergo?

Τλήσονται ἐν σήδεσσι ἔχοντα λαπένδεα θυμόν.  
 Calcitriones isti, & refractarii equi hoc consequuntur,  
 ut verbera etiam aliquot excipiant, nec excutiant ta-  
 men jugum. Et ut laqueos fera dum jactat adstringit;  
 aves viscum dum tripidantes excutunt, plumis omni-  
 bus illinunt. Sic eo gravius homini incumbit ma-  
 lum, quo contumacius patitur, nihilque tam exa-  
 sperat fervorem vulneris,quàm ferendi impatientia.  
 Feram igitur quod emendare non possum, &  
 Deum, quo auctore cuncta eveniunt, sine mur-  
 mure comitabor. Non si malè nunc & olim sic erit.  
 Veniet, veniet aliquando illa dies, quæ nos solu-  
 tos hoc carcere, & ruinoso corpusculi hujus ergas-  
 tulo liberatos, in illa reponet sede, quæ dolorum  
 omnium expers. Filium ad Examen Theologicum  
 serio hortatus sum, ut ei sit subeundo: agi de ho-  
 nore ejus, & in eo viam sibi sterni ad altiora. Ex-  
 hibuit mihi quædam stili sui specimina. Progressus  
 ejus in lingua Gallica laudo, qui majores haud  
 dubiè futuri, continua lectione Amioti, Plessæi,  
 Molinæi & aliorum, qui in hoc genere excellue-  
 runt. Propositiones aliquot ( ne nescias ) sub Re-  
 gente suo habitas, mihi quoq; privatim recitavit.  
 Placet methodus, vox, pronuntiatio, parrhesia, &  
 in nonnullis imitatio præceptoris sui non pœni-  
 tenda. Tu nævos vir reverende & vitia, quæ in  
 hoc formando Candidato ( qua es judicii ἀκρι-  
 βεία ) deprehendis, corrige & emenda: juvenilem  
 ejus in dicendo libertatem, modestia & verecun-  
 dia tempera; calorem nimium, & supra hanc æta-  
 tem, graviter & paternè sufflaminæ, ut semper me-  
 minerit, se adolescentem esse, & affinem earum-  
 rerum, quas fert adolescentia: multa decere vi-  
 rum, aut jam adultum, quæ hac ætate decora mi-  
 nus sunt, & grata. Non omnia omnibus conveni-  
 re. Gravitàtem senibus, aut jam viris, tyronibus  
 & adolescentibus humilitatem & modestiam.

Thraſonicam omnibus damnari arrogantiam. Magnam eſſe vim conſuetudinis, Ὡς ἐπὶ γὰρ εἰς-  
 θαλῶν, ὅπως ἀξιόμην λέγειν. Sed principiis ob-  
 ſtandum tempeſtivè, ne quæ in conſuetudinem  
 utcunq; abiſſe videntur, ſerius medicata gran-  
 diori etiam ætati adhæreſcant. Quidquid hujus  
 eſt, ( ut apertè, & levato velo tecum agam ) curæ  
 tuæ, & prudentiæ committo, cui tantum ea in re  
 tribuo, quantum nemini. Perge; vir clariſſime be-  
 neficiis tuis magis magisque me tibi devincire;  
 nam quod tam charo ſit capiti, id mihi factum  
 deputo, & ingratiffimus hominum ſum, ni illud  
 ingenuè agnoſcam. Filium quem ad me excurrere  
 paſſus es ad oſtidium, remitto. Quid amplius?  
 nihil niſi animum & verba; cætera immunis. Va-  
 le. Deus te ſervet, & inter nos mutuum hunc  
 amorem. Heynſio viro incomparabili, & in quem  
 ut Zeuxis in ſuam Venerem, aut Phydias in cly-  
 peum Minervæ Natura contuliſſe videtur, quic-  
 quid eſt venerum & gratiarum, à me ſalutem.  
 Delphis, ex muſæo mco, 20. Feb. M. DC. XXXI.

## THEODORO VALLENSI.

*Studioſo S.*

*Bodem.*

**Q**uid? Tene præteream, in hoc litterario allo-  
 quio, quod mihi cum meis, ( ira eos appello,  
 qui è manu noſtra, & diſciplina prodière, ) ne &  
 tibi quoque chartaceo aliquo munuſculo aſte-  
 ctum meum teſter, & amorem? Verat hoc illa qua  
 te, etiam puerum complexus ſum, benevolentia:  
 verat & indolis tuæ modestia & candor. Quorum  
 alterum facit, ut & nunc te amare, non deſinam;  
 alterum etiam impellit. Ita enim mihi cordi, &  
 in deliciis, ingenua & liberalis Juventus, ut me,  
 in amorem ſui, non ducat ſolùm, ſed trahat.  
 Amo, amo adoleſcentes elegantis ingenii, & ni-  
 vei pectoris, qui nihil vulgare ſpirant, & quos  
 auguror

auguror Patriæ, & Reipul. egregia olim futura columina, & ornamenta. In quorum numerum, & te jure repono. Scio enim quanta hic cum laude, tuis (non blandior) defunctus sis tyrocinis, quam eximia, cum profectus tui, tum disciplinæ in te Crucianæ, dederis specimina, quantamque de te hinc abituro omnes conceperint spem, qui te amant. Cole, cole nunc istum adolescentiæ tuæ agrum. Hac ætate quid melius potes? quid utilius? Natura suos quidem habet impetus; sed disciplina promoventur. Hæc est, quæ Elephantum facit funambulum? histrionem, simium; morionem, asinum. Et ad quid non fingat hominem, animal omnis literaturæ, & disciplinæ capax? Miseri ergo, imò stulti, qui cum possint, nolunt aut negligunt! Miserandi, qui cum velint, non possunt! At tibi & facultas est & voluntas, quod gaudeo. His subvectus alis, ad quæ indoles tua generosa te vocat, enitere, per amplos vola, & spaciosos Philosophiæ campos, humanioribus litteris incumbere, linguis pectus illud juvenile imbue, & eam in hoc stadio litterario tenta viam

— *Qua te quoque possis*

*Tollere humo, victorque virum volitare per ora.*

Ita fiet, ut quantum ad familiæ splendorem litterata sua virtute addidit pater, vir in exiguo corporis tugurio, æternitate dignissimus, tantum ipse ad paternum decus, animo nunc simillimus, doctrina aliquando & virtute præstantior, adjungas. Huc igitur ingenii tui nervos intende, huc industriam tuam confer, in id incumbere ut ab Academia, quæ per omnes terrarum oras, ubicunque virtus & doctrina colitur, illustri fama celebratur, ea aliquando referas ornamenta, quæ tua sint, & quæ tibi nulla unquam rerum vicissitudo, nulla fortunæ vis, nulla mutatio temporum, auferre possit. Quæ cohortatio ut nec longior esse debet, cum te ultrò propensam satis esse videam ad omnem laudem, ita nec omittenda fuit, cum aliquod

apud te vellem relinquere amoris, & benevolentia mea erga te, documentum. Sed heu! quid istud est? Virtutem ferè & modestiam omnem à vobis sic abire, vitia, barbariam manere, vel augeri? Et inter ea, vitiorum turpissimam, grassari ebrietatem & crapulam? Bacchum ferè ubique in pretio magis esse, quàm Musas? Quid? Itahe in studiis desudatur? Haccine ad eruditionem via est? O malè, & malos!

*Arcet enim hæc vitæ pestis ab hominibus sapientiam, studia honesta impedit, facit, ut turpia honestis præferantur. Hæc hominem, in beluam transmutat, & qui gulæ serviunt & ventri, non hominum, sed brutorum loco numerandi. Vetustas curvas quasdam animas esse tradidit: quæ nunquam in cælum suspiciunt, sed in terra semper cogitatione resident. Intemperantes, curvæ illæ sunt animæ, quæ in corporis voluptates quasi demersæ, nec solem unquam vident nec lunam; & dum potiores cuticulæ, quàm animæ curam gerunt, hanc tantum pro sale (ut Varro ait) ne putrescerent, habere videntur. Hostu adolescens cum Homero fuge,*

— ὁμῶς αἰδοῦ πύλην.

Et fugies profectò, si animum robusta virtute munitum habeas, vitiique hujus turpitudinem, & quæ importat in genus humanum detrimenta, probè considerâris. Intuere quæso Ebrietatis habitum, verba audi, mores aspice, quid videbis? nihil nisi *ignorationem sui*, dubia & parùm explanata verba, incertos oculos, gradum errantem, vertiginem capiti, recta ipsa mobilia, stomachi tormenta, cum effervesceat merum, ac viscera ipsa distendit. Nullum in animo latet vitium, quod non prodatur. Tunc avidi matronam oculi licentur: tunc libidinosus ne cubiculum quidem expectat, sed cupiditatibus suis quantum petierint, sine dilatione permittit: tunc impudicus morbum proficitur, ac publicat: tum petulans non linguam, non manum continet, crescit insolenti superbia, crudelis ac

*crudelitas furor, malignitas livido.* Hinc morborum lues, luxuria supplicia, *pallor & gena pendula, oculorum ulcera, tremula manus, furiales somni, & inquietas nocturna*: hinc ingeniorum tarditas, torpor, inertia; hinc effusiones patrimoniorum, egestas, furta, cades, libidines portentosa; hinc denique rerum divinarum Letæa quædam oblivio. Neque hoc Gentiles ipsos latuit, qui *Bacchum* soliti sunt pingere stupidum, & obesum; nec non *Venerem* finxere iudicio *Paridis, Iunoni & Palladi* formæ palmam præripuisse. Nempe significare voluerunt, ubi *Bacchus* in pretio est, & *Venus* illa amorum dea, ibi deam honorum *Iunonem*, deamque eruditionis *Palladem* fugere, & excludi: hoc est, ubi crapulæ, & libidini indulgetur, ibi honoribus pariter, & eruditioni viam intercludi. Hæc si tecum juxta, intelligerent strenui illi *Bacchi* athletæ, ac potiores tricongii, & si vel hilum saperent, nã illi, impurissimæ huic virgini *Ebrietati*, cujus ornamenta tot vitiis confuta vident, misso repudio, ad Sapientiam se converterent, veram sobrietatis, & temperantiæ magistram. Tu Divam illam amplectere, atque exosculare; illa tibi non in labris, sed fibris, in animo, non in vultu. Quam quò propius pectori appresseris, altiusque menti impresseris, eò longius à te amandabis vel solo nutu, spongas istas madentes, gulæ mancipia, gurgites, dolia, ventres. Fraxinum campestem in tantum horrent serpentes, ut nec matutinas nec vespertinas illius umbras, quamvis longissimas unquam attingant, & si gyro frondibus hujus arboris claudatur ignis & serpens, citius in ignem fugiet, quàm in fraxinum: Ita nihil convenit vitiis, & studio sapientiæ, sub cujus umbra, si te continueris, tutus eris à mundi contagio.

*Hæc tibi virtutum stimulos, hæc semina laudum,*

*Hæc exempla dabit:*

Et ut vitam vitiis alienam, ita omni morum probitate condecoratam, & bonâ conscientia, qua

nihil homini beatus accidere potest. In hac rerum caligine, sine ea non est (mihi crede) pergere viam rectam. *Vt enim in familia opus est hera ac domina, quæ coërceat: sic in hac interiore æconomia, Sapientia illo imperio, quod affectus regat, ac dirigat exsultantes.* Opto ita tibi sit, & in voto hoc finio. Vale. E musæo meo. Propriid. Kal. Mart. M DC XXXI.

N.N. Studioſo, S. D.

Eodem.

**E**N meas & ad te litteras. Miraris? Desine. Jubeant hoc amor tui, & cura. De quo ambigere non potes, si probè me noſti. Cur enim minùs nunc de te ſollicitus ſim, & ſtudiis, quàm olim? quæ eò animoſius perſequenda, quò graviora ſunt, & grandioreſ nunc ætatem exercent. *Sicut matres, quæ pueri bellaria & fructus in ſinum ingerunt, ſollicitè ſuccingunt, ne excidant: ſic nos ſatagere convenit, ne pereant, quæ optimè monita olim inſinuavimus, & nunc per litteras renovamus.* Si non ſevimus hanc arborem, tamen rigavimus, putavimus, eduximus, & in parte fecimus, qualis nunc eſt. Tu cura, ut majora indies capiat incrementa, radices agat, ramos diffundat, uberiores ſuccum colligat & robur, quò tandem ad juſtam proceritatem perducta, maturos aliquando ex ea fructus capias. E ſcholis & umbra, ad Academiam promotum, in ea verſari te cum laude velim atque optem. Quod ut fiat, duo tibi tenenda; quorum alterum ſtudia ſpectat; alterum vitam & mores. In ſtudiis tenorem amo & conſtantiam: ſed Proteos illos odi, & parum ſtabiles, qui promiſcùè, & ſine delectu, variis authoribus carptim, & raptim legendis curioſius indulgent, ad recreationem magis, quàm ad uſum. Oculis ſimiles qui dum huc illuc ſeſtuntur, intentè nihil vident: aut iis, qui in convivio omnia penè libant, nec tamen ſatiantur.

tur, quia in tanto ciborum apparatu, propositum illis titillari solum, non pasci, & cupediorum dulcedine falli, non ali. Næ illi male sibi consultum eunt: sed pejus longè, nugaculi isti, qui in ipso delectus neglectu, frivolis & futilibus lectandis, tempus inutiliter disperdunt. Omnium autem pessimè delicatuli illi, & malè curiosi, qui libros amant, sed ita, ut vana pleraque in iis mitterentur, aut externa, formam, colores, aurum, titulos, typos, editiones rariores, ut Aldinas, Plantinianas, & si quæ aliæ melioris notæ. Hos ambitiosè conquirunt, & quæsitos ita anxie habent & tuentur, ut nulla mater suum gnatum. Hi sunt, qui omnes libratorum officinas assidue perreptant, & si quid novi habent, & sui palati, sagacius indagant, & odorantur, quàm canes suam feram. Hi quibus pene ægrius sit, librum aliquem sibi talem eripi, quàm vitam. Quid dicam? nisi magno illos conatu magnas nugas agere, & studiosam hanc quandam luxuriam esse: imò si res dicenda est, *hilarem insaniam: & operosum laborem ineptiarum, nec absimilem illi puerorum pallentium, & rixantium circa pupas suas, & sigilla:* aut eorum, qui empturi equum, non robur, non velocitatem, non formam mirantur, & generosam indolem, non dentes inspiciunt, non oculos, non cervicem, caput, alvum, terga; sed aurum in fræno, & ea omnia, quæ nec bonitati ejus quicquam addunt nec demunt, conferunt, nec detrahunt. Fugè, fuge Adolescens, stultos illos librorum mangones, perdundæ pecuniæ genitos, à quibus nil nisi vanitatem discas, & curiosam inertiam. Aliò te vocat indoles tua, aliò parentum vota, addam, & spes mea. Iis te adjuuge, à quibus & melior redeas & doctior, qui te ad sapientiam ducant, à vanitate abducant, & verum tibi doctrinæ succum instillent, nulla venalem purpura, nullo auro, sed indefesso labore, ac ingenio parabilem. Libros ama, sed libros qui animum pascant, non oculos; qui

qui eruditum te reddant, non curiosum ; doctrinæ cupidum, non vanitatis. Res in iis mirare, non typos, non characteres ; sapientiam, non formam ; auctorem, non typographum. Nam dum desidioſæ huic occupationi plus nimio juvenus indulget, fit ut contemptis melioribus muſis , jaceat illi ingenium, & repat, nec ad ineptias ſemel delapſa, erigere ſe poſſit ad altiora, queis Patriæ aliquando inſervire queat, & ſuis. Quem tamen unicum ſtudioſorum tuorum finem eſſe volo , & perpetuo ad eum te collimare. Cogita, quàm labilis, & fluxa ætas tua ſit, & in præcipiti curſu; in qua, ſi ſemen-tem ſolidioris doctrinæ facere neglexeris, fruſtrâ meſſem exſpectes. Maximum enim ſtudioſû impedimentum eſt dilatio , quæ pendet ex craſtino. Quid? quod ſæpè poſt moram, cum tempus & oportunitas effluxit , pœnitentia ſuccedit , & indignatio. *Quare non feci ?* aut recurritur ad inconfiderantiæ excuſationem, *non putâram*, quam ſcopulo pejus formidare debent ii, quibus ſtudia ſua cura. Fruere annis ô fugacibus ; & aures tuas ſæpè feriat, imo mentem , laudata illa vox πολυτελέστητον ἀνάλωμα χρόνου. Nam ut in fluvio una unda perpetuò propellit, nec unquam revocari elapſam. ſic in tempore dies diem, nec reparari amiſſam. Et ut à corrente flumine tantum habes, quantum hauris : Ita ex annis ſemper euntibus nihil accipis, niſi quod in res duraturas collocâris. Quid ſecurus , & in tanta temporum fuga lentus , longam tibi annorum ſeriem polliceris ? Avis eſt fugitiva , quæ ad manum non redit. Juveni parandum, Seni utendum eſt. Pulchra hîc ſi uſquam parſimonia, imo tenacitas, & avaritia: contrâ nihil temporis jaçtura turpius, cujus ſerio multi, ſed ſero nimis, deplorant damna omni æſtimatione majora. Tu in juvenili hoc vere , agrum ingenii tui cole, fertilem ſi quid judico, bonarum frugum, ſi conſeratur, & in eum conjiciantur, cùm inſtitutione aliena, tum propria induſtria, ſemina doctrinæ, & virtutis. Ad

utram-



utramque te hortor : quod illa sine hac damnosa , hæc sine illa (ut nunc res eunt) parùm decora sit & instructa ad suum vel alienum usum: sed in primis ad virtutem, in hoc bivio ætatis. Hæc prima, imò suprema tua sit cura, & finium ut ita dicam, finis: cætera huc eant, & subserviant. Cave ne vel tantillum ab ea deflectas: nam laqueis vitiorum irretiti semel, ita tenentur, hoc temporum & morum contagio, ut si vel angues sint, non elabuntur: & ubi semel deerratum est, in præceptis itur, ad eò mature à rectis ad prava, à pravis ad præcipitia devolvitur. Facilius est excludere perniciofa, quàm regere; & non admittere, quàm admissa moderari: nam cum se in possessione posuerunt, potentiora rectore sunt: nec recidi se, minui ve patiuntur. Quare principiis obsta, & in primis finibus hostem illum amolire: nam cum intravit, & portis se intulit, modum à captivo non capit. Et ut in corporum solet morbis: sic in corruptis moribus quæ intempestivè adhibetur, augeat morbum potius medicina, quàm levat. Illibatam serva, & immunem probitatem tuam à noxis & vitiis, quæ in Lyceo vestro, putata identidem & recisa, non repullulant modò, sed (mentiri optem) gliscunt indies, & augentur, desidia, luxus, crapula, morum licentia, & quid non? Vicia hæc fuge, & consortia, quæ nimis hodiè ad vanitatem, aut levitatem inclinant. Sicut enim ægrotantibus dulcia videntur amara, & alba lippientibus, nigra: sic malis voluptates obscenæ, bonæ, & honestæ. Invitant, blandiuntur, trahunt.

———*Scopulis surdior Icaris*

Sirenum hos cantus præterlabere, & patriæ virtutis æmulus, veluti, rupes sermunculos illos afflicientes retunde, aut frange: & ut spinas aut tribulos, etsi adhærentes, aut amplectentes, dimovemus; sic tu noxia illa & pestifera si se offerunt, depelle: quæ ut venena vino mixta, perniciosius perniciosiusq; grassantur, & tanquam hamo tibi illito, parum cautos inescant. Deum vitæ tuæ ducem sequere;

sequere; nihil abripiat, quacunque specie, aut il-  
licio. In studiis si operam meam desideras, equi-  
dem non deero, ubi occasio ad eam rem feret  
suppetiari, per me enim non incitatum solum,  
te volo, sed si opus adjutum. Vides affectum  
& quàm animo liberalis, & benignus in te sim,  
& ero

*Dum pecori lupus, & nautis infestus Orion.*

Ut claudam, Deus litterarum tuarum sementem  
foveat, attollat, maturer. Vale, & me ama *ἐνα τῷ*  
*ἀλλήθινῳ φίλῳ;* & verè hoc dicam cum Euripide,

*"Ἀψιδεῖς ἡθῶ, εὐπερὶ χήρεν σῶμα.*

Doctissimo Riveto, ocello & delicio seculi, à me  
salutem. Dabam Delphis. Frid. Kalend. Mart.  
M. DC XXXI.

JACOBO CRUCIO

*filio, Theolog. Studiose Pater*

S. D.

Eodem.

**T**E rediisse ad musas tuas, incolumem gau-  
deo, jucundumque mihi fuit intelligere ex  
litteris tuis quas accepi, cum Politiano, libello  
elegantissimo. Curata à te probè omnia. De Cu-  
næi Republica Judæorum quod scribis, metue-  
bam. Jam pridem enim lucem vidit, & distracta  
diu exemplaria, dabat mihi augurari, cum argu-  
menti gravitas, tum viri illius incomparabilis  
eruditio, à qua nihil nisi quod subactum sit, &  
elaboratum expectes, & ad docti hujus seculi gu-  
stum. Quid hac in re præstiteris, significabitur  
Sgraefwegio, ubi nos inviser. Respondit ad meas  
Boëlius, litterisque humanissimis, & elegantiz  
plenis, affectum nostrum, & animum in se propen-  
sum exosculatus est. Aliorum quoque literas avi-  
dus expecto, quorum si indolem novi, non pa-  
tientur se frustra ab eo provocari, cui non mini-  
mam

nam debent institutionis suæ partem: quin & officiosam meam salutationem, pari officio rependant. N. N. vices doleo. Triste me hercule, & penè funestum, eorum, in se bellum pertraxit, qui dum ulcera sua tangi nolunt, & vitia sugillari, Satyricos illos morum censores, satyricè habent, nec minori licentia in eos invehuntur manu, pede, lingua; quàm illi calamo & stilo, in mores horum, & vitia. Prævidi hæc capiti ejus impendere mala. Quanquam neminem tam iniquum credam censorem, qui stili ejus licentiam inexpressibilem esse censeat; & qui imprudentiæ patrocinio veniam mereri non possit. Sed ita sunt; & si me vel aliquo proximitatis gradu attigisset, aut minima saltem mihi cum homine necessitudo, aut familiaritas, ardorem ejus in edenda hac sua Satyra, serio sufflaminâssem. Duci enim volunt ingenia nostra Batava, non trahi; laudum stimulo accendi, non irritari; suaderi, non impelli, & quantum æqui monitoris humanitati auscultant; tantum virulentæ aliorum mordacitati obnituntur. Allatrare, insultare, mordere, caninum est: nec mihi magni illi, qui obliquo dente, aliorum vitia stringunt, ipsi sæpè ab illis non alieni. Quid enim iniquius, quàm damnare in aliis, quod in te nolles, & qui ipse sat habes quod tibi posset verè dici? In hunc censuræ campum qui descendit culpâ careat, quisquis est; medicamque ulceri adhibeat manum, ut non tam perstringi se sentiant, aut lædi, quàm diligi, & sanari. Sed aliter hodie cum multis comparatum, qui dum alienæ luxuriæ nihil ignoscunt, nihil suæ negant, & veniam maximè abnuunt, qui illam petere, sapius meruerunt. Tales quid nisi curiosâ indagine papulas alienas observant ipsi ulceribus obfusi, & corporum nævos, aut verrucas in aliis derident, quos fœda scabies depascitur. Examine tuo strenuè defunctus, quod spero, age, ad nos veni, nisi quid ex transverso incurrerit,

gelidus

— gelidus canis cum montibus humor

Liquitur, & Zephyroputris se gleba resolvit :  
ut animum diutulè intentum recrees , curisque  
suis gravioribus solutum ad dies aliquot reficias.  
Interim Deum rogo, ut studia tua non prosperet  
solùm, sed properet

Πρὶν γ' ὅτε δὴ θανάτοις μέλδῃ νέφθῃ ἀμφικα-  
λύψῃ.

Nam capitis nives, me propinquæ mortis admo-  
nent, & ætatem hanc labi ad suam metam , vitæ-  
que hunc solem , ad occasum. Vale mi Fili. Po-  
lyandrum, & Colonium Regentem tuum, ex ani-  
mo saluto. Delphis. III. Non. Martias. M. DC.  
XXXI.



Nobl-

*Nobilissimis , consultiſſimis  
doctiſſimiſque Viris.*

JACOBO CATZIO Equiti , &  
Reipub. Dordracenæ Conſiliario , &  
Syndico.

JACOBO MUYSIO ab HOLY,  
Equiti , Domino in Ketel , Striæ Bailli-  
vio, &c.

JOHANNI BEVEROVICIO,  
Civitatis Dordrac. Scabino , & Medi-  
cinæ Doctori.

CORNELIO à SOMEREN  
Medicinæ Doctori , & Eccleſ. Gallican.  
ibidem Seniori.

**Viri Nobiles , Viri Prudentes.**



*Pistolas non vetustas solum com-  
mendat , sed usus. Illam negare  
nemo potest qui historias vidit ,  
& legit : hunc inficiari quis au-  
sit , qui cujus causæ inventa res ipsa est , ex-  
pendit ? ut nempe absentium quasi mutuus  
sit sermo , & amicitia commercium inter eos ,  
quos locorum intervalla discriminant. Nul-  
lam vitæ humanæ partem immunem sui esse  
patitur. In Curia locum habet stilus , & in  
Castris ; & ubicunque consilio res geritur ,  
aut armis , domi , foris , Scribitur. Sagum  
sibi,*

sibi, & Togam vendicat; lauros, & trabeas, sceptrum & fasces; & in rebus arduis regni, aut regis militia, aut pacis, ubi lingua silet, manus loquitur; index animi, & interpres consiliorum, inter absentes, & longè remotos. Etenim quæ via voci præcludi solet, Epistolis nequit, quæ alis instructæ, penetrant quò nec voci datum, nec lingua. non arduis montium jugis, non vasto maris spacio prohibentur: Cardines. iis & claustra ipsa Mundi patent. Haud rarò quoque quum armis non potest, pugnatur calamis, qui sine tumultu, inducias, aut pacem: sine sanguine victoriam, sine cade, trophæa moliuntur. Quid quod. & gentes quas immensa terrarum spatia, & immanis Oceani vastitas, longissimè disjungunt, litterarum dulci commercio, humanitatis grata officia colunt. Sed mea hæc scriptio, & levior in hoc styli genere labor, etsi nec Patriæ consilia, nec Reipublicæ negotia tractet, nec Curia lites, & tricarum forensium ambages, & involucra, suo tamen argumento non planè inutilis est. Religionis enim studium, & Orthodoxiam loquor, ab omni novitatis pruriginè alienam: pietatis officia in Deum, in parentes, in Magistratum: parentum in liberos: preceptorum in discipulos: discipulorum in preceptores: Oeconomiae munia in statu conjugali: vitæ & mortis medicamenta, in omni casu: peregrinationis rectè suscipiendæ rationem; studiorum dignitatem: linguarum, Latina,

*Latinae, Graecae, Hebraeae praestantiam: eruditionis, & stili consequendi compendia: Scholarum usum, & necessitatem: paucis, quae hominem non doctiorem modo reddunt, sed meliorem. Plura non conquiriti, nec altius penetravi, satisfactum conatibus ratus ubi pressis quasi habenis currum hunc continerem, intra has orbitas. Paucae quidem paginae sunt, sed satis multae si aliquid utilitatis in se continere videbuntur. Ut ut sit, has velut ex uberi messe, pauculas spicas, nomini vestro, Viri amplissimi, inscriptum eo. Leve & tenue munus, si id ex stilo metiemini; non leve, si vel ex labore meo, vel animo, quem benevolentia vestra ita sibi obstrinxit, ut ingratisissimus sim mortalium nisi eam lubens agnoscam. Benevolentiam dico, qua nullum existit vel illustrius ad laudem, vel majus ad admirationem, ex omnibus iis ornamentis, quae aut natura, aut vestra vobis tribuit industria. Reliquas enim virtutes, vel pares cum multis; vel raras cum paucis possidetis: at in ista benevolentiae, & humanitatis laude (nihil dabo auribus) paucissimos pares, nullos vobis superiores habetis. Quanta autem sit hujus virtutis vis, ad conciliandos hominum animos, & eternam nominis gloriam comparandam, vestra prudentia, mente facilius complecti, quam ego stilo emetiri possum. Illam & in me derivare, vobis visum, & amicitiae vestrae Sacris initiato, ne quid ad cumulum felicitatis meae deesse videretur, promissum*

num etiam hunc animum , datis ad me litteris ,  
 testificari. Quo meo merito ? nullo fateor sed  
 solo impulsu benevolentiae , quam litterae vestrae ,  
 sic palam praeferrunt , ut manu tangere , & te-  
 nere videar hunc affectum. Quem eò majorem  
 censeo , quod tam munes fuistis in ἀσὺμβολον  
 haectenus , & immunem. Id ne ultra sim , en vo-  
 bis Epistolas , novum ingenii nostri partum ;  
 sed tenerum , & quem per diuturnae invaletu-  
 dinis , lectissima mea conjugis tedia , ac tan-  
 dem obitum , nec elaborare , nec polire mihi  
 mens : quique excidisse mihi verius videtur ,  
 quàm à me exiisse. Vos citatores , imò patres ,  
 tollite , fovete , amate , natam hanc prolem : &  
 in primis protegite ab invidia telis , & calumniae  
 morsu. Ita Deus vos & virtutem vestram ,  
 eruditionem , dignitatem tueatur , ac defendat ,  
 ut quamdiu usus literis erit , honos scientiae ,  
 prudentiae pretium , sapientiae laus , tamdiu no-  
 minis vestri memoria , ad posteros propagetur.  
 Voveo viri magni

æternum vester

J. CRUCIUS.

Delphis M. DC. XXXII.

JACOBI



# JACOBI CRUCI EPISTOLARUM LIBER SECUNDUS.

HENRICO VANDERBURGIO

*Studioſo S. D.*

Cæſarodunum.



**I**N Galliam profeſtum te audio, optime juvenum: & audio libens, mentem iſtam tibi gratulor, generoſa tua indole dignam, quæ ad alta pleno gradu contendit, & per inſolita, viam ſibi ſternit ad honores. Plebeja iſta ingenia, & humi repentina, orium quærunt, & umbram: & ſemper ille puer, qui domi eſt; qui extra paterni agelli ambitum, Solem non vidit; inque eo, ut Comicus ait, ſemper quaſi claudus ſutor lateat; ſed ſublimioribus agnatum moveri, patriamque non ſoli & fundi ſui finibus includere, ſed Mundi. nihil longinquum illis, nihil inacceſſum; & in hac mente ferè, priſco & noſtro ævo, viri magni.

*Non Ithacum tenuere lares, geminoſque Mycena  
Atreidas; abiit Latio dimiſſa Iuventus,  
Cecropidumq; ſtetit tandem novus ad vena portis.*

Sed peregrinari te volo verè, & cum fruſtu; non vagari, diſcurrere, mutare cælum, non animum, quod quivis poteſt: ſed indagare, diſcere, ruminari, quod pauci. Ad voluptatem enim qui peregrinationem ſolùm inſtituunt, aberrari mihi videntur à vero ejus fine & uſu, qui non in eo ſitus ut rerum novitate paſcantur oculi, & fibula laxetur curioſitati. Nam quæ tam rigida mens è petra exſculpta, vel è quercu, quam non delectent, moveant, ſelectant tot oculorum, & aurium blandimenta,

qui eruditum te reddant, non curiosum ; doctrinæ cupidum, non vanitatis. Res in iis mirare, non typos, non characteres ; sapientiam, non formam ; auctorem, non typographum. Nam dum desidiosa huic occupationi plus nimio juvenus indulget, fit ut contemptis melioribus musis, jaceat illi ingenium, & repat, nec ad ineptias semel delapsa, erigere se possit ad altiora, quæ Patriæ aliquando inservire queat, & suis. Quem tamen unicum studiorum tuorum finem esse volo, & perpetuo ad eum te collimare. Cogita, quàm labilis, & fluxa ætas tua sit, & in præcipiti cursu ; in qua, si seminem solidioris doctrinæ facere neglexeris, frustra messem expectes. Maximum enim studiorum impedimentum est dilatio, quæ pendet ex crastino. Quid ? quod sæpè post moram, cum tempus & oportunitas effluxit, pœnitentia succedit, & indignatio. *Quare non feci ?* aut recurritur ad inconsiderantiæ excusationem, *non putaram*, quam scopulo pejus formidare debent ii, quibus studia sua curæ. Fruere annis ô fugacibus ; & aures tuas sæpè feriat, imo mentem, laudata illa vox πολυτελέστατον ἀνάλωμα χρόνου. Nam ut in fluvio una unda perpetuò propellit, nec unquam revocari elapsam. sic in tempore dies diem, nec reparari amissam. Et ut à corrente flumine tantum habes, quantum hauris : Ita ex annis semper euntibus nihil accipis, nisi quod in res duraturas collocâris. Quid securus, & in tanta temporum fuga lentus, longam tibi annorum seriem polliceris ? Avis est fugitiva, quæ ad manum non redit. Juveni parandum, Seni utendum est. Pulchra hîc si usquam parsimonia, imo tenacitas, & avaritia : contrâ nihil temporis jactura turpius, cujus serio multi, sed sero nimis, deplorant damna omni æstimatione majora. Tu in juvenili hoc vere, agrum ingenii tui cole, fertilem si quid judico, bonarum frugum, si conferatur, & in eum conjiciantur, cùm institutione aliena, tum propria industria, semina doctrinæ, & virtutis. Ad

utram-

utramque te horror : quod illa sine hac damnosa ,  
 hæc sine illa (ut nunc res eunt) parùm decora sit  
 & instructa ad suum vel alienum usum: sed in pri-  
 mis ad virtutem, in hoc bivio ætatis. Hæc prima ,  
 imò suprema tua sit cura , & finium ut ita dicam,  
 finis : cætera huc eant , & subserviant. Cave ne  
 vel tantillum ab ea defleas : nam laqueis vitio-  
 rum irretiti semel, ita tenentur, hoc temporum &  
 morum contagio, ut si vel angues sint, non elaban-  
 tur: & *ubi semel deerratum est, in præceptum est, ad eò*  
*mature à rectis ad prava, à pravis ad precipitia devol-*  
*vitur. Facilius est excludere pernicioſa, quàm regere ;*  
*& non admittere, quàm admissa moderari : nam cùm*  
*se in possessione posuerunt , potentiora rectore sunt : nec*  
*recidi se , minui ve patiuntur. Quare principiis ob*  
*sta , & in primis finibus hostem illum amolire :*  
*nam cùm intravit, & portis se intulit, modum à capti-*  
*vo non capit. Et ut in corporum solet morbis : sic*  
 in corruptis moribus quæ intempestivè adhibe-  
 tur, augeat morbum potius medicina , quàm levat.  
 Illibatam serva, & immunem probitatem tuam à  
 noxis & vitiis, quæ in Lycæo vestro , putata iden-  
 tidem & recisa, non repullulant modò, sed (men-  
 tiri optem) gliscunt indies , & augentur, desidia ,  
 luxus, crapula, morum licentia, & quid non ? Vicia  
 hæc fuge, & consortia , quæ nimis hodiè ad vani-  
 tatem, aut levitatem inclinant. Sicut enim ægro-  
 tantibus dulcia videntur amara , & alba lippienti-  
 bus, nigra : sic malis voluptates obscenæ , bonæ ,  
 & honestæ. Invitant, blandiuntur, trahunt?

— *Scopulis furdior Icari*

Sirenum hos cantus præterlabere, & patriæ virtu-  
 tis æmulus, veluti , rupes fermunculos illos affili-  
 entes retunde , aut frange : & ut spinas aut tribu-  
 los , etsi adhærentes, aut amplectentes , dimove-  
 mus ; sic tu noxia illa & pestifera si se offerunt ,  
 depelle: quæ ut venena vino mixta, perniciosius per-  
 niciosiusq; grassantur, & tanquam hamo cibus illi-  
 to, parum cautos inescant. Deum vitæ tuæ ducem  
 sequere;

sequere; nihil abripiat, quacunque specie, aut il-  
 licio. In studiis si operam meam desideras, equi-  
 dem non deero, ubi occasio ad eam rem feret  
 suppetiari, per me enim non incitatum solum,  
 te volo, sed si opus adjutum. Vides affectum  
 & quàm animo liberalis, & benignus in te sum,  
 & ero

*Dum pecori lupus, & nautis infestus Orion.*

Ut claudam, Deus litterarum tuarum sementem  
 foveat, attollat, maturer. Vale, & me ama *ἡμεῖς  
 ἀλλήλων φίλων;* & verè hoc dicam cum Euripide,

*"Αψάδεις ἡθῶ, ἐν περὶ κρίρον, σῶμα.*

Doctissimo Riveto, oculo & delicio seculi, à me  
 salutem. Dabam Delphis. Frid. Kalend. Marr.  
 M. DC XXXI.

JACOBO CRUCIO

*filio, Theolog. Studiose Pater*

S. D.

Eodem.

**T**E rediisse ad musas tuas, incolumem gau-  
 deo, jucundumque mihi fuit intelligere ex  
 litteris tuis quas accepi, cum Politiano, libello  
 elegantissimo. Curata à te probè omnia. De Cu-  
 nari Republica Judæorum quod scribis, metue-  
 bam. Jam pridem enim lucem vidit, & distracta  
 diu exemplaria, dabat mihi augurari, cum argu-  
 menti gravitas, tum viri illius incomparabilis  
 eruditio, à qua nihil nisi quod subactum sit, &  
 elaboratum expectes, & ad docti hujus seculi gu-  
 stum. Quid hac in re præstiteris, significabitur  
 Sgraefwegio, ubi nos inviser. Respondit ad meas  
 Boëlius, litterisque humanissimis, & elegantiz  
 plenis, affectum nostrum, & animum in se propen-  
 sum exosculatus est. Aliorum quoque literas avi-  
 dus expecto, quorum si indolem novi, non pa-  
 tientur se frustra ab eo provocari, cui non mini-  
 mam

nam debent institutionis suæ partem: quin & officiosam meam salutationem, pari officio rependant. N. N. vices doleo. Triste me hercule, & penè funestum, eorum, in se bellum pertraxit, qui dum ulcera sua tangi nolunt, & vitia sugillari, Satyricos illos morum censores, satyricè habent, nec minori licentia in eos invehuntur manu, pede, lingua; quàm illi calamo & stilo, in mores horum, & vitia. Prævidi hæc capiti ejus impendere mala. Quanquam neminem tam iniquum credam censorem, qui stili ejus licentiam inexpressibilem esse censeat, & qui imprudentiæ patrocinio veniam mereri non possit. Sed ita sunt; & si me vel aliquo proximitatis gradu attigisset, aut minima saltem mihi cum homine necessitudo, aut familiaritas, ardorem ejus in edenda hac sua Satyra, serio sufflaminâssem. Duci enim volunt ingenia nostra Batava, non trahi; laudum stimulo accendi, non irritari; suaderi, non impelli, & quantum æqui monitoris humanitati auscultant; tantum virulentæ aliorum mordacitati obnituntur. Allatrare, insultare, mordere, caninum est: nec mihi magni illi, qui obliquo dente, aliorum vitia stringunt, ipsi sæpè ab illis non alieni. Quid enim iniquius, quàm damnare in aliis, quod in te nolles, & qui ipse sat habes quod tibi posset verè dici? In hunc censurae campum qui descendit culpâ careat, quisquis est; medicamque ulceri adhibeat manum, ut non tam perstringi se sentiant, aut lædi, quàm diligi, & sanari. Sed aliter hodie cum multis comparatum, qui dum alienæ luxuriæ nihil ignoscunt, nihil suæ negant, & veniam maximè abnuunt, qui illam petere, sapius meruerunt. Tales quid nisi curiosâ indagine papulas alienas observant ipsi ulceribus obfiti, & corporum nævos, aut verrucas in aliis derident, quos fœda scabies depascitur. Examine tuo strenuè defunctus, quod spero, age, ad nos veni, nisi quid ex transverso incurrerit,


*gelidus*

— gelidus canis cum montibus humor

Liquitur, & Zephyro putris se gleba resolvit :  
ut animum diutulè intentum recrees , curisque  
suis gravioribus solutum ad dies aliquot reficias.  
Interim Deum rogo, ut studia tua non prosperet  
solùm, sed properet

Πρὶν γ' ὅτε δὴ θανάτῳ μέλῳ νέφθ' ἀμφιγα-  
λύψῃ.

Nam capitis nives, me propinquæ mortis admo-  
nent, & ætatem hanc labi ad suam metam , vitæ-  
que hunc solem , ad occasum. Vale mi Fili. Po-  
lyandrum, & Colonium Regentem tuum; ex ani-  
mo saluto. Delphis. IIII. Non. Martias. M. DC.  
XXXI.



Nobl.

*Nobilissimis , consultissimis  
doctissimisque Viris.*

JACOBO CATZIO Equiti , &  
Reipub. Dordracenæ Consiliario , &  
Syndico.

JACOBO MUYSIO ab HOLY,  
Equiti , Domino in Ketel , Striæ Bailli-  
vio, &c.

JOHANNI BEVEROVICIO,  
Civitatis Dordrac. Scabino , & Medi-  
cinæ Doctori.

CORNELIO à SOMEREN  
Medicinæ Doctori, & Eccles. Gallican.  
ibidem Seniori.

*Viri Nobiles , Viri Prudentes.*

**P***istolas non vetustas solum com-  
mendat , sed usus. Illam negare  
nemo potest qui historias vidit,  
& legit : hunc inficiari quis au-  
sit , qui cujus causæ inventa res ipsa est , ex-  
pendit ? ut nempe absentium quasi mutuus  
sit sermo , & amicitiae commercium inter eos ,  
quos locorum intervalla discriminant. Nul-  
lam vitæ humanæ partem immunem sui esse  
patitur. In Curia locum habet stilus , & in  
Castris ; & ubicunque consilio res geritur ,  
aut armis , domi , foris , Scribitur. Sagum  
sibi,*

sibi, & Togam vendicat; lauros, & trabeas, sceptrum & fasces; & in rebus arduis regni, aut regis militia, aut pacis, ubi lingua silet, manus loquitur; index animi, & interpres consiliorum, inter absentes, & longè remotos. Etenim quæ via voci præcludi solet, Epistolis nequit, quæ alis instructæ, penetrant quò nec voci datum, nec linguæ. non arduis montium jugis, non vasto maris spacio prohibentur: Cardines. iis & claustra ipsa Mundi patent. Haud rarò quoque quum armis non potest, pugnatur calamis, qui sine tumultu, inducias, aut pacem: sine sanguine victoriam, sine cade, trophæa moliuntur. Quid quod. & gentes quas immensa terrarum spatia, & immanis Oceani vastitas, longissimè disjungunt, litterarum dulci commercio, humanitatis grata officia colunt. Sed meâ hæc scriptio, & levior in hoc styli genere labor, etsi nec Patriæ consilia, nec Reipublicæ negotia tractet, nec Curia lites, & tricarum forensium ambages, & involucra, suo tamen argumento non planè inutilis est. Religionis enim studium, & Orthodoxiam loquor, ab omni novitatis pruriginè alienam: pietatis officia in Deum, in parentes, in Magistratum: parentum in liberos: præceptorum in discipulos: discipulorum in præceptores: Oeconomiae munia in statu conjugali: vitæ & mortis medicamenta, in omni casu: peregrinationis rectè suscipiendæ rationem; studiorum dignitatem: linguarum.

Latina,



*Latinae, Graecae, Hebraeae praestantiam: eruditionis, & stili consequendi compendia: Scholarum usum, & necessitatem: paucis, quae hominem non doctiorem modò reddunt, sed meliorem. Plura non conquiriti, nec altius penetravi, satisfactum conatibus ratus ubi pressis quasi habens currum hunc continerem, intra has orbitas. Pauca quidem paginae sunt, sed satis multae si aliquid utilitatis in se continere videbuntur. Ut ut sit, has velut ex uberi messe, pauculas spicas, nomini vestro, Viri amplissimi, inscriptum eo. Leve & tenue munus, si id ex stilo metiemini; non leve, si vel ex labore meo, vel animo, quem benevolentia vestra ita sibi obstrinxit, ut ingratisissimus sim mortalium nisi eam lubens agnoscam. Benevolentiam dico, qua nullum existit vel illustrius ad laudem, vel majus ad admirationem, ex omnibus iis ornamentis, quae aut natura, aut vestra vobis tribuit industria. Reliquas enim virtutes, vel pares cum multis; vel raras cum paucis possidetis: at in ista benevolentia, & humanitatis laude (nihil dabo auribus) paucissimos pares, nullos vobis superiores habetis. Quanta autem sit hujus virtutis vis, ad conciliandos hominum animos, & aeternam nominis gloriam comparandam, vestra prudentia, mente facilius complecti, quàm ego stilo emetiri possum. Illam & in me derivare, vobis visum, & amicitiae vestrae Sacris initiato, ne quid ad cumulum felicitatis meae deesse videretur, pronum*

num etiam hunc animum , datis ad me litteris ,  
 testificari. Quo meo merito ? nullo fateor sed  
 solo impulsu benevolentiae , quam litterae vestrae ,  
 sic palam praefereunt , ut manu tangere , & te-  
 nere videar hunc affectum. Quem eò majorem  
 censeo , quod tam munes fuistis in ἀσὺμβολον  
 haectenus , & immunem. Id ne ultra sim , en vo-  
 bis Epistolas , novum ingenii nostri partum ;  
 sed tenerum , & quem per diuturnae invaletu-  
 dinis , lectissima mea conjugis tædia , ac tan-  
 dem obitum , nec elaborare , nec polire mihi  
 mens : quique excidisse mihi verius videtur ,  
 quàm à me exiisse. Vos citatores , imò patres ,  
 tollite , foveate , amate , natam hanc prolem : &  
 imprimis protegite ab invidia telis , & calumniae  
 morfu. Ita Deus vos & virtutem vestram ,  
 eruditionem , dignitatem tueatur , ac defendat ,  
 ut quamdiu usus literis erit , honos scientiae ,  
 prudentiae pretium , sapientiae laus , tamdiu no-  
 minis vestri memoria , ad posteros propagetur.  
*Voveo viri magni*

æternum vester

J. CRUCIUS.

Delphi M. DC. XXXII.

JACOBI

# JACOBI CRUCI EPISTOLARUM LIBER SECUNDUS.

HENRICO VANDERBURGIO

*Studio S. D.*

Cæsarodunum.

**I**N Galliam profectum te audio, optimæ juvenum: & audio libens, mentem istam tibi gratulor, generosa tua indole dignam, quæ ad alta pleno gradu contendit, & per insolita, viam sibi sternit ad honores. Plebeja ista ingenia, & humi repentia, orium quærunt, & umbram: & semper ille puer, qui domi est; qui extra paterni agelli ambitum, Solem non vidit; inque eo, ut Comicus ait, semper quasi claudus tutor latet; sed sublimioribus agnatum moveri, patriamque non soli & fundi sui finibus includere, sed Mundi. nihil longinquum illis, nihil inaccessum; & in hac mente ferè, prisco & nostro ævo, viri magni.

*Non Ithacum tenuere lares, geminosque Mycena  
Atridas; abiit Latio dimissa Iuventus,  
Cecropidumq; stetit tandem novus advena portis.*

Sed peregrinari te volo verè, & cum fructu; non vagari, discurrere, mutare cælum, non animum, quod quisvis potest: sed indagare, discere, ruminari, quod pauci. Ad voluptatem enim qui peregrinationem solùm instituunt, aberrari mihi videntur à vero ejus fine & usu, qui non in eo situs ut rerum novitate pascantur oculi, & fibula laxetur curiositati. Nam quæ tam rigida mens è petra exsculpta, vel è quercu, quam non delectent, moveant, flectant tot oculorum, & aurium blandimenta,

menta, & jucunda illa, ac varia lustratio, gentium, urbium, locorum? Hac ut cuiusvis obvia sunt, & aliud etiam cogitanti, sponte obveniunt, iis te immorari nolo, sed ad ea convertere mentis oculos, & serio occupari, ex quibus fructum capias, quem nec secuti omnes qui peregrinantur, nec qui secuti, adsecuti. Eum tibi non suggero tantum, sed si quid apud te possum, ingero, imò inculco. Tria hic tibi propono, *Prudentiam, Scientiam, Mores.* Quæ omnia tibi peregrinatio si consilio, si rite instituta, adferre debet. Ac Prudentiam ea conciliari etiam ante prudentiæ annos, tam clarum est, ut non aliam Homerus poetarum ille princeps, Ulyssææ prudentiæ causam assignet, quam quod,

Πολλῶν ἀνθρώπων ἶδεν ἄστα, ἔ νόον ἔγνω.

In qua etiam sententia fuisse videntur Lacedæmonii, qui Apollinem sapientiæ præsidem *Πηγά-  
χρα*, ἔ *πηγάων*, id est quaternis manibus, totidemque auribus fingere censuerunt, illud nimirum innuentes, eum demum prudentem virum haberi debere, qui plurimas res tum viderit, tum audiverit. Neque injuria. Instituta enim, leges, jura, ritus gentium, mores & consuetudines hominum, statuta civitatum, mirum, quantum ad prudentiam ponderis adferant & momenti: quàm egregiè ingenium acuant, & iudicium forment, si non libata leviter, ut à multis, sed observata serio, & retenta. Quod ut fiat, vide, audi, iudica: & in his absit torpor omnis, & oscitantia; absit & verecundia nimia, & ratiurnitas. nusquam meliore damno, frons ponitur. Importunum te, hic esse volo, & modestè curiosum, discendi cupidum, rogare, inquirere, percontari, foris, domi, in itinere, in agro, urbe, foro, aula, templo, de moribus, legibus, situ, munitionibus, opificio, privilegiis, mercatura, monumentis cujusque urbis: addo & de Principibus, bellis, induciis, pace, aut si quid eventum magis insignis. Nusquam sese

non

non offert proficiendi occasio ; Tu arripe tantum. Et ut Appelli nulla dies sine linea, sic nec tibi dies unquam , penè dixeram hora , sine aliqua observatiuncula, quæ te prudentiorem reddat, animumque imbuat novo semper aliquo sapientis iudicii succo. Hæc notabis, nec memoriæ tantum, sed pugillaribus, chartis, tabulis consignata, sepones, digeres ; & quod caput, tanquam *κεφάλαια* recondes. Cave differas videre, tanquam sæpè visûrus, quod videre nunc datur, quoties velis, & Orbem quasi compendio contemplari. Non enim mora tibi , sed diligentia fructum itineris dabit. Si urbes videris , viros, mores ; & quid urbes , viros mores ubique aut servet , aut corrumpat. Si vitia hominum observes , ut tua corrigas ; virtutes, ut imiteris, & dum alienæ fortunæ arbiter es, & iudex , faber sistux. Novi qui diu multumque circumvectus, nil nisi se ipsum reportaret. Sed de hac satis. Ad Scientiam venio. *qua aut ab Auribus, aut ab Oculis; à Doctore dico, aut à Libri.* Et de libris quidem neminem credo esse qui ambigat, utilius domi haberi , & tractari , quàm in continuo peregrinationis motu. In Doctores aliter comparatum. Sua enim cuique terræ velut gemmula; & nulla tam beata gens, nulla tam felix regio, quæ felicissima omnia ingenia includat : sed sparsa illa ubique , & diffusa , sapientissima Dei œconomia, in remotas etiam mundi oras, ne uni loco, aut terræ, Musas alligatas putemus , sed ubique hominem comitari , & suos in famæ Theatro collocatos alumnos, procul nonnunquam à genitrali suo solo amandare , ut inter alios tanquam soles emineant, &

*Velut inter ignes*

*Luna minores.*

Hos adi , hos audi , in horum notiçiam te insinua, favorem ambi, amicitiam exerce. Quod si feceris ( ut id haud difficile apud tam humanos ) bone Deus ! quæ occasio hîc discendi indies , & rem-  
E facien-

faciendi, in tam opulento Musarum mercatu, & doctorum litterato commercio. Et si non aliud, ipse vultus, & brevis etiam sermo, aliquid te juvet: imò est & aliquid quod ex magno Viro, vel tacente proficias. *Sicut nautas in tenebris levis intermicantis sideris illustratio, dirigit: sic nos in hac vita vel inspecti illi viri.* Non alia Platonis, Pythagoræ, Democriti, & aliorum sapientum mens fuit: qui relicto facunda illa scientiarum parente, & artium penu **G R Æ C I A**, non ad cultos solum, sed ad barbaros peregrinati sunt: ut & ab exteris discerent quæ sibi deesse viderentur, quæque ad penitiorem sapientiam consequendam essent adminicula. Iam quæ & ab Oculis utilitas? qui hîc veri tibi & individui ad Scientiam duces. Galliam ecce nunc adiisti. Illâ elegantix & doctrinæ sedem, Sapientix palæstram, ferax ingeniorû seminarium, Musarum domicilium, Palladis officinam, comitatus, & morum magistratam. Illam fœcundo glebarum cultu, montium, vallium, agrorum fertilitate, leni fluminum murmure, insigni aëris & cœli temperie, celebratam. In ea vix pedem usquam fîges, vix oculum flectes, quin monumentum aliquod videas aut premas, belli olim à Casare gesti victoriarum trophæa, statuas, ædium, palatiorum, templorum rudera, theatra, circos, arcus, sepulchra, lapides; & in his ipsis antiquitatis vestigiis, latentes thesauros morum & doctrinæ, & reliquias quasdam melioris ævi. Illic Aquitaniam, medullam omnium Galliarum, oculis subicies, tot annis ab Anglis occupatam. Hîc Aureliam, & in ea Ianæ virginis, libertatis Gallix sub Carolo V. I. asserticis fortissimæ, statuum, æterno ejus nomini dicatam. Alibi Regum centenis aliquot retrò annis defunctorum, superba monumenta. Alibi Gallica Tempe, & delicias regni Fontem Bellaqueum; & in nobilissima urbium Lutetia τῆς οὐρανίας ἑστῆτος αὐγῆς augustam illam Principis aulam **L U R A - R A M**. Alibi Tempia, Scholæ, Collegia, Academies,

mias, Bibliothecas, id est fora quædam, & πανήγυρις artium bonarum, sexcentaque alia quæ non delectant solum, sed mirificè peregrinantem docent, exercent, formant, mentique ejus ingenerant cupidinem veræ virtutis, & gloriæ, aspectu tot sublimium, & grandium rerum. Restant Mores. qui postremus mihi locus, tibi si quid sapias, ô Adolefcens, primus. Ab hoc enim scopo si aberrasti, aberrasti ab aliis, & inutilis scientia omnis, & prudentia; inutiles dignitates, & honores, imò noxii, secreti à probitate morum. Cætera quæ vulgus hominum miratur, apices, prætextas tra-beas, ampullas sesquipedalium titulorum, speciosa puta, hanc necessariam: illa ad ornatum adhibe, hanc ad salutem.

Ὡς ἔδειν ἢ μάθης, ὡ μὴ νῦν παύῃ!

ait vetus, & verus verius. Scientiam te amare volo & sectari, sed per tot peregrinationis tuæ incommoda, tot labores non scire tantum velis; sed Sapere, & Facere. Habes campum in quo tua virtus decurrat, Palæstram in qua exercita gliscat magis, ac magis, & masculum colligat robur ex conspectu, auditu, & alloquio tot virorum, à quibus non potes non redire doctior, & melior. Nam ut ille qui aromata tractat, aut unguenta, odorem trahit; ita qui frequentat bonos, virtutem. Tantum

*I bone quo tua te virtus vocat, i pede fausto,*


ad ea omnia longius, longiusque, quorum causa, tua hæc instituta peregrinatio. Naturæ, disciplinam adde, & seriis severisque etiam studiis, animum forma; quæ ad fasces eunt, & purpuram. Sed pede semper recto, id est, per viam quam veteres calcârunt, & ego monendo olim cum meus esses, aut docendo prævi. Vide, ut vidisse te olim juvet, id est quæ bona, & in rem tuam excerpe; cætera nec range, nec deliba. Nam & rosæ suæ sunt spinæ, atque illas legere licet, & ab his non lædi. Sed & pectus clausum habe, linguam circumspectam, frontem hilarem, quædam vide, & transi; audi &

— gelidus canis cum montibus humor

*Liquitur, & Zephyroputris se glebae solvit :*  
ut animum diutulè intentum recrees, curisque  
suis gravioribus solutum ad dies aliquot reficias.  
Interim Deum rogo, ut studia tua non prosperet  
solùm, sed properet

Πρὶν γ' ὅτε δὴ θανάτῳ μέλῳ νέφθῃ ἀμφιχα-  
λύψῃ.

Nam capitis nives, me propinquæ mortis admo-  
nent, & ætatem hanc labi ad suam metam, vitæ-  
que hunc solem, ad occasum. Vale mi Fili. Po-  
lyandrum, & Colonium Regentem tuum, ex ani-  
mo saluto. Delphis. III. Non. Martias. M. DC.  
XXXI.



*Nobl-*



*Nobilissimis , consultissimis  
doctissimisque Viris.*

JACOBO CATZIO Equiti , &  
Reipub. Dordracenæ Consiliario , &  
Syndico.

JACOBO MUYSIO ab HOLY,  
Equiti , Domino in Ketel , Striæ Bailli-  
vio , &c.

JOHANNI BEVEROVICIO,  
Civitatis Dordrac. Scabino , & Medi-  
cinæ Doctori.

CORNELIO à SOMEREN  
Medicinæ Doctori , & Eccles. Gallican.  
ibidem Seniori.

*Viri Nobiles , Viri Prudentes.*

**P**istolas non vetustas solum com-  
mendat , sed usus. Illam negare  
nemo potest qui historias vidit ,  
& legit : hunc inficiari quis au-  
sit , qui cujus causâ inventa res ipsa est , ex-  
pendit ? ut nempe absentium quasi mutuus  
sit sermo , & amicitia commercium inter eos ,  
quos locorum intervalla discriminant. Nul-  
lam vitæ humanæ partem immunem sui esse  
patitur. In Curia locum habet stilus , & in  
Castris ; & ubicunque consilio res geritur ,  
aut armis , domi , foris , Scribitur. Sagum  
sibi,

sibi, & Togam vendicat; lauros, & trabeas, sceptrum & fasces; & in rebus arduis regni, aut regis militia, aut pacis, ubi lingua silet, manus loquitur; index animi, & interpres consiliorum, inter absentes, & longè remotos. Etenim quæ via voci præcludi solet, Epistolis nequit, quæ alis instructæ, penetrant quò nec voci datum, nec linguae. non arduis montium jugis, non vasto maris spacio prohibentur: Cardines. iis & claustra ipsa Mundi patent. Haud rarò quoque quum armis non potest, pugnatur calamis, qui sine tumultu, inducias, aut pacem: sine sanguine victoriam, sine cade, trophæa moliuntur. Quid quod. & gentes quas immensa terrarum spatia, & immanis Oceani vastitas, longissimè disjungunt, litterarum dulci commercio, humanitatis grata officia colunt. Sed mea hæc scriptio, & levior in hoc styli genere labor, etsi nec Patriæ consilia, nec Reipublicæ negotia tractet, nec Curia lites, & tricarum forensium ambages, & involucra, suo tamen argumento non planè inutilis est. Religionis enim studium, & Orthodoxiam loquor, ab omni novitatis pruriginè alienam: pietatis officia in Deum, in parentes, in Magistratum: parentum in liberos: præceptorum in discipulos: discipulorum in præceptores: Oeconomiae munia in statu conjugali: vitæ & mortis medicamenta, in omni casu: peregrinationis rectè suscipiendæ rationem; studiorum dignitatem: linguarum.

Latina,

*Latina, Græcæ, Hebrææ præstantiam: eruditio-  
nis, & stili consequendi compendia: Schola-  
rum usum, & necessitatem: paucis, quæ ho-  
minem non doctiorem modò reddunt, sed me-  
liorem. Plura non conquiriti, nec altius pe-  
netrari, satisfactum conatibus ratus ubi pressis  
quasi habens currum hunc continerem, intra  
has orbitas. Pauca quidem paginae sunt, sed  
satis multa si aliquid utilitatis in se continere  
videbuntur. Ut ut sit, has velut ex uberi mes-  
se, pauculas spicas, nomini vestro, Viri am-  
plissimi, inscriptum eo. Leve & tenue munus,  
si id ex stilo metiemini; non leve, si vel ex la-  
bore meo, vel animo, quem benevolentia vestra  
ita sibi obstrinxit, ut ingratisissimus sim morta-  
lium nisi eam lubens agnoscam. Benevolentiam  
dico, qua nullum existit vel illustrius ad lau-  
dem, vel majus ad admirationem, ex omnibus  
iis ornamentis, quæ aut natura, aut vestra vo-  
bis tribuit industria. Reliquas enim virtutes,  
vel pares cum multis; vel raras cum paucis pos-  
sidetis: at in ista benevolentia, & humanita-  
tis laude (nihil dabo auribus) paucissimos pa-  
res, nullos vobis superiores habetis. Quanta  
autem sit hujus virtutis vis, ad conciliandos  
hominum animos, & æternam nominis gloriam  
comparandam, vestra prudentia, mente faci-  
lius complecti, quàm ego stilo emetiri possum.  
Illam & in me derivare, vobis visum, &  
amicitiæ vestræ Sacris initiato, ne quid ad  
cumulum felicitatis meæ deesse videretur, pro-  
num*

num etiam hunc animum , datis ad me litteris ,  
 testificari. Quo meo merito ? nullo fateor sed  
 solo impulsu benevolentiae, quam litterae vestrae,  
 sic palàm præferunt , ut manu tangere , & te-  
 nere videar hunc affectum. Quem eò majorem  
 censeo , quod tam munes fuistis in ἀσὺμβολον  
 hæctenus, & immunem. Id ne ultrà sim, en vo-  
 bis Epistolas , novum ingenii nostri partum ;  
 sed tenerum , & quem per diuturnæ invaletu-  
 dinis , lectissima mea conjugis tædia , ac tan-  
 dem obitum , nec elaborare , nec polire mihi  
 mens : quique excidisse mihi verius videtur ,  
 quàm à me exiisse. Vos ei tutores , imò patres ,  
 tollite, fovete , amate , natam hanc prolem : &  
 in primis protegite ab invidia telis, & calumnie  
 morsu. Ita Deus vos & virtutem vestram ,  
 eruditionem, dignitatem tueatur , ac defendat ,  
 ut quamdiu usus literis erit , honos scientiæ ,  
 prudentiæ pretium , sapientiæ laus, tamdiu no-  
 minis vestri memoria , ad posteros propagetur.  
 Voveo viri magni

æternùm vester

J. CRUCIUS.

Delphis M. DC. XXXII.

JACOBI

# JACOBI CRUCI

## EPISTOLARUM

### LIBER SECUNDUS.

HENRICO VANDERBURGIO

*Studio S. D.*

Cæsarodunum,

**I**N Galliam profectum te audio, optimæ juvenum: & audio libens, mentem istam tibi gratulor, generosa tua indole dignam, quæ ad alta pleno gradu contendit, & per insolita, viam sibi sternit ad honores. Plebeja ista ingenia, & humi repentina, orium quærunt, & umbram: & semper ille puer, qui domi est; qui extra paterni agelli ambitum, Solem non vidit; inque eo, ut Comicus ait, semper quasi claudus tutor latet; sed sublimioribus agnatum moveri, patriamque non soli & fundi sui finibus includere, sed Mundi. nihil longinquum illis, nihil inaccessum; & in hac mente ferè, prisco & nostro ævo, viri magni.

*Non Ithacum tenuere lares, geminosque Mycena  
Atreidas; abiit Latio dimissa Iuventus,  
Cecropidumq; stetit tandem novus advena portis.*

Sed peregrinari te volo verè, & cum fructu; non vagari, discurrere, mutare cælum, non animum, quod quivis potest: sed indagare, discere, ruminari, quod pauci. Ad voluptatem enim qui peregrinationem solùm instituunt, aberrari mihi videntur à vero ejus fine & usu, qui non in eo situs ut rerum novitate pascantur oculi, & fibula laxetur curiositati. Nam quæ tam rigida mens è petra exsculpta, vel è quercu, quam non delectent, moveant, flectant tot oculorum, & aurium blandimenta,

menta, & jucunda illa, ac varia lustratio, gentium, urbium, locorum? Hac ut cuiusvis obvia sunt, & aliud etiam cogitanti, sponte obveniunt, iis te immorari nolo, sed ad ea convertere mentis oculos, & serio occupari, ex quibus fructum capias, quem nec secuti omnes qui peregrinantur, nec qui secuti, adsecuti. Eum tibi non suggero tantum, sed si quid apud te possum, ingero, imò inculco. Tria hic tibi propono, *Prudentiam, Scientiam, Mores.* Quæ omnia tibi peregrinatio si consilio, si rite instituta, adferre debet. Ac Prudentiam ea conciliari etiam ante prudentiæ annos, tam clarum est, ut non aliam Homerus poetarum ille princeps, Ulysseæ prudentiæ causam assignet, quam quod,

Πολλῶν ἀνθρώπων ἴδεν ἄστα, ἔ νόον ἔγνω.

In qua etiam sententia fuisse videntur Lacedæmonii, qui Apollinem sapientiæ præsidem τετρα-  
χῆρα, ἔ τετραώτων, id est quaternis manibus, totidemque auribus fingere censuerunt, illud nimirum innuentes, eum demum prudentem virum haberi debere, qui plurimas res tum viderit, tum audiverit. Neque injuria. Instituta enim, leges, jura, ritus gentium, mores & consuetudines hominum, statuta civitatum, mirum, quantum ad prudentiam ponderis adferant & momenti: quàm egregiè ingenium acuant, & judicium formant, si non libata leviter, ut à multis, sed observata serio, & retenta. Quod ut fiat, vide, audi, iudica: & in his absit torpor omnis, & oscitantia; absit & verecundia nimia, & raciturnitas. nusquam meliore damno, frons ponitur. Importunum te, hic esse volo, & modestè curiosum, discendi cupidum, rogare, inquirere, percontari, foris, domi, in itinere, in agro, urbe, foro, aula, templo, de moribus, legibus, situ, munitionibus, opificio, privilegiis, mercatura, monimentis cujusque urbis: addo & de Principibus, bellis, induciis, pace, aut si quid eventuum magis insignis. Nusquam sese  
non

non offert proficiendi occasio ; Tu arripe tantum. Et ut Appelli nulla dies sine linea, sic nec tibi dies unquam , penè dixeram hora , sine aliqua observatiuncula, quæ te prudentiorem reddat, animumque imbuat novo semper aliquo sapientis iudicii succo. Hæc notabis, nec memoriæ tantum, sed pugillaribus, chartis, tabulis consignata, sepones, digeres ; & quod caput, tanquam *κειμήλια* recondes. Cave differas videre, tanquam sæpè visurus, quod videre nunc datur, quoties velis, & Orbem quasi compendio contemplari. Non enim mora tibi , sed diligentia fructum itineris dabit. Si urbes videris , viros, mores ; & quid urbes , viros mores ubique aut servet , aut corrumpat. Si vitia hominum observes , ut tua corrigas ; virtutes, ut imiteris, & dum alienæ fortunæ arbiter es, & iudex , faber sistuæ. Novi qui diu multumque circumvestus, nil nisi se ipsum reportaret. Sed de hac satis. Ad Scientiam venio. *qua aut ab Auribus, aut ab Oculis; à Doctore dico, aut à Libris.* Et de libris quidem neminem credo esse qui ambigat, utilius domi haberi , & tractari , quàm in continuo peregrinationis motu. In Doctoribus aliter comparatum. Sua enim cuique terræ velut gemmula: & nulla tam beata gens, nulla tam felix regio, quæ felicissima omnia ingenia includat : sed sparsa illa ubique , & diffusa , sapientissima Dei œconomia, in remotas etiam mundi oras, ne uni loco, aut terræ, Musas alligatas putemus , sed ubique hominem comitari , & suos in famæ Theatro collocatos alumnos , procul nonnunquam à genitali suo solo amandare , ut inter alios tanquam soles emineant, &

— *Velut inter ignes*

*Luna minores.*

Hos adi , hos audi , in horum notiā te insinua, favorem ambianicitiam exposce. Quod si feceris ( ut id haud difficile apud tam humanos ) bone Deus ! quæ occasio hinc discendi indies , & rem-

E

facien-

faciendi, in tam opulento Musarum mercatu, & doctorum litterato commercio. Et si non aliud, ipse vultus, & brevis etiam sermo, aliquid te juvet: imò est & aliquid quod ex magno Viro, vel tacente proficias. *Sicut nautas in tenebris levis intermicantis sideris illustratio, dirigit: sic nos in hac vita vel inspecti illi viri.* Non alia Platonis, Pythagoræ, Democriti, & aliorum sapientum mens fuit: qui relicto fecunda illa scientiarum parente, & artium penu **G R A C I A**, non ad cultos solum, sed ad barbaros peregrinati sunt: ut & ab exteris discerent quæ sibi deesse viderentur, quæque ad peniorem sapientiam consequendam essent adminicula. Iam quæ & ab Oculis utilitas? qui hîc veri tibi & individui ad Scientiam duces. Galliam ecce nunc adiisti. Illâ elegantix & doctrinæ sedem, Sapientix palæstram, ferax ingeniorû seminarium, Musarum domicilium, Palladis officinam, comitatus, & morum magistratam. Illam fecundo glebarum cultu, montium, vallium, agrorum fertilitate, leni fluminum murmure, insigni aëris & coeli temperie, celebratam. In ea vix pedem usquam figes, vix oculum flectes, quin monumentum aliquod videas aut premas, belli olim à Casare gesti victoriarum trophæa, statuas, ædium, palatiorum, templorum rudera, theatra, circos, arcus, sepulchra, lapides; & in his ipsis antiquitatis vestigiis, latentes thesauros morum & doctrinæ, & reliquias quasdam melioris ævi. Illic Aquitaniam, medullam omnium Galliarum, oculis subicies, tot annis ab Anglis occupatam. Hîc Aureliam, & in ea Ianæ virginis, libertatis Gallix sub Carolo V. asserticis fortissimæ, statuam, æterno ejus nomini dicatam. Alibi Regum centenis aliquot retrò annis defunctorum, superba monumenta. Alibi Gallica Tempe, & delicias regni Fontem Bellaqueum; & in nobilissima urbium Lutetia τῆς οὐρανίας ἐπιτομῆς augustam illam Principis aulam **L U P A R A M**. Alibi Tempa, Scholæ, Collegia, Academies,



mias, Bibliothecas, id est fora quædam, & πανήγυρις artium bonarum, sexcentaque alia quæ non delectant solum, sed mirificè peregrinantem docent, exercent, formant, mentique ejus ingenerant cupidinem veræ virtutis, & gloriæ, aspectu tot sublimium, & grandium rerum. Restant Mores. qui postremus mihi locus, tibi si quid sapias, ô Adolefcens, primus. Ab hoc enim scopo si aberrasti, aberrasti ab aliis, & inutilis scientia omnis, & prudentia; inutiles dignitates, & honores, imò noxii, secreti à probitate morum. Cætera quæ vulgus hominum miratur, apices, prætextas tra-beas, ampullas sesquipedalium titulorum, speciosa puta, hanc necessariam: illa ad ornatum adhibe, hanc ad salutem.

Ὡς ἔδειν ἡ μάθησις, ὡς μὴ νῦν παύῃ!

ait vetus, & verus verius. Scientiam te amare volo & sectari, sed per tot peregrinationis tuæ incommoda, tot labores non scire tantum velis; sed Sapere, & Facere. Habes campum in quo tua virtus decurrat, Palæstram in qua exercita gliscat magis, ac magis, & masculum colligat robur ex conspectu, auditu, & alloquio tot virorum, à quibus non potes non redire doctior, & melior. Nam ut ille qui aromata tractat, aut unguenta, odorem trahit: ita qui frequentat bonos, virtutem. Tantum

*I bone quo tua te virtus vocat, i pede fausto,*

ad ea omnia longius, longiusque, quorum causa, tua hæc instituta peregrinatio. Naturæ, disciplinam adde, & seriis severisque etiam studiis, animum forma; quæ ad fasces eunt, & purpuram. Sed pede semper recto, id est, per viam quam veteres calcârunt, & ego monendo olim cum meus esses, aut docendo prævi. Vide, ut vidisse te olim juvet, id est quæ bona, & in rem tuam excerpe; cætera nec range, nec deliba. Nam & rosas suæ sunt spinæ, atque illas legere licet, & ab his non lædi. Sed & pectus clausum habe, linguam circumspectam, frontem hilarem, quædam vide, & transi; audi &

tolera. Mala eorum consortia fuge, qui & se dedecorant, & omne nomen litterarum. Quidam, quia segnes, & nullius seriarum curarum, nec scientiam quarunt, sed ejus solum umbram. Eò enim ventum est, ut artes, & studia titulus fiant in multis, & satis est hunc inscribi, etiam asinis. Quidam, quia suffeni, & vento φιλονικίας distenti, quo fit, ut olim vix septem Sapientes reperti; hodiè vix totidem rudes. Plerique, quia vitæ morumque abjecta omni cura, & infecti vitio licentiæ luxuriosè vivunt: ut non frustra litteræ in vulgus malè audiant, tanquam nequitiae magistræ. Apage tales istos, Massiliâ dignos, vel Tarento, liberalium ingeniorum pestes, sapientiæ remoras, & virtutis, in Musico cœtu, maculas, purgamenta. Serpentum hic mirare prudentiam, qui ad incantamenta, ne capiuntur, tacito naturæ sensu, obthurare dicuntur aures. Tu Adolescens, non aures modo, & oculos; sed & mentem ad hæc blandimenta: quæ etiam cum rejiciuntur, placent; sæpe exclusa, novissimè recipiuntur. Magni hæc animi est, inter tot prava aut depravantia, rectum stare, & manere in æqua judicii lance: nam facilis est in procliva vitiorum descensus: & ut cœlo obscuro difficilis est navigatio: sic rectum tenere iter, perquam molestum, inter tot vitiorum scopulos, & vada. Hæc ut declines, opus tibi non prudentia solum, & Argi oculis, sed dicam fortuna. Ita ubique insidiæ, & laquei, longius à patria strui, & tendi solent incautæ juventuti. Mille eam perendi modi, mille artificia; deliciarum loci, largior passim vini usus, diversoria parum honesta, Venerei nepotuli ubique, & lenones expugnatores alienæ pudicitiae, negligentes suæ: illæ non dicam foeminae, sed Veneres, lepōrum omnium, ac elegantiarum magistræ. quæ cultu, vultu, ore, & blanditiarum philtro, quovis melle dulciori, ætatem illam juvenilem, quæ in ipso æstu, facile inescant, & ut aspides venenum suum inspirant sopiente,  
quodam,

quodam, & fallente morsu. Adversus hac pellacis  
Mundi tela, quæ eò diligentius teguntur, quo  
propius accedunt, nullo alio scuto, & scito te mu-  
nio & moneo, quàm ut DEUM TIMEAS;  
huncque supplex precor ut servet, & probitatem  
tuam ab hujus seculi contagio, & ab ea quæ mun-  
do huic imperat, *Vanitate*. Vale mi Vanderburgi,  
vale, à Crucio planè tuo, & me ama. Delphis.  
quarto Idus Martias. M. DC. XXXI.

JOH. CABELIAVIO  
S. D.

Amstelodamum.

CEnturiam tuam alteram., clarissime Cabelia-  
vi, ut vidis, ad os appressi, & ad pectus. Ita  
omnia perquam grata mihi, quæ à pectore tam  
amico. In ea lectitanda totus nunc sum. Quan-  
quam ut faciliè cuique ἐν τῇ χειρὶ τὸ ὕψος  
ἰσχύει, & venatoribus feram ex impresso vesti-  
gio, & leonem ex ungue: ita mihi ex scriptione  
virum. Ad has Musas mihi videris à Natura fa-  
ctus, ita tibi in quovis argumento, stilus molliter  
fluit

————— puroque sim illevis amni,  
elegantiam suam spirat ubique, & suavitatem. Et  
quanquam

*Non semper idem floribus est honos  
Verni, neque uno Luna rubens nitet  
Vultu.*

tu semper tibi similis, concisus, facilis, sententio-  
sus, & figurarum varietate felix. Rectè mehercu-  
le. Carent enim genio, & decore, coacta; & ubi-  
cunque vis est, venustas exultat. Ea demum dictio  
grata est, quæ lectorem suspensum tenet; quæ  
cum placeat, non expleat, semperq; novæ aliquid  
expectationis ostendat, ut nusquam deposuisse ca-  
lamum sentiat, nusquā finisse, nisi opere universo  
expleto. Perge, perge mi Cabeliavi, & quas adhuc

premis centurias, prome, publicique fac juris, ut in lucem veniant & diem ferant, quæ hætenus latuere, ac in prolixa hac serie litterarum, ad tot tantosque Europæ viros, labores tuos indefessos fera miretur posteritas, & insatiabilem tuam in amicitiiis doctorum ambiendis, cupidinem. Honorificam, ut video, in litteris mentionem mei facere tibi placuit, sed ex affectu magist tuo, quàm meo merito. Iam pridem enim didici, quid sit S C I R B, & quam pauci ad veræ subactæque eruditionis laudem assurgant. In cujus contemplationem quotiescunque descendo, nec capere eam, nec mirari satis eorum stultitiam queo, qui cum vix sapiant suprâ vulgum, aut scholæ pulverem, egregiè sibi docti videntur & literati. Ad me quod attinet, meo me pede metior, & si quid honoratius de me sentiant alii, id totum & ex asse humanitati eorum & benevolentiz tributum eo, non (si quid in me est) eruditioni, quàm perexiguam esse, non invitus agnosco. Interim quod nuper tibi de me sermo, cum doctissimo virorum Heinſio, intelligere mihi fuit perjucundum; esse, aliquid in me, quod gratiam mihi conciliet, apud tales, qui litteras & litteratos amant. O me beatum, qui & in hoc choro non planè peregrinus! Est, quod felicitatem hanc mihi gratuler, quam omnibus thesauris Arabum, & Persarum opibus longè præfero; & perennem mihi auguror, quando Virtuti pretium erit, & tuus in me affectus. Sed pergo. Quid? Itane homines immutauer, ut repenti posita studiorum cura, à Palladis ad Veneris castra deficiant; quique non ita pridem de legendis tantum libris, nunc de liberis gignendis cogitent? Quæris quid sentiam? Consilium probo, sed (liberè loquar)

*Periculosa plenum opus alea*

*Trahas.*

Anceps enim ad conjugium via est, quarum altera ad felicitatem, altera ad miseriam ducit, & fortunam.

nam Socratis, quem exercuit diva Xantippe. Itaque priusquam te in viam des, non minus sollicitè deliberandum est, quàm Herculem in bivio constitutum fecisse, legimus. Si enim semel in connubio malè ceciderit alea, quæ Salus te servet? Nam si quid iudico, ex iis est, in quibus (quod dici solet) non est bis peccandum. Miraris? audi & crede etiam majora. Nihil infelicitè thalamo tristius, nihil calamitosius. *Vivi enim manes suos patiuntur, & damnati miseriarum ad aternos præludunt cruciatus.* Uxorem amas? ama parem, quæ obsequi didicit & servire, ne si superior longè opibus, aut genere, dominam patiaris, non uxorem. Imperare enim illæ sciunt, obsequi nesciunt: cumque animos ab opibus, & genere capiant, ignobilis egentisque mariti contemptum induunt, & servum intuemur, non conjugem. Opum enim generisque disparitas, animorum disparitatem provocat, ut quæ divitiis & genere superiores sunt, imperio etiam esse velint.

Macte interim hoc animo, mi Cabeliavi, quæ Palladi litare & Veneri tam strenuè potes. Tantum enim mihi in arduo hoc negotio, de prudentia tua constat, ut prospera hîc omnia & fausta mihi audeam polliceri. Tentaram modo viam decurre, in qua multum est, si familiæ capita tibi haud malè cupiunt. Nam ut trutinâ in eam partem vergit, in qua plus ponderis; sic sapientis & probæ virginis animus, in eam consilii partem, in quam parentes. Rerum hîc novarum ab Aula nihil habemus, quàm quod in Gallia turbæ recens exorta inter Regem & suos: quodque in Italia novus motus & metus, & quæ sopita videbantur, evigilent iterum, & acrius recrudescent bella. Ad id incipere illa facile est; non ponere cum lubet, & ut lubet. Heu! quot jam Atre illa Homérica,

*ἰσθίμης κεφαλὰς αἰὶδὶ παρῖα φεν,*

Et adhuc *παρῖα πηδ.* Ita utrinque, partibus cordis

*— πρὸς μὲς τε καὶ πρὸς, & φίλοισι αἰνέ.*

E. 4.

Vereor.

Vereor , ut major aliquis casus impendeat , ne occasum ominer. Sed in his reconditam Dei miremur sapientiam , cui bellorum hæc rabies militat; & qui principes strictis in mutuam perniciem armis, lictores esse vult, & satellites ultionis divinæ in impias gentes. Nempe , ut in male affectis corporibus , interdum utilis est sanguinis missio : ita in magno populo expedit exhauriri sentinam civitatis, & in mundi luxuriantem nimis agrum , divinam immitti falcem, qua superflua aliquot millia peste demetat, aut bello. Remedio locus est, si morbum agnoscit æger, & poenas seria poenitudine deprecetur. Sin minus, Italia per me esto

*Victima nil miseranti Orci.*

Pro munere tuo litterario , quod reponam , non habeo , præter animum , quem scio, & tibi additum, & tuis. Alia servabimus in sermone in avide tecum miscendum aliquando, atque etiam amplexum. Interim vale , & nymphæ quam ardes vultu, morum elegantia , hilarique modestia , indolem malè pertinacem, inescia , facili sævitia negantem adhuc , blanda vi expugna. Saluta ex animo Geldorpium Ecclesiæ Amsterodamensis Pastorem, candoris & probitatis exemplar, Virum latinè, græcè, & hebraicè doctissimum , & quem optem tuo etiam catalogo inseri. Delphis. XXI I. Martii. M. DC. XXXI.

N I C O L A O C R U C I O

*Eccles. Dordracena Pastori  
cognate S. D.*

Dordracum,

**T** Vas ad me datas per filium , libentissimè accepi. Gratum mihi ex iis intelligere, prosperam omnium vestrum valetudinem. Puerperium quod minatur dulcissima tua conjunx, feliciter secundet ille, à quo omnia , & novâ faciat te prole paren-

parentem. Benè est, quod & natura tam strenuè  
litas. Certe

*Non gentis ullam postera curam mirer,*

*Cui cura non est, tollere heredem sibi*

*Dulcesque natos spem decusque nominis.*

Vt enim diligens cultor non est, qui praesentibus  
rebus contentus, arbores adultas satis quidem ac-  
curate tractat, ceterum neque propagandi neque  
inferendi curam gerit: propterea quod necesse  
est, paucis annis eos hortos, quantumvis diligen-  
ter excultos, interire Ita parum diligens in Repu-  
blica civis censendus, qui praesenti turba conten-  
tus, de propagandâ civium multitudine non cogi-  
tat, nec derivando in alios sanguine, post secula  
victuro. Periclitatur civitas, nisi sint, qui eam ar-  
mistueantur. At certum exitium est, nisi sint, qui  
conjugii beneficio, juventutem semper mortalita-  
te deficientem sufficiant. Quorsum etiam fundi,  
opes, praedia, si non sit cui relinquantur. non legio-  
nes, non classes, perinde firma imperii muni-  
menta, quàm numerus liberorum. Viderunt hoc  
Romani, qui non aliam ob causam iis, tanquam  
benè meritis, pramium è publico statuebant,  
qui numerosa prole Rempublicam auxissent. Ar-  
gumento est, ius trium liberorum, & legibus  
munerata foecunditas, ne cetera persequar. Foec-  
undum hunc agrum, mi cognate, cole magis ac  
magis, & in hac *παιδοποιία* palastra praesta te vi-  
rum, dum adhuc integer ævis

*— solidaque suo stant corpore vires.*

ut patrem te sera loquatur posteritas, nomenque  
tuum nepotuli ab Cruciatâ oblivione vindicent  
& interitu. Si enim in arboribus propagatio lau-  
datur, quanto magis in viris bonis? Quanquam de  
mascula tua hîc indole ne vel minimum ambi-  
gam, cui pari felicitate ingenii & sanguinis mo-  
numenta conduntur. Sed memorem hortari, quid  
vetat *ἢ τὸν πατρίδην ὁτρύνει*? Imperatorum  
exemplo, qui praelium inituri, eos potissimum

milites oratione accendunt, quos maximè ad pugnam paratos vident. Explicare litteris nequeo quanta me perfuderit voluptate, luculentum illud tuum testimonium, quod tam amicè perhibes de filii moribus & vita. Nihil enim mihi magis est in votis, quàm ut virtutis callem premat, & ad paternæ probitatis exemplum se componat. Conquirant alii liberis sui auri argentique acervos, opes opibus cumulent, pecunias hinc inde, quo jure, qua injuria corradant, agris emendis avidè inhiant, & prædiis, ut lautam suis hæreditatem relinquant. Hoc unò VIRTUTIS patrimonio, hac una possessione, ultrà quàm satis beatos meos censeo; nec quicquam iis unquam defuturum confido, eorum, quæ vitæ, tranquillè, honestèq; tolerandæ, bono cuivis, satis esse possunt ac debent. Tu eum Cognate dum sub oculis tuis est, filii loco habe, & vel mei causa, paternam ejus curam gere, ut sementis illius, quæ adhuc in herba est uberem aliquando, ac opratam videamus messem. Insignem tuum in Religione tuenda zelum adversus novos istos & musteos homines, ut ex litteris tuis agnosco, ita laudo. Utinam sic omnes! qui eam profitentur, & nulli essent, qui frigus hîc præferunt. Alio me herculè loco res nostræ starent, nec tot tantisque dissidiis concussa Patria, sui & Ecclesiæ, cui hætenus tam benignè præbuit hospitium, tristem nobis minaretur catastrophem. Adeò communis & publica hæc pestis gliscit indies, & gangræna hac florentissimæ nostræ Reipublicæ corpus corseptum, nec morbum suum capere videtur, nec remedium. Perimus Cognate (qui enim aliter fiat corpore tam ægro?) nisi Deus nostri omnium misertus, animos dissidentes, mutuisq; odiis æstuentes, *ὁ πῶς μηχανῆς*, spiritu pacis componat, & absterfa omni errorum nebula, sublatoq; contentionis studio, tot hominum palantes animas, quos cæcus novitatis ardor abripuit, in veritatis viam reducat. Tu interim dum certamen tibi cum



cum hac Hydra errorum, strenuè sub Christi vexillo, quod facis, milita; causam ejus defende, Veritatem tuere, ab ea ne vel tantillum resiliās, aut deflektas,

*Non si terra mari miscebitur, & mare cælo :*

At quanta potes vigilantia, studio, cura occurre huic grassanti contagio, quod ut mendacium obvolvitur aliquo veri colore: ita per cuniculos subvertit arcem Religionis reformatæ. Quo stare possit inconcussa, adversus homines improbè acutos, & ingenia pravæ ac infelicitis audaciæ. Contrahere cælum solemque nubes possunt, diem auferre non possunt. Et Christus qui nictare videtur interdum, aut dormire in puppi, naviculam suam diu satis procellis jactatam, liberabit aliquando, & probata suorum constantia in tranquillitatis portum collocabit. Nam *quamvis seculi tempestate Ecclesia laboret, & quibusvis tentationum fluctibus pulsatur, naufragium facere non potest, quia filium Dei habet gubernatorem.* Consulis N. N. ægritudo & ἀσθενεία, multorum judicio est δύσιαττον, quorundam insanabilis, & quam nulla medicina aut cura adimi posse arbitrantur, vix levare. Vivit tamen adhuc: quanquam vitam nec vitalem ut sic dicam, vivit, & spiritum magis trahit, quàm ducit: vultus cadaverosus, languentes oculi, tremulæ manus, pedes sub vesperam tumentes, & distensi, δυστροπία, cruditates, imbecillitas corporis universa, & virium dejectio; haud dubia lenti ac conclamati morbi præludia, qui certo passu ducit ad fatalem metam. nam quàm remediis nullis aut peritiæ cedat, periti medici sciunt. S P E s tamen, illa blanda & insidiosa Mortalibus Diva, nescio quæ suggerit, de valetudine, mitiori cælo; cùm ipsi, stanti in extrema Salutis linea, agro, & languentem in vivo cadavere animam fastidiosè ventilanti; tùm consanguineis ejus, & quotquot ei benè cupiunt. At ego cum inter incudem, & malleum versari censeo, & ire ad metam. Optarim, (ut ve-

ægritudinum procellis, quassam vitæ cymbulam,  
 ad firmioris nunc valetudinis portum appulisse,  
 videtur. Deus faciat, ut diu. Quo se recolligat ac  
 munit aduersus novos, nec prævisos fortunæ  
 novercantis assultus. Quemadmodum enim non  
 rarò fit, ut cœlo maximè sereno sævus imber su-  
 bitò cooriat: ita rebus maximè prosperis, ac læ-  
 tis sæpenumerò atra tristitiæ nebula; mutuoque  
 se excipiunt, turbæ, pax, luctus, risus, morbi, sani-  
 tas, & quid non? Omnia in motu posita sunt, &  
 vicibus suis aut pereunt, aut mutantur? nec quid-  
 quam stabile aut firmum, arbiter ille rerum esse  
 voluit, præter ipsum. Ferenda tamen omnia, ac  
 votis expetenda meliora, quæ meditari quidem  
 hic datum, sed non alibi quàm in cœlo possidere.  
 quæ vera P A T R I A nostra est, vicissitudinum  
 omnium, & turbarum expers. De Gallia quæ ista  
 sunt, quæ sparguntur? Quis nisi adamantinus, non  
 misereatur turbidæ illius gentis, & in quiete sua  
 inquietæ? Procellæ in ea & nimbi, ut in novi or-  
 bis quibusdam insulis, ferè perpetes, ac fatales: &  
 ut bellum, quàm otium malunt; ita si extraneus  
 deest, domi hostem quærunt. Quàm metuo, ne  
 in regni perniciem, aut illustrium saltem in eo  
 capitum. Varia hic vulgi, de his turbis iudicia.  
 Audio & quia nobis causæ longius distitis, non  
 satis perspectæ, neque scire eas laboro. Dies dicet.  
 Quanquam non levis suspicio sit, hanc ab Hispano  
 conjurationis aleam tentari, ut intestinis hīs mo-  
 tibus, Gallum in Italia triumphantem, ab exteræ  
 gentis pomœriis & finibus revellat. Regisque ad  
 restituenda regni sui incendia, violenter cum  
 copiis retracti, conatus omnes eludat, conversis  
 in viscera subditorum armis, & populi ruinam.  
 Sueco quem Atlantem libertatis Germaniæ ap-  
 pellare soleo, omnia adhuc ad nutum fluunt, &  
 ex voto; prospera illius consilia & arma; nulla in  
 hunc diem conatibus ejus Heroicis præclusa via,  
 arx, nulla, munitio, urbs, obfidiōne tentata, quam  
 non

H. GELDORPIO *Ecclesia*  
*Amsterdamensis Pastori*  
 S. D.

Amstelodamum.

**V**ir clarissime, diu ad te scripturio. Quod haec-  
 nus distuli, in causa sunt, non tam occupatio-  
 nes meae, quàm (verè dicam) tuae. Scio enim  
 quàm arduam sustineas provinciam, quàm grave  
 humeris tuis incumbat onus, Verbi Dei prædica-  
 tio, & cura animarum. Eximium profecto mu-  
 nus! Si vel dignitate metiamur, vel usu. Dignitas  
 ex eo liquet, quod velut DOMINA quadrigis ve-  
 cta, fertur sublimius, & cetera cum linguarum, &  
 artium dona, tum quotquot ad humana societatis  
 conservationem, sunt munera, longè à tergo re-  
 linquit. Dignitati quoque duplex respondet usus.  
 Vnus quod Ecclesiam colligat, foveat, pascat; al-  
 ter quod lupos arceat à caulis Domini. Hæc enim  
 verè est illa Flexanima, hæc illa Pytho, quæ men-  
 tes hominum ferocientes mitigat, errantes qua-  
 rit, lapsas erigit, perditas servat, & cœno hujus  
 mundi immerfas animas, cœlo beat per fidem,  
 & resipiscentiam. Quæ quo illustriora sunt, eo di-  
 ligentius excolenda, nec comittendum, ut cui tam  
 pretiosa concredita sunt deposita animarum, ea  
 vel socordia, vel incuria, periclitentur unquam,  
 aut pereant. Hæc mecum serio cogitanti, remo-  
 ram non semel iniecere, & calamo meo, meque  
 officio hoc litterario prohibuerunt. Tandem ta-  
 men meus in te prævaluit affectus, qui eo acrius  
 erumpit, quo diutius hic sub cineribus delituit  
 ignis, fractisque silentii omnis repagulis, animi tui  
 fores pulsat, & sine ullo jam interprete, aut proxe-  
 nera, liberè amicitiam tuam exposcit. Miraris?  
 Desine. Meretur hoc simplex probitas tua, & (uti-  
 nam ævum ita sit!) malarum artium expers: me-  
 rentur pietas, candor, fides, eruditio (non blan-  
 dior)

dior) suprà vulgus & linguarum cognitio insignis, præsertim sanctæ, quam studio divinius illius Sapientiæ ornas egregiè & illustras. Quæ omnia tanta in te humanitate sunt temperata, ut humanior ne audias, an doctior, alternis judiciis ambigant, qui te nôrunt. Hoc pacto, mi Geldorpi bonorum omnium tibi gratiam, vel amorem concilias, facisque, ut & calumnia ipsa virtutes tuas laudet, invidia miretur. Apud alios malum hæc dicere, ne gratiæ causa dicam; tibi tamen dico, ne silere videar. Dico, & sermonis veritatem, ad *Modestiam* tuæ tribunal, velut in iniquum iudicium produco. Scio enim non minus generosè te laudes istas contemnere, quàm gloriosè promereri. Pergè modò, & quò tua te virtus vocat, & indoles, quæ ad alta nata, constanter enitere, sedulam animarum, quod facis, curam gere, Veritatem tot tantisque dissidiis, diu agitatam, argumentis Achillis tuere, pro hac, pugna, dimica. Illam supra spem, metumque positus, doce, urge, clama,

————— *quæ licet*

*Orbem tumultus, terraque sedibus*

*Convulsa, montium ruinis*

*Ardeat aquas pelagi frementis.*

*Ut enim grando testu magno strepitu illisa, ipsa tamen dissilit: sic odia hominum, mina, furores, clades in firmum animum si accidunt, franguntur, non frangunt: Deoque nixus, spernit quidquid assultat, ut fluctus quosdam aqua abeuntis, & alludentis, non ludentis, ubi robustior materia occurrit. Ne quid dicam de ipsa Veritate, quæ tantam semper vim habuit, ut nullis machinis, aut cujusquam hominis ingenio aut arte subverti possit; & licet in causa nullum habeat patronum aut defensorem, tamen per se ipsa defenditur, nec magis quàm flamma latere potest. Judiciū tuum, nuper mihi per litteras significavit CRUCIUS olim tibi commilitio studiorum conjunctissimus, de Thesauro nostro Catechetico.*

tico. O amicum ? ô luculentum ! Et pararium ego etiam alium quæram tuo amorî ? Mihi crede , vel alter hic titulus jungat & adstringat: quid uterque & sic eximius ? Imus , imus quò nos trahit tua benevolentia , & amicitia dextram porrigimus , tam benignè , tam honorificè de nobis sentienti. Equidem est quod gaudeam , opellam hanc meam , Ecclesiæ dicatam , non rudioribus tantum è populo , sed & iis allubescere , qui inter doctos emendatioris sunt iudicii. Exemplaria penè omnia distracta audio , & magnam eorum partem in Gallia ; nec ibi malè audire. Quò fit , ut totus nunc in hoc opere recensendo , augendo , eliminando , desudem , & tanta jam in eo mutatio , ut emendatius longè altera editione sit proditutum. Optem & nitidioribus typis , & meliore prælo. Tu si quid potes , apud majorum gentium librarios tuos , qui Francofurtenses nundinas frequentant , Cloppenburgios , Laurentios , Walschardos , aut alios , velim id illis à me significari , de secunda me editione , seriò cogitare ; & si quid illis hac in re sit animi , me litteris certiozem facere dignentur. Habes sensum meum , amicorum dulcissime , sed compendio. Brevitatem imperant , cùm natura mea , tum occupationes tuæ , quas alias tibi ex aliis nasci idemtidem , illo munere , & loco , mihi est persuasissimum. Tu seriò amantem , ama , neque nos

*Suprema citius solvat amor die.*

Si quid interim , ad me litterarum , data occasione , amicitiam nostram hoc munere auxeris , & in accepti tabulas , beneficium referam , eritque , unde novo nomine tibi sum obstrictus. Vale vir clarissime. Delphis XIII. Kalend. April. M. DC. XXXI.

*Doctissi-*

Doctissima viro SAMUELI EVER-  
WINO Ecclesia Dordracena  
Pastori S.

Dordracum.

Mihi & salutatio tua vir doctissime, grata, & magis ad valetudinem reditio, ex tam gravi & ancipiti morbo, quam extra noxam esse gaudeo, etsi non ita pridem, extra metum, vel medicorum sententia, quibus ut audio, penè depositus videbaris & conclamatus. Tu quoque gaude. portum enim iterum & vitæ subiisti & salutis, retractoque altero pede è cymba Charontis, Ecclesia, & tuis *καὶ πατρὶς* redonatus, novam tui facis copiam Deo, patriæ, populo. Tantum scilicet potest bonorum, pro bonis apud benignum illum patrem, intercessio, ut ad metam, & finem ut videtur, euntibus, vitam proroget nonnunquam, ad diuturniorem in hoc mundo stationem. Tu modò te cura, sed sine cura. Ætas hæc vernans & florida, vires ex tanta ægritudine dejectas facile surriget, & si quid Spirituum, aut sanguinis, perierit, reponet, intermissis ad tempus studiis, & onerosis muneris tui occupationibus: quas tollas oportet, ne te *Recidiva* tollat; Ubi si usquam descensus Averni facilis. Vide quid peregrinationcula ad amicos levamenti dabit, & vigor hic Veris

— cum tempestas arridet, & anni

*Tempora conspergunt viridantes floribus herbas.*

An non & tu revirescas? & spiritus recipias pauxillatim? Tempus negligere hic, lucrum est. Vegeta enim tua mens quò plus capiet recessus, eò accriores, ad Spartam suam reditura, edet impetus, & quod morbus abstulit, liberalius pensabit, diutiusculè feriata. Afflictionis Scholam jam nunc egressus, habes vir amiceissime, habes quæ mediteris & rumines etiam otiosus, & à curis omnibus securus, vitæ humanæ brevitatem, incertitudinem, inconstantiam: Rerum quæ stabiles videntur,

tur, & firmæ, subitam, ac non prævisam catastrophem : Spes hominum fallaces, & in casu positas : Corpusculi hujus quod à nobis circumfertur, ut dolium à Diogene, fragilitatem : Morborum genera, aliaque ex transverso in hominem incurrentia, quibus tanquam fluctibus, perpetuo hæc vitæ nostræ cymbula pulsatur : Visitationes Dei paternas quibus suos in hac mundi palæstra exercet, inducat, sibi præparat ; & ut imagine hac utar, pennas incidit, ne temere, & lascivè evolent. Quæ tam rigida, tam ferrea mens ? quis tam ab omni pietate alienus, tam ab ipsa natura degener ? qui seria horum contemplatione, non moveatur ? & si Spiritu Dei afflatus, mundana hæc, & fortunæ missilia, non spernat ? animamque, illam divinæ particulam auræ, ab his inferis ad alta, à turbidis ad quietam, à caducis ad æterna, intentam non habeat, & erectam ? Non alius mehercle, Deo finis, cum nos affligit. Quid ? irascine cum credis ? malè. nunquam impensius amat, quàm cum cædit : nunquam felicius curat, quàm si urat : nunquam hinc minus parcat, quàm cum in æternum illi parcere decretum. Amoris hæc sunt indicia. Et o beatum illum cujus emendationi Deus insistat, cui dignatur irasci ! Aliter longè patres, aliter matres indulgent. Illi exercitari mature jubent liberos ad studia ; sudorem illi, & interdum lacrymas excutiant. At matres fovere in sinu, continere in umbra volunt, nunquam flere, nunquam contristari, nunquam laborare. Paternum contra Deus habet adversus suos animum, & illos fortius amat quos ut verum colligans robur, doloribus, ac damnis durius exagitat. Languent enim per inertiam saginata, nec labore tantum, sed mole, & ipso sui onere deficiunt, languet animus, languent preces, & quicquid in nobis est Religionis, pietatis & fidei : ut opus sit, hunc ignem sopitum, & extinctum penè, excitari nonnunquam morborum, & adversitatum flabris. Corpus devenustant, offendunt, lædunt ; at animam

mam ornant, curant, medicantur: & ut ferrum ab  
 attritu, sic illa ab his nitefcit: Cucurbitulis Medi-  
 corum fimiles funt, quæ corpori affixæ non nifi  
 pravum, vitiofumque fanguinem educunt. Quin  
 ut aggere quaffato, facilior eft in urbem irruptio:  
 ita corpore permorbos fracto, facilior gratiæ, ad  
 mentem accessus. Vires dejiciunt ac pefiundant?  
 at animæ vim addunt & robur, ut alta flet & ere-  
 cta adverfus omnem cafum. Et ut vento triticum  
 non rapitur, fed paleæ: fic adverfa ifta, leves tan-  
 tum animos auferunt; bonos & in virtute firmos  
 non evertunt, fed magis firmant. Quid multa? Vir-  
 tutum funt officinæ, humilitatis fchola, patientiæ  
 gymnafia, probitatis magiftræ, zeli fomites & fi-  
 dei, quæ verba nobis non in labris nata fed in fi-  
 bris, ad Deum, extorquent, & fecuritatem, ftultiti-  
 æque vitæ longioris fiduciam exculcant, mortalita-  
 tem inculcant: & cum mortalitatis fenfu, ferium  
 vitæ antea cæcæ cenfum, ac pœnitudinem. Vt enim  
 qui meminerunt fe inquilinos efle, & in conductâ  
 habitare domo, & modèftius fe gerunt, & grava-  
 tione minus exeunt: ita qui intelligunt domicilium  
 corporis, ad breve tempus accommodatum efle,  
 & vivunt temperantius, & libentius moriuntur.  
 Beati mi Everwine qui hæc cernunt, & benigni  
 hujus Patris vifitationes, à fuppliciis discernunt,  
 quibus malos flagellat. Nam quæ illis ad æternos  
 cruciatus præludia funt; nobis ad beatitudinem  
 æternam femita, & via. In qua fi multò ante mori  
 difcamus, quàm moriendum eft, quid nos in mun-  
 do teneat? Hæc cogitatio folum, tibi & mihi fit,  
 hæc cura, in tanta vitæ inftabilitate, imponere ve-  
 teribus malis finem; id agere ut nobis inftar to-  
 tius vitæ fit dies: & fic illum adfpicere, tanquam  
 efle etiam ultimus poffit, paratis ferre, & fubire  
 quodcunque jugum Deus imponit, & exire è vi-  
 ta, cum illi vifum, à quo vita. Frufta hinc relu-  
 mur. *Vt enim qui in navi funt dormientes, & vigi-  
 lantes vehantur, cum fenfu, fine fenfu: fic nos eò pro-*  
*vehimur.*



*velimur, & aliquando abripimur, aut mergimur, velut tempestate. Nihil hic ad tutelam nostri firmum. Prærupta altitudinis castella, vel magnos exercitus difficultate aditus morantur. A tempestate nos vindicant portus. Nimborum vim effusam, & sine fine cadentes aquas testæ propulsant, fugientes non sequitur incendium: adversus tonitrua & minas cæli subterranea domus, & defossi in altum specus remedia sunt. In pestilentia, sedes mutare licet. Nullum malum sine effugio est. Sed malorum ultimum mortem, quis unquam effugit? nemo. quia vis illa improvisa lethi, sine discrimine nullo aut mora rapuit, rapietque gentes. Effugies tamen si contempseris. Et contemnes, si cogitaveris quàm imbecilla corpuscula nostra sint, quàm fluida, & non magna molitione perdenda. Mihi crede, nullum est majus solatium mortis, quàm ipsa mortalitas. Philosophari paulo liberius, me vides tecum, nulla in parte magis Philosophum, quàm in meditatione hæc mortis; nec excuso. Scio enim te iis non indelectari, quæ sapientiam spirant, & manu nos ad eam ducunt. Inter quæ morbi, afflictiones, vitæ incertitudo, & rerum humanarum, facile primas tenent. Nam revera sicut Athenienses de Pace, non nisi atrati cogitabant: ita plerique nostrum vix de Deo nisi afflicti. Quanquam nullum sit studii genus æquè necessarium mortalibus, ut est moriendi disciplina, quam qui per totam vitam imbibit, huic optimè constat temporis, & impensæ ratio. Sed desino verborum, quæ non aliundè quàm ab affectu, ære ipso vel adamante firmiori. Quod unum superest, Deum rogo, ut te magis, ac magis firmer, tuis solatium & gaudium, aliis lumen & exemplar. Delphis ix. Kal. April. M. DC. xxxi, Cognato Crucio, ex animo à me salutem.*

## CORNELIO BORSSELIO

*Studioſo S.**Aureliam.*

**E**Tiam meus in Galliam te comitatur affectus, & vasto locorum spatio disjunctum, benevolentia. Certè aliter non possum. Ita pronus est in eos animus, qui è disciplina, velut è sinu nostro prodierunt. Pergrinationem hanc, si genium tuum novi, è re, & usu tuo futuram, judico. Non enim te eò adegit vana illa ac vaga (qualis multorum qui terras omnes mariaque pervolitant) videndi curiositas, non prurigo novitatis, sed φιλομαθία. Nempe:

*Angusta nescit mens spacio capi;*

*Quocumque laudum fervida vi vocat,*

*Grassatur audax.*

Fateri debeo, non alia mihi unquam de te opinio. Tu adnitere Adolescens, ne frustra, & peregrinatio tibi sit, quod debet, morum & vitæ magistra, eruditionis pararia, & linguæ illius διδάτκαλον, quæ linguarum hodie delictum audit. Non alibi eam felicius discas, quàm ubi te commorari jam audio. Sed delicatorum quorundam fuge in pronunciatione affectatiunculas, & elegantias opinionione vulgi inelegantes. quæ aures verè Gallorum radunt, ac delibato florido illo vigore sermonis, puritati illius linguæ haud parum detractum eunt, dum nativum gallicismi decus interpolare superba lascivia audent, & spreto linguæ toro adulteria quærunt corruptarum vocum. Cui vitio occurre, si tibi ad manum semper, & in manu probatioris in hac lingua autores, Ronsardi, Bartassii, Bellaii, Plessai, Molinzi. Quorum lectioni si accedat continuus loquendi usus, mirum quantos brevi in ea feceris progressus. Quanquam ita te desudare volo in hac lingua, ut à seriis, severisque studiis te non avocet, sed provocet. Ancillæ  
enim

enim sunt, & famulæ tantum, non dominæ, quibus ut adminiculis utendum ad majora. Si animum ad Jus appuleris aut Medicinam, hæc tibi præcipua esse debet cura, ut in alterutro excellas, hocque agas impensè, ut non minus facultas capessenda, linguarum studia perficiat, ac consummet, quàm linguæ facultatem adornent. Illæ enim folia tantum sunt, & cortices, hæc eruditionis tuæ medula: Illæ flores; hi fructus. Illæ, lepores tantum, cinnami, ornamenta; hæc ossa & nervi. Illæ Patriæ tuæ te gratum reddant; hæc utilem. Si ad solidioris doctrinæ ἀκμὴν aspires, & non videri tantum, sed esse talis ardeas, qualem te optent illi qui te amant. Nam nugaculos illos rideo, & vanos litteriones, qui stultissima ambitione præter nomen, & umbram, nihil quarunt; inque patriam reduces, titulis onusti, superbè Doctores incedunt, sed titulis tantum. Eruditionem exspectas? carent. Literaturam? vacui ab ea, si scruteris. Nihil illi revera nisi φύσμη & μόλῃ, dispuncti, & vento depleti jacent, & flaccunt. Tu mi Borsilei, sperne ista ac contemne; quia generosa indole indigna sunt, & dedecorant magis, quàm ornant, Musarum bellariis destituta. Sed imprimis cum eruditione, ΠΙΕΤΑΣ tibi cordi, quæ caput virtutum. Sapientiam illa animo, non scientiam solum infundit, mores cum ingenio format, domat cupidines, & exsultantes animi motus, quisquis hanc audit: & in omnibus vita labyrinthus tutus ab errore; qui hanc sequitur, ut Iphæseum filium. At quisquis ea caret, aut negligit, quid veri non dicam Christiani hominis, sed hominis habet? Illa tibi frænum, & remora, inter tot vana, & vaga. Sicut plaustra in præcipui, aut declivi, funis retinet & sistit: sic pietas, animum nimis præcipitem, ubi qua allubescunt, aut invitant. Talis Gallia in qua nunc es, illa cultissima terrarum, quas Sol vider: comitatus omnis ac elegantix parens, bonarum artium ut ita dicam forum, &

• quædam

quædam panegyris. In qua quot oculis tuis spectanda, & miranda, pene dixerim stupenda, occurrent? quot in frontem pulchra, & splendentia? Urbes, arces, munimenta antiquitatis vestigiis celebrata, balnea, Scholæ, Collegia, Academia, Curia & Parlamenta, augustæ illæ IUSTITIÆ sedes, togati honoris fastigio insignes? Vineta passim, ovarum copia ac fertilitate luxuriantia, agri, montes, colles, valles frugiferæ, plantaria, lacus, & fluviorum principes Rhodanus, Sequana, Legeris, Garumna? verbo, ruris amœni rivi,

—— & musco circumlita saxa, nemusque?

Inter tot oculorum delicias, & blandimenta, tot amœnitates, quæ habent omnino aliquid ἐλκυστικόν, quis tam cornea fibrâ, qui eorum dulcedine non capiatur, aut titilletur novitatum illo adspectu? quis tam penitus sensum omnem exuit, quem varia hæc rerum, morum, legum, gentium discors concordia non delectet, non erudiat? *Habet enim hoc commodi peregrinatio, quod fas, per eam miscere mores, & temperare. Ut autem in Musica è diversis vocibus concentum quarimus, & probamus: sic in vita, & varietate harmoniam. Sed & alius fructus. Ingenia quædam translata, proficiunt, & ut plantæ interdum, ante steriles, si transponantur, ferunt: sic illa fecundantur mutatione, & sub alio, alioque doctore. Cave tamen credas tuta ibi omnia, & invado. Vbicunque enim iter ad virtutes, iter ad vitia. Sirenas & Circos etiam illic cogita, vias devias, & esse quæ videas, sed & vites; Pericula aperta & operta, lenones, parasitos, ganeones, sexus foeminei melleos laqueos, & aureas compedes, Venerum formas rariores, quæ capillorum cirris, inverecunda nudatione papillarum, pigmentis, auro, bysso, purpura, cultu, vultu, fronte, oculis, toto denique corporis habitu, ad vanitatem, & lasciviam composito, incautos fascinant, atque inescant. Quæ spectari hodie se gaudent, & amanti oculos laceunt: viscus merus talium est blanditia,*

ditia, & Hederam suspensam dicas, vinum venale  
esse. Tu Adolescens hæc quæ libidini præludere  
solent, oculorum veneficia fuge, & ad Sirenum  
hos cantus obsurdesce, ——— *velut*

*Obturat aures callida aspis*

*Quæ magicos metuit susurros.*

Echinus præsentiens tempestatem, aut affigit se-  
se, aut arena saburra: ita cum probitati imminet  
pericula, animus diviniore Sapientiæ præceptis  
firmandus est. Cui non secus atque corpori sua  
quædam est contagio, quæ per subdolas blanditias  
instillat, & adfigit venena. Ni feceris, periisti, nec

*Illigatum te trifonni,*

*Pegasus expediet Chimæra.*

nominisque tui ac virtutis facto naufragio, ingra-  
tum te reddes tuis, inutilem patriæ, exosum tibi.  
Sed ite tristia. Meliora enim de tam benè nato,  
educto, instituto, quid ni sperem, imò credam?  
Vale amicissimum mihi caput. Deus faciat quem  
ductorem, & tutorem tibi precor, ut ab hac pro-  
fectione doctior ad nos redeas,

*Optimaque in patrios referas exempla penates.*

Interea scribe cum vacat, de itineris tui successu;  
de me, non deero respondere, & consilio suppe-  
tari, si opus, ne videar, ut cum poëta loquar,

*Disimulator opis propriæ, mihi commodus uni.*

Delphis vi. Kal. April. M. DC. XXXI.

## IACOB O F O B A N O

*Ecclesiastæ S. D.*

**I**ngenii tui foetum vidi, legi, expendi. Erudi-  
tum fateor, & eximium industriæ tuæ ac in-  
defessæ laboris in scriptis auctorum evolvendis  
specimen, καὶ τεκμήριον πολυτορίας τῆς σαφείας  
σου. Quid multa? Placent ordo, stilus, argumentū;  
& fallor, nī ad gustum bonorum sit, nobilis hæc  
controversia, de Ecclesia, & Antichristo. Cerrè la-  
bores tui nec utilius, nec dignius, collocari potue-  
runt,

runt, quàm in ejus indagine veritatis, quæ dempta mendacii larva, recta nos viâ ad Ecclesiam ducit. In cujus sinum aggregari vult Deus filios suos, non modo, ut ejus opera, & ministerio alantur, quamdiu infantes sunt ac pueri, sed cura etiam materna regantur, donec adolescant, ac tandem perveniant ad fidei metam. Quæ ut beatitudinis nostræ summa est, ita quotquot aliquo religionis amore, & salutis desiderio tanguntur, curâ imprimis esse debet, ne declinata regia, hoc est VERITATIS viâ, falsum pro vero arripiant, errantiumque multitudinem sequantur, & ritu pecudum, antecedentem gregem. Eatamen prohdolor! multorum hodie in divinis caligantium est cæcitas, ut præjudicii, & ignorantia nebula obvoluti, non quâ eundum, pergant, sed quâitur, & ad similitudinem magis, quàm ad rationem componantur, qui Ecclesiam quærunt, & in Ecclesia, salutem. Ita enim Antichristus phalerata Hierarchiæ suæ pompa, & superbo traditionum mangonio cacutientes hominum oculos, & mentes præstrinxit, ut non alibi quàm in Papatu vanitatis, & mendacii regno, Ecclesiam inveniri credant: eamque consistere in congestu lapidum, & mitris purpuratorum patrum, ac subselliis Romani nominis. Tantum scilicet potest exterius ille apparatus, & splendor, in eos, quibus bruta ignorantia fides est, & qui cæci, cæcis suis doctoribus parere didicerunt, (\*) *tanquam jumentum sessori*. Sed ô dementiam, ne dicam insaniam, Heracliti lachrimis digniorem, quàm Democriti cachinno! minorem animæ suæ habere rationem, quàm pecuniæ; quam nemo compos mentis, commiserit, aut ignoto, aut ei de cujus fide vel tantillum, dubitet. Monstra hæc errorum, πολυδαίδαλα ψεύδεα nullo colore veritincta, tanquam alter Hercules strenuè is profligatum, detractoque mentitæ virgini meretricio cultu, turpitudinem ejus prostituis & nuditatem,

(\*) Card. Cusan. Exer. lib. 6.

ditatem, suadesque feriam è Babylone fugam. Et quia copiarum Romanensium triarii, improbo acumine, anxios conscientis scrupulos injiciunt, & specioso argumentorum obtentu, veluti Gordio nodo, rudiores constringunt, ea, tanta tu dexteritate, convellis, refutas, solvis, ut stiline facilitate, an rationum pondere, te ipsum superes, meritò ambigam. Tu macte vir doctissime, & Spartam tibi conceditam, magis magisque exorna, lingua, calamo, vita: vita dico, quod caput est, *ne dicta, factis deficientibus erubescant.* Validior enim vox operis, quam oris; & verè Pastorum est ita se componere, ut alii non disciplinam modò, ab illis capiant, sed & exemplum, *τότε γὰρ ἀνύει διδασκαλὴ καὶ πειθύεται λέγων ὅταν ἀφ' αὐτῶν ἀκούῃ τὰ παιδὲν.* Alioquin, quid nisi citharae similes sunt, quæ sonos edit, nec ipsa eos audit: sic illi egregia monita & doctrinas, ipsi ab iis expertes. Ac propterea idem illis vitio verti possit, quod olim objectum est Atheniensibus, eos scire quæ recta sunt, sed facere nolle, & fortia loqui malle, quam factis exsequi. Sermò quidem animi interpretis est, sed vocalis tantum: actio, vero realis est, hanc malim. Magis enim verisimile censeo, ea unumquemque & animo velle quæ agit, quàm quæ loquitur. Imo quid aliud est docere pietatem, quam tamen ipse non colas, quàm eandem Auditoribus tuis suspectam reddere, aut propriis verbis fidem adimere? Eum concionatorem amo, qui vita docet, qui cum dixerit quid faciendum sit, probat faciendo; qui docet quid vitandum sit, nec unquam in eo quod fugiendum dixerit deprehenditur, & quem magis admireris, cum videris, quam cum audieris. Quod si tantum potuit Amphion sono testudinis; si tantum valuit Orphei cithara, ut saxa moveret, & quercus, quanto plus valebit cithara divinarum literarum? quanto erit efficacior evangelica testudo, si integra, atque inculpata Ecclesiastæ vita, præluceat ovibus suis? Habet enim & ipsa quoque

vita, linguam ut ita loquar, suam. Quæ si pervicaces non semper trahit, & movet, confundit saltem aut convincit, & silentium imponit, petulantius VERITATI insultantibus. Sed unde hæc omnia nisi à Deo? quem vitæ tuæ ductorem, & animo doctorem, precor. Is te vir amicissime, tuam, & tuos servet, & mutuum inter nos amorem. Delphis. 4. Kal. April. M. DC. xxxi.

*Doctissimo virorum DAN. HEINSIO  
amicissimam salutem.*

Lugd. Batav.

OCCupationes tuæ, Vir magne, tot tantaque sunt, ut pene religio mihi sit, Musis tam strenuè operanti, importunius obstrepere, aut interpellatione mea, moram injicere. Sed vicit tandem affectus qui perruptis omnis seu pudoris, seu venerationis tui, obstaculis, fecit, ut quem animi tacito judicio, & sensu jam diu æstimavi, etiam nunc publico literarum officio, colere sustineam, ejusque amicitiam, palàm exosculari. Quamquam non est quod metuum, nostram à multis retrò annis contractam familiaritatem, unquam silentio, diremtum iri. Non enim ita torpet aut languet mutuus utriusque nostrum amor, ut frequentioribus literarum alloquiis foveri eum, sit opus. Sed nec silentium quis interpretetur, ubi neuter cessat honorificè de altero, & sentire, & loqui. Omnino mihi multus in ore Heinsius, & erit

— perenni  
*Luna dum cursu rediens novabit  
Mensrva vulsus.*

Vix diem abire dixerim, quo non ego de literis, ingenio, studiis, eruditione, prudentia, humanitate tua, cum apud doctos, tum apud juventutem nostram, ubi res tulerit, propè declamitem. Non quidem pro tuo merito, sed nostro affectu. Laudum



dum enim tuarum campum quis dignè decurrat? De me, infantiam hîc meam agnosco; & aliis, ingenii tui dotes, nominis famam, & æternitati consecratos labores, depradicanda relinquo. Admirari ea, mihi satis est; nec si verba suppeterent, id unquam tentare audeam, veritus, ne laudes, appendices tuarum virtutum, & comites rectè factorum, culpa ingenii detererem. Quare imitatus Timantem, in Iphigenia ad aram peritura, quod exprimere stili penicillo non possum, velo contegam. Ita tamen ut ingenuè tibi debere me, multis nominibus intelligam, quæ singula hic recensere non est animus. Sed accedit beneficiis in me tuis luculentum illud (ô quo meo merito!) quod identidem de Schola nostra perhibes testimonium. Quod pluris facio,

*Quàm si me liquidus Fortunæ rivus in auret;*

& Tagus mihi fluat, aut Pactolus. Tantos enim mihi addit animos, ut talis esse contendam, qualem me prædicas; & esse aut judicas, aut certè velles. Ardeo cupiditate exercendi in litteris juventutem. Nullum hîc, testor Fidem, subterfugio laborem, nullas molestias, ut disciplinæ nostræ submissi tyrunculi, ex inscitia tenebris, institutione nostra, & cura, non pedem modò moveant, sed & promoveant, factique aliquando Academici, digni habeantur, qui doctas Heinſii lectiones audiât. Sed heus, itane tibi nuper cum Cabeliavio nostro, de me sermo, & dulcissimo in adolescentiâ utriusque nostrum, convictu, Franckera? itane crepundia nostra, & stultitias primæ illius ætatis reminiscenti, ridere placuit, & vitæ istius suaviter olim transactæ, commemoratione frontem liberius explicari? Bona fide, nunquam ego temporum istorum memoriam replico, quin molli quadam cogitatione, animus mihi liqueſcat, & cor saliat; nec hac etiam ætate qua cani me spargunt, jucundior mihi à curis, & occupationibus esse solet, diversio, quam prisca illa per otium recordari

studiorum nostrorum dulcia intervalla, jocos, risus, fabellas, lusus domi, foris saltus, & cursus certamina, aliaque corporis in viis philosophicis, & ambulatoriis, exercitia, non minus honesta (neque enim aliter) quàm recreationis plena. Quid vita hæc quam nunc vivimus, præ illa? trita, curæ, labores, umbra vitæ, non vita. In qua, cura curam trudit; luctus luctum; dolor dolorem, ut unda undam in mari; & si remittere videantur, ut ille in Ætna ignis, intervalla sua habent, & cum defavisse credis, redeunt. Sed à re, id est à re non ab eo: animo, animum tuum amplector, eruditionem suspicio, ingenii tui monumenta ære perenniora, & labores in seculi gloriam, emensos, laudo, honores veneror, virtutem colo, & ut claudam, *dextera hac fidem sanctæ amicitie* consigno, aninis deinceps, non annis æstimandam. Ita esto. Valerudo nobis prospera: quæ ut benigna te, bono publico natum, longum respiciat, intimum meum est votum. Delphis iix.  
 \* Non. April. M. DC. xxxi.

GERARDO J. VOSSIO

*Histor. Professore S. D.*

Eodem.

**N**Ominis tui quodam quasi splendore, deterritus, scribere ad te, hætenus supersedi. Sed impetravit à me, has qualescunque literas, cum mei officii tum humanitatis tuæ ratio. Quorum unum impellit, alterum invitat, ut amicitiam tuam ambiam. Certè quinquam non desint qui verbis aut literis te compellent, tamen & ego venire in partem gestio, & seria tui observantia eam à te inire gratiam, qua me, qui affectu aliis hilum non cedo, in numerum tuorum cooptare, haud dedigeneris. Ita mihi semper in amore, & in pretio docti, qui insignem qua pollent eruditionem, cum virtute conjungunt, ut non minus sapientes audiant, & boni, quàm literati. Equidem  
 non

non possum aut tacere quæ de te sentio, aut non sentire ea quæ de illo debeam, in quo (non blandior) omnia quæ in aliis ferè singula, reperiuntur univèrsa. Cum Poëta hoc dicam

————— *potius fugientia ripas*

*Flumina devincas, rapidis aut ignibus obstes,*

quam viri verè literati doctrinam, venerari me, vetes. Sed cum mihi non sit ea dicendi vis, ea copia, ut quæ de te sentio, verbis queam exprimere longèque infra doctrinæ tuæ fastigia subsidant, quæ vel mente concipio, vel cogitatione complector: nec verba minus desint animo, quàm rebus animus, prolixius ea emetiri desino. Loquuntur ingenii tui monumenta, quæ nunc seculum miratur. Loquitur ut alia taceam, subactum illud & omnibus numeris absolutum opus Institutionum Oratoriarum tertium nuper editum, in quo quis, & quantus sis, non obscurè prodis: & ita sentiunt qui melioris doctrinæ gustum, ac sensum habent. Loquitur denique pertinax, & indefessa tua in studiis, hac etiam ætate, *ἐν μαθήσιν*, qua affixus es libris, & literariæ huic glebæ, ut testæ suæ cochlea. Quam quoties ex relatu aliorum intelligo, stупeo, subitque mirari; virum tantum, tam calidè adhuc, & *ἀπαύτως* studiis suis incumbere. Sed crescentem sequitur cura, & labor eruditionem, ut umbra corpus; nec quenquam minus de se sentire video, quàm eos qui supra vulgum sapiunt; nullos quoque minus doctrina satiari, quàm quibus Palladis leviter laciniam libasse non est satis; sed in abditissima ejus adyta penetrare decretum, & ad doctrinæ *ἐκπύρω* eniti. Quibus omnibus accedit sollicita, & perpes formandæ juventutis cura. Ita enim non assuevisi solum, sed natus es, ut libenter te impendas, sæpe etiam seriis relictis in commoda juventutis. Etsi quæ seria magis sunt? & aut ego fallor, aut Reipublicæ accedit, quidquid in istos ab institutione conferatur, qui illi crescant & adsurgunt. Sed cum præ-

ceptorum ferè mores in adolescentum migrent ingenia, & ab illis mutuentur, quod in omnem ætatem transfinitunt, beatam ego illam judico juventutem, cui tua institutione frui datum. A qua fieri non potest, quin ad frugem evadant, imò ad magna exsurgant, & ampla Reipublicæ munia cuni laude obeunda. Jacent me hercle etiam optima ingenia propensa ad decus, & gloriam, si desint qui excolant. Ita fœcundissimi sterilescunt, aut silvescunt, sine cultura, agri. adde illam, etiam resqua, frugum copia luxuriant. Et quis dubitet in animis culturam posse, quod in terra? Sic tamen, ut quod in terris evenit, validiori aratro, ligone, marra, rastro, ad fœcunditatem provocanda sit una, molliori altera; quædam ultrò fœcunda, levi manu colenda; durius altera, ac non nisi per sudorem, magna promittat. Idem in ingeniis. Felix ille, qui nihil negotii secum habet; at hic de se melius dici potest meruisse, qui malignitatem naturæ suæ vicit, & ad sapientiam se non perduxit, sed extraxit. ut nulla malignitas tanta sit, quam non assidua virtutis exercitatio corrigit, & institutio. Eximiè Seneca: *Certi sunt domitores ferarum qui savissima animalia, & ad occursum exterrentia hominem, docent pati jugum; nec asperitatem excussisse contenti, usque in contubernium mitigant. Leonibus Magister manum insertat; osculatur tigris suus custos; elephantem minimus Ethiops jubet subsidere in genua, & ambulare per funem: sic sapiens est artifex domandi malæ, quo magis in homine, magis etiam in puero, aut minus disciplina, & labor in ingeniis poterit, quàm in reliquis, industria. Magnos sanè viros, perdita pene, ac desperata adolescentia, in patriæ salutem natos accepimus. Nimirum, ut arbor ex se infructuosa, tamen insitione discit ferre fructus; sic jejunum ac sterile ingenium institutione ad bonam frugem potest demutari. Exemplum vis adducam? M. Torquatum ingenii tarditas in agrum, tanquam in*  
*exilium*

exilium ablegaverat, hic tamen periclitantem Latino tumultu patriam, insigni triumpho restituit. L. Valerium Flaccum, quem Roma, projectæ libidinis juvenem, virum omnis postea modestiæ, ac probitatis exemplum, vidit. Jam quid Q. Fabii Maximi adolescentia, foedius? quid verò illo sene ornatus, quid augustius, Roma tulit? Q. autem Catuli juventutem deliciis, ac luxu diffuentem, quis credidisset, in patriæ aliquando Principem exsurrecturam? Duos in uno Sylla homines fuisse, dixeris, turpem adolescentem, & virum fortem. Themistoclis verò adolescentia quid licentius? at is exinde juventæ suæ maculas, rebus strenuè gestis ita eluit, ut Græcorum clarissimus extiterit, & prælio navali Persis ad Salaminem victis, Patriæ libertatis assertor fortissimus. Plurima generis hujus exempla, omnis retrò ætas tulit, ut nemini sit desperandum, si primis conatibus non respondeat eventus. Præsertim hoc seculi contagio, & morum licentia, quam tu quoque opinor vides, & doles. Benignior Deus aspiciat,

*— qui solus opem, qui summa medendi*

*Iura tenet,*

& te vir clarissime, Reipublicæ litterariæ diu servet incolumem. Animo interim semper, interdum & litteris jungamur. Si tantum tibi superest à studiis gravioribus, & publicis occupationibus, otii. Quod voveo ex animo, & in hac spe salvere te jubeo, Academiæ (ea tua laus est) ornamentum, & decas. Delphis. prid. Non April.  
M. DC. XXXI.

FRANCONI BURGERS DICIO

*Physicæ professori. S. D.*

Eodem:

**H**UMANITAS tua aditum mihi ad te facit; & quem verbis jam olim, nunc literis compello, Da veniam importunitati meæ, si liberius, quam

quàm par est occupatum. Academia Batava vel hoc nomine felix, quod tales in ea viri qui in formanda juventute, cum publicè, tum privatim tam strenuè defudant. Quò fit ut alius semper tibi ex alio labor, & nova identidem ex disciplinæ tuæ cura laudis, & gloriæ seges.

Scripta tua quæ publici juris esse voluisti, tanto cum fructu, pariter & voluptate vidi & legi, ut non affectum solum auxerint in auctorem, sed & scriptionem hanc meam elicerint, grati in labores tuos, animi testem. Quomodo cum non amem, colam, venerer virum Scholarum compendio, & honori tam industriæ, & feliciter operatum? Reipublicæ certè literariæ consuli à te rectius, utiliusve, non potuit, nec nomini tuo; cum inde & bonorum gratiam, & non mediocrem gloriam sis consecutus. Perge, perge, quo tua te indoles vocat, & sublime cultumque ingenium; atque ut generosos equos, hoc meo plausu, patere acrius te ad cursum impelli. Hæc hæc unica est, & vera eminendi via, in nobili illo famæ theatro, & urbe (quam inter Academiæ apices pono) tot viris prudentia, & doctrina egregiis, infessa.

In hac ætatis ἀκμῇ, fac plures ex hoc agro ingenii tui fructus, ad nos prodeant in seculi usum; nomenque tuum monumentis propaga, vel fremente Calumnia. Pauci hanc viam ineunt. Tu qui summa sequeris fastigia laudum id stude, in id incumbe, ne splendor ille literarum, injuria temporum aliquando obsolescat. Nam ferrea esse, & Marti facta magis, quàm arti, quis non videt? Et quæ veterem squalorem nobis, & barbariam minantur. Cui malo tutius occurri nequit, quam seria institutione juventutis. Quod saxum ut plusculos jam annos volvi, quæ docendo, quæ monendo, ut doctiorem eam redderem, & meliorem: ita Delphensis nostræ reipublicæ surculos, Hallingios, Adrichemios, Meranos, Boëlios disciplinæ tuæ submissos, unice tibi commendo, ut cura tua patriæ

trix suæ olim lumina sint, & columnina: nec secus inter homines excellant, quàm agri culti inter incultos. Arbores quasdam sua sponte crescere, & foliis ramisque luxuriare videmus: sed sine alio fructu, umbra tantum, & specie insignes: at incultis & insitione emendatis, non umbra tantum, & ligna, sed fructus. Idem ingeniis. Sibi relicta luxuriant, & in iis mali mores; ut herba irrigua, uberrimè succrescunt. Culta, feritatem exuunt, & Reipublicæ cui crescunt largam virtutis & doctrinæ messem, pollicentur.

Publica me valde suspensum habent, ac sollicitum; & video certamen omne in Flandria cernendum. Florem militiæ nostræ, in ea pedem fississe fama est, sub magni Ducis nostri auspiciis.

*Eheu quantus equus, quantus adest viris  
Sudor!*

Utinam nobis non indecorus! nam & hostis ubique in excubiis, & instructis copiis nos præstolatur, attentus ad rem, & in rem, & longius progredientibus, majora & munitiora occurrent: nova quoque indices subnascentur incommoda. Ades ô Deus; & Principem, Patriæ & Religioni, vitam tam strenuè periclitantem, vindica & tuere. Vale vir clarissime, & literæ etiam tuæ, me adeant. Heinsum, rarioris doctrinæ, carum mihi nomen, plurimum à me saluta. Delphis.

THEODORO BOELIO

*Sudiofo S. D.*

*Eodem;*

**V**ix posui alteras tuas mellitissime Boëli, & respondeo. Facit hoc meus in te amor; ille, candidus, ingenuus, addam & paternus. Quidni enim ut natos eos complectar, qui sub me, ad Academiam, sati sunt & nati, & sementis hujus, eximiam aliquando Patriæ messem pollicentur. Cestè crescere illam, ex literis tuis hand

indoctis, & ad maturitatem properate, animadverto. Ita lepôris plenæ sunt, & elegantia. Stilus facilis, succinctus, argutus, & sententiosus. Quo tibi nomine vehementer gratulor. Perge modo, & si me audis, ad optimas artes pleno gradu contende, & ad seria sapientiæ studia: animumque iis firma ad virtutem, & robur. Quibus si modestiam adjungas, mirum, quantum decus tuæ eruditioni accedet. Vulgaris ea mens non accedit, quæ in se non abit, nec istorum satagit, quæ sibi & Reipublicæ aliquando sint pròfutura; sed spe tota in Pluto reposita, fortunæ, vitreæ illius Dææ regnum suspicit, colit, adorat: & neglecta omni literatura, aurum quærit, non laurum, & quidquid ad Monetam non facit, aspernatur: etiam viros fama meritisque insignes, nisi censu quoque censeantur. Vanum, mehercule, & stultum hominum genus! Quid enim si relegata fortunæ pompa, rem ipsam intueri velimus, quid inquam hæc mundana? caduca omnia & fluxa. Quid? nisi fumus, umbra, nihil. Vide omne ævum, & dices. At melior tibi mens Boëli, qui non Mercurio litas, sed Palladi, & per hanc, ad sublimioris doctrinæ laudem, viam tibi paras, exsurrecturam aliquando (ita auguror) in Patriæ gloriam, & decus. De filio, quod scribis, gratum censes? ita (liberè dico) ut nihil suprâ esse possit. Magnum, quod suggeris de pertinaci ejus diligentia: majus quod de laudabili in studiis, progressu; sed longè maximum, quod de virtute, quæ sola me afficit, & quæ amplum sibi theatrum, satis una sibi merces est. Cætera sine hac parvipendo. Utenim auro à gemma, suus honos; ita studiis, à virtute. Hæc quippe illa est quæ magnas moderandæ menti cogitationes injicit, & tanquam offuso flumine cupidinum flammæ restinguit, ardorem temperat, licentiæ audaciam frangit, temeritatem reprimat. Hæc una temporum injurias nescit, fortunæ assaultum ridet, in secundis, in adversis non colorem, non animum

mutat



mutat. Quam si tollas, doctrinæ succum omnem tollis & sanguinem, imò vitam. Quid; quod dignitatem suam non agnoscit, nisi virtutis stipata sit præsidio, ac comitatu.

Tu illam, quod facis sectare; & quia pericula multa in hoc vitæ salo; & nec inter tot brevia, vada, syrtes, Ulysses tutò naviget,

— ita perfurit acri

*Cum fremitu, sævitque minaci murmure pontus,*  
consortia fuge levia, desultoria, vana. quæ ut pulvis aut palea a vento, ab affectuum suorum, & occasionum turbine, rapi se patiuntur; & dum ipsi omnis antepartæ existimationis decoctores, spontaneam turpitudinem subire non detrectant, rectissimas quoque haud rarò mentes deflectunt ad confinia vitiorum. Quid ergò? Id age ut tuum omne tempus sit & erit si tuus esse cœperis. Paucis assuesce, & bonis, & quamdiu in Academia manes, apud te etiam mane, nec nimis te laxa, aut diffunde. Ut enim vinum vigorem suum retinet, sed clausum; apertum vapescit, & exhalat: Sic virtus inclusa animo, & secreta ab omni turba, gliscit indies, ac viger; si crebra nimis & frequens cum vanis congressio, vaneſcit & vitium cepit à morum contagio. Vis unò verbo, & finiam? Deus tibi semper in animo, & in ore. Illo benignum hunc patrem colas, hoc laudes, bonorum omnium authorem. Quia si ulla dona ingenii, memoriæ, iudicii, doctrinæ, eloquentiæ, virtutis, ab illo sunt, & illi adscribenda, &

*Qui dedit hæc hodie, cras si volet, auferet,*  
si iis licentius abutamur ad fastum, vanitatem, pompam: quam (cum Homero hoc dicam) odi portis inferni deterius. Navigantes Cynosuram respiciunt: tu patrem, non aberrabis. Vale mi Boëli; longior eram, nisi avocarer. Tu peramantem tui, ama, & me utere, invenies facilem, & in te propensum. Hallingio, & aliis studiorum commilitio devinctis, à me salutem; & quicumque nominis

vita, linguam ut ita loquar, suam. Quæ si pervicaces non semper trahit, & movet, confundit saltem aut convincit, & silentium imponit, petulantius VERITATI insultantibus. Sed unde hæc omnia nisi à Deo? quem vitæ tuæ ductorem, & animo doctorem, precor. Is te vir amicissime, tuam, & tuos servet, & mutuum inter nos amorem. Delphis. 4. Kal. April. M. DC. xxxi.

*Doctissimo virorum DAN. HEINSIO  
amicissimam salutem.*

Lugd. Batav.

O Ccupationes tuæ, Vir magne, tot tantæque sunt, ut pene religio mihi sit, Musis tam strenuè operanti, importunius obstrepere, aut interpellatione mea, moram injicere. Sed vicit tandem affectus qui perruptis omnis seu pudoris, seu venerationis tui, obstaculis, fecit, ut quem animi tacito judicio, & sensu jam diu æstimavi, etiam nunc publico literarum officio, colere sustineam, ejusque amicitiam, palàm exosculari. Quamquam non est quod metuum, nostram à multis retrò annis contractam familiaritatem, unquam silentio, direntum iri. Non enim ita torpet aut languet mutuus utriusque nostrum amor, ut frequentioribus literarum alloquiis foverieum, sit opus. Sed nec silentium quis interpretetur, ubi neuter cessat honorificè de altero, & sentire, & loqui. Omnino mihi multus in ore Heinsius, & erit

— perenni  
*Luna dum cursu rediens novabit  
Mensrua vultus.*

Vix diem abire dixerim, quo non ego de literis, ingenio, studiis, eruditione, prudentia, humanitate tua, cum apud doctos, tum apud juventutem nostram, ubi res tulerit, propè declamitem. Non quidem pro tuo merito, sed nostro affectu. Laudum

dum enim tuarum campum quis dignè decurrat? De me, infantiam hîc meam agnosco; & aliis, ingenii tui dotes, nominis famam, & æternitati consecratôs labores, depradicanda relinquo. Admirari ea, mihi satis est; nec si verba suppeterent, id unquam tentare audeam, veritus, ne laudes, appendices tuarum virtutum, & comites rectè factorum, culpa ingenii detererem. Quare imitatus Timantem, in Iphigenia ad aram peritura, quod exprimere stili penicillo non possum, velo contegam. Ita tamen ut ingenuè tibi debere me, multis nominibus intelligam, quæ singula hic recensere non est animus. Sed accedit beneficiis in me tuis luculentum illud (ô quo meo merito!) quod identidem de Schola nostra perhibes testimonium. Quod pluris facio,

*Quàm si me liquidus Fortunæ rivus in auret;*

& Tagus mihi fluat, aut Pactolus. Tantos enim mihi addit animos, ut talis esse contendam, qualem me prædicas; & esse aut judicas, aut certè velles. Ardeo cupiditate exercendi in litteris juventutem. Nullum hîc, testor Eidem, subterfugio laborem, nullas molestias, ut disciplinæ nostræ submissi tyrunculi, ex inscitia tenebris, institutione nostra, & cura, non pedem modò moveant, sed & promoveant, factique aliquando Academici, digni habeantur, qui doctas Heinsii lectiones audiât. Sed heus, itane tibi nuper cum Cabeliavio nostro, de me sermo, & dulcissimo in adolescentia utriusque nostrum, convictu, Franckera? itane crepundia nostra, & stultitias primæ illius ætatis reminiscenti, ridere placuit, & vitæ istius suaviter olim transactæ, commemoratione frontem liberius explicari? Bonâ fide, nunquam ego temporum istorum memoriam replico, quin molli quadam cogitatione, animus mihi lique scat, & cor saliat; nec hac etiam ætate qua cani me spargunt, jucundior mihi à curis, & occupationibus esse solet, diversio, quam prisca illa per otium recordari

studiorum nostrorum dulcia intervalla, jocos, risus, fabellas, lusus domi, foris saltus, & cursus certamina, aliaque corporis in viis philosophicis, & ambulacris, exercitia, non minus honesta (neque enim aliter) quàm recreationis plena. Quid vita hæc quam nunc vivimus, præ illa? trica, cura, labores, umbra vitæ, non vita. In qua, cura curam trudit; luctus luctum; dolor dolorem, ut unda undam in mari: & si remittere videantur, ut ille in Ætna ignis, intervalla sua habent, & cum desavisse credis, redeunt. Sed à re, id est à te non ab eo: animo, animum tuum amplector, eruditionem suspicio, ingenii tui monumenta ære perenniora, & labores in seculi gloriam, emensos, laudo, honores veneror, virtutem colo, & ut claudam, *dextera hac fidem sanctæ amicitie* consigno, animis deinceps, non annis æstimandam. Ita esto. Valerudo nobis prospera: quæ ut benigna te, bono publico natum, longum respiciat, intimum meum est votum. Delphis III.

\* Non. April. M. DC. XXXI.

GERARDO J. VOSSIO

*Histor. Professi S. D.*

Eodem.

Nominis tui quodam quasi splendore, deterritus, scribere ad te, hætenus supersedi. Sed impetravit à me, has qualescunque literas, cum mei officii tum humanitatis tuæ ratio. Quorum unum impellit, alterum invitat, ut amicitiam tuam ambiam. Certè quanquam non desint qui verbis aut literis te compellent, tamen & ego venire in partem gestio, & seriatui observantia eam à te inire gratiam, qua me, qui affectu aliis hilum non cedo, in numerum tuorum cooptare, haud dedigeneris. Ita mihi semper in amore, & in pretio docti, qui insignem quæpollent eruditionem, cum virtute conjungunt, ut non minus sapientes audiant, & boni, quàm literati. Equidem non

non possum aut tacere quæ de te sentio, aut non sentire ea quæ de illo debeam, in quo (non blandior) omnia quæ in aliis ferè singula, reperiuntur universa. Cum Poëta hoc dicam

*— potius fugientia ripas*

*Flumina devincas, rapidis aut ignibus obstes,*

quam viri verè literati doctrinam, venerari me, vetes. Sed cum mihi non sit ea dicendi vis, ea copia, ut quæ de te sentio, verbis queam exprimere longèque infra doctrinæ tuæ fastigia subsidant, quæ vel mente concipio, vel cogitatione complector: nec verba minus desint animo, quàm rebus animus, prolixius ea emetiri desino. Loquuntur ingenii tui monumenta, quæ nunc seculum miratur. Loquitur ut alia taceam, subactum illud & omnibus numeris absolutum opus Institutionum Oratoriarum tertium nuper editum, in quo quis, & quantus sis, non obscure prodis: & ita sentiunt qui melioris doctrinæ gustum, ac sensum habent. Loquitur denique pertinax, & indefessa tua in studiis, hac etiam ætate, *φρονεῖν*, qua affixus es libris, & literariæ huic glebæ, ut testæ suæ cochlea. Quam quoties ex relatu aliorum intelligo, stупeo, subitque mirari; virum tantum, tam calidè adhuc, & *ἀπαύτως* studiis suis incumbere. Sed crescentem sequitur cura, & labor eruditionem, ut umbra corpus; nec quenquam minus de se sentire video, quàm eos qui supra vulgum sapiunt; nullos quoque minus doctrina satiari, quàm quibus Palladis leviter laciniam libasse non est satis; sed in abditissima ejus adyta penetrare decretum, & ad doctrinæ *ἐν πλῶ* eniti. Quibus omnibus accedit sollicita, & perpes formandæ juventutis cura. Ita enim non assuevisi solum, sed natus es, ut libenter te impendas, sæpe etiam feriis relictis in commoda juventutis. Etsi quæ feriæ magis sunt? & aut ego fallor, aut Reipublicæ accedit, quidquid in istos ab institutione conferatur, qui illi crescunt & adsurgunt. Sed cum præ-

ceptorum ferè mores in adolescentum migrent ingenia, & ab iis mutuuntur, quod in omnem ætatem transfinitunt, beatam ego illam judico juventutem, cui tua institutione frui datum. A qua fieri non potest, quin ad frugem evadant, imò ad magna exsurgant, & ampla Reipublicæ munia cum laude obeunda. Jacent me hercle etiam optima ingenia propensa ad decus, & gloriam, si desint qui excolant. Ita foecundissimi sterilescent, aut silvescent, sine cultura, agri. adde illam, etiam resqua, frugum copia luxuriant. Et quis dubitet in animis culturam posse, quod in terra? Sic tamen, ut quod in terris evenit, validiori aratro, ligone, marra, rastro, ad foecunditatem provocanda sit una, molliori altera; quædam ultro foecunda, levi manu colenda; durius altera, ac non nisi per sudorem, magna promittat. Idem in ingeniis. Felix ille, qui nihil negotii secum habet; at hic de se melius dici potest meruisse, qui malignitatem naturæ suæ vicit, & ad sapientiam se non perduxit, sed extraxit. ut nulla malignitas tanta sit, quam non assidua virtutis exercitatio corrigit, & institutio. Eximie Seneca: *Certi sunt domitores ferarum qui servissima animalia, & ad occursum exterrentia hominem, docent pati jugum; nec asperitatem excussisse contenti, usque in contubernium mitigant. Leonibus Magister manum insertat; osculatur tigris suus custos; elephantem minimus Æthiops jubet subsidere in genua, & ambulare per funem: sic sapiens est artifex domandi mala; quo magis in homine, magis etiam in puero, aut minus disciplina, & labor in ingeniis poterit, quam in reliquis, industria. Magnos sane viros, perdita pene, ac desperata adolescentia, in patriæ salutem natos accepimus. Nimirum, ut arbor ex se infructuosa, tamen insitione discit ferre fructus; sic jejunum ac sterile ingenium institutione ad bonam frugem potest demutari. Exempla vis adducam? M. Torquatum ingenii tarditas in agrum, tanquam in*  
*exilium*

exilium ablegaverat, hîc tamen periclitantem Latino tumultu patriam, insigni triumpho restituit. L. Valerium Flaccum, quem Roma, projectæ libidinis juvenem, virum omnis postea modestiæ, ac probitatis exemplum, vidit. Jam quid Q. Fabii Maximi adolescentia, foedius? quid verò illo sene ornatius, quid augustius, Roma tulit? Q. autem Catulij juventutem deliciis, ac luxu diffluentem, quis credidisset, in patriæ aliquando Principem exsurrecturam? Duos in uno Sylla homines fuisse, dixeris, turpem adolescentem, & virum fortem. Themistoclis verò adolescentia quid licentius? at is exinde juventæ suæ maculas, rebus strenuè gestis ita eluit, ut Græcorum clarissimus extiterit, & prælio navali Persis ad Salaminem, victis, Patriæ libertatis assertor fortissimus. Plurima generis hujus exempla, omnis retrò ætas tulit, ut nemini sit desperandum, si primis conatibus non respondeat eventus. Præsertim hoc seculi contagio, & morum licentia, quam tu quoque opinor vides, & dōles. Benignior Deus adspiciat,

— qui solus opem, qui summa medendi

*Iura tenet,*

& te vir clarissime, Reipublicæ litterariæ diu servet incolumem. Animo interim semper, interdum & litteris jungamur. Si tantum tibi superest à studiis gravioribus, & publicis occupationibus, otii. Quod voveo ex animo, & in hac spe salvere te jubeo, Academiæ (ea tua laus est) ornamentum, & decus. Delphis. prid. Non April. M. DC. XXXI.

## FRANCONI BURGERS DICIO

*Physicæ professori. S. D.*

Eodem:

**H**UMANITAS tua aditum mihi ad te facit; & quem verbis jam olim, nunc literis compello, Da veniam importunitati meæ, si liberius, quàm

F 5

quàm par est occupatum. Academia Batava vel hoc nomine felix, quod tales in ea viri qui in formanda juventute, cum publicè, tum privatim tam strenuè defudant. Quò fit ut alius semper tibi ex alio labor, & nova identidem ex disciplinæ tuæ cura laudis, & gloriæ seges.

Scripta tua quæ publici juris esse voluisti, tanto cum fructu, pariter & voluptate vidi & legi, ut non affectum solum auxerint in auctorem, sed & scriptionem hanc meam elicerint, grati in labores tuos, animi testem. Quomodo cum non amem, colam, venerer virum Scholarum compendio, & honori tam industriè, & feliciter operatum? Reipublicæ certè literariæ consuli à te rectius, utiliusve, non potuit, nec nomini tuo; cum inde & bonorum gratiam, & non mediocrem gloriam sis consecutus. Perge, perge, quo tua te indoles vocat, & sublime cultumque ingenium; atque ut generosos equos, hoc meo plausu, patere acius te ad cursum impelli. Hæc hæc unica est, & vera eminendi via, in nobili illo famæ theatro, & urbe (quam inter Academiæ apices pono) tot viris prudentia, & doctrina egregiis, infesta.

In hac ætatis ἀκμῇ, fac plures ex hoc agro ingenii tui fructus, ad nos prodeant in seculi usum; nomenque tuum monumentis propaga, vel fremente Calumnia. Pauci hanc viam ineunt. Tu qui summa sequeris fastigia laudum id stude, in id incumbe, ne splendor ille literarum, injuria temporum aliquando obsolescat. Nam ferrea esse, & Marti facta magis, quàm arti, quis non videt? Et quæ veterem squalorem nobis, & barbariam minantur. Cui malo tutius occurrì nequit, quam seria institutione juventutis. Quod saxum ut plusculos jam annos volvi, quàm docendo, quàm monendo, ut doctiorem eam redderem, & meliorem: ita Delphenis nostræ reipublicæ surculos, Hallingios, Adrichemios, Meranos, Boëlios disciplinæ tuæ submissos, unicè tibi commendo, ut cura tua patriæ



trix suæ olim lumina sint, & columnæ: nec secus inter homines excellant, quàm agri culti inter incultos. Arbores quasdam sua sponte crescere, & foliis ramisque luxuriare videmus: sed sine alio fructu, umbra tantum, & specie insignes: ac incultis & insitione emendatis, non umbra tantum, & ligna, sed fructus. Idem ingeniis. Sibi relicta luxuriant, & in iis mali mores; ut herba irrigua, uberrimè succrescunt. Culta, feritatem exuunt, & Reipublicæ cui crescunt largam virtutis & doctrinæ messem, pollicentur.

Publica me valde suspensum habent, ac sollicitum; & video certamen omne in Flandria cernendum. Florem militiæ nostræ, in ea pedem fixisse fama est, sub magni Ducis nostri auspiciis.

*Eheu quantus equus, quantus adest viris  
Sudor!*

Utinam nobis non indecorus! nam & hostis ubique in excubiis, & instructis copiis nos præstolatur, attentus ad rem, & in rem, & longius progredientibus, majora & munitiora occurrent: nova quoque indices subnascentur incommoda. Ades ô Deus; & Principem, Patriæ & Religioni, vitam tam strenuè periclitantem, vindica & tuere. Vale vir clarissime, & literæ etiam tuæ, me adeant. Heinsum, rarioris doctrinæ, carum mihi nomen, plurimùm à me saluta. Delphis.

THEODORO BOELIO

*Sudiofo S. D.*

Eodem;

**V**ix posui alteras tuas mellitissime Boëli, & respondeo. Facit hoc meus in te amor; ille, candidus, ingenuus, addam & paternus. Quidni enim ut natos eos complectar, qui sub me, ad Academiam, sati sunt & nati, & sementis hujus, eximiam aliquando Patriæ messem pollicentur. Cestè crescere illam, ex literis tuis haud

indoctis, & ad maturitatem properare, animadverto. Ita lepōris plenæ sunt, & elegantia. Stilus facilis, succinctus, argutus, & sententiosus. Quo tibi nomine vehementer gratulor. Perge modo, & si me audis, ad optimas artes pleno gradu contende, & ad seria sapientiæ studia: animumque iis firma ad virtutem, & robur. Quibus si modestiam adjungas, mirum, quantum decus tuæ eruditioni accedet. Vulgaris ea mens non accedit, quæ in se non abit, nec istorum satagit, quæ sibi & Reipublicæ aliquando sint pròfutura; sed spe tota in Pluto reposita, fortunæ, vitreæ illius Deæ regnum suspicit, colit, adorat: & neglecta omni literatura, aurum quærit, non laurum, & quidquid ad Monetam non facit, aspernatur: etiam viros fama meritisque insignes, nisi censu quoque censeantur. Vanum, mehercule, & stultum hominum genus! Quid enim si relegata fortunæ pompa, rem ipsam intueri velimus, quid inquam hæc mundana? caduca omnia & fluxa. Quid? nisi fumus, umbra, nihil. Vide omne ævum, & dices. At melior tibi mens Boëli, qui non Mercurio litas, sed Palladi, & per hanc, ad sublimioris doctrinæ laudem, viam tibi paras, exsurrecturam aliquando (ita auguror) in Patriæ gloriam, & decus. De filio, quod scribis, gratum censes? ita (liberè dico) ut nihil suprà esse possit. Magnum, quod suggeris de pertinaci ejus diligentia: majus quod de laudabili in studiis, progressu; sed longè maximum, quod de virtute, quæ sola me afficit, & quæ amplum sibi theatrum, satis una sibi merces est. Cætera sine hac parvipendo. Utenim auro à gemma, suus honos; ita studiis, à virtute. Hæc quippe illa est quæ magnas moderandæ menti cogitationes injicit, & tanquam offuso flumine cupidinum flammæ restinguit, ardorem temperat, licentiæ audaciam frangit, temeritatem reprimit. Hæc una temporum injurias nescit, fortunæ assultum ridet, in secundis, in adversis non colorem, non animum

mutat

mutat. Quam si tollas, doctrinæ succum omnem tollis & sanguinem, imò vitam. Quid; quod dignitatem suam non agnoscit, nisi virtutis stipata sit præsidio, ac comitatu.

Tu illam, quod facis sectare; & quia pericula multa in hoc vitæ salo; & nec inter tot brevía, vada, syrtes, Ulysses tutò naviget,

———— ita perfurit acri

*Cum fremitu, sæviturque minaci murmure pontus,*  
 consortia fuge levía, desultoria, vana. quæ ut pulvis aut palea a vento, ab affectuum suorum, & occasionum turbine, rapi se patiuntur; & dum ipsi omnis antepartæ existimationis decoctores, spontaneam turpitudinem subire non detrectant, rectissimas quoque hæud rarò mentes deflectunt ad confinia vitiorum. Quid ergò? Id age ut tuum omne tempus sit & erit si tuus esse cœperis. Paucis assuesce, & bonis, & quamdiu in Academia manes, apud te etiam mane, nec nimis te laxa, aut diffunde. Vt enim vinum vigorem suum retinet, sed clausum; apertum vapescit, & exhalat. Sic virtus inclusa animo, & secreta ab omni turba, gliscit indies, ac viger; si crebra nimis & frequens cum vanis congressio, vanescit & vitium cipit à morum contagio. Vis uno verbo, & finiam? Deus tibi semper in animo, & in ore. Illo benignum hunc Patrem colas, hoc laudes, bonorum omnium authorem. Quia si ulla dona ingenii, memoriæ, iudicii, doctrinæ, eloquentiæ, virtutis, ab illo sunt, & illi adscribenda, &

*Qui dedit hæc hodie, cras si volet, auferet,*  
 si iis licentius abutamur ad fastum, vanitatem, pompam: quam (cum Homero hoc dicam) odi portis inferni deterius. Navigantes Cynosuram respiciunt: tu patrem, non aberrabis. Vale mi Boëli; longior eram, nisi avocarer. Tu peramantem tui, ama, & me utere, invenies facilem, & in te propensum. Hallingio, & aliis studiorum commilitio devinctis, à me salutem; & quicumque nominis

minis mei meminisse dignantur. Delphis IV. Eid.  
April. M. DC. XXXI.

# THEODORO TRONCINO

*Ecclesia Geneyensis Pastori, & Theolog.*

*ibidem Professori S.*

Genevans.

**L**itteras tuas accepi Vir clarissime, benevolentiam, & amorem in me spirantes, & per mihi gratas fuisse libens agnosco. A tanto enim viro amati, non in gratia solum pono, sed lucro. Utinam saepe talium ad me advolent litteræ! quas Attalicis conditionibus longè prætulerm. Utinam inquam adsim, sermones misceam, videam, audiam, discam! Nam quæ vulgus miratur, & pene stupet ludibria fortunæ, opes, honores, dignitates rideo, & flocci pendo. Satis beatus si me virtus comiteretur, & bonorum amor. Illa enim præ aliis mihi curæ. Hic pronus natura, & proclivis in bonos. qui facile jungit studiis, & voluntatibus, jam junctos, & vel supra ipsum sanguinem non rarò asurgit. Sequuntur namque amicitiam, mores, & assimilari se gaudet amor, qui se diffundit, & laxat in sui similes: bonus in bonos: amicior aliis quàm sibi. At improbitas contrà nulli quàm sibi amica: ac ne sibi quidem, dum utile honesto præfert: pecunia semper, quàm rectè faciendi, cupidior. Cumula beneficiis improbum, memor erit quandiu sperare nova potest, aut tu largiri. nubila succedant tempora, nulla acceptorum memoria est. Tales vultu blandi, animo hostes sunt, & ingeniosa improbitate perfidiam regunt. Benè Isidorus: *Non sunt fideles quos munus, non gratia copulat; nam cito deserunt, nisi semper accipiant.* Quid mirum? amicitiam solis opibus metiuntur, cui si materiam subtrahas.

diffu-

— diffugiunt cadis  
*Cum fœce siccatis, amici.*  
*Fere jugum pariter dolosi:*

& necessum est corruat, quòd fragili huic fundamento superstructum. Nemo amicus cum fortuna amicitiam mutat: si facit fortunæ amicus est, non hominis, alienum cibum quasi mures edere solitus, muscisque in culina haud absimilis quæ cum ipso nidore confluunt, & recedunt. At probus nemo, destituet amicum, quæcunque fortuna intercurret: neque enim probitas fortunæ, sed virtuti inædificatur: quæ in adversis magis, quam in prosperis elucet. Talis tu mihi optime virorum Troncine: cur enim ambigam de tuo in me animo, quem nuperis tuis literis amicissimè ad me scriptis, tam largiter declarasti: & si non literæ, prompta certè tua ad meas responsio, fecisset fidem. Itaque sicut credidi ingenuè, & libens de tuo in me affectu, velim te pariter de meo; quem constantem, atque etiam fidum reperies, nec nisi cum ego solvar, solvendum. Thesaurum nostrum animæ Christianæ, invisum tibi hætenus miror; in Gallia tamen jam pridem, avidè ut intelligo distractum. Opus à multis annis Ecclesiæ devotum. In quo ut pertinaci studio desudavi; ita hunc ex eo fructum cepi, ut me (fidenter dicam) meliorem reddiderit. Sicut in navi qui transfert & vehit, idem vehitur. Sic mihi factum in hoc scripto, quod edi volui meo, & aliorum usu. Quid de eo, data occasione sentias, intelligere erit mihi gratum. O utinam & tui sit palati, qui inter alios, Apelles de hisce lineis judicare potes. Liberè tamen velim, & candidè agas, & si quæ irrepperint emendanda, ingenuè suggeras; imò vapulent, atque errati pœnas, ungue aut litura luant. Tales mihi verè amici, qui utroque calculo utuntur, albo, & nigro etiam, cum est opus. Quid quod & nos qui docemus, discere etiam possumus: atque ego eo ingenio sum, ut seriò velim. Quis enim

omni

omnia videat? non si Minervæ aurea lucerna, ut  
vetus verbum est, illustret. Allobrogum motus  
cum Gallo nos habuerunt sollicitos, & bella Ita-  
liæ, vestræ *nimirum vicina Cremons*. Quibus com-  
positis, bonorum hic metus fuit, ne sub specioso  
aliquo titulo, averfa aliquamdiu, in vos tandem  
verteretur arma, & in publico illo Italiæ Theatro,  
ultima cruentæ hujus Tragœdiæ scena in vos de-  
fineret, actorum antea in se sævientium, applausu.  
Sed ex animo, Reipublicæ vestræ gratulamur,  
belli imminētis periculis tam feliciter exemptæ.  
Utinam de nostra sic loqui liceat, & à nobis ali-  
quando exularet dira illa Erynnis. Sed heu! ja-  
ctamur, ac pene mergimur fluctibus armorum,  
& involvit nos

— πολέμῳ κλόνῳ δ' αἰὲν ἀπ᾽ αὐτῶν :

nihil circa nos nisi bella, & turbæ; magni utrin-  
que, terra marique apparatus: magna consilia, de  
protrudendis armis in alterius pomoeria. Et quis  
tandem finis cladum, ac funerum? quis modus  
effusi sanguinis, & laniæ? Nam revera quid hæc  
bella? *βροτῶν καὶ κτήνων*; flagella generis hu-  
mani, ruinæ urbium, & gentium. Quid aliud quàm  
ludicruenti, non absimiles illis quos in Amphi-  
theatris Romanorum olim instruebat ambitio?  
O si tandem aliquando stragum, & calamitatum,  
quæ Europam aliquot ab hinc annis, fatali quo-  
dam diluvio inundarunt, pertæsi, ferroque in ho-  
stem communem Christiani nominis converso,  
paci discordes litarent animi! non gement tot  
Christianorum millia sub barbaro illo Turcarum  
imperio: qui dum mutuis cadimus telis, sine ulla  
parsimonia nostri alienique sanguinis, auream  
messē ex communibus miseriis metunt, & dissi-  
diis nostris, ac odiis tutò dominantur, orbique  
penè imperant universo. Sed hæc publica, privata  
quæ tangis parum etiam læta, de invaletudine  
Theodati, & Turetini. Ita alternis eunt vicibus  
dies nostri, & vitam hanc morborum intervallis  
distin-

distinctam, læti, tristes, sani, ægri ad metam ducimus, & ad ultimam sui lineam.

———— *Serius ocius*  
*Sors exitura, & nos in æternum*  
*Exilium impositura, cymba.*

Deus in veterem eos statum reponat, & publico fervet. Ita voveo: & quæ bona mens aliter potest? Gaudium mihi erit aliquando, à restituta eorum valetudine, atque ut diu sit, à propitio Deo veneror, & precibus rogo: qui labores tuos secundet, & ferente aura, in portu votorum tuorum sistat. Vale vir inter paucos mihi deinceps amande, atque æternum care. Theodato & Turetino, viris sine ambitione eruditissimis, & natura factis ad humanitatem, plurimam à me salutem. Delphis  
 III. Idus April. M. DC. XXXI.

ANDRÆ RIVETO SS. *Theologie*  
*Doctori, & Professori S. D.*

Lugd. Batay.

L Iteras ad te mitto vir doctissime, & in iis animum, sicut tuum, ut cujusquam ex intimis & ex affe amicis. Quæ causâ inquires? ut privata omittam, Virtus tua, prudentia, eruditio, excellens gravitati tuæ adpersa humanitas, ingenii monumenta in publico famæ theatro nata, & nota, quæ nec Invidia earpat, & nomen tuum propagant (lubet liberè, & cum Poëta loqui)

———— *ab ortu*

*Solis, ad Hesperium cubile.*

Quæ quò rariora sunt, eò me tibi arctius jungunt, imò adstringunt. Amo, amo docta illa, & nivea pectora, animosque apertos, amantes generosi, & honesti. Et tuo merito ita debeo. Pauci enim hodie doctrinam cum virtute conjungunt, eruditionem cum sapientiâ; scientiam cum integritate: sine quibus nihil fecerim, alia. Amplius dicam: Pauci veritatem illam cœlestem tam validè & calide,

lidè, tam doctè, ac nervosè, asserunt. Catholico enim tuo Orthodoxo quid solidius, & rationum pondere, suffultum magis, ac instructum? Quibus tanquam machinis arietatum is, & eversum incrustatos mentitæ veritatis gypso, meretriciæ illius Babylonis muros, & errores è latebris suis extractos producis in scenam, clumbe, fractos, attritos, triumphanti VERITATI ludibrium, & cadentis hierarchiæ Romanæ spolia, & exuvias. Et quod palmarium duco, ad majorem victoriæ pompam, quasi non satis sit, armis tuis profligasse mendacium, ipsos etiam copiarum Romanensium triarios, sententiæ tuæ facis suffragatores. Qui dum veritati, quam impugnant, fasces submitunt, causam suam turpiter, ac nefarie produnt. Tantum scilicet potest, veritatis lux, ut vel invitis animis se inserat, & aperta, clausos etiam oculos feriat. Quibus omnibus si accedat oratio nativa, sententiosa, diserta, mirum, quantum illa possit ad flectendos animos, caute Marpesia duriores. *Veritas enim, ut præclare alibi Cicero ille christianus, eloquentia luce instructa, potentius influit in auditorum, & lectorum animos.* Stilus in hoc tuo opere (cur dissimulem?) vere Latinus, numerosus, lepōris plenus, ac elegantia. Quo lectorem tuum non invitum trahis, & detines in affectu. Ut in conviviis non parum interest, qua epulæ & dapēs ratione condiantur: sic in scriptis ingenii-que monumentis, plurimi refert, quibus animi cogitata, verbis efferantur, & quo stilo, publico data, consignentur. Quæ in sententia vidèo fuisse, Magna illa Græciæ lumina, Platonem & Xenophontem: quorum alteri adhuc parvulo in cunis vagienti, mel ori apes inseruisse fabulatur Antiquitas; alterum ut Musam Atticam, admirata est Græciæ. Non sum natura blandus; & ut non soleo cujusquam auribus inservire, nec loqui ad gratiam; ita nec ferre eos qui ad hanc artem eruditi



eruditi sunt. Sed in quas eo laudes, extorquent mihi tua merita, quæ qui non videt, aut livor eum habet, aut stupor, & dignus qui in Arcadiam relegetur. Serio enim si usquam hic triumphas, & ut celsius emines, quam ut invidia morfu appeti possis; ita lauream capite, ac manu tenes, non à livore, aut calumnia eripendam. Perge, perge modò vir magne, in diviniore illius Veritatis tutamine, & animarum cura, dona animi atque ingenii tui exserere, quæ ubertim magnus ille DEUS in te contulit, atque effudit. Monstra errorum tanquam alterum Herculem domare, una hujus ætatis tuæ sit cura: veteresque ab inferis revocatas hæreses, novitatis furo & mangonio, detractis, Ecclesiæ finibus, ac pomœriis arcere, perpes lucubrationum tuarum, & laborum materia: Juventutem denique disciplinæ tuæ submissam, formare, & pietatis, ac literaturæ succo imbuiere, occupatio tua publica sit, & privata. Apud quam si hoc effeceris institutionis tuæ cura, si vitæ & virtutis exemplo, quantum tibi Patria, quantum Respublica debebit? cui crescere novellas has stirpes certum est, in veterum arborum concidentium locum. Beata patria! si doctiores facti disciplina tua, & meliores, bonis succedant boni, & arduis illis muniis obeundis idonei. Nam quàm ludibrio sit multis, & contemptui nomen hoc omne literarum, vides mecum & doles. Ubi nunc illud literaturæ studium? & quo imus? ad veterem squalorem & tenebras? ad ultimas inscitæ lineas? Ubi prisca illa virtutis, ac pietatis cura? & quo ævo vivimus? Juventus in Athenæo nostro, quàm dissoluta hodie, & plena effusæ, atque effrænæ licentiæ? quam non prona tantum, sed præcepta in vitia, desidiam, luxum, crapulam? quæ quasi pestilens aliquod sidus animos eorum afflayit. Quin libris profanis, & nequitie magistris, versandis intenta magis, quam bonis. quos legunt, lo-

quun-

quuntur, cogitant id est *λῆρες καὶ φλυαρίας* meras an & *διαφθοράς*, καὶ ὀλέθρους animorum dicam, Sementis hujus quæ futura aliquando sit messis, quisquis plane *ἀφρον* non est, videt. Brevis est, vita, etsi tota bonæ menti impendatur. Quid nunc quum ei minutissima vitæ portio relinquitur, & plerumque nulla? Crescant, crescant interim, si qui boni in parentum gaudium, & afflictæ Reipublicæ bonum. At tu vale vir clarissime καὶ *εὐπράγης*, meque in album tuum adscribe. Cujus ut non ignoras affectum; ita tuum ex æquo quod facis, mihi præsta; & quæntquam probe mihi constet nihil deliberari posse de summa temporum tuorum, sine publico dispendio rei literariæ, cui omnes curæ tuæ devoventur, me tamen interdum, quantum per occupationes licebit, compella, & maximi id muneris loco, deputabo. Delphis XXI. Kalend. Majas M.DC.XXXI.

\* \* \* \* \*

S. D.

· Ultrajectum.

**F**Aveo mi \*\*\*, & gratulor tibi toto animo, aureas illas compedes, & vincula, quæ te jam tenent. Allusisti hactenus circumnassam, tandem captus es, & factus magni nostri ordinis pars. Ita certè oportuit. Satis diu suspendisti parentum vota. Omnia te cò vocant. Naturæ lex, cui qui non paret, ne homo quidem censendus est, nedum bonus civis. Nam si ut Stoici acutissimè disputant, rectè vivere, est naturæ dictum sequi, quid tam naturæ consentaneum, quàm matrimonium? Nihil enim tam à natura, non hominibus modò, verum etiam reliquo animantium generi insitum est, quàm ut suam quodque speciem prolatione conservet.

*Sic rerum series, mundi que renascitur ætas.*  
Vocat & cò te nominis tui, & familiæ prosapia illustis,

lustris, quæ vindicanda ab interitu, & per sationem in sæcula propaganda. Addo utilitatem. *Sape* enim ut benè summus ille *Historiæ Romanæ* princeps, Tacitus, *matrimonium ad majora nitenti decus acrobatur fuit.* Et quamquam tempora difficilia, dura, aspera dissuadeant, suadet ætas virilis illa, & mascula, & nunc fieri, quod aliquando possit, impellit. Quid, quod hæc vita suas etiam habeat delicias, præsertim tali vitæ socia, qualem describis, à stirpe, à parentibus, à se castam, suavem, placidam, moratam, & tui planè ingenii, nec si esset, apud te fiat; verbo, vinculo conjugali dignam. Equidem jam diu tibi talem destinabam, & merenti, ut tua est probitas, & morum elegantia. Bene est. Habes, & cum aurea virgine, aureum illum imbrem, qui olim per impluvium defluxit in sinum Danaës. Concordia vos liget & pax. In quo voto, omnia mihi inesse videntur. Ubi enim illa inter consortes vitæ, & thori, quid ad felicitatem amplius desiderari queat? Cœlum in terra habent, qui in conjugio pace m. Infernum, qui dispares, & dissidentes animos. Nam quæ inter concordēs vincula caritatis, incitamenta irarum apud infensos sunt. Quare morum vos similitudo conciliet. Mirum quantum illa possit. Cum enim jucunditas, firmitasque conjugii magis ab animorum benevolentia, quàm corporum unione profiscatur, multò arctioribus vinculis junguntur, quos mutuus ingeniorum copulat amor, quàm corporum. Quam quis adeò morosus hic aut morus, qui si sensum retinet humanitatis, ejusmodi voluptatum genere, non capiatur? Quare virum te præbe, jungere, fruire, & novellas stirpis tuæ stirpes, pange; ut parvulos \*\*\*\* parentes brevi videant, seque, in te, & in illis, etiam post fata supersites, aut redivivos. Mortales sumus, sed una ratione diu supersumus, & in posteris vivimus, si profeminamus qui supersint. Quod me invitas ad nuptiarum solennia, pergratum, & veri amoris indicium

quantur, cogitant id est λήρες καὶ φλυαρίας meras an & διαφθοράς, καὶ ὀλέθρους animorum dicam, Sementis hujus quæ futura aliquando sit messis, quisquis plane ἀφρον non est, videt. Brevis est, vita, etsi tota bonæ menti impendatur. Quid nunc quum ei minutissima vitæ portio relinquitur, & plerumque nulla? Crescant, crescant interim, si qui boni in parentum gaudium, & afflicta Reipublicæ bonum. At tu vale vir clarissime καὶ εὐ-  
 πρέπτε, meque in album tuum adscribe. Cujus ut non ignoras affectum; ita tuum ex æquo quod facis, mihi præsta; & quæquam probè mihi constet nihil deliberari posse de summa temporum tuorum, sine publico dispendio rei literariæ, cui omnes curæ tuæ devoventur, me tamen interdum, quantum per occupationes licebit, compella, & maximi id muneris loco, deputabo. Delphis xxxi. Kalend. Majas M.DC.xxxi.

\* \* \* \* \*

S. D.

· Ultrajectum,

**F**Aveo mi \*\*\*, & gratulor tibi toto animo, aureas illas compedes, & vincula, quæ te jam tenent. Allusisti hactenus circumnassam, tandem captus es, & factus magni nostri ordinis pars. Ita certè oportuit. Satis diu suspendisti parentum vora. Omnia te eò vocant. Naturæ lex, cui qui non paret, ne homo quidem censendus est, nedum bonus civis. Nam si ut Stoici acutissime disputant, rectè vivere, est naturæ dictum sequi, quid tam naturæ consentaneum, quàm matrimonium? Nihil enim tam à natura, non hominibus modò, verum etiam reliquo animantium generi insitum est, quàm ut suam quodque speciem prolatione conservet.

*Sic rerum series, mundique renascitur ætas.*

Vocat & eò te nominis tui, & familiæ profapti-  
 lustris,

lustris , quæ vindicanda ab interitu , & per sationem in secula propaganda. Addo utilitatem. *Sape* enim ut benè summus ille *Historiæ Romanæ* princeps, *Tacitus*, *matrimonium ad majora nitenti decus acrobur fuit*. Et quamquam tempora difficilia, dura, aspera dissuadeant, suadet ætas virilis illa, & mascula, & nunc fieri, quod aliquando possit, impellit. Quid, quod hæc vita suas etiam habeat delicias, præsertim tali vitæ socia, qualem describis, à stirpe, à parentibus, à se castam, suavem, placidam, moratam, & tui planè ingenii, nec si esset, apud te fiat; verbo, vinculo conjugali dignam. Equidem jam diu tibi talem destinabam, & merenti, ut tua est probitas, & morum elegantia. Benè est. Habes, & cum aurea virgine, aureum illum imbrem, qui olim per impluvium defluxit in sinum Danaës. Concordia vos liget & pax. In quo voto, omnia mihi inesse videntur. Ubi enim illa inter consortes vitæ, & thori, quid ad felicitatem amplius desiderari queat? Cœlum in terra habent, qui in conjugio pacem. Infernum, qui dispares, & dissidentes animos. Nam quæ inter concordēs vincula caritatis, incitamenta irarum apud infensos sunt. Quare morum vos similitudo conciliet. Mirum quantum illa possit. Cum enim jucunditas, firmitasque conjugii magis ab animorum benevolentia, quàm corporum unione proficiscatur, multò arctioribus vinculis junguntur, quos mutuus ingeniorum copulat amor, quàm corporum. Quamquam quis adèd morosus hic aut morus, qui si sensum retinet humanitatis, ejusmodi voluptatum genere, non capiatur? Quare virum te præbe, jungere, fruire, & novellas stirpis tuæ stirpes, pange; ut parvulos \*\*\*\* parentes brevi videant, seque, in te, & in illis, etiam post fata superstitēs, aut redivivos. Mortales sumus, sed una ratione diu supersumus, & in posteris vivimus, si profeminamus qui supersint. Quod me invitas ad nuptiarum solennia, pergratum, & veri amoris indicium

dicium agnosco : sed interesse, cum publicæ, tum privatæ occupationes meæ vetant. mente tamen adero, & votis. Ut legi de carmine quod à me, petis vix risum tenui. Egone Heinſio me jungam, aut Barlaam ? anser oloſi ? Pica aut graculus, philomela ? Volant illi, nos repimus

————— *tenuique in pulvere sulcos*

*Ducimus, & litus, ſterili verſamus aratro,*  
vix ac ne vix cum umbra talium comparandi. Pangant carmina qui ad hoc facti, quos natura poëtas eſſe voluit, & dilecta Phœbo nomina. Cedere hîc didici & mirari in aliis quæ deeſſe mihi ſentio, & libens agnosco. Et vero ſi vellem verecundia mea, & modestia retractent, & de me ad me appellent. Sed en tibi litteras à Troncino. Invalerudo Theodori facit, & Turetini ut adhuc ſileant ad tuas : reſponſuri, ubi convaluerint. Sgraefwegius noſter, pronuper mihi adfuit : qui hoc nomine mihi carior quod is conciliator, & *πεφύκητος* hujus noſtræ amicitia fuit. Ad nuptias invitatum ſe dixit. Ego bellam hanc illi occaſionem gatulatus rem faciendi monui ſerio, ne eam negligat. Habere, cui animum aperiat, & cujus exemplo aliquid quoque in hac Venerea Palaſtra tentet. Tu frigidius amantem qui pulcherrimè apud te ſtat, dictis, factis accende, & amoris igniculos, ſub melancholia illi agnatæ, aut ſtudioſorum cineribus conſopitos, *ἀναζαπύσει*. Vitam hanc conjugalem, ex ipſis præluſiis placere tibi auguror, & magis placebit, magis intrata. Tu fac ut & illi quoque exemplo tuo allubeſcat, & conſulenti auſcultet, niſi nimis ſapere illi placeat, & ideo (tecum hoc ſit) minus ſapere, quia nimis. Plura non addo ; quia ſcis chartæ non omnia tuto credi. Vale mî \*\*\*\* & meus perſevera, lectiſſimæ tuæ ſponſæ ejusque parentibus, à me ſalutem. Delphis prid. Kal. Majus. M. DC. XXXI.

GERARDO

## GERARDO SGRAEFWEGIO

J<sup>Co</sup>. salutem.

Hagam-Comitis.

Lætum, & volupe mihi fuit audire de titulo paranymphe, quo \*\*\* noster, jam sponsus, apud quem in flagranti es gratia insignitum te voluit. Lætum sane tua causa, & mihi (ut Plautifsem) supercilium saluit. Dabitur enim occasio exporrigendi frontem, studiorum severitate contractam, & quod caput, rem faciendi. Circumfer modo oculos, & in tam frequenti convivantium corona ita ut sit, quare, audi, vide, animum ad hilaritatem compone, linguam ad honestam loquendi *παρρησιαν*. Virgines liberius adi, submissivum, & titulorum prodigus saluta, medias complectere, manum molliter preme, verborum lenociniis inescas, salibus, jocis, fabulis, narratunculis pascere, morumque elegantia, virgineo huic choro, gratum te redde, & acceptum. Nusquam enim magis quàm in tali palæstra expedit pudorem tanquam sudorem noxium, à fronte detergere. Et sit una tibi præ aliis cordi, in hac sola morare, hanc ama, corculum tuum, animæ delictum, glycerium tuam voca, etiam furtim à labris decerpto osculo, inque gratiam ejus te insinua, ac renitentem (ita sunt) blanda vi expugna: si forte posses in conjugii nassem illicere, foemininum aliquod optime doratum. Negat? iusta audentior; neque enim simplex repulsa terrere debet constantem amatorem, quo minus iterum atque iterum *descendat in campum petitor*: imo quanto spei est minus, tanto magis ama. Cunctatum satis est, & solitudini plus nimio indultum: Satis (addam) tibi Dei benignitate, & parentum industria, partum est. Quousque tuis potius iudiciis, quàm aliorum sapias? Vides tacito pede ætatem tuam labi: & si ineundi matrimonium tibi animus, occasionem jam natam. Cur longius diffe-

differas? Sponsum habes huic rei pararium, & *ἡμετέραν* cuius auribus silentio sacris, consilia tua credas, tanquam Fidei ipsi, & qui in cardine rerum gerendarum, non parietur te destitui, imò & primos aditus, ad hæc Veneris sacra, & quæ *mollissima fandi Tempora*, si voles aperire tibi & si opus totis gratiæ Suadæque suæ viribus, prima amorum auspicia promovere non deerit.

Nemo unquam bonus audivit civis, qui liberis gignendis, iisque liberaliter educandis, operam non dederit. Quid ajo? Nulla unquam gens tam barbara fuit, adeoque extrâ leges, moresque projecta, tam ab omni humanitate aliena, apud quam conjugii nomen, sanctum non sit, non venerandum. Hoc Thrax, hoc Sarmata, hoc Tartarus, hoc Indus, & quicquid uspiam est aggressium populorum; hoc Græcus, hoc Latinus, hoc vel *toro divisus orbe Britannus*, religiosum habuit. Amplius dicam. Hoc Sapientes omnes: quorum nemo ne in severissima quidem Stoicorum familia fuit, qui non barbam & supercilium, uxoriis amplexibus, & thori legibus submiserit, aut ista in parte à reliquis dissenserit. Quid ita? quia necesse est, omnibus esse commune quod communis hominum parens, & naturæ auctor naturæ indidit, & ad eò penitus in sevit, ut hujus rei sensus, non in turtures solum, & columbos, verum etiam in feras emanet. Quare si quid natura, si quid antiquitas, & temporum præscriptio, si quid religio, Reipublicæ studium, officium, virtus, exempla, te movent, cur ab eo vitæ statu amplectendo abhorres, quam Deus instituit, natura sanxit, ratio suadet, divinæ pariter & humanæ leges jubent, sacra, & profana pagina laudat, omnium gentium consensus approbat, optimi cujusque exemplum commendat? Quibus omnibus accedit acris, & penetrans. vitæ conjugalæ voluptas, & omni naturæ necessitudine potentior, animorum, corporumque conjunctio, quæ duos sic devincit, ut rectè æstimant-



æstimantibus neutiquam plures esse videantur.

nempe ——— *Sic nutrit amorem*  
*Alterius vicinus amor; sic ignis ab igni,*  
*Pabula lata capit.*

Quo nihil dulcius, nihil optatius, homini accidere potest. Quid enim suavius, quid dulcius, quàm cum ea vivere, cum qua sis non tantùm animorum conjunctione, & interiore affectu, sed & corporum mutua communione, arctissimè copulatus? qui cum animi tui secreta communices; omnes curas, omnes cogitationes misceas; qui cum perinde ut tecum loquaris; cujus conscientiam minus quàm tuam timeas, & quæ tibi contingunt sibi quoque evenire deputer. Cum cæteris amicis, amoris tantum & benevolentiae vinculo jungimur: cum uxore & summa charitate, & mutua corporum fruitione, inviolato sacramenti fœdere, & fortunarum omnium societate. Adhæc in aliis amicitiiis quot quantisque simulationum involucris fucata omnia? Frons, oculi, vultus quoties mentiuntur? quoties latentem in animo perfidiam celant? Quanta in his vel levi de causa mutabilitas & inconstantia? At in uxoria charitate quanta firmitas, quanta constantia? in constantia, quanta integritas? In integritate quantus ardor, qui nulla rerum vicissitudine minui, imò ne ipsa morte quidem divelli potest, aut exstingui? Illa parentum pietatem præ tui amore, contemnit, lares patrios deserit, & consanguineos. te unum respicit, te spirat, ardet, cogitat, ex te uno & solo pender, tecum vivere, tecum emori cupit. Fortunæ tibi splendide & lautæ: habes quæ cura tueatur, quæ parsimonia sua augeat. Rerum premeris angustia? habes quæ ampliet & dilatat. Si res tibi ex voto fluant, erit quæ felicitati tuæ gratuletur: Sin minus, quæ afflicto condoleat, tristitiæ solamen adferat, quæ assideat, inserviat, & tuum malum, suum esse cupiat. Ita si quid accide-

G

rit

rit lati, gemina fiet voluptas, si quid mali, societas adimet dimidium agritudinis.

Ita Æneæ ——— *Lavinia curas*

*Diluit, & Phrygius lepidus amplexibus heros*

*Hæsit, & adversos æquârunt basia tasus.*

Si domi agis, adest quæ præsentia sua, quæ hilaritate vultus, quæ alloquio, quæ verbis amoris, & obsequii plenis, quæ argutiolis ad jocum, & risum natis, graviores animo curas, grata diversione eximat, & solitudinis tuæ tadium dispellat. Quis enim non festivitate ista capitur? Si foris, est quæ abeunti osculum figat, egressum oculo comitetur, absentem desideret, redeuntem læta excipiat. Paucis. Dulcissima juventæ tuæ socia; & gratum (ô quæ ista felicitas!) venturæ aliquando senectutis solatium. Qualem Gracchi Corneliam fuisse legimus, Juliam Pompeji, Catonis Porciam, Mausoli Artemisiam, Mithridatis Hypsicratiam, Demetrii Philen, & innumeras alias, fidei & amoris in maritos, ad miraculum exempla. Jam verò quanti illud æstimabis, ubi stirpis tuæ surculos, conjugali propagine succrescentes videbis? Ubi pulcherrima conjux, *pulchra faciet te prole parentem!* Ubi quis tibi parvulus aula luserit Æneas? & ex fœcunda matre, tandem aliquando,

*Iucundo tibi liberi*

*Cingent agmine mensam;*

qui tuos tuæque conjugis vultus referant, quos foveas sinu, jungas ori, apprimas pectori, qui te blanda balbutie *patrem* appellitent, in te unum hæreant defixi, qui intranti occurrant, saluent, blandiantur, in brachia ruant & amplexus, exeun-  
ti acclament, & quem diutius lacinia tenere nequeunt, voce comitentur, & oculis? Habes qui senectutem tuam, ex se gravem sublevent, tristitem oblectent, labantem fulciant, dejectam aut morbis, aut maturitate, surrigant, & qui in extremo vitæ puncto, morientis oculos claudant; qui iusta persolvant; in quibus renatus videaris:

ac

ac ne tunc quidem, cum occidisti, occidisse puteris. Hac enim ratione Natura prospexit, ut in liberis, ac nepotibus, etiam post fata, vita nostra quasi perennet, & in iis repubescere videantur illi, quos

*Abstulit atra dies, & funere mersit acerbo.*

Mors quidem omnibus parata est, & calcanda semel via lethi. At hac uita via, velut immortalitatem quandam, rebus alioquin fluxis, inducit Naturæ providentia, dum sic aliud ex alio propagat, ut (veluti cum planta, arbore excisa repullulat) nec interiisse videatur, quum prole relictâ, moritur. Quid quod non tantum ad propagationem, & ut natura exsolvant debitum, jungitur vir, & uxor; sed ad aliud quiddam sublimius: nam & bruta congregantur ad se invicem, gignunt, amant, & educant fœtus: Ad hoc jungitur Christianus Christiano, ut tutior sit pudicitia, ut ex societate major sit profectus virtutum, ut liberos edificent, non tam natura, quàm DEO, ut unam domum Christo lucrifaciant. Sed regerentem te audio, ut soles, & anxia curiositate, matrimonii incommoda, sollicitè ventilantem. Quasi calibatus nihil habeat incommodi: in illo nihil nisi spinæ sint, cardui, vepres; in hoc, violæ tantum & rosæ. In illo, nihil nisi remora, salebra, turbæ; in hoc fausta omnia & læta: Illi Angeronia præsit, huic Voluptas. Quasi ulla sit vita mortaliū, in qua nihil sollicitum reperias, nihil quod doleas, aut gemas. E vita migret, oportet, qui nihil incommodi ferre velit. Sic enim habet natura rerum humanarum, ut nihil voluerit esse tam suave, quin aliquid aloës admiscuerit. Quod si in cœlestem illam, & beatam vitam oculos intendas, vita hæc, mors hominum verius, quàm vita dicenda. Sin intra humanæ conditionis aleam, animum contineas, nihil est conjugali vita neque honestius, neque jucundius. Sed quid honestum, quid jucundum, tantopere urgemus, cum non illa modò, suadeant: verum etiam necessitas;

ad conjugium validè impellat? Cui qui honestè imperare non potest, honestè serviat, & ad generis humani propagationem, quod veltigal omnes ejus conservationi debemus, legitime accedat. Nisi patri tuo hic fuisset animus, & matri defluisset ille virginitatis flos, nos istum flosculum non haberemus. Tolle matrimonium, paucos intra annos universum genus humanum stirpitus intereat necesse est. Nam civitates sine familiis esse non possunt, & familia innupti manca est: integra autem, & perfecta illius qui uxorem duxit. Xerxen potentissimum illum Persarum regem, cum ex edito loco adspexisset ingentem illam militum multitudinem, in lachrymas erupisse ferunt, quod intra centum annos, ex tanto hominum numero, nemo esset superfuturus. Cur, quod ille de numeroso suo exercitu intellexit, non etiam in universum genus humanum quadret? Sublato conjugio, quotusquisque ex tot gentibus, populis, urbibus, provinciis, regnis, post tantam temporis intercapedinem supererit? Inunc, & cælibatum tuum mirare, cole, ama, humani generis (si fas dicere) cladem, ac ruinam. Quæ enim pestis, quæ lues immitti posset nocentior? Quid ab ullo diluvio, homini accidere possit funestius? quid tristius acerbiusque expectari, si vel Phaëtonæum redeat incendium, & fractus illabatur orbis? Sed argumentorum plus satis. Cum poëta finiam, *Ut tristis sine Sole dies, sine fidere nox est: Sic sine prole domus, sic est sine compare luctus.* Quare;

*Uxorem quare, firmamentum familiae:*

quæ nisi à te propagetur, ultimus tu (heu res humanas!) omnium Sgracfwegiorum, dumque licet velis, quod voluisse gaudebis, in omne ævum. Aut nominis tui hæredes exsculpi posse credis *ὄχι δ' οὐδὲν, ἢ ὄχι τὸ αἰτέρεος*? Tamen ne quid temere; sed oculos si quid facis, tuus hic habeat Cupido, & cautè delibera in eo, quod semel cœptum, rescindi nequit. Adjuncta ad Cabeliavium nostrum

nostrum eunt : perveniant obsecro te mittente.  
Tu quoque jube si quid voles , ego (ut finiam)  
hoc unum , me AMA. Delphis prid. idus Majas.  
M. DC. XXXI.

JOHANNI POLYANDRO  
SS. Theol. Doctori , & Professori  
S. D.

Lugd. Batavorum.

Vides quid obsequium tui possit , & amor. Pe-  
tiisti à me carmen novæ tuæ copulæ gratula-  
torium. Parui etiam nominis mei , & famæ ja-  
cturâ. Quid enim scimus , aut quid sumus , ut do-  
cti hujus seculi expectationi fatis fiat? Musarum  
(cur diffitear ? ) nunquam pepuli fores ,

*nec fonte labra prolui caballino .*

Serii tamen affectus mei hoc symbolum habe.  
Quod tardius respondeo , non mea sed tabella-  
riorum culpa est , qui segnius sua curant. Te  
tuosque vivere , & valere gaudeo , & præ aliis fu-  
turam illam vitæ tuæ , & thori sociam. Interim  
cum ab his curis aliqua tibi quies , imbue me li-  
quore literarum tuarum , aridum & jam diu ea-  
rum sitientem. Nutio viro omni laude absolu-  
to , officia mea defer. Delphis V. Id. Majas M. DC.  
XXXI.

Epithalamium in nuptias doctiss. clarissi-  
mique Viri J. POLYANDRI S. S. Theo-  
log. Doctoris , ac professoris primarii in Aca-  
demia Lugdun. Batava , & castissimæ , lectissi-  
mæque virginis CATHARINÆ CARO-  
LINÆ.

E Cquid adhuc , veteris dum te vestigia flamma  
Sollicitant , Paphio bella moves puero ?  
Cuique Cypri primos lusit juveniliter annos ,  
Illius ad Venerem cana senectæa redit ?

G 3

Quid

Quid mirum? Idalias **ÆTAS** tædæque, facesque  
**OMNIS** amat, casti, & vincula Conjugii.  
 Tristitia exhaustum satis est; Regina juventam,  
 Et senium cogit, sub sua sceptrâ, **VENUS**.  
 Scilicet hæc sacras quoque sollicitudo medullas  
 Torquet, & à docta fronte tributa petit.  
 Quosque olim domuit stimulos, primosque furores,  
 Non patitur mæsto deperiisse thoro:  
 Sed rediens, ardensque amat intervalla Cupido,  
 Semina amica diu, quæ latuere fovens.  
 Et quos agra dies sensim sufflaminat æstus  
 Emeritos, iterum fortius exstimulat.  
 Non satis est vixisse sibi; sua debita poscit  
 Natura, illicitis ingeniosa suis.  
 Desidiam Cytheræa fugit, lasciva, tepentem  
 Et viduo æternum est invidiosa thoro.  
 Mæste novo hoc Vir magne iugo; lætaque penates  
 Prole ferè exhaustos, instrue **CAROLIDUM**.  
 I tua te quò flamma vocat, **POLIANDRIA** cla-  
 rum

**STEMMATA** defendant nomen ab interitu.  
 Vive diu, sed vive, Tuæ. Concordia, Paxque,  
 Obsideat vestros non moritura lares.  
 Utque hyemes, pluvias, & agentes frigora Cauros,  
 Alpinaeque nives, tempora verna fugant;  
 Sic illa illicitas rixas, clamorque pellat  
 Iurgia; vel si quid tristius esse potest.  
 Illa tuos faciat juvenescere molliter annos  
 Proroget, & vitæ flamina lenta tua.  
 Donec inoffensis tandem, saturisque dierum  
 Detur, ad excelsi tendere tecta Poli;  
 Et superos spectare choros, verisque potitis  
 Divitiis; Cælo liberiore, frui.  
 Cælo, ubi pura libunt puræ nova gaudia mentes,  
 Gaudia parta tibi, gaudia parta Tuæ.

JOAN-

## JOHANNI STANGERO.

Collegæ, S. D.

EN tibi Collega conjunctissime, Iusus nostros  
 poëticos, & Epithalamium nuptiis tuis dica-  
 tum. Si placebit, gratum. Sin minus, habes ani-  
 mi, & benevolentiae meae, erga te specimen. Ex-  
 pressit quippe mihi hæc qualiacunq; Parnassi mu-  
 nera amor tui, non vena, quam nunquam me ha-  
 buisse, non invitus agnosco. Vale vir optime, &  
 ad amicitiam nate, καὶ με φίλων τε ἀντιείλη. Del-  
 phis. E musæo meo.

## Epithalamium in nuptias viri doctissimi

J. STANGERI, Scholæ Delfensis Conrecto-  
 ris, & castissimæ lectissimæque CATHARI-  
 NÆ DOLEGIE, celebratas xv. Kal. Junias  
 M. DC. XXXI. †

TU ne iterum, exactæ replicans solatia vitæ,  
 Deliciasque thori; thalamis inopina secundis  
 Bella paras, teneroque procax illudis AMORI?  
 Te ne iterum Cytheræa tenet, Paphioque subesse  
 Imperio, parteisque novi captare mariti  
 Est animus? Cui longa dies restinguere flammæ  
 Visa fuit, primosque mora domuisse, furores.  
 Delphica quem nuper vidit numerosa, tepentem  
 STOA virum, vultuque gravem mirata Catonem.  
 Nunc thalami spirare novi, nova gaudia, cernit;  
 Præliaque ardentem, Veneri nocturna, minari.  
 O dubias hominum mentes! O cæca futuri  
 Pectora! & in leges naturæ cerea flecti!  
 Auræolis tantum ne potest Cythereius, alis  
 Cum volat, & ilando passim circumlita philtro  
 Tela jacet, nulloque ferit discrimine, quotquot  
 Mancipat imperio Matris? Seu turpis inumbrat  
 Ruga senem: seu Musa virum juvenilibus annis  
 Ludit, & intactis arcet sapientia Nymphis:

G 4.

Sen

*Seu litui, seu rauca tubæ, præsaga duelli  
 Murmura, fæmineos, mollesque exosa susurros  
 Martis opus tractare iubent: seu celsa togatos  
 Curia sublimi voluit statione locari,  
 Idalio cedunt puero, sceptroque potenti  
 Omnia sub leges revocat, fascisque, securisque  
 Aoniosque choros & quotquot fulmina belli  
 Roma tulit. Quin vasta sinu quot bruta patienti  
 Terra foveat, quot monstra natant gelida Amphitrite,  
 Et volucres quotquot demulcent cantibus auras,  
 Observant Paphiæ communia jura magistra.*

*Hicque etiam parere tuum est, captivaque ferre  
 Colla jugo, & doctas Veneri submittere Musas.  
 Nunc aliò te Fata vocant, nunc conjuge, tristes  
 Mutat lata vices melior sors, altaque ab imis  
 Ducta animis jam jam pellit suspiria, spesque  
 Nunc jubet esse ratas. O rerque quaterque beatum!  
 Cui DEUS afflicta quondam fastidia vita  
 Tristitiamque thori, lata in connubia vertit.  
 Nil mirum. Sic namque solet miscere sereno  
 Nubila, sic sociare artus solatia rebus.  
 Contigit illa tibi vinclis nunc juncta secundis  
 Sponsa viro; qualis generoso Porcia Bruto,  
 Iulia Pompejo quondam; Cornelia Graccho.  
 Illa tue pars fida anima, quæ pignora primi  
 Vincla tibi peperere thori, velut altera dulces  
 Excipiet mater natos; dumque alma parentis  
 Munia defunctæ peragit, non illa negabit  
 Dona viro quæcunque Paphi regina maritis  
 Destinât, amplexus, & pendula brachia collo,  
 Blanditiasque, salesque, jocosque, & basia labris,  
 Osculaque, & quicquid superest post oscula dulce.  
 Eja æge Acidalius caleant tibi pectora flammis,  
 Quæque altis petiisti olim connubia votis,  
 Perfice, & interrupta diu cape gaudia, penso  
 Non uno defuncta. Semel libata Dione  
 Dona petunt, repetuntque iterum jucunda maritæ.  
 Expleri nequit ullus amor, dumque intus amanti  
 Otia pollicitus Cythereia, signius urit;  
 Mars gravior sub pace latet, primosque furores*

*Acrius*



*Acrius excipiunt alii. Procul ite Camæna,  
 Ite Scholæ procul hinc curæ, crambesque labores  
 Sisyphii, querulaque procul vagamur cura turbæ:  
 Non istis nunc tempus eget, nec tadia latiss  
 Annua conveniunt thalamis, nec Pallas Amori.  
 Sat studii, ferulisque datum: mutata repente  
 Tempora, nunc aliam poscunt tranquilla palastram.  
 Adspicis ut medio TITAN decurrat ab axe.  
 Oceano tinturus equos; noxque ipsa favillis  
 Idaliis addicta, cava circumvolet umbra.  
 Tolle moras, etiamne hæres? i, jungere casto  
 Sponse thoro, faciles spondet Catharina triumphos  
 Præmiaque, antiquos ultrò miserata dolores.  
 Tot lætos tibi fata dies tot amica redonent  
 Tempora, quot fulvas volvit Pactolus arenas,  
 Et ditis sunt sceptræ Midæ; quot thura Sabæis;  
 Quotque mari fluctus Siculo; quot sidera cælo,  
 Attalique lares. Mediis Concordia testis  
 Paxque fidesque thori vigeat, lætæque penates  
 Prole bect, reparetque actæ dispendia vitæ.  
 Patricia quò fulta propagine, clara nepotum  
 STANGERIDUM domus æternum celebretur  
 in ævum,  
 Et nati natorum, & qui nascentur ab illis,  
 Postera perpetuum trudent in secula nomen.  
 Donec longa dies tandem melioribus annis  
 Per varios casus vitæ, & discrimina rerum  
 Molliter exactis, meliori in sede reponat  
 Emeritas terris animas, cæloque perennent;  
 Cælo ubi perpetuas ales chorus haurit anhelans  
 Delitias, plenique animis cælestibus alvei  
 Nectaris, Ambrosiæque fluunt, campisque beatæ  
 Elisis agitant CHRISTO novagaudia mentes.*

## FESTO HOMMIO

*Theolog. Doctori, & Collegii illustr. Ordinum Regenti S.*

Lugd. Batavorum.

**L**iteræ tuæ novissimæ, mihi vehementer gratæ acciderunt, indices amoris in me tui, & tam tui similes, quàm tu es tibi: quibus tanto impensius respondeo, quantò plures mihi causæ sunt, cur eximias ingenii tui dotes æstimem, atque amplectar. Quas, præ aliis onerosi tui muneris, curis totas jampridem occupari scio, in sacro hoc instituto, versione nimirum N. Testamenti, à Patriæ Patribus, tibi cum paucis aliis concedita. Et jam sub manu vestra surgere hoc opus, atque egregia capere incrementa, intelligo. Certè ad famam Reipublicæ nostræ, haud parum faciet, & in rem erit Ecclesiæ, ac literariæ dignitatis, cujus & tu inter alios hoc seculo famam sustines. Deum ex animo precor, ut sacra æternæ illius sapientiæ arcana feliciter tandem aliquando, lucem videant, genuina & nativa interpretatione, nitore suo restituta. Tu vir magne, quæ tuæ hinc partes sunt, eas strenuè & constanter tuere, huicque labori ita incumbe, ut & à te, arduum illud opus non frustrà tentatum esse, intelligat posteritas. Quam dignius me hercule demereri non potes, quàm si operam tuam in tam nobili argumento, collocatum eas, ne nobis magis deesse videamur, quàm exteræ gentes, Galli, Germani, Angli, Hispani, Itali, quibus docta suorum industria, & labore datum, Scripturam legere vernacula lingua ita redditam, & fideliter interpretatam, ut ad fontes Hebræos & Græcos proximè accedat, & non alienis, sed suis penè oculis plebecula, salutis mysteria contempletur. Quid quod, & Patrum olim diligentia, nostram hinc acuat. Inter quos non pauci existere qui incredibili divinæ veritatis pro-

propagandæ studio accensi, in hoc desudârunt, ut sacrarum literarum latices interpretatione sua, gentibus propinarent. Quorum alii, illi nationi, alii huic consulere conati sunt. Ita Syriam, & Chaldæam interpretationem accepimus: & Arabicâ etiamnum plurimi Orientis populi utuntur. Armenicam Chrysostomo debemus; Dalmaticam Hieronymo; Slavonicam Methodio; Gothicam Ulphilæ, Gothorum olim episcopo; Scythicam, atque adeo Sauromaticam alii: Et pentateuchum Mosis Persica lingua versum, ut & Psalterium Ægyptia, & Indica, autores sunt viri magni. Religiosa hac Veterum diligentia factum est, ut toti penè terrarum orbi lux gratiæ, & veritatis affulserit, & sacræ paginæ oracula, diversis tradita linguis, in ultimas mundi oras propagata sint, & profligati errores, qui densa quasi caligine, universum orbem Christianum, involvisse videbantur, ac perpetuum veritatis exilium minari. Qui, quia ab inferis per Satanæ emissarios revocati, iterum densius repullulant, nullumque hoc seculo nostro, fertilius unquam existerit fanaticarum opinionum, quid religiosius potuit ab Ordinibus decerni, præclarius à vobis suscipi, utilius à nobis expectari quàm diu multumque desiderata illa Bibliorum ex ipsis fontibus, interpretatio? Sanè jam diu est, cum hoc institutum apud me approbo; atque adèò nunc in præcipua parte felicitatis Ecclesiæ deputo, si brevi quod spero; laborum vestrorum fructu potiat. Tu macte vir reverende, & vel dies festi tibi sint profesti, & quies ipsa, inquieta, quandiu animus tibi in hac cura. Ut Medicus intentius, operam impendit, Regi, aut Principi curando, cujus salus salutem aliis esse potest: Sic tu in iis concinnandis, quæ non terreno Principi, sed magni illius Dei gloriæ militant, & populi ejus, salutem. Fiat, voveo. Opera tua nihil apud \*\*\* in gratiam \*\* effectum esse doleo: atque eo gravius, quod ut quereris, honestis juvenibus

obsit magis, quàm prosit, si commendari eos, à te sentiant nonnulli, quibus hodiè nihil nisi quod clamorosum, & præservedum est, placet; nihilque ipsis prius, aut antiquius esse videtur, quàm aliorum qui Thyestæo more (quod hodiè obtinet) furere aut favire non didicerunt, quæsito colore actiones traducere, & Ecclesiis *πορομανία* quadam, suspectas reddere. Innoxios lādere nati, & vexare, ut minuti illi canes, & degeneres, qui hospites allatrant, feras non tangunt, & nisi quod ipsi faciunt, nihil rectum putant. O miseri quò rapimur? ad æmulatiunculas, aut calumnias. In alios lyncei, in nos talpæ. Utinam contrà fiat, & benigni in omnes; at severi, vel asperi in nos simus. Sed hodie, emissitios omnes oculos habemus: curiosi ad cognoscendum vitam alienam, desidiosus ad corrigendum nostram. Et ut vultures ad male olentia cadavera, præteritis amœnis, ac odoriferis feruntur; muscæ sana corpora prætervolant, & ad ulcera properant: Ita multi sinistra, & perversa sedulitate, omissis proximorum virtutibus, vitiis eorum, si tamen vitiis, obhærescunt, probosque passim convitiis equis & quadrigis incurrunt. O tempora! Et quis bonus non queritur de iis tecum? Sed hoc unum relictum est, quoniam mederi non est in nostra manu; imò fortassè nec humana. Tu interim erectus & alacer, per medium hoc agmen calumniantium incede, tectus virtutis & candoris scuto; ingenti scopulo similis, cui fluctus assultat, sibi injurius dum integer insurgit, fractus resilit *irasque sui bibit ipse furoris*. Nam livoris illa spicula, quæ jacta in bonos (ut quadam animalia amissò aculeo) torpent, ridere ego soleo, & contemptu ulcisci; ut quæ ne tangant quidem; taceo ut vulnus infligant. Mutuo innectuntur virtus & æmulatio, eruditio & obretractio. Sed crescunt laudanda adversis; & clarior virtus est quæ æmulum patitur. Magnus quoque animus infra magnitudinem suam, contumeli-

liam

liam omnem esse putat, nec certius aliud magnitudinis signum. Cave tamen totum Unctorum gregem eo nomine suspectum habeas. Sunt qui errore magis peccant, quàm affectu, & exemplo magis aliorum, aut ævi morbo, quàm suo. Rivetum, Hagam à Principe evocatum audio, ut filio ejus regendo, instituendo, & ad summæ fortunæ spem educando, operam navet. Doleo vel Academia causa, quæ in hoc viro omnibus ingenii doctrinæque præsidis instructissimo, rei literariæ jacturam fecit haud exiguam. Ita ad Scholas natus est, & labores involvendo hoc Sisyphio saxo. Athenæum vestrum à talium deliquio pati quis non videt? Cui non aliunde medicinam prospicio, quàm si dispiciatur, ut non indignus Hercules succedat huic Atlanti.

Valde vir clarissime, meque tui observantissimum amare porro persevera, Datum Delphis M. DC. XXXI.

J O H. P O L Y A N D R O

*SS. Theol. Doctor. & Profess.*

S. D.

Lugd. Batavorum.

**E**Pistola tua heri ad me data, in qua tam vivus, & ardens mei amor elucet, gratius nihil accidere mihi potuit. Non redamem te? Ingratissimus mortalium sim. Ita enim amorem tuum literis exprimis, ut etiam animo huic imprimas. Et vel ab hac causa te amo. Apage illos, qui aliud verbis ostentant, aliud corde meditantur, &

*qui fronte politi  
Astutam vapido gestant in pectore vulpem.*

Amicitia non ex ore, & vultu, sed animo æstima-  
manda. Et vera illa demum verò, quæ ingenua,  
aperta, non fucata, non simulationum involucris  
obtecta. In laudes meas te ire video, quas quia non  
tam

tam ratio tibi suggerit, quàm affectus, hunc ple-  
no pectoris ostio admitto, illas non nisi semi clau-  
so ; & ut puellæ proculos illos blandientes so-  
lent. Non sum ille quem me facis, sed esse co-  
nor: & hæc tua encomia, non tanquam judicia ad-  
mitto, sed ad doctrinam, & virtutem stimulos,  
atque auctoramenta. In quibus utinam sic pro-  
movissem, animo hoc teste dicam, quantum tuo  
videmur! Sed ut per aquam, qui videt, majora  
omnia judicat: sic qui per favorem. At verò quan-  
quam ab ambitione alienior, gaudeo tamen vel  
testimonio hoc, vel benevolentia, quæ utraque,  
& ingenuè & liberaliter erga me promis. Ver-  
sus nostros novæ tuæ copulæ honori dicatos pla-  
cuissè, mihi gratulor. Majora debui, & meliora,  
sed ut curta hîc mihi, si usquam supellex: ita vo-  
luntatem in solutum defero, quæ non tantillo car-  
mine, sed affectu metienda.

Commentaria tua in epistolam ad Hebræos, &  
in selectiores S. Scripturæ locos, quando tandem  
prodibunt, in rem pietatis, & literariæ laudis?  
Age, age, ingenii tui lumen magis, magisque in  
exteros, ac posteros diffunde;

*Parcentes ego dexteræ*

*Odi, sparge rosas.*

Postulat hoc muneris tui ratio, suadet fama, ob-  
ligat conscientia, jubet ætas, jam ad occasum ver-  
gens & nives, quæ caput spargunt. Cur diutius  
occultes, tanquam sacrum arcane Cereris, aut  
Magnæ matrîs, quæ lucem videre nata sunt? cur  
longius premas quæ jam pridem maturuere, ut  
in orbis spacia, & ævi totius eant? Hæc privata.  
Publica quod statim sint, tecum vides. Bella, hor-  
rida bella, nobis imminent, ut cursus & series  
istâ rerum in Flandria minantur. Crabrones irri-  
tati, & in suo fundo; Canis in sterquilinio, à quo  
iras capit, & animos; hostis ubique in armis. Sic-  
ut ignem qui gladio fodit, scintillas in se plures,  
& stricturas excitat? Ita hîc. Adorire, fuga, ca-  
de, dissipa, acrius insurgunt. Quid refert, si Deus  
expe-

expeditionis hujus nostræ dux sit, & auctor? si Ordin. *σωφροδμων*? Si Principis, animo & spe ad summa nati, *παρρησιας*? si denique exercitus nostri clypeus & robur? Ego ita confido. Causa enim melior pulcherrimum haud raro augurium est, ad bene de victoria sperandum. Nostrum est Principem, & patriæ Camillum, animis, & votis comitari, Ille armis pugnet, nos precibus. Ille in hostes penetret & obstantes catervas, nos in cœlum: ut inde, capiti ejus lauream imponat Deus, & triumphantem aliquando redonet Patriæ.

*Virtus per medios ire satellites,  
Et perrumpere amat saxa, potentior  
Ictu fulminco.*

Quin &

*Per damna, per cædes, ab ipso  
Ducit opes, animumque ferro.*

Hujus præsidio instructus, belli nostri dux, eat, eat inquam, & arma sua iusta, protrudat in BELGICÆ, sub duro illo Iberi jugo anhelantis, viscera, ultricemque cordis paternæ dextram inferat ocello urbium Antverpiæ. Quò bellorum tandem pertasa Patria, post tot tantasque pugnas terra marique pugnatas optata diu pace fruatur, & plenaria libertate, quæ præcipua dos est humanæ gentis; ac stabilita cum reliquis Belgii provinciis societate, membra belli motu luxata, in locum redeant, tumētia fidant, distracta diu novo iterum foedere, & concordia, coalescant, sublatis diffidentiae causis, & odiorum irritamentis. Tu summe Deus qui bella, qui pacem, moderaris: qui Regibus, Principibus, atque universis mundi populis, leges & jura ponis: qui victoriam, triumphos, trophæa decernis: qui clades, pericula, injurias, hostium concursus, & incurfus avertis: qui magnus auriga & rector universi, habenas in hoc mundi curru temperas, exsurge Deus, & judica causam tuam:

EXH-

*Exurge, vires fac tñas ut hostium*

*Agnoscat insolentia.*

*Tum te piorum turba festis cantibus*

*Orbis parentem concinet,*

*Votis tuorum supplicum placabilem,*

*Malisque formidabilem.*

Sed longius eo. Voto duplici claudam. Altero, ut Ecclesiæ superstes diu sis, & Academiæ; altero ut Carolinæ tuæ, & tuis; inque hoc novo familiaris statu, vigeat tibi longum

*Pax secura focus, & tranquilla otia vita,*

*Et nunquam turbata quies.*

Eccè vir doctissime haud magnam, sed à magno affectu epistolam, quem totum tibi devovi, tuusque erit quamdiu ego in terris. Vale cum tua, & quæ voles omnia tibi de me pollicere. Thyſio viro clarissimo, & verâ virtute conspicuo, meis verbis salutem. Datum Delphis 3. Non. Jun. M. DC. XXXI.

## T H E O D. B O E L I O

*Studioſo S. D.*

Eodem.

O Amicum pectus! O animum in me propensum! quid ni sic exclamem? Litteris enim tuis affectus, humanitatis, & officii plenis, ad amicitiam me non provocas tantum, sed pene adigis. Quid dicam? libertatem illam scribendi amo, & laudo, atque in ea stilum, quem formari in te video, & indies sedula lectione auctorum, felicia capere incrementa. Perge ut cœpisti. Si consilio meo vives, hæc vera in Epistolico scribendi genere, proficiendi ratio, si Epistolas Ciceronis familiares, serio tibi legendas proponas, huicque studio tanquam fundamentum substernas. Illis enim quid purius, tersius, quid familiarius, & in quolibet argumento conceptibus animi exprimendis, idoneum magis, & accommodatum?



datum? Nam si primaria dos sermonis in eo versatur, ut perspicuè sensa animi explicentur, hac laude nullus cum Cicerone paria facit. His diligenter excussis, graviores illas quæ ad Atticum, assiduò lege, illæ tibi in sinu, in manu, in oculis sint, observatis, imò expensis flosculis, & dictionum phrasiumque elegantiss; ut in simili argumento, usui tibi esse possint. Hoc enim verè est auctores imitari, non libare tantum, sed imbiberere, & in succum eos vertere, & sanguinem: ut non tam nos, quàm Cicero loqui & scribere videatur. Copia tibi semper erit, & melioris Suedæ auspiciu, ab hoc penu, nec poteris cum laude brevis esse, si copiosus aliquando non fueris. Quas ubi lectitâris, auctor tibi sim, ut & eos quoque evolvas qui in hoc genere excelluerunt, Erasum, Manutium, Sadoletum, Politinum, quorum Epistolica, magna cum voluptate vidi olim, & legi. Erasmi cui in nocte illa temporum, lucem, & vitam debent renascentes literæ, si cujusquam dictio, Latina est, materia gravis & seria, subactam ubique præ se ferens eruditionem, salibus interim suis, & jocis egregiè temperata. Quem quò sapius legas, plus auferas, & nunquam tamen dimittat te sine siti; ita elocutione tota sententiosus, actiones ubique dirigens, & vitam, crassos etiam non rarò errores, & aniles quasdam superstitiones orationis libertate perstringens; adeò ut tanquam *κατὰ ἀρχαίους* omnium elegantiarum copiam, legenti abundè suppeditet. Manutius, Ciceronem suum tam feliciter æmulatur, ut redivivum eum in illo credas. Stilus facilis, fluens, purus, familiaris, ab omni fuco, & lenociniò alienus. Sadoletus gravior quidem, sed & Tullianæ puritatis amans, & ut nec ubertate prodigus, sic nec persimonia contractus. Politiani verò literis, quid politius dari possit non video, qui quot habet verba, tot illecebris, leporibusque abundat, & Latium illud vetus ita sapit, & Atticas Veneres, ut vel hic unus omnium

omnium instar esse possit, ei qui in commercio hoc literario, ductorem desiderat. Quibus omnibus si tandem accedat lectio epistolarum Baudii, & seculi nostri Varronis, Lipsii, mirum si quid illi deesse videri possit, ad epistolarum scriptiorem, & stilum. In quo qui seriò profecit, eum demum idoneum judico qui cum laude, & fructu sublimiora perat sapientiæ adyta, & ad Philosophiam, animum appellat. Infans quippe illa est, & muta rerum cognitio, quæ Latinitate destituta pauca vix commata, sine titubatione, fœdaque stribiligine, profari potest. Ita est mi Boëli. Totam atatem, nisi exerceas, balbuties occupat: & nisi loqui puer orsus sit, etiam in senectute, puer erit. Irrito voto scientias discimus, priusquam linguas: & animi exuimus squalorem, quàm oris. Ut sermonis iste thyrsus, sine prudentia non penetrat: sic absque sermone, prudentia illa rerum humanarum regina, illa Civitatum domina, atque imperatrix, obmutescit, & torpet. Ideò sacro, & necessario nexu in unum velut nomen coalescere *Mercurium Minervamque*, Antiquitas voluit; rata sine facundia, sapientiam, prudentiamque nullam esse. Eò tamen itur hodie à multis, apud quos (ô barbariem) prodigium penè est, imo probrum, Latinè loqui; ita ut exulare videatur à Latio juvenus nostra. Qui dum in scholis, & Academiis idiotas se profitentur, & *μωρογλάῳτες*, nec lingua tenus, plus matre sua, sapiunt, cruda ac immatura studia, in forum, in Curiam protrudunt; neglecto illius linguæ studio, quæ unicè studia nobilitat. Tu mi Boëli elingues istos literiones fuge, Musarum Sacra, idiomate vernaculo violantes, & puræ, veræque Latinitatis tam ighari, quàm ii qui trans Taurum incolunt; qui si quid ingenui sanguinis habent, necesse est ut teste conscientia, suis ipsi moribus erubescant. Fuge inquam degeneres illos Musarum alumnos Philosophiam cum literatura conjunge, literaturam cum stilo. In utrumque paratus

paratus seu scribere, seu loqui, & cum doctis intrepidè, & disertè sociare sermones. Ingenium tibi non infelix, memoria tenax, iudicium pro ætate acre, & sagax. Cui si cultus, ut cœpit, accedat & crebra exercitatio, quid non sublime, & magnum de te spondeamus? Viam quam insistere te volo, arduam esse novi; sed enitèris, si nitèris. *Ut Athletæ in cursu non eos respiciunt quos reliquerunt, sed intendunt in priores: sic tu in eos qui te doctiores.* Immortalis sum, si per desidiâ aditus ad immortalitatem patet. Ut arborem plantare satis non est, rigare, putare debes, & pertinaci cultu quidquid speras, urgere: Sic ingenium. Mortalium animos natura dotat, industria perficit. Laborandum hîc si usquam, nec alia lege paratur eruditio.

*Non quisquam fruitur veris odoribus,*

*Hyblaos latebris nec spoliât favos,*

*Si fronti caveat, si timeat rubos.*

*Armat spina rosas, mella tegunt apes.*

Et studia suas habent molestias, ac labores. Musas quidem in Parnasso sedentes somniavit Antiquitas, nemo tamen ad illas nisi stando & vigilando pervenit. Ætatem tuam vides, quæ apta institutioni, & culturæ. Eâ frui dum licet, ne poenitentia postea subeat, in qua tu doleas, alii rideant, occasione elapsa. Sed præ aliis pietas (iterum moneo) tibi cordi, & curæ: cætera externa, aut adventitia esse cogita. Hæc animi ipsius propria, in quam casibus fortuitis, decoctionibus, furibus nihil licet. Et jam viam tenes quæ rectâ eò ducit, imò multum in ea progressus. Persevera eandem colere, atque eos etiam amare, & venerari, qui colunt. Sed sapientiæ satis. Jam ad tuas literas. Quid? Idem ne tibi cum Bodechero contubernium? Placet; benè est quod talibus te jungis à quorum consortio, & familiaritate doctior nobis redeas aliquando, & melior. Ita fiat, voveo. Quod solitudinem in studiis amas & secessum, ab omni turba, per mihi gratum. Utinam

Utinam id multi tecum ! qui in ridenti fortuna positi , opes parentum vertunt in fomenta vanitatis ; aut melioribus horis ignavo otio aut crapula turpiter exactis , exspectationem suorum , & patriæ , frustrâ habent , nihilque ab Academia reportant , præter nomen. Alia tibi mens Boëli , quam servare te hortor , & pro amore in te , rogo. De Riveto quod suggèris , & hic inaudivi. Gratulor utrique , & filiolo Principis , & ejus regi. Illi quod pium , juxta ac doctum pueritiæ suæ nactus sit ducem , & formatorem , sub quo virtutes induat , & prætextam puræ educationis : hic quod nobilis , & lauti illius muneris , cura demandata illi sit , & concredita. Vivat uterque longum. Ille Patri & patriæ. Hic institutioni magnæ illius stirpis , & propaginis Auriacæ , bonarum partium , & spei plenæ. Quò piè ac liberaliter educata , nec tincta solum , sed imbuta literis , & virtutibus Principe dignis , Reipublicæ crescat , & adsurgat , magno aliquando Parenti successura. Tu vive nostri memor *εις αἰῶνα* , & vale. xv. Junii M. DC. xxxi. qui dies mihi natalis.

## J A C O B O F O C A N O

*Ecclesiastæ S. D.*

**R**Edeunte ad te filiolo tuo , mihi indecorum , tibi ingratum fore judicavi , venire cum sine literis. Quas non alio tamen argumento mitto , quàm ut pro candido tuo in me affectu , tibi quas debeo agam gratias , hoc est maximas. Eum enim non verbis solum & literis , sed & re abundè mihi declaras , ut ingratitude notam effugere nequeam , si ad ea fileam. Libros ad me missos accepi , & inter altos Baudium , illum elegantia , & politioris literaturæ principem. De quo multa hic dicere supervacaneum , cum ipse sese satis commendat illis , qui sensum planè omnem non exuerant , & quid sit Romanè scribere , intelligunt.

gunt. Utar eo præ aliis, & fruor. Ita mihi in hoc scriptore allubescit libera illa, & felix Tullianæ puritatis æmulatio! Quam stilo ita mihi expressisse videtur, ut Latinitatis palmam omnibus seculi nostri Viris, longè præripiat. Si quid præterea penes te in hoc genere, ex scriptis Sadoleti, Aschami & aliorum, nobiscum communica. Nostra vicissim in te constabunt officia, nec unquam committam, ut quidquam à me, quod ego quidem præstare possum, frustra petas. Fugam tuam è Babylone, quando tandem videbimus? In ea enim te occupari scio. & præclare mehercle. Perge modò, & de Ecclesia cujus causam nunc agis, benè merere, & bonorum sic animos addo & animas, serio hoc argumento, tibi oppignera. Vana omnia & fluxa quæ molimur & meditamur, in hac mundi scena, præ illis quæ Deum cogitant, & ad æternitatem viam. quam sola nobis præmonstrat cælitus patefacta Ecclesiæ veritas, unica animarum ad cælum cynosura. A qua qui aberrat, non famæ, non opum, non dignitatum vitæ hujus, quæ momentanea est, sed æternæ salutis, sed ANIMÆ jacturam facit. De invaletudine recrudescente Everwini, nuper aliquid, sed obscure, & per nebulam inaudivi. At quàm gravis me heri nuncius perculit de ejus obitu? O ristem, & acerbum bonis omnibus casum! & ô homines quid sumus? quid & quantula corpuscula nostra? quam totum hoc *Vivere* lubricum, breve, nihil! Mihi crede in hoc letho, Musæ sensere lethum, & cladem Ecclesiæ haud exiguam. Quid tamen est? Communem legem habere in oculis oportet, & illi ac divinæ voluntati non refragari. Ivit quò imus omnes, nec meta, sed tempus. nōs secernit. Miraris? Desine, qui præscire naturæ hunc ordinem non potuisti tantum, sed debuisti. Quid? Solem oriri quotidie cernis, & occidere, diem adire & abire, florem nasci, & denasci; nec novum cuiquam,

quam, quia hæc videre assuevimus. Et novum tibi erit *hominem* mori: aut si mirum; aut novum tibi non est in aliis, cur nunc in tuo? qui tot immatura funera, non dicam vidisti; sed ipse deduxisti? aut immunem eum credebas communi illa, & æterna lege? Malè, malè;

*Omnes eodem cogimur, omnium*

*Versatur urna, serius, ocys*

*Sors exitura:*

& ordine, non fine variamus. Soli Deo Æternitas. Nos ex quo nati sumus, morimur: neminem ætas immunem facit, cottidie pars aliqua Vitæ demitur; quin & hora omnis, & momentum ad metam illam ducit. Nulli hîc *Parca* parcit, omnibus stat sua dies, & præfinitum tempus. Si tamen tempus appellandum, lapsus aliquot annorum, mensium, dierum. Quàm brevia enim ista? quàm citò abeunt? & fumi instar evanescunt? At in hac ipsa vitæ nostræ inconstantia, quanta interim in multis prohi dolor! mortalitatis oblivio? quanta securitas? Qui dum spēs & vota disponunt in uxorem, in opes, in honores, ecce Mors supervenit, & obliquo oculo consilia eorum, & curas ridet, & quidquid à phantasia hominum in hac scena exstructum, ilico dixit; & dum seculum sibi spondent, vix florem ætatis attingunt. *Ut enim navim interdum improvisus vortex absorbet: sic illa homines, præsertim quibus indoles melior, & ingenium supra annos. O nostra imbecillitas: nempe*

*Ὅτι περ φύλλων γένεσι, τοίνδε καὶ ἀνθρώπων.*

Ut folia nascuntur & cadunt: sic homines: nec frustra cum iis comparavit maximus poëtarum. Ita enim sati, & nati sumus. Vides arbores, quæ primo vere, foliis & frondibus pulchræ, virent, & gratiam sui umbram præbent. At quàm levia hæc & caduca! illas nebula una, ventus, eruca, æstus, amœno conspectu spoliant: Nos pituita, cataractus, febricula, tabes. Atque ita

— sua

*sua funera secum*

*Circumfert moriturus homo : suspiria, tusses,  
Et luctus, fomenta malis & prævia præbent,  
Instantis documenta rogi.*

Ite nunc mortales, & magnis cogitationibus animum implete, cras morituri. Quid enim certi hic est? & quid hæc vita nisi velut è stramine flamma? quid nisi mare? in quo semper aliqui aliunde fluctus, sæpe tempestates, & tandem ad mortis scopulum inevitabilem, naviculæ hujus nostræ in qua sumus, naufragium? Sed pro brevi ista turbida, & impacata vita, æterna nos manet, curarum omnium, & turbarum experts. Beatus ille, qui portum hunc subiit. *In quem si quis intra primos annos delatus est, non magis queri debet, (ut Romani sapientis verba, mea faciam) quam qui citò navigavit.* Nam ut fruges aliæ in herba pereunt, aliæ in culmo, aut in arista, aliæ denique maturescunt, & metuntur. Ita genus humanum. Quidam in ortu, alii in infantia, alii in adolescentia, aut juventute, alii in virilis ætatis ἀκμῇ, alii denique, in ipsa matutitate cadunt, & decedunt à vita; quemadmodum fessus viator è semita; vel convivator satur, ab epulo. Quæ causa? non alia, quam quod summo illi rerum arbitro ita visum, cujus voluntati nostram hanc subijci par est, & æquis oculis animisque spectare, quidquid decrevit; imò & subire, in utrumque Paratos, seu vivere seu mori, ei à quo vitam habemus. In qua tanquam statione collocati sumus, tantisper dum magno illi Imperatori, visum. Excursionem ad nos minaris. Quando erit? anni mihi, dies. Veni, Veni & *hanc sine me spem ferre tui.* Nam quod deficientibus adspersa frigida, hoc mihi sub mole laborum anhelanti, præsentia tua, & alloquium. Interim si muneris tui occupationes vetant, & curæ, literis crebriusculis, data occasione me compella, quæ in hac locorum intercapedine, sermonis vicem teneant. Amplius non invito, ne invitum; imò

imò non invito, ne urfissè videar. Vale & strenuè rem gere. Datum Delphis. 10. Kalend. Jul.  
M. DC. XXXI.

## JOHANNI CRUCIO

*Eccles. Harlemens. pastori amicissimam  
salutem.*

Harlemum:

**S**Alve amantissime cognate, Filium ad sacra pul-  
pita promotum, his diebus audiui concionan-  
tem in urbe patria. Vis judiciùm? placuit, &  
expectationi meæ abunde satisfecit, ne dicam  
superavit. Ætas ut nihil in eo magni spondet, ita  
ingressus templum multis, qui doctrinam annis,  
& opacitate barbæ, id est interna externis me-  
tiuntur, concioni habendæ visus non satis ido-  
neus, vicit opinionem eorum Eventus. Nam  
quam à lanugine non habuit auctoritatem, eam  
sibi conciliavit concionis ipsius methodus, & or-  
do. Perspicuitas in ea insignis, stilus facilis, di-  
ctio non affectata, sed nativa, & simplex, floscu-  
lis tamen suis & elegantis felicitè adpersa;  
pronuntiatio lenta, & distincta; parrhesia natu-  
rali vocisque flexione non ingrata, commenda-  
bilis. Gestus verecundè gravis, non Thraconi-  
cam in dicendo arrogantiam, sed modestiam spi-  
rans. Affectus quoque suos habet & *πάθος*, quod  
laudo. Nam ut non inscitè Romanus ille sa-  
piens, *Animum non faciunt, qui animum non ha-  
bent*. Testor conscientia meæ fidem, nihil mihi  
optatius accidere potuisse. Intuenti enim mihi  
auspicata hac futuri ministerii tyrocinia, subiit  
laborum, & impensarum præteritarum non in-  
jucunda recordatio. quas video si eo quo cœpit  
pede pergat Ecclesiæ aliquando ædificationi ex-  
surrecturas: Deus hanc plantulam quam sevit,  
porrò ac porrò foveat, & gratiæ suæ rivulis irri-  
gata, det crescere, gloriæ suæ & populi bono.  
At quia in lubrico stat juvenus, unum mihi hoc  
vorum,



votum, ut cum literaturæ diviniore studiis, quæ menti lumen infundunt, pietatem jungat, & seculi huius fugiat contagia, ac morum inquinamenta. Quid enim doctrina nostra, quid eruditio si condimento hoc careat & sale? Ut enim picturæ pretium non colores; sed imagines faciunt, & felicitas artes: ita literarum, non splendor & apparatus, sed vitæ morumque ornamenta. Præclare Patrum non è minimis: *Dabis voci tuæ vocem virtutis, si quod persuades alteri, prius illud tibi cognoscas persuasisse.* Haud aniliter etiam Menander, quod repetere hic juvat: Μόνῳ· πείθων ὅτι· πείθῃ· τὸ· λέγοντι, καὶ· μὴ· λόγῳ. *Vita dicentis, non oratio persuadet.* At quotusquisque est qui hæc videt? Multi nomen hodie Religionis; ac pietatis profitentur, sed speciem, non rem habent. Multi in cursu sunt, pauci ad metam veniunt, & verum studiorum finem; quem tum tandem consecutum eum esse censeo, si quæ publicè privatimque dicit, vita exemplisque ita exprimat ut non minus benè vivere, quàm benè credere, docere moribus, quàm ore dicere videatur. Brevi ad vos excurret, ut absentis Ministri vices in habendis concionibus suppleat. Tu eum ad utrumque hortare, ut sentiat, se non mihi tantum, sed & consanguineis esse curæ, & quidem iis, qui cum laude certant in hac palæstra: à quorum consuetudine & affatu non potest non redire doctior, & melior. Multum enim interest (inquit Cicero) quibuscum quis loquatur. Sic melior factus est Timotheus à Paulo: doctior à Gamaliele ipse Paulus: Parmenionis & Callisthenis consuetudine melior evasit Alexander: Agamemnon Nestoris: Scipio Panætii: Trajanus Plutarchi: Augustus Athenodori: Alcibiades Socratis. Publica tangere penè reformido. Lata scribere non possum, mœsta non lubet, nec miscere querelas super statu hoc rerum. Principis nostri consilium in nupera expeditione, apertum hosti creditur. Cujus perfidiam dies spero aliquan-

H

do dicet. In armis interim utrinque partes ; & bellum hoc inducias parturire aut pacem , multorum est sententia. Viderint qui habenas tenent. Omnibus enim quidem bonis expedit salvam esse Rempublicam , sed iis maximè ὧν κέρ-  
 τ' ὅτι μέγιστον, qui Tutores sunt, & depositarii publicæ salutis , & quorum fidei concredita est imperii dignitas, juris pignora, cura patriæ libertatis , & religionis. Certè pax bello longè præferenda ; nec adeò quisquam sensum humanitatis exuit, quin illam malit , nisi sub dulci ejus nomine bellum ut anguis in herba lateat ; vel pactio sit servitutis, morte tristior , & quovis supplicio longè magis formidanda , viris ad libertatem natis : aut si plus nobis ab ea periculi , quàm ab armis : quæ tum longè tutiora sunt , cum insidiarum plena , nec talis est in recessu , qualis fronte apparet. Ut enim *nulla venena præsentius nocent, quàm quæ sapidissimis cibis admiscentur : sic nulla pestis efficacior est ad nocendum, quàm quæ sub plausibili vocabulo , & honestis nominibus regitur ; nulla-que insidia capitaliores sunt , quàm quæ latent sub velo pietatis , & sanctissimarum necessitudinum :* præsertim apud eos, quibus cessante bello, argentatis hastis rem gerere familiare est , & promissis ac donis sollicitare fidem eorum , qui sedent ad reipublicæ clavum , quo more Rex Macedoniæ Philippus callidus ille regnandi. ex Apollinis oraculo pugnare jussus est , insidiasque struere libertati Græcorum. Sed reprimo me , ἀπέχουον γὰρ  
 ὅτι τῆς σιγῆς γῆρας. Copiæ Cæsaris ex Italia revocatæ magnis itineribus adventant , & sollicitos nos habent ;

*Quò pondus istud verget, ubi ponet minas.*

Miseræ gentes, populi, urbes, agri quibus hæc maiorum ingruunt diluvia ! Et quando tandem satilatum erit sanguini, & carnis humanæ lanienæ ?  
 TU DEUS SALUS & TUTELA RERUM populi tui jam diu afflicti miserere, singultus tuorum ac suspiria exaudi , hostium tuis impunè , superbé-

perbéque insultantium audaciam retunde, potentiam frange, conatus elude dejectosque Hierosolymæ tuæ muros in Germania, Silesia, Bohemia, Palatinatu, clementer surrige, & pacem Ecclesiæ, *in diebus nostris* redona; verum illud Nepenthes in tristitia hujus ævi, & rutissimum, tranquillitatis præsidium. In quo voto finio. Vale, & adventum nostrum in feriis expecta, quæ quasi Lethe sopiant præteritos nostros labores. Salutat te Stalius officiosissimè. Delphis IV. Non. Jul. M. DC. XXXI.

# JOHANNI WESTERBURGIO

*Ecclesiæ Dordracenæ Pastori fidelissimo S. D.*

Dordrechtum.

**L**Egi tuas vir clarissime, & adjunctum his carmen epinicum: & in utrisque subiit me admiratio. In illis animi tui adeo in me proni, quem nulla tamen officia tibi conciliârunt, nulla merita. In hoc egregiæ tuæ venæ, qua non poetari solum tibi libuit, sed generoso conatu eos in hoc genere scriptores imitari, quorum fama nunquam, quandiu hic Mundus stabit, exolescer. Ad quos quàm feliciter accedas, stylo, numero, phrasi, nemo non videt qui emunctioris est judicii. Beata Sylva! quæ magni Ænæ dextra cadens, præconem hunc nobilis sui casus, haud ignobilem nacta, ab eo cani Poëta meruit, quem inter primos fera aliquando (ita judico) collocabit posteritas. Desuetudinem eximio tuo carmini verecundè obtendis, sed ita ego censeo, aut me Phœbi cortina decipit, elimatum, ut licet jam diu per graviores curas posita tibi hæc sint studia, intermissione ipsa, & neglectu proficere videantur, & minuendo crescere: ut agri quos uberiores efficit quies; Tu macte vir docte, & quem Poëtam natura esse voluit, exercitatio, & usus perficiant, teque in publicum famæ

theatrum magis magisque vel invitum protrudant. quò apud exteros etiam inclarescas, & ubicunque laudi sunt sua præmia, ingenii monumentis

*Sublimi ferias sidera vertice.*

Magna moliturus à nulla re magis quàm mora impediri solet. Sed ut ingentes obelisci magno quidem negotio statuuntur, & collocantur ob immensum molis pondus, at collocati semel innumeris pene durant seculis: Ita arduum est, doctrinæ aut sapientiæ parare famam, sed parata nunquam intermoritur. Quid quod ingeniis nihil sit feracius, si crebra meditatione pectus exerceas,

*Nec segnem patiare situ torpescere campum.*

Poëticen amavi adolescens, & nunc amo, Poëtas veneror: non obscœnos illos, & inverecundos nequitiae magistros, qui incautæ juventutis Vestales aures, & mentes, Circæo velut poculo venenant, eamque in desidiâ, aleam, saltus, tripudia, crapulam, obscœnæ illius Dæ laqueos turpi lenocinio acriter strenuèque compellunt; sed eos qui aut magnorum Principum, & Heroum facinora Heroicè deprædicant, aut arcanos Sapientiæ sensus & altiora dogmata, ut impietatem in *Gigantibus*, avaritiâ in *Tantalo*, temeritatem in *Phaëtonte*, amorem sui in *Narcisso*, mundi curas in *Ixione*, malæ conscientiae laniatus in *Tityo*, & id genus alia, fabularum involucris ita recondunt, ut cum virtute ipsa sublimiorem lectori doctrinam copiosè propinent. In quorum numero & te jure habendum esse, clamat Epinicius tuum quod genium antiquitatis ita spirat, ut religio pene sit hæc in te dona aut intermori, aut neglectu saltem & desuetudine obliterari. Quare quæ temporis fragmenta, in tanta mole curarum, à severioribus studiis tibi supersunt, hic sodes, ut paucis mentem meam circumscribam, impende, & poësis quæ seculi vitio opprimitur afflictam dignitatem, cum viris magnis Baudio, Heinio, Grotio,

Grotio, Barlæo, vindica: ne Batavia nostra quæ literaturæ omnis, & elegantia audit mater, elegantia magistros ignorasse videatur, eamq; sprevisse facultatem, quam disciplinarum omnium interpretem, ducem, reginam esse docta olim judicavit Antiquitas. Adeo ut aut hanc odisse oporteat, qui ignorat reliquas, aut qui ignorat hanc, nescire omnes. Quam enim aliam fuisse causam arbitramur, cur cum de singulis disciplinis agat miraculum illud doctrinae Plato, ποῦςιν τὸ ὅλον vocat, quàm quod reliqua ad eam se habeant ut singula ad omnia, & partes ad totum? Divina te & sacra nunc tenent? Et hæc Divina sunt: nemo enim doctum, grave, eximium parget carmen, nisi Deo plenus. Hanc ornare Spartam non est cuiusvis, sed eorum tantum quibus ingenium non suprâ vulgus solum, sed suprâ hominem, & qui homine non majores esse non possunt, dum à Majo- re impelluntur? Sapientiamque suam non levioris literaturæ præceptiunculis circumscribunt, sed dignitate magnarum, & sublimium cogitationum, ad quas vulgi sors non assurgit. Ut nesciam, quid viderit Philosophorum ille Princeps, cum è Republica poëtas, illos divinae mentis interpretes, & sapientia magistros ejici voluit, & exulare ab urbibus benè constitutis, eos in quibus literatura omnis politior, & Musarum decus, & elegantia stat, aut cadit. Vivunt Poëtarum beneficio viri omni ævo præstantissimi, deque Republica optimè meriti, quorum curæ, vigiliae, labores, merita alto oblivionis silentio fuissent involuta, paremque cum ignavissimo quoque sortem, post fata experiri, nisi pennato hoc curru evec- ti se ostendissent per ævum, nomenque eorum ac famam, ab interitu vindicasset Poësis. Quid Alexandri Magni voto in summa fortuna defuit, præter Homeri ingenium? & quo alio nomine felicem prædicat Achillem, cum in Sigæo ad tumulum ejus adstitisset, nisi quod talem laudum suarum præconem habere meruerit? *Et vere:*

nam nisi Ilias exstitisset illa, idem tumultus qui corpus ejus contexerat, nomen etiam obruisset. Quot enim ante eum Imperatorum Regumque ignorata nunc nomina, & æterno oblivionis sepulchro recondita?

*Vixere fortes ante Agamemnona*

*Multi: sed omnes illachrymabiles*

*Urgentur, ignotique longa*

*Nocte; carent quia vate sacro.*

Beatiores illi qui post fata sua, chartis, & calamis poetarum, immortalitatis stylo tinctis, animati rursus, & velut morti suæ superstitēs vivunt, & victuri

————— *sua sol dici*

*Donec effunder; sua Luna donec Lumina nocti.*

Et profectò sic oportet, cum non minus posteritatis intersit, quàm eminentium virorum, qui pro Patria strenuè fecerunt, res gestas eorum, consilia, labores, ingenii monumenta, ne virtutibus debita gloriæ merces invideatur, æternitati, famæque templo consecrari. Sed de his tantum. Nunc ad illud digredior, cujus causa potissimum ad te scribendum duxi. Amicitiam nostram exposcis vir eximie. Sed quid nos aut nostra, ut etiam hanc scriptis humanissimè ad me literis effragites? Pluris, pluris mihi es, quàm ut rem tantillam precibus emi oporteat. Sed humanitatis totum illud esse tuæ lubens agnosco: quam sentiunt Trajectini, sciunt primariæ Hollandiæ urbis incolæ Dordraceni, meminit Leida in qua olim studiorum tuorum facta stipendia. Quæ & jam notos excedens limites, ad ignotos quoque dimanat, & in interioris amicitia sinum admittit invisos, addo & immerentes. Equidem quantum in me erit, certatim decurrā hoc iter benevolentia & amoris, nihilque prætermittam quod favori tuo serviat, & honori. Non enim amare virum tot eximiis dotibus ornatum illorum est, qui nec virtutem, nec eruditionem in pretio habent: non redamare quoque benè meritum, adeo  
non

non est grati ingenii, ut nec hominis sit, vix etiam ferarum: quippe quæ beneficiis hominum, non modo cicurantur & mansuescunt, verum etiam gratiam reponunt. Abies (si naturæ speculatoribus fides) adeò cohæret glutino, ut prius scindatur, quæ solida est quàm quæ glutino ferruminata: Ita arctius cohærent quos vinculum copulavit mutæ benevolentia, quàm quos natura conjunxit. Idem in me erit, & quàm probò animi in me tui declarationem puram, & sine fūco, eum & tu aliquando experire. At jam hoc saltem literæ meæ interpretes (ut loquar cum Plauto) apud te præstent ut me qui gratus satis impræsentiarum esse non possum, ingratum tamen non fuisse appareat. Excusas subitas, & festinanter exaratas à te literas, minusque præ se ferre elegantia. Quid ego? Virgines illas imitari te video, quæ formæ laudem verecundè, & modestia quadam declinant, quam tacito sensu sciunt, & gaudent se habere. Calamum tuum non alas habuisse video, sed mentem: & utinam tales sæpe me adeant veneres, lepōris plenæ, & elegantia! Munus tuum literarium exosculor, & in eo amorem cujus dulcedine magis capior,

*Quam si, quidquid arat non piger Appulus,  
Occultare meis dicerer horreis.*

Vana enim illa quæ Euripi in modum alternis vicibus affluunt, ac refluunt, contemnere ego jam pridem didici, & cum magno illo dolii habitatore, mea virtute me involvere. cui nullum honorem, nullam lauream antepono. Et hanc ego (Deus faveat) mentem habeo, quamdiu vitam. Satis beatus vel solo hujus præsidio, ac comitatu, quæ animum ad metam euntem, pondere illo rationis, & sapientia stabiliat, adversus omnem fortunæ novercantis assultum. Nam spem meliorum non propono, nisi cum ad meliora illa loca ab hoc exilio licebit redire. Plura non addo. Tu vale vir humanissime, & si quid scitu dignum

habebis, qui stativis nostris propior es, fac confortem. Interim χαῖρε σὺν ἀδελφοῖς, ὡς ἔμοι φίλων ἡμέτερον. Focano in paucis amico, & cui nihil rerum mearum clausum, plurimam à me salutem. Datum Delphis, ipsis Non. Jul. M. DC. XXXI.

## JOHANNI BEVEROVICIO

*Medico, & Civitatis Dordrechtanae  
Scabino.*

Eodem.

DUplici nomine, & salutationem tuam caram, & ipsum te habeo. priore quod me; altero quod & Focanum meum, velut pararium amicitiae nostrae, sic ames. Quod ex salutatione tuam cum didicerim meritò grata accidit: & in utroque ut perseveres, rogo. Nam & ego certè affectum hunc jam in te refundo, quem tam benignè, tam candidè mihi offers; & ingratitude ipsa videar ingrator ni faciam. Ita enim me tibi obstringis ut nullam grati animi partem prætermittere posse videar sine nota hominis sordidi, atque immemoris beneficii. Literas meas à te visas & lectas tantum apud te potuisse, ut faventiam tuam demereri quiverint, & amorem, seriò & ex animo gaudeo. Quanquam mehercule tanti non sunt: sed æquitari tuæ hoc totum tributum eo, qui non doctos solum sed & φιλομαθεῖς, in album tuum adscribis, & amicitia tua dignoscens. Candidum illum tuum animum, & honesti amantem, quidni amem, imò exosculer? Incaluicertè ab hac benevolentiae tuæ flamma, ac ne parum viderer officiosus, non potui non respondere compellationi tuæ, tam humanæ. Quæ quantum apud me habeat momenti, luculentius ostendam, ubi se ad eam rem feret occasio. Et feret cum ad me eruditionis tuæ latices se diffundent, & frui dabitur docto alloquio tuo literarum. Medicinam ut audio proferis, & exerces  
in



in antiquissima urbium , & primaria Hollandiæ ,  
 & quod caput,exerces eam cum laude & fructu.  
 Laudem pono in sublimiori nobilis illius disci-  
 plinæ scientia , quam non recentiorum modo ,  
 sed & veterum lectione indefessa es consecutus.  
 Fructum in felici, & auspicata agrorum curatio-  
 ne. Scientiam in hac arte eminentem , quoties-  
 cunque arcana illa NATURÆ in homine, extrâ  
 hominem in toto hoc Universo impensius apud  
 me volvo, non possum non admirari, medicæque  
 hujus facultatis dignitatem, usum , necessitatem.  
 Si quis enim secum reputet,quàm diversa corpo-  
 ris sit temperatura, quanta hominum ex ætate,  
 sexu, loco, cœlo, educatione, consuetudine, stu-  
 diis varietas: quàm infinita in tot millibus plan-  
 tarum discrimina ; quot & quàm contraria ex  
 contrariis, & pugnantibus causis morborum ge-  
 nera, febrium species, oculorum symptomata, quæ  
 tenerrimum hoc membrum infestant: quanta ho-  
 mini à venenis pericula , quorum quot sunt spe-  
 cies, tot sunt mortis genera: quot in corpusculo  
 hoc nostro quod circumferimus quotidiani ca-  
 sus, iique improvisi: quot ingruentium malorum  
 undique in hunc amplum humanæ fragilitatis  
 scopum tela: quot ruinæ, contusiones, luxatio-  
 nes, vulnera , quæ non conferto minus agmine,  
 quàm morbi, hominem dejiciunt, atterunt, fran-  
 gunt: Atque in his ipsis morbis , quàm dubiæ sæ-  
 pe & fallaces eorum notæ, siue vultum intuearis  
 ægri, siue oculos observes, verba , motum , ex-  
 crementorum signa , pulsus discrimina , tantum  
 undique se offert difficultatum, ut abdita illa ri-  
 mari , & ingenii acumine emetiri , ac penetra-  
 to terræ marisque sinu , excussisque undique  
 totius naturæ fibris, ex tot plantis, fruticibus,  
 herbis , animantibus , gemmis , metallis , ex  
 ipsis denique venenis , optima expiscari reme-  
 dia; atque horum non usum modo, sed delectum,  
 ex tot autorum scriptis , tot disciplinis , imò  
 & ab ipsis astrorum influentiis petere , homine

majus , ac planè divinum quiddam esse videatur. Multorum ea morborum vis est , ut certam homini mortem intentent, nisi periclitanti , ac penè depositæ salutis præsto sit Medicus ; veluti gangræna , syncopis profunda , lethargus , pleuritis , angina , hydrops , apoplexia. Quibus omnibus qui medentur malis , qui mortem imminentem solertia sua propulsant , & animas ad Orcum spectantes redonant valetudini , sine qua vita vitalis non est , dii quidam in terris habendi sunt, quorum opera magnus ille rerum arbiter Deus, humano generi benignè prospectum esse voluit ? Non alio certè nomine vetus superstitio Æsculapium cœlo dicavit , & adscripsit choro divorum. Etenim si dare vitam , proprium Dei munus est, certè datam tueri , & jam oppressam penè restaurare, aut fugientem retinere, Deo proximum faciamur oportet, & si in quoquam , certè in Medico locum habere Græcum illud : *ἄνθρωπος δαίμωνιον*. Neque enim corporis tantum quæ vilior hominis pars est, curam gerit , sed & animi, imo & animæ. Quæ quia in hoc corporis tugurio, labem sæpe trahit à situ, non alia certior atque efficacior ejus curandæ ratio est , quàm si corporis morbis occurratur tempestivè. Qui ut animæ vigorem non rarò aut impediunt , aut etiam extinguunt ; ita iis liberata , alisque fidei subnixæ , ad cœlum tanquam ad originis suæ sedem, libero volatu contendit. Qui lymphatum, phreneticum , furiosum restituit , nonne totum restituit hominem ? At cujus ope tanta salus ? nisi Medici ? Theologus efficit ut homines à vitiis resipiscant ; ut Medicus, ut sit qui possit resipiscere. Frustrà enim ille medicus sit animæ , si jam fugerit anima, cui paratur medicina. Frustrà lethargico suadeat, si suadentem non audiat : Frustrà phreneticum moneat, nisi primum atra bile ipsa furoris causa, à Medico sit liberatus. Philosophiæ summam in hoc verti cardine statuunt Plato , & alii, si nempe rationi pareant affectus , qui quamdiu reni-

reni-

renituntur, frustra tenet habenas animus, sed equum ferocientem in præcipitia sequi cogitur. Aut ut auscultent rationi, egregius ad hanc rem adjutor est Medicus, hoc agens ut ea pars hominis vigeat sapiatque, cujus arbitrio honesta, ac magna geruntur. Quis enim æquè pertinax vitæ abstemiæ, & sobrietatis suavor? Quis fidelior iræ moderandæ, tristitiæ fugiendæ, vitandæ crapulæ, temperandæ veneris author, quàm Medicus?

— *Quis nisi fastidita Machaon,*

*Fercla parat, dubiasque docet dediscere cœnas?*

*Aut Curii præscribit olus?*

Accedit, quod quidquid in homine eximium est, artes, scientiæ, disciplinæ, quicquid in eo virtutis, aut eruditionis, id omne nobili huic facultati nos debere quis non videt? quatenus id servat sine quo ne reliqua quidem queant consistere. Quid enim hæc vita si perpetuis confisteretur morbis? Certè vivere dici non possunt, qui mortuam hic vitam trahunt. Quam si salubrem reddat, aut tueatur Medicus, quid rationi magis, aut æquitati consentaneum, quam eum vitæ tuæ parentem agnoscere, à quo vitam hoc est valetudinem acceperis? Imo si parentibus gratiam habemus quod vitam semel dedere, quanto majorem iis qui dant sapius? Sed longius me diffundo. Tu vir eximie, quàm nactus es Spartam orna, quæ decus tibi, quæ gloriam, quæ opes conciliatura est. Cæterarum artium non ubique paratus est quæstus. Rhetor apud Sarmatas friget; Juris Cæsarei peritus, apud Britannos; subtilioris philosophiæ monita, apud Tartaros & Garamantas. At Medicum quoquò terrarum abierit, vel ad ultimam Thulen suus comitatur honos, sua sequuntur vitæ commoda, ut in nullam disciplinam verius quadret illud poëtæ το τέχνην πᾶσι γῆν τεύει. Hanc doctissime Beverovici quod facis cole, & coles si eam quæ servit populo artem, Deo servire facias, ejusque honori, integritate morum, ac vitæ

sanctimonia. sine qua non hilum me moverint  
 externa illa, quæ tamen æstimant hodie multi,  
 imo plurimi, pene dixerim omnes; vanitates,  
 fumos, fucos, inania gloriæ; ipsam virtutem cui  
 nati & facti aspernantur. Habes ab amico consi-  
 lium, siue monitum interpretaberis: habes & af-  
 fectum qui est atque erit, quamdiu alter nostrum.  
 Coram si detur aliquando occasio, plura distin-  
 ctius, & contentius licebit. Nunc valere te, &  
 nos amare, opto. Delphis VII. Id. Jul. 65 πρ-  
 ατα. M. DC. XXXI.



*Doctri-*

*Doctrina, virtute, pietate orna-  
tissimis Viris,*

SAMUELI de L'ECHEPPIERE,  
RIVERO.

JOHANNI WESTERBURGIO.

NICOLAO CRUCIO.

ANDREÆ COLVIO.

JACOBO FOCANO.

Verbi Divini Ministris ;

ET

J. BECMANO Gymnasiarchæ  
Dordraceno.

**N**ihil viri doctissimi in rebus huma-  
nis suavius, nihil ad usum uberius,  
nihil denique ad gloriam splendi-  
dus unquam judicari, quàm bo-  
norum, doctorumque necessitudine frui, & eo-  
rum commercio, qui virtutum magis, quàm  
auri, copiosi. Cetera enim quid sunt? Fluxa  
omnia, & nutum fortune sequentia: In quæ  
tamen maxima hominum pars se immergunt, &  
ad hæc tantum calent, & callent. Rideo, nam  
infinitum est quod petit, qui plus petit, quàm  
quod deest: quid quod & illa tot annorum cu-  
mulata felicitas subito turbine quassatur, &  
evertitur in lubrico fortune fastigio. Sicut So-  
lem assidue, vel nubes aliqua subducit, vel nox  
condit:

sanctimonia. sine qua non hilum me moverint  
 externa illa, quæ tamen æstimant hodie multi,  
 imo plurimi, pene dixerim omnes; vanitates,  
 fumos, fucos, inania gloriæ; ipsam virtutem cui  
 nati & facti aspernantur. Habes ab amico confi-  
 lium, siue monitum interpretaberis: habes & af-  
 fectum qui est atque erit, quamdiu alter nostrum.  
 Coram si detur aliquando occasio, plura distin-  
 ctius, & contentius licebit. Nunc valere te, &  
 nos amare, opto. Delphis VIII. Id. Jul. 65. πλ-  
 ησα. M. DC. XXXI.



hilum me moverit  
timant hodie multi  
omnes; vanitates,  
ipsam virtutem cui  
des ab amico confi-  
deris: habes & af-  
indualter nostrum.  
casio, plura distin-  
tunc valere te, &  
r. l. Id. Jul. & m.

*Doctrina, virtute, pietate orna-  
tissimis Viris,*

SAMUELI de L'ECHEPPIE  
RIVERIO.

JOHANNI WESTERBURGI  
NICOLAO CRUCIO.

ANDREÆ COLVIO.

JACOBO FOCANO.

Verbi Divini Ministris;

ET

J. BECMANO Gymnasiar-  
Dordraceno.

**N**ihil viri doctissimi in rebus hu-  
nis suavius, nihil ad usum uber-  
nihil denique ad gloriam splen-  
dius unquam judicavi, quam  
norum, doctorumque necessitudine frui, &  
rum commercio, qui virtutum magis, quam  
auri, copiosi. Cetera enim quid sunt? Fle-  
omnia, & nutum fortune sequentia: In-  
tamen maxima hominum pars se immergunt,  
ad hæc tantum calent, & callent. Rideo. n-  
infinitum est quod petit, qui plus petit, quam  
quod deest: quid quod & illa tot annorum  
mulata felicitas subito turbine quassatur,  
evertitur in lubrico fortune fastigio. Sicut  
lem assidue, vel nubes aliqua subducit, vel  
cond

*Doctri-*

condit: talis omnis hic purpure, aut Pluti splendor, cadit, aut evanescit. Imò omnia illa, somnium, umbra, *NIHIL*, si cum *Æternitate* comparentur. In hac rerum catastrophæ, quod (inquam) dulcius esse potest illa vitæ anima, Amicitia? Quæ contracta semel, cum Bonis perennat, & non ante nos destituit, quàm vita. Talis vestra viri amicissimi: quam eò impensius veneror, quod candidum, & sine fūco affectum, auramque virtutis non spiret tantum, sed adspiret iis quos semel complexa est. Certè ut ii qui symphoniam audierunt, ferunt secum in auribus dulcedinem cantus: sic ego in animo ingenii vestri, & naturæ dotes, quas doctrina, & usus multiplex rerum, commendabiles reddit; & de quibus nihil à me tam splendidè dici potest, quod ad meritorum vestrorum sublimitatem assurgat. Maestri hoc animo viri, & eximias quas sustinetis provincias, ita ornatæ, ut quantum vobis ex optima mente, tantum ex ingenio & doctrina laudis accedat. Egregia (siquid iudico) Sparta vestra, & decora, & firmamenta. Quid enim munia nostra, nisi virtute suffulciantur? quid, nisi erudita prudentia administrentur? Vbi hæc harmonia, hic concentus, feliciter ibi geri omnia oportet; nec verba tantum dari sed exempla iis quibus opera nostra devoretur. Vos mihi tales, quorum doctrina, & iudicio tantum tribuo; quantum iis tribuendum est, qui in linguarum, artiumque  
optima-



optimarum cognitione, in sublimioris Philosophiæ adytis & in sacrarum literarum mysteriis, magna cum laude, versantur. Neque enim eruditi solum sunt functionis vestræ cura; sed pie etiam, & christiana. Unde apparet vos & spectasse verum studiorum finem, & affectos eum esse, ut cum eruditione virtutem, ac pietatem conjungeretis, & cum pietate mentis integritatem, pectusque nescium fraudis, ac dissimulationum. Sed laudum satis: quia ut bene poëta,

Fucati sermonis opem mens nescia laudis  
Abnuit.

Vna ac verissima hæc virtutum laus est, ex vero non posse laudari; altera nolle. illud præstantiæ vestræ est, hoc modestiæ. Munus tantum hoc capite, non pretium, ut me devinctum liberem; sed pignus, ut obstringam. Nec enim levia hæc, & chartacea referendæ gratiæ esse volumus, sed testandæ. Quanquam & huic operi aliquod etiam apud vos pretium esse, mihi est persuasissimum: nec voluptatem solum ex his talibus capere, sed & usum. Atque ut floribus alii ad odorem tantum, alii ad adspectum; apes ad mellificium; Medici etiam ad curationem utuntur: Sic vos amœnioribus his studiis, ad serium animi fructum. Doctrinæ enim omnis velut colores sunt; imò gemmæ ac deliciæ, quodque in Convivio iuscula, cupediæ, condimenta; hoc in literatura stylus, & elocutio. quæ  
si non

*si non capio, me capiunt, & elegantia sua pal-  
po haud parum demulcent. Amare autem li-  
ceat, si potiri non licet: Vos interim benigni hu-  
manæ imbecillitatis aestimatores, conatibus no-  
stris favete, & calami deliquia, ac nervos equi-  
tatis, & benevolentia vestra supparo obtegite  
contra maligni livoris dentem: ut hoc quamli-  
bet exiguum ingenii monumentum, si non suo,  
saltem vestrae authoritatis fulcro stare queat, &  
gratiam aliquam candidæ posteritatis demereri.  
Valete viri clarissimi; Deus vos Spiritu suo gu-  
bernet, virtute fulciat, praesidio tueatur. Del-  
phis. M. DC. XXXII.*



JACO-

# JACOBI CRUCI

## EPISTOLARUM

### LIBER TERTIUS.

LUDOVICO de DIEU  
*Ecclēsia Lugduno Batava Pastori*  
 S. D.

[Lugd. Batavorum.]



**A**ffectus qui mihi ergà bonos omnes & doctos, qui hodie literaria dignitatis famam sustinent, impulit me ad scribendum: tum etiam singularis tua humanitas, ac modestia, quæ ita propria tibi sunt, ut non minus eximiis his naturæ dotibus, quàm virtutis tuæ, ac doctrinæ merito in amorem tui, & admirationem accendas, te quotquot de proximo nōrunt. In quorum numero, ut me esse non invitus agnosco; ita non possum non ea venerari dona, quæ magnus ille Deus largâ manu in te cumulavit. Quæ eò illustriora sunt, quò magis splendorem eorum oculis modestiæ velo, animique demissione non fucata. Nempe ut altissima quæque flumina minimo sono labuntur: & Sol quo altior est, hoc minores jacet umbras: ita eruditionis fama quò excelsior clariusque enitescit; hoc minus videri cupit, minusque se ostentat, & non tam loco, & subselliis metiri se solet, quàm meritis. Sed quanto se viri præstantes submissius gerunt, tanto sublimius attolluntur judicio eorum, qui veram magnitudinem, non externo fastu, sed internis animi dotibus æstimare didicerunt. Rara hoc seculo virtus! in quo ampullata fere omnia, & in multis eruditio non ad usum, sed ad pompam. Gratulor tibi istam mentem, ad quam nisi collimeter, malè & infelicitè decurritur, hoc quidquid

quid est sapientiæ, & melioris literaturæ. Ut Athleta in stadio oculos ad metam intendunt : sic nos in studiorum cursu, ad virtutem.

— cætera fluminis

Ritu feruntur;

nec digna quæ in rationem *Bonorum* veniant, nisi quatenus virtuti famulantur. Magna enim illa, & splendida quæ sordidam hîc vulgus mirari solet, potentiorum ædes, palatia, mausolæa, templa, præter bellorum immanitatem, aufert incendium, aut violenta aquarum diluvies : opes, pecuniæ, res, honores & quæ aliæ fortunæ sunt ludibria dicto citius transmutant dominos, & in alias cedunt manus. Qui extolluntur, iisdem ferè manibus cadunt, quibus sublati sunt ; quin & celerius, quàm surrexerunt. Facilior enim per præcipitia lapsus : lento gradu in verticem feruntur, lapsus in momento est. At virtus quæ casus istos ridet, & vicissitudines omnes rerum, ut una ad cælum, unde nata est, tendit ; ita sola diurnat, quovis marmore, ac seculo durabilior. Cui si accedat eruditio, mirum, quantum altera alteri conciliet auctoramentum & decus. Illa quippe eruditionem perficit, hæc virtutem adornat : illa sanguinem huic & robur, hæc splendorem illi dilargitur, & gratiam : Illa animam, & vitam, hæc dignitatem. O te beatum, qui hunc Sapientiæ callem insistis ! in quo manere te opto, & inoffenso pede ad metam decurrere. Vidi nuper & legi quæ publici juris esse voluisti. Eximia mehercule cum solertiæ, tum subactæ in exoticis his linguis eruditionis tuæ specimina ! & quæ plura nobis & majora spondent, si ex primitiis laborum, & sacræ hujus literaturæ tuæ præludiis conjectare mihi fas : imò tam mihi certum, quàm loqui me nunc & spirare. Et sanè eruditissimus ille est, qui omnibus prodest ; qui quantum sibi haurit, aliis promit ; & ingenii thesauros optimos censet, si non lateant. Contrà, cadavera sunt hominum, qui sibi solum sapiunt,

sapiunt, & quorum in umbra, silentioque omnis vita. Perge, perge modo vir magne, & in laudabili hoc studio industriæ tuæ, ingeniique nervos intende; quò sacri antiquissimæ illius & divinæ linguæ latices magis, ac magis ad nos fluant afflictaque ejus dignitas ab ignavo (ut hæc sunt tempora) multorum fastidio, ac profano contemptu, strenuè à te vindicari possit, & pristino splendoris sui solio restitui. Dignius certè nihil pia tua indole, doctoque calamo tuo gravius tentari à te potest, aut suscipi, nec utiliora seculo devoveri. Cum sacris cotidie operari, unicum est in hoc tuo otio literario negotium, unica cura. *Sicut histrio aut alius actor gaudet, coram principibus viris specimen opera atque artis edere: Sic docti in hoc theatro fama, spectari à doctis, & approbati.* Quid enim in humanis ea carius, quid præstantius? ut jure sit **BONIS** ante bona omnia, & ipsam vitam. Nam hæc utraque fluxa sunt & caduca, καὶ ὡς ὁ ἀέρας ἐν δόξει πῶ, ἄνω καὶ κάτω σπείρεται, & opes quidem ante nos sæpe, vita nobiscum semper abit: Nomen autem & Fama perennant, eaque sola, cum non erimus, hic erunt, testes virtutum nostrarum, & laborum,

— *quæ nec ventura silebunt*

*Lustra, nec ignota rapiet sub nube Vetustas.*

Quid quod & Reipublicæ Christianæ tuus hic militat labor, & prophetarum filiis; quorum interest hæc scire, & sacra hac literaturâ tingi. Et ô utinam tandem seriò nostra hîc saperet juvenus! Quantum demum ego profecisse multum judico, cum linguæ hujus studium illi placere cœpit. Ut enim cœlum, & micantia illa astra cum intuemur, ab iis ad puram, primam & inaccessam quandam lucem ducimur: sic à nativâ linguæ hujus simplicitate ad autorem illius, & fontem **DEUM**. Et quemadmodum sine luce cerni, multò minus discerni nequeunt colores: ita nisi in Sacris faciem præferat hæc lingua, quæ foeta mysterioris & arcanis Sapientiæ, quid solidi, ne dicam certi

habebis, qui stativis nostris propior es, fac confor-  
tem. Interim χαῖρε σὺν ἀδελφοῖς, ὧς ἐμοὶ φίλας  
πείσῃ. Focano in paucis amico, & cui nihil rerum  
mearum clausum, plurimam à me salutem. Da-  
tum Delphis, ipsis Non. Jul. M. DC. XXXI.

## JOHANNI BEVEROVICIO

*Medico, & Civitatis Dordrechtanae  
Scabino.*

Eodem.

**D**uplici nomine, & salutationem tuam caram,  
& ipsum te habeo. priore quod me; altero  
quod & Focanum meum, velut pararium amici-  
tiæ nostræ, sic ames. Quod ex salutatione tua  
cum didicerim meritò grata accidit: & in utro-  
que ut perseveres, rogo. Nam & ego certè affe-  
ctum hunc jam in te refundo, quem tam beni-  
gnè, tam candidè mihi offers; & ingratitude  
ipsa videar ingrator ni faciam. Ita enim me tibi  
obstringis ut nullam grati animi partem præter-  
mittere posse videar sine nota hominis sordidi,  
atque immemoris beneficii. Literas meas à te  
visas & lectas tantum apud te potuisse, ut faven-  
tiam tuam demereri quiverint, & amorem, seriò  
& ex animo gaudeo. Quanquam mehercule tan-  
ti non sunt: sed æquitari tuæ hoc totum tribu-  
tum eo, qui non doctos solum sed & φιλομαθεῖς,  
in album tuum adscribis, & amicitia tua dignos-  
censes. Candidum illum tuum animum, & ho-  
nesti amantem, quidni amem, imò exosculer? In-  
calui certè ab hac benevolentia tuæ flamma, ac ne  
parum viderer officiosus, non potui non respon-  
dere compellationi tuæ, tam humanæ. Quæ  
quantum apud me habeat momenti, luculentius  
ostendam, ubi se ad eam rem feret occasio. Et  
feret cum ad me eruditionis tuæ latices se diffun-  
dent, & frui dabitur docto alloquio tuo litera-  
rum. Medicinam ut audio profiteris, & exerces  
in

in antiquissima urbium , & primaria Hollandiæ,  
 & quod caput,exerces eam cum laude & fructu.  
 Laudem pono in sublimiori nobilis illius disci-  
 plinæ scientia , quam non recentiorum modò,  
 sed & veterum lectione indefessa es consecutus.  
 Fructum in felici, & auspiciata agrorum curatio-  
 ne. Scientiam in hac arte eminentem , quoties-  
 cunque arcana illa NATURÆ in homine, extrâ  
 hominem in toto hoc Universo impensius apud  
 me volvo, non possum non admirari, medicæque  
 huius facultatis dignitatem, usum , necessitatem.  
 Si quis enim secum reputet,quàm diversa corpo-  
 ris sit temperatura, quanta hominum ex atate,  
 sexu, loco, cœlo, educatione, consuetudine, stu-  
 diis varietas: quàm infinita in tot millibus plan-  
 tarum discrimina ; quot & quàm contraria ex  
 contrariis, & pugnantibus causis morborum ge-  
 nera, febrium species, oculorum symptomata, quæ  
 tenerrimum hoc membrum infestant: quanta ho-  
 mini à venenis pericula , quorum quot sunt spe-  
 cies, tot sunt mortis genera: quot in corpusculo  
 hoc nostro quod circumferimus quotidiani ca-  
 sus, iique improvisi: quot ingruentium malorum  
 undique in hunc amplum humanæ fragilitatis  
 scopum tela: quot ruinæ, contusiones, luxatio-  
 nes, vulnera , quæ non conferto minus agmine,  
 quàm morbi, hominem dejiciunt, atterunt, fran-  
 gunt: Atque in his ipsis morbis , quàm dubiæ sæ-  
 pe & fallaces eorum notæ, sive vultum intuearis  
 ægri, sive oculos observes, verba , motum , ex-  
 crementorum signa , pulsus discrimina, tantum  
 undique se offert difficultatum, ut abdita illa ri-  
 mari , & ingenii acumine emetiri , ac penetra-  
 to terræ marisque sinu , excussisque undique  
 totius naturæ fibris, ex tot plantis, fruticibus,  
 herbis , animantibus , gemmis , metallis , ex  
 ipsis denique venenis , optima expiscari reme-  
 dia; atque horum non usum modo, sed delectum,  
 ex tot autorum scriptis , tot disciplinis, imò  
 & ab ipsis astrorum influentiis petere , homine

majus , ac planè divinum quiddam esse videatur. Multorum ea morborum vis est , ut certam homini mortem intendant , nisi periclitanti , ac penè depositæ salutis præsto sit Medicus ; veluti gangræna , syncopis profunda , lethargus , pleuritidis , angina , hydrops , apoplexia. Quibus omnibus qui medentur malis , qui mortem imminentem solertia sua propulsant , & animas ad Orcum spectantes redonant valetudini , sine qua vita vitalis non est , dii quidam in terris habendi sunt , quorum opera magnus ille rerum arbiter Deus , humano generi benignè prospectum esse voluit ? Non alio certè nomine vetus superstitio Æsculapium cœlo dicavit , & adscripsit choro divorum. Etenim si dare vitam , proprium Dei munus est , certè datam tueri , & jam oppressam penè restaurare , aut fugientem retinere , Deo proximum fateamur oportet , & si in quoquam , certè in Medico locum habere Græcum illud : *ἄνθρωπος ἀνθρώπου δαίμονιον*. Neque enim corporis tantum quæ vilior hominis pars est , curam gerit , sed & animi , imo & animæ. Quæ quia in hoc corporis tugurio , labem sæpe trahit à situ , non alia certior atque efficacior ejus curandæ ratio est , quàm si corporis morbis occurratur tempestivè. Qui ut animæ vigorem non rarò aut impediunt , aut etiam extinguunt ; ita iis liberata , alisque fidei subnixæ , ad cœlum tanquam ad originis suæ sedem , libero volatu contendit. Qui lymphatum , phreneticum , furiosum restituit , nonne totum restituit hominem ? At cujus ope tanta salus ? nisi Medici ? Theologus efficit ut homines à vitiis resipiscant ; ut Medicus , ut sit qui possit resipiscere. Frustrà enim ille medicus sit animæ , si jam fugerit anima , cui paratur medicina. Frustrà lethargico suadeat , si suadentem non audiat : Frustrà phreneticum moneat , nisi primum atra bile ipsa furoris causa , à Medico sit liberatus. Philosophiæ summam in hoc verti cardine statuunt Plato , & alii , si nempe rationi pareant affectus , qui quamdiu

reni-



renituntur, frustra tenet habenas animus, sed equum ferocientem in præcipitia sequi cogitur. Aut ut auscultent rationi, egregius ad hanc rem adjutor est Medicus, hoc agens ut ea pars hominis vigeat sapiatque, cujus arbitrio honesta, ac magna geruntur. Quis enim æquè pertinax vitæ abstemiæ, & sobrietatis suavor? Quis fidelior iræ moderandæ, tristitiæ fugiendæ, vitandæ crapulæ, temperandæ veneris author, quàm Medicus?

— *Quis nisi fastidita Machaon,*

*Fercla parat, dubiasque docet dediscere cænas?*

*Aut Curri præscribit olus?*

Accedit, quod quidquid in homine eximium est, artes, scientiæ, disciplinæ, quicquid in eo virtutis, aut eruditionis, id omne nobili huic facultati nos debere quis non videt? quatenus id servat sine quo ne reliqua quidem queant consistere. Quid enim hæc vita si perpetuis confisteretur morbis? Certè vivere dici non possunt, qui mortuam hic vitam trahunt. Quam si salubrem reddat, aut tueatur Medicus, quid rationi magis, aut æquitati consentaneum, quam eum vitæ tuæ parentem agnoscere, à quo vitam hoc est valetudinem acceperis? Imo si parentibus gratiam habemus quod vitam semel dedere, quanto majorem iis qui dant sapius? Sed longius me diffundo. Tu vir eximie, quàm nactus es Spartam orna, quæ decus tibi, quæ gloriam, quæ opes conciliatura est. Cæterarum artium non ubique paratus est quæstus. Rhetor apud Sarmatas friget; Juris Cæsarei peritus, apud Britannos; subtilioris philosophiæ monita, apud Tartaros & Garamantas. At Medicum quoquò terrarum abierit, vel ad ultimam Thulen suus comitatur honos, sua sequuntur vitæ commoda, ut in nullam disciplinam verius quadret illud poëtæ τὸ τέχνην πάντα γὰν κέρει. Hanc doctissime Beverovici quod facis cole, & coles si eam quæ servit populo artem, Deo servire facias, ejusque honori, integritate morum, ac vitæ sancti-

sanctimonia. sine qua non hilum me moverint  
 externa illa, quæ tamen æstimant hodie multi,  
 imo plurimi, pene dixerim omnes; vanitates,  
 fumos, fucos, inania gloriæ; ipsam virtutem cui  
 nati & facti aspernantur. Habes ab amico confi-  
 lium, siue monitum interpretaberis: habes & af-  
 fectum qui est atque erit, quamdiu alter nostrum.  
 Coram si detur aliquando occasio, plura distin-  
 ctius, & contentius licebit. Nunc valere te, &  
 nos amare, opto. Delphis VIII. Id. Jul. ας τει-  
 χη. M. DC. XXXI.



*Doctri-*

*Doctrina, virtute, pietate orna-  
tissimis Viris,*

SAMUELI de L'ECHEPPIERE,  
RIVERO.

JOHANNI WESTERBURGIO.

NICOLAO CRUCIO.

ANDREÆ COLVIO.

JACOBO FOCANO.

Verbi Divini Ministris ;

ET

J. BECMANO Gymnasiarchæ  
Dordraceno.



*Nihil viri doctissimi in rebus huma-  
nis suavius, nihil ad usum uberius,  
nihil denique ad gloriam splendi-  
dus unquam judicari, quàm bo-  
norum, doctorumque necessitudine frui, & eo-  
rum commercio, qui virtutum magis, quàm  
auri, copiosi. Cetera enim quid sunt? Fluxa  
omnia, & nutum fortune sequentia: In quæ  
tamen maxima hominum pars se immergunt, &  
ad hæc tantum calent, & callent. Rideo. nam  
infinitum est quod petit, qui plus petit, quàm  
quod deest: quid quod & illa tot annorum cu-  
mulata felicitas subito turbine quassatur, &  
evertitur in lubrico fortune fastigio. Sicut So-  
lem assidue, vel nubes aliqua subducit, vel nox  
condit:*


condit : talis omnis hic purpure, aut Pluti splendor, cadit, aut evanescit. Imò omnia illa, somnium, umbra, *NIHIL*, si cum *Æternitate* comparentur. In hac rerum catastrophæ, quod (inquam) dulcius esse potest illa vitæ anima, Amicitia? Quæ contracta semel, cum Bonis perennat, & non ante nos destituit, quàm vita. Talis vestra viri amicissimi : quam eò impensius veneror, quod candidum, & sine furo affectum, auramque virtutis non spiret tantum, sed adspiret iis quos semel complexa est. Certè ut ii qui symphoniam audierunt, ferunt secum in auribus dulcedinem cantus : sic ego in animo ingenii vestri, & naturæ dotes, quas doctrina, & usus multiplex rerum, commendabiles reddit; & de quibus nihil à me tam splendide dici potest, quod ad meritorum vestrorum sublimitatem assurgat. Maçti hoc animo viri, & eximias quas sustinetis provincias, ita oruate, ut quantum vobis ex optima mente, tantum ex ingenio & doctrina laudis accedat. Egregia (siquid judico) Sparta vestra, & decora, & firmamenta. Quid enim munia nostra, nisi virtute suffulcianur? quid, nisi erudita prudentia administrentur? Vbi hæc harmonia, hic concentus, feliciter ibi geri omnia oportet; nec verba tantum dari sed exempla iis quibus opera nostra devoretur. Vos mihi tales, quorum doctrina, & iudicio tantum tribuo; quantum iis tribuendum est, qui in linguarum, artiumque optima-

optimarum cognitione, in sublimioris Philosophiæ adytis & in sacrarum literarum mysteriis, magna cum laude, versantur. Neque enim eruditiæ solùm sunt functionis vestræ cura; sed pia etiam, & christiana. Vnde apparet vos & spectasse verum studiorum finem, & affectos eum esse, ut cum eruditione virtutem, ac pietatem conjungeretis, & cum pietate mentis integritatem, pectusque nescium fraudis, ac dissimulationum. Sed laudum satis: quia ut bene poëta,

Fucati sermonis opem mens nescia laudis  
Abnuit.

Vna ac verissima hæc virtutum laus est, ex vero non posse laudari; altera nolle. illud præstantia vestra est, hoc modestiæ. Munus tantum hoc capite, non pretium, ut me devinctum liberem; sed pignus, ut obstringam. Nec enim levia hæc, & chartacea referendæ gratiæ esse volumus, sed testandæ. Quanquam & huic operi aliquod etiam apud vos pretium esse, mihi est persuasissimum: nec voluptatem solùm ex his talibus capere, sed & usum. Atque ut floribus alii ad odorem tantum, alii ad adspectum; apes ad mellificium; Medici etiam ad curationem utuntur: Sic vos amœnioribus his studiis, ad serium animi fructum. Doctrinæ enim omnis velut colores sunt; imò gemmæ ac deliciæ, quodque in Convivio iuscula, cupediæ, condimenta: hoc in literatura stylus, & elocutio, quæ  
si non

*si non capio, me capiunt, & elegantia sua pal-  
po haud parum demulcent. Amare autem li-  
ceat, si potiri non licet: Vos interim benigni hu-  
mana imbecillitatis aestimatores, conatibus no-  
stris favete, & calami deliquia, ac nervos equi-  
tatis, & benevolentia vestra supparo obtegite  
contra maligni livoris dentem: ut hoc quamli-  
bet exiguum ingenii monumentum, si non suo,  
saltem vestra authoritatis fulcro stare queat, &  
gratiam aliquam candidae posteritatis demereri.  
Valete viri clarissimi; Deus vos Spiritu suo gu-  
bernet, virtute fulciat, praesidio tueatur. Del-  
phis. M. DC. XXXII.*



JACO-

# JACOBI CRUCI

## EPISTOLARUM

### LIBER TERTIUS.

LUDOVICO de DIEU  
*Ecclesiæ Lugduno Batavæ Pastori*  
 S. D.

[Lugd. Batavorum.]



**A**ffectus qui mihi ergà bonos omnes & doctos, qui hodie literariæ dignitatis famam sustinent, impulit me ad scribendum: tum etiam singularis tua humanitas, ac modestia, quæ ita propria tibi sunt, ut non minus eximiis his naturæ dotibus, quàm virtutis tuæ, ac doctrinæ mērito in amorem tui, & admirationem accendas, te quotquot de proximo nōrunt. In quorum numero, ut me esse non invitum agnosco; ita non possum non ea venerari dona, quæ magnus ille Deus largâ manu in te cumulavit. Quæ eò illustriora sunt, quò magis splendorem eorum oculis modestiæ velo, animique demissione non fucata. Nempe ut altissima quæque flumina minimo sono labuntur: & Sol quo altior est, hoc minores jacet umbras: ita eruditionis fama quò excelsior clariusque enitescit; hoc minus videri cupit, minusque se ostentat, & non tam loco, & subselliis metiri se solet, quàm meritis. Sed quanto se viri præstantes submissius gerunt, tanto sublimius attolluntur judicio eorum, qui veram magnitudinem, non externo fastu, sed internis animi dotibus æstimare didicerunt. Rara hoc seculo virtus! in quo ampullata fere omnia, & in multis crudiriō non ad usum, sed ad pompam. Gratulor tibi istam mentem, ad quam nisi collimetur, malè & infelicitè decurritur, hoc quidquid

quid est sapientiæ, & melioris literaturæ. Ut Athletæ in stadio oculos ad metam intendunt : sic nos in studiorum cursu, ad virtutem.

— cætera fluminis

*Ritu feruntur;*

nec digna quæ in rationem *Bonorum* veniant, nisi quatenus virtuti famulantur. Magna enim illa, & splendida quæ sordidam hîc vulgus mirari solet, potentiorum ædes, palatia, mausolæa, templa, præter bellorum immanitatem, aufert incendium, aut violenta aquarum diluvies : opes, pecuniæ, res, honores & quæ aliæ fortunæ sunt ludibria dicto citius transmutant dominos, & in alias cedunt manus. Qui extolluntur, iisdem ferè manibus cadunt, quibus sublati sunt ; quin & celerius, quàm surrexerunt. Facilior enim per præcipitia lapsus : lento gradu in verticem feruntur, lapsus in momento est. At virtus quæ casus istos rider, & vicissitudines omnes rerum, ut una ad cælum, unde nata est, tendit ; ita sola diurnat, quovis marmore, ac sæculo durabilior. Cui si accedat eruditio, mirum, quantum altera alteri conciliet auctoramentum & decus. Illa quippe eruditionem perficit, hæc virtutem adornat : illa sanguinem huic & robur, hæc splendorem illi dilargitur, & gratiam : Illa animam, & vitam, hæc dignitatem. O te beatum, qui hunc Sapientiæ callem insistis ! in quo manere te opto, & inoffenso pede ad metam decurrere. Vidi nuper & legi quæ publici juris esse voluisti. Eximia mehercule cum solertiæ, tum subactæ in exoticis his linguis eruditionis tuæ specimina ! & quæ plura nobis & majora spondent, si ex primitiis laborum, & sacræ hujus literaturæ tuæ præludiis conjectare mihi fas : imò tam mihi certum, quàm loqui me nunc & spirare. Et sanè eruditissimus ille est, qui omnibus prodest ; qui quantum sibi haurit, aliis promit ; & ingenii thesauros optimos censet, si non lateant. Contrà, cadavera sunt hominum, qui sibi solum sapiunt,



fapiunt, & quorum in umbra, silentioque omnis vita. Perge, perge modò vir magne, & in laudabili hoc studio industriæ tuæ, ingeniique nervos intende; quò sacri antiquissimæ illius & divinæ linguæ latices magis, ac magis ad nos fluant afflictaque ejus dignitas ab ignavo (ut hæc sunt tempora) multorum fastidio, ac profano contemptu, strenuè à te vindicari possit, & pristino splendoris sui folio restitui. Dignius certè nihil pia tua indole, doctoque calamo tuo gravius tentari à te potest, aut suscipi, nec utiliora seculo devoveri. Cum sacris cotidie operari, unicum est in hoc tuo otio literario negotium, unica cura. *Sicut histrio aut alius actor gaudet, coram principibus viris specimen operæ atque artis edere: Sic docti in hoc theatro fama, spectari à doctis, & approbati.* Quid enim in humanis ea carius, quid præstantius? ut jure sit **B O N I S** ante bona omnia, & ipsam vitam. Nam hæc utraque fluxa sunt & caduca, καὶ αἰώρες ἐν βυζίπῳ, ἄνω καὶ κάτω σπρίσεται, & opes quidem ante nos sæpe, vita nobiscum semper abit: Nomen autem & Fama perennant, & eaque sola, cum non erimus, hic erunt, testes virtutum nostrarum, & laborum,

— *quæ nec ventura silebunt*

*Lustra, nec ignota rapiet sub nube Vetustas.*

Quid quod & Reipublicæ Christianæ tuus hic militat labor, & prophetarum filiis; quorum interest hæc scire, & sacra hac literaturam tingi. Et ô utinam tandem ferio nostra hîc saperet juvenitus! Quam tum demum ego profecisse multum judico, cum linguæ hujus studium illi placere cœpit. Ut enim cœlum, & micantia illa astra cum intuemur, ab iis ad puram, primam & inaccessam quandam lucem ducimur: sic à nativa linguæ hujus simplicitate ad autorem illius, & fontem **D E U M**. Et quemadmodum sine luce cerni, multò minus discerni nequeunt colores: ita nisi in Sacris faciem præferat hæc lingua, quæ foeta mysterioris & arcanis Sapientiæ, quid solidi, ne dicam certi

certi statui potest in reconditis illis divinæ veritatis adytis ? Quis genium Prophetarum, quis Spiritus Sancti stylum, dictionem, phrasin capiet, quis mentem ? Quis verè & ex intimo sensu Scripturam interpretari, quis rimari ? si illi barbara est, nec eam suis lustrat oculis, sed alienis, & velut per transfennam humanæ versionis ? O lynceos & sagaces sacrarum literarum interpretes ! O egregios populi mystas ! Itane in divinis ignorantia nostræ temeritas ludere audeat ? Non alia nobis salutaris illius veritatis indagandæ cura, non alia animarum ? Siccine ut bubalos annulo in nares immisso, circumduci nos patimur ? Admirari ea solent homines quæ è præstantium artificum officinis prodire. Commendavit vetustas quod à Lysippo sculptum, ab Apelle pictum, à Praxitele fictum, à Pericle, aut Demosthene dictum esset. Et non subeat nos, non dicam admiratio, sed & amor ac desiderium ejus linguæ, quæ cœlestia nobis pandit Oracula, & Deum Opt. Max. autorem habet ? Cujus si dignitatem spectes, si necessitatem, si usum, omnia ut in ea summa sunt, ita summè nos moveant, oportet. Dignitas certè ejus linguæ quæ potest esse major, quàm quod linguarum omnium sit mater, quod antiquissima, quod originem suam ducat non à Mercurio, non à Cadmo, non à Phœnicibus, sed ab ipsis mundi primordiis ? & nata sit cum orbe nato ? quod prima generis humani lingua, quod lingua Dei, lingua Angelorum, lingua Prophetarum ? Necessitatem pono in magnitudine, & amplitudine hujus doni ; usum in materia, quæ si aliquid ad linguæ ipsius præstantiam confert, quid præstantius censerì potest eo, quod in ipsius Dei cognitionem nos ducit ? quod æternæ salutis consequendæ rationem præmonstrat ? quod nos D E O summo omnium bonorum fonti & auctori conciliat ? O studium verè dignum ! O industriam omni prædicatione majorem ! qua homo id consequitur, ut sine interprete, eadem lingua,

lingua, cum Deo, cum Angelis, cum Patriarchis, cum Prophetis disertè possit colloqui, & Dei mentem ex lingua Dei ἀνεπαίως hominibus interpretari! Viderunt hoc Majorum seculo, & nostro viri magni: nec aliam illis fuisse causam arbitror, cur tanto labore ac industria, in linguæ hujus studio desudarent, inque ea ita excelluerint ut vel hujus solius nomine, doctorum omnium candida mœruerint suffragia. Conrado enim illo Pellicano quid doctius, & Hebræa suppellectile instructius? Hujus discipulus Munsterus vir indefessi laboris bone Deus! qualis & quantus fuit? Quid ille rerum Hebræarum non evolvit, excussit, penetravit? ut vel ad nomina librorum, eorumque encomia recensenda, libro penè sit opus. Victurum unquam speramus, qui melius de sacro hoc studio mereri, & strenuè magis harum literarum gloriam tutari queat? Ita sacrarium quoddam ejus linguæ is mihi esse videtur, & scientiæ exoticæ quoddam quasi pelagus. Quales quoque olim fuere viri illi æterna memoria dignissimi Reuchlini, Merceri, Vatabli, Pagnini, Montani, & non ita pridem Mornæi, Junii, Marnixii, Drusii, Buxtorffii, quorum hodie nomina in albo æternitatis sunt: & magnus ille Scaliger, quem ultimum in scenam produco, quod tanquam aquila in nubibus, & orbis literati imperator, ac eruditionis princeps, reliquis palmam præripere, & apicem summæ laudis obtinere videatur, ita in Hebræis non ad stuporem, sed ad miraculum doctus. His præsiidiis instructi quid subit mirari, si tam feliciter, tam doctè, Scripturam enodârint? si Spiritus Sancti mentem, si Prophetarum stylum, si phrasin tanta judicii ἀνεπαίως sint interpretati? eoque Patribus ipsis, (dicto absit invidia) longè hac in parte sint præferendi, qui linguæ Hebrææ peritia destituti (Hieronymum hic trilinguem, & Epiphanium πεντάγλωσσον excipio) solœcismis haud levibus in Sacrarum literarum explicatione commissis,

in

suarum cumulo, juventutum licentius efferunt : ut jam inani credulitate, velut hamo inescati, eos se esse persuadeant, quos illa ætas nec rulit unquam, nec feret. Nam ut faciles in fidem sunt eorum quæ amant, ita laudes suas eo pronius accipiunt, quo facilius credunt. Quo nihil ego ingeniis perniciosius esse censeo. Hinc enim *φιαντία*, arrogantia, fastus (vitium agnatum erectioribus ingeniis) adhæc desidia, studiorum contemptus, & quod caput, indubitatum tandem, & certum nominis, & famæ naufragium. Nam similes iis qui parum procero corpore, cothurnis staturam adjuvant, ubi altam semel istam de se opinionem imbibere, nihil sibi deesse, quid reliquum esse potest, quàm ut abjecta omni proficiendi cura, summa omnia in *Oratoria* sibi tribuant? ad quam labore, & industria aliquando pervenire potuissent, nisi jam putarent se pervenisse. Optimus quisque fateor gloriâ ducitur, sed gloria quæ veritate nititur, non errore imperitiæ, vel nimium amantis turbæ, qui non tam acuit ingenia, quam inflat vana fiduciæ aura; imo sæpe quem extulit, spernit deflorata gratia novitatis. Tu fili, qui adhuc in incude studiorum es constitutus, Syrtes has, & vada cautus præterlabere, infames hos scopulos fuge, & ad hos Sirenum cantus, aures obtura. Ingenium tuum, mens, judicium adhuc formanda in multis, ut hæc tua ætas est. Quare omnis tibi laus merito suspecta sit, &

——— *quid ferre recusent*  
*Quid valeant humeri.*

non ex censu aliorum, sed tuo scrutare, vide, iudica. *ἔτι μάλιστα ἔτι αὐτὸν εἰδὼς, ὁ μὲν ἐν αὐτὸν εἶναι νομίζων.* Et in hac modestia persta quæ ornamentum Juventutis, & seges veræ gloriæ; alii inquam omnes melius de te quam tu sentiant, & sic parva tibi videantur quæ præstas, ut majora cottidie possis. Vix autem præster, qui præstare se jam putat, imo vix, ac ne vix proficit, qui jam sibi sufficit,

scit. Ut ii qui in præcipitiis ambulant, levi aliquo impulsu ruunt : sic qui in limine honoris. Rarò allisa navis est, quæ modico velo litus legit,

*Interfusa nitentis  
Vitans æquora Cycladas.*

Rarò quoque spe sua decidunt ingenia, quæ modestiæ litant, & suo se pede metiri didicerunt. At contrà ut eminentia feriunt procellæ : ita infamia superbos, dum se, & quidquid bonarum literarum habent ; fastu suo, & supercilio, in contemptum, & odium adducunt. O te beatum qui Patrem censorem habes ! Fidelio rem certe habere non potes & qui acius in naves tuos animadvertat, vitia cernat, & aberrantem in viam reducat. Tuum est auscultare, καὶ πάντα λίθον κινεῖν, ut talis fias aliquando, qualem te opto. Nam vitia (quis enim sine iis usquam est deductus gentium) ætas spero paulatim, & ratio circumcider, & ut ille pictura sua tectus, tacitus monitores amabat, monita venerabatur : ita tu Candidate : nisi quod ille imperitorum tandem impatiens, exsurrexerit in indignationem tutoris ultra crepidam. Tu non me solum admitte, sed omnes ut ab omnibus apum more profutura legas, nocitura pellas, aut non tângas. Ad rem. Ferias nunc habes Augustales, fac cras te videamus, aut summum perendie, instructum suppellectile libraria, ut cum magno illo Scipione nunquam minus sis otiosus, quàm cum otiosus. Rursum dico, veni, & *viam vora*. Impatienti quippe desiderio nihil satis festinatur. Vale fili, Regenti tuo, plurimam à me salutem. Delphis 4. Kalend. Sextil. M. DC. XXXI. Literas quas hisce inclusi, voluit *De Dieu* quam primum, reddendas cures. Iterum vale, & *Menti bone* quam tibi aura Numinis inspiret, semper sacifica, semper lita.

## FRANCONI BURGERSDICIO

*Philosoph. naturalis Professori**S. P. D.*

Eodem.

**P**Aranti ad te literas, nihil occurrebat, præter  
 solennia, & proleteria epistolarum argumenta,  
 cum ecce in manus mihi veniunt tuæ, suprà quam  
 dici potest gratæ, atque acceptæ. Tarditatem ea-  
 rum frustra excusas, præsertim apud me qui ami-  
 corum in amore constantiam, non literarum re-  
 ciprocatione, quam interdum diligentius præ-  
 stant, qui minus amant, sed re & factis metiri so-  
 leo. Satis mihi & voto meo, si non detrectas ve-  
 terem tui cultorem in album tuum adscribere,  
 & in intimam recipere familiaritatem. Nam scri-  
 ptionis officio paria ut facias mecum, nec graves  
 tuæ ferunt occupationes, nec æquus sim si postu-  
 lem. Quamquam hanc nobis spem facit humanitas  
 tua, quæ decus, & condimentum est cæterarum  
 virtutum. Sed quò liberalior es ultrò, in iis quæ  
 vix sperare audebam, tantò mihi impensius ca-  
 vendum ne in appellando, importunior videar.  
 Laudes quas plena manu in me cumulas audio,  
 in animum non admitto, assensusque mei suffra-  
 gium iis impartiri, vetat agnata mihi verecundia,  
 quæ tenuitatis meæ probè conscia, ea quæ aliorum  
 mihi tribuit affectus, si optat, certè non sperat.  
 Interim animum mihi addi fateor, ut talis esse  
 contendam, qualem me dicis: hæcque ipsa &  
 amo & accipio, *ἔχ' ὡς μαρτύρια, ἀλλὰ κέντρα.*  
*ὥστε τὸ αὐτόματον ἐν ἡμῖν πορὸς ἀρετὴν καὶ παιδείαν*  
*ὁρμῶν ὅτι πλέον προσσκησῶν καὶ ἐξεγείρειν.* Unum  
 hoc addam nihil esse quod me æque affecerit,  
 quàm quod extuis intellexerim, benè apud te  
 aliosq; tui ordinis viros, audire scholam nostram.  
 In quo ut seriò desudo, nec ulla me laboris hæte-  
 nus subiit pœnitudo: ita mihi gratulor non infe-  
 liciter

liciter eum impendi liberalium ingeniorum institutioni. Nihil profecto antiquius mihi, nihil animo meo sacratius esse potest, quàm iis formandis operari, quos Reipublicæ crescere, aut Ecclesiæ certum est. Utinam parentum hîc cura & labor, nobis venirent suppetias! Sed heu tempora! & ubi sumus? inter quos patres vivimus? quanta nunc matrum indulgentia, in liberos quos affectu necant, ut simia complexu catulos? Quanta in utriusque educationis incuria? quot profli-gatæ vitæ exempla, in iis quas monitis, dictis, factis, juventuti præire oportebat, & ab ipsis incunabulis virtutem instillare? Totidem mehercule ad bonam mentem eunibus obices, ac repa-gula. nam ut

—— *levis ante corrigi*

*Mox pravitate post inemendabili*

*Curvatur arbor: sic ager pueritiæ,*

*Cum cura desit, asperos mores gerit,*

*Nullis deinde cultibus domabiles.*

Quin & parentum exempla imitati mores eorum in se transfundunt, quos nequitia doctores habuerunt, adeò ut

*Si damnosa senem juvat alea, ludit & hæres*

*Bullatus, patrioq; eadem movet arma fritillo.*

In tanta morum licentia, tam affabili parentum odio, & blanda in liberos crudelitate, omnia in ruinam subministrante, quid subit mirari, si rarus sit ad sacra musarum tendentium numerus, & rarior eorum qui tyrociniis probè defuncti, Academiam affectant? Si claudicantibus in hoc literarum, & virtutis calle, tum parentibus, tum liberis; etiam in multis claudicet, hoc est mutila, manca, imò, irrita sit, & penè nulla institutionis nostræ cura? Si denique omnia in pejus ruere videmus ita ut ipsa si velit salus, rebus pene desperatis opitulari non possit. *Mollis enim illa educatio quam indulgentiam vocamus, lena quædā generis humani, ac lerna, nervos omnes & mentis & corporis frangit.*

*Quid non adultus concupiscet, qui in purpura repit? Nondum prima verba exprimit, & jam coccum intelligit, jam conchylium poscit. Ante palatum eorum, quàm os instituitur. In hoc ævum nati, in hanc sortem sumus, nimia parentum indulgentia, quæ primos annos deliciis immergit, neque torpentes, unquam permittit ad meliora erumpere. Sed hæc queri, mihi satis; quod enim tollere non possum, tolero. Sicut qui è littore periclitantem in alto navem, videt, miseratur, & votis adjuvat, nec se tamen in mare præcipitat: tale nobis favere juventuti, & ubi fas est juvare, promovere, ad metam ducere; cum non, tolerare. Fluviis enim mediocribus sua sunt litora, & crepidines, at violentiori aquarum diluvio, qui aggeres resistunt? Sed heus mihi Burgersdici, est quod tibi in aurem. Logica tua hîc in pretio est, & in Examine, publicum solet esse diligentiae præmium, ituris ad primam classẽ: nec minori à me doceri affectu, quàm à Scholæ quatuor-viris decerni. Hoc tantum discrimine, quod alibi sola, hîc juncta nostræ, soleat inculcari. Quam ἀναγκλίαν si ita apellanda, rogo ne gravius feras in eo qui jam ad metam it, quique suis, ita jam pridem assuevit, ut agrè hanc mutaverit docendi rationem. Quid quod, & hanc juventuti expedire censeo, si quæ in me desiderantur compendio, ex tua Institutione, tanquam ex uberiore penu suppleantur, & primis solidiora sensim admisceantur tyrociniis. Curatores quoque honorificè de te quotquot sunt, sentiunt, adèd ut in neminem minus, quàm in te quadrare videatur illud Christi περὶ ἑαυτοῦ ἐν ἰδίᾳ πατρίδι πρὸς τοὺς μαθητὰς. Delphis hoc tibi dictum crede, & dicentem ama. De reliquo, contemnendi sunt futiles rumusculi, eorum qui etiam optimè dicta, aut facta detorquent in calumniam, dum publicis rationibus consulatur, & eorum utilitati, quibus labores nostri, curæ & studia devota. Publica quid? Sunt qui pacem, sunt qui inducias loquuntur: & cò jam propen-*



propendere, primariæ aliquot dignitatis viros. Si quid mei iudicii est, Halyconia fore suspicor, & per inducias tranquillitatem. Deus faciat, ne sit infidiosa, & concieat majores tempestates. Sed quid ego hæc ? apud me maneo,

— *nec arcanis minorem*

*Consiliis animum fatigo.*

Vale vir clarissime, cum uxore lectissima quam animitus saluto, & me dum vivo, tuum ama. Delphis prid. Kal. Aug. M. DC. XXXI.

## J A N O G R O E N W E G I O

*Reipublicæ Delphensi à Secretis S. P. D.*

**Q**uid istud est *ἄ ἀδελφεῖς Γιαννῆς ἀνερ, καὶ λογιώτατε ?* Prior me appellas, prius etiam indubiè, si materies fuisset, & quasi benè velle parum sit etiam facis. Dicit hoc munus tuum literarium. Egone aut mea tanti, ut & mihi quoque nihil tale commerenti, favoris tui aura sic ultrò, sic benignè adspiret? O pectus benevolum! & cui quid, aut quomodò respondeam? quibusque verbis gratias agam pro tam eximio dono, nullus hercule reperio. Sed voluisti humanitatis, & affectus tui in me exstare documentum. Cujus in animo hærebit memoria, quādiu ego in terris, & ingratus sim, nisi per mihi gratum, quod à tam docta manu. Maeste, maeste hoc animo vir magne! & ingenii tui monumenta quæ premis adhuc, prome: ut quæ silentii tenebris involuta hætenus fuère, lucem videant, & in scenam producta, nomini tuo litent & honori. Quò candidæ famæ quadrigis subvectus, quā patet Musarum imperium, &

— *quā Sol habitabiles*

*Illustrat ora,*

*Sublimi ferias sidera vertice,*

doctoque huic seculo inclarescas, stirpis tuæ, patriæque urbis decus, & ornamentum.

*Paulum sepulta distat inertia  
Celata virtus.*

Sic celata plus nimio doctrinæ monumenta. Cui enim dubium esse potest, virum tot laboribus exantlatis in literatura, linguis, historiis, civilis prudentiæ studio; cujusque omnes adhuc curæ, cogitationesque his devoventur, non aliquid meditari, & moliri, quod in seculum, & seram posteritatem ire possit? Proprium nempe hoc Sapientiæ est, & veræ eruditionis, non tam sibi sapere, quàm aliis, & publicæ magis consulere utilitati, quàm privatæ: non aliter quàm arbor pomis grava, quæ ramos demittit, & quasi invirat ad carpendum. *καὶ τὸ ἐστὶ τὸ ζῆν, & ἑαυτοῦ ζῆν μόνον.* Non alia mihi de te mens. Et spem facit nupera illa tua editio Taciti (quantum in historia Romana viri!) quem docta tua versione, etiam ab indoctis legi voluisti, & ab iis teri, qui in historiis Latinè aut Græcè scriptis nihil vident nisi aliorum oculis, & veluti per transfennam, alienæ interpretationis. Laborum tuorum hic prodromus, graviora mihi spondere videtur & majora, si ex auctoris præstantia capienda sit conjectura. Quid enim Tacito tuo gravius, quid sublimius? Ut perfectionis numeros omnes implèssè videatur unus, & quæ in aliis singula, in hoc reperiantur universa. Nihil enim in eo humile, aut jejenum. At contra dictio ejus mascula, sententiosa, interrogationes acres, narrationes didacticæ, recta ubique ejus in civilibus monita, jura gentium, mores hominum, ritus, consuetudines, leges sine gratiæ aucupio, sine metu offensionum, ad amussimè descripta. *Imperii* arcana, admirando ubique acumine scrutata. Principum consilia testata, & detecta. quæ judiciosè passim ad virtutem ducit, & prudentiam, illam vitæ magistrā, & moderatricem humanarum actionum. & quemadmodum in magna aliqua viri prudentis familia, nihil extrà usum, & necessitatem reperitur: ita rebus ipsis tota hic accommodata

data oratio, cui prudentiæ interioris scita, passim intexit. Stilus concisus, & gravis, in quo res cum verbis, verba certant cum sententiis. Qui lectorem non ducit modò sed trahit, imo rapit vel invitum, & sibi immorari cogit, ne dicam immori. Ita nihil illum latuit, nihil fugit, quod aut non callidè observarit, aut non felicissimè expresserit. Verbo. Oracula velut è tripode depromit: quæ non aliter quàm fulmen aliquod lectoris animum, præsertim in republica versatum percellunt. Dignus qui historiæ, & doctrinæ causa, linguæ, & antiquitatis legatur. Quid etiam? Dignus qui manibus eorum teratur, quorum nutu terræ, ac maria reguntur; Regum dico & Principum, aut certe eorum qui proximi Regibus majori auspicio Remp. administrant. Videliteratorum turbam omnem, & dices: *Quis* eo plures admiratores habuit, quis doctiores? Quem majori profecuti sunt reverentia, non Senatus solum & Populus Romanus: sed & Imperatores ipsi. qui amplissimis eum auxerunt honoribus; Titus, delictum illud generis humani, quæstura, sive ut aliis placet Ædilitate; Domitianus Prætura; Nerva Consulatu, adeò ut nemo etiam doctorum hodie sit, qui hunc historicorum principem, ac principis gentium Romæ augustorumque Principum augustissimum scriptorem, legendum sibi non delingat, delectum non diligat, dilectum non amet, lustret, illustret. Et utinam plures tales nobis dedisset Antiquitas! Sed parca hic si usquam Naturæ manus. Quæ si virum magnum Orbi dederit, pro mille annis imò seculis, semel nec ultra, dilargitur. Ut quò rariora hæc sunt ingenia, eò impensius eximia illa Naturæ κειμήλια veneretur posteritas. Sic unum in Mathesi admiramur *Archimedem*; unum in Philosophia *Platonem*; in Poësi *Homerum*; in eloquentia *Ciceronem*; in Medicina *Hippocratem*; in historia, quæ testis temporum est, & meritorum arbitra, *Tacitum*. Amplius dicam. Ut unum in cœlis dedit

quid est sapientiæ, & melioris literaturæ. Ut Athleta in stadio oculos ad metam intendunt : sic nos in studiorum cursu, ad virtutem.

— cætera fluminis

Ritu feruntur;

nec digna quæ in rationem *Bonorum* veniant, nisi quatenus virtuti famulantur. Magna enim illa, & splendida quæ sordidam hîc vulgus mirari solet, potentiorum ædes, palatia, mausolæa, templa, præter bellorum immanitatem, aufert incendium, aut violenta aquarum diluvies : opes, pecuniæ, res, honores & quæ aliæ fortunæ sunt ludibria dicto citius transmutant dominos, & in alias cedunt manus. Qui extolluntur, iisdem ferè manibus cadunt, quibus sublati sunt ; quin & celerius, quàm surrexerunt. Facilior enim per præcipitia lapsus : lento gradu in verticem feruntur, lapsus in momento est. At virtus quæ casus istos ridet, & vicissitudines omnes rerum, ut una ad cælum, unde nata est, tendit ; ita sola diurnat, quovis marmore, ac sæculo durabilior. Cui si accedat eruditio, mirum, quantum altera alteri conciliet auctoramentum & decus. Illa quippe eruditionem perficit, hæc virtutem adornat : illa sanguinem huic & robur, hæc splendorem illi dilargitur, & gratiam : Illa animam, & vitam, hæc dignitatem. O te beatum, qui hunc Sapientiæ callem insistis ! in quo manere te opto, & inoffenso pede ad metam decurrere. Vidi nuper & legi quæ publici juris esse voluisti. Eximia mehercule cum solertiæ, rum subactæ in exoticis his linguis eruditionis tuæ specimina ! & quæ plura nobis & majora spondent, si ex primitiis laborum, & sacræ hujus literaturæ tuæ prælydiis conjectare mihi fas : imò tam mihi certum, quàm loqui me nunc & spirare. Et sanè eruditissimus ille est, qui omnibus prodest ; qui quantum sibi haurit, aliis promit ; & ingenii thesauros optimos censet, si non lateant. Contrà, cadavera sunt hominum, qui sibi solum sapiunt,

sapiunt, & quorum in umbra, silentioque omnis vita. Perge, perge modo vir magne, & in laudabili hoc studio industriæ tuæ, ingeniique nervos intende; quò sacri antiquissimæ illius & divinæ linguæ latices magis, ac magis ad nos fluant afflictaque ejus dignitas ab ignavo (ut hæc sunt tempora) multorum fastidio, ac profano contemptu, strenuè à te vindicari possit, & pristino splendoris sui folio restitui. Dignius certè nihil pia tua indole, doctoque calamo tuo gravius tentari à te potest, aut suscipi, nec utiliora seculo devoveri. Cum sacris cotidie operari, unicum est in hoc tuo otio literario negotium, unica cura. *Sicut histrio aut alius actor gaudet, coram principibus viris specimen operæ atque artis edere: Sic docti in hoc theatro fama, spectari à doctis, & approbati.* Quid enim in humanis ea carius, quid præstantius? ut jure sit **B O N I S** ante bona omnia, & ipsam vitam. Nam hæc utraque fluxa sunt & caduca, καὶ ὥσπερ ἐν θλίψει, αἶψα καὶ καίτω σπέρται, & opes quidem ante nos sæpe, vita nobiscum semper abit: Nomen autem & Fama perennant, eaque sola, cum non erimus, hic erunt, testes virtutum nostrarum, & laborum,

— *quæ nec ventura filebunt*

*Lustra, nec ignota rapiet sub nube Vetustas.*

Quid quod & Reipublicæ Christianæ tuus hic militat labor, & prophetarum filiis; quorum interest hæc scire, & sacra hac literatura tingi. Et ô utinam tandem seriò nostra hic saperet juvenus! Quam tum demum ego profecisse multum judico, cum linguæ hujus studium illi placere cœpit. Ut enim cœlum, & micantia illa astra cum intuemur, ab iis ad puram, primam & inaccessam quandam lucem ducimur: sic à nativa linguæ hujus simplicitate ad autorem illius, & fontem **D E U M**. Et quemadmodum sine luce cerni, multò minus discerni nequeunt colores: ita nisi in Sacris facem præferat hæc lingua, quæ foeta mysterioris & arcanis Sapientiæ, quid solidi, ne dicam certi

certi statui potest in reconditis illis divinæ veritatis adytis ? Quis genium Prophetarum, quis Spiritus Sancti stylum, dictionem, phrasin capiet, quis mentem ? Quis verè & ex intimo sensu Scripturam interpretari, quis rimari ? si illi barbara est, nec eam suis lustrat oculis, sed alienis, & velut per transfennam humanæ versionis ? O lynceos & sagaces sacrarum literarum interpretes ! O egregios populi mystas ! Itane in divinis ignorantia nostræ temeritas ludere audeat ? Non alia nobis salutaris illius veritatis indagandæ cura, non alia animarum ? Siccine ut bubalos annulo in nares immisso, circumduci nos patimur ? Admirari ea solent homines quæ è præstantium artificum officinis prodire. Commendavit vetustas quod à Lysippo sculptum, ab Apelle pictum, à Praxitele fictum, à Pericle, aut Demosthene dictum esset. Et non subeat nos, non dicam admiratio, sed & amor ac desiderium ejus linguæ, quæ cœlestia nobis pandit Oracula, & Deum Opt. Max. autorem habet ? Cujus si dignitatem spectes, si necessitatem, si usum, omnia ut in ea summa sunt, ita summè nos moveant, oportet. Dignitas certè ejus linguæ quæ potest esse major, quàm quod linguarum omnium sit mater, quod antiquissima, quod originem suam ducat non à Mercurio, non à Cadmo, non à Phœnicibus, sed ab ipsis mundi primordiis ? & nata sit cum orbe nato ? quod prima generis humani lingua, quod lingua Dei, lingua Angelorum, lingua Prophetarum ? Necessitatem pono in magnitudine, & amplitudine hujus doni ; usum in materia, quæ si aliquid ad linguæ ipsius præstantiam confert, quid præstantius censerì potest eo, quod in ipsius Dei cognitionem nos ducit ? quod æternæ salutis consequendæ rationem præmonstrat ? quod nos D E O summo omnium bonorum fonti & auctori conciliat ? O studium verè dignum ! O industriam omni prædicatione majorem ! qua homo id consequitur, ut sine interprete, eadem lingua,

lingua, cum Deo, cum Angelis, cum Patriarchis, cum Prophetis diserte possit colloqui, & Dei mentem ex lingua Dei ἀνεγείας hominibus interpretari! Viderunt hoc Majorum seculo, & nostro viri magni: nec aliam illis fuisse causam arbitror, cur tanto labore ac industria, in linguæ hujus studio defudarint, inque ea ita excelluerint ut vel hujus solius nomine, doctorum omnium candida mœuerint suffragia. Conrado enim illo Pellicano quid doctius, & Hebræa suppellectile instructius? Hujus discipulus Munsterus vir indefessi laboris bone Deus! qualis & quantus fuit? Quid ille rerum Hebræarum non evoluit, excussit, penetravit? ut vel ad nomina librorum, eorumque encomia recensenda, libro penè sit opus. Victurum unquam speramus, qui melius de sacro hoc studio mereri, & strenuè magis harum literarum gloriam tutari queat? Ita sacrarium quoddam ejus linguæ is mihi esse videtur, & scientiæ exoticæ quoddam quasi pelagus. Quales quoque olim fuere viri illi æterna memoria dignissimi Reuchlini, Merceri, Vatabli, Pagnini, Montani, & non ita pridem Mornæi, Junii, Marnixii, Drusii, Buxtorffii, quorum hodie nomina in albo æternitatis sunt: & magnus ille Scaliger, quem ultimum in scenam produco, quod tanquam aquila in nubibus, & orbis literati imperator, ac eruditionis princeps, reliquis palmam præripere, & apicem summæ laudis obtinere videatur, ita in Hebræis non ad stuporem, sed ad miraculum doctus. His præsiidiis instructi quid subit mirari, si tam feliciter, tam doctè, Scripturam enodârint? si Spiritus Sancti mentem, si Prophetarum stylum, si phrasin tanta judicii ἀνεγείας sint interpretati? eoque Patribus ipsis, (dicto absit invidia) longè hac in parte sint præferendi, qui linguæ Hebrææ peritia destituti (Hieronymum hic trilinguem, & Epiphanium πεντάγλωσσον excipio) solœcismis haud levibus in Sacrarum literarum explicatione commissis,

in

in errores se, & alios dedere. In quos incidere & eos omnes necesse est, quos hodie supina ignavia, & superbum linguæ fastidium, sacro hoc studio prohibet: ut quidvis ignorare malint, quàm huic discendæ horulas aliquot elargiri, atque intermorientes literas refovere. Næ illi qui hodie sacra stola ambulant, & triarii audiunt in Papatu, doctrinæque laudem propriam sibi esse volunt, longè multos nostri ordinis homines (ô pudor & profundum hic agnosco Satanæ stratagemata) à tergo relinquunt, majoremque illi operam conferunt ad prolatandos errores, quàm hi, ad propagandam veritatem. Annibalem ajunt, cum in Alpibus utroque pede in nivibus lapsus præiret, ubi militum nemo consisteret, manum cunctantibus, aut fessis porrexisset, tantus eum ardor gloriæ tenebat, tanta Italiam invadendi cupido. Idem tu vir eximie, exemplo tuo, tardam hic multorum segnitiem stimula, lapsos erige, sequentes duc, invitos trahe, ut linguam Canaan si non loqui, intelligere saltem iis sit cura, qui se ejus non solum futuros incolas profitentur, sed & aliis ad illam duces, *non solum veritas*. De me non deero, pro modulo suppetiari meis, & amicam ut hætenus à me factum, ad hæc sacra euntibus porrigere manum. Quò devoratis primis hujus linguæ tyrociniis cum laude, ac fructu in penitiora ejus adyta hinc ad vos transeuntes, admitti queant. Nam ut plantam plebeji cum vident, nihil præter colorem ejus adspiciunt, nullo autem modo penetrant, aut capiunt essentiam: ita S. Scripturæ authenticam veritatem hi tales quidem agnoscunt: at intimum ejus sensum non assequuntur; quia ut herbæ quædam non adoptivæ, sed innatæ sunt: ita hic dogmata, & arcana. In versione verba, hic rem invenies; alibi flores, hic fructus, sed magnam partem imperceptibiles illis qui Hebræam ignorant. Spiritus Sanctus enim qui non solum materiam, sed & verba suis amanuensibus inspiravit, ejusmo-

di



di characteres majestatis, gravitatis, & *εὐπρεπείας* huic authentico textui impressit, quos nulla interpretatio valeat exprimere. Quid, quod aquæ in fonte suo aliter, aliter in rivis, sapiunt. Et metalla illa opulentissima sunt quorum in alto latet vena, assiduè plenius responsura fodienti. Sed jam desino; nec enim libet licentius exspatiari in hoc querelæ campo. Affectum meum vides, erga te & tuos. De te non spero mutuum, sed habeo certum, Deumque rogo in quo, & à quo omnis salus, ut bono publico cui natus es, te diutissimè servet. D. Heinsum illum Musarum ocellum qui præ aliis, eximiis ingenii monumentis vindicat à barbarie seculum, & literis intermorientibus fert opem, cum utroque Rege Colonio, & Festo à me si placet officiosissimè saluta. Delphis. VIII. Kalend. Sextileis M. DC. XXXI.

J A C O B O C R U C I O

*filio Pater S. D.*

*Endem.*

Concionibus nuper Harlemi habitis, probè te defunctum spero, si ex principiis *σοφίζεσθαι μοι θέμις ἐστιν, καὶ ἐν τῇ κεχαρισμένῃ τῇ ὑπαρχῇ ζῆναι σκεν*. Utinam Dardaleis remigiis, aut Pegaso aliquo subvectus, illis interesse potuissem! Præsertim his initiis, quæ scio non carere periculo mali habitus, vel à nimia parrhesia, vel à metu. Cui nascenti malo nisi tempestivè occurratur, & in herba inveteratum robustius fieri, & in naturam abire certum est: unde ne vel furca expellas, quæ in pravum semel induruerunt. Adhuc quam docilis imitandis, turpibus atque indecoris juvenilis illa sit ætas, & quavis occasione in novas formas, & in vana præceps, Hypseæ cæcior est qui non videt, in lubrica illa quam insistent via. Lubricam dico, cum à caco novitatis applausu, tum à præpostero eorum affectu qui laudum suarum

suarum cumulo, juventutum licentius efferunt : ut jam inani credulitate, velut hamo inescati, eos se esse persuadeant, quos illa ætas nec tulit unquam, nec feret. Nam ut faciles in fidem sunt eorum quæ amant, ita laudes suas eo pronius accipiunt, quo facilius credunt. Quo nihil ego ingeniis perniciosius esse censeo. Hinc enim *φιλαυτία*, arrogantia, fastus (vitium agnatum erectioribus ingeniis) adhuc desidia, studiorum contemptus, & quod caput, indubitatum tandem, & certum nominis, & famæ naufragium. Nam similes iis qui parum procero corpore, cothurnis staturam adjuvant, ubi altam semel istam de se opinionem imbibere, nihil sibi deesse, quid reliquum esse potest, quàm ut abjecta omni proficiendi cura, summa omnia in *Oratoria* sibi tribuant? ad quam labore, & industria aliquando pervenire potuissent, nisi jam putarent se pervenisse. Optimus quisque fateor gloriâ ducitur, sed gloria quæ veritate nititur, non errore imperitiæ, vel nimium amantis turbæ, qui non tam acuit ingenia, quam inflat vana fiduciæ aura; imo sæpe quem extulit, spernit deflorata gratia novitatis. Tu fili, qui adhuc in incude studiorum es constitutus, Syrtes has, & vada cautus præterlabere, infames hos scopulos fuge, & ad hos Sirenum cantus, aures obtura. Ingenium tuum, mens, judicium adhuc formanda in multis, ut hæc tua ætas est. Quare omnis tibi laus merito suspecta sit, &

————— *quid ferre recusent*

*Quid valeant humeri.*

non ex censu aliorum, sed tuo scrutare, vide, judica. *Ἐτὸ μάλιστα ἔστιν αὐτὸν εἰδὼς, ὁ μὴδὲν αὐτὸν εἰναγομίζων.* Et in hac modestia persta quæ ornamentum Juventutis, & seges veræ gloriæ; alii inquam omnes melius de te quam tu sentiant, & sic parva tibi videantur quæ præstas, ut majora cottidie possis. Vix autem præstet, qui præstare se jam putat, imo vix, ac ne vix proficit, qui jam sibi sufficit,

ficir. Ut ii qui in præcipitiis ambulant, levi aliquo impulsu ruunt: sic qui in limine honoris. Rarò allisa navis est, quæ modico velo litus legit,

*Interfusa nitentis  
Vitans æquora Cycladas.*

Rarò quoque spe sua decidunt ingenia, quæ modestiæ litant, & suo se pede metiri didicerunt. At contrà ut eminentia feriunt procellæ: ita infamia superbos, dum se, & quidquid bonarum literarum habent; fastu suo, & supercilio, in contemptum, & odium adducunt. O te beatum qui Patrem censorem habes! Fideliorem certe habere non potes & qui acrius in nævos tuos animadvertat, vitia cernat, & aberrantem in viam reducat. Tuum est auscultare, καὶ πάντα λίθον κινεῖν, ut talis fias aliquando, qualem te opto. Nam vitia (quis enim sine iis usquam est deductus gentium) ætas spero paulatim, & ratio circumcider, & ut ille pictura sua tectus, tacitus monitores amabat, monita venerabatur: ita tu Candidate: nisi quod ille imperitorum tandem impatiens, exsurrexit in indignationem tutoris ultra crepidam. Tu non me solum admitte, sed omnes ut ab omnibus apum more profutura legas, nocitura pellas, aut non tângas. Ad rem. Ferias nunc habes Augustales, fac cras te videamus, aut summum perendie, instructum suppellectile libraria, ut cum magno illo Scipione nunquam minus sis otiosus, quam cum otiosus. Rursum dico, veni, & *viam vora*. Impatienti quippe desiderio nihil satis festinatur. Vale fili, Regenti tuo, plurimam à me salutem. Delphis 4. Kalend. Sextil. M. DC. XXXI. Literas quas hisce inclusi, voluit *De Dieu* quam primum, reddendas cures. Iterum vale, & *Menti bone* quam tibi aura Numinis inspiret, semper sacrificata, semper lita.

## FRANCONI BURGERSDICIO

*Philosoph. naturalis Professori*

S. P. D.

Eodem.

PARanti ad te literas, nihil occurrebat, præter solennia, & proletaria epistolarum argumenta, cum eccè in manus mihi veniunt tuæ, suprâ quam dici potest grata, atque accepta. Tarditatem earum frustra excusas, præsertim apud me qui amicorum in amore constantiam, non literarum reciprocatione, quam interdum diligentius præstant, qui minus amant, sed re & factis metiri soleo. Satis mihi & voto meo, si non detrectas veterem tui cultorem in album tuum adscribere, & in intimam recipere familiaritatem. Nam scriptionis officio paria ut facias mecum, nec graves tuæ ferunt occupationes, nec æquus sim si postulem. Quanquam hanc nobis spem facit humanitas tua, quæ decus, & condimentum est cæterarum virtutum. Sed quò liberalior es ultrò, in iis quæ vix sperare audebam, tantò mihi impensius cavendum ne in appellando, importunior videar. Laudes quas plena manu in me cumulas audio, in animum non admitto, assensusque mei suffragium iis impartiri, verat agnata mihi verecundia, quæ tenuitatis meæ probè conscia, ea quæ aliorum mihi tribuit affectus, si optat, certè non sperat. Interim animum mihi addi fateor, ut talis esse contendam, qualem me dicis: hæcque ipsa & amo & accipio, *ἐχ' αἰς μαρτύρια, ἀλλὰ κέντρα. ὥστε τ' αὐτόματον ἐν ἡμῖν πορὸς ἀρετὴν καὶ παιδείαν ὁρμῶν ὅτι πλέον προσηκόντων καὶ ἐξελείπειν.* Unum hoc addam nihil esse quod me æque affecerit, quàm quod extuis intellexerim, benè apud te aliosq; tui ordinis viros, audire scholam nostram. In quo ut seriò desudo, nec ulla me laboris hæcenus subiit pœnitudo: ita mihi gratulor non infeliciter

liciter eum impendi liberalium ingeniorum institutioni. Nihil profecto antiquius mihi, nihil animo meo sacratius esse potest, quàm iis formandis operari, quos Reipublicæ crescere, aut Ecclesiæ certum est. Utinam parentum hîc cura & labor, nobis venirent suppetias! Sed heu tempora! & ubi sumus? inter quos patres vivimus? quanta nunc matrum indulgentia, in liberos quos affectu necant, ut simia complexu catulos? Quanta in utriusque educationis incuria? quot profulgata vitæ exempla, in iis quas monitis, dictis, factis, juventutipræire oportebat, & ab ipsis incunabulis virtutem instillare? Totidem mehercule ad bonam mentem euntibus obices, ac repagula. nam ut

—— *levis ante corrigi*

*Mox pravitate post inemendabili*

*Curvatur arbor: sic ager pueritiæ,*

*Cum cura defit, asperos mores gerit,*

*Nullis deinde cultibus domabiles.*

Quin & parentum exempla imitati mores eorum in se transfundunt, quos nequitia doctores habuerunt, adeò ut

*Si damnosa senem juvat alea, ludit & hæres*

*Bullatus, patriq; eadem movet arma fritillo.*

In tanta morum licentia, tam affabili parentum odio, & blanda in liberos crudelitate, omnia in ruinam subministrante, quid subit mirari, si rarus sit ad sacra musarum tendentium numerus, & rarior eorum qui tyrociniis probe defuncti, Academiam affectant? Si claudicantibus in hoc literarum, & virtutis calle, tum parentibus, tum liberis; etiam in multis claudicet, hoc est mutila, manca, imò, irrita sit, & penè nulla institutionis nostræ cura? Si denique omnia in pejus ruere videmus ita ut ipsa si velit salus, rebus pene desperatis opitulari non possit. *Mollis enim illa educatio quam indulgentiam vocamus, lena quædā generis humani, ac lerna, nervos omnes & mentis & corporis frangit.*

*Quid non adultus concupiscet, qui in purpuris reperit? Nondum prima verba exprimit, & jam coccum intelligit, jam conchylum poscit. Ante palatum eorum, quàm os instituitur.* In hoc ævum nati, in hanc sortem sumus, nimia parentum indulgentia, quæ primos annos deliciis immergit, neque torpentes, unquam permittit ad meliora erumpere. Sed hæc queri, mihi satis; quod enim tollere non possum, tolero. Sicut qui è littore periclitantem in alto navem, videt, miseratur, & votis adjuvat, nec se tamen in mare præcipitat: tale nobis favere juventuti, & ubi fas est juvare, promovere, ad metam ducere; cum non, tolerare. Fluvii enim mediocribus sua sunt litora, & crepidines, at violentiori aquarum diluvio, qui aggeres resistunt? Sed heus mihi Burgerisdici, est quod tibi in aurem. Logica tua hîc in pretio est, & in Examine, publicum solet esse diligentia præmium, ituris ad primam classẽ: nec minori à me doceri affectu, quàm à Scholæ quatuor-viris decerni. Hoc tantum discrimine, quod alibi sola, hîc juncta nostræ, soleat inculcari. Quam ἀναγκλίαν si ita appellanda, rogo ne gravius feras in eo qui jam ad metam it, quique suis, ita jam pridem assuevit, ut agrè hanc mutaverit docendi rationem. Quid quod, & hanc juventuti expedire censeo, si quæ in me desiderantur compendio, ex tua Institutione, tanquam ex uberiore penu suppleantur, & primis solidiora sensim admisceantur tyrociniis. Curatores quoque honorificè de te quotquot sunt, sentiunt, adeò ut in neminem minus, quàm in te quadrare videatur illud Christi *περὶ πάντων ἐν ἰδίᾳ πατερίδι πικρὸν ἔχειν*. Delphis hoc tibi dictum crede, & dicentem ama. De reliquo, contemnendi sunt futiles rumusculi, eorum qui etiam optimè dicta, aut facta detorquent in calumniam, dum publicis rationibus consulatur, & eorum utilitati, quibus labores nostri, curæ & studia devota. Publica quid? Sunt qui pacem, sunt qui inducias loquuntur: & cò jam propen-

propendere, primariæ aliquot dignitatis viros. Si quid mei iudicii est, Halyconia fore suspicor, & per inducias tranquillitatem. Deus faciat, ne sit infidiosa, & concieat majores tempestates. Sed quid ego hæc? apud me maneo,

— *nec arcanis minorem*

*Consiliis animum fatigo.*

Vale vir clarissime, cum uxore lætissima quam animitus saluto, & me dum vivo, tuum ama. Delphis prid. Kal. Aug. M. DC. XXXI.

## JANO GROENWEGIO

*Reipublicæ Delphensi à Secretis S. P. D.*

**Q**uid istud est *ἡ αἰδέσις αὐτοῦ, καὶ λογιστὰ;* Prior me appellas, prius etiam indubiè, si materies fuisset, & quasi benè velle parum sit etiam facis. Dicit hoc munus tuum literarium. Egone aut mea tanti, ut & mihi quoque nihil tale commerenti, favoris tui aura sic ultrò, sic benignè adspiret? O pectus benevolum! & cui quid, aut quomodò respondeam? quibusque verbis gratias agam pro tam eximio dono, nullus hercule reperio. Sed voluisti humanitatis, & affectus tui in me exstare documentum. Cujus in animo habebit memoria, quādiu ego in terris, & ingratus sim, nisi per mihi gratum, quod à tam docta manu. Maeste, maeste hoc animo vir magne! & ingenii tui monumenta quæ premis adhuc, prome: ut quæ silentii tenebris involuta hætenus fuère, lucem videant, & in scenam producta, nomini tuo litent & honori. Quò candidæ famæ quadrigis subvectus, quā patet Musarum imperium, &

— *quæ Sol habitabiles*

*Illustrat oras,*

*Sublimi ferias sidera vertice,*

doctoque huic seculo inclarescas, stirpis tuæ, patriæque urbis decus, & ornamentum.

*Paulum sepulta distat inertia**Celata virtus :*

Sic celata plus nimio doctrinæ monumenta. Cui enim dubium esse potest, virum tot laboribus exantlatis in literatura, linguis, historiis, civilis prudentiæ studio; cujusque omnes adhuc curæ, cogitationesque his devoventur, non aliquid meditari, & moliri, quod in seculum, & seram posteritatem ire possit? Proprium nempe hoc Sapientiæ est, & veræ eruditionis, non tam sibi sapere, quàm aliis, & publicæ magis consulere utilitati, quàm privatæ: non aliter quàm arbor pomis grvida, quæ ramos demittit, & quasi invitat ad carpendum. καὶ τὰ ἐστὶ τὸ ζῆν, ἔχ' ἑαυτοῦ ζῆν μόνον. Non alia mihi de te mens. Et spem facit nupera illa tua editio Taciti (quanti in historia Romana viri!) quem docta tua versione, etiam ab indoctis legi voluisti, & ab iis teri, qui in historiis Latinè aut Græcè scriptis nihil vident nisi aliorum oculis, & veluti per transfennam, alienæ interpretationis. Laborum tuorum hic prodromus, graviora mihi spondere videtur & majora, si ex auctoris præstantia capienda sit conjectura. Quid enim Tacito tuo gravius, quid sublimius? Ut perfectionis numeros omnes implèsse videatur unus, & quæ in aliis singula, in hoc reperiantur universa. Nihil enim in eo humile, aut jejunum. At contrà dictio ejus mascula, sententiosa, interrogationes acres, narrationes didacticæ, recta ubique ejus in civilibus monita, jura gentium, mores hominum, ritus, consuetudines, leges sine gratiæ aucupio, sine metu offensionum, ad amussim descripta. Imperii arcana, admirando ubique acumine scrutata. Principum consilia testata, & detecta, quæ judiciosè passim ad virtutem ducit, & prudentiam, illam vitæ magistram, & moderatricem humanarum actionum. & quemadmodum in magna aliqua viri prudentis familia, nihil extrà usum, & necessitatem reperitur: ita rebus ipsis tota hîc accommodata



data oratio, cui prudentiæ interioris scita, passim intexit. Stilus concisus, & gravis, in quo res cum verbis, verba certant cum sententiis. Qui lectorem non ducit modò sed trahit, imò rapit vel invitum, & sibi immorari cogit, ne dicam immori. Ita nihil illum latuit, nihil fugit, quod aut non callidè observarit, aut non felicissimè expresserit. Verbo. Oracula velut è tripode depromit: quæ non aliter quàm fulmen aliquod lectoris animum, præsertim in republica versatum percellunt. Dignus qui historiæ, & doctrinæ causa, linguæ, & antiquitatis legatur. Quid etiam? Dignus qui manibus eorum teratur, quorum nutu terræ, ac maria reguntur; Regum dico & Principum, aut certe eorum qui proximi Regibus majori auspicio Remp. administrant. Videliteratorum turbam omnem, & dices: *Quis* eo plures admiratores habuit, quis doctiores? *Quem* majori prosecuti sunt reverentia, non Senatus solùm & Populus Romanus: sed & Imperatores ipsi, qui amplissimis eum auxerunt honoribus; Titus, delictum illud generis humani, quæstura, sive ut aliis placet Ædilitate; Domitianus Prætura; Nerva Consulatu, adeò ut nemo etiam doctorem hodie sit, qui hunc historicorum principem, ac principis gentium Romæ augustorumque Principum augustissimum scriptorem, legendum sibi non delingat, delectum non diligat, dilectum non amet, lustret, illustret. Et utinam plures tales nobis dedisset Antiquitas! Sed parca hic si usquam Naturæ manus. Quæ si virum magnum Orbi dederit, pro mille annis imò seculis, semel nec ultrà, dilargitur. Ut quò rariora hæc sunt ingenia, eò impensius eximia illa Naturæ καμήλια veneretur posteritas. Sic unum in Mathesi admiramur *Archimedem*; unum in Philosophia *Platonem*; in Poësi *Homerum*; in eloquentia *Ciceronem*; in Medicina *Hippocratem*; in historia, quæ testis temporum est, & meritorum arbitra, *Tacitum*. Amplius dicam. Ut unum in cœlis dedit

Solem : sic unum in Terris T A C I T U M , nunquam Tacitos datura amplius ( si quid auguror ) nunquam paritura. Lucubrationum certè tuarum , & laborum primitiis dignius obvenire non potuit argumentum , nec generosæ tuæ indoli convenientius. Quæ à civilis illo prudentiæ magistro , & nunquam tacendo Tacito , tantò redit exercitior , quò altius in ejus adyta penetravit. Perge modo , & Cornelianum hunc Campum decurre magis ac magis , quà vertendo , quà commentando , & nitori suo , quo temporum injuria excidit , restituendo , Historicorum illum ( verè dicam ) non antesignanum , sed Dictatorem , & virum suprà omnem prudentiæ humanæ aleam positum. Qui veræ sapientiæ assiduo cultu , à tribunali ; à sella curuli , longo rerum usu instructum animum jam senex ad Annalium commentationem appulit. Scriptor mente magis , quàm lingua copiosus , & sententiarum non mole , sed pondere æstimandus ; ut non alibi instructior politicæ prudentiæ sit officina , qui cum finius ferè Imperii res contineat , universi tamen generis consilia expendit. Ætas tibi jam matura , ingenium ultro in authorem propensum , judicium defæcatum , industria indefessa , πολυτοξία insignis , otium etiam & supellex libraria ad votum , id est omnia quæ ducere te ad alta , aut ad summa possunt. Fruere modò & ad posterorum memoriam , viam tibi para , nulla mortalitatis , nulla temporum injuria præcludendam. Hic doctorum finis esse debet , & scopus. Ut enim in publicam viam omnes semitæ conveniunt : sic scribentium studia , in communem generis humani usum. Quamquam quid valde iis apud te opus , promptum satis & erectum ? Sed ut equum concitat in cursu plausus ; sic generosam indolem , laudes , & suffragantium amicorum stimuli ad virtutem. Ignosce si familiarius apud te loquor : Amoris est , qui firmus in pectore hæret , & ab eo nunquam exulabit ; & te , qui tuum aperuisti , eodem horror.

hortor. Vale, Vir clarissime, cum tua, & tuis *eis*  
*αἰώνας* Datum Delphis. prid. Kalend. Augusti  
 M. DC. XXXI.

GERARDO SGRAEFWEGIO JC<sup>o</sup>.

S. P. D.

Hagam-Comitis.

**O**ccupationibus factum est meis, mi Sgraefwegi, quod aliquandiu nihil ad te dederim litterarum, & præter officiosam salutationem, non viderim. quid aliud esset magnopere scribendum. Ideò in paulò liberius ocium, negotiolum hoc distuli: atque eò confidentius, quod ut animus mihi tuus abundè perspectus est; ita de meo erga te, nihil te arbitror dubitare, nec sequius quidquam ominari. Neque enim sic amicitia incundæ, ut neglectu litterarum, obliterari possint aut tolli. Altius in utriusque nostrum demissa est animus, candida illa, non fucata, & à multis annis contracta necessitudo, quam ut à tam levi causa torporem patiatur, aut frigus. Præsertim cum te ita in oculis feram, ut iniquum imò prodigium pene foret me Sgraefwegii mei unquam, oblivisci. cujus mores facti prorsus ad genium, & ad morem omnium bonorum. Pergratum mihi, te & Cabeliavium nostrum valere. Utinam de me id dicere liceat, ita nuper dejecto, violento alvi profluvio, ut gravioris morbi præludium esse videretur; aut corpusculi hujus ruinam minitari, Caniculæ furor, & torrens illa Hora, nisi frequentes illæ, & immoderata sedes subito resedissent. Meliusculus jam esse cœpi Dei gratia, etsi vires non recepi. Brevis enim illa concussuncula, ita me vacuum earum fecit, ut ægrè me recolligam. Sed ita Deo visum exercere suos, & per dura, ac aspera ducere paulatim ad metam. Quid nobis aliud ægritudines, & morbi, quam mortalitatis magistri, qui vasa colligere, deque abitu cogitare

nos mōnent, & jubent; In hanc sortem nati sumus, jactari in hoc mœrorum pelago. Vita enim nostra quid est, aut quid in ea amœni? Qui benè de ea sentiunt, cum Ludo comparant; qui melius cum palæstra, aut ergastulo; qui severius addo & verius, cum carcere, aut custodia. A natali nostro die si intuemur, gemitus sunt, & lamenta, & unusquisque nostrum cum nascitur, & hospitio hujus mundi excipitur, initium sumit à lachrymis, & quamvis omnium nescius, & ignarus, hoc unum in prima illa nativitate novit, flere, & vagire. Et cum grandiores eorum pudet, quid nisi curæ, sollicitudines, suspiria, implexa laborum, molestiarum, anxietatum series. Quis dies in ea latus, aut hora, cui non denæ aliæ succedunt, tristitiæ plenæ, ac doloris? Imò quid in ea tam optabile est, quod non mixtum poculo aliquo mœrorum? Sicut in mari etiam extrà tempestatem, & procellas, fluctus semper, & undæ: Ita in tristi hoc vitæ salo, turbæ semper, & motus: etiam cum non angores, & lamenta. Adversus ea omnia firmandus est animus, & inter tot turbas, & vexatiunculas, expectandus fatalis ille dies, qui de summa vitæ fert sententiam: & qui æterni natalis, malis nos omnibus eximet, emensoque peregrinationis nostræ cursu, patrio nos tandem solo, à quo exulamus, restituet. Non alia mihi amicorum intime, mens est. Didici quippe, Deum sequi, & cum per morbos, & ægrotudines, ad se vocat, alacri gradu, imo cursu eò ire. Quid enim hæc vita, nisi via cujus finis, à summo illo finium fine? Quid nisi statio, in qua tantisper collocatis, est consistendum, dum summo illi Imperatori visum? Circumstant interim me mala, aut minantur? Ingruunt etiam, & premunt? munitus & clausus contrà externa, intrà me maneo: à curis omnibus securus, præter unam, ut fractum, subactumque hunc animum, Deo subjiciam, & animo cæteras res humanas. Externa enim ea esse scio, nihilque ad felicitatem hominis,

nihil

nihil ad tranquillitatem conferre. Quæ in animo, ac ratione sapientis, non arcæ divitis, quærenda sunt, & quæ nulla armorum vis, nulla victoris insolentia, sapienti extorquebit unquam. Qui invitus nihil sentit, & ut in prosperis non effertur; ita in adversis non metuit, pallet, trepidat. Sed ut nimbo ingruente, sub tectum confugiunt, qui in via: Sic ille in malis, ad Sapientiæ hanc arcem, quæ nullis reffantis fortunæ machinis, concuti potest, nullis subruï. Sed hæc hætenus. Angustiis enim temporis excludor, quo minus stilo licentius indulgeam. Amo, amo te mi Sgræfswegi, & probitatem tuam, ac ne longius diffundar,

— σέθεν ἐκ ὀπλήστομα ὅρρ' αὖν ἐζωγέ  
Σωῆσιν μετίω, καὶ μοι φίλα γένατ' ὀρρόρει.

Vale & me tuum cense. Delphis Kalend. Aug. M. DC. XXXI. Literas \*\*\* inscriptas, fidei tuæ, & curæ committo; fac brevi eas teneat, videat, legat.

\* \* \* \* \*

*S. dico, & felix iter precor.*

Ultrajectum.

**S**OLVO debitum. & ad tuas respondeo. at cur non citius inquires? in causa fuerunt, cùm occupationes meæ solito importuniores, quæ velut venti, subitas cogunt nubes, cœlumque obducunt, tùm invaletudo, ex acri & pertinaci diarrhœa, quæ ita me fregit, attrivit, dejecit, ut virium planè, vacuum me fecerit. Meliuscule nunc quidem valeo, sed ambiguè. Sto, eo, ambulo, sed ut pueri, qui parum adhuc firmi, itantes vacillant, & vel minimo impulsu cadunt; ita delinquo viribus, & nec animus munia sua satis usurpat. Sicut in cithara nervis detritis, aut dissidentibus, artem non exferit artifex, & ab instrumento vitiato, vitium capit: Sic animo huic fit. Quid faciam? Feram, & Deo securus vitæ, aut fati eventū, & me permit-

tam. Nam aspera illa quæ nobis suggerit, aut ingerit Divina illa mens, exercitia sunt animæ, & morborum animi remedia, sensu tristia, re salubria & eventu. Sed seclusis ambagibus ad tuas literas. In \*\* cogitare te video, & jam esse in prociñctu. Iter tuum, cum molestiarum, tum periculi plenum, velim tibi bene, ac feliciter evenire. Certè necessitatem hanc tibi imponi, doleo. Sed quid agas? Serviendum nonnunquam, & rationi temporum, & eorum voluntati, quorum tibi imprimis captanda est benevolentia: & qui dum filia suæ rem agunt, etiã tibi, per eam prospectum eunt. Quàm dura nunc sint tempora, imò ferrea, ipse vides; & quam lantos exposcat reditus, liberalior *Oeconomia*, & rei familiaris administranda ratio, in statu conjugali. Quo vitæ genere, ut amœnius nihil, aut suavius excogitari potest, cum

*— nos liquidus fortune rivus inaurat,*  
laremque nostrum ille beat imber, qui fluxit in sinum Danaës: ita contrà nihil tristius, quàm si ingenuis, & cordatis, sordidius, aut æquo parcius sit visitandum, & proles generanda in spem esuritionis. Ut mirum nemini esse debeat, generosos Patresfamilias, huic uni curæ incumbere, in elocandis liberis, ne curæ nimis supellectilis

*dedecorent: bene nata, culpa.*

Non quod in divitiis summam humanæ felicitatis ponam; sed quod vita beata consistere nequeat, in incommodis nummaria difficultatis. Imò *καλὸν τὸ μὴ ζῆν ἐστὶν, ἢ ζῆν ἀθλίως*. Et tute, etiam me tacente, satis intelligis, quàm parum ex usu utriusque foret, *τὸν λιμὸν καὶ τὴν πείναν* infelici contubernio sociari. Consilium quod à me postulas, ut negare non possum amico flagitanti, nec si velim debeo, ita me diu suspensum tenuit. Varios enim, rebus sic intricatis casus, quis ita acutum vider, ut prævidere possit aut augurari? Non semper profecto, & ubique dies est: interdum quoque vel lyncei cæcutiunt. Itaque sub manu nasci consilium

lium sæpenumero oportet : Unum tamen tibi suggeram utile , præ aliis , ac salutare , ut in hoc rerum statu æstus animi tui coërceas , & præcipientes motus , ne te impediant , quò minus quid in quaque re faciendum sit , dispicias. Δύο γὰρ ἐναντία τῇ εὐεχρίᾳ , τὰ χόλε τε , καὶ ὀργή. præcipue autem ira , quæ non distat à furore , nisi temporis exiguitate , & pessimum est recta suadendi instrumentum. Nemo enim simul affectui & rationi paruit ; nec diligenter quicquam in fluctu cernitur. Sunt quibus omnia lutei coloris apparent , quacunque oculis observantur , propter læsam videndi facultatem : similiter ii haud facile verum examinant , quibus semel mentis offensa aciem perstrinxit ; sed perinde res æstimant , ut suadet opinio , quam penitus animis imbiberunt. Et ut oculus in quem humor illapsus est , parum clarè videt ; sic mens in quam affectus. Si perturbati , & tumultuantes , mentem & iudicium adimunt senibus , & longo rerum usu exercitatos , de prudentiæ , ac tranquillitatis statu dejiciunt ; quanto magis te , & tui similes , in quibus ætas non satis defæcata , affectuum violentiorum pabulum esse solet ? Quocircà quandocunque te præcipiti torrentis hujus æstu non trahi solum , sed abripi senties , si non illicò resistas strenuè , scito nihil dicturum te , & facturum , cujus non te mox pudeat , ac poeniteat. Sin te , pulsa perturbatione ad mentem , & rationem revocaris , omnia ages , & tuo , & aliorum calculo dignissima. Affectus verò potissimum reguntur patientiæ , & æquitate animi , ut , quandoquidem in mediis negotiorum fluctibus , sæpè non ante prævisorum casuum procellis , homini est conflictandum , nec omnia ex voto & voluntate nostra cedunt , inter tot hominum , quibuscum nobis res est , heteroclita capita , sententias , ingenia , mores , arbitremur non omnia sicuti cupimus , non omnia sicuti censemus , oportere ; sed regere Deum cuncta ; magno consilio , occulto nobis , sibi cognito. Si te jam nunc compa-

tam. Nam aspera illa quæ nobis suggerit, aut ingerit Divina illa mens, exercitia sunt animæ, & morborum animi remedia, sensu tristitia, re salubria & eventu. Sed seclusis ambagibus ad tuas literas. In \*\* cogitare te video, & jam esse in prociñctu. Iter tuum, cum molestiarum, tum periculi plenum, velim tibi bene, ac feliciter evenire. Certè necessitatem hanc tibi imponi, doleo. Sed quid agas? Serviendum nonnunquam, & rationi temporum, & eorum voluntati, quorum tibi imprimis captanda est benevolentia: & qui dum filia suæ rem agunt, etiam tibi, per eam prospectum eunt. Quàm dura nunc sint tempora, imò ferrea, ipse vides; & quam lantos exposcat reditus, liberalior *Oeconomia*, & rei familiaris administrandæ ratio, in statu conjugali. Quo vitæ genere, ut amœnius nihil, aut suavius excogitari potest, cum

— *nos liquidus fortune rivus inaurat,*  
laremque nostrum ille beat imber, qui fluxit in finum Danaës: ita contrà nihil tristius, quàm si ingenuis, & cordatis, sordidius, aut æquo parcus sit visitandum, & proles generanda in spem esuritionis. Ut mirum nemini esse debeat, generosos Patresfamilias, huic uni curæ incumbere, in elocandis liberis, ne curæ nimis suppellectilis

*dedecorent: bene nata, culpa.*

Non quod in divitiis summam humanæ felicitatis ponam; sed quod vita beata consistere nequeat, in incommodis nummaria difficultatis. Imò *καλὸν τὸ μὴ ζῆν ἐστὶν, ἢ ζῆν ἀθλίως*. Et tute, etiam me tacente, satis intelligis, quàm parum ex usu utriusque foret, *τὸν λιμὸν καὶ τὴν πείναν* infelici contubernio sociari. Consilium quod à me postulas, ut negare non possum amico flagitanti, nec si velim debeo, ita me diu suspensum tenuit. Varios enim, rebus sic intricatis casus, quis ita acurum videt, ut prævidere possit aut augurari? Non semper profecto, & ubique dies est: interdum quoque vel lyncei cæcutiunt. Itaque sub manu nasci consilium



lium sæpenumero oportet : Unum tamen tibi suggeram utile , præ aliis , ac salutare , ut in hoc rerum statu æstus animi tui coërceas , & præcipientes motus , ne te impedian , quò minus quid in quaque re faciendum sit , dispicias. Δύο γὰρ ἐναντία τῇ εὐεκαίᾳ , τὰ χόρος τε , καὶ ὄργη. præcipue autem ira , quæ non dicitur à furore , nisi temporis exiguitate , & pessimum est recta suadendi instrumentum. Nemo enim simul affectui & rationi paruit ; nec diligenter quicquam in fluctu cernitur. Sunt quibus omnia lutei coloris apparent , quæcunque oculis observantur , propter læsam videndi facultatem : similiter ii haud facile verum examinant , quibus semel mentis offensa aciem perstrinxit ; sed perinde res æstimant , ut suadet opinio , quam penitus animis imbibebunt. Et ut oculus in quem humor illapsus est , parum clarè videt ; sic mens in quam affectus. Si perturbati , & tumultuantes , mentem & iudiciū adimunt senibus , & longo rerum usu exercitatos , de prudentiæ , ac tranquillitatis statu dejiciunt ; quanto magis te , & tui similes , in quibus ætas non satis defæcata , affectuum violentiorum pabulum esse solet ? Quocirca quodcumque te præcipiti torrentis hujus æstu non trahi solum , sed abripi senties , si non illicò resistas strenuè , scito nihil dicturum te , & facturum , cujus non te mox pudeat , ac poeniteat. Sin te , pulsa perturbatione ad mentem , & rationem revocaris , omnia ages , & tuo , & aliorum calculo dignissima. Affectus verò potissimum reguntur patientiæ , & æquitate animi , ut , quandoquidem in mediis negotiorum fluctibus , sæpè non ante prævisorum casuum procellis , homini est conflictandum , nec omnia ex voto & voluntate nostra cedunt , inter tot hominum , quibuscum nobis res est , heroclitia capita , sententias , ingenia , mores , arbitremur non omnia sicuti cupimus , non omnia sicuti censemus , oportere ; sed regere Deum cuncta ; magno consilio , occulto nobis , sibi cognito. Si te jam nunc compa-

compares, & decretissimum apud te sit, non commoveri, sed patienter, infractoque animo perferre quicquid acciderit, quantis te expedit curis, quantis tristium cogitationum chimæris! sin adversos casus impatienter feras, & te affectibus, dolori, indignationi, melancholiæ, liberalium ingeniorum pesti, regendum permittas, miserrimam tibi fabricabis vitam, & tuis, thalamique consorti, intolerabilem. Suspicio insidet animo? exime. nam multi fallere docuerunt, dum falli metuunt: & aliis jus peccandi, suspicando fecere. fideles si putaveris, facies. Injuria te affectum credis? cave te ipsum vindices, sed præcipites animi motus sufflamina, illudque poëtæ impressum pectori habe,

Ἐστὶ δὲ κινεῖς ὁρθαλμὸς ὅς τε πᾶνθ' ὁρᾷ.

& qui ad has angustias nos redigit, ut liquidius appareat illius & sapientia, & bonitas in opitulando. Vides quàm liberè tecum & amicè. Sed & hæc vir clarissime credito tibi dicta Delphis, non à Crucio, sed ab oraculo: & si te amas, & me, altè, altè (inquam) in animum tuum descendant hæc monita, & in hoc curarum, atque agritudinum pelago, te in tutum tranquillitatis portum deducant. Cum utroque parente tibi res est. Ut uni placere debes, sic nec alteri displicere. In utriusque vel alterutrius faventia, aut alienatione res tuæ stant, aut cadunt. Hic tum auribus lupum tenes, & inter sacrum versaris, & saxum, quid consultius, quàm utriusque gratiam demereri? Illius, monendo, rogando, supplicando, ut dotem promissam præstet, & non audiendam solùm, sed videndam, imò tangendam offerat ei qui hoc unum, utriusque vestrum bono, impensius nunc urget. Hujus, omnis obsequii, & comitatis officiis, magis magisque tibi devinciendo, ut probata tua, etiam in adversis animi patientia, æquitate, modestia, perspecta quoque amoris tui constantia, te dignum familia sua generum aliquando complectatur.

tur. Sed & in his, ἐυκαρίας, & commoditatis articulos aucupare, ne præ studio quid offendas. ἐν γὰρ τῷ χαρῶς, τῷ περὶ εὐεργεσιῶν ἐνέργεια. Et ut pictorum tabulæ, certo loco positæ delectant, eademque bono minus lumine constitutæ, non item eorum qui spectant oculos tenere solent: sic actiones nostræ, mirum, quantum opportunitate commendentur: ut interdum plus in tempore, quàm in ipsa re; plus in silentio, quàm in motu, positum esse videatur;

*Assai domanda chi ben serve è tacia.*

Quid quod ut artis est, obsecundare tempestati, quum adversantibus ventis, gubernator rectum cursum tenere nequit: sic providum quemque, & cordatum temporibus interdum assentiri oportet, nec præfractè niti adversus eos, quorum æquè interest providere, ne quid capiat detrimenti. Quid amplius? nihil nisi ut animum ad hilaritatem componas, moerorem dissimules, diæteria ex transverso, interdum ut solet, jacta, Stoico stomacho digeris, & obliquos calumniæ ictus virtute mascula avertas aut eludas; aut si rectà, & impetu ferantur, frangas & retundas. Sed & ὁ κύκλῳ τὰ ἀνθρώπινα,

*Nec si malè nunc, & olim*

*Sic erit. —*

Imò nimbi hi & nebulæ serenitatem imminentem (ut res sunt humanæ) præfagire videntur. Tu interim fluctuantem animum firma Sapientiæ ac rectæ rationis saburrâ, & ad omnem statum te forma: dum superatis tandem omnibus constanti animo molestiis, exclamare tibi liceat, vera magnaque voce

Εὐτυχον κακόν, εὖρον ἀμετην.

In quo voto finio; Deumque rogo ut te euntem in terras quas interfusis æquoribus abjunctas, natura determinat, comitetur, protegat, servet, & curatis feliciter, à te curandis, reducem te nobis, &

& incolumem sistat. Vale charissimum mihi caput, iterum dico vale, & quando ita in fatis, abi, perfice, redi, ut in solido locatus, pulchrè aliquando stare possis tibi, & tuis.

Delphis Kal. August. M. DC. XXXI. Luculentum \*\*\* procerum vidi & legi testimonium, quod valde amicè perhibent, de antiqua, & nobili \*\*\* prosapia. Felix qui de avitis virtutibus stirpisque insignibus gloriari potes, sed felicior qui de tuis: felicissima autem familia in qua ut majores generis splendore nepotibus prælucent; sic nepotes majorum virtutibus non cedunt. Calcâr tibi ista sint ad honesta, sublimia, generosa, ut non minus eruditionis & virtutis fama, nomen \*\*\* inclarescat, quàm longa serie imaginum, & titulorum. Ignobiles enim verè illi *Nobiles*, qui nihil lucis habent, nisi à luce *Majorum*. Tu si me audis, lucem à te quoque adfer, ad claram illam lucem.

*Nam genus, & proavos, & quæ non fecimus ipsi,  
Vix ea nostra voco. —*

& ea quære, unde verum decus, vera nobilitas emanat, Ita fiet ut quantum ad splendorem domesticum, sua virtute addidit pater, tantum ipse ad paternum decus, voluntate nunc simillimus, virtute aliquando præstantior, adjungas. De *Turetino* quid? è vivis excessit, & magnum seculi ju-bar extinctum est.

J O H A N N I C R U C I O *Eccles.*

*Harlemens. Pastori Salutem, &*

*Amorem nuncio.*

Harlemum.

**R**Ediimus salvi, & incolumes domum, in qua omnia etiam salva. Diarrhœa illa vehemens non remisit solum, sed dimisit. Abeunti laciniam, fateor non tenui, nec penulam scidi. *ὕμνησεν γὰρ αὐτοῦ. καὶ οὐκ ἐν τῇ σκηνῇ.* Nihil nobis sa-  
lute

lute antiquius esse debet, nihil vita. Nam bene vivere, nisi vivat, quis potest? Meliusculus nunc sum, & paulatim me recolligo. Sed quis scit, quamdiu me qui jam ad metam eo, melioris hęc valetudinis afflabit aura? Ita enim nati sumus, ut alternis hęc eant, & redeant vicibus: quia catenata inter se, & casum excipit casus, morbus morbum: & ut mare raro quietum est, ventos plurimum & sæpè procellas habet: sic vita. Beati qui hęc sapiunt, & memores mortalitatis suę, multò ante æternitatem commentari, & mori discunt, quàm moriendum est. Similes navi quę onusta, & in procinctu, primo vento, abitum parat: & captivo qui solem per obscuri carceris rimas, veluti per transennam conspicatus liberationem suam avidè spirat, & sperat. Nam quid hęc vita, nisi instabile stabulum, nisi carcer, cujus tot sunt vincula, numellę, compedes, quod in ea delitię, & blandimenta intra nihil habentia fronti suę simile? Quę animam affigunt humo, donec custodię hujus fractis tandem morte repagulis, ad æternas illas sedes evoleret, eterna felicitate eternum, & liberè fruitura, in ea vita, quę nec temporum spatiis, nec beatitudinis modo circumscribitur. Rumores hęc sunt de captura *Tamarica* à nostris: sed nihil de ea adhuc certi. Quāquam spem mihi faciunt hi prodromi nuncii, fore ut seriò surgant res nostrę *Indicę*: quas jacere jam multorum est sententia, ne dicam votum. Hęc nempe etiam in magnis rerum humanarum vicissitudo est, tolli, deprimi, & dubiis tandem auctibus stabiliri. Sic *Marinus* sexto consulatu mendicabat, septimo imperabat. *Scipio Asina* ex consule captivus, ex captivo consul factus est. Idem hic liceat ominari. Desperatio plumbeorum quorundam capitum magnę mihi spei causa est, & quò acriora sunt multorum in hanc *Societatem* odia, eò felicius promotum iri confido, & vel pallente invidia seriò aliquando triumphaturam. Vale amicissime

me

me cognate. Ne enim plura, tempore excludor. Interim me, dum vivo, tuum ama. Plurimum salvere jubebis ocellum *Gratiarum & Musarum*, Amplingium. Swalmius etiam quem plurimi facio, ne abeat insalutatus. Raptissimè, Delphis 3. nonas Aug. M. DC. XXXI.

## HENRICŌ GELDORPIO

*Eccles. Amstelod. Pastori*

*S. P. D.*

Amstelodamum.

Q uod tardius, vir clarissime, ad tuas, respondeam importunis meis in hoc pulvere, negotiis imputa, quæ ita me districtum habent, ut pene mei cogar ipsius oblivisci. Interim quàm me affecerint haud facile dixero: tum quod natæ in candido hoc amicitia solo, tum quod insignes notis altæ indolis; & suprâ vulgum exsurgentis. Nihil dabo auribus tuis, sed gloriari ausim, te fere unum esse, in quo & naturæ similitudo, & morum germanitas, affectum meum ita traxit, ut nemini mirum esse debeat, si præ aliis multis, te amem: qui virtutem, & doctrinam eximie collis, & quam in te habes, in aliis excitas. O utinam plures in urbe tua patria, æmulentur hoc exemplum. Semper mihi amata, ob civium ingenium natura rectum, probum, virtuti amicum, & quod caput, *Religioni*. Mores communes si video, non solet, præsertim inter *Mercuriales*, quibus fere una cura est ditescere & litare *Lucris* suo deo. *Polyptis* similes, stupido alioquin animali, sed qui in captandis conchis, incredibili utitur solertia: ita illi quidquid uterque *Indus*, *Arabs*, *Tagus*, *Nilus*, *Tiberis*, *Danubius*, *Rhenus*, *Tamesis*, *Moschus*, *Iber*, *Sequana* divite producit sinu, quidquid Oceano, insulisque omnibus natum, non minori studio, quàm periculo conquirunt: Et ad solum quæstum suum sapiunt, alibi nempe in iis quæ ad *Monet am* non faciunt, pecudes meræ. O curas, ô occupatio-  
nes

nes hominum! interea vita labitur, & tales isti nunquam, aut raro, quid sit verè vivere, nisi cum desinunt, vident. Sed apud vos, & vestros, quanta in *Veritatem* illam coelestem propensio? quantus Religionis amor? quanta fidei orthodoxæ levato *Opinionum* velo contemplandæ, ac tuendæ cura, ne quid detrimenti capiat? aut de puritate ejus quidquam decedat? Etiam in summo contentionum æstu, & partium in eam sævientium, imaginario triumpho. Ita nempe Deo visum exercere suos, & accensam Veritatis facem agitare, dissensionum flabris; ut eò clarius splendescat, quò densioribus errorum tenebris, & caligine circumfunditur. Palmæ similis quæ oneri non cedit, nec intrà flêctitur, sed contra pondus assurgit. Et ut flamma firmior non erumpit unquam sine fumo: sic nec illa sine nube, & nebula aliqua livoris, aut calumniæ. Hoc si omni ævo, qui non isto factionum, & partium pleno, & cum inferorum carceres aperti, ad convitiandi licentiam, obtentu, & velo pietatis. Nunc enim si unquam impunè grassatur illa *Erynnis*, admissisque equis lascivit, & currit ut in suo circo. O patria, ô mores! Quid tamen est, si veritatis, & Religionis causa petimur? Cum Poëta dicam,

*Αἰ τοῖς τοῖς με πόλεμοι δύνανται.*

Salutaria quippe nobis hæc dissidia, pugna, certamina, quæ dum Ecclesiam Dei vexant, Ecclesiæ militant, & Deo. *Ut enim in exercitu varii affectus militum sunt, & hunc præda incitat, hunc gloria, illum odium, omnes tamen pro victoria, & Principe pugnant*: Sic illi in Religione discordes animi, Deo famulantur, & inter varios fines, veniunt tamen ad hunc finem finem. Vides hæc mecum vir eximie, & miraris. Unde enim ille zelus in multis, legendi, & scrutandi Scripturas? ille in mysteriorum etiam difficiliorum indagine fervor, illa in plebejis, & penè pueris, fidei constans orthodoxia, nisi ab hoc fonte? Quæ omnia sub alto  
paciſ

pacis silentio fuissent confopita, nisi ab hoc contentionum vento afflata, acrius exarsissent.

Quid, quod in publica fama, publicam omnium benevolentiam, & favoris auram demereri, nulli unquam homini datum, imò nec ipsi Deo. Interveniunt semper hinc Aquilones aliqui, aut Cauri, quia suave spirantes Favonios turbant. Partim hinc, aut nihil tranquilli: Et ut πόντος πόντος πόντος φέρεται: ita frerum illud altercationum semel ingressis, alius semper (ut sunt mores, aut ingenia) ex alio labor, alia ex alia lis, quasi renascentia Hydræ capita. In pugnam hanc compositi sumus, cum seculi ingratitude, & *Novatorum* protervia, hominum dico insanientis sapientiæ, qui nimis intelligendo faciunt, ut minus intelligant, & belli materiam non aliter secum circumferunt, quàm Cæcias nubes. Et hæc felicitas nostra est, hæc pax, Vatinianis (ô seculi labem!) odiis malevolorum conflictari, qui sub Veritatis fucò, Veritatem validè & impugnant, & produnt, effusis in eos convitiatorum plaustris, qui eam defendunt, ut per latera eorum Religionem petant, cui tamen unicè litare se gloriantur. Sed bona conscientia antistat facile, omnium malorum vel susurrus, vel calumniis. Quid, quod una hinc Victoriæ ratio est, aspernari, καὶ τὰς τῆς διαστροφῆς βλασφημίας ἐργῶ δπολύσθαι. Ut enim strenuus, & generosus miles, levia & circum galeam, & aures crepitantia tela contemnit: sic vir sapiens, & altæ mentis, obtrectationes, & convitia. In bonos, & innocentiz clypeo testos, cum feruntur, non tamen feriunt. Et ut locis levibus, & politis, sordium vix aliquid adhaerescit: sic agrè calumniarum aliquid, vitæ, & animæ puriori. Ignem vides, flammam minantem, & incendia? conjice in aquam continuò restinguetur: sic falsum crimen in animum innoxium, & mali expertem. Ecclesiarum faciem cum intueor, & ancipitem (ut scribis) rerum nostrarum statum, fundamenta cum Religionis, tum Reipublicæ,



blicæ, imis convellere sedibus, minitantem, non possum mehercle quin graviter ingemiscam, & boni omnes mecum, qui suis pretiis momenta rerum ponderant, atque in tristissimo hoc viscere Ecclesiæ laniatu, & doctrinæ salutis corruptela, illud Poëta vel centies regeram, & ingeminem; *Heu pietas, heu prisca fides!* Consimili enim hodie modo, *Religio* colluctari videtur, quo virgo illa apud Plutarchum, quæ inter violentos rivalium complexus animam miserè exspiravit. Hic quid agas? animum despondeas, aut perfida levitate deseras stationem, & munus assignatum à Deo? Apage vocem illam, apage mentem. *Turpis est navigii rector cui gubernacula fluctus eripit, qui fluctuantia vela deserit, permittit tempestati ratem: at ille vel in naufragio laudandus quem obruit mare, clavum tenentem, & obnoxium.* Occurrendum mihi Geldorpi, occurrendum huic contagio, quod jugulum Religionis petit, imò & animam; & obnitendum quæ linguâ, quæ calamo, violento huic torrenti, ac ne latius irrumpat obijciendi immoti illi aggeres Scripturarum; & Veritatis obices ac repagula. *Nauta in tempestate, & cum mors ante oculos, omnia tamen facit, fractoque etiam velo, aut malo navigat, & si cadit, non cedit.* Et nos in hoc contentionum salo, deficiat animus? quorum licet navicula plusquam decumanis pulsetur fluctibus, integra adhuc, & firma præsidio Christi ad portum tendit, & laborum metam. Tu vir eximie, & indefesse in sacra hac palæstra, Athleta, sudores tuos, te, & quidquid in te est animi, virium, constantiæ, fidei, Gymnasiarchæ tuo devota, in solidum nobili huic causæ & studio bonarum partium impende, pedem pedi oppone; securus ὁ παρὰ σοι τὸ καλόν.

*Quid procures, vanique ferat quid opinio vulgi, pravissimi rectè sentiendi magistri. Nihil in famam labora; sequatur vel mala, dum benè merearis. Et si, ut in fabula actum, extremam vitæ partem*

tem decet esse perfectissimam, quò altius in eam vitæ ætatem progrediêre, quæ nostri finem facit; eò acrius tibi adnitendum, ne in tam illustri certamine, lingua tibi cadat, aut animus. Magnis rebus magna portenta feriuntur. Voculas plebecula, rectæ voluntatis conscientia, officiique fiducia contemne, & quid leves ineptique homines; quid famæ prædunculi (ut cacoëthes est hujus ævi) de te sentiant, aut loquantur, non est quod tantopere cures. Nam ut capreæ, & coturnices venenis saginantur: ita quidam convitiis & maledictis; cumque factis obstare nequeant, conantur linguis, & spargunt verborum levia ista tela, atque id eminus, ut *Parthi* fugientes. Tu illos, altior omnibus injuriis supernè despice, & indignatione tua indignos, infra vitæ tuæ majestatem pone, more magnæ feræ, quæ importunum catulum stolidè adlatrantem præterit, nec dente, aut pugna dignatur. Famæ satisfactum puta, si muneri tuo satisfeceris; & vel à me discè, honoratissimum esse victoriæ genus, in eo certamine superari. *Ingens enim animus & verus æstimator sui, non vindicat injuriam, quia non sentit; & maledicta spreta exolescunt, si irascaris, agnita videntur.* Interim sperandum benè, dum benè agitur, rogandusque *Concordiæ & Pacis DEUS*, ut dispersa colligat, disjuncta uniat, & densis dissidiorum nostrorum nebulis dissipatis (hinc enim illæ lachrymæ) serenum illum, & lætum tranquillitatis Solem nobis redonet, in quo tanquam Palladio securitatis, apricari nobis liceat. Nobis dico, quibus nullus unquam dies optatior affulgebit, quàm qui *Pacem bonis* omnibus exoptatissimam, nobis restituat, pertæsis tot acerba casuum, & calamitatum, unaque eos qui in hac tristium temporum scena divisi à nobis, & quasi æstu quodam abrepti violentæ tempestatis. Ecclesia enim tranquillæ Reipubl. veluti succulento feracissimæ arboris trunco feliciter inserta, suavissimos fidei, & pietatis fructus, ubertim proferre solet. Ubi

contra

contrà perpetuis diffidiis agitata & discordi libertate lasciviens, (haud secus ac vitis brassicæ juncta) paulatim magis, ac magis degenerat, & horrendum squalorem sensim contrahit. Ita est, mi Geldorpi. Versat nos & præcipitat traditus per manus error, alienisque perimus exemplis. Tu Deus populi tui quæso clementer miserere, & composito hoc tristi in Ecclesia duello, quo tot per annos Patria nostra veluti pertinaci tæbe colliditur, caliginem hanc, nebulasque dispelle, & eorum causas, *peccata*. Quæ adeò apud nos, non desinunt, aut minuunt, ut augeri, & accumulari mihi videntur, unà cum pœnis, nec in uno alterove, sed apud plerumque ordinem, ætatem, sexum. Vale, & nos ama. Triglandio strenuo illi VERITATIS vindici, cujus nomen meritò colunt, quicumque rem Ecclesiæ salvam cupiunt, intimam à me salutem. Datum Delphis III. Nonas Augusti. Anno M. DC. XXXI.

ANDRÆ RIVETO S. S. Theologiae Doctori, & Professori,  
S. D.

Lugd. Batavorum.

EPIstolam tuam libens vidi, candidi, & proni in me animi testem. Quid nisi summam humanitatem, in tanto doctrinæ fastigio, spirat: atque eam insitam animo, non effictam aliunde, aut fictam? Amplector hunc affectum, vir magne, qui se toto sinu effundit in literis. Quid rependo? hoc unum quod possum, gratias; & quidem tot (fas ita loqui)

— quot Oceanilatitant sub gurgite pisces;  
Quot volucres agitant celeres per nubila pennas;  
Quot nutrit vagaterraferas, quot sidera cælo,  
Cernuntur nitidam circum rutilantia Lunam.

Fateor animo, gratus mihi nihil accidere posse, doctorum amicitia, quam non permitem (quamdiu

diu mihi hæc mens ) cum omni gaza Persarum ,  
aut Indorum. Quid enim hæc ? vana omnia , &  
in casu posita. Quid illa ? perennis , firma , stabilis ,  
comes virtutis , & veræ gloriæ ; illamque ample-  
cti , quid est nisi sublimia , pro vilibus his , & abje-  
ctis meditari ? & sese terris subductum

*Stellis inferere , & concilio Iovis ?*

Ita est , & in hac sententia boni omnes mecum.  
Quid enim insignes hodie viri , nisi lumina ; & stel-  
la , dati in tenebras hujus ævi ? atque ut diu sint ,  
opto. Nam bona fide quid optimarum rerum , ar-  
tiumque nunc amor ? languet , ut ipsæ res optimæ ,  
& quidlibet in pretio magis est quod vanum. Et  
quis horum finis ? ignorantia bruta , & barbaries.  
Laudes quas nuperis meis jure tibi detuli , ne par-  
ce quidem agnoscis. scilicet hæc liberalibus , &  
magnis ingeniis agnata est modestia , ut more ficus  
aut vineæ , sub humilitatis foliis & pampinis , na-  
turæ dotes tegant , & si quæ ipsi splendidiora in se  
esse dona sentiunt , non tamen efferuntur , ut quæ à  
primo illo fonte bonorum manare sciunt , id est  
Deo ; Agamemnonis illius Homerici memores ,  
Εἰ μάλ' ἀκαρτερός ἐστὶ , Θεὸς παρὰ σοὶ τὸ γ' ἔδωκεν.  
Itaque intrā modestiæ limites meritò se sistunt ,  
nec evehuntur vanitatis ulla aura. Sicut enim ad  
coruscationem , aut majorem lucem , oculos clau-  
dimus : sic illi animum ad honoris hunc splendo-  
rem. Ex hoc fonte promendum , quidquid pro-  
babitur Deo , nec alia benignitatem ejus provo-  
candi ratio est , ut dona donis cumulet , quàm si  
se demittant. Vetus & nostrum ævum excute , non  
aliter leges , videbis , audies , ac ne longius abeas ,  
exemplum vel à te sume. Arduas sustines provin-  
cias , nec feriæ tuæ in uno , occupantur curæ ; sed  
partem laborum tuorum sacra sibi vendicant pul-  
pita , partem Academia. Quorum alterum totum  
exposcit hominem , & quidquid in homine viriū  
est , & industriæ. Sed quasi hæc parum sint , nequid  
ad explendū laborum tuorum , addo. & honorum ,  
cumu-

cumulum deesset, oblata tibi nuper tale nil cogitanti, magni *Principis* filioli regendi, & instituenti cura. Immensæ fateor laudis, & artis opus. In hoc enim genere muneris, versati sunt sublimes olim viri, *Socrates, Plato, Aristoteles, Seneca*, & ut verbo dicam sapientiæ proceres, & majorum gentium philosophi qui in juventute moribus, & literis formanda, occupari voluerunt. Et certe cum ab hac reliquum vitæ pendeat, in omnem ætatem provider, quicunque huic consulit. Quid enim Respublicæ, sine hac institutione? quid populi, quid gentes? barbaries mera, tenebræ, & quod non dico. Quid spei in hac nostræ, si ista negligitur? imo, quia olim neglecta, fortasse hinc tristes illi lapsus rerum quos dolemus, & morum in deterius euntium labes. nec (si quid auguror) medicina aliunde huic malo; nisi à juventute benè educata. Quam si tanti interest à puero formari, & severiore disciplina imbui, etiam in plebejis, quid de Principum liberis statuendum censemus? Et quid æquè, imò quid aliud, ad eorum felicitatem pertinet, quàm ut ipsi discant sapere: & ea pueri à bonis, ac doctis hauriant quæ grandes non sint ab assentatoribus audituri. Nam si tanta solitudine parentes non omninò stulti, puerum educant, unius prædii hæredem, quo tandem studio, qua cura educari par est eum, qui non unis ædibus, sed tot populis, tot civitatibus, instituitur, aut omnium olim commodo futurus vir bonus, aut omnium exitio, malus? Illos enim rideo, malè feriatis, qui existimant Principes à nulla re magis abesse debere, quàm à libris, & studio sapientiæ: perinde quasi hæc duo ex diametro inter se pugnent sapere, & Principem esse: cum ita inter se nexa sint, ut si alterum alteri adimas, nihil tamen relinquant præter inanem Principis titulum. Audiat hoc fabulosa olim Vetustas, quæ in Asininis MIDÆ auribus, in aureo tribunali sedentis, sceptrum manu tenentis, quid aliud adumbrare, &

vivis quasi coloribus depingere voluit, quàm he-  
 bete, & crasso sensu Principem, qui nullis litera-  
 rum, nullis artium præsidiis instructus Reipubl.  
 administrationem infelicitè, atque indignè tra-  
 cteret? Cenotaphiorum instar, quæ mole magna,  
 non re, nomina tantum, & stemmatum imagines  
 ostentant, intus vacua. At è Principe literato, &  
 christianè instituto, quantus in universam Rem-  
 publicam manare fructus solet? quanta in patriam  
 salus, in populum felicitas, in cives splendor, &  
 decus, in leges autoritas, in omnes denique quan-  
 ta tranquillitas, & Pax? Vnus ad clavum gubernator  
 navem regit, & servat; unus Imperator exer-  
 citum; unus pastor gregem. Idem hic. Vnius Prin-  
 cipis prudentia, ac virtus toti populo salutaris est.  
 Non alia olim ratione adducti prisca Heroës, in  
 disciplinam doctorum filios suos in ipso surgen-  
 tis pueritiæ flore, & prima pudoris purpura, stu-  
 diosè tradiderunt. Alexander enim nomine, & re  
 verè magnus magnū illum *Aristotelem* præcepto-  
 rem habuit; *Alcinoum* Vlysses, *Chironem* Achilles,  
*Nestorē* Agamemnon, *Telemachum* Menelaus, *Po-  
 lydamantē* Hector, *Simonidem* Hieron, *Xenophontem*  
*Cyrus* Alcibiades, *Socratem*, *Dionysius*, *Platonem*,  
*Isocratē*, *Nicocles*, *Senecam* Nero, *Plutarchum*  
 maximus principum Trajanus; & optimum sui  
 temporis, doctissimumq; virum, duo illi Theodo-  
 sii filii, Honorius & Arcadius: unum ex omnibus  
 dignum cui tantos pater Alumnos, in gremium  
 traderet, simulque appareret, cum felicitate nata-  
 lium, certasse curam educationis. Horum exem-  
 plum æmulatus maximus Princeps, non mino-  
 rem filii curam, & rationem habendam esse pu-  
 tavit, quàm illos suorum habuisse, historiarum te-  
 stantur monumenta. Doctorem enim juventutis  
 ejus, & doctorem eum delegit virum cujus ex-  
 cendæ, cum eruditioni, tum virtuti, dignior n-  
 potuit decerni palæstra. Nempe ut olim ferunt  
 Alexandrum magnū illum dormitorem terra-  
 rum,

tum, & *Orbis* candidatum, noluisse pingi nisi ab *Apelle*, nec sculpi nisi à *Lyffippo*; sic nec filium suum fingi, & ad summæ fortunæ cultum erudiri, nisi à te: ut videlicet hoc ei sis, quod olim *Philippo* Macedoni *Parmenio*, quod *Octavio* *Cicero*, quod *Dario* *Zopyrus*. Non blandior vir clarissime, expers eo more sum. & apud amicum amicè, id est verè loquor. Et vin' sensum meum interiori tibi dicam? Gaudio & gratulor utrique. Tibi nobilem hanc curam; Illi tam auspicatam, ab ipsis pene incunabulis institutionem. Quam si tenella hæc ætas hauriat, & aulicæ ferant auriculæ, tempestivum laborum tuorum proventum, à tuo expectamus *Autumno*. Neque falles expectantes, quandoquidem nos in spem erigunt, cum prudentia tua, & in obeundo hoc munere dexterritas, tum in hoc tenero *Sapientiæ*, & *Virtutis* *Alumno*, insignes naturæ dotes, quæ vel in ipsa se exserunt corporis figura. Vt in isto rerum apice, eximia ista nobilitate, superbissimisque stemmatis architectrix natura, corpusculum illi dedisse videatur, veluti arculam quandam omnibus venerum, & gratiarum muneribus condecoratam. ne scilicet non haberet pulcherrimum domicilium animus pulcherrimus; nec pulchra domus, pulchrum hospitem. Ita *Pythagoram*, *Platonem*, *Scipionem Africanum* qui ob divinas animi dotes, suprâ humanæ fortis aleam fuisse, crediti sunt egregiam, decentemque formam habuisse notat *Antiquitas*. Cur? quia bonæ mentis aut argumentum, aut certè adjumentum esse solet. Adeo videlicet, cognatæ res sunt, corpus, atque anima, ut alterius habitum altera sequatur, ac mentis quidem bonitas in ipsa cutis specie renideat. Rursum corporis habitus, divinæ (ut ait *Poëta*) auræ particulam vicissim afficiat, ut quæ corpori penitus sit illigata. Sicut enim sub *Aurora* adventum, fulgor quidam tremulus, in montium cacuminibus ludit, qui venturum jam solens prænuntiat: Ita



me cognate. Ne enim plura, tempore excludor. Interim me, dum vivo, tuum ama. Plurimum salvere jubebis ocellum *Gratiarum & Musarum*, Ampsingium. Swalmius etiam quem plurimi facio, ne abeat infalutatus. Raptissime, Delphis 3. nonas Aug. M. DC. XXXI.

## HENRICO GELDORPIO

*Eccles. Amstelod. Pastori*

*S.P.D.*

Amstelodamum.

Q'Uod tardius, vir clarissime, ad tuas, respondeam importunis meis in hoc pulvere, negotiis imputa, quæ ita me districtum habent, ut pene mei cogar ipsius oblivisci. Interim quàm me affecerint haud facile dixerò: tum quod natæ in candido hoc amicitiae solo, tum quod insignes notis altæ indolis; & suprâ vulgum exsurgentis. Nihil dabo auribus tuis, sed gloriari ausim, te fere unum esse, in quo & naturæ similitudo, & morum germanitas, affectum meum ita traxit, ut nemini mirum esse debeat, si præ aliis multis, te amem: qui virtutem, & doctrinam eximie collis, & quam in te habes, in aliis excitas. O utinam plures in urbe tua patria, æmulentur hoc exemplum. Semper mihi amata, ob civium ingenium natura rectum, probum, virtuti amicum, & quod caput, *Religioni*. Mores communes si video, non solet, præsertim inter *Mercuriales*, quibus fere una cura est ditescere & litare *Lucris* suo deo. *Polyptis* similes, stupido alioquin animali, sed qui in captandis conchis, incredibili utitur solertia: ita illi quidquid uterque *Indus, Arabs, Tagus, Nilus, Tiberis, Danubius, Rhenus, Tamesis, Moschus, Iber, Sequana* divite producit sinu, quidquid Oceano, insulisque omnibus natum, non minori studio, quàm periculo conquirunt: Et ad solum quæstum suum sapiunt, alibi nempe in iis quæ ad *Monetam* non faciunt, pecudes meræ. O curas, ô occupatio-

nes



nes hominum! interea vita labitur, & tales isti nunquam, aut raro, quid sit verè vivere, nisi cum definunt, vident. Sed apud vos, & vestros, quanta in *Veritatem* illam cœlestem propensio? quantus Religionis amor? quanta fidei orthodoxæ levato *Opinionum* velo contemplandæ, ac tuendæ cura, ne quid detrimenti capiat? aut de puritate ejus quidquam decedat? Etiam in summo contentionum æstu, & partium in eam favientium, imaginario triumpho. Ita nempe Deo visum exercere suos, & accensam Veritatis facem agitare, dissensionum flabris; ut eò clarius splendescat, quò densioribus errorum tenebris, & caligine circumfunditur. Palmæ similis quæ oneri non cedit, nec intrà flêctitur, sed contra pondus assurgit. Et ut flamma firmior non erumpit unquam sine fumo: sic nec illa sine nube, & nebula aliqua livoris, aut calumniæ. Hoc si omni ævo, qui non isto factionum, & partium pleno, & cum inferorum carceres aperti, ad convitiandi licentiam, obtentu, & velo pietatis. Nunc enim si unquam impunè grassatur illa *Erynnis*, admissisque equis lascivit, & currit ut in suo circo. O patria, ô mores! Quid tamen est, si veritatis, & Religionis causa petimur? Cum Poëta dicam,

Αἰ τοῖς τοῖς με πόλεμοι δώκοιεν.

Salutaria quippe nobis hæc dissidia, pugnae, certamina, quæ dum Ecclesiam Dei vexant, Ecclesiæ militant, & Deo. *Ut enim in exercitu varii affectus militum sunt, & hunc præda incitat, hunc gloria, illum odium, omnes tamen pro victoria, & Principe pugnant*: Sic illi in Religione discordes animi, Deo famulantur, & inter varios fines, veniunt tamen ad hunc finem finem. Vides hæc mecum vir eximie, & miraris. Unde enim ille zelus in multis, legendi, & scrutandi Scripturas? ille in mysteriorum etiam difficiliorum indagine fervor, illa in plebejis, & penè pueris, fidei constans orthodoxia, nisi ab hoc fonte? Quæ omnia sub alto pacis

pacis silentio fuissent confopita , nisi ab hoc contentionum vento afflata , acrius exarsissent.

Quid, quod in publica fama, publicam omnium benevolentiam, & favoris auram demereri, nulli unquam homini datum, imò nec ipsi Deo. Interveniunt semper hîc Aquilones aliqui, aut Cauri, quia suave spirantes Favonios turbant. Parum hîc, aut nihil tranquilli: Et ut πόντος πόντος πόντος φέρει: ita fratrum illud altercationum semel ingressis, alius semper (ut sunt mores, aut ingenia) ex alio labor, alia ex alia lis, quasi renascentia Hydrae capita. In pugnam hanc composiri sumus, cum seculi ingratitude, & *Novatorum* protervia, hominum dico insanientis sapientiae, qui nimis intelligendo faciunt, ut minus intelligant, & belli materiam non aliter secum circumferunt, quàm Caccias nubes. Et hæc felicitas nostra est, hæc pax, Vatinianis (ô seculi labem!) odiis malevolorum confictari, qui sub Veritatis fudo, Veritatem validè & impugnant, & produnt, effusis in eos convitiatorum plaustris, qui eam defendunt, ut per latera eorum Religionem petant, cui tamen unicè litare se gloriantur. Sed bona conscientia antistat facile, omnium malorum vel susurrus, vel calumniis. Quid, quod una hîc Victoriæ ratio est, aspernari, καὶ τὰς τῆς διαβολῶντων βλασφημίας ἔργα ἀπολύσθαι. Ut enim strenuus, & generosus miles, levia & circum galeam, & aures crepitantia tela contemnit: sic vir sapiens, & altæ mentis, obtrectiones, & convitia. In bonos, & innocentiae clypeo tectos, cum feruntur, non tamen feriunt. Et ut locis levibus, & politis, sordium vix aliquid adherescit: sic agrè calumniarum aliquid, vitæ, & animæ puriori. Ignem vides, flammam minantem, & incendia? conjice in aquam continuo restinguetur: sic falsum crimen in animum innoxium, & mali expertem. Ecclesiarum faciem cum intueor, & ancipitem (ut scribis) rerum nostrarum statum, fundamenta cum Religionis, tum Reipublicæ,

blicæ, imis convellere sedibus, minitantem, non possum mehercle quin graviter ingemiscam, & boni omnes mecum, qui suis pretiis momenta rerum ponderant, atque in tristissimo hoc viscere Ecclesiæ laniatu, & doctrinæ salutis corruptela, illud Poëtæ vel centies regeram, & ingeminem; *Heu pietas, heu prisca fides!* Consimili enim hodie modo, *Religio* colluctari videtur, quo virgo illa apud Plutarchum, quæ inter violentos rivalium complexus animam miserè exspiravit. Hic quid agas? animum despondeas, aut perfida levitate deseras stationem, & munus assignatum à Deo? Apage vocem illam, apage mentem. *Turpis est navigii rector cui gubernacula fluctus eripit, qui fluctuantia vela deserit, permittit tempestatem: at ille vel in naufragio laudandus quem obruit mare, clavum tenentem, & obnoxium.* Occurrendum mihi Geldorpi, occurrendum huic contagio, quod jugulum Religionis petit, imò & animam; & obnitendum quæ linguâ, quæ calamo, violento huic torrenti, ac ne latius irrumpat obijciendi immoti illi aggeres Scripturarum; & *Veritatis* obices ac repagula. *Nauta in tempestate, & cum mors ante oculos, omnia tamen facit, fractoque etiam velo, aut malo navigat, & si cadit, non cedit.* Et nos in hoc contentionum salo, deficiat animus? quorum licet navicula plusquam decumanis pulsetur fluctibus, integra adhuc, & firma præsidio Christi ad portum tendit, & laborum metam. Tu vir eximie, & indefesse in sacra hac palæstra, Athleta, sudores tuos, te, & quidquid in te est animi, virium, constantiæ, fidei, Gymnasiarchæ tuo devota, in solidum nobili huic causæ & studio bonarum partium impende, pedem pedi oppone; securus ὁ παρὰ σοι τὸ καλόν.

*Quid procures, vanique ferat quid opinio vulgi,*  
pravissimi rectè sentiendi magistri. Nihil in famam labora; sequatur vel mala, dum benè merearis. Et si, ut in fabula actum, extremam vitæ partem

tem decet esse perfectissimam, quò altius in eam vitæ ætatem progrediêre, quæ nostri finem facit; eò acrius tibi adnitendum, ne in tam illustri certamine, lingua tibi cadat, aut animus. Magnis telis magna portenta feriuntur. Vocular plebeculæ, rectæ voluntatis conscientia, officique fiducia contemne, & quid leves ineptique homines; quid famæ prædunculi (ut cacoëthes est hujus ævi) de te sentiant, aut loquantur, non est quod tantopere cures. Nam ut capreæ, & coturnices venenis saginantur: ita quidam convitiis & maledictis; cumque factis obistere nequeant, conantur linguis, & spargunt verborum levia ista tela, atque id eminus, ut *Parthi* fugientes. Tu illos, altior omnibus injuriis supernè despice, & indignatione tua indignos, infra vitæ tuæ majestatem pone, more magnæ feræ, quæ importunum catulum stolidè adlatrantem præterit, nec dente, aut pugna dignatur. Famæ satisfactum puta, si muneri tuo satisfeceris; & vel à me discere, honoratissimum esse victoriæ genus, in eo certamine superari. *Ingens enim animus & verus æstimator sui, non vindicat injuriam, quia non sentit; & maledicta spreta exolescunt, si irascaris, agnita videntur.* Interim sperandum benè, dum benè agitur, rogandusque *Concordiæ & Pacis DEUS*, ut dispersa colligat, disjuncta uniat, & densis dissidiorum nostrorum nebulis dissipatis (hinc enim illæ lachrymæ) serenum illum, & lætum tranquillitatis Solem nobis redonet, in quo tanquam Palladio securitatis, apricari nobis liceat. Nobis dico, quibus nullus unquam dies optatior affulgebit, quàm qui *Pacem bonis* omnibus exoptatissimam, nobis restituat, pertæsis tot acerba casuum, & calamitatum, unaque eos qui in hac tristium temporum scena divisi à nobis, & quasi æstu quodam abrepti violentæ tempestatis. Ecclesia enim tranquillæ Reipubl. veluti succulento feracissimæ arboris trunco feliciter inserta, suavissimos fidei, & pietatis fructus, ubertim proferre solet. Ubi

contrà

contrà perpetuis diffidiis agitata & discordi libertate lasciviens, (haud secus ac vitis brassicæ juncta) paulatim magis, ac magis degenerat, & horrendum squalorem sensim contrahit. Ita est, mi Geldorpi. Versat nos & præcipitat traditus per manus error, alienisque perimus exemplis. Tu Deus populi tui quæso clementer miserere, & composito hoc tristi in Ecclesia duello, quo tot per annos Patria nostra veluti pertinaci tæbe colliditur, caliginem hanc, nebulasque dispelle, & eorum causas, *peccata*. Quæ adèò apud nos, non desinunt, aut minuunt, ut augeri, & accumulari mihi videntur, unà cum pœnis, nec in uno alterove, sed apud plerumque ordinem, ætatem, sexum. Vale, & nos ama. Triglandio strenuo illi VERITATIS vindici, cujus nomen meritò colunt, quicunque rem Ecclesiæ salvam cupiunt, intimam à me salutem. Datum Delphis III. Nonas August. Anno M. DC. XXXI.

ANDRÆ RIVETO S. S. Theologiae Doctori, & Professori,  
S. D.

Lugd. Batavorum.

E Pistolam tuam libens vidi, candidi, & proni in me animi testem. Quid nisi summam humanitatem, in tanto doctrinæ fastigio, spirat: atque eam insitam animo, non effictam aliunde, aut fictam? Amplector hunc affectum, vir magne, qui se toto sinu effundit in literis. Quid rependo? hoc unum quod possum, gratias; & quidem tot (fas ita loqui)

— quot Oceanis latitant sub gurgite pisces;  
Quot volucres agitant celeres per nubila pennas;  
Quot nutrit vaga terra feras, quot sidera cælo,  
Cernuntur nitidam circum rutilantia Lunam.

Fateor animo, gratus mihi nihil accidere posse, doctorum amicitia, quam non permutem (quamdiu

diu mihi hæc mens ) cum omni gaza Perfarum ,  
aut Indorum. Quid enim hæc ? vana omnia , &  
in casu posita. Quid illa ? perennis , firma , stabilis ,  
comes virtutis , & veræ gloriæ ; illamque ample-  
cti , quid est nisi sublimia , pro vilibus his , & abje-  
ctis meditari ? & sese terris subductum

*Stellis inferere , & concilio Iovis ?*

Ita est , & in hac sententia boni omnes mecum.  
Quid enim insignes hodie viri , nisi lumina ; & stel-  
la , dati in tenebras hujus ævi ? atque ut diu sint ,  
opto. Nam bona fide quid optimarum rerum , ar-  
tiumque nunc amor ? languet , ut ipsæ res optimæ ,  
& quidlibet in pretio magis est quod vanum. Et  
quis horum finis ? ignorantia bruta , & barbaries.  
Laudes quas nuperis meis jure tibi detuli , ne par-  
cè quidem agnoscis. scilicet hæc liberalibus , &  
magnis ingeniis agnata est modestia , ut more ficus  
aut vineæ , sub humilitatis foliis & pampinis , na-  
turæ dotes tegant , & si quæ ipsi splendidiora in se  
esse dona sentiunt , non tamen efferuntur , ut quæ à  
primo illo fonte bonorum manare sciunt , id est  
Deo ; Agamemnonis illius Homerici memores ,  
Εἰ μάλ' ἀκαρπὲς ἐστὶ , Θεὸς παρὰ σοὶ τὸ γ' ἔδωκεν.  
Itaque intrā modestiæ limites meritò se sistunt ,  
nec evehuntur vanitatis ulla aura. Sicut enim ad  
coruscationem , aut majorem lucem , oculos clau-  
dimus : sic illi animum ad honoris hunc splendo-  
rem. Ex hoc fonte promendum , quidquid pro-  
babitur Deo , nec alia benignitatem ejus provo-  
candi ratio est , ut dona donis cumulet , quàm si  
se demittant. Vetus & nostrum ævum excute , non  
aliter leges , videbis , audies , ac ne longius abeas ,  
exemplum vel à te sume. Arduas sustines provin-  
cias , nec feriæ tuæ in uno , occupantur curæ ; sed  
partem laborum tuorum sacra sibi vendicant pul-  
pita , partem Academia. Quorum alterum totum  
exposcit hominem , & quidquid in homine viriū  
est , & industriæ. Sed quasi hæc parum sint , nequid  
ad explendū laborum tuorum , addo. & honorum ,  
cumu-



cumulum deesset, oblata tibi nuper tale nil cogitanti, magni *Principis* filiosi regendi, & instituenti cura. Immensæ fateor laudis, & artis opus. In hoc enim genere muneris, versati sunt sublimes olim viri, *Socrates, Plato, Aristoteles, Seneca*, & ut verbo dicam sapientiæ procures, & majorum gentium philosophi qui in juventute moribus, & literis formanda, occupari voluerunt. Et certe cum ab hac reliquum vitæ pendeat, in omnem ætatem providet, quicunque huic consulit. Quid enim Respublicæ, sine hac institutione? quid populi, quid gentes? barbaries mera, tenebræ, & quod non dico. Quid spei in hac nostræ, si ista negligitur? imo, quia olim neglecta, fortasse hinc tristes illi lapsus rerum quos dolemus, & morum in deterius euntium labes. nec (si quid auguror) medicina aliunde huic malo; nisi à juventute benè educata. Quam si tanti interest à puero formari, & severiore disciplina imbui, etiam in plebejis, quid de Principum liberis statuendum censemus? Et quid æquè, imò quid aliud, ad eorum felicitatem pertinet, quàm ut ipsi discant sapere: & ea pueri à bonis, ac doctis hauriant quæ grandes non sint ab assentatoribus audituri. Nam si tanta solitudine parentes non omninò stulti, puerum educant, unius prædii hæredem, quo tandem studio, qua cura educari par est eum, qui non unis ædibus, sed tot populis, tot civitatibus, instituitur, aut omnium olim commodo futurus vir bonus, aut omnium exitio, malus? Illos enim rideo, malè feriatis, qui existimant Principes à nulla re magis abesse debere, quàm à libris, & studio sapientiæ: perinde quasi hæc duo ex diametro inter se pugnent *sapere, & Principem esse*: cum ita inter se nexa sint, ut si alterum alteri adimas, nihil in relinquant præter inanem Principis titulum. Audiat hoc fabulosa olim Vetustas, quæ in Asininis MIDÆ auribus, in aureo tribunali sedentis, sceptrum manu tenentis, quid aliud adumbrare, &

vivis quasi coloribus depingere voluit, quàm he-  
 bete, & crasso sensu Principem, qui nullis litera-  
 rum, nullis artium præfidiis instructus Reipubl.  
 administrationem infelicitè, atque indignè tra-  
 het? Cenotaphiorum instar, quæ mole magna,  
 non re, nomina tantum, & stemmatum imagines  
 ostentant, intus vacua. At è Principe literato, &  
 christianè instituto, quantus in universam Rem-  
 publicam manare fructus solet? quanta in patriam  
 salus, in populum felicitas, in cives splendor, &  
 decus, in leges autoritas, in omnes denique quan-  
 ta tranquillitas, & Pax? Vnus ad clavum governa-  
 tor navem regit, & servat; unus Imperator exer-  
 citum; unus pastor gregem. Idem hic. Vnius Prin-  
 cipis prudentia, ac virtus toti populo salutaris est.  
 Non alia olim ratione adducti prisci Heroës, in  
 disciplinam doctorum filios suos in ipso surgen-  
 tis pueritiæ flore, & prima pudoris purpura, stu-  
 diosè tradiderunt. Alexander enim nomine, & re  
 verè magnus magnū illum *Aristotelem* præcepto-  
 rem habuit; *Alcinoum* Vlysses, *Chironem* Achilles,  
*Nestorē* Agamemnon, *Telemachum* Menelaus, *Po-  
 lydamantē* Hector, *Simonidem* Hieron, *Xenophontem*  
*Cyrus* Alcibiades, *Socratem*, Dionysius, *Platonem*,  
*Isocratem*, Nicocles, *Senecam* Nero, *Plutarchum*  
 maximus principum Trajanus; & optimum sui  
 temporis, doctissimumq; virum, duo illi Theodo-  
 sii filii, Honorius & Arcadius: unum ex omnibus  
 dignum cui tantos pater Alumnos, in gremium  
 traderet, simulque appareret, cum felicitate nata-  
 lium, certasse curam educationis. Horum exem-  
 plum æmulatus maximus Princeps, non mino-  
 rem filii curam, & rationem habendam esse pu-  
 tavit, quàm illos suorum habuisse, historiarum te-  
 stantur monumenta. Doctorem enim juventutis  
 ejus, & doctorem eum delegit virum cujus ex-  
 cendæ, cum eruditioni, tum virtuti, dignior ne-  
 potuit decerni palæstra. Nempe ut olim ferunt  
 Alexandrum magnū illum dormitorem terra-  
 rum,



Tum, & *Orbis* candidatum, noluisse pingi nisi ab *Apelle*, nec sculpi nisi à *Lyssippo*; sic nec filium suum fingi, & ad summæ fortunæ cultum erudiri, nisi à te: ut videlicet hoc ei sis, quod olim *Philippo* Macedoni *Parmenio*, quod *Octavio* *Cicero*, quod *Dario* *Zopyrus*. Non blandior vir clarissime, expers eo more sum. & apud amicum amicè, id est verè loquor. Et vin' sensum meum interiorrem tibi dicam? Gaudio & gratulor utrique. Tibi nobilem hanc curam; Illi tam auspiciatam, ab ipsis pene incunabulis institutionem. Quam si tenella hæc ætas hauriat, & aulicæ ferant auri- culæ, tempestivum laborum tuorum proventum, à tuo exspectamus *Autumno*. Neque falles exspectantes, quandoquidem nos in spem erigunt, cum prudentia tua, & in obeundo hoc munere dexterritas, tum in hoc tenero *Sapientiæ*, & *Virtutis* *Alumno*, insignes naturæ dotes, quæ vel in ipsa se exserunt corporis figura. Vt in isto rerum apice, eximia ista nobilitate, superbissimisque stemmatis architectrix natura, corpusculum illi dedisse videatur, veluti arculam quandam omnibus venerum, & gratiarum muneribus condecoratam. ne scilicet non haberet pulcherrimum domicilium animus pulcherrimus; nec pulchra domus, pulchrum hospitem. Ita *Pythagoram*, *Platonem*, *Scipionem Africanum* qui ob divinas animi dotes, suprâ humanæ sortis aleam fuisse, crediti sunt egregiam, decentemque formam habuisse notat *Antiquitas*. Cur? quia bonæ mentis aut argumentum, aut certè adjumentum esse solet. Adeo videlicet, cognatæ res sunt, corpus, atque anima, ut alterius habitum altera sequatur, ac mentis quidem bonitas in ipsa cutis specie renideat. Rursum corporis habitus, divinæ (ut ait *Poëta*) auræ particulam vicissim afficiat, ut quæ corpori penitus sit illigata. Sicut enim sub *Aurora* adventum, fulgor quidam tremulus, in montium cacuminibus ludit, qui venturum jam solens prænuntiat: Ita

formæ venustatem, esse veræ pulcritudinis in anima emicantis indicium, quis non videt? quam adolescentia pollicetur, ætas plenior absolvit. Egregium mehercule, Principi ad virtutem auctoramentum, & calcar! ne in venusto corpore, mentem invenustam esse patiatur, ac sub cute nitida, carie & situ squalere animam; cumque ei Natura vilissimam sui parrem sic expoliverit, nobilissimam sui portionē negligat honestis studiis excolere. Quod si fiat, quid quæso aliud est quàm in affabrè facto scriniolo *αὐθαγυῆς θησαυρεῖον*, aut in aurea pixidula, cœnum circumferre, aut si quid cœno foedius? Jam dotes animi ejus, quales? In tenera ista fronte (ut rem dicam) sublucet nescio, quid augusti, atque heroicæ majestatis, quod vix dum puer, nihil tamen præ se fert puerile, sed in hac ipsa infantia paternæ avitæq; virtutis imaginem, & characterem. Quàm nihil in eo, non futuro principe dignum: nihil humile, nihil ingenerosum, nihil feroculum, superbum, insolens, minax: Res factas pictura loquitur: animorum res, vultus: in quo tanquam tabula, latentia pinxisse natura videtur, & spectanda proponere; alacres enim illi oculi, amica frons, vultus ingenuus, os verecundum, sermo modestus, status elegans, gestus compositi, mores placidi, ætas in eo flexu, ut facile manum sequi possit. Quæ omnia ut ad præsentem ejus laudem magna sunt: ita ad expectationem, & quasi prædivinationem futurorum, maxima. *Della matma si cognosce, il buon giorno*: Et ut à matutina cœli facie reliquum diem conijicimus: sic à puerili probitate, ac modestia reliquam vitam. Illud autem spem de eo nostram vel maximè sustentat, quod præter istam naturæ bonitatem, domi contigit habere utriusque virtutis magistros egregios. Bellicæ quidem ipsum parentem, virum armis incomparabilem & mente pariter, ac manu strenuum; qui nihil putat in vitam eduxisse, nisi & ad virtutē militarem provexerit.

vexerit. Literarum verò, & morum *Rivulum*, virum, incertum an gravitate morum insigniorem, industria promptiorem, eruditione clariorem. Qui ipso prope cum lacte, auriculis tenellis eximia sapientum monita instillet, mentisque recentem testulam, purissimo Musarum succo imbuat. quæ odorem suum in omnem usque vitam sit redditura, ac pectusculum istud rude adhuc, & in quemvis habitum sequax ita formet, ut contrà Circes pocula, id est aulae illecebras, tanquam ægide Palladis, præmunitum, feliciter Patriæ succrescere possit. Hæc vota nostra, vir eximie, & bonorum omnium. Hic quoque finis tibi, & scopus, in quem literati tui labores dirigantur. Hæc una felicitas optanda Magnatibus, qua sola ferè carent. Quid enim refert Principem benè natum, nisi & benè instituat? Benè autem instituetur, si tum cœperit cum se nondum principem esse intelligit, id est cum aulicarum adhuc artium tiro est, & per ætatem tractabilis, qua fingendus est talis qualem cum parens velit esse in posterum, & filium bonum, & optimum Principem, idoneumque curarum, ac imperii hæredem. Nec enim convenire cuiquam imperium ajebat Cyrus, qui non melior esset iis quibus imperaret: ratus nimirum id quod res est, inde potissimum in vulgus oportere, manare, recte vivendi, vel formas, vel incitamenta. Quis autem non videat, quanto utilior Patriæ princeps, qui seculi sui mores instaurat, quàm qui regni terminos profert: qui labentem vitæ disciplinam fulcit, quàm qui collapsa restituit mœnia? Idque facit non tam imperio, quàm exemplo. Neque enim prorsus alia censura tam efficax ad publicos mores emendandos, quàm Principis undequaque inculcata vita. Peritos inferendi, & inoculandi agricolas, natura docuit tales in truncum inditas, muniri argilla, stramentis, intrita, oportere, donec justum arbor collegerit

robur. Tu idem fac in hac planta, ac de patre, patria, populo benè merere, & quod palmarium, de Deo, apud quem præmia tibi à tam laudabili instituto. Quod & olim loquetur posteritas, & inter rarissima seculi exempla recensabit. Et sicut arborem qui posuit, fructus ex ea cum voluptate carpit; sic tu hæc præmiorum gaudia ex eo, qui si non satus ex te, tamen ut sic dicam, insitus, & in meliorem quendam succum, directione, & doctrina traductus. Sed quid ago? *Agamemnon* apud *Homerum* cum alios ad prælium animasset, ad *Ajaces* veniens, negat se id facere, neque etiam decere, apud ultro sic promptos & paratos: sic ego in te stimulis parco, eorum non egenti. Vota addo tantum. Serva ô Deus primam illam spem tanti nominis, & delicias & amorem populi, firmamentum *Auraicæ* domus, & ingens illustrissimæ *Nassaviorum* prosapiæ pignus, ut Patriæ crescat, qui *PATRIÆ* natus est, & longo intervallo famam Majorum, facinorum, suorum eminentia superet, & antiquam illam *Auraicæ* virtutis indolem seculis deponat, consecratam *Annalium* perennitati, *Ac nisi cum senior, pluresque expleveris annos, Ætherias sedes cognataque sidera tangar.*  
 Delphis 9. Kal. Septembris M. DC. XXXI.

## D A N I E L I C O L O N I O

*Collegii Gallici Regenti*

*S. P. D.*

*Lugd. Batav.*

**F**ilium in comitatum literis meis ad te redire, nefas duxi. Tardius fortasse quàm aut officium meum fert, aut expectatio tua, sed dabis hanc veniam ergastuli nostri occupationibus, in quo alius semper nobis ex alio labor, turba, vexatiuncula, curæ quæ ita districtos nos habent, ut vix horulam mihi suffurari detur alloquio huic litterario. O quietem in hac parte nostrâ, ô tranquill-

quillitatem ! Sed , quid nisi feramus , & ferenda  
 idè vincamus , distractæ hujus vitæ tædia , &  
 implexos labores ? Nimirum ut qui semel navim  
 ingressi sunt , & in altum provecti non in suo sed  
 ventorum arbitrio sunt , nec redeunt ad terram  
 cum volunt , sed cum possunt ; sic nos qui Scho-  
 lam. Tenet illa sæpe invitos , & in nobiliorum cu-  
 rarum campo liberius exspatiantes , importuna  
 retrahit , & volvere cogit Sisypium hoc saxum.  
 Similes equis , qui alligati molæ asinariae , mul-  
 tum quidem se movent , at parum promovent , &  
 unus semper iis in circo labor , eadem per vesti-  
 gia , in orbem rediens. Curarum hîc satis , & labo-  
 rum imo plus satis , & in iis una , & perpetua crâ-  
 be , ac *Penelopes* tela , cujus nunquam est finis.  
 Quid faciam ? Patior , ita enim nati , & tritum il-  
 lud cum animo depûto ,

*Sis asinus quemcunque asinum , fors aspera fecit.*  
 Sed quorsum ista ? ut producam , & paulisper re-  
 cum fabuler. Candidatus noster hîc penso suo fe-  
 liciter defunctus est. Placuit non solum obescio-  
 ris naris vulgo , qui externis omnia metiuntur , sed  
 & primariæ dignitatis apud nos viris , quorum in  
 his tyrociniis exspectationē superavit. Quo quid  
 optatius mihi accidere potest , ad metam eunti ?  
 Nam ætas nostra (cut dissimulem ?) paulatim labi-  
 tur , & vergit ad occasum. Quem eò contentius  
 exspecto , quod orientē alium nunc solem video  
 qui occideatis aliquando , cursum teneat , & spatiis  
 me propioribus insequatur. O utinam Deo visum !  
 Metam votorum attigero. Sed in hoc novitatis  
 applausu , ego hortari eum non desino , ut mode-  
 stia illi ante oculos , & denissio animi , quæ fun-  
 dus virtutum omnium , & fundamentum. Nam  
 facile aliàs , juvenus blanda credulitate inescatur ,  
 & laudata identidem , nescio quo animum *φιλαν-  
 θίας* , & sublimioris de se opinionis palpo demul-  
 cet , ut eam se jam credat , quàm tractu temporis  
 futuram , si vix spero , saltem opto. Vnum dicam ,

& liberè, principia mihi non pœnitenda videri. Methodus quam sequitur trita est, & aperta: habendæ concioni lucem præferens, & faciem. Res & materia lecta satis, & ad rem, imò in rem: ex textu ipso petita, & quantum illa fert ætas judiciosè in applicatione locis attemperata, & personis, nec tam fronte, & pompa speciosa, quàm commodo, & usu. Dictio illi simplex, nativa, facilis in ore nata, plus docens quàm dicens, & quàm si fieri posset, quid sentiat, ostendere, quàm loqui mallet: quæ tamen & elegantiam suam habet, sed aliena ab iis qui sesquipedalia verba in populum projiciunt, & ampullas. Quod non probo. Nam cibi illi optimi habentur, qui condimentis non egent. Et ut mulieres tum maximè ornatae sunt cum ornamenta negligunt: ita in concionibus pro populo (quæ veræ homiliæ) nihil æquè arridet genio meo, nihil mei magis est palati, quàm sermo fluens ex facili, & qui in affectata simplicitate, & nativa pulchritudine assurgit. Veritas enim mangonia odit, & fucum, nec longè mihi à vero abire videntur illi qui hanc unam de summis eloquentiæ virtutibus esse judicant, *Εὐεὶν τῇ σαφηνείᾳ, & ἀπλότητι*. Iam pronuntiatio ejus qualis? lenta, & naturæ ductum sequens, gestus compositi ad modestiam, nec minus decenti verecundia, quàm honesta laudabiliq; fiducia temperati, quæ omnia in candidato nostro crescere, & crebra exercitatione roborari, intimum meum est votum, nec eorum quidquam mala consuetudine immutari. Ut enim in cithara, si vel unica fides discrepat, concentus, & harmonia tota perit; sic *Oratoria*, si quid horum delinquat. At verò quia pronuntiatio, *Concionis* anima est in qua, ex *κακοζήλῃ* facilis est lapsus, quæso te & obtestor per amicitia fidem, per communia Musarum sacra, per si quid amas Crucium tuum, ut seriò hanc in eo formare, atq; excolere digneris. Mirum quid possit; & quantum dicenti conciliet, gratiam, si naturam ducem habeat,

beat, & artem. Naturam dico, quæ omni affectationi inimica, & histrionia, nativam simplicitatem amat. Artem, quæ vitia naturæ corrigit, & novos. In utroque quantus sis, conciones tuæ cotidianæ satis deprædicant, & vel unus mihi videris, qui vocem, linguam, actionem ita moderaris, ut sequi te didicerint, & obsequi, quoquo versum, & in quamcunque formam molli, & facili frano à rectore suo, pro re nata flectuntur, & queis posses vel

—impia

*Mollire Thracum pectora.*

Loquor ex animo, nec ingenium mihi factum ad assentandum, sed candidum, & quod alienas virtutes siue dotes videt facile, & visas amat. Meliorem dicendi magistrum habere non potest, nec feliciorem eloquentiæ formatorem. Quem si affinis earum rerum quas fert adolescentia, imitari conetur, & semina ista in se sparsa, à magno Agricola, sub cura tua, & cultura foveat, & maturet in frugem, est unde patria messem sperare possit non contemnendam. Tu vir clarissime, qui prolixius omnia præstas, quàm polliceris, fac ita sit, & ut gratiam quam hîc mereris, nunquam referam, habebo tamen dum vivam. Eximiam tuam erga me voluntatem multis in rebus sum expertus, in quibus non *σημεία* se prodiderunt, sed *αἰαμφοροῦντα τεκμήρια* propensissimi amoris, & benevolentia, quam nec nunc defuturam in ipsa institutionis coronide, certò mihi persuadeo. Vale vir spectatissime, cum uxore carissima, & liberis. Heinsum primarium seculi virum, & cognatum tuum de Dieu amicum mihi *εἰς ἀπὸ πόντον*, saluto & obsequia defero. Dabam è musæo nostro, postrid. Kalend. Septembris M. DC. XXXI.



A N D R E Æ C O L V I O *Ecclesiæ**Gallicana apud Dordracenos pastori**S. precor.**Dordracum.*

**I**Nopinata mihi accidit nuper scriptio tua, sed grata. Quid enim illa nisi affectum in me, & benevolentiam spirat? In me tantum? in nostras etiam Catecheticas lucubrationes, quas suave mihi fuit non mentior, à te probari, & lætatus sum amico tuo de iis sive errore, sive iudicio. In gratia & fama esse velle apud homines, homini natura insitum est, sed magis apud eos qui utramque & merentur, & habent. Tu mihi es amantissime Colvi quem eruditio, candor, humanitas, ita commendant, ut in gratia sis apud tuos, in fama apud omnes qui te norunt, & genitui, ingeniique dotes. Itaque amicitiam tuam quam sic ultrò, & tam benignè mihi offers, amplector, imò exosculor; igni similis qui facile comprehendo, ubi materia apta ad honestiorem flammam.

Vis dextram fidei mei testem? Hic habes, etsi coram, ipsam etiam dare, & jungere mihi spes est, cum ego ad vos aliquando excurram. Interea mutuis nos literarum officiis prosequamur, etiam nullo aut levi scribendi argumento. Haud rarò enim accidit ut nihil dicentes, aliquid tamen dicamus: & ut in fidibus est quædam manus aberratio sine arte, in qua tamen ars: Sic in epistolis argumentum, quandoque est sine argumento, & in ipsis literis quæ levioris videntur momèti, aliquid esse solet, quod rem habeat, & pondus. Quid quod usu còpertum habeam, nihil esse fecundius ingenii, benè natis, & arte cultis, cum seriò excuriuntur. Sed quæ sodes scribendi materia deesse potest ei, qui

Πολλὰν αἰδεότων ἰδὲν ἄγεια, & τὸν ἔγνων?

*Italiam* vidisti terrarum illud delictum, & comitatus

tis



tis omnis, atque elegantiae matrem; & inter tot Italiae urbes *Venetias*, orbis illud miraculum, & mundi panegyrim; addo & urbium augustissimam, si frequentiam spectes si togatos Patres, & venerandam senio turbam: si splendorem adium, si opes, si commercia, quas *Europa*, *Africa*, *Asia* videt. In qua dum commorari tibi datum, quanta ex tam vario hominum indigenarum, exterorum, *Gracorum*, *Iudaorum*, *Persarum* confluxu, obtulit se in linguis, & omnigena rerum scientia, proficiendi occasio? quantum studiis accessit robur & decus? quanta animo prudentia, quanta moribus comitas? Nam ut inter tot hominum millia, nulla facies sunt per omnia similes, nec ulla voces: Ita suum cuique ingenium, suaeque cuique dotes. Ex quorum affatu & consuetudine, haud parum formari solent illi qui in desultorio hoc vitae genere, doctrinae quæstum amant, & aucupantur, Hunc suscepti itineris tui finem fuisse nullus dubito, & curiosos illos qui peregrinari amant, non ut ingenium colant, & iudicium forment, sed vario locorum, atque urbium adspectu oculos pascunt, rideri à te scio, & sperni. Similes chameleonti, qui non alio pascitur alimento, quam aëris, & idcirco hianti semper est ore: Ita illos aura novitatis alit, neque quicquam captant præter inania oblectamenta. Quid tu? Certè magna mihi de te spondeo, supra multos qui nunc Italiam vident, & vident tantum, & quorum oculi, & pedes peregrinantur, non animus. Qui nisi literata prudentia crescat, & amore virtutis, hili non fecerim, peregrinationem in exteras gentes. quæ tum denum cum laude instituta est & fructu, cum ab ea doctior quis redit, & ad vitam sapienter instituendam paratior. Alia mihi crede fumi, quisquiliæ, nugæ. Hæc sola peregrinanti gratiam conciliant, animosq; erigunt φιλομαθῶν, ut parentibus, amicis, patriæ, quas habent dotes in solidum devotum eant, Sed & illud fateor ingenij infelix

hodie esse ævum, foris, domi: Quoquòversum enim oculos flectis turbata omnia, & squalori, ac barbariæ proxima. Foris, quàm tristis hodie *Europa* faciès? quot & quanta ubique bella, strages, depopulationes, incendia, lanienæ? & (ut solet) quanta ex his latrocinia? Quanta vitiorum omnigenûm cohors, ex armorum licentia? quæ torrentis instar, fractis modestiæ omnis ac pudoris repagulis, totum pene orbem christianum inundat. Domi. Prurigo illa de Religione dissexendi, quæ jam in morem, & penè dicam laudem venit, & quæ, (sicut illi morbi qui grassari populariter à medicis dicuntur,) pessima contagione passim jam penetrat, quid non peperit malorum? Quanta & quàm tristitia ex hac lerna prodire diffidia? Quanta distractio animorum? Hinc quot dentata scripta, minaces pagina? quot conviciorum plaustra? Quantum ex hac Tisiphone turbarum, & contentionum? Quàm internecina quoque hodie, & Vatiniana multorum sint odia, violatis etiam sanguinis, & proximitatis vinculis, nec non naturæ, honestique respectu, quis tam nullo præditus est sensu, quin fateatur? Quò fit ut ægrè se attollant, aut exserant rectiores mentes, atque inter tot remoras, & obstacula si non planè jacent, torpent saltem, & languent liberalia ingenia. Quis enim nisi omnem humanitatis sensum à se penitus abdicavit, hæc audiat sine luctu? videat sine lacrymis? cogitet sine gemitu, & suspiriis, sic ruere in perniciem omnia, & fere negligi, ut navim quæ permissa ventis? Ita *Alesto* hæc, vel *Ate* res nostras infestat, nihilque publicum, nihil privatum, quietum relinquit. Dita mehercule clades, & verè Cannensis! Nunquam enim Patria nostra tristiori fato perculsa est, nunquam Ecclesia. Quæ dum in armis tot annos invicta stetit, adversus communem hostem, ruinam minari videtur, ab iis qui innovare, & turbare, hodie non desinunt, sub specioso obtentu pietatis. Sed quæ,  
obsecro

obsecro te, pietas obtendi potest Thyestais illis iris & jurgiis, quæ ego sic odi ut nemo magis *Orci* portas? Quæ Religio, ubi dissidia, contentiones, odia, dominantur, non spiritus pacis? Ubi victoria quæritur, & affectuum trophæa, non populi salus? triumphus, non veritas? & dum collatis signis utrinque dimicatur, pessum eunt, & cadunt ordo, veritas, disciplina, Ecclesiæ Christi stabilitamenta, & columnina? Viderint qui hodie tam calide hæc miscent incendia, tamque obstinatè hæc turbarum molimina struunt, ut vix aliter litare se putent his sacris, viderint inquam, quam Deo motæ suæ tragœdiæ rationem sunt reddituri: qui velo levato hos aliquando, qui nunc gloriosis inimicitiis inclarescunt judicabit *Erosfratos*, & publico malo natos factionum artifices. Ut enim vinum dilutius magis provocat vomitum, quàm vel aqua simplex, vel vinum merum: ita mentior, nisi Deo intolerabilior est protervia, pietatis simulatione incrustata, quàm simplex, & aperta malitia. Tu mi Colvi remove te ab hac Charybdi, quæ multa, & magna ingenia absorpsit: fieri enim non potest quin manus inquinatas habeat qui picem hanc tangere instituit: *Chi tocca la pecca, s' imbratta le mani.* Ὁ ἀμήχανον τὸν διατελεῖσθαι πρὸς ἡσυχίαν, μὴ ἔσταιν ὁποιαύσαι τῆς ἀσβεστῆς. Sed imprimis, ab iis cave, qui insusurrant, & sub Religionis obtentu, Religionem convellunt, produnt, prostituunt. Nam ut histriones, principum personam agunt, habitu, gestu, sermone similes, introrsum nihil eorum habent. Tales isti. Sed & robur hîc indue, & quam suscepisti provinciam tuêre, Veritatem adstrue, defende, propugna, & grassanti huic contagio viriliter obsta. Chronici isti Ecclesiæ, ex novitatibus, & dissidiis morbi, scis quam concitato pede veniant, ex levi sæpe causa, & plumbeo, ut sic dicam abeant, tamque altè se insinuet hæc Ecclesiæ gangræna, nisi malo tempestivè occurratur, ut nullus tandem remedio  
fir

fit locus: scintillæ similis quæ in aridam materiem incidens facile comprehendit: aut navi quæ undique laxatis compagibus aquam trahit, quæ pereat. Sed quò desperata magis ejus est salus, eò promptior tuus, & bonorum omnium in ea curanda sit animus. Nec si vel elementa ipsa ruant, & vasta hæc mundi machina redeat in suum chaos, alia tibi unquam mens. Memento cui in hac militia dixeris sacramentum, sub cujus vexillo milites, in quâ statione, & à quo Imperatore collocatus, quid Christi causa, quid Ecclesiæ, quid muneris tui ratio, quid conscientia à te flagitent, quid cura animarum. Vt serpentes positis exuviis redire dicuntur in novam virtutem: sic ego Ecclesiam positis his odiis, pessimis consulendi arbitris, redire optem in novam vitam. Cui enim bono contentiones illæ, jurgia, similtates, nisi ut *testate* *stæ*, (ut est in adagio) *collidatur*? Quid? nonne vident illi qui hodie otium in turbis, in naufragio portum quærunt, dissidia nostra, esse *amicorum dispendia*, *hostium* (ut cum Hieronymo loquar) *compendia*, & *publica ira divina incendia*? ut taceam quàm nullo jure, pravo more, pessimo exemplo. Contentiones enim illæ quid sunt nisi satellites seditionum, & flabella Satanz, quæ ad bella sæpe & sanguinem gliscunt, & quibus pacis ille, & concordie capitalis hostis, partes inter se dissidentes in mutuam perniciem accendit: non aliter quàm canes duo commissi, à prætereuntibus, lingua, manu, pede, acuuntur in pugnam? Sed contraho, vela, nec cymbulam committo tam turbido mari. De studiis si quæris, totus sum in recensendis hominibus nostris Catecheticis, hocque unum intendo, ut auctiores aliquando prodant, magisque elaboratæ, si typographis nostris ita visum, qui in id genus scriptis publico juri vindicandis, morosi nimis, & fastidiosi solent esse: judicii, nec quicquam aggredi nisi annuente *Lucris* suo *Deo*. Cognatum tuum qui nomen suum militiæ, in Musarum

rum castris dedit : mihi commendas, & disciplinæ nostræ submissum, optas plantulam hanc melioris doctrinæ succo irrigari & crescere. Non deero vel tui causa illam quæ adhuc in herba est messem promovere. Nullo enim genere officii impensius capior, quàm si cura & institutione nostrâ juvare possim adolescentum impetus, ad ea studia quibus honorem sibi, & gloriam concilient. Ut enim à fonte rivus, à stirpe frutex : sic à prima *Institutione*, reliqua vita. Quanquam puerum esse audio, id est nugaculum, temporis prodigium, & ad lulum proniorem, quàm ad librorum usum, sed quid mirum aut insolens in ea ætate ? Molli fræno regendus est, & sicubi licentius exeret, hortandus ut cum eum ad laudis cumulum natura genuerit, ne dotes quas habet, & bonæ frugis semina, patiatur ulla desidii labe marcescere, aut deformari. Nam plurimum refert quid infundas rudi testulæ. Quid si incircures bestia cultu mansuescunt, sub jugum mittuntur tauri, & elephantorum immanitas. Afro puero paret, si pectoris generosi pullus, ingenio humanitatis, docetur exuere feritatem, &

———— blandis gaudere magistri

*Vocibus.*

cur non etiam liberali modo, tractentur liberalia puerorum ingenia ? Si quid prætereà est in toto Crucio, quod totum aut in parte servire tibi possit aut tuis, significa id est impera ; habes promptum & paratum ; tibi que libens ac jure dedico, confecroque.

*Quidquid in arte mea possum promittere cura. Vale mî Colvi, & cognato Crucio, Westerburgio, & Beverovicio à me salutem. Delphis. prid. Idus Septembr. M. DC. XXXI.*

ABRA



## A B R A H A M O M E R A N O

*Curia Hollandiæ, & Zelandiæ**Senatori S.**Hagam-Comitis,*

**P**Eccarem, & meritò ingratitude esset postulandus, si te inditum & litterarum mearum expertem haberem. Ne faciam, jubet officii mei ratio, urgent beneficia tua, impellit humanitas, benevolentia, amplitudo. Quæ omnia ut in te summa sunt, ita me summè movent, ut te compellem, & si negem mihi ad hoc animum fuisse, mentiar. Iam diu fuit, & quod usque adhuc voto feci, re nunc præsto. Da veniam importunitati meæ si viro publicum munus obeunti domesticis etiam curis impedito, liberius obstrepam. Duo sunt vir eximie, præter alias animi tui dotes quæ arctissimo vinculo, quasi clavis trabalibus me tibi jungunt, studium *Iustitiæ*, & *Religionis*. Quibus tanquam virtutum omnium circo, populi salus, & rerum publicarum fortuna continetur. Hæc enim utriusque potissima fulcra sunt, & firmamenta: Hæ geminæ quasi faces, quæ aditum nobis, tum ad vitæ hujus tranquillitatem, tum futuræ beatitudinem præmonstrant. Vis facilem tibi & propitium Deum? *Religionem* cole, quæ conscientiam mentis nostræ regit. Vis benevolos tibi probos omnes, & bonos? cole *Iustitiæ*, illam rerum humanarum, divinarumque reginam, quæ juris ac legum sanctione fundat humanam societatem, & sine qua maximæ res & opes, tanquam corpus anima spirituque defectum, sua mole collabascunt. Vis amicos utrosque? *Religionem* cum *Iustitiâ* conjunge, & Deum tibi, & homines devinxeris. Non satis est aut sine *Religione* *Iustitiâ*, aut sine *Iustitiâ*, *Religio*. Iungi hæc duo & sacro quodam vinculo copulari oportet: nisi à summo fine; adeoque à summo etiam **B O N O** aberrare quis velit.

Quam

Quam tibi placere sententiam scio, & dare operam, ut quod maximè probas, id maximè consequaris. Eximiam vir amplissime personam sustines, quæ tu terris repræsentat imaginem quandã divinæ potestatis; & in hoc honoris apice, ad quem te Patria evexit, munus inter maxima Reipublicæ munia, non primarium modò, sed grave, arduum, curarum plenum, & laborum. Quid enim gravius quàm de civium bonis, fortunis, capite, sententiam dicere? populum ad recta, & honesta non æquè inclinatum in officio continere, quàm præmiis quàm pœnis? legum habenas moderari? causas omnium recto iudicii oculo inspicere, inspectas judicare, judicatas exsequi? omnium denique querelis apertas habere aures, viduis, pupillis afflictis? & ejus in terris referre imaginem, qui justitiæ, & æquitatis omnis fons est, & author? Quo quid in humanis majus esse potest non video, nec Deo vicinius à quo reguntur universa. Hoc præsertim seculo, quo venalia penè omnia, iis qui hodie specie recti (pace tua, & bonorum hoc dixerim) venales habent linguas, manus, animas; Qui jura cauponantur, & leges ut ceram habent in turpis sui lucri aucupia, sequacem: Qui aut favore, aut odio ad gratiam, aut ad pœnam consilia flectunt, lites dolosè, & captioso verborum circuitu sufflaminant, causas involvunt, leges pro arbitrio torquent, judicia prolatant, terram mari miscunt. & si alibi certè hîc histrioniam egregie exercet, fallax *Iapeti* genus, ut illi à quibus unctius referunt caput & manus, in causa triumphant, aut saltem gratia elabantur; alii contra vel sumptibus attriti, vel moras pertæsi, damnosis conditionibus pacisci cogantur. At quàm optandum foret ut ii qui in tribunali sedent, legum similes essent, quæ ad judicandum non lucro, favore, aut odio, sed æquitate ducuntur. Vbi enim dominatur affectus, haud facile ad sinceri iudicii lancem ratio exigitur. Præcipuè ubi avaritia & *σωφροσύνη*.

*Privata*

*Privata enim res semper offecere, officientque publicis  
& pessimum veri affectus, & iudicii venenum, viscata munera, & sua cuique utilitas. Prudenter olim Lacedæmonii, & Areopagitæ nocturno tempore judicabant, ut & rem bene excuterent, & nullius favore, aut gratia flecterentur. Præclarè etiam, & argutè Thebani. Judicium statuas effingere soliti ἀχέρης, & oculis averfis: nempe ut ne aurum caperent, imò nec cuperent, à quo non rarò legum acies retundi solet, sæpiusque deliniri virtus, quàm frangi. Iasones nostri, & novi Argonautæ hodie forenses, quid? Avaritiæ, & lucri mancipia, non ad *Astraam*, sed ad *Medenam* navigant, & auream pecudem, χρύσον λέγω, δεξιῶμα ἡλλισον βροτοῖς. Tu eos vir magne quod facis fuge, & cum his avaritiam, iustitia certam perniciem, & pestem. Jura tracta, sed sancte, sed religiosè, periclitantem innocentiam præsidio tuo subleva, ambigua fata causarum, æqua iudicii lance dirime, lapsa, quantum in humana manu est erige, erecta semel, tuere, & defende,*

*Et tunc tunc tunc, imperet, ut sis*

*Falsus, & admoto dictet perjuria tauro.*

*Sicut omnes falsuginem Oceani in quem fluunt, non mutant. Sic in te quicumque affectus, ne diluant iustitia severitatem. Sine qua leges, vel in usu consenscunt, vel fraudulentis artibus circumveniuntur. Eâ remota quid regna sunt, quid principatus, quid civitates? nisi magna latrocinia? audacia, & impietatis asyla? scelerum officina? & conclamata nequitia latibula: ubi licentia immixtis habenis, celsiores pudoris, & verecundia calles supergressa, impunè dominatur & furit. ut citius è corpore animam, è mundo Solem sustuleris, quàm è Republica Iustitiæ metum. Scis enim quàm malum natura sua fecundum sit: ac propterea minime illos esse tolerandos, quos patientia indies peiores reddit. dum ex impunitatis spe libido iis ad peccandum accenditur. Ita profecta est;*

*Crudelis*



*Crudelis est clementia, & nocens tepor  
Servando fontes, ire perditum bonos:  
Miseratio ista lava, miseriam creat  
Pravisque demit civibus metum probis  
Securitatem: nam quid horrendas juva  
Sancire leges, quæ velut rubigine  
Constrictus ensis, aut in usu torpeant,  
Aut despiciatur pœna ni culpas premit,  
Quorsum querela?*

Vera verius clemētia est, paucos tollere, ut serves plurimos; paucos compescere in scelerum cursu, ne ad alios malum serpat: plectere crimina, non quia commissa, sed ne committantur. Exemplo medici, qui ubi frustra mollia cesserunt, ferit venam; membrisque si adherentia nocent, & morbum diffundunt, manus affert: nec ulla dura videtur curatio, cuius salutaris effectus est.

Suavior dari non potest harmonia in Civitatis regimine, quam si Lex judici, Iudex tanquam os Justitiæ succinat legi. Ab eo enim ita prorsus omnia judicari oportet, ut lex ipsa si loqui posset, judicaret: atque ita legem, & judicem inter se conspirare, ut sit lex quasi anima judicis, & iudex quasi vox legis. Quæ per universum naturæ corpus diffusa, gentes ac populos regit, & sine qua nec humana societas, nec ipse mundus stare potest. Sicut enim domus, cui fundamentum non substernitur, caduca est: sic ille cui non ista. Tolle. cadaver ac finus est, hæc omnis multitudo: & ut Cyclops apud Homerum, amisso uno oculo, huc illuc impingitur, & denique ruit: sic ista moles populi, sine lumine JUSTITIÆ: quæ una, & sola meritorum arbitria, ultrix scelerum, nec non recte factorum præmiatrix. Ita sentio, & te scio in eadem esse sententia, nec alia olim mens fuit parenti tuo. Cujus viri laudes omnes si enumerare instituam, longè verba subsident infra dignitatem meritorum. O te beatum tanto patre filium! cui non in Scholis solum contigit Themidis

dis sacris initiari, sed & intrà privatos paternarum adium parietes. A cujus institutione, tantò redire potuisti doctior, quo familiarius, paternus animus se ad hanc curam demisit, altiusque in teneram adhuc prolem, tanquam in angusti oris amphoram, aurea sua paulatim monita instillavit. Quorum quoties animo tuo subit recordatio, fieri non potest quin totidem tibi sint ad paternæ virtutis, & gloriæ æmulationem, stimuli, atque incitamenta. Multos in hoc honoris culmine *πλεονεξία* hamatis muneribus inescatos, & aureis compedibus constrictos tenet, semper Tantalos, semper in novas cupidines inhiantes, multos speciosum quidem, sed molestum *Ambitionis* vinculum: quæ maximis sæpe virtutis sub virtutis umbra placet. Tu vir magne, navem tuam flecte ab hac *Charybdi*, *Scyllam* hanc præterlabere; nihil his monitis puta esse monstrosius, nihil his scopulis horrendum magis, & funestum. Qui naufragio multorum infames, magnos viros, & cum viris, magnas opes, fortunas, dignitates in ruinam egerit. O caput, ô finem sapientiæ hæc videre, fugere, meditari! Et à te fieri in uno, dicat mihi integritas tua, & candor insolens aulicarum artium, atque erecta illa indoles mentis tuæ, quæ æqui justique tenacissima, falli quidem potest, corrumpi non potest: in altero humanitas, & in celso dignitatis apice, insignis animi demissio. Hocque ipso magis te amo, quia in *Ordine* illo, & sacro cœtu, nulla alia magis vitia, hanc purpuram devenustant.

Ad *Religionem* venio, alteram epistolæ meæ partem. Illa ut Magistratus, ita & Christiani cuiuslibet hominis *Totum* est, tantumque una, habet momenti, ut sola felicitatem, consummet, nec alia in rationem bonorum veniant, nisi quatenus *Religioni* quæ suprâ cæteras virtutes caput effert, famulantur. Hæc virtutum omnium basis est, & fundamentum, affectuum nostrorū moderatrix,  
adlio-

actionum dux, mentis lux, & animæ nostræ vita, imò anima. Ad quam virtutes omnes, nil nisi verborum sunt strepitus, & inania titulorum.

Quam ut materno pene cum lacte, & ab ipsis incunabulis jampridem imbibisti, & felici consortio junxisti cum munere haud infimæ dignitatis: ita sanctè eam amare, colere, venerari non desinis, imò & profiteri publicè ac tutari strenuè adversus eos qui hodie in hoc nati esse videntur, ut nec ipsi quiescant nec alios sinant. Quibus turbare omnia, innovare, sursum deorsum vertere, Ecclesiæ subruere fundamenta, Religionis qua publica salus stat, aut cadit, movere cardines, & veritatem, veritatis obtentu, Sinonum instar prodere, unus est animus, una cura. Qui acerrimis suis de Religione dissidiis, contentionibus, pugnis hoc effecere, ut Religio animis multorum, jam exoleverit, aperta per has rixas, lata ad impietatem fenestra, & fractis disciplinæ, & ordinis in Ecclesia repagulis, data cuilibet ad *Atheismum*, *Libertinismum*, *Socinismum*, *Papismum* & quicquid talium est monstrorum, turpi deficiendi licentia. Qui tanquam ab inferis laxatæ furia, junctis agminatim viribus, & jurato in perniciem foedere, crebro ac importuno laniatu, miserum hunc *Pentheæ* discerpunt. Neque enim res jam intra argumentorum dimicationem consistit, atrocibus utrinque convitiis pugna crudescit, procacibus scriptis, dentatis libellis res geritur, ac reciprocantibus maledictis, tumultus in rabiem exit, alterque in alterius famam lethalia linguarum vibrant spicula. Et hæc Christiani. Tanti nempe est lædere! tanti ultorem explere animū! Sed ut pici ardenti aquam si affundas, non exstinguis illam, sed accendis: Ita talium irritati semel animi, facilius accenduntur, quàm placantur. O tempora! & ubi sumus? Ita jurgiis, simultatibus, odiis fervere omnia, & sacram illam concordia olim ac pacis ædem, nunc funestissimis discordia tædis accen-

enim virtute, mortalis conditio propius ad divinæ naturæ similitudinem accedit, quàm salutem multorum procurando, erigendo lapsos, succurrendo afflictis, & vindicando oppressam innocentiam. Nihil quoque, est in suprema fortuna majus, quàm posse, nihil melius quàm prodesse publico, nihil præclarius quàm in sublimi dignitatis fastigio, *Religionis* causam, causis longè aliis anteferre, & ejus curam, curis omnibus habere potiolem. Nulla alia ratione, nullo genere virtutis, mortalitas magis Divinitatem, sibi devincit, & gratiam ejus ex gratia demeretur, quàm si coelestis illius Patris coelestem filiam, à stupri opprobrio vindicatam servet, tutetur, asserat; & vel fremente Sathânâ, mundo, tyrannis, illibata ejus puritati, nihil detractum, aut imminutum esse patiatur. quæ erit, cum omne istorum nomen, & factio non erit. laborare enim potest, vinci non potest, & quotquot hanc rupem incurrunt fluctus, fracti diffiliunt. Huc muneris tui dignitatem, huc auctoritatem tuam confer, huc industriam, & litteras, quas habes sine jactantia, & vanitate; huc consilia tua, dirige; huc primores cogitationes tuas, & curas, & sacrum hunc pietatis & veræ gloriæ tramitem, recto pede, ad calcem decurre. Tam enim latè patet campus virtutis atque honoris, ut nemini bono, sui protrudendi facultas in laudabiles reipublicæ usus, intercludatur. Nil te moveant calumniæ, & levium hominum, maledictis velitantium protervia; quæ splendore virtutis, & gloriæ tuæ refutatur, nil similtates & odia *Novatorum*, nil lingulacium susurri, nil partium frendentium iræ, turbæ, minæ. Invulnerabilis est, non qui feritur, sed qui non læditur. *χρησὺς πονηροῖς ἔπιπρωσι-  
ται λόγῳ.* Contemptu ulciscenda hæc omnia, & forti animo concoquendæ hæc contumeliæ, quæ hilum de cumulo laudum tuarum non diruunt. Quod si facis magnificentius triumphas, quam si victor redires ab olympico certamine, aut Pythico,

thico, aut quadrijugo curru & albertibus equis, per sacram viam, lauro coronatus in Capitolium invehheris. Οἱ διαφρονεῖντες τῷ ἀνθρώπῳ, ταῖς ἀρεταῖς ἐν ἀνακρίνοντι. Et ut gubernator irati maris fluctus undique assilientes negligit, *Manum in clavo habet, oculos in astris*: Sic te vitiis popularibus defacatum oportet hoc rerum, ac temporum articulo, quod benè agis, agere, & mentem ad Deum erigere: nec admota semel manuaratro, aut regrediturpiter, aut deficere in operis incepti cursu. Athletæ enim in hoc stadio currimus: palma in fine laborum posita est, quæ triumphis omnibus potior, & Regum purpura, nos ad æternitatem natos, æternum aliquando est beatura apud eum qui solus æternitas. Alia nobiscum cadunt, labuntur, percunt. Hæc sola diurnant, & in secula eunt, quæ Reipublicæ, quæ Ecclesiæ, quæ Deo, & ejus veritati militant, animus pius, religiosus, sine fūco, & rectæ voluntatis conscientia, quæ unum vovet, spirat, cogitat, finium omnium ut ita dicam finem, Dei gloriam. Ab hoc scopo, & fine qui aberrat, aberrat ab aliis, & à recto recidit quidquid sit, quantumvis speciosa incrustatione obductum, nec Deo cordium inspectori placere potest.

Sed quò me fervor calami, & stili æstus abripit? dum *urceolum paro, vasta exit amphora*. Tu vir amplissime qui assiduus es in tuenda publici muneris statione, prolixitati meæ si grata est fave, sin minus condona, atque iterum iterumque reipublicæ, & nobis salve,

*Neve te nobis) ut cum Poëta loquar*

*Ocyor aura tollat*, virum longævitate dignissimum. Delphis 6. Kal. Octob. M. DC. XXXI.

Sed & corollarium hîc habe, versus nostros in imaginem tuam (quando ita vis) fusos, testes non venæ meæ, sed animi, qui tuus est, & erit, donec oculis γλυκερόν φάσμα ἡλίσιο, & illa λυγρὸν

L

Parca

Parca divellat, *ζωὴν φέρον ἀνάντων ὕπνον*. Iterum  
vale vir amplissime, & in Crucium, eum te præ-  
bere perge, qui semper fuisti.

*In effigiem amplissimi viri ABRAH. MERANI A-  
pellea manu pictam, & cum naturæ veritate  
certantem, ἐξείκλον.*

**S**ic oculos, sic ora tulit MERANUS, imago  
Viva patris, tanto digna viro soboles.  
Iustitiam coluere ambo, Themis una duorum  
Mater, utrumque dedit Iustitiæ, & Patriæ.  
Moribus & genio similes, sed dispar utrique  
In quâ jura darent, Curia contigerat.

## A L I U D.

**Q**uem Patriæ Nemesis voluit decorare tribunal,  
Sacraque velatis dicere jura oculis;  
Hoc vultu MERANUS erat, tutela bonorum  
Anxia, sed sædi criminis impatiens:  
Non satis est tenuisse locum, laudabilis ille est  
Qui, quæcunque volunt jura severa, facit.

## J O H A N N I C R U C I O

*Eccles. Harlem. pastori cognato  
suo S. P. D.*

Harlemum.

**S**atis mirari nequeo, quâ fiat, ut nihil de te in-  
audierim, ex quo meus ad vos filius. Absit  
tamen ut in parca hac, & infrequenti missitatio-  
ne literarum, quidquam sequius de diligentia  
tua suspicer, cum tam egregiis documentis testa-  
ta sit fides tuæ erga me benevolentia. Inducor  
itaque ut credam, hanc culpam imputandam, aut  
importunis tuis occupationibus quâ publicis, quâ  
privatis, aut sollicitæ tuæ de habendis concionibus  
curæ. Si tamen culpa dicenda est, quæ à tam justa  
causa

causa muneris nimirum rectè obeundi studio manat. Ita occupari, non excuso tantum, sed laudo: enitendum tamen, ut ex curis, & occupationibus innoxia hilaritate emergas, teque saltem per horulas aliquot in portum recipias literarum. Quo quoties fruor, in cœlo mihi esse videor,

— nec isthac

*Otia divitiis Arabum liberrima mutem,*

contrà è vita mihi tollere videntur vitæ societatem, qui ambitiosè tristes, & morosi, literas, hoc est, amicorum absentium colloquia, foras eliminant. Quo statu sint res *Dussennia* nostræ, paucis habe. In vincula coniecta est, sed à quibus abhorere non solent virgines, & solenni fidei sacramento, conjugali militiæ nomen dedit, inque eum recepta est ordinem, in quem major mundi pars. Ad hilaritatem composita hic sunt omnia, & ad gratulationes, vota, bona verba, festivitates, jocos, susurros, basia, & quicquid talium est deliciarum, quæ bellula nostra, tot jam dat, capit, haurit,

*Istis purpureis genis*

*Istis turgidulis labris,*

*Ocellisquæ loquaculis,*

*Quot guttæ Siculo mari.*

Atque inter hos amores, & fervida mutuæ benevolentix certamina, non minus fervent nuptiarum apparatu paternæ ædes: nova indies (ne grande hoc scilicet secretum ignores) consilia de convivii loco, de convivantium ordine, & numero, de mensarum ferculis & bellariis; de Virginis jam desponsatæ habitu, cultu, mundo, & aliis quæ ad hæc *Sacra* faciunt. Tu cum *Cornelia* tua ad solennia hæc nuptiarum solenniter invitati, adeste in tempore, quod rerum omnium est primum, & quidem ipsa *Lubentia* lubentius. Adventum utriusque vestrum avidè exspecto, paciscorq; ut rectà ad nos. Domum meam nosti, cave in aliam; nō-



sti & morem meum in tractandis amicis. Majorem fumum non videbit vicinia. Coena enim mea non *Apicios*, sed *Curios*, non *Lucullos*, sed *Fabricios* exspectat, non delicatulos illos qui appositas dapes non sapore, sed sumptu aestimant, & qui præter pavonem rhombumque, & Ionicum attagenem, cuncta fastidiunt, sed *Crucios* parvo contentos, & qui palatum rationi parere docuerunt, non rationem palato. Quanquam nec pauperis apud nos *Ibyci* pauper erit olus, arida patina, inuncta culina.

~~————~~ me pascunt olivæ,  
Me cichorea, levesque malvæ,

& quantum inemptarum, emptarumque dapum satis est ad mundam, & frugalem mensam. quæ dum fruor, Rex Persarum non vivit me fortunatior, & ut verum fatear, nollem eam mihi felicitatem decem *Paestolis*, aut solidis auri montibus commutatam. Sed & *Passerem* spondeo invenies, delicias tuas, cum viridi jusculo, quem avidius te appetere scio, quàm *Cerberum* suam ossam; aut si varietas delectat, hæc cem sale duratam, quæ stomachum ferculorum copia torpentem acuat, in dubiam coenam, & dentes adipe (ut solet) oblitos, egregie salugine sua defricet. Sed ut ad seria, id est à *Veneris* ad *Martis* castra transeam, haud facile dixerim quantam mihi attulerit voluptatem nuper inexpectatus ille nuntius, de subita ac improvisa clade hostium prope *Bergas* ad Zomam, & navalis illius portenti turpi ruina, quo parturiendo ambitioso nixu, anni aliquot abierunt. Fastum ne hîc in tanto apparatu, ac typho; an temeritatem eorum & audaciam magis admirer, animi pendeo, alternisque sententiis ambigo, & multi in hoc censu mecum. Magnum erat, & patriæ formidabile, in limitaneas nostras arces, easque munitissimas hostem giganteo conatu tentare aliquid, & moliri. Majus rem tantæ molis, tantis cum aggredi animis, tanto impetu,

tanto



tanto instructu navium, tot tantisque armis, tormentis, machinis, ut fidem pene excedat. At longè illud maximum, florem militiæ terrestris & navalis, novæ huic maritimæ expeditioni applicari, certa victoriæ fiducia. Sed consilium hoc hostium recto iudicii oculo si æstimes, quæ, malum! illa fuit audacia, quæ temeritas, patriæ nostræ medullium petere, & in ipsissima viscera penetrare, sub oculis magnanimi Principis, ad omnes occasiones intenti? Qui illapsam ut spes erat in brevia, arenas, vada navium hostilium vim, ut pisces illectos in nassam, egregiam segetem, ac materiem metendæ gloriæ futuram sibi prævidit. Nec eum fefellit augurium. Illi scænim cum aliis nonnullis in vada, prætoria navium, cingi eas illicò iussit, & classè nostra circumvallari. Accessit divini oculi pro suis excubantis paternæ cura (unicum hætenus Patriæ nostræ robur, & asyllum publicæ securitatis) qui *ἄπο μυν-  
χαῖνς* immissa nebula, adversoque vento superbos hostium conatus, ludum suum tristem pertinaciter apud nos ludentes, elusit, & orbis fabulam esse voluit, ac ludibrium eos, qui orbi penè universo, aut imperant hodie, aut insultant, Fulminum ea natura est, ut cedenti materiæ parcant, obstantia quæcunque perfringant. Idem hîc.

*Ἀλλὰ ζοῦεας οὐ πρὸς ἐν πρὸς γαίᾳ δὴ κή,*

& sequitur superbos ultor à tergo Deus, qui suos, quibus indole, & sorte liberis difficilius est servire, quàm mori, benignè miseratus, funestam hanc cladem, & violentiam impotentissimi dominatus, clementissimè à nobis avertit, nec hostem *Scythi* ipsis, & *Sauromatis* immaniolem, intra viscera nostræ licentius grassari voluit; eamque se in terras nostras effundere hominum colluviem, cui nihil simile unquam tulit ulla gens *Thracum*, aut *Lapitharum*. Homines barbaros, transfugas, latrones, sicarios, piratas, ad lanienam factos & carni-

carnificinam, crudelitatis artifices, satores satorumque scelerum: verbo Averni pabula & domus *Plutonia* purgamenta, quæ impurius nihil ex Orci faucibus tota furiarum cohors exhalare potuit. Qui si *Phalarides*, & *Marana*, ac plusquam belluinæ crudelitatis monstra, voti sui compotes evassissent, bone Deus! quantum sanguinis exhaustum fuisset, & poenarum ex iis, quos jam pridem mentito rebellionis nomine diris devoverunt: & ad Orci tenebras damnatos, igne, flamma, ferro, è medio tollere, & in poenæ exemplum, universo orbi Christiano, statuere decretum est. Nunquam sic *Orestes* insanivit, nunquam sic sæviit *Ajax* in porcos, nunquam sic *Hercules* in terrarum quæ domuit monstra, ut isti cum victores evadunt, &

————— *cruenta*

*Per media rapit ira cades.*

quæ ferarum fortitudo est, non hominum. Prisca mihi hac occasione tempora redierunt in mentem, subitque animo non semel tristissima patriæ nostræ facies, sub imperio *Albani*, monstri peculiaribus sacris lustrandi, qui cuncta ferro, flamma, terrore, luctu, & innocentium sanguine sædavit; nec sexus, aut ætas miserationem attulit; sed mori coëgit qui nondum vivere coeperant, & nescientes malum suum, inter hostium manus, & tela ridebant. Ad cujus imaginem, omni cothurno truculentiorum redigi, & nunc illam contendunt, qui hodie tam acriter, tam furiosè eam lacerant, vexant, impetunt omni armorum genere, & ut Comicus ille ἀσὺν δὲ δὲ, σὺν ἀσπίδι. Ecquis enim est rerum Belgicarum ita hospes, cui possit esse obscurum quantam, & quàm horrendam florentissimæ illæ paulò ante ditiones, vastitatem, ac solitudinem eo tempore viderint? quas facultatum direptiones, ararii expilationes, civitatum ac municipiorum depradationes? quàm intolerandas, atque inauditas exactiones, quas virorum nobilissi-

lissimorum sub gladio gementium cædes , funera , lanienas , innocentissimorum fugas , exilia , proscriptiones amplissimorum prædiorum , ac facultatum subhastationes , sanctissimarum legum profanationes , immunitatum , & privilegiorum , quorum ante in verba jurant Principes quàm imperii gubernaculo admoventur , conculcationes modum omnem supergressas ; quantam denique ut verbo dicam , à milite longè omnium superbissimo , in populum natum ad humanitatis cultum , & mitioribus imperiis assuetum , promiscuam saviendi libidinem , nunquam fando auditam , nusquam in Annalibus memoriæ proditam ? Quæ si cui tamen fama , quàm remajoraesse videantur , is sibi ponat unam *Albani* ab omni humanitate derelicti vocem , semper portenti loco habitam , quam in *Hispaniam* reversionem parans , inter epulas usurpavit , ex qua de reliquo poterit facere conjecturam : quum palam gloriaretur , sese in *Belgio* , præfecturæ suæ tempore , quod sexennium non excedit , *plus minus sexcentos, supra duodeviginti millia*, tanquam piaculares victimas , atque odii publici lictamenta , indignis modis , & exquisitis suppliciis , (ut ingeniosa crudelitas est in pœnas) carnificis manu immolasse , quia agere , aut loqui pro *Religione*, & *Libertate* nefas erat , & ultra audaciam crimen : præter eos omnes , quos certè multitudine innumerabiles , vel militaris insolentia per furorem , aut tumultum , vel hostilis iraper ferrum , ac dimicationem terra marique absumpsit. Quis non stupeat ad hæc ipse stipes ? aut quis tale aliquid censeat immane , & barbarum , in ulla barbarie factum ? Nectamen alius nunc est , quàm fuit olim patriæ nostræ hostis. Sed *instrumenta illi explicanda malitiæ interdum desunt*. Sic tuto serpens etiam pestifera tractatur , dum riget frigore : non desunt tunc illi venena , sed torpent. Multorum crudelitas , ne paria pessimis audeat , fortuna favore deficitur. Eadem velle eos co-

L 4

gnosces,

dis sacris initiari, sed & intrà privatos paternarum adium parietes. A cujus institutione, tantò redire potuisti doctior, quo familiarius, paternus animus se ad hanc curam demisit, altiusque in teneram adhuc prolem, tanquam in angusti oris amphoram, aurea sua paulatim monita instillavit. Quorum quoties animo tuo subit recordatio, fieri non potest quin totidem tibi sint ad paternæ virtutis, & gloriæ æmulationem, stimuli, atque incitamenta. Multos in hoc honoris culmine *πλεονεξία* hamatis muneribus inescatos, & aureis compedibus constrictos tenet, semper Tantolos, semper in novas cupidines inhiantes, multos speciosum quidem, sed molestum *Ambitionis* vinculum: quæ maximis sæpe virtutis sub virtutis umbra placet. Tu vir magne, navem tuam flecte ab hac *Charybdi*, *Scyllam* hanc præterlabere; nihil his monitris puta esse monstrosius, nihil his scopulis horrendum magis, & funestum. Qui naufragio multorum infames, magnos viros, & cum viris, magnas opes, fortunas, dignitates in ruinam egerit. O caput, ô finem sapientiæ hæc videre, fugere, meditari! Et à te fieri in uno, dicat mihi integritas tua, & candor insolens aulicarum artium, atque erecta illa indoles mentis tuæ, quæ æqui justique tenacissima, falli quidem potest, corrumpi non potest: in altero humanitas, & in celso dignitatis apice, insignis animi demissio. Hocque ipso magis te amo, quia in *Ordine* illo, & sacro cœtu, nulla alia magis vitia, hanc purpuram deventuant.

Ad *Religionem* venio, alteram epistolæ meæ partem. Illa ut Magistratus, ita & Christiani cuiuslibet hominis *Totum* est, tantumque una, habet momenti, ut sola felicitatem, consummet, nec alia in rationem bonorum veniant, nisi quatenus *Religioni* quæ suprâ cæteras virtutes caput effert, famulantur. Hæc virtutum omnium basis est, & fundamentum, affectuum nostrorū moderatrix, actio-

actionum dux, mentis lux, & animæ nostræ vita, imò anima. Ad quam virtutes omnes, nil nisi verborum sunt strepitus, & inania titulorum.

Quam ut materno pene cum lacte, & ab ipsis incunabulis jampridem imbibisti, & felici consortio junxisti cum munere haud infimæ dignitatis: ita sanctè eam amare, colere, venerari non desinis, imò & profiteri publicè ac tutari strenuè adversus eos qui hodie in hoc nati esse videntur, ut nec ipsi quiescant nec alios sinant. Quibus turbare omnia, innovare, sursum deorsum vertere, Ecclesiæ subruere fundamenta, Religionis quæ publica salus stat, aut cadit, movere cardines, & veritatem, veritatis obtentu, Sinonum instar prodere, unus est animus, una cura. Qui acerrimis suis de Religione diffidiis, contentionibus, pugnis hoc effecere, ut Religio animis multorum, jam exoleverit, aperta per has rixas, lata ad impietatem fenestra, & fractis disciplina, & ordinis in Ecclesia repagulis, data cuilibet ad *Atheismum*, *Libertinismum*, *Socinismum*, *Papismum* & quicquid talium est monstrorum, turpi deficiendi licentia. Qui tanquam ab inferis laxatæ furia, junctis agminatim viribus, & jurato in perniciem foedere, crebro ac importuno laniatu, miserum hunc *Pentheæ* discerpunt. Neque enim res jam intra argumentorum dimicationem consistit, atrocibus utrinque convitiis pugna crudescit, procacibus scriptis, dentatis libellis res geritur, ac reciprocantibus maledictis, tumultus in rabiem exit, alterque in alterius famam lethalia linguarum vibrant spicula. Et hæc Christiani. Tanti nempe est lædere! tanti ultorem explere animū! Sed ut pici ardenti aquam si affundas, non exstinguis illam, sed accendis: Ita talium irritati semel animi, facilius accenduntur, quàm placantur. O tempora! & ubi sumus? Ita jurgiis, simultatibus, odiis fervere omnia, & sacram illam concordia olim ac pacis ædem, nunc funestissimis discordia tædis

accen-

accensam, sic conflagrare, sic virulentis calumniæ telis veritatem peti, proscindi, sugillari! Itane Christum didicimus? Hic ne spiritus ille est pacis, & humilitatis, quas Christiani nominis notas esse voluit, & symbola? hi nexus naturæ? hæc Religionis vincula? Mihi crede nullum capitalius est in civitate malum, nulla funestior in Ecclesia tabes: nec alia ratione magis, Veritas involvitur, læditur, amittitur, quàm qua plerique eam quærunt. *Similes araneis, quæ ut casses & filaménta mira arte è suo corpore gignunt: sic illi sophismatum argutos laqueos suo pte ingenio nectunt*, dumque intestinæ dissensionis facem inter nos ventilant, & tumultuosum drama super Ecclesiæ theatro agunt, dissidentibus inter se opinionibus, ac sententiis fervida nimis, & turbulenta ingenia, veritatis causam sub præclaro schemate zeli, ac pietatis obtentu, non destituunt solum, sed pesium ire patiuntur: dumque ita calidè utrinque in pugnam gestiunt, & supra modum modestiæ effervescent, *ἀκνοντες ἀλλήλους & κατιδίοντες*, luxatius purioris Doctrinæ fundamentis, collabascere, ac ruere necesse est, quicquid ei superstructum. Dici enim non potest quàm periculosum sit configere, & altercari de iis, quæ non tam disputari curiosè, quàm credi voluit Deus, nec rimari nos iussit temere sed mirari, & sacro fidei silentio obsignare. Ut in clarissimum Solis jubar directi oculi vacillant, tremunt, caligant: sic mentis acies, si in hæc adyta. Timonis illud sæpè mihi in mente:

*πάλυμα θηροσύνης ὡς ἔκινεώτερον ἄλλο.*

præsertim in Divinis, ubi quædam esse non invitus agnosco, quæ malo ignorare, quàm discere, & luctari cum homine id est mecum, quàm D E O. de quo malè, & superflue quærere, ingenii scabies est, & animi morbus. *Habet enim hoc D I V I N I T A S ut prodesse malit, quam indagari: neque melius Majestatem suam vindicat, quàm si magna ejus pars*

*pars ignoretur.* Præclarius mehercle, nec utilius certamen iniri potest à piis, quàm quod sibi ipsis indicunt: nobilior pugna, quàm cum vitiis suis: Disputatio melior: quàm si affectuum lascivientium æsum sufflaminent, & plantæ hujus luxuriantes frondes, rationis falcē tollant, putent, resecent: Parum aut nihil solliciti si ista nesciant quæ Deus nesciri voluit. Sed ea Satanæ est astutia, ut sub specie libertatis prophetandi, ingeniis petulantibus habenas immittat, quò libertatis nomine inducta tandem disputandi licentia, ipsissima fidei fundamenta convelli, & certissima quæque in dubium vocari queant. Et hinc illa lues quæ totam pene patriam perreptavit, & florentissimas in ea Ecclesias comprehendit: Hinc funesta illa dissidia, quæ ab exiguo fomite in privata, & publica mala exsurgunt: hinc acres illæ velitationes quæ in seriam pugnam tandem exarserunt. In sacro hoc bello quod tot annos styli mucrone geritur, qualem te præbeas, nulli nesciunt. Utinam plures tui Ordinis tecum? *Vt enim cælo sereno, & tranquillo mari qui vis navi regenda pene sufficit, & minor de Palinuro est cura: at procelloso hoc & illo, navis virum queri: veterem & clavi peritum:* Sic nunc in his turbarum, & dissidiorum procellis, quibus Religio pariter, & Respublica jactantur, plurimi interesse dico, quos in curam, tutelamque ejus incumbere videamus. Videmus te, & boni omnes gaudemus, qui præter scientiam, & rerum usum, conscientiam adfers, & quod caput est, purum illud, & sine fūco *Religionis* studium. Quo quid Patriæ tuæ optatius, civibus gratius, tibi honestius esse potest: Janua enim tibi erit ad famam, apud omnes, & gratiam apud bonos, qui viros suis pretiis, & momenta rerum, ponderare didicerunt. Etsi ea finem non habes, scio, sed ad Reipublicæ tranquillitatem, & populi salutem, actiones tuas dirigis, tanquam supremam legem. Maçte hoc animo vir magne. Nulla enim



enim virtute, mortalis conditio propius ad divinæ naturæ similitudinem accedit, quàm salutem multorum procurando, erigendo lapsos, succurrendo afflictis, & vindicando oppressam innocentiam. Nihil quoque, est in suprema fortuna majus, quàm posse, nihil melius quàm prodesse publico, nihil præclarius quàm in sublimi dignitatis fastigio, *Religionis* causam, causis longè aliis anteferre, & ejus curam, curis omnibus habere potiozem. Nulla alia ratione, nullo genere virtutis, mortalitas magis Divinitatem, sibi devincit, & gratiam ejus ex gratia demeretur, quàm si cœlestis illius Patris cœlestem filiam, a stupri opprobrio vindictam servet, tutetur, asserat; & vel fremente Sathanâ, mundo, tyrannis, illibatæ ejus puritati, nihil detractum, aut imminutum esse patiatur. quæ erit, cum omne istorum nomen, & factio non erit. laborare enim potest, vinci non potest, & quotquot hanc rupem incurrunt fluctus, fracti diffiliunt. Huc muneris tui dignitatem, huc autoritatem tuam confer, huc industriam, & litteras, quas habes sine jactantia, & vanitate; huc consilia tua, dirige; huc primores cogitationes tuas, & curas, & sacrum hunc pietatis & veræ gloriæ tramitem, recto pede, ad calcem decurre. Tam enim latè patet campus virtutis atque honoris, ut nemini bono, sui protrudendi facultas in laudabiles reipublicæ usus, intercludatur. Nil te moveant calumniæ, & levium hominum, maledictis velitantium protervia; quæ splendore virtutis, & gloriæ tuæ refutatur, nil simultates & odia *Novatorum*, nil lingulacium susurri, nil partium frendentium iræ, turbæ, minæ. Invulnerabilis est, non qui feritur, sed qui non læditur. *χρησὸς πορνηγῶς ἔπτερονται λόγους*. Contemptu ulciscenda hæc omnia, & forti animo concoquendæ hæc contumeliæ, quæ hilum de cumulo laudum tuarum non diruunt. Quod si facis magnificentius triumphas, quam si victor redires ab olympico certamine, aut Pythico,



thico, aut quadrijugo curru & albertibus equis, per sacram viam, lauro coronatus in Capitolium invehheris. Οἱ δὲ φρονέοντες τῷ ἀνθρώπων, ταῖς ἀρεταῖς ἐν ἀγαθόντων. Et ut gubernator irati maris fluctus undique affilientes negligit, *Manum in clavo habet, oculos in astris*: Sic te vitiis popularibus defæcatum oportet hoc rerum, ac temporum articulo, quod benè agis, agere, & mentem ad Deum erigere: nec admota semel manu aratro, aut regreditur piter, aut deficere in operis incepti cursu. Athletæ enim in hoc stadio currimus: palma in fine laborum posita est, quæ triumphis omnibus potior, & Regum purpura, nos ad æternitatem natos, æternum aliquando est beatura apud eum qui solus æternitas. Alia nobiscum cadunt, labuntur, pereunt. Hac sola diurnant, & in secula eunt, quæ Reipublicæ, quæ Ecclesiæ, quæ Deo, & ejus veritati militant, animus pius, religiosus, sine fūco, & rectæ voluntatis conscientia, quæ unum vovet, spirat, cogitat, finium omnium ut ita dicam finem, Dei gloriam. Ab hoc scopo, & fine qui aberrat, aberrat ab aliis, & à recto recidit quidquid sit, quantumvis speciosa incrustatione obductum, nec Deo cordium inspèctori placere potest.

Sed quò me fervor calami, & stili æstus abripit? dum *urceolum paro, vasta exit amphora*. Tu vir amplissime qui assiduus es in tuenda publici muneris statione, prolixitati meæ si grata est fave, sin minus condona, atque iterum iterumque reipublicæ, & nobis salve,

*Neve te nobis) ut cum Poëta loquar*

*Ocyor aura tollat*, virum longævitate dignissimum. Delphis 6. Kal. Octob. M. DC. XXXI.

Sed & corollarium hîc habe, versus nostros in imaginem tuam (quando ita vis) fusos, testes non venæ meæ, sed animi, qui tuus est, & erit, donec oculis γλυκερόν φαῖν ἡλίσις, & illa λυσιτελεῖ

Parca divellat, *ῥωσὶς φέρον ἀνὰ γένυ ὕπνον*. Iterum  
vale vir amplissime, & in Crucium, eum te præ-  
bere perge, qui semper fuisti.

*In effigiem amplissimi viri ABRAH. MERANI A-  
pellea manu pictam, & cum naturæ veritate  
certantem, ἐξέστυλον.*

**S**ic oculos, sic ora tulit MERANUS, imago  
Viva patris, tanto digna viro soboles.  
*Iustitiam coluere ambo, Themis una duorum  
Mater, utrumque dedit Iustitiæ, & Patriæ.  
Moribus & genio similes, sed dispar utrique  
In quâ jura darent, Curia contigerat.*

## A L I U D.

**Q**uem Patriæ Nemesis voluit decorare tribunal,  
Sacraque velatis dicere jura oculis;  
Hoc vultu MERANUS erat, tutela bonorum  
Anxia, sed sædi criminis impatiens:  
Non satis est tenuisse locum, laudabilis ille est  
Qui, quæcunque volunt jura severa, facit.

## J O H A N N I C R U C I O

*Eccles. Harlem. pastori cognato  
suo S. P. D.*

Harlemum.

**S**atis mirari nequeo, quâ fiat, ut nihil de te in-  
audierim, ex quo meus ad vos filius. Absit  
tamen ut in parca hac, & infrequenti missitatio-  
ne literarum, quidquam sequius de diligentia  
tua suspicer, cum tam egregiis documentis testa-  
ta sit fides tuæ erga me benevolentia. Inducor  
itaque ut credam, hanc culpam imputandam, aut  
importunis tuis occupationibus quâ publicis, quâ  
privatis, aut sollicitæ tuæ de habendis concionibus  
curæ. Si tamen culpa dicenda est, quæ à tam justa  
causa

causa muneris nimirum rectè obeundi studio manat. Ita occupari, non excuso tantum, sed laudo: enitendum tamen, ut ex curis, & occupationibus innoxia hilaritate emergas, teque saltem per horulas aliquot in portum recipias literarum. Quo quoties fruor, in cœlo mihi esse videor,

— nec isthac

*Otia divitiis Arabum liberrima mutem,*

contrà è vita mihi tollere videntur vitæ societatem, quiambitiosè tristes, & morosi, literas, hoc est, amicorum absentium colloquia, foras eliminant. Quo statu sint res *Dussennia* nostræ, paucis habe. In vincula coniecta est, sed à quibus abhorere non solent virgines, & solenni fidei sacramento, conjugali militiæ nomen dedit, inque eum recepta est ordinem, in quem major mundi pars. Ad hilaritatem composita hic sunt omnia, & ad gratulationes, vota, bona verba, festivitates, jocos, susurros, basia, & quicquid talium est deliciarum, quæ bellula nostra, tot jam dat, capit, haurit,

*Istis purpureis genis  
Istis turgidulis labris,  
Ocellisque loquaculis,  
Quot gutta Siculo mari.*

Atque inter hos amores, & fervida mutuæ benevolentiae certamina, non minus fervent nuptiarum apparatus paternæ ædes: nova indies (ne grande hoc scilicet secretum ignores) consilia de convivii loco, de convivantium ordine, & numero, de mensarum ferculis & bellariis; de Virginis jam desponsatæ habitu, cultu, mundo, & aliis quæ ad hæc *Sacra* faciunt. Tu cum *Cornelia* tua ad solennia hæc nuptiarum solenniter invitati, adeste in tempore, quod rerum omnium est primum, & quidem ipsa *Lubentia* lubentius. Adventum utriusque vestrum avidè exspecto, paciscorq; ut rectà ad nos. Domum meam nosti, cave in aliam; nō-

sti & morem meum in tractandis amicis. Majorem fumum non videbit vicinia. Coena enim mea non *Apicios*, sed *Curios*, non *Lucullus*, sed *Fabricios* exspectat, non delicatulos illos qui appositas dapes non sapore, sed sumptu aestimant, & qui præter *pavonem rhombumque*, & *Ionicum attagenem*, cuncta fastidiunt, sed *Crucios* parvo contentos, & qui palatum rationi parere docuerunt, non rationem palato. Quanquam nec pauperis apud nos *Ibyci* pauper erit olus, arida patina, inuncta culina.

~~————~~ *me pascunt oliva,*  
*Me cichorea, levesque malva,*

& quantum inemptarum, emptarumque dapum satis est ad mundam, & frugalem mensam. quod dum fruor, Rex Persarum non vivit me fortunatior, & ut verum fatear, nollem eam mihi felicitatem decem *Paetolis*, aut solidis auri montibus commutatam. Sed & *Passerem* spondeo invenies, delicias tuas, cum viridi jusculo, quem avidius te appetere scio, quàm *Cerberum* suam ossam; aut si varietas delectat, hancem sale duratam, quæ stomachum ferculorum copia torpentem acuat, in dubiam coenam, & dentes adipe (ut solet) oblitos, egregie salugine sua defricet. Sed ut ad seria, id est à *Veneris* ad *Martis* castra transeam, haud facile dixerim quantam mihi attulerit voluptatem nuper inexpectatus ille nuntius, de subita ac improvisa clade hostium prope *Bergas* ad *Zomam*, & navalis illius portenti turpi ruina, quo parturiendo ambizioso nixu, anni aliquot abierunt. Fastum ne hic in tanto apparatu, ac typho; an temeritatem eorum & audaciam magis admirer, animi pendeo, alternisque sententiis ambigo, & multi in hoc censu mecum. Magnum erat, & patriæ formidabile, in limitaneas nostras arces, easque munitissimas hostem giganteo conatu tentare aliquid, & moliri. Majus rem tantæ molis, tantis cum aggredi animis, tanto impetu,

tanto

tanto instructu navium, tot tantisque armis, tormentis, machinis, ut fidem pene excedat. At longè illud maximum, florem militiæ terrestris & navalis, novæ huic maritimæ expeditioni applicari, certa victoriæ fiducia. Sed consilium hoc hostium recto iudicii oculo si æstimes, quæ, malum! illa fuit audacia, quæ temeritas, patriæ nostræ meditullium pertere, & in ipsissima viscera penetrare, sub oculis magnanimi Principis, ad omnes occasiones intenti? Qui illapsam ut spes erat in brevia, arenas, vada navium hostilium vim, ut pisces illectos in nassam, egregiam segetem, ac materiem metendæ gloriæ futuram sibi prævidit. Nec eum fefellit augurium. Illi-  
 scæ enim cum aliis nonnullis in vada, prætoria navis, cingi eas illicò iussit, & classè nostra circumvallari. Accessit divini oculi pro suis excubantis paternæ cura (unicum hætenus Patriæ nostræ robur, & asylum publicæ securitatis) qui ἀπὸ μιν-  
 γανῆς immissa nebula, adversoque vento superbos hostium conatus, ludum suum tristem pertinaciter apud nos ludentes, elusit, & orbis fabulam esse voluit, ac ludibrium eos, qui orbi penè universo, aut imperant hodie, aut insultant, Fulminum ea natura est, ut cedenti materiæ parcant, obstantia quæcunque perfringant. Idem hîc.

Ἀλαζονείας ὅτις ἐν ῥόβῳ γει δίκην,

& sequitur *superbos ultor à tergo Deus*, qui suos, quibus indole, & sorte liberis difficilius est servire, quàm mori, benignè miseratus, funestam hanc cladem, & violentiam impotentissimi dominatus, clementissimè à nobis avertit, nec hostem *Scythis* ipsis, & *Sauromatis* immaniolem, intra viscera nostra licentius grassari voluit; eamque se in terras nostras effundere hominum colluviem, cui nihil simile unquam tulit ulla gens *Thracum*, aut *Lapitharum*. Homines barbaros, transfugas, latrones, sicarios, piratas, ad lanienam factos & carni-

carnificinam, crudelitatis artifices, satores factorumque scelerum : verbo Averni pabula & domus *Plutonia* purgamenta, quæ impurius nihil ex Orci faucibus tota furiarum cohors exhalare potuit. Qui si *Phalarides*, & *Marana*, ac plusquam belluinæ crudelitatis monstra, voti sui compotes evasisent, bone Deus ! quantum sanguinis exhaustum fuisset, & poenarum ex iis, quos jam pridem mentito rebellionis nomine diris devoverunt : & ad Orci tenebras damnatos, igne, flamma, ferro, è medio tollere, & in poenæ exemplum, universo orbi Christiano, statuere decretum est. Nunquam sic *Orestes* insanivit, nunquam sic sævit *Ajax* in porcos, nunquam sic *Hercules* in terrarum quæ domuit monstra, ut isti cum victores evadunt, &

————— *cruenta*  
*Per mediæ rapit ira cædes.*

quæ ferarum fortitudo est, non hominum. Prisca mihi hac occasione tempora redierunt in mentem, subitque animo non semel tristissima patriæ nostræ facies, sub imperio *Albani*, monstri piacularibus sacris lustrandi, qui cuncta ferro, flamma, terrore, luctu, & innocentium sanguine sædavit; nec sexus, aut ætas miserationem attulit; sed mori coëgit qui nondum vivere cœperant, & noscentes malum suum, inter hostium manus, & tela ridebant. Ad cujus imaginem, omni cothurno truculentiorum redigi, & nuncillam contendunt, qui hodie tam acriter, tam furiosè eam lacerant, vexant, impetunt omni armorum genere, & ut *Comicus* ille *ἀσὺν δὲ, σὺν ἀσπίδι*. Ecquis enim est rerum Belgicarum ita hospes, cui possit esse obscurum quantam, & quàm horrendam florētissimæ illæ paulò ante ditiones, vastitatem, ac solitudinem eo tempore viderint? quas facultatum direptiones, agrarii expilationes, civitatum ac municipiorum deprædationes? quàm intolerandas, atque inauditas exactiones, quas virorum nobilissi-

lissimorum sub gladio gementium cades , funera , lanienas , innocentissimorum fugas , exilia , proscriptiones amplissimorum prædiorum , ac facultatum subhastationes , sanctissimarum legum profanationes , immunitatum , & privilegiorum , quorum ante in verba jurant Principes quàm imperii gubernaculo admoventur , conculcationes modum omnem supergressas ; quantam denique ut verbo dicam , à milite longè omnium superbissimo , in populum natum ad humanitatis cultum , & mitioribus imperiis assuetum , promiscuam sæviendi libidinem , nunquam fando auditam , nusquam in Annalibus memoriæ proditam ? Quæ si cui tamen fama , quàm re majora esse videantur , is sibi ponat unam *Albani* ab omni humanitate derelicti vocem , semper portenti loco habitam , quam in *Hispaniam* reversionem parans , inter epulas usurpavit , ex qua de reliquo poterit facere conjecturam : quum palam gloriaretur , sese in *Belgio* , præfecturæ suæ tempore , quod sexennium non excedit , *plus minus sexcentos, supra duodeviginti millia*, tanquam piaculares victimas , atque odii publici litamenta , indignis modis , & exquisitis suppliciis , (ut ingeniosa crudelitas est in poenas) carnificis manu immolasse , quia agere , aut loqui pro *Religione*, & *Libertate* nefas erat , & ultra audaciam crimen : præter eos omnes , quos certè multitudine innumerabiles , vel militaris insolentia per furorem , aut tumultum , vel hostilis iraper ferrum , ac dimicationem terra marique absumpsit. Quis non stupeat ad hæc ipse stipes ? aut quis tale aliquid censeat immane , & barbarum , in ulla barbarie factum ? Nectamen alius nunc est , quàm fuit olim patriæ nostræ hostis. Sed *instrumenta illi explicandæ malitiæ interdum desunt*. Sic tuto serpens etiam pestifera tractatur , dum riget frigore : non desunt tunc illi venena , sed torpent. Multarum crudelitas , ne paria pessimis audeat , fortuna favore deficitur. Eadem velle eos co-

*gnosces, da posse quantum volunt.* Mihi crede idem illi in nos saviendi animus, idem extirpandi ardor, gentem illam sacram, rebellem, criminis læsæ Majestatis ream, & plusquam Phalaricis suppliciis dignam. Tales enim censemur; & nemo tam aperte malus est, quin crudelitati speciem aliquam justitiæ, & æquitatis obtendat.

*Sed Deus justos oculo irretorto  
Semper respicit, & pios;  
Mortis ut vertat jacula imminentis,  
Diram & sævitiam necis.  
Una spes nobis hinc, ab uno  
Certum præsidium in malis.  
Ille perfundit sibi dedicatæ  
Dulci pectora gaudio:  
Ille fidentum sibi spes, precesque  
Lætum ducit ad exitum.*

hostiumque furori dat metas, quo, & quatenus currant. Similes equis qui in circo dum eunt, aut currunt, frænum ore, equitem tergo suscipiunt, jubentur stare, vertere, gesticulari, saltare, minuire, augere gradus ad leve fræni signum. Quid fræni? imò vocis & virgæ. Idem hîc. Fremant, minentur, sæviant, cades spirent & sanguinem, ferro, flamma perdere omnia in animum inducant, temperat & habenas moderatur semper suprema illa voluntas à cujus imperio, & nutu pendent, & qui occulto providentiæ suæ fræno flectit quocunque visum hanc hostium ferocientium libidinem: & vel invitos levi potentiæ suæ nutu compellit in rationis circum, & gyrum; quemadmodum exigui pulveris jactu, confidunt apum certamina. De rebus *Indicis* altum hîc silentium: plumbeo nunc pede procedere videntur, nec satis in hanc Societatem propensi, qui melius ei facere possent si vellent; & elabi patiuntur occasiones rei bene gerendæ. Frigora hæc non capio, & Sibyllæ foliis mihi



mihî obscuriora sunt. Interim fero, quoniam ut ille monet;

Θυμὸν ἐν κακῷ εἰς ζυμῶσιν.

Sed nec omnium dierum soles occiderunt, & forte serus vesper aliquid olim nobis haud inauspicatum advehet. In quo bonæ spei portu anchoram figo. Uxorcula mea minatur ad vos excurrere post solemnia nuptiarum, ne si neſtat moras, in hiemen incidat, id est imbres, nives, frigora, quorum altero viæ corrumpuntur, alterum scis esse *λεπὴν χροτὶ πολέμιατον*. Tu interim vale, & ad nos curis omnibus solutus, quàm maturrimè veni, ut præſentiæ tuæ accedat gratia celeritatis: nisi facis decimam Musam habeas in omne ævum iratam; sed si & æquò citius, ut fere soles, abire à nobis properabis, jam nunc dico atque edico, vā penulæ tuæ, vā laciniis. Succedaneacum diligentia sarciri poterit transacti hîc temporis cessatio. Delphis postrid. Kalend. Octobr. M. DC. XXXI.

## JACOBO CRUCIO

*filio Pater S. D.*

Lugd. Batavorum.

**F**ili, duplex mihi à ſcriptione tua gaudium, quod incolumem te rediſſe intelligam, & egregiè penſo tuo deſunctum. Utrumque tibi gratulor. Alterum, quia Theſaurum poſſides *τιμώτατον* ſine quo bona alia quid ſunt, firmiori valetudine deſtituta, niſi bonorum umbræ, imo nihil? Alterum, quia ſtimulus tibi, & calcar ad diligentiam, & laborem. Hoc ætatis vere quid melius potes, quid utilius?

Τὸ γὰρ πονεῖν καὶ Θεὸς βούλεται.

Ingeniî agrum ſi jam conſeris, in uberem aliquando meſſem exſurget doctrinæ & virtutis; jaſque ſemel ſolidioris literaturæ, & ſapientiæ funda-

fundamentis , nullo novitatis turbine collabascunt : sed in omnem stant ætatem , quæ improbo labore & indefesso exercitationis usu , in succum & sanguinem abiere. Unde enim illa multorum levitas , ut cothurno versatiliores , quolibet facile opinionis vento circumferantur , & animis vacillantes , huc & illuc impellantur , ut navis , quæ ventis ac fluctibus ludibrium debet ? nisi quod superficiarie libatis studiis , & nullo solidioris doctrinæ succo tincti , ad quælibet amplectenda sint *ἀδιαφοροί* , inclinatis in eam partem animis , non ubi *Veritas* (una , inter tot vortices errorum , cynosura) sed applausus ? Tales & sibi noxæ sunt , & Ecclesiis quibus aliquando destinandi , nec alia testatior ferè contentionum , & turbarum inter nos causa , quàm quod scire se credant , cum nihil sciant , & aut crudi planè , aut præmaturi de iis ambitiosè iudicium sibi arrogant , in quorum adyta nunquam penetrarunt. *Icaro* similes , si ceratas istas pennas propiori Soli admoverint. Tu fili hanc *δοκίμοις Κορίαν* fuge , ingeniorum pestem , & quæ nihil aliud quàm levis , & velut è stramine flamma : nec tam oculos in emensa converte , quàm emetienda adhuc , & pertinacis industriæ passibus superanda : majorem humilitatis materiam , quàm illa arrogantia , aut *φιλαυσίας*. Sicut Junonia avis quandiu plumas circumspicit , & colorem , caudam rotat & sibi placet ; dejicitur cum ad pedes se dejicit. Tale nobis : cristas tollimus , & supercilia , inflati blanda imaginariæ eruditionis aura , quam acris , & excita ignorantia nostræ conscientia dispellit , nec sciolos suos vanitatis tantum arguit , sed convincit. Ita sapere , verè insanire est , καὶ λῆγον ληρεῖν , cum nihil doctrinæ magis sit inimicum , quàm doctrinæ opinio. A qua quò longius quis abest , eò propior est eruditioni , & quò huic proximior , eò modestiæ magis litat , & humilitati , quæ vera ac individua eruditionis comes. Sed de his tantum.

Publica

Publica quid? nusquam non hercules lata sunt, & ex voto. Partus ille nuper montium hostilium, non solum desiit in ridiculum murem; sed formidanda illa apparatus bellicorum potentia, sub *Principis* nostri auspiciis disiecta, fracta; capta (tanquam si vis aliqua major, & coelo missa calamitas iis incubuisset) in fumum hosti abiêre, nobis in prædam. Egregium tyrannis documentum, ne cæco, ac nefario conatu, gigantum instar sustineant pertinacius *Περμαχέειν*, καὶ ποδὶς κέν-  
*Τρα λακνίζειν*. Vigilat enim semper pro suis divinus ille oculus, & victoria non ex multitudine militum, aut magnitudine virium, sed ex prudentia Imperatoris, & propitii numinis gratia pendet. Digna certè quam religiosa recordatione *Templo memoria* consecremus. Nam si grato animo beneficium hoc Dei interpretamur, tantæ victoriæ laus, potentiæ ejus ac benignitati in solidum accepta ferri debet, qui nostri misertus, horrendam hanc calamitatem averruncavit. Res *Germaniæ* planè ex voto fluunt, & Regem *Sueciæ* rerum potiri audimus, quid etiam? acri & ancipiti conflictu diu multumque non ita pridem, utrinque esse dimicatum, tandem in partes Regis inclinata victoria (ut sunt alternæ Martis vicissitudines) & Cæsareorum millibus aliquot in loco fufis, palantes hinc inde copias, aut fugatas aut in deditionem acceptas esse, magni nominis duces in hoc prælio cæsos, ipsumque exercitus præfectum vulnere invalidum, in proximam urbem lætica delatum, vix ac ne vix communem suorum cladem effugisse. *Sagunto* capta, nec Alpes, nec flumina Annibalem represserunt: profigato magno illo Tillio, quomodo *Annibalem* illum Septentrionalem, illa Germaniæ jacentia, & plana? ne velut æstu quodam, & torrente fortunæ raptus, successus suos urgeat? O incertam, & dubiam belli aleam! ô inopinam rerum catastrophem! Cecidêre nunc,

— & minaces

*Turpe solum tetigere mento,*

qui ferro diu grassati, hætenus steterunt invicti, dulcique fortuna ebrui, Germaniam calamitatis theatrum jam tot annos esse voluerunt, & fatalem quasi miseriarum sedem. Quæ enim, bone Deus! funera non ediderunt? quas non illi strages, & lanienas? *Magdeburgum* olim *Parthenopolin* si voles vide, ab imis sedibus excisam, & in ea tristem fœdamque imaginem, flamma, ferro cadentium, ejulantium, & tota urbe discurrentium ut solet liberorum, & conjugum carnificinam inauditam, sub lanionum cultris, more miserarum pecudum, nulla ætatis, nulla sexus habitatione: peream ego nisi humanitatem ipsam periisse dices, fero & ferino illo bello. Quo ut nihil multis retrò annis sol vidit indignius, nihil magis impium ipsa impietas, nihil immanius ipsi *Massagetae*: ita afflictæ aliquando miserabitur Germaniæ Deus, & dejectam, exhaustam, attonsamque continuo cladium isto ferro eriget aliquando, & jam erigit, adspicit, miseratur, auditis, & exauditis suorum tandem precibus ac suspiriis. Luxi diu ejus statum & juxta lachrymas, sæpe de ea mihi sermo, non nego; Ita sum, & cum Homero

— ἃ δ' ἐμοὶ αὐτῷ

*Συμὸς ἐνὶ σῆθεσσι* *Κιθάρῃ*, ἀλλ' ἐλεήμων.

Sed & in hoc animi mei luctu, eam semper spem habui, & fiduciam, Deum esse qui tragicos hos sapientissimè moderatur eventus, qui Ecclesiæ suæ cymbulam tot bellorum nimbis, procelisque agitaram adspicit, cum dormire eum, aut nictare credis. Mergi quidem eam ad tempus, & plusquam decumanis quati calamitatum fluctibus, at non submergi; premi, non opprimi. Ut enim portus, in mari jactatis est refugium: sic Deus in hac vita, miseris & afflictis.

Veni-

Veniet, viniēt aliquando illa dies, quæ dissipatis his bellorum nebulis, serenum tranquillitatis, & pacis solem concusso huic populo redonet, deque ad portum bonæ spei appellere aliquando quassatam ratem. Et jam si quid auguror illuxisse mihi visa, sub auspicio optimi Principis *Gustavi* animi magnitudine, bellicis virtutibus, ac rerum gestarum gloriâ, nemini Regum secundi. Qui intolerandam vicinorum servitutem pertæsus, rebus lapsis succurrere, & arma sua in communem libertatis hostem convertere, non dubitavit; expositisque jam diu orbi ad sermones, ludibria, miserationes, ut cujusque est affectus, benignè suppetiari: ut qui in extrema salutis linea steterunt, in pristinam aliquando sub ductu tanti Principis, libertatem tot cladibus, tot funeribus assertam, vindicati, tanto se magis Deo obstrictos esse intelligant, quò res eorum ruinam inevitabilem minari, & jam jam ad occasum vergere videbantur. Tu Deus populi tui tandem miserere, & innoxii sanguinis tuorum vindex,

*Tui furoris verte potius impetum*

*In impiarum gentium*

*Tot regna nomen quæ tuum vel nesciunt*

*Vel si sciant, non invocant.*

*Semen piorum, quæ laborant perdere*

*Armis, & urbes ignibus.*

*Revocando vetera, parce genitor, crimina*

*Faces furori subdere:*

*Sed pene cunctis obrutos malis, tuâ*

*Nos præveni clementia;*

*Placatus ad sis, splendor ut cunctis tua*

*Clarescat oris gloria:*

*Audi gementes carcerum qui vinculis*

*Marcent: potente dextera*

*De fauce mortis libera, quos cadibus*

*Iam jam tyranni destinant.*

*Et quam intulerunt contumeliam tibi*

*Et quam tuis injuriam.*

*Multi-*

*Multiplicatam redde nostris accolis  
Rerum perennis arbiter.*

*Et nos ovili grex tui, quem pabulo*

*Alis, tueris numine,*

*Et posterorum posteri laudes tuas,*

*Cunctis canemus seculis.*

Vides quò eam , ad sacram nempe salutis anchoram. Fiat & à te fili. nam publicas istas clades aut ruinas cum videmus hostium ferocientium, ubi aliter firmemur? Sed me bellorum & funerum *Germanie* recordatio abripit extrà limites argumenti epistolici: unum addo & finio: ad *Hilaria* agitanda invitaris in diem 19. Octob. qui (ne nescias) dictus est nuptiis *Dussenia* nostræ: nam & te sacris illis interesse volunt. Fiat; aut jam nunc abduco te, & sepono: illud enim commune habeo cum M. Bruto magno illo, & nobili Romano, *Quod cupio, vehementer cupio*. Polyandrum & Riverum salvos esse opto; Regentem tuum imprimis, quem inter primos colo. Delphis ipsis Nonis Octob. M. DC. XXXI.

I A C O B O C R U C I O

*filio, Pater S.D.*

Lugd. Batavorum.

STUDIA tibi allubescere magis, ac magis, & audio, & video. Ita est fili. *Ambrosiam* hanc qui semel degustavit, subactioris judicii palato, saturari ea nequit: sed ejus dulcedine quasi delinitus, curis omnibus aliis se submovet, solus in hac cura. Ut enim ferrum trahitur à magnete, sic ab illa, ingenia discendi cupida. Crescit eruditio? crescit & ejus augendæ magis ardor, & doctrinæ majoris consequendæ fames, ac *philologia* Ut vel hoc ipso, *Palladia* hæc fercula ab aliis differant, quæ ventris, & gulæ propria, quod illorum nos capiat non satietas solum, sed & nausea interdum, & fastidium. Hæc desiderium sui,

fui, quò magis frueris, acunt, novamque semper inducunt famem, nunquam satietatem. Ad eò ut quòd alibi de *Erisichthone* olim fabulatus est ingeniosissimus vates, verius hic flecti possit, qui pleno quærens ventre, epulas quæsit in epulis; nos literas in literis, in Musis Musas. In quarum penetrare adyta, ut voti magis est quàm spei: ita mentis nostræ famam, iteratæ magis acunt, & irritant. Quæ tamen quo longius progredimur, eò impensius placent, & minus molestæ sunt, *studio fallente laborem*. Tu fruiere quantum licet, & libet, animumque jam Theologiæ intentum, ab humaniore literatura ac philosophia erige, erige inquam, ad sacri hujus studii meditamenta qui unus laborum tuorum finis, & scopus. Non quod illam aspernandam putem, sed ancillari volo cœlesti illi sapientiæ, in qua nunc totus, & parere huic Domini; & quod caput, extrà territorium suum, tacere non rogatam. Nam illos ego theologorum filios, & vanos aucupatores gloriolæ odi, quibus *Aristoteles* in manu, & in ore sapius, quàm *Moses*; philosophiæ libri, quam Scripturæ. A qua tamen tanquam ab alto gurgite fluit, quidquid in sacris pulpitis resonat diviniore Sapientiæ. Tu illam lege, volve, tere. Alia præ hac *παρηγορία* tibi sint, hoc *ἔργον*: in hoc solo desuda, ac tum demum egregie te profecisse intelliges, si præ aliis sacra hujus paginæ lectio placere tibi cœperit vel centies repetita. Et placebit si fontes adeas, illos Hebræos, hos Græcos, ex quibus longè dulcius fluunt, quàm ex versionum lacunis, puriores illi latices, quæ irrigari necesse est eorum pectora, qui linguas suas aliis in Ecclesia docendis devoverunt. Unum addam. Vitæ probitatem cole, & quam hætenus illibatam servasti, retine, fove, auge. Mâli occasiones fuge, desidiâ, luxum, crapulam, & quæ alia sunt impedimenta bonæ mentis. Satis enim ipse tua sponte, vel me tacente intelligis, quàm hac ætas facile trahatur

ad

ad vitium, & quam pronum sit in lubrico, & præcipitio labi. Affricat enim scabiem suam convictor malus, & qui tangit picem, non potest non inquinari. Haud quoque ignoras, quàm hæc talia parum deceant juventutem ingenuam, liberalem, benè natam: quàm non sint ex disciplina nobilis vestri Lycæi, & quàm abhorreant ab

— *intonſi Catonis*

*Auspiciis, veterumque norma.*

A studiis tuis absit pertinax diligentia, valetudini haud parum noxia, & calculo Medicorum gignendo calculo nimis idonea. *Caucasum* hunc fili fuge, & *Marpeſiam* cautem, λῆγε ἴψ πόνωι, ἐπ πορεύειν δωδάμητον: Fractas ingenii vires à motu recollige, & vigorem animi à libero cœlo, & aspectu camporum. Scilicet attollit se magis, erigitque ad alta animus, cum liber & solutus cœlum suum intuetur, & tor sub cœlo naturæ miracula.

*Vidi ego jaſſat as motâ face crescere flammæ,*

*Et vidi nullo concutiente mori.*

Sic vitæ hunc ignem moderatis exercitatiunculis accendi, & affectum corpusculum defacari; contrà languere, ac torpescere continua quiete. Vale fili, & nos ama, qui te inter primos, ita me ille, *Primus*, & *Eternus*. Delphis prid. Idus Octob. M. DC. XXXI *Riveto* homini (ita literis faveam) multarum literarum salutem adscribo.

I O H A N N I C R U C I O

*Eccles. Harl. pastori. S.*

Harlemum.

**S**ervata diu, ac constanter ἐχρηθία Pythagorica, tandem tuæ ad nos literæ; quas legi non libenter solum, sed avidè: & dum legerem placuerunt. Omitto elegantiam in stylo, & phrasi. Materia in iis pia, & indolis tuæ imaginem egregiè præ se ferens, quæ nata & facta ad virtutem.

Utinam



in nihil triste habuissent, & funestum de-  
 NUT II. Heu! heu! de morbo audieram,  
 à te de morte. Quàm fluxa hîc omnia, &  
 sumus? *πίας ὄναρ* ut verè nimis olim lyricus  
 , pituit & aliquantulum & bilis, temporis spo-  
 , imò nihil. Et quid alta adhuc, quid vana  
 mur, mox casuri? Impensè amavi hominem,  
 ost eos quos natura vult coli, & jura consan-  
 titatis amari, non fuit carius, aut venerabilius  
 i nomen. Sed quid est? Deus ab his terris,  
 usque sejunctum, in cœlestem eum patriam  
 cavit, & in superum illum tranquillitatis por-  
 1. Quid faciemus? illud Homericum,

*Ἡμεῖς δὲ μέγαλοιο Διὸς πειθώμεθα βελή.*

istem uxori hunc casum esse scio, si prima fron-  
 in crudo mariti luctu cogitet illud *Avelli*, sed si  
 de, dabit dolor auram, & benè illi factum de-  
 bit interpretari. Habebat sanè virum domi fa-  
 cem, æquum, sibi indulgentem, tantaque probi-  
 te ac modestia, ut suprâ nihil fatear me vidisse.  
 le quid? Omnia quæ ad excelsi, & generosi ani-  
 ni *αὐταρκείαν* fatis esse poterant, & vitæ felicita-  
 em: famam nominis illibatam, opes ad invi-  
 liam, conjugem placidam, gratiosam, *Νυτῖο* suo  
 norigeram, etiam ad nutum; mensam lautam, sed  
 qua luxur longè, & crapula: ut sobrietatis scho-  
 lam fuisse dixeris, in ferculorum ipso apparatu,  
 primariis tamen Reipublicæ viris cottidie exci-  
 piendis dicatam. Adhæc servorum, & ancillarum  
 greges ad obsequia paratos, musæum ad animi  
 diversionem non injucundam, libris rarioribus in-  
 struētissimum, ad recreationem quadrigas, & e-  
 quos, ad vitæ usum amplas, & spaciosas ædes, &  
 in iis supellestilis nitelam, & splendorem plus-  
 quam privatæ elegantix & suprâ civem. Sed ta-  
 men ut tempora nunc fluunt extrâ domum pe-  
 dem cum poneret, quàm multa obveniebant auri-  
 bus ingrata, oculis tristitia? quàm multa sincerus  
 ille humanarum actionum arbiter præter votum,  
 aut

ad vitium, & quam pronum sit in lubrico, & præcipitio labi. Affricat enim scabiem suam convictor malus, & qui tangit picem, non potest non inquinari. Haud quoque ignoras, quàm hæc talia parum deceant juventutem ingenuam, liberalem, benè natam: quàm non sint ex disciplina nobilis vestri Lycæi, & quàm abhorreant ab

— *intonsi Catonis*

*Auspiciis, veterumque norma.*

A studiis tuis absit pertinax diligentia, valetudini haud parum noxia, & calculo Medicorum gignendo calculo nimis idonea. *Caucasum* hunc fili fuge, & *Marpesiam* cautem, λῆγε τῷ πόντῳ, ἐπὶ πρυγὲν δ' ὠδά μιν: Fractas ingenii vires à motu recollige, & vigorem animi à libero cœlo, & aspectu camporum. Scilicet attollit se magis, erigitque ad alta animus, cum liber & solutus cœlum suum intuetur, & tot sub cœlo naturæ miracula.

*Vidi ego jactatas motâ face crescere flammæ,*

*Et vidi nullo concutiente mori.*

Sic vitæ hunc ignem moderatis exercitatiunculis accendi, & affectum corpusculum defacari; contrà languere, ac torpescere continua quiete. Vale fili, & nos ama, qui te inter primos, ita me ille, *Primus*, & *Eternus*. Delphis prid. Idus Octob. M. DC. XXXI *Riveto* homini (ita literis faveam) multarum literarum salutem adscribo.

I O H A N N I C R U C I O

*Eccles. Harl. pastori. S.*

Harlemum.

Servata diu, ac constanter ἔχρωδια Pythagorica, tandem tuæ ad nos literæ; quas legi non libenter solum, sed avidè: & dum legerem placuerunt. Omitto elegantiam in stylo, & phrasi. Materia in iis pia, & indolis tuæ imaginem egregiè præ se ferens, quæ nata & facta ad virtutem.

Utinam

Utinam nihil tristè habuissent, & funestum de obitu NUTII. Heu! heu! de morbo audieram, nunc à te de morte. Quàm fluxa hîc omnia, & quid sumus? *πικρίας ὄναρ* ut verè nimis olim lyricus Vates, pituitè aliquantulum & bilis, temporis spoliū, imò nihil. Et quid alta adhuc, quid vana molimur, mox casuri? Impensè amavi hominem, & post eos quos natura vult coli, & jura consanguinitatis amari, non fuit carius, aut venerabilius mihi nomen. Sed quid est? Deus ab his terris, turbisque sejunctum, in coelestem eum patriam evocavit, & in superum illum tranquillitatis portum. Quid faciemus? illud Homericum,

*Ἡμεῖς δὲ μέγαλοιο Διὸς πειθώμεθα βελή.*

Tristem uxori hunc casum esse scio, si prima fronte in crudo mariti luctu cogitet illud *Avelli*, sed si unde, dabit dolori auram, & benè illi factum debet interpretari. Habebat sanè virum domi facilem, æquum, sibi indulgentem, tantaque probitate ac modestia, ut suprà nihil fatear me vidisse. Ille quid? Omnia quæ ad excelsi, & generosi animi *αὐταρκείαν* satis esse poterant, & vitæ felicitatem: famam nominis illibatam, opes ad invdiam, conjugem placidam, gratiosam, Nutio suo morigeram, etiam ad nutum; mensam lautam, sed à qua luxus longè, & crapula: ut sobrietatis scholam fuisse dixeris, in ferculorum ipso apparatu, primariis tamen Reipublicæ viris cottidie excipiendis dicatam. Adhæc fervorum, & ancillarum greges ad obsequia paratos, musæum ad animi diversionem non injucundam, libris rarioribus instructissimum, ad recreationem quadrigas, & equos, ad vitæ usum amplas, & spaciosas ædes, & in iis supellectilis nitelam, & splendorem plusquam privata elegantia & suprà civem. Sed tamen ut tempora nunc fluunt extrà domum pedem cum poneret, quàm multa obveniebant auribus ingrata, oculis tristitia? quàm multa sincerus ille humanarum actionum arbiter præter votum,

aut

aut opinionem videbat, aut audiebat, quàm publica, quàm privata? Itaque is qui Religionem amabat unice, qui Christi causam, qui Ecclesiæ, qui bonorum omnium factam rectam esse cupiebat, qui pro fidei veritate, & orthodoxia pugnabat strenuè, non poterat non tacito, & surdo animi morfu stringi, & ringi, in hac rerum temporumque scena; cum omnia in deterius labi cerneret, & admissis turbarum, & contentionum equis, curram Reipublicæ, vix ullis amplius habenis retineri. Non dicam tadium vitæ, sed tamen satietas oboriebatur piæ huic animæ, tristi hoc rerum statu, & pectus illud, vera virtute delibutum memor originis suæ adspirabat ad exitum, & meliorem vitam, cui natus; ut ii solent, qui in custodia molestiore tenentur. Neque enim domus, sed hospitium hoc corpus est: & brevem omninò moram hic trahimus, si cum æternitate comparetur. Hæc si intimis reponant sensibus consanguinei, gravissimo hujus domesticæ calamitatis vulnere afflicti, lenient dolorem & ratione temperari non patientur tantum, sed volent. Faciant quæso, & peregrisse illum laudabilis vitæ cursum sciant; nosque in eodem stadio sequi, & paulatim accedere tacito annorum lapsu, ad eandem illam metam. Nam ut eximiè eximius ille Sapiens; *Intervallis distinguimur, exitu aquamur, &*

*Quidquid habet ortus, sinem timet, ibimus omnes;*

*Ibimus, immer sis urnam quatit Æacus umbris.*

Quocircà semper in procinctu esse debemus ad excipiendam diei illius decretoriæ legem, quum nemo sit tam florenti ætate juvenis, qui sibi crastinum ausit polliceri; nec rursus tam gravis ævo senex, quin ei aliquid temporis indulgeatur, ad commentandam mortem. Nihil ille quidem præter ætatem passus est, ad quam ultimam jam pene venerat sed tamen vitæ innocentia, & candida illa morum integritate meruerat, votis nostris diutius

diutius superesse; & lugemus (ego quidem) ut  
rarum constantiæ in religione & probitatis ex-  
emplar. Prodigium pene, hac virtute sterili æta-  
te. Sed aliter Deo decretum qui advocavit, & è  
mundi tumultuantis turbis eductum collocavit  
in quietâ, & beata illâ sede, veterum malorum sa-  
num, & morbi solutum. Res *Germaniæ* nunc læ-  
tiores sunt. Victoriâ *Sueci* avidis hîc auribus  
excepimus, bibimus, hausimus. Deus porrò *quo*  
*vindice Regum fulget apex*, heroicos magni illius  
Principis conatus favore suo secundet, & tenta-  
menta recuperandæ libertatis. Faxit inquam in-  
spector ille, & arbiter rerum humanarum, qui  
vel solo nutu, bellorum nimbos, tempestatesque  
serenat, ut post hæc nubila, blandior Ithœbus af-  
flicto huic populo tandem affulgeat, & post tan-  
ta rerum discrimina, tot pugnata bella, *Hilaria*  
agitare liceat, mœroris jam situ, ac squalore con-  
fectis. O dies veniat! quo hanc Ecclesiarum mul-  
tarum matrem *Germaniam*, benigno Deus oculo  
adspiciat, vindicet, misereatur, & brevi, si ita vi-  
sum, liberet intestino illo bello, verè malorum  
lerna. Quod eum corde rogo, & boni omnes  
mecum. Et si fiat, profectò exsultem voce, gestu,  
animo, & non capiam gaudii mei modum. Sed ut  
quæ causâ scribendi tibi fuit, in ea desinam, amo-  
te mei amantem. Vale, *Corneliæ* tuæ à me salu-  
tem, filioli osculum: etiam, si voles, uxori. Del-  
phis 15. Octobr. M. DC. XXXI. Epistolam fratris  
tui Jacobi ex India Orientali ad te missam & vîde-  
re jam diu gestio, & legere, sed frustra, amissam  
credo, aut sepositam: nam si vel cochlea esset,  
jam tandem adrepisset.

SAMUELI

## S A M U E L I A M P S I N G I O,

*Eccles. Harl. pastori**S. D.*

Harlemum.

**E**Go ad talem salutationem, & à tali fileam, differam, aut asperner? cui nihil acceptius, nihil dulcius accidere potest, quàm eruditis misceri; nunquam mihi illa mens, ex quo viros meritis suis metiri didici, eosque admirari, quos literarum apex suprâ vulgi sortem evexit. Quorum quantò majore inopia laboratur, eò mihi digniores videntur, quos amet aliquando, & veneretur posteritas. Rem dicam. Tu mihi ille es, nec alium huic ævo deprædicant tua ipsius monumenta, pietatem vere spirantia in *Deum*, dum strenue veritati cœlesti militant, adversus profanos seculi mores & errorum licentiam. Haud obscurum mehercle indicium animæ Christianæ! Nam si (ut bene alibi os illud veritatis) *ex abundantia cordis os loquitur*, quid judicandum de iis, qui divini numinis honori, non linguam solum, sed calamum & stilum devotum eunt? Certe ad hoc natifumus, & nihil majori mentis ardore, nihil impensiore cura agitandum, quàm ut hæc laborum nostrorum meta sit & finis. A quo qui aberrat, aberrat ab aliis; & nihilo mihi plus sapere videtur eo, de quo in Evangelio, qui talentum suum defoderat: aut iis qui scientiam aucupantur ad pompam, non ad usum, & ut sciant, non ut sapiant. Male. Nam ut Luna quod luminis à Sole accepit, infero huic mundo refundit: sic pia animæ dona quæ à magno illo *Deo*. Nec melior mea quidem sententia, his donis fœnerandi ratio est quàm si excussis viribus nostris, nempe

————— *quid ferre recusent*  
*Quid valeant humeri* —————

animum

animum ad ea studia adjungamus, ad quæ indolem nostram, & genium propendere videmus. Neque enim *omnis fert omnia tellus*, nec unum omnibus allubescit: sed ut varia sunt hominum ingenia, ita partitè *sua quemque nobilitant*. Sunt quos *Oratoria* delectat, sunt quos *Poësis*. In utroque excellere, ut paucorum est: Ita in altero solum, non est quorumvis, sed eorum tantum, quorum erecta indoles, acrioris ingenii alis subvecta, ad ardua raro cœli favore adnuitur, & assurgit, si campus detur in quo vis industriæ eorum decurrere, atque exspatiari possit. Ad utrumque natos, Oratores nempe non minus magnos, quàm Poëtas, *Scaligeros, Marnixios, Baudios, Heinsios, Grotios, Barlaos*: Oratores *Trelcatios, Pavios, Vossios*: Poëtas *Cassios*, viros vel ad veterem Græciam elegantes, non patria nostra solum hodie miratur: Sed

———— *quisquis extremum colit*  
*Utriusque Phœbi litus; aut recta face*  
*Æstiva medius regna quæ torret dies:*  
*Quique in remotâ noctis immensa plagâ*  
*Glaciale planstri sidus Arctoi videt.*

Rariora hæc *Natura* dona, & doctrinæ miracula, ut ad eruditissimæ antiquitatis gloriam proximè accedunt: ita invidia majores longè à tergo relinquunt, quotquot egregiis ingenii monumentis inclarescere satagunt, & felici auspicio nomen suum credunt perennitati. Nec tamen doctorem ideo studia tardari decet, aut industriam languescere, quod ad supremum laudis literariæ gradum assurgere paucis datum. Nam in rebus arduis, omnia potius tentare oportet, quàm ob assequendi *δυσκολίαν*, à recta voluntate descri; cum ad summa nitenti pulchrum sit in secundis, tertiisque consistere; & sua laude non careant, quæ sunt maximis proxima. Neque enim omnes *Caton*es aut *Scipiones*, aut *Lalii* (ut ait Tullius) esse possumus:

*Nec*

*Nec si priores Mæonius tenet  
Sedes Homerus: Pindarica latent  
Cæque, & Alcai minaces,  
Stesichorique, graves Camæna.*

Quocircà mi Ampsingi, perge quæso in laudabili hoc instituto, nec genio tuo unquam ita succensere, ut venam quam habes, exarescere patiaris desuetudine, aut neglectu. Nihil est enim ut exemplis, & antiquis, & recentibus erudimur, quod studiis hominum majorem inducat languorem, & frigus, quàm intermissio, nihil quod magis acuat, & ad perfectionis apicem pene perducatur, quàm crebra, & indefessa exercitatio, & φιλεργία. Ut enim *fruges non bonitas soli tantum gignit, sed cœli solisque fœtus, & temperies*: sic poësis non à fertili naturæ tantum solo alenda, sed vestrâ ô Poëtæ industria cœlesti velut quadam aura fovenda. Quid in his *Musis* præstiteris olim, & quàm feliciter, testis est *patria tua Urbs*, quæ luculento descriptionis tuæ elogio, per omnes terrarum oras, ubicunque florentissimarum urbium memoria viget, illustri fama celebratur nunquam interitura, quandiu egregia hæc ingenii tui erunt monumenta. Fortunati ambo, si quid judico! illa quod te præconem laudum suarum nacta sit: Tu quod infantia tuæ, & juveniæ ea contigerit urbs, quæ cum primariis Hollandiæ civitatibus, cœli clementia, situ, amœnitate, legibus, artibus, disciplinis, ædium nitela, contendere mihi videtur de principatu: Quæque ut nascentem olim te vidit, fovit, eduxit: ita eductum jam colit, veneratur, & ab eo pasci gaudet, quem aliquando ipsa pavit. Ita nempe officia officiis provocantur, & beneficia qui præstat, exigit. *Catechetica* tua vidi, item *Canticum canticorum*, *Threnos Jeremiae*, &c. versu reddita. Judicium exposcis? Placent, simulque hortor, & seriò, ut in sacris his Musis perseveres, & Parnassios hos latices, in amœnos scripturarum campos, usque derives,



derives. Gravius mehercule nihil, cum ad rectam rationem, & ad serium iudicium rem exigo, à te tractari potest; si materiam spectes, nihil utilius; si bonos, quibus hæc *Sacra* fiunt, nec certior (mihi crede) demerendi posteritatem ratio, quam iis illustrandis incumbere, quæ Sapientiæ omni divinæ, & humanæ coronidem imponunt. Sic ut floribus alii ad odorem, aut ad spectum utuntur tantum, apes etiam ad mellificium: Sic tu studiis his literarum, ad quæ mihi videre natus, non ad delectationem solum, sed ad usum. Parum interim aut nihil sollicitus, quid *momus* unus aut alter (vappæ & quisquilæ hominum) de te sentiant. Non enim tam præclare agitur cum rebus humanis, ut optima quæque pluribus allubescant; imò *nec udus, aut sudus Iupiter omnibus placet*. Carpunt? ita sunt, & ea sæpe quæ non capiunt. Et ut apud Homerum *Diomedes* exitit, qui *Veneri* cruentum vulnus infligeret: Sic multi hodie existunt literiones,

— οἷα τε πόλλ' ἔσ' .

*Βόσκει γὰρ αἰνὰ μέλαινα πολυσπέρης ἀνδρόπων.*

qui nihil impensius agunt, quàm veneres, & amœniores doctorum musas, atro dente arrodere, & insectari, mordentque acrius morituri, ut quædam bestia. *Ubi franguntur undæ, ibi æstuant. Circa scopulos iratum semper mare, & quia obstant, quatuntur.* Tu hos tales si sapis, ride. Nemo enim nos tangit, nisi ipsi volumus, & fregit omnia convitiarum tela, qui contempsit: si irascaris agnita videntur, spreta exolescunt. Quid quod & illi qui in aliorum vitiis tam cernunt acutum, si in actiones suas inquirere velint, domi fac erit, quod Censoria notatione animadvertant, ne foris quæratur in quem maledicæ suæ linguæ spicula vibrent. Sed jam fessus longæ scriptiois, tempus videtur desinendi literarum satis loquacium. Vale vir multis nominibus observande, & quam appetis amicitiam, in promptu est, quæ ut magnes ferrum, docta & lite-

literata ad se trahit ingenia consensione tacita, & συμπαθεία. Delphis 4. Kal. Decemb. M. DC. XXXI. Crucium meum ἀσπάζομαι.

BARTHOLOMEO *van der* MASTIO

*Studio* S. D.

Cadomum.

NULLIS me literis affatus es, à tuo in *Galliam* discessu. Quid causæ? distractiunculæ, & occupationes studiorum? an frigus aliquod, & immemoria nostri, ex locorum intervallis? Illud credere me jubet agnata tibi ad literas propensio: hoc vetat amor, quo me complecteris, candidus, & sine fuce. Patiare exstingui? non debes, ac ne fiat, en meas literas, quas tuæ non elicerunt, sed cura tui, quæ ita in animo meo defixa est, ut inde revelli nequeat. Nam jucunda licet mihi sit, & suavis amicorum omnium necessitudo, eorum tamen maximè (cur dissimulem?) quæ est disciplina, & velut sinu nostro prodiere. Natura hoc dedit, ut beneficia nostra amemus: tum utique magis, si grati sunt in quos collata. Eum te esse scio, & video. Ita officii plenus, *Gratis* litasse mihi videris, & à natura ipsa didicisse, quid humaniores literæ, quid humanitas, quid iusta doctorum æstimatio flagitet. Certè animum meum seriò afficit, cum te è stirpe urbis nostræ patricia, dignum ea video, & generoso indolis affectu, non æmulantem solum majorum famam, sed & à te diffundere & propagare eam aptum. Ita est mi Masti. Ut à radice bona, fructus boni: sic ab ingenuo semine, germina ingenua expectari haud rarò solent. At quanto optatius spectari, quàm expectari! Tu mihi talis, & in te jam video, qui jam olim optimis literis non tinctus solum, sed imbutus, quæ ad honoris fastigia ducunt, perseveras easdem & colere, & venerari. Calcar testimonii, & iudicii mei hoc habe, sed perge, & lætam

latam ac luxuriantem in te segetem, fove, cole, matura, ut in latiore aliquando, atque uberiori messe exsurgat. Vides *Athletas*? oculi semper illis intenti in metam: sic tibi mens in eruditionem, & in eum censum quem ex Patriæ ruinis secum asportavit magnanimus *Bias*: non aliam quare studiorum tuorum, & laborum palmam. Cætera enim quæ fortunæ arbitrio tum dantur, tum eripiuntur, fluxa omnia, lubrica, & caduca, nec tam egregium existimo illa habere, quàm contemnere. Quid enim stirps, patria, genus? quid forma, ætas, ingenium, honores, opes? Quid aurum illud quod tantopere admiramur? abeunt illa, nec eximere nos queunt, aut nostra mortalitatis lege. Sola hic fama perennat, virtutis & bonarum artium studiis comparata. Et hæc propriæ hominis sunt opes, quæ in pectore, & animi scrinio struuntur, non in arca: quippe quæ usu augeri solent, non minui, meliores fieri, non deteri, non senescere, non contingere malis, ut opes, non ignavis, & immeritis ut honores, non etiam, avocare homines à virtute, sed instruere; imò parata semper esse præsidia, ut quæ à nullo temporum lapsu dependent; demum sine his ne homines quidem nos esse. Aristoteles Philosophorum ille princeps, crassio cuidam, & ἀπρόκοπερcontanti; Quid esset discriminis inter doctos & indoctos? haud inscitè respondit; quod inter viventes, & mortuos: rectissimè judicans, qui corporum modò vita fruerentur, quam habemus cum pecudum genere communem, & corporeis tantum oculis solem intuerentur, quem acutius longè cernunt aquilæ; animis verò quibus lucem ac vitam donat *Philosophia* nihil cernerent, eos nec hominis appellatione dignos, & mortuos esse verius quàm vivos; minimoque intervallo à lapideis differre signis: hoc nomine etiam inferiores, quod statuas sic delectant oculos, ut nemini noceant. Si vivunt, vivunt tantum. & aura omnis

doctrinæ vacui, ætherea solùm vescuntur, qua & asini, tantumque à doctis differunt, quantum à videntibus cæci. Præclare olim Poëta

Ο γράμματων ἄπειρος ἔβλεπε βλέπων  
Διπλῆν ὄρεσιν οἱ μαθόντες γράμματα.

Hæc tecum seriò deputanti (ut sapius ex me audita) quid mirum, si tantus literarum amor, tanta laudum æmulatio, generoso tuo pectori inhaeret? & si tanquam ad forum literarium, quo solidioris doctrinæ jacias fundamenta.

——— μέγας (σε) θυμὸς ἐπιίχει  
Δῆμον ἐς ἀλλοδαπὸν ἵεναι ———

Nam ut plantæ interdum si transferantur felicius surgunt: ita ingenia cum fructu plerumque patriam relinquunt. Bene est fili, (ita te appellare mihi fas, qui formandæ tuæ juventæ non ductorem me habuisti solùm, sed patrem) bene inquam &

*Ibene quò fortis te vocat aura tuæ.*

Sed pede ut fausto, ita & recto, in studiū, in vita. Amplius fateor, & patens tibi campus, in quo ad optabilem metam pleno gradu contendas: Palæstra nobilis in qua industriæ tuæ ingeniique vires exerceas, & masculum capias animum & robur ex conspectu, & alloquio tot virorum, virtutis, ac doctrinæ fama illustrium. Sed unum *Studiose*, hic te moneo, ἀμεθοδίαν fuge. Multos enim illa perdidit, qui dum vago quodam impetu perreptant omnia, & nihil non curioso lustrant oculo, nusquam esse verè dici possunt, dum ubique sunt. Tu melius, neque temerè nunc in hunc, nunc in illum autorem rapiaris: cum enim animus dividitur ad multa, fit minor ad singula: sed unum elige, non ante relicturus quàm ad calcem perveneris, notatis quæ observatione digna videbuntur, in phrasi, & in re. Nam in utroque proficere te volo, nec minus latinitatis affectare puritatem, ac elegantiam, quàm prudentiæ tuæ civilis scientiam. Mirum quântum Themidi robur &

& decus afferat eloquentia. Quam non aliunde felicius haurias, quàm ex divite illo, & magno eloquentiæ penu *Cicerone*. Ipsum Ciceronem audi: *Efferat se inquit in adolescente facunditas*. Initio molestiam aliquam habet, postea voluptatem cum crescunt opes, & miraris ipse tuas messes ex tam fecundo agro: cujus agnatam luxuriam maturior ætas depascit. Nam quam excrebra ejus lectione contrahes styli copiam, minuet eam facile, ac deteret crescentis tui per ætatem judicii lima: præsertim si lascivientem ejus ubertatem, acri & nervosa *Seneca*, *Salustii*, *Taciti* brevitate temperes. Præclara quidem alii fateor; sed non robore eodem, aut nervis. Spirat nescio quis calor in eorum scriptis: qui ad lectorem quoque pervenit: nec differere illi magis de *Virtute*, & *civili prudentia* videntur, quàm inferere, & inculcare. Triumviri illi, maximi prudentiæ magistri semper tibi in manu, non præ aliis solum, sed soli. Quis enim Deus bone! lectionis nostræ finis, si in eos omnes incurrimus, oculo, manu, calamo, qui videri merentur, & tractari? Exemplum meum vide. Lego, sed paucos, eosque non bonos solum, sed optimos, idque ex Romani illius sapientis consilio. *Certis inquit autoribus immorari oportet & innutriri, si velis aliquid trahere, quod in animo fideliter sedeat. Quæ varia sunt, & diversa inquinant, non alunt, nec prodest cibus, qui statim sumptus emititur. Et ut agri animi ista est jactatio: ita nihil æquè sanitatem impedit, quàm remediorum crebra mutatio. Qui quò destinavit pervenire vult, unam sequatur viam, non per multas vagetur: non ire istud, sed errare est. Quid, quod parum stringit, qui nimium amplectitur, & fastidientis stomachi est, multa degustare. Sed & ad virtutem te hortor, cui primò nati sumus. Reliqua secundas in hac scena partes agant. Doctrina virtuti ornatum addit & velut purpuram, & honorum solet esset pararia; sed hæc ad salutem nos ducit,*

M 2

quam

quam nisi consequimur, malè, & infelicitè à nobis decurritur hoc quidquid est vitæ. Inseſſi tibi nunc est *Gallia*, illa cultiſſima terrarum, comitatis omnis ac elegantia magiſtra, Muſarum ſedes, honoris theatrum, artium omnium mercatus, & panegyris. Sed cave credas tuta ibi omnia. Habes, habes *Adoleſcens* quæ videas, ſed & quæ vites. Hinc mala eorum conſortia, qui dum ſtudioſi audiunt, ſtudioſorum decus, vitæ, ac morum turpitudine devenuſtant, liberalium ingeniorum peſtes, virtutis remoræ, & Academia propudia: hinc, liberioris vitæ licentiam, loci amœnitates & delicias, illas venerum formas rariores, quæ ſpectari hodie ſe gaudent, & juventutem cultus & vultus ſui lenociniis captant, ineſcant, faciſſimant, & in hoc amplectuntur, ut ſtrangulent. Tu hæc oculorum veneficia, quæ blandam vim adferunt, etiam ingeniis haud malis fuge:

— *nec te ullis allinat contagiis*

*Pruritus aliquis, tale contubernium*

*Odiſſe proſpera: δὲ γὰρ μὴ μόνον ἀπὸ χειρὸς τοῦ κακῶν, ἀλλὰ καὶ τὰς τοιαῦτα πρὸς αὐτὴν ἀποσπένδεται.* *Syrtes* has præterlabere, naufragio multorum infames, hanc periculi plenam *Charybdin*, hos Sirenios ſcopulos. Ubi *Lycurgus* ipſe ſtoica ſua fronte ad nequitiam poſſit adduci, & ubi majoris voti eſt, perire nolle, quàm ſervari. Verbo. Deus tibi ſemper præ oculis, qui greſſus tuos dirigat in viam rectam, & probitatem tuam vindicet à ſeculi contagio, & projecta hac morum licentia. Nam *ut in naſſam facile illapſus eſt, ſed exitus difficileſſis: Sic declive iter in vitia, reditus ad meliorem ſrugem, non perinde facileſſus; imò.*

*Vix illigatum te triſormi*

*Pegaſus expediat Chimæra.*

Sed meliora. A puerilibus enim annis ſemper tibi ſcintilla aliqua, ad virtutem prælucentes. Eas fovere tuum eſt, ut auctæ diviniſſimæ auræ afflatu, aliquando in flammam erumpant, quæ vitiorum ille.

illecebras tanquam paleas, & quisquillas leviores adurat. Finio: & quia longè à nobis is, vide, disce, prudentiæ etiam aliquid absentia collige; ut ad tuos velut avidus negotiator, bonarum literarum mercibus locuples redeas, patrem oblectas, patriam juves, De me, amo te & amabo, favebo & fovebo, nec ulla tam alta erunt montium iuga, tam vastæ latitudinis maria, quæ te mihi præripiant, quin locis diffitus tibi jungar affectu: nam ut corporibus non datur, dabit aliquando dies nec despero quin olim,

—— *dextra conjungere dextram*

*Fas erit, & notas audire, & reddere voces.*

Ut id possit Deum rogo, & ut is te amicissime Masti longum familiæ tuæ honori, & gaudio servet. Quid amplius? nihil præter animum, quem ad te mitto (utinam totum possim!) adamantino vinculo tibi nexum. Vale & talis in me persevera. Delphis 17. Kal. Decemb. M. DC. XXXI.

JOHANNI CRUCIO *Ecclesiæ  
Harlemensis Pastori, cognato suo*  
S. D.

Harlemum.

HOMERI versum Pyrrho Philosophus in ore semper habebat istum:

Οἷον περ φύλλον ῥυεῖν, τοῖσι δὲ καὶ ἀνδρῶν

Nec injuria; nihil enim dici potuit verius in hanc sortem. Videsne in agris, ut fruges satæ, aliæ crescant, floreant, maturescant, metantur? aliæ in herbam surgant, aliæ in culmum, aut in aristam & in ea pereant? aliæ vix natæ, atque è terræ sinu prodeuntes, concidant? Sic homines. Alii paulò longius, alii brevius, sed omnes in eadem via currimus, & ad eundem finem,

*Serius atque ocius*

*Mors sua quemque manet.*

M 3

Ne

Ne longius abeam, exemplum tibi non ita pridem in filiolo tuo. Venit, abiit, natus, denatus veluti flosculus, in ipso ortu succisus, & quem una dederat dies, altera abstulit. O vascula fragilia! ô morbi pabula, & mortis victimas! sed citius si cursum hunc finivit, quid nisi compendium fecit miseriæ humanæ? Philosophum interrogatum quid esset vita, cubiculum ingressum ajunt, & illicò egressum: hoc actu, tanquam penicillo, egregiè depingentem humanæ vitæ non inconstantiam solùm, & fragilitatem, sed & *diverſitatem*. Quid enim nostrum nasci aliud, quàm mori: Quid vitæ? nisi via à matre ad matrem: ab ea quæ homo, ad illam quæ humus? Felix animula, quæ malè mori non potuit, quia benè vixit, & benè, quia peccati nescia, quæ carcere suo liberata ad beatas illas sedes commigravit, antequam carcerem esse sensit, relicto ad tempus corpusculo suo, quod in parentis magnæ sinu, nunc placidè conquiescit, malorum omnium experts. Doles? malè. Quid enim queri aut dolere potes, si hæc à DEO? Atqui esse ab illo Christiani nos non scimus solùm, sed cotidie profiteamur, imò rogamus, *ut fiat voluntas ejus*: facta est. Luges? peccas, & in sanguinem tuum injurius es, imò si examinas in te ipsum. Justior enim longè tibi latandi causa est, quàm querendi. In infantulo hoc obsecro te, quantum illud est quod perdidisti? herbam dicam? certè vix herbam, nedum florem, aut fructum:

*Monstrârunt terris hunc tantum fata.*

Vix enim vitam à limine salutavit, & ablatum est, vidisti tantum, vix habuisti. Et quid? verè dicam, *exigui donum breve temporis*, fumum, auram, nihil. Tristior longè casus, & gravior jactura esset in aliis, quorum joculos, susurros, blanditias, amplexus, oscula, parum explanata, & dimidiata verba, pueriles lascivias, reminisci non posses sine iterato lactu. Quid in isto? vagitus, lamenta, lachryma, vigilia, educationis radia, noctu, diu: præser-



præsertim matri, cui nunc aliqua ab infantuli huius excessu, respiratio & quies. Quid ergo hic mali, imò quid non boni: si oblatus ei à quo ablatus? & si cui natus erat, eidem datus est? tanto parentibus beatior, quod illam nunc totus felicitatem spirat, quam illi sperant: quæ verè vita dici potest; non hic fundus calamitatis, in quo mortuam vitam, & vivam mortem inter dolores, ac labores trahimus. Si initio conceptus, abortum passa fuisset mater, minus credo doleres. Idem nunc valeat, nec unius diei proles, ne dicam prolis umbra, solidam animi tui tranquillitatem turbet: minor plantæ, quàm arboris interitus est. Ad hæc, quantillum hoc totum est quod vivimus? *si molestias inspicis, etiam puerolongum; si velocitatem, etiam seni angustum.* Amplius. Deus qui unum hunc ad se recepit, duos adhuc tibi indulget, non sanos modò, & vegetos sed lepidos, alacres, ad gratiam natos, & amorem; quibus spem, & expectationem amissam restituas, aut superes. Ut igitur vestem si amississes, aliam sumeres, atque eâ te tegeres: sic nunc fac; pro filiolo uno mortuo duos alios substitue vivos. Et si tantus suscipiendæ prolis amor, & augendæ Cruciadum familiæ fervor, agrum habes fœcundum. Tueum cole, & à longiori puerperii situ, tanquam novale, novæ sementi faciendæ idoneum, pro virili tua exerce, pastina, confere, occa. Non una messe exhauritur hic fundus, sed abundè remunerat satoris gratiam, & liberalitatem. Quæ spes si fallat interdum, certè non minus educationis nostræ cura, & labor. Quantis molestiis teneri educantur? quàm diligenti nutrimento obnoxium novissimè corpus adolescit? at quam nullo negotio solvitur? Optimè nati quàm sæpe degenerant? quàm alieni à virtute patriæ? ut optares nunquam ex te genitos, aut in cunis extinctos. Exempla passim obvia hoc ævo in bonis quibusque, imò optimis, qui intimis sensibus sæpe lugent probra, & dedecora de-

generum liberorum. Quid, quod incerta sunt omnia rerum humanarum; qui nunc benè audit, cras male; qui hodie *Cræsus* aliquis est, aut *Cræsus*; cras *Irus*, & nemo liberos vel optimos habet, ut non cum gaudio, & metu aliquo adspiciendos. Et tum illum adhuc revoces? Noli.

————— *flagrantior aequo*

*Non debet dolor esse viri, nec vulnere major.*

Ipse doleat, turpi iterum huius seculi licentia immergi, & morte somno simillima extinctus, nec diu colluctatus cum sævitia morbi, tot tantisque iterum periculis, malis, calamitatibus exponi. Infans qui hic erat, pene sine mente, sine sensu; virum jam illic agit, atque ad eò super omnes viros sapit, sapientiæ radiis non cinctus solum, sed perfusus. O beatum! & te quoque, si quàm beatus ille sit, seriò cogitas ac sentis. *Quid refert quando finiant temporariam, qui transeunt in æternam.* Vide *Patriæ* nostræ statum, quid in ea firmi, aut lati? Vide *Europam*, tubæ pene ubique, & turbæ, mutationes publicæ, privatæ, bella, clades, funera, laniæ, agrorum depopulationes, urbium capturæ, excidia, ruinæ, bonorum proscriptiones, sanguinis in omni ætate, & sexu effusiones prodigiosæ, & nisi Deus misereatur, horrenda exitia rerum, & statuum. Quid ergo vita hæc quam optamus in longum duci? & quis in talia libenter suos educet? & in hanc miseriarum spem alat? Maneant quos Deus dedit, & vivant diu, habituri suam sortem: alios voto ne revocemus in hanc tristitiæ & calamitatis scenam, imò gratulemur evocatis. Amisissos natos qui nimis desiderat, injuriosus in relictos est pater. Tu hæc, & plura tibi, sed & conjugii tuæ subijce evaporandi doloris gratiâ. Quam scio verè matrem esse, & tenellos hos foetus materno, id est tenero affectu *séper*. Si quid certi habes de rebus *Indiciæ*, aut *Germaniæ*, significa, me ama, & vale. Puerperæ à me osculum, & salutem. Datum Delphis 15. Decemb. An. M. DC. XXXI.

*Viro*

Viro Clarissimo JACOBO CATZIO JCo.  
& Rcip. Dardracena Consiliario, &  
Syndico S. D.

Dardracum.

I Gnotus te compello, vir clarissime, & ante tibi invisus, amicitiae tuae fores liberiuscule pulso per literas, quas perruptis tandem pudoris omnis obstaculis ad te mitto, affectus mei in te indices, vellem animum in iis, nominis tui & famae non minus vindicem, quam admiratorem. Quae causa inquires? Eruditio tua, & virtus in illustri hoc mundi theatro collocata. Quibus ceu acri quodam thyrsos, ita me jam dudum percussus sentio ut amare te inter xvi nostri doctissimos coeperim, & tacito affectu venerari. Miramur cum magnes ferrum ad se trahit; sed quis tam ferreus quem iste tot virtutum quae omni laude nostra sublimiores sunt, in uno concentus ad amorem non alliciat? Ingenii tui monumenta, consecrata perennitati literarum, vidi & legi, non facili solum vena fluentia, quam omnium seculi nostri in hoc genere poetarum laudes exhauris: sed nectare quodam condita rerum veterum, & novarum. Quae te (patere ut dicam) non solum arguunt eximie doctum: sed & lectionis tam indefessae, ut in antiquioris omnis, ac recentioris Sapientiae adyta penetrasse videaris. Nempe ut in uno horto, & ab uno flore mel suum apes nec sugunt, nec fingunt, sed sparsim; sic tu eruditionis tuae favos, non ex uno autore, sed multis. Quam pauci hodie, qui serio ad haec eunt. Plerisque ambitio proposita, & in ambitione dignitatum, ac honorum purpura: Multis, scientiarum vana. Qui Mercurium cum Minerva, virtutem cum sapientia jungant, pauci sunt, & vix tot quot Thebarum porta, & divitis ostia Nili. Sine qua tamen nihili ego facio omnem doctrinae fucum, & fumum, & ineptire mihi verius videntur, quam sapere,

literata ad se trahit ingenia consensione tacita, & συμπαθεία. Delphis 4. Kal. Decemb. M. DC. XXXI. Crucium meum ἀσπάζομαι.

BARTHOLOMEO *van der* MASTIO

*Studioſo S. D.*

Cadomum.

NULLIS me literis affatus es, à tuo in *Galliam* discessu. Quid causæ? distractiunculæ, & occupationes studiorum? an frigus aliquod, & immemoria nostri, ex locorum intervallis? Illud credere me jubet agnata tibi ad literas propensio: hoc vetat amor, quo me complecteris, candidus, & sine fūco. Patiare exstingui? non debes, ac ne fiat, en meas literas, quas tuæ non elicerunt, sed cura tui, quæ ita in animo meo defixa est, ut inde revelli nequeat. Nam jucunda licet mihi sit, & suavis amicorum omnium necessitudo, eorum tamen maximè (cur dissimulem?) quæ est disciplina, & velut sinu nostro prodiere. Natura hoc dedit, ut beneficia nostra amemus: tum utique magis, si grati sunt in quos collata. Eum te esse scio, & video. Ita officii plenus, *Gratis* litasse mihi videris, & à natura ipsa didicisse, quid humaniores literæ, quid humanitas, quid iusta doctorum æstimatio flagitet. Certè animum meum serio afficit, cum te è stirpe urbis nostræ patricia, dignum ea video, & generoso indolis affectu, non amulantem solum majorum famam, sed & à te diffundere & propagare eam aptum. Ita est mi Masti. Ut à radice bona, fructus boni: sic ab ingenuo semine, germina ingenua expectari haud raro solent. At quanto optatius spectari, quàm expectari! Tu mihi talis, & in te jam video, qui jam olim optimis literis non tinctus solum, sed imbutus, quæ ad honoris fastigia ducunt, perseveras easdem & colere, & venerari. Calcar testimonii, & iudicii mei hoc habe, sed perge, & lætam

lætā ac luxuriantem in te segetem, fove, cole, matura, ut in latiores aliquando, atque uberiorem messem exsurgat. Vides *Athletas*? oculi semper illis intenti in metam: sic tibi mens in eruditionem, & in eum censum quem ex Patriæ ruinis secum asportavit magnanimus *Bias*: non aliam quære studiorum tuorum, & laborum palmam. Cætera enim quæ fortunæ arbitrio tum dantur, tum eripiuntur, fluxa omnia, lubrica, & caduca, nec tam egregium existimo illa habere, quàm contemnere. Quid enim stirps, patria, genus? quid forma, ætas, ingenium, honores, opes? Quid aurum illud quod tantopere admiramur? abeunt illa, nec eximere nos queunt, aut nostra mortalitatis lege. Sola hîc fama perennat, virtutis & bonarum artium studiis comparata. Et hæc propriæ hominis sunt opes, quæ in pectore, & animi scrinio struuntur, non in arca: quippe quæ usu augeri solent, non minui, meliores fieri, non deteri, non senescere, non contingere malis, ut opes, non ignavis, & immeritis sit honores, non etiam avocare homines à virtute, sed instruere; imò parata semper esse præsidia, ut quæ à nullo temporum lapsu dependent; demum sine his ne homines quidem nos esse. Aristoteles Philosophorum ille princeps, crassio cuidam, & ἀπὸ τοῦ ποταμοῦ percontanti; *Quid esset discriminis inter doctos & indoctos?* haud inscitè respondit; *quod inter vivos, & mortuos*: rectissimè judicans, qui corporum modò vita fruerentur, quam habemus cum pecudum genere communem, & corporeis tantum oculis solem intuerentur, quem acutius longè cernunt aquilæ; animis verò quibus lucem ac vitam donat *Philosophia* nihil cernerent, eos nec hominis appellatione dignos, & mortuos esse verius quàm vivos; minimoque intervallo à lapideis differre signis: hoc nomine etiam inferiores, quod statuas sic delectant oculos, ut nemini noceant. Si vivunt, vivunt tantum, & aura omnis

M

doctrinæ

doctrinæ vacui, ætherea solùm vescuntur, qua & asini, tantumque à doctis differunt, quantum à videntibus cæci. Præclarè olim Poëta

Ο γερμῶτων ἀπειροῦ ἐ βλέπει βλέπων  
Διπλῆν ὄρεσιν οἱ μαθόντες γερμῶτα.

Hæc tecum seriò deputanti (ut sapius ex me audita) quid mirum, si tantus literarum amor, tanta laudum æmulatio, generoso tuo pectori inhaeret? & si tanquam ad forum literarium, quo solidioris doctrinæ jacias fundamenta.

——— μέγας (σε) θυμὸς ἐπείγεται  
Δῆμον ἐς ἀλλοδαπὸν ἵεναι ———

Nam ut plantæ interdum si transferantur felicius surgunt: ita ingenia cum fructu plerumque patriam relinquunt. Benè est fili, (ita te appellare mihi fas, qui formandæ tuæ juventæ non ductorem me habuisti solùm, sed patrem) benè inquam &

*Ibene quò fortis te vocat aura tuæ.*

Sed pede ut fausto, ita & recto, in studiis, in vita. Amplius fateor, & patens tibi campus, in quo ad optabilem metam pleno gradu contendas: Palæstra nobilis in qua industriæ tuæ ingenique vires exerceas, & masculum capias animum & robur ex conspectu, & alloquio tot virorum, virtutis, ac doctrinæ fama illustrium. Sed unum *Studiose*, hic te moneo, ἀμεθοδίαν fuge. Multos enim illa perdidit, qui dum vago quodam impetu perreptant omnia, & nihil non curioso lustrant oculo, nusquam esse verè dici possunt, dum ubique sunt. Tu melius, neque temerè nunc in hunc, nunc in illum autorem rapiaris: cum enim animus dividitur ad multa, fit minor ad singula: sed unum elige, non ante relicturus quàm ad calcem perveneris, notatis quæ observatione digna videbuntur, in phrasi, & in re. Nam in utroque proficere te volo, nec minus latinitatis affectare puritatem, ac elegantiam, quàm prudentiæ tuæ civilis scientiam. Mirum quântum Themidi robur

&

& decus afferat eloquentia. Quam non aliunde felicius haurias, quàm ex divite illo, & magno eloquentiæ penu *Cicerone*. Ipsum *Ciceronem* audi: *Efferat se* inquit *in adolescente facunditas*. Initio molestiam aliquam habet, postea voluptatem cum crescunt opes, & miraris ipse tuas messes ex tam fecundo agro: cuius agnatam luxuriam maturior ætas depascit. Nam quam ex crebra ejus lectione contrahes styli copiam, minuet eam facile, ac deteret crescentis tui per ætatem judicii lima: præsertim si lascivientem ejus ubertatem, acri & nervosa *Seneca*, *Salustii*, *Taciti* brevitate temperes. Præclara quidem alii fateor; sed non robore eodem, aut nervis. Spirat nescio quis calor in eorum scriptis: qui ad lectorem quoque pervenit: nec differere illi magis de *Virtute*, & civili prudentia videntur, quàm inferere, & inculcare. Triumviri illi, maximi prudentiæ magistri semper tibi in manu, non præ aliis solum, sed soli. Quis enim Deus bone! lectionis nostræ finis, si in eos omnes incurrimus, oculo, manu, calamo, qui videri merentur, & tractari? Exemplum meum vide. Lego, sed paucos, eosque non bonos solum, sed optimos, idque ex Romani illius sapientis consilio. *Certis* inquit *autoribus immorari oportet & innutriri, si velis aliquid trahere, quod in animo fideliter sedeat. Quæ varia sunt, & diversa inquinant, non alunt, nec prodest cibus, qui statim sumptus emititur. Et ut agri animi ista est jactatio: ita nihil aquè sanitatem impedit, quàm remediorum crebra mutatio. Qui quò destinavit pervenire vult, unam sequatur viam, non per multas vagetur: non ire istud, sed errare est. Quid, quod parum stringit, qui nimium amplectitur, & fastidientis stomachi est, multa degustare. Sed & ad virtutem te hortor, cui primò nati sumus. Reliqua secundas in hac scena partes agant. Doctrina virtuti ornatum addit & velut purpuram, & honorum solet esset pararia; sed hæc ad salutem nos ducit,*



quam nisi consequimur, malè, & infelicitè à nobis decurritur hoc quidquid est vitæ. Incessa tibi nunc est *Gallia*, illa cultissima terrarum, comitatus omnis ac elegantia magistra, Musarum sedes, honoris theatrum, artium omnium mercatus, & panegyris. Sed cave credas tuta ibi omnia. Habes, habes *Adolescens* quæ videas, sed & quæ vites. Hinc mala eorum consortia, qui dum studiosi audiunt, studiorum decus, vitæ, ac morum turpitudine devenustant, liberalium ingeniorum pestes, virtutis remora, & *Academia* propudia: hinc, liberioris vitæ licentiam, loci amœnitates & delicias, illas venerum formas rariores, quæ spectari hodie se gaudent, & juventutem cultus & vultus sui lenociniis captant, inescant, fascinant, & in hoc amplectuntur, ut strangulent. Tu hæc oculorum veneficia, quæ blandam vim adferunt, etiam ingeniis haud malis fuge:

— *nec te ullis allinat contagiis*

*Pruritus aliquis, tale contubernium*

*Odisse propera: δὲ γὰρ μὴ μόνον ἀπὲρχεσθαι πρὶν κερῶν, ἀλλὰ καὶ τὰς τοιαῦτα πρὸς αὐτοὺς ἀποσπένδειται. Syrtis* has præterlabere, naufragio multorum infames, hanc periculi plenam *Charybdin*, hos Sirenios scopulos. Ubi *Lycurgus* ipse stoica sua fronte ad nequitiam possit adduci, & ubi majoris voti est, perire nolle, quàm servari. Verbo. Deus tibi semper præ oculis, qui gressus tuos dirigat in viam rectam, & probitatem tuam vindicet à seculi contagio, & projecta hac morum licentia. Nam *ut in nassam facilis illapsus est, sed exitus difficilis: Sic declive iter in vitia, reditus ad meliorem frugem, non perinde facilis; imò.*

*Vix illigatum te triformi*

*Pegasus expediat Chimæra.*

Sed meliora. A puerilibus enim annis semper tibi scintilla aliqua, ad virtutem prælucentes. Eas fovere tuum est, ut auctæ diviniore auri afflatu, aliquando in flammam erumpant, quæ vitiorum ille-



illecebras tanquam paleas, & quisquillas leviores adurat. Finio: & quia longè à nobis is, vide, disce, prudentiæ etiam aliquid absentiam collige; ut ad tuos velut avidus negotiator, bonarum literarum mercibus locuples redeas, patrem oblectas, patriam juves, De me, amo te & amabo, favebo & fovebo, nec ulla tam alta erunt montium iuga, tam vastæ latitudinis maria, quæ te mihi præripiant, quin locis diffusus tibi jungar affectu: nam ut corporibus non datur, dabit aliquando dies nec despero quin olim,

——— *dextra conjungere dextram*

*Fas erit, & notas audire, & reddere voces.*

Ut id possit Deum rogo, & ut is te amicissime, Masti longum familiæ tuæ honori, & gaudio servet. Quid amplius? nihil præter animum, quem ad te mitto (utinam totum possim!) adamantino vinculo tibi nexum. Vale & talis in me persevera. Delphis 17. Kal. Decemb. M. DC. XXXI.

J O H A N N I C R U C I O *Ecclesiæ  
Harlemensis Pastori, cognato suo  
S. D.*

Harlemum.

**H**omeri versum Pyrrho Philosophus in ore semper habebat istum:

*Οἷον περ φύλλον γλυκὺν, τοῖς δὲ καὶ ἀνδράσιν*

Nec injuria; nihil enim dici potuit verius in hanc sortem. Videsne in agris, ut fruges satæ, aliæ crescant, floreant, maturescant, metantur? aliæ in herbam surgant, aliæ in culmum, aut in aristam & in ea pereant? aliæ vix natæ, atque è terræ sinu prodeuntes, concidant? Sic homines. Alii paulò longius, alii brevius, sed omnes in eadem via currimus, & ad eundem finem,

*Serius atque ocius*

*Mors sua quemque manet.*

M 3

Ne

Ne longius abeam , exemplum tibi non ita pridem in filiolo tuo. Venit , abiit , natus , denatus veluti flosculus , in ipso ortu succisus , & quem una dederat dies , altera abstulit. O vascula fragilia ! ô morbi pabula , & mortis victimas ! sed citius si cursum hunc finivit , quid nisi compendium fecit miseriæ humanæ ? Philosophum interrogatum quid esset vita , cubiculum ingressum ajunt , & illico egressum : hoc actu , tanquam penicillo , egregiè depingentem humanæ vitæ non inconstantiam solum , & fragilitatem , sed *et dicitur*. Quid enim nostrum nasci aliud , quàm mori : Quid vita ? nisi via à matre ad matrem : ab ea quæ homo , ad illam quæ humus ? Felix animula , quæ malè mori non potuit , quia benè vixit , & benè , quia peccati nescia , quæ carcere suo liberata ad beatas illas sedes commigravit , antequam carcerem esse sensit , relicto ad tempus corpusculo suo , quod in parentis magnæ sinu , nunc placidè conquiescit , malorum omnium expers. Doles ? malè. Quid enim queri aut dolere potes , si hæc à DEO ? Atqui esse ab illo Christiani nos non scimus solum , sed cotidie profitemur , imò rogamus , *ut fiat voluntas ejus* : facta est. Luges ? peccas , & in sanguinem tuum injutius es , imò si examinas in te ipsum. Justior enim longè tibi latandi causa est , quàm querendi. In infantulo hoc obsecro te , quantum illud est quod perdidisti ? herbam dicam ? certè vix herbam , nedum florem , aut fructum :

*Monstrârunt terris hunc tantum fata.*

Vix enim vitam à limine salutavit , & ablatum est , vidisti tantum , vix habuisti. Et quid ? verè dicam , *exigui donum breve temporis* , fumum , auram , nihil. Tristior longè casus , & gravior jactura esset in aliis , quorum jocos , susurros , blanditias , amplexus , oscula , parum explanata , & dimidiata verba , pueriles lascivias , reminisci non posses sine iterato lactu. Quid in isto ? vagitus , lamenta , lachrymæ , vigiliæ , educationis tædia , noctu , diu :  
præfer-

præsertim matri, cui nunc aliqua ab infantuli huius excessu, respiratio & quies. Quid ergo hic mali, imò quid non boni: si oblatusei à quo ablatus? & si cui natus erat, eidem datus est? tanto parentibus beatior, quod illam nunc totus felicitatem spirat, quam illi sperant: quæ verè vita dici potest; non hic fundus calamitatis, in quo mortuam vitam, & vivam mortem inter dolores, ac labores trahimus. Si initio conceptus, abortum passa fuisset mater, minus credo doleres. Idem nunc valeat, nec unius diei proles, ne dicam prolis umbra, solidam animi tui tranquillitatem turbet: minor plantæ, quàm arboris interitus est. Adhæc, quantillum hoc totum est quod vivimus? *si molestias inspicis, etiam puerolongum; si velocitatem, etiam seni angustum.* Amplius. Deus qui unum hunc ad se recepit, duos adhuc tibi indulget, non sanos modò, & vegetos sed lepidos, alacres, ad gratiam natos, & amorem; quibus spem, & expectationem amissam restituas, aut superes. Ut igitur vestem si amississes, aliam sumeres, atque eâ te tegeres: sic nunc fac; pro filio uno mortuo duos alios substitue vivos. Et si tantus suscipiendæ prolis amor, & augendæ Cruciadum familiæ fervor, agrum habes fœcundum. Tu eum cole, & à longiori puerperii situ, tanquam novale, novæ sementi faciendæ idoneum, pro virili tua exercè, pastina, confere, occa. Non una messe exhauritur hic fundus, sed abundè remunerat satoris gratiam, & liberalitatem. Quæ spes si fallat interdum, certè non minus educationis nostræ cura, & labor. Quantis molestiis teneri educantur? quàm diligenti nutrimento obnoxium novissimè corpus adolescit? at quam nullo negotio solvitur? Optimè nati quàm sæpe degenerant? quàm alieni à virtute patriæ? ut optares nunquam ex te genitos, aut in cunis extinctos. Exempla passim obvia hoc ævo in bonis quibusque, imò optimis, qui intimis sensibus sæpe lugent probra, & dedecora de-

generum liberorum. Quid, quod incerta sunt omnia rerum humanarum; qui nunc benè audit, cras male; qui hodie *Crassus* aliquis est, aut *Crassus*; cras *Irus*, & nemo liberos vel optimos habet, ut non cum gaudio, & metu aliquo adspiciendos. Et tum illum adhuc revoces? Noli.

————— *flagrantior aequo*

*Non debet dolor esse viri, nec vulnere major.*

Ipse doleat, turpi iterum huius seculi licentia immergi, & morte somno simillima extinctus, nec diu colluctatus cum sævitia morbi, tot tantisque iterum periculis, malis, calamitatibus exponi. Infans qui hic erat, pene sine mente, sine sensu; virum jam illic agit, atque adeò super omnes viros sapit, sapientiæ radiis non cinctus solum, sed perfusus. O beatum! & te quoque, si quàm beatus ille sit, seriò cogitas ac sentis. *Quid refert quando finiunt temporariam, qui transeunt in aeternam.* Vide *Patriæ* nostræ statum, quid in ea firmi, aut lati? Vide *Europam*, turbæ pene ubique, & turbæ, mutationes publicæ, privatæ, bella, clades, funera, lanienæ, agrorum depopulationes, urbium capturæ, excidia, ruinæ, bonorum proscriptiones, sanguinis in omni ætate, & sexu effusiones prodigiosæ, & nisi Deus miserescat, horrenda exitia rerum, & statuum. Quid ergo vita hæc quam optamus in longum duci? & quis in talia libenter suos educet? & in hanc miseriarum spem alat? Maneant quos Deus dedit, & vivant diu, habituri suam sortem: alios voto ne revocemus in hanc tristitiæ & calamitatis scenam, imò gratulemur evocatis. Amis-  
sos natos qui nimis desiderat, injuriosus in relictos est pater. Tu hæc, & plura tibi, sed & conjugii tuæ subijce evaporandi doloris gratiâ. Quam scio verè matrem esse, & tenellos hos foetus materno, id est tenerò affectu cernere. Si quid certi habes de rebus *Indiciæ*, aut *Germaniæ*, significa, me ama, & vale. Puerperæ à me osculum, & salutem. Datum Delphis 15. Decemb. An. M. DC. XXXI.

*Viro*

Viro Clarissimo JACOBO CATZIO JCto.  
& Reip. Dardracenæ Consiliario, &  
Syndico S. D.

Dardracum.

IGNOTUS te compello, vir clarissime, & ante tibi invisus, amicitia tua fores liberiusculè pulso per literas, quas perruptis tandem pudoris omnis obstaculis ad te mitto, affectus mei in te indices, vellem animum in iis, nominis tui & famæ non minus vindicem, quàm admiratorem. Quæ causa inquires? Eruditio tua, & virtus in illustri hoc mundi theatro collocata. Quibus ceu acri quodam thyrso, ita me jam dudum percussum sentio ut amare te inter ævi nostri doctissimos coeperim, & tacito affectu venerari. Miramur cum magnes ferrum ad se trahit; sed quis tam ferreus quem iste tot virtutum quæ omnī laude nostra sublimiores sunt, in uno concentus ad amorem non alliciat? Ingenii tui monumenta, consecrata perennitati literarum, vidi & legi, non facili solum vena fluentia, quā omnium seculi nostri in hoc genere poëtarum laudes exhauris: sed nectare quodam condita rerum veterum, & novarum. Quæ te (patere ut dicam) non solum arguunt eximiè doctum: sed & lectionis tam indefessæ, ut in antiquioris omnis, ac recentioris Sapientiæ adyta penetrâsse videaris. Nempe ut in uno horto, & ab uno flore mel suum apes nec sugunt, nec fingunt, sed sparsim; sic tu eruditionis tuæ favos, non ex uno autore, sed multis. Quàm pauci hodie, qui seriò ad hæc eunt. Plerisque ambitio proposita, & in ambitione dignitatum, ac honorum purpura: Multis, scientiarum vana. Qui *Mercurium* cum *Minerva*, virtutem cum sapientia jungant, pauci sunt, & vix tot quot *Thebarum portæ*, & *divitis ostia Nili*. Sine qua tamen nihili ego facio omnē doctrinæ fucum, & fumum, & ineptire mihi verius videntur, quàm sapere,

M 5

sapere, qui literaturæ palmam sibi vindicantes, *Thaletes* hodie haberi volunt, aut *Solones*, citra virtutis, & sapientiæ comitatum. Quæ verè pabula sunt animorum, & doctrinæ solidioris ornamenta, vel si mavis fundamenta. Negliguntur tamen: & quæ exitus erit? barbaries mera, & tenebræ, nisi eas magno opere discutiant boni, & de instillanda pietate, vitæque innocentia solliciti magis sint, quàm de propaganda literatūra. Quam crescere videmus sterili hoc virtutum ævo, pietatem decrescere, & sub *Religionis* obtentu religionem pessundari, facesque clam submittere surdo ac religioso atheismo. Quo malo ut nihil nocentius dari, nihil tristius excogitari potest, ita laude mihi præ aliis digni videntur illi qui torrenti huic violento resistunt, & in hujus gangrænæ curationem, styli sui novaculam acuunt, nec non salutaria monitorum suorum caustica, in fontici morbi medicinam. Eum te esse video vir clarissime, qui Belgicas ipse facis *Gratias*, & *Musas* & hac laude nemini cedere. Ita acris in scriptis tuis vitiorum es censor, nec minus strenuus virtutum prædicator. Quò labentem pietatem sustinentes, & vitiorum grassantem licentiam injecto rationis freno compescas, Delicati hodie multorum sunt mores, nec reprehensionem ullam ferunt. Et quod unice dolendum: *Culpam culpa trahi, crescunt fecunda malorum Semina*. Quæ vitia olim, nunc elegantia; luxus & vanitas laudem inveniunt. Huic vitiorum diluvio strenuè te opponis & callum hunc conscientia non mollis tantum, sed tollis, dejectis (liceat dicere) nequitia authoramentis. Beata *Musa*! quæ virgineo suo nitori restituta tam nobili militant causa: quas poëtarum seculi proterva lascivia prostituit, & turpium amorum, cupidinumque illices facit, & nequitia magistras. Perge vir magne, perge *Virtutis* sacris operari, & averruncatis libidinum irritamentis, pietatem instillare juventuti Pieria tua suada, plus nimio, luxu distu-

diffuſenti, inque officii viam reducere, ac ratio-  
nis gyrum, in omni hominum genere errantes  
animas. Non aliò tibi dona, quæ largam manu in te  
contulit Deus. Solem vides magnum illum mun-  
di oculum? lucem quam habet, non occulit, ſed  
in hæc inferiora diffundit: ita tu ingenii, & do-  
ctrinæ tuæ lucem in hæc tenebras. Arbores in-  
clinant ramos, & fructibus gravidæ, offerunt  
carpi: ſic tui vera virtute, & doctrina uberes in-  
genii foetus πάντες θεοὺς θεοσώτῃες, offerant ſe  
ultro, & invitent ad fruendum. Ille racemum  
ex hac vindemia, hic è copioſa hac ſegete mani-  
pulum deruat, ut lectione inſignium tuorum  
poëmatum, oppreſſa aliquandò morum licen-  
tia, probitatem ſurrigi videamus adverſus ſe-  
culi barbariem, & palmæ inſtar ponderi ejus vio-  
lenter obniti. Hæc fieri intimum meum eſt vo-  
tum, qui ſenſcentis huius mundi effrænæ pro-  
terviæ non rarò ingemiſco, nec aliunde huic ma-  
lo medicinam exſpecto, quàm à talibus *Æſcula-  
piis*. Sed nec hæc generoſæ tuæ, & maſculæ curæ  
conquieſcant. Ad majora te vocant *Patria*, &  
glorioſa ſtatio in qua te cœli favor, & conſpirans  
procerum ſuffragatio collocavit. In ardua hæc pro-  
vincia, duo tibi præ aliis ſint curæ, *JUSTITIA*,  
& *RELIGIO*; præcipua ſi quid judico Reipublicæ  
benè conſtitutæ columina. Illa; quia virtutum o-  
mnium Regina eſt, & Reipublicæ anima, καὶ βέλ-  
λος πάντων ἀνθρώπων, καὶ θεῶν ἀεγυρίων. Si-  
ne qua nec civitas, nec gens, nec hominum uni-  
verſum genus ſtare, nec mundus poteſt. Vin-  
culum enim eſt per quod Reſpublica cohæret,  
nihil ipſa per ſe futura, niſi onus, & præda, ſi  
*Juſtitiam* ſubtraxeris: *Ille incolumi*, *mens omni-*  
*bis una*; *Amiſſa rupere fidem*, quia in terris nihil  
magis ſtabile eſt, ac diuturnum, quàm cui ſubeſt  
*Juſtitia* fundamentum. Cui qui libens ſervit, is  
verè liber eſt, & ſupra Regum tiaras exſurgit. *Re-*  
*ligio* quid? Circea illa virga eſt, quâ tacti homines  
mitescunt, & naturæ inquieti, diſcordes, turbidi

leniter rediguntur sub unitatis fidei , & concordia jugum. Ruere omnia necesse est , ubi non hoc firmamentum , diffluere , ubi non hoc coagulum; imò in crimum , & scelerum ire licentiam , ubi non hoc repagulum: & verè nimis provate, ille vates

— *prima scelerum causa mortalibus agris*  
*Naturam nescire Deum.*

Tu utramque integram, & incorruptam habe. Illam ἀποσωπολίπως , hanc ἀκεραίως. Nam in illa turpes illos odi ὄψεσθαι, qui majorem munerum , quàm muneris habent rationem , aut pecunia magis reguntur, quàm lege. In hac *Vertumnos* illos, & *Proteos* , qui mores suos effingunt ad alienæ voluntatis conjecturam , & paleatum instar, vento quolibet novitatis circumacti , non tam *Religioni* serviunt, quàm scenæ: & ut trutina in eam partem vergit in qua plus ponderis , sic illi in eam ubi plus spei, aut rei. A talium moribus alienissimum te esse scio, & video. Cujus ut fidei, & prudentiæ concreditur ingens illud depositum, salus nimirum, & dignitas primariæ *Patriæ* civitatis, ne quid ea capiat detrimenti: ita talis ut perseveres, & in benè merendi proposito perstes , bonorum omnium est votum. Quid enim tibi in humanis contingere potest, aut nobilius ad gloriam, aut certius ad salutem? Amplectere hanc rerum benè gerendarum commoditatem , & ὁικαιοσύνην, & cum in celfo hoc honoris apice , omnia non fabricandæ solùm fortunæ tuæ , sed & communi Ecclesiarum causæ fortiter vindicandæ adminicula, tibi quasi virgula divina suppedientur , cave sodes, ne tanto *Numinis* favori , vel minimùm defuisse videaris : qui in ea es navi quæ periclitatur , non tanquam remex , aut qui sentinam exhaurit : sed inter *Patriæ* decora , imò fulcra, personam tuæ haud infimæ dignitatis. Et utcunque *Neptunus* atrox faviat, fremat, ingruat, rectum clavum tene in his *Reipublicæ* procellis, quibus jactamur, & ferè, ut cursus nunc est rerum, sine spe portus.

Ca-



Calumniæ ne hilum te commoveant. Magna enim ingenia ad invidiam, & obtrectationem nata videntur, horumque optimæ actiones rapi in deteriorem partem: adeo facile est in speciem culpæ venire, si non in culpam. Et vetus id, mihi crede, in Rep. malum. Nam ut in Sole non sumus sine umbra: sic nec in fama, sine livoris aliqua nebula. Nunquam tamen tantum malevolorum hominum potuit conspiratio, ut ab ingenita generositate recedant, & invidiam placare velint, virtute relicta, aut temerata conscientia. Invident, pallent, fremunt? criminationum machinis violenter concutiunt, aut suspicionum cuniculis, callidè subvertunt Bonos? Summa denique petunt, & summates? Ita nunc vivitur, & hæc præstantis hujus sæculi nobilis infania est. At verò si iudicio examinas, quantula ista sunt? *Ut in via si canis, aut equus luto me aspergat, non quod Plautus ait, lapidem percutio, non excandesco statim, & vicissim in illum regero, sed eliso potius hoc lutum, quàm ut respergam: ita hic faciendum, & omnes isti pro caniculis, aut equuleis habendi, qui non iudicio, sed impetu, & convicio ledunt.* quo meliorem me agnosco, & nec in nominis mei fama magis labem relinquunt, quàm in flumine vestigium cymba. Imò ut *pictura lucem nihil tam commendat, quàm umbra: sic non melius, quàm obtrectationi creditur, quales quantique sint viri in Republica magni*, quorum dignitas, & amplitudo eò clarius enitescit, quò magis obnoxii sunt telis malevolorum, qui similitatem eorum affectant, quorum similitudinem desperant. Quid? canerunt teneritudine frontis, qui Rempublicam administrant, ut applausus frequentia, vel raritate, quasi prospero vel adverso vento, nunc extollantur inani gloria, nunc mœrore, ac tristitia deprimantur? Absit. Vulgus enim iniquissimus est virtutum æstimator, & valde fragili stare loco magnorum virorum fama, si à populi frigore detrimentum caperet, vel à favore ejus laudis & gloriæ

gloriæ cumulum. Adeò autem cordatis olim,  
 & altæ mentis viris suspectum fuit suffragium popu-  
 ulare, & auræ plebeïæ sententia, ut memoriæ  
 proditum sit, magnum illum *Phocionem* (de quo,  
 ut de Carthagine Sallustius, *tacere satius puto,*  
*quàm pauca dicere*) ad suos conversum, ex iis sci-  
 scitarum esse, nunquid forte per imprudentiam  
 aliquid se indignum excidisset, quum sententiam  
 pronuntiatam videret unanimo multitudinis as-  
 sensu comprobari. Ita sentio, & mecum faciunt,  
 quotquot populi iudicia, futesque hominum si-  
 ne fræno loquentium, susurros, aut calumniæ  
 audaciam (cui proprium, magnum aliquid affin-  
 gere viris magnis) generoso contemptu frange-  
 re, & vindicare didicerunt; nixi optimæ mentis  
 & officii conscientia; quæ murus est aheneus, &  
 Icarus scopulus, adversus hos obtrestantium  
 assilientes fluctus. Quos non melius retundas,  
 quàm si sumpta laudabili superbia eos, qui quoti-  
 die nominis tui famam rodunt, lacescunt, impe-  
 tunt, tanquam minorum canum importunos la-  
 tratus fortiter contempseris, & homines infra  
 iræ tuæ dignitatem positos, & virtutum fasti-  
 gium. Eas ut jure veneror; ita ex iis igniculus in  
 re amoris, quem si flatu literarum tuarum, in  
 veram amicitiaë flammam suscitabis cum aliquod  
 tibi à fori strepitu, & à curis severioribus otium,  
 rex ero, & latius regnem.

*Quàm si Libyam remotis  
 Gadibus jungam, vel uterque Pænus  
 Serviat uni.*

Vale, & me inter cultores tuos cense, & ama.  
 Delphis prid. Kal. Decembr. M. DC. XXXI.

## THEODORO BOELIO

Studioſo S. D.

Lugd. Batav.;

Q Uod de Pentheo, amiciffime Boëli, fabulantur Poëtæ, ingenii, & doctrinæ principes, verum in me eſſe comperiò : ita variis nunc curis non diſtrahor ſolùm, ſed importuno pene earum laniatu diſcerpor. Scribo tamen, ne te ſuſpenſum diutiusteneam. Diſſertatiunculam tuam ſuper officio Principis legi, & verè dicam placuit. Specimina in ea video non diligentia ſolùm tuæ in evolvendis autoribus: ſed & judicii in ſententiarum delectu, quas facili, & arguta brevitate intexis, ut floſculos Orationis tuæ panno. Optarim prolixior fuiſſes; ſed *ex ungue leonem*. Nam ut *Coſſi* magnitudo vel in parva tabula ſe oſtendit: ſic ingenium & doctrina etiam in brevi, & tenui ſcripto. Cave credas tibi unquam eveniſſe, ut prudentius judicares, & ornatius ſcriberes, ita elegantia ſtyli materiæ ſublimitatem æquat, & ſpēm mihi faciunt hæc præludia, felicioris olim in ſimili argumento audaciæ, & tentamenti. Ita ſanè oportet. Sementem hanc uberem cole, auge, matura, ut in uberiore aliquando meſſem exurgat. *γλυκύτερον, ἢ πᾶν εἶδέναι*. Imò ſcire potius deſidero, quàm habere: egere, quàm neſcire. Et hoc ipſum in divitiis pono. Idem tu. Vocant te cò, tum ætas tua, tum parentum vota: & proprium hoc eſt magnanimæ generoſæque virtutis, non in ſecundis, tertiisſque conſiſtere; ſed ad doctrinæ faſtigium eniti, & arduas ſuas ſpes maſculosque conatus in altiora divinæ, ac humanæ Sapientiæ adyta protrudere. Quæ ut ſuprà res omnes humanas, ſuprà cœlos ipſos, & ſidera aſſurgunt: Ita qui ea venatur bona, in his caducis, & fluxis non inhæreſcit, quæ brevi dilabuntur & dum placent, tranſeunt: Sed

Negata

*Negata tentat iter via,  
Cærusque vulgareis, & udam  
Spernit humum, fugiente penna;*

Quasque sordidum, & indoctum vulgus mirari solet ac penè adorare, opum ac divitiarum offuscias, & vilem portiunculam splendentis luti, despicatur, & in levi habet. Satis beatus hoc uno scientiæ, ac sapientiæ thesauro, qui nec ab *India* subvehitur, nec auro parari solet. Illa si vitæ, si rationis clavum teneat, nullum nobis unquam à naufragio periculum. Unica enim & vera mentis saburra est adversus affectuum, perturbatorum animi decumanos fluctus. Et sicut nimbo, vel procella ingruente, sub tectum confugimus: sic in publica, aut domestica calamitate ad *Sapientie* hanc arcem, quæ nullis fortunæ machinis concuti potest, nullo favientium malorum ariete, aut balista subverti. Quot tela angoris, aut metus excipienda sunt, nisi clypeo hoc munimur? Quot indies malorum labyrinthis implicamur, nisi hanc sequimur, ut *Theseium filium*? Tu ad optabilem hanc metam pleno gradu contende, quæ neminem fastidit, aut dedignatur, qui serio ad eam adspirat, ut *Patriæ* cui natus es, utilem aliquando des operam, in *Templo Virtutis, & Honoris*.

In hac spe desino. Vale amicissime Boëli, & si officiosam hanc ferram, literis minus reciproco, quàm affectu, dabis importunitati laborum meorum, & curarum in hoc ergastulo. Altioribus enim radicibus necessitudo nostra nititur, quàm ut quidquam incrementi, aut detrimenti capiat ex crebritate, vel infrequentia literarum. Delphis 8. Id. Decembr. M. DC. XXXI.

FRAN-

FRANCISCO LEEUWIO,  
*Studioſo S. P. D.*

Hagam-Comitis.

**A**N non ſic jure te appellem, qui tam gnavi-  
ter, totis induſtriæ viribus *ρύπτας τε, καὶ ἥμερα*,  
in ſtudia tua incumbis? & dum arduum doctri-  
næ, & Sapientiæ callem decurris, *leonino* id eſt,  
generoſo mentis ardore, & impetu ſuperas,  
quidquid moleſtiarum ſeſe offert in hoc curſu,  
validaſque perrumpis obſtrepentium remoras  
in hac palæſtra? Perge mi Leeuwi, & ſequere  
nobilem indolis tuæ ductum, imò obſequere,  
& lanuginem tuam, id eſt elegantiffimi ingenii  
tui florem, quem *Phæbo*, & *Famæ* debes, ex-  
cole magis ac magis poliori literatura. *Ut vi-  
ni*, ſic ſermonis faces ſunt: ſed expurganda paula-  
tim prima balbutientis naturæ ruditas, ut puris co-  
loribus niteſcat Oratio, & liquidum rerum ſenſum,  
ſæcundè, & ſacundè repræſentet. Hac ætate quid  
potes utilius, quid præclarius? *οἱ ἀνθρώποι, ὅτι  
τὸ πολὺ, τὰ πλείους ἀξία, ὥς ἐλαχίς ποιεῖναι,  
τὰ δὲ φειλότιρα, ὥς πλείον.* Tu melius. Quid  
enim hac humana? Vin' dicam? fluxa omnia,  
& caduca. Quid opes, quid honores? ſpolium  
temporis, & fortunæ ludibrium, ſtant, cadunt,  
veniunt, abeunt, creſcunt, decreſcunt, &  
cum affluxiſſe tibi credis æternum manſura, re-  
fluunt. *σοφία μόνη, ἧς κλημάτων ἀδείναιον.* Cui  
prætextam ego nullam, nullam purpuram  
antepono. Hanc qui poſſidet, Mundo ipſo ma-  
jor eſt, ſupraque inſtabilem longe Mundi aleam  
evectus, & rerum humunarum viciffitudines, ac  
præcipites caſus, magno erectoque animo deſpi-  
cit hæc inania, & vana terrarum, quibus non ali-  
ter homines plerique alligantur, quàm ſtulti ſtra-  
minis, vel exigui fili nodo: aut pueri aſtragalis  
ſuis, & crepundiis. Ad eam aditum tibi paras ſty-  
lo, atque elegantiore literatura, quam tum ex  
aliis,

aliis, tum ex seria, & assidua ut video *Planti* lectione, tibi concilias. Optimè mehercule; & prudenter! Quid enim hoc authore tersius? quid venustius? verbo, quid Latinius? Adeo, ut si vel *Musæ* ipsæ loqui Latine vellent, nullo alio quàm *Plantino* sermone loquerentur; ita omnem in se comprehendit Latinitatis florem, ac elegantiam. Cui si *Terentium* junxeris fandi summum artificem, næ tu Adolescens Latinissimus evades, dulcissimosque tibi ex miellitissimis his authoribus aliquando construes styli favos, quæis edulcari solent, & condiri aspera illa sublimioris doctrinæ monita, & abstrusa rarioris *Sapientia* arcana. *Heliconem* ipsum, qui hos tenet, intrà cubiculi sui parietes habet. Et ut in *Pandoram* illam poëticam omnium decorum munera collata fuisse ferunt; ita in hos omnium *Musarum* veneres, ac elegantias, nunquam perituros, quamdiu literis Romanis honos aut vita erit. Et in ea sententia olim, atque etiamnum hodie viri magni. Strenuus ille literarum inter morientium restaurator *Erasmus*, & inter magnos seculi sui viros maximus, tanti hunc fecit autorem, ut postquam nihil ignoraret, nihil tamen magis, quàm lepores, & prope ineffabilem *Terentiani* sermonis puritatem sit admiratus. *Scaliger* senex, postquam omnium disciplinarum, ac scientiarum pene perlustrasset adyta, semper in manibus gestavit hunc *Comicum*, neque illius lectione divinum illud pectus explere potuit. Quid *Lipsii*, *Baudii*, *Heinsii*, *Puteani*, illi Principes ingenii, & doctrinæ? quid alii innumeri hodie? omnes quotquot Latinitatem colunt & venerantur, hos autores coluere semper, atque in precio habuere. *Planti* elegantias nemo capit, nisi emunctioris sit naris. *Plautum* latinissimum scriptorem nemo carpit, nisi plumbeis præcordiis, & qui, cujus coloris prisca, & germana Latinitas sit, nec in somnio vidit. *Terentii* incredibiles lepores vix centesimus eruditorum quisque videt.

videt. Utriusque in locutione genium, & mentem, vocum & verborum elegantias, sententiarum lumina, festivitates, jocos, sales, & cam Atticorum Venerem, quam frustra in Latio quæras, nemo, nisi cui literatura longo usu subactior, & iudicium suprâ vulgus. Unum tamen hîc te moneo. Cave ita hos Scriptores legas, ut omnia tibi imitanda proponas, in quæ incidaris. Habent enim illi & obsoleta, quæ inusu suo in desuetudinem, & oblivionem venêre. Quæ si vel pedem unum extrâ theatrum feras, statim putrescent. In puerili tamen hac hæresi, nonnullos esse video, & rideo qui in antiquatis his vocibus, ab Evandri seculo repetitis, elegantiae laudem statuunt, & Latinitatis palmam, nec ante sibi feliciter *Plantissare* videntur, aut Terentium imitari, quam dura illa & aspera scriptis suis temere, & futiliter inspergant, *Sibyllinis foliis* obscuriora, *Verbaque cincturis vix exaudita Cethegis*. Quasi dum laboriosè ineptiunt, & magno conatu nugas agunt, intelligi aut nolint, aut metuant. Quo genere hominum quid *ἄλογον* esse queat magis, aut ridiculum, vel tu iudica, quem tenebras illas odisse scio, & amare styli succinctam, facilem, & nativam brevitatem, egregia, & anspicata bonarum artium incunabula. Quæ quisquis severioribus semel *Musis* præmiserit, firmo exinde superstruet fundamento, quidquid sublimioris est literaturæ. Tu viam hanc insiste magis ac magis, dum otium tibi & ætas, huncque ad scopum dirige antelucanæ industriæ, ac diligentiae tuæ tela. Olim trophæa *Miltiadis* excitabant è somno, magnū illum Græciæ ducem *Themistoclem*, te eruditionis studium, & amor. Felix ingenium tuum est, & ad magna natum: magnum etiam fructum datorum, & grande suscepti laboris pretium, si excolueris. Ut fecundum, & fertilem agrum non habemus sine cultu; sic nec animum. Excolendus ergo, & in eam spem, ut aliquando, vel Reipublicæ clavum teneas, vel saltem non degeneris *Mundi* in-

incolæ partes tuearis. Video te impendio delectari frequentia nostrarum literarum. Cave tamen sequius quidquam suspiceris, de imminutione pristinæ meæ erga te benevolentia, si paria tecum non facio in assiduitate scriptiois; cum jam eò excreverit, ut ad eam nulla possit fieri accessio. Cujus, ne nescias, certum te esse volo, nec proleteriis hujusmodi officiis metiri affectum meum, quem altius in animum demisi, quam ut levibus istis ad sui firmitatem, adminiculis egeat. Vale amicissime Lecuwi,

*Sitque animus tibi  
Rerumque prudens secundis  
Temporibus, dubiisque reclus.*

Delphis 6. Decembr. M. DC. XXXI. Parenti utrique, à me salutem.

HENRICO SWALMIO.

*Ecclesiæ Harlemensis Pastori*

S. P. D.

Harlemum.

**C**Ave credas, vir spectatissime, negligentia à me peccatum, quod ex quo tempore hinc conimigrasti, nihil literarum ad te dederim. Multa dicis gratia possem allegare; sed nihil iis est opus, apud tam candidum pectus, & impervium sinisteris suspitionibus. Quid quod, nec arctissimum necessitudinis fœdus, quod inter nos à multis jam retrò annis, & animorum conjunctione, & communium studiorum vinculo stabilitum est, ullis eget verborum blandimentis, ut firmitatem suam tueatur. Silentii occasionem si qua fuit præbuit cū muneris mei perpetua, ac Sisyphia crumbe, & labor in volutando hoc saxo; tum personæ tuæ & provinciæ respectus, cui obstrepere religio mihi penè fuit, & aliunde plus nimio distributum negotiis undique assilientibus interpella-  
re



re nefas, literis importunè officiosis. Quæ ut in-  
frà curarum tuarum dignitatem sunt, ita melio-  
res eorum horas, ingrata diversione intertur-  
bant sæpe, ac sufflaminant, qui tanquam *Atlan-  
tes* hoc fastioso arvo, Ecclesiam humeris sufful-  
ciunt, & cana sua prudentia, consiliisque saluta-  
ribus, *Nestorum* instar, aut stantem adhuc tuen-  
tur & defendunt; aut jam labantem sustentant.  
Multus sæpe mihi de te sermo apud tuos, &  
fama quæ de magnis viris nihil latere patitur,  
procul dubio tibi ejus rei certum fecit indicium,  
ex ore amicissimi cognati *Crucii*, qui vel solus  
idoneus testis est, quanti te faciam, & (inter a-  
lias eximias indolis tuæ dotes, quæ multæ sunt)  
humanitatem, ad quam mihi vidère factus. Uti-  
nam alio munere, quàm literarum officio desun-  
gi possẽ, ut scires eam quam debeo humanita-  
ti, & benevolentia tuæ gratiam, non exolescere  
locorum intervallis, nec beneficiis tuis imparem  
videri. Sed non leviter me affecit quum ex lite-  
ris Collegæ tui intellexi, non ingratam futuram  
tibi etiam levem hanc, & qualemcunque litera-  
rum *ἀνταπόδοσιν*. Diu fateor mihi hic animus;  
& quando levia hæc in solutum accipis, age fiat,  
& quæ olim jecimus amicitia inter nos funda-  
menta, nunc deinceps glutino literario ferrumi-  
nata ad fastigium extollantur. Quod ad amuf-  
sim fiet, si data occasione, amica inter nos fuerit  
literarum reciprocatio; & scribendi officium  
mutuum sit, non mutum: quæ in futuris amici-  
tiæ stabiliendis laterculorum, aut calcis haud du-  
biè vicem repræsentant. Vides quæ nunc sint  
tempora, qui hominum mores, quàm fucata o-  
mnia, & fictæ pietatis mangonio obvoluta, in iis  
quorum interest personatos esse in hac Religionis  
scena, & quibus frons, oculi, vultus per sæpe men-  
tiuntur. Hoc rerum statu, quid homini cordato  
optatius accidere potest, quàm habere quicum-  
sua communicet, cui animum aperiat, & in cujus  
sinum liberè effundat quidquid latentium est æ-  
grita-

gritudinum? Tu mihi talis, & qua es integritate, doles scio mecum hanc morum seculi in pejus ruentium effraenam licentiam, quæ velut pestis quædam, aut morbus epidemicus patriæ nostræ incumbit, & quæ vel moderatissimis pectoribus omnem sæpe patientiam excutit. Quis enim tristitia hæc in *Religione* dissidia audiat, aut videat sine luctu? quis internecina hæc odia, contentiones, simultates, bella, Iberici voti & consilii tesseras, intimo cordis sui sensu non gemat? quis æquo animo multorum hodie ferat perfidiam plusquam sacrilegam, subveritatis obtentu, *VERITATEM*, quod malitiæ caput est, per cuniculos subvertentium, & artes Sinoniam, Christi & Ecclesiæ causam turpiter proponentium? Dirum mehercule fatum! *τί γὰρ γένοιτ' ἂν ἑλκεῖ μείζον, ἢ φίλον κακόν*. Nunquam Patria nostra tristiori clade affecta est, nunquam Ecclesia. Quæ dum sub potentissimorum *Ordinum* auspiciis, & ductu *Principum Auriacorum* tot annos miraculo invicta stetit, adversus tam atroces iras, tam pertinax, & inexpiabile odium Regis longè latèque Domini, cuius imperium pene iisdem terrarum spatiis, quibus solis cursus terminatur; & quæ florens opibus, aucta pomœriis, terra marique potens, hostis superbissimi sic retudit impetum, ut urbes nostræ in medio bellorum æstu egerint *Halcyonia*, nunc (heu res humanas!) ruinæ periculum patiatur ab iis qui turpi transfugio, desertisque bonorum partibus, sursum omnia, ac deorsum vertunt, & *Religionem* cardinibus suis motam, inducta mentitæ pietatis larva, servire volunt hominum ingeniis, & temporum scenæ. Deum Immortalem! tali ævo nos vivere? Olim *Invenalis* pro monstro habuit, duo oppida in *Ægypto* concurrisse inter se, ob hanc causam & id dignum Satyra censuit: quid nunc si foret hic nostrum fato delatus in ævum? quàm superet attonitus! ubi Patria pene tota, ne dicam Europa? Obtenditur

tur scio *libertas prophetandi*, & *Religio*. Nomina sunt, & sparsa in medium discordiæ poma, irritamenta lethaliū dissensionū. Οὕτως δ' ἐξ ὁμοπαύτερον τὴν κακὴν ἐστὶν ἡ ἀδελφὴ τὰς αἰρέσεις φιλοτιμία, καὶ ψῶρος ἀπίστος ὁμοπαύτερον. Nam ut scabies affrictu; ita ardor talis disputando gliscit, non aliter quàm scintilla, quæ levi admoto flatu ignem suum explicat. Et plerumque fit hoc avo, ut qui maximè de probitate sunt securi, de Religionis sensu maximè inter se contendunt, & de S. libris ac eorum mente disputent, quam interpretando opinionī suæ aptant, ac mordicus tuentur. Sed tempora, & studia cum cogito, & quibus rebus, artibusque pretium nunc sit, mirari desino. Sunt enim homines quidam tam pravæ, ac infelicitis audaciæ, tamque venalis animæ, ut dignitates, & munia quæ tranquillâ Republica desperant, turbatâ se consequi posse credunt; & dum clam, aut palam partium studia foveant, & favent, non eò inclinare solent ubi veritas, sed ubi applausus, & uberior aucupii honoris, aut pecuniæ spes. Similes iis qui anguillas turbato quærunt stagno, aut qui ex aliorum incendiis, vel naufragiis rem faciunt. Quo hominum genere, quid Patriæ nostræ perniciosius esse possit, non video. Dum enim odia sua sub pietatis velo, & sacro religionis supparo celant, validius eam impugnant, quàm armis aut apertavi. Scorpionum more, qui dum ludere paulisper videntur, aut blandiri, mox obliqua cauda feriunt: aut viperarum, quæ nasci nequeunt, nisi denatâ matre. Mentiri hic optem, & exempli immunem esse Patriam. Sed, heu nefaria liberorum in eam, & in patriæ patrem, perditissimorum hominum facinora! Quæ *Thetis* eluere non possit omnibus undis, & nunquam hominum memoria exolescent, quæque nihil simile tulit ulla gens Pelopidarum. Nempe, ut Liviano dicto concludam: *Nihil in speciem fallacius, quam prava religio, ubi deorum nomen prætenditur sceleribus; quanquam re-*  
apsc

ap̄se nihil iniustius , quam ut quis ex scelere suo ,  
lucrum sentiat , aut conditionem suam efficiat  
melio<sup>re</sup>m . Accedit partium projecta calum-  
niandi licentia , qua velut linguæ flabello odia  
sua ita acuunt , ut perire ipsi optent , dum ali-  
os perdant , & communi naufragio vindicem  
suum expleant animum . Et quasi hæc parum  
sint , odia sua in ignaram , & credulam posteri-  
tatem studiosè propagant , paratam ire non quā  
eundum , sed quā itur . Qui ubi errorem hunc  
semel cum lacte , & ab incunabulis imbibere , ita  
in eo cæca & pertinaci κακοζήλῳ obbrutescunt ,  
ut clavam citius de manu *Herculis* extorseris ,  
quā animis eorum præjudicatas sententias .  
*Gryllo* non absimiles , qui cum *Wysse* disputat  
apud Plutarchum ; nec ullis adduci rationibus po-  
test , ut è sue rursus in hominem redire velit ,  
quem prius ex homine *Circe* mutaverat in suem .  
Atque hinc illæ quas videmus lachrymæ : hinc  
illa nunquam intermoritura contentionum stu-  
dia , hinc periculosa illæ factiones , & profunda  
confundendi omnia cupiditas , quæ à tenui cana-  
li , in mare tandem excrescunt odiorum ; & qui-  
bus collabi identidem videtur Ecclesiæ domus ,  
& hinc atque hinc distrahi illa J E S U tunica in-  
confusilis , nutare veritas , vacillare disciplina ,  
labascere , & noxam pati haud exiguam Ortho-  
doxia . Quæ ut non leve Ecclesiæ Christi est sta-  
bilimentum ; ita tuum est eam non amare solum ,  
sed tueri adversus turbantium hodie conclama-  
tam proterviam , & malè feriatorum hominum  
maledicas , & petulantes linguas , qui cum ratio-  
nibus non possint , convitiis & canina facundia  
veritatem impugnant , Pentheique instar discer-  
punt . Ut in Judææ lacu Asphaltite nihil mergi-  
tur , sed supernatant omnia injecta : sic in ta-  
lium pectore nihil conditur , superfluunt , imò  
effluunt cuncta , quantumvis turpia , & virulenta .  
Tu hæc Stoica animi firmitate sperne , & longe  
infra muneris tui dignitatem pone , nixus con-  
scien-



scientia optimæ voluntatis, quamque tot jam annos provinciam strenuè tutatus es, tueri porro persevera: nec tibi quidquam obtingat tam infestum, ut cum opprobrio vel degeneris animi, vel virium imbecillitatis, à recta mente vel latum unguem desciscas; in iis rebus, ubi non levia, aut ludicra petuntur præmia, sed de æterna agitur aut salute, aut jactura animarum. *Veritatem* cū dixisti sacramentum fortiter adstrue; pro hac pugna, dimica; illam doce, urge, clama. Vox enim tua, & lingua, Christo sacra sunt, non taciturnitas, ut perruptis calumniæ nebulis sole clarior enitescat, & se vel fremente invidia diffundat,

*Quocunque sub cælo repostas.*

*Gens hominum colit orbis oras.*

nisi *Virtutem* hodie, aut *Elegantiam* quis putet, vitiis omnium aut erroribus suffragari. Sed ut complicem tragicum hoc aulæum, & à cothurno descendam ad soccum, res *Germaniæ* sub auspiciis, & armis magni illius *Gustavi*, Regis jam latè domini admirandis successibus, felicia ac pene insperata capiunt incrementa; ut verè illud *Cæsaris* in eum quadret, *Veni, vidi, vici*. ita non invadit solum, & irrumpit, sed involat in urbes, arces, munimenta, & quidquid fascēs ante submiserat *Austriaci* iugo. quod magnanimis pectoribus, omni morte ac supplicio gravius, atque acerbius esse solet. Felicia arma! quæ tam nobili militant causæ; libertati nempe afflictæ diu *Germaniæ*, illius gentium ocelli, & reginæ terrarum. Sed felicior longè, qui arma hæc tam prudenter, tam strenuè gerit, & in cuius victorias, & triumphos tanquam ancilia cælo delapsa, conspirare videtur, & πρὸ μνηστῆρος, divinus ille oculus, & quasi virgula divina suppeditare benignè, quæcunque ad tantæ rei molem pertinere videntur. nam fatale quid hic video, & suprâ humanæ sortis aleam exsurgunt magnanimi, huius Principis ausus, & inoffensa pene militiæ felicitas; torrenti similis quem abrupta

N

rupta

ruptæ radicibus sylvæ , & convulsa funditus saxa sequuntur. Utinam ille potentissimus terrarum orbis regnator,

*Bina Caledonia qui junxit sceptræ coronæ ,*  
acrius manum huic admoveret aratro , in spem optatæ diu messis Palatinæ , regiumque animum incesleret generosa cupido, post longam illam seriem calamitosissimi belli , oppressam diu vindicandi innocentiam ; mirum quantum regiæ illius potentia triplici diademate insignis apex adferret momentum nutanti *Cæsaris* fortunæ. Vota mea hæc sunt, & id solum hîc possum. Ἀλλ' ἄνθ' ἑὸς χρημάτων (ut ait Oratorum princeps *Demosthenes*) εἰ δ' ἐν ἐστὶ γλυέσθαι ἑὸς δέοντων. Principum quoque animos flectere , & quâ vult ducere , solius Dei est; qui in magnum hoc Mundi theatrum, non semper easdem inducit personas , sed nunc has, nunc illas, pro lubitu & arbitrio ille , qui supra nos vult, & potest. Quid quod pro ævi moribus, oblique multa interveniunt : & clam per cuniculos fraudesque noxii , qui palam & honestè non possunt, magnorum sæpè Principum consilia sufflamant; aut si nequeunt, subdole saltem conantur.

Plura non addo , nisi ut nos tui observantissimos, quod facis amare perseveres. Vale cum universa familia, καὶ εἰ παρ' ἡμῶν, meisque verbis salute plurima conjugem impertire, καὶ φίλων φίλτατον κρέκνον non ita pridem (quod gaudeo) adscriptum numero *Chiliastarum* , cum reliquis sui ordinis. Delphis 19. Kalend. Januar. An. M. DC. XXXII. quem feliciter ordire, & decurre.

SAMUELI

## SAMUELI AMPSINGIO

S. D.

Harlemum.

**G**Audium mihi à literis tuis vir amicissime, sunt enim amoris velut radii, qui nubeculas mororum dispellunt, & dulcia dant curarum, ac laborum intervalla: sed majus mihi gaudium ab affectu, quem purum ostendis, & sine fūco. Nunquam mihi grata eveniant, nisi grata epistola tua obvenit. quia sic amanter scripta, quia ab homine candido, pio, erudito. O me ingratum si taceam, & parum diligentem amicitiae cultorem! Quanquam quid mirum, si remissio interdum hīc, & languor: nimis variè distrahimur, nec quod volumus licet, inter tot occupationes & curas, quæ velut lictores circumstant, & abducunt. Nempe ut ii qui vincti sunt, aut impediti, membra habent ad usum, nec utuntur: sic mens nobis, lingua, stylus adstricta ad negotiorum hanc catenam. Munus tuum literarium, & uberes ingenii foetus, quos tanquam obsides amicitiae tuæ, & fidei testeras ad me mittis, vidi. Quid dicam? Amoris mei ignem novis radiis accendis; illum jampridem calentem magis, quam lucentem. A primo enim congressu, & alloquio amavi ingenuam tuam indolem, sed occultius: at nunc aperte, & sine velo. Repentinas illas amicitias non probo, quæ paleæ, aut straminis instar, leviter accensæ citius pereunt, quàm fiunt: nec tate dulciores, dum novæ & recentes, postea vappa. Etenim quos cupiditas amicos facit, aut *quæ ex ipso est*, necessum est, ut idem amoris lucrique sit finis. *tam diu enim placent, quam diu utiles sunt: florentes amicorum turba circumstat, circa eversos ingens solitudo est; & inde amici fugiunt ubi probantur. Si res labat, & illi collabascunt.* Quos verò voluptas ad amandum allectat, ibi finem amandi faciunt, ubi fatie-

tas subiecit. Qui denique cæco impetu animorum, sese benevolentia prosequuntur, pari levitate ab amicitia desciscunt, qua accesserant. Qua jactura quid levius esse potest, si amicus esse desiit, qui nunquam fuit? Solidus amor à virtute profectus, tam finem nescit, quam ipsa virtus. Cujus studium ut nec rerum vicissitudini, nec casibus fortuitis subjacet; ita non potest bonorum benevolentia non esse perpetua, in quam nullus unquam genius malus, aut hoc etiam nocentior, mala lingua quidquam potest, & quam nolim vel cum Attalicis conditionibus, aut universis Arabum opibus commutatam. Nam quid amicitia melius? quanquam si in plures diffusa, turbat, & quod utilissimum in vita est *Tempus* eripit, aut partitur. Hoc si demas, quid jucundius ea dari potest, aut excogitari? *Cui potest esse vita vitalis, qui non in amici mutua benevolentia acquiescat? Quid dulcius quam habere, quicum omnia audeas sic loqui, ut tecum? Quis esset tantus fructus prosperis rebus, nisi haberes, qui illis aque ac tui gauderet? Adversas vero ferre difficile esset sine eo, qui illas gravius etiam, quam tu ferret.* Talem te esse video, nec alium te præbes tuis. Quò fit ut magis te amem, quò propius, certiusque (Virtus hoc habet) novi. Benè est, quod forti animo spernis fuitiles maledicorum latratus, quorum in his locis licet metere messem uberrimam. Fatalis enim fere hæc est virtutis, ac bonorum in terris fors, ut expositi sint malignitatis scopo, eosque invidia perpetuò commitetur: ut in luce solis ambulantes, umbra. Sed *offusus* animus, & recti conscius, assilientes calumnias *Rectus* ad innocentia suæ rupem elidit, & quidquid mendax in eum audet protervia, generoso contemptu eludit, integritate conscientia fretus. Quam ego dotem unicam præfero omnibus Gazis *Persarum*, *Arabumque* thesauris; securus unice, quid hic aut ille ex *Momi* satellitio de me sentiat, dicat, cogitet, quia dum aliorum non capiunt merita, famam allatrare malunt bonorum, quàm



quàm æmulari virtutes. dono tuo chartaceo majus aliquid (non nego) mittere potuisses, vix gratius: quia quem absentem colo, cœpi habere præsentem. In tabula effigiem tuam nuper vidi, Appellæ manu ad vivum expressam, sed mutam, & corporis; in scriptis quoties ea lego, imaginem animi, atque eam spirantem. Quid ultra? nihil nisi ut valeas, & in votiva valetudine, pluratalia ad nos dimanent docta tuæ industriæ monumenta, & famæ perennantis femina. Fac, fac ut cœpisti, & grata ingenii tui à severioribus curis feriantis diversione, venam *Publico* dilargire, sacrasque has *Veneres*, pœseos Christianæ cultoribus, ac candidatis: nam rectè ego fieri censeo, & cum laude, quæ pro publicis utilitatibus geruntur, & eum optimè tueri gradum suum, qui plurimum ex parte sua confert in commune bonum. Vale vir clarissime, & me constanter ama. Delphis 5, Kalend. Januarias, auspices anni quem voveo tibi, & tuis feliciter labi. *Campio* multarum literarum, & insignis humanitatis viro, strenuoque optimarum partium propugnatori, salutem adscribo.







*Doctissimis, Clarissimisque Viris,*

HENRICO SWALMIO, } Eccles. Harle.  
JACOBO CAMPIO, } nens. pastori-  
JOHANNI CRUCIO. } bus.

GULIELMO NIEUWENHUSIO  
*Medicinae Doctori, & Scholae ibidem  
Rectori.*

JOHANNI CABELIAVIO & } Juris-  
GERARDO SGRAEFWEGIO, } con-  
sultis.



*Vmanitatem vestram, Viri Clar.  
& propensum in me animum ut in-  
genue expendo; ita iis me pluri-  
mum debere haud invitus agnosco.*

*Tanta enim in me extiterunt haecenus, ut om-  
nem mihi remunerandi spem praecidant, volun-  
tatem tamen relinquunt. De qua ut vobis con-  
stet, ἐν ἐχρὸν aliquod gratitudinis meae ad vos  
adfero; styli nempe mei qualescunque conatus  
& tentamenta: ut tantisper saltem velle me  
videatis, donec potero, quod volo. Argu-  
mentum haud ingratum iis, qui politiores  
litteras amant. quae ut multum elegantiae,  
atque amœnitatis, ita nec utilitatis minus*

N 4

ha-

habent. Quacunque enim Cœlum patet, sol vagatur, literarum affatu absentes, & toto penè orbe divisi, dulcissima mutui affectus officia colunt; nec ullis terrarum spatiis circumscribitur, nulla locorum intercapedine terminatur styli commercium, & calami amica negotiatio. Quemadmodum enim vitis non assurgit, nisi per ulmum serpat: ita intima etiam inter absentes amicitia, si ne hoc literarum statumine collabascunt. Longo quippe, ac pertinaci silentio, arctissime necessitudines torpent, conjunctissime mentes tacito frigore feriuntur, & amantium affectus paulatim intepescit. At contra literarum commercio, velut clavo trabali juncta semel, amicitia fœdera perennant, & vel inter eos qui aliquo humanitatis sensu ducuntur, styli ferumine aeternum coalescunt. In hoc scribendi genere, inter Veteres excellere olim, Suada illa, ac medulla Romana eloquentia Cicero, Plinius, Seneca, & alii. Inter recentiores Politiani, Lipsii, Puteani. Illos, ut fontes Latinitatis colo: hos ut rivos, & in singulis, quæ singulorum propria sunt. In Cicero-  
ne facilitatem puram, sine cerussa, sine fuco. In Plinio, styli amœnitatem, & sapientia  
amulam eloquentiam. In Seneca concisam, gravem, sententiosam, & græcæ eruditionis plenam orationem. In recentioribus  
Trium.

*Triumviris, elegantiam docta varietate temperatam. Que omnia mirari datum magis, quam imitari. Quid enim (ut antiquiores illos preteream) Politiano tersius, & politius? Quid Lipsio sine cura accuratius, quid brevius, quid argutius? Quid Puteano dulcius, quid venustius? Ad Veneres, & lepores factos eos esse dicas, & styli delicias, ita Lectorem elegantia sua inescant, & divino quodam melle ac nectare verborum, & rerum, detinent in affectu. Quos quò sapius legas, eò plus auferas, relicto semper in animis virtutis aculeo, & amore sapientiæ, quem tacitè affricant, vel incautis; nec tam desiderio scientiæ mentem accendunt, quàm erudiendo satiant. Sed ut ad vos redeam, cum hic prodire nollet in publicum liber sine patrocinio, vestrum inter alios sibi nomen inscripsit. Vos lubentibus accipite animis literarium hoc opus, in scholæ spatiis, ac umbris natum; exiguum fateor, sed ævæ doctæ pignus pectoris vobis devotissimi, quod de paupere musarum nostrarum penu de promptum, tutelam vestram exposcit. Quod si feceritis, erit sanè quod gaudeam, simulque sentiam hoc favoris vestri, & benevolentia palpo, magnopere mihi addi animum, & stimulum ad majora. Quanquam enim ipsa virtus satis amplum sibi theatrum est, & bonorum benevolentia sequi debet, non ambiri; grata tamen & libenti animo amplectenda est,*

*cum non invita se fruendam præbet. ε' πικρὸν ἴδιον  
 ὃ ἢ πρὸς τὸν πόνον. Valete viri, virtutis, &  
 doctrinae gratia venerandi, & favete atque  
 amate faventem, & amantem.*



JACOBI

# JACOBI CRUCI

## EPISTOLARUM

### LIBER QUARTUS.

ARNOLDO LANOYO *Ecclesiæ Galli-  
cane Lugduno-Batavæ Pastori*  
S. D.

Lugd. Batavorum.



Mavi te olim, vir humanissime; & nunc amo, affectu (cur negem?) puro, ac defæcato, quem debere me profiteor ingenio tuo, modestiæ, eruditioni; & tum desinam, cum tu amoris causas. O adamantinum, ô potens vinculum! nec generis, aut sanguinis titulo inferius, quia virtute nectitur, & herculeo nodo probitatis. *Hoc etiam certius & exploratius quod illud nascendi fors, fortuitum opus, hoc uniuscujusque solido iudicio incoacta voluntas contrahit.* Unde cum generis & naturæ propinquitas mihi amicum faciat, Virtus conciliat: non minori studio ac cura conservandum, quàm quem sanguinis nexus, aut profapia commendat. quia hic sponte electus, ille necessario admissus; in illo æquitatis ratio imperat; in hoc etiam decori. Vides in quo mihi sis gradu, ut me ipsum, virtutemque amare desinam, ni te pergam. Ne mirare. Habet hoc virtus, & Musarum *νοτιονία* quæ pia, & docta ingenia potentius ad se trahunt, quàm magnes ferrum. De me quid dissimulem? ita sum nec sine virtutis commercio, aut studiorum emolumento, amicitia mihi nec contrahitur nec colitur. Nam ut illi qui per solem incedunt, aut colorem mutant, aut adurentem ejus sentiunt calorem: sic dum consuetudine doctorum fruimur, aut dotes

suas tacito, ac leni fluxu in nos derivant, aut saltem imitandi sui desiderium in nobis acuunt. Sed ecce *Unum* mihi præ aliis in te placet, quod *Spartam*, quam nactus es, seridè exornas, non solum morum modestia, literarum elegantia, intemeratæ conscientiæ fama: sed quod laudo, iudiciosa *Concionum* *ἀνελκεία*. Quibus elaborandis quæ stylo, quæ argumento, meliores tuas horas devoves, nec satis esse putas *Ministerio* fungi, nisi etiam divina sacræ paginæ Oracula, salutisque mysteria solidè, atque enucleatè populo meditando proponas. Atque ut boni Patres familias succidiam domi suspensam habent, à qua defectum macelli suppleant: sic tu cum aliunde non datur, à studiis tuis petis, & proprio doctrinæ penu, quo instruas *Concionum* tuarum epulas. Pauci hodie hanc viam ineunt. Multi rerum securi, circavocum minutias ne dicam ineptias, anxie curiosi sunt, & à jejuno verbulorum aliquot ornatu conciones malè pastas laudant, quæ plus pompæ habent, minus soliditatis. Similes iis qui à veste virum quod subtiliter texta, & acupicta, quod è bysso, purpura, cocco, quod phrygia, aut attalica. Ridiculè mehercule & insulse! Nam si hominem ad balneum deduxeris, aut ad lectum veste simul spoliaveris & laude. Sic detrahe talium concionibus, vocum mangonia, & styli vestem, nihil præter fucum invenias & umbram. Imò ut flosculi quidam momento oriuntur, & simul pereunt: sic ille verborum inanium apparatus, & pompa vernantium dictionum, ubi quo plus ostentationis apparet, eo minus solidæ eruditionis subest. Multi obscure adeò sua tractant, ut vix à quoquam intelligi queant ita ut spinarum inconditam texturam facilius ad principia sua revoces, quàm talium conceptus; & nec Sibyllæ quidem ipsæ interpretentur, aut Oedipus. Quod dum faciunt, nullo plus agunt quam si tenebras tenebris offundant. Adeò etiam nonnulli superficialiè, ut plurimis verbis pau-



paucissima dicant , & à nullo magis aberrant ,  
quàm à Scripturæ scopo, nihilque minus capiant,  
quàm Spiritus sancti mentem. Flerique verò  
tam suffreni sunt , ut nihil eos minus afficere vi-  
deatur , quàm concionis habendæ cura , ad quam  
non rarò imparati profiliunt , freti nimirum e-  
loquentiæ suæ fiducia , & eruditionis officina ,  
quam instructam in cerebro circumgestant. No-  
vi qui inani magis jactantia , & febriculosa osten-  
tatione quàm fiducia virium, *μείζων πῦρ ἢ κατ' ἀν-  
θρώπων σοφίαν σοφοί* , è manicis conciones excu-  
tiunt , & de eo tanquam de insigni aliquo tro-  
phæo gloriantur , suisque id laudibus apponici-  
piunt : rati nempe se nec aliis, nec sibi acres satis  
concionatores videri nisi temèrè , & incuriosè  
his *Sacris* operentur , & tanquam aliud agentes.  
Sed ô audaciam , & in quos verè illud quadrat:  
*Ἀμφέβητα τὴν θεὰ ἑστῶτα τὸν*. Dum (ut Plautus inquit)  
*omnia se simulant scire , neque quicquam sciunt* Si  
enim probè quid sit CONCIONARI didicis-  
sent , & de Sacris ad populum verba facere in  
præsentia non hominum solùm ; sed & Angelo-  
rum , & ipsius Dei qui aut diligentia nostræ , aut  
ignavia testis est , & iudex ; nunquam mehercule  
animis eorum stulta hac infideret opinio , & *φι-  
λῶντία*. Si alibi, non hîc certe ei sit locus , in san-  
cto , & severo hoc *Sapientia* argumento : in qua  
eloquentiam amo, non quæ verba tantum colligit,  
& inani vocum sonitu auribus obstrepens captat  
plausum, sed quæ res continet & rerum nervos ;  
seque ipsa non minus gravitate sententiarum ,  
quàm elegantia verborum , & splendore com-  
mendat. Quid ? Principem compellare irreveren-  
ter , & impræmeditatè, audaciæ crimen erit, & de  
divinis, ac *Religionis* mysteriis parum religiosè lo-  
qui , & reverenter laudis materia , & gloriationis  
argumentum ? De Cæsare *Augusto* refert Sueto-  
nius , sermones etiam cum singulis graviores ,  
non nisi prius scriptos habere solitum , ne plus  
minusve loqueretur ex tempore , quam oportet ;

ret: Et legatus Dei, offensæ doctarum aurium securus, inconsiderata, levia, cruda, inertia verba, temere in Ecclesia profundet, imò effutiet? Et si ex magni illius Oratoris Demosthenis sententia, *Improbus ille, & patriæ perniciosus audit civis, qui de re non ante à diu, multumque cogitata, ad dicendum accedit*, quid de iis statuendum censemus, quibus magna illa concredita sunt salutis deposita? quorum curam, & Oeconomiam segnius habent, quam multi pecuniæ suæ. In alia olim mente, miraculum illud doctrinæ *Calvinus*, quem nunquam suggestum conscendisse accepimus, nisi sacro quodam horrore percitum, quotiescunque subiret animo, cum ignorantia suæ & tenuitatis conscientia, tum muneris dignitas, & S. Scripturæ interpretandæ *Majestas*. Qui tamen omnem ætatem in literis consumpserat, & cui nescio an quisquam veterum, aut recentiorum comparari possit, aut debeat vel acumine in disputando, vel soliditate in docendo, vel in explicando quæ sentiebat facilitate, copia, varietate, gratia, & in mentem Spiritus sancti penetrando felici industria: ut ingenium habuisse in numerato, & quasi *promum condum* (ut Plautino utar verbo) purioris, & antiquioris Theologiæ fuisse facile credideris. Sed muneris momenta suis pretiis æstimare didicerat, & divinioris hujus *Spartæ* præstantiam, non dicentis, sed mittentis merito metiri; nec eloquentiam, verborum sine delectu ruentium strepitu; verum pondere & gravitate sententiarum. Tu magni illius viri exemplum quod facis imitare. Sublimia hîc omnia, & plena profundæ venerationis: queis nemo ut par est defungitur, nisi qui hæc sacra reverenter habet. Ubi hæc veneratio ibi humilitas, demissio animi, diffidentia sui, *φιλοματία*, & muneris probè obeundi religiosa cura: sine qua nulli sunt, & titulares tantum, aut si mavis insanientis sapientiæ, qui hodie cœlestis veritatis præcones haberi volunt. Næ illi (ut alia hîc præteream) nomini suo egregiè inserviunt, & famæ! quam qui  
ne-

negligit, is à J.C. sibi injurius, & crudelis esse perhibetur. Nec de nihilo. *Contemptu enim fama*, ut præclare ait Tacitus, *contemnuntur & virtutes*. Hinc Cato major, qui primus claritatem intulit in familiam, dixisse fertur; eos virtutem homini adimere, qui à virtute gloriam, & honorem segregarent. Ego quid faciam quæris? quod apes, conféro, & stipo doctrinæ *liquentia mella*, quæ carptum eo per amœna politioris literaturæ, ac philosophiæ prata: haud leve senectutis oblectamentum, in cujus vestibulo jam versor. Subinde etiam ad sacras Musas conversus, horas aliquot impendo, recensendis nostris homiliis Catecheti-  
cis, & ad acrioris judicii limam revocandis: ut si secundo distractis exemplaribus prælo committantur, auctiores aliquando in lucem prodeant, & magis grata, deteriso inelegantia suæ situ: *δδ' ἔργα γδ' φροντίδες σφάτεραι*. & ut nemo omnia simul & semel videt: ita operi semel cœpto, accedit fere aliquid in diem, invisum ante aut inobservatum. In uno finiam nempe filio, quem curæ tuæ commendo. Plantam hanc fatam, & natam Ecclesiæ Christi, fovéri opto & maturari tua & aliorum cultura; & voti mei metam attigero, si quem Deo à teneris consecravi, ejus aliquando propagandæ veritati, serioque adstruendæ litet, ac militet. Vale vir doctissime, & tui amantem ama. Delphis Id. Jan. M. DC. XXXII. Crucius invito livore tuus.

## CORNELIO à SOMEREN

*Medico celeberrimo S. D.*

Dordracum.

**E** Pistolam tuam, mihi acceptissimam lætis oculis vidi, legi, & pene dicam,

— *Amycleis velut exsultavit arenis  
Pastor, ad Idæas Helena veniente carinas.*

Ita ubique benevolentia, & candoris vestigia in ea apparent. Quò fit ut animum tuum exosculer apertum, & sine fuco. Atque ut illi qui in æstu sunt, moderato potu sitim acuunt, non levant: sic literarum tuarum lectione, crevit mihi fateor desiderium tui & amor; qui tam humaniter ad me tam honorificè de me scribis. Quanquam colorem non tenui ad tuas laudes: Sed errorem hunc fero, & amicam hallucinationem in amico, quia si immerentis præmia non sunt, saltem stimuli erunt non degeneri *Musdrum* alumno, nittenti ad majora; & qui me talem esse opto, qualem facis. Filium pro concione multis non ita pridem apud vos placuisse, intelligere mihi fuit pergratum: sed longè gratius quod & tibi literato, & emunctioris judicii viro. Cujus unius sententia plus apud me valet, quàm multorum è vulgo, qui omnia externis meriuntur, & neglecto nucleo, puerorum more corticem amant, & putamina. Similes iis qui in pulchra muliere, nihil suspiciunt præter vestium symmata & lacinias: Aut iis qui Equi bonitatem æstimant, non ex indole, & generositate; non ex ipso corporis decoro habitu, gressu composito; sed ornatissimæ cervicis divitiis, frænis, ephippiis, phaleris: gladium quoque ex vagina serica, aut acu picta. Tu altius video penetras, & sacra hæc laudas, non ab inani verborum apparatu; sed re, & argumenti pondere, ac rationum momentis. Quæ si concioni detraxeris, nihil præter nomen retinet, & umbram,

umbram. Patrillare eum dicis, & ut faciat velis remisque contendo, nec inter curas alias minime hac cura est, ut solidè dicat, & nervosè. Ut enim non satis pictori, penicillum ducere, & tabula colorem inducere, nisi imaginem aliquam, aut historiam adumbret: Sic nec illi esse debet, *Concionem* habere, nisi auditu dignam materiam complectatur. Adhuc sic vitam instituat, ut melior ne sit, an doctior alternis judiciis ambigi possit. Quid enim lingua sine vita? quid eloquentia, si quod una struitur manu altera diruitur? *Ut in Medicina nihil facilius est, quàm nosse helleborum, aut theriacam; hac vero probe miscere, dextrè adhibere, artis totum est: ita facilius multo est scire quod bonum est, quàm esse; virtutis præcepta tenere, quàm sequi.* In utroque allaboro: neque enim melius liberis prospici potest à parentibus, quàm si virtutis paternæ hæredes habent, quos natura sibi arctissimo sanguinis vinculo copulavit. Scio studia illi cordi esse, & ad virtutem natura propensum, nihil tamen nocet addere calcar ultro currenti. Exemplo summorum militiæ ducum, qui eos potissimum oratione ad virtutem accendunt, quos animo forti, & ad pugnam paratissimo esse vident. Mores communes si video, non solet. Multos quibus nulla honesti cura, & omnia cum lucro recta videntur, vecors hæc tenet avaritia, ut insigniter sibi paternum implese officium videantur, siopes (quod fit hodie) liberis corrodant, parum, aut nihil de virtute solliciti quam longè nummis, & pecuniæ postponunt, ejusque dispendia pluris faciunt, quàm salutis eorum, quibus nihil carius illis esse potest aut debet. Nimirum ut pueri asfragalos, trochos, pilas, & leviorum rerum admirantur, securi utilium: sic illi ad vana divertunt, honesta negligunt, & ita ferè *Inventus* instituitur, ut more seculi in licentia succrescat, sapiatque, & festinet duntaxat ad lucrum, felicitatis metam divitias statuens;

tuens; otium, divitiarum. Stultitiam hanc Aristippus olim haud inscite perstrinxit: nam à Patre quodam interrogatus, quam *ἑπὶ τῷ τέλει* *παρδιδίξως* mercedem posceret, *Mille*, inquit, *denarios*. At ille, *Nimum*, *nimum*, exclamat: *tanti vel mancipium emam*. Quid Philosophus? *Licet*, ait, & sic duo habiturus mancipia, & quod genuisse gloriari poteris, & quod emisse: alterum sanguine, alterum are tuum. Sed alia tibi mens, vir doctissime, quem patrem ex literis esse didici quinque filiorum; quinque satis esse non putas filios habere, nisi eruditione, & amore honesti imbuas, hucque omnem conferas operam, ut & ipsi aliquando maximum doctrinæ cumulum à parente suo, pulcherrima hæreditate accepisse, & ipsas virtutum structuras bona ex parte, à cura tua, & cultura esse non negent. Et fiet, si virtutes tuas ament, non fortunam, & te, non externa in te colant. Mirum quid patriæ probitatis exemplum possit, in filiis benè natis: nam ut à fonte rivus; sic à paterna Institutione reliqua vita. *πῇ γὰρ καὶ εἰς αὐτὴν καλὴ καὶ ἀγαθὴ*, *τὸ νόμιμον τοῦ καὶ παιδείας*. Sic Gracchorum eloquentiæ multum ab infantia contulisse sermo matris dicitur. Lelii quoque filiam expressisse in loquendo paternam eloquentiam legimus. Et Hortensii oratio inter paternos sinus coaluit. Sed nec illicò desperandum, si vitio humanæ infirmitatis, aut illicio sæculi aliquantulum à virtute degenerent; nam leni tunc fræno reducendi in officii viam. Nihil enim minus paternum arbitror, quàm odisse filios, aut saltem habere despiciatui, ob juveniles hallucinationes, & morum deliquia: haud secus ac si Medicus irascatur ægro, quod ægrotet, aut mater proli quod claudicet; imò si vere mater, magis in eam cuius miseretur, inclinatur. Ut in magno hominum cœtu, non omnes nobiles, aut optimates: sic in familia non omnes semper boni. *Optima vina etiam faces suas habent; cælum.*

*cælum nubes ; & mentis mille naufragia sunt.* Sed ut agros natura fertiles sylvescere nonnunquam videas , & abire in vepres , qui culti ligone aut aratro , frugum copia luxuriant : Sic animos in vitiapronos , & à bonapenè spe derelictos , assidua virtutis exercitatio corrigit : ut nunquam cuiquam sit desperandum , si quid in hac ætatula habeat quod geniat. Quot enim olim viros magnos , prostitutis in adolescentia moribus , in familiæ suæ , & patriæ decus natos accepimus ? ut inter Græcos *Themistoclem* ; Romanos , *Torquatium* , *Fab. Maximum* , *Cæsarem ipsum* , & *Vespasianum*. Qui juventutis suæ maculas , & labes , rebus præclare gestis , non eluerunt modo , sed prudentiæ , & fortitudinis , virtutum denique cum forensium , tum militarium exempla extiterè , & miracula. Tu perge modo , & surculos hos , ac propagines educ , fove , matura , non monendo solum , sed (quod caput) præcundo. Πατρός γὰρ σωφροσύνη , μέγιστον τέκνοις παράγγελμα , ut non tam dicta tua , quam facta sequi videantur ; nec disciplinam solum , sed & exemplum à te petere. Egregia si quid auguror , futura aliquando patriæ domus columnina , & familiæ pedamenta. Queis SOMERORUM nomen ab oblivione seculi , & temporum injuria vindicatum , seræ olim posteritati inclarescat , & (ut ait ille ,)

*Te Colchus , & qui dissimulat motum  
Marsæ cohortis Dacus , & ultimi  
Noscant Geloni : te peritus  
Discat Iber , Rhodanique potor.*

In quo magnifico omine desino , teque χαίρειν , καὶ εὖ ἀγαπῶ , ex animo voveo. Datum Delphis 15. Januar. M. DC. XXXII. qui feliciter , & ex voto decurrat , amicitia nostræ auspicio insignis , quam , ita me Musæ ament , sanctam , & inviolatam conservabo. Doctissimis *Colvio* & *VVesterburgio* , interioris notæ amicis cultum , & obsequium meum officiosissimè defer. Collegæ item tuo *Beverovicio* ,

*cio*, tum si qui erunt quos nostri meminisse non pigebit. Filius meus ita te amat, ita meminit, ut de nullo loquatur sapius, de nullo libentius. Iterum vale vir clarissime, & multum, ut per te multi.

BARTHOLOMÆO *vander MASTIO*

*Studioſo S. D.*

Cadomum.

**G**Rata mihi per literas compellatio tua, hoc habuit ingrati, quod ab ægro. Sed unum me solatur, quod febris est, & tertiana, quæ (ut ajunt *ἡ ἀρχὴν παῖδες*) non solet esse diuturna; nec de ea, si verbo fides, sonare campana. Contractam eam credo ex longo, & vario isto itinere, in quo multa interveniunt, quæ morbi haud rarò solent esse materia; ær, hospitia, cibi, frigora, æstus, in iis præsertim corpusculis, quæ cœli injuriis non ita sunt ferendis, ut duriora illa, & vasta corpora quæ natura ad pastum abjecit. Graves sæpe nobis morbi etiam ex levi causa. Doleas? cave. quid enim natus sis, nosti, *H O M O*, id est imbecillus, fragilis, miseriæ trutina, morbi pabulum, mortis victima. Ut omne cœlum nubes suas habet; sic & vita, & in vita omnis ætas. Vegetam illam, qualis est in adolescentia, immunem credis malorum, atque ægritudinum? Erras. communia hæc naturæ deliquia sunt, & in quolibet ævo, à quibus nulli longa pax, vix induciæ sunt. Timere ea potes, non cavere; fugere, non vitare. Nam ut omnia sub leges suas vocat *Mors*, & unius horæ momento,

*Æqua tellus pauperi recluditur*

*Regumque pueris: ———*

Sic illius satellites, & lictores morbi, nullam humanæ vitæ partem, nullam ætatem, sui expertem esse patiuntur: sed ibit hic malorum in omnem ætatem remeantium orbis, quàm diu erit ipse *Orbis*. Et tamen felices inter tot ac tantas, quibus  
indies



indies conflictamur, misérias, hoc uno Christiani, quod via nobis per hæc ad aliam vitam, cujus nec modum capimus, nec finem. Tristitia hæc esse inquires & acerba. Sunt: sed Medicum cum laudes, qui theriacæ suæ viperam admiscet, docta manu, & saluberrimo effectu temperatam; in Deo cur improbes, si pharmino huic morborum, & mœrorum poculo noxas corporis intemperat, sine tua noxa? Cur indigneris? Nimis insolescat, nimis lasciviat homo, nisi vinculis istis, & compedibus teneatur. *Ut saniores è mări veniunt, qui nausæ gravem stomachum exonerant: ita è procellis hujus vitæ, qui corporis languore, animi faces eluunt. Nihil habere ad quod exciteris, ad quod te concites, cujus incursum firmitatem animi tui tentes; sed in otio inconcusso jacere, non est tranquillitas, mollities est. Segetem vides plus nimio luxuriantem? illam acrior pruina, si opportuna obvenerit, non retundit solum, sed injecta velut mora, ad majorem provocat ubertatem: sic febricula aliqua, catharrus, pituita, juveniles imperus, non sistunt modò, ac sufflamant, sed virtutum in nobis sementem fovent & maturant. Quin, ut frumentum sit trituratur folliculos suos exiit, ac deponit: sic nos concussuunculis illis, paleas vitiorum, & pulvisculos vanitatum; quæ nos plus æquo affingunt huic glebæ, & inescatos mundi deliciis tenent: ut piscator esca pisces; auceps grano volucres; adeò ut cum Themistocle, haud rarò exclamare nobis liceat, *perieram, nisi periissem*. Quid quod militiæ nostræ, & Christianismi hæc sunt insignia, & patientiæ exercitia; quæ quò magis in nos sæviunt mala, eò est erectior, omnesque fortunæ ictus invicta excipit, & conculcata, alacrior exsurgit. Et ut arbores altius radice terram comprehendunt, quò sapius ventorum furiis agitantur: ita virtus quò magis laceSSita, hoc est robustior, & *dat vires animo dolor*. Personata ferè sunt omnia in hoc mundo: & ut probitatis, solidæque virtutis domicilium non est*

est in vultu, qui persape mentitur; sed in pectore penetrati, quod oculis, & legibus impervium, uni Deo patet: ita constantiam suorum in adversis, quam ore profitentur, tentat sape, & in scenam producit summus ille *Choragus*, ut tales esse appareant, quales se venditant. dubiæ sunt vires inexpertæ. Et nequaquam par Gubernatoris est virtus, cum placido, & cum turbato mari vehitur. Tunc admirante nullo, illaudatus, & inglorius subit portum. At cum strident funes, curvatur arbor gubernacula gemunt, tunc ille clarus, & diis maris simillimus.

Frustra mihi Atheletam laudas, qui umbram magis amat, quàm pugnam: neque enim magnos ille spiritus ad certamen afferre potest, qui nunquam sugillatus est. At ille qui fudit sanguinem suum, cujus dentes crepuerunt sub pugno, ille qui supplantatus Adversarium toto tulit corpore, nec projecit animum, projectus; qui quoties cecidit, contumacior resurrexit, cum magna spe descendit ad pugnam. Ad quàm nos formant, acuunt, indurant leviores hæ morborum velitationes, & virtutis succo non tingunt solum, sed imbuunt. Ita tecum philosophari libet; & verè te crede philosophum, si morbos corporis, animæ medicinam esse statuas, & naturæ deliquia, mentis ad virtutem auctoramenta. Ut columna quæ recta stat imposito magis pondere firmatur: sic altæ, rectæque mentes oportet non cedere malis, sed obniti. Non aliò nobis à Deo immittuntur, & verè ille mihi sapere videtur, qui hîc sapit. Philosophari enim lingua, omnium pene est: at vitæ paucorum & sapientum. Et ut pluvia illa inutilis est, quæ in lapides cadens aut rupes, supernè leviter tantum irrigat, ac defluit: sic doctrina, quæ in ore, & verbis, in pectus non descendit. Virtutem si possederis, templum illa tibi aperiet bonæ mentis, qua omnem fortunæ vultum intrepidè excipies. Sed virtutis ornamentum Doctrina est, quæ non in pompam tibi sit, sed in usum. Ad eam manu te duco, & votis, ut in hac omnia habeas,

beas, quæ nulli mutationis alex obnoxia sunt, & in quæ furibus, aut decoctoribus nihil licet. Quid? Eos tu qui in auro se volutant, & magnam pecuniæ vim possident, divites verè censes, & beatos? Scio non censes; nec quisquam à te alius, qui aliquid non dicam sapientiæ habeat, sed rationis. Curis enim, & cupiditatibus perpetuò pallent, & dum mille periculis, & laboribus conquiritas anxie non capiunt opes, novas cupiunt. O Tantalus! qui, ut ille aquas, sic aurum semper sitiunt, & non tam acquisita, quàm acquirenda deputant. Ride hæc vota; & ad magnorum virorum exempla te compone. *Res & Doctrina* nescio quàm difficile jungantur. Quid enim Apollini cum Midæ? Fuit olim, est, eritque *Bonæ mentis soror paupertas*. Vixit *Diogenes*, sed in dolio. At in gurgustii hujus angustia, quàm angusto fuit animo, quàm generoso? veram magnitudinem metiens non spatiis, & latifundiis terrarum ac regionum; sed horum omnium contemptu, *Assai e rico, a chi non manca*. *Animus est qui divitem facit: nec eum puto pauperem, cui quantulumcunque superest, sat est*. Pauper ille quidem iudicio vulgi; sed *Alexandri* liberalitate major, quam rejecit, nec eguit, quia ditior est quæ divitias spernit, quàm qui possidet; & verè ille magnus, quem nulla res minorem facit. Plurimum quoque ille possidet, & habet qui desiderat minimum: habet autem quantum vult, qui vult minimum, imo suprâ quam vult si etiam dum habet, non habetur.

— *Multa petentibus*

*Desunt multa; bene est cui Deus obtulit*

*Parca, quod satis est, manu.*

*Longius si itur, extra terminos itur, & in vastum illud INFINITUM*. Solæ solæ mihi divitiæ illæ, quæ perennant, & possidentem reddunt meliorem animumque accessione doctrinæ ornatorem. Eas ego non errore vulgi metiri, sed benè sentientium iudicio, suisque preciiis æstimare didici.

dici. Inaurentur alii, & in honorum fastigia eve-  
hantur, mihi meæ *Muse* nihil præter vigilias,  
& invidiam reportent, nunquam tamen harum  
me subibit fastidium, aut poenitudo, dum hic  
mihi perseverabit animus, fortunæ volubilis  
contemptor. Et si quid auguror, non alia quo-  
que tibi mens, qui literas pari & industria tra-  
ctas, & amore complecteris. In disciplinis no-  
bilibioribus audio, & gaudeo, te nunc sedulo versa-  
ri, καὶ ἀεὶ τὸ κέρτισον τῇ φιλοσοφίας διατρέχειν,  
seria lectione *Collegii Conimbricensis*, *Zabarella*,  
*Suarezii*, & aliorum, quos evolvendos tibi pro-  
ponis. Aude mihi credere, non potes utilius  
ingenii tui dotes collocare, quàm in hujus sa-  
pientix indagine, quæ pertinet ad propagandam  
seculi gloriam, & asserendam literarum digni-  
tatem. Sed consilium tuum ac institutum ut  
vehementer probō: ita unum te moneo, pone  
studiis tuis modum. Felicius enim irrepunt  
literæ, quàm irrumpunt, firmitusque coalescent,  
si semet insinuent ut hospites, quàm si irruant  
ut hostes. Ut virtus delicias aliquas admittit: sic  
literæ remissiones, & *Musæ Gratiæ*, quæ redi-  
re, imo ludere interdum amant. Ingenio diu,  
& assidue exercito, torpor aliquis adnascitur,  
& quod libenter faciat, nisi interdum remit-  
tat, impromptè facit, aut nec facit. Quin ut a-  
quæ diutino sive vitium contrahunt: Sic animi  
nostri assidua hac vel sessione, vel quiete. Quare  
*parcius studiis utere, ut diutius utare. Μέτρεν δ'  
ὅττι πᾶσι δέουσιν.* Ipse Sisyphus, in fabulis perpe-  
tui laboris damnatus, suspendit tamen Orpheo  
cantante suum saxum; & Achillem fulmen illud  
belli, inter tubarum clangores, & armorum stre-  
pitus, animum cithara recreasse memoria prodi-  
tum est. Idem tu. Ut enim fertilibus agris non est  
imperandum: citò namque illos exhauriet nunquam  
intermissa fecunditas: ita animorum impetus assi-  
duus labor franget; vires recipiunt paululum resoluti,  
& remissi. Tu de publicis in Gallia nuper nihil: an  
quia

quia nihil rerum novarum , & brumæ hoc frigus animos etiam habet? an quia parum tutum hæc credere chartis? *Europam* cum intueor , quot quantisque belli motibus , à multis retrò annis æstuat? quàm cruenta ubique, &

———— *civilia passim*

*Bella tonant , trepidumque quatit discordia mun-*  
*dum?*

Sed, ut cum Theocrito loquar.

———— *ἀλλεταί ὁφθαλμός μιν ὁ δεξιός ,*

quotiescunque subitam hanc video rerum in Germania, quæ sævissimis bellorum procellis, tot annos jactata fuit, catastrophæ: & cum animo meo partior tot emensas tantillo temporis spacio inopinatas victorias, sub auspiciis magni illius Gustavi, Solem hunc novum ab Arcto orientem, præfagit animus (ut pulcherrima mihi sese offerunt auguria) dissipaturum aliquando omnes bellorum nebulas, & serenum illum pristinæ libertatis diem redonaturum Ecclesiis , Academiis , Scholis. Quemadmodum enim media hyeme, regnante Borea, marcent, jacentque omnia, quæ rursus Solis accessu, veris amœnitatem referente , revirescunt universæ: & ad pristinum cultum redit hominum antea torpentium industria, dum hic arvum proscindit, ille vitem putat, alius inserit, alius pastinat, ferit, occat: Ita belli temporibus, quæ per tyrannidem conciderunt studia, Principum pietate & favore, pristino suo splendori restituta, solent reflorescere. Sed hæc *ἐν παρόδῳ*. Nam voluminis res foret, non Epistolæ, verbosius, & minutatim de iis scribere, καὶ ἐν τῇ πιδῶν, εἰς τὴν κεφαλὴν τοῦ πέντ' ἔπειν. Valemi Masti, & faxit Deus, ut publicis olim usibus, patriæque honori deservias; ac pensæ studiorum feliciter detexto, ille aliquando illucescat dies, quo canere possis illud Euripidis, *Suavis est laborum præteritorum memoria*. D. Borcharto hospiti tuo, quo viro non vivit, ut audio, sub sole officiosior, plurimam à me salutem. Delphis 6. Kal. Febr. M. DC. XXXII.

O

JACO.

## JACOBO FOCANO

*viro clarissimo S. D.*

Nullæ mihi à te literæ, quæ non affectum spirant, imò & inspirent; ac nescio quid habeant ad amorem *ἐλκυστικόν*. Ita candidi, & aperti animi plenæ, qualem hoc ævo rari habent. Ab eo accipio quæ scribis, & laudes in quas te ire video longè supra meritum, & quæ neque verecundiæ, neque mediocritati nostræ conveniunt. Utinam verius hæc, quàm amicus! Sed obnixè amanti nihil unquam satis laudatur: ex musca elephantum facit, nec aliter nati, qui amant. Indulgentiæ istud est, non judicii: & si judicii, indulgentia tibi imponit, Nempe ut oculus, in quem humor illapsus est, parum clarè videt: sic mens in quam *Amor*. Fit tibi mi Focane; & *Crucium* quia valde amas, valde æstimas. Utinam jure & re! Novi enim me, & vires meas, quas tametsi suasu quorundam in hoc epistolicoq; scriptionis genere, periclitari audeam, nunquam tamen ita desipiam, ut ex amicorum applausu, animos capiam, & laudum hoc palpo vel minimum me patiar deliniri, probè mihi conscius non istis palatis hæc parari legumina. *Lipsium* fateor vidi, & legi, & à puero, nec sine fructu: sed cum in viri illius stylum intueor, reliquias, & semina Romanæ gentis, contemno me, & planè ipse mihi displiceo. Vera enim illa est, suisque absoluta numeris eloquentia, quæ captum seculi supergressa; antiquam illam refert Latinitatis elegantiam, purissimo fluentis eloquii rore, & facili sententiarum acumine tinctam; nec *Venus*, aut *Lepor* aliquid addant. Nostra quid? Infantia mera, & balbuties. Nos? fungi & vappæ ad has delicias, & umbræ ad hunc solem. Admirari genium Lipsiani styli, omnium est, qui Tullianam amant puritatem: at imitari, nullius; & si quis suffenus audet, aut simia,

—ceratis ope *Dadalea*  
*Nititur pennis, vitro daturus*  
*Nomina ponto.*

Nam ut magnorum virorum habitum, incessum, verba, aut gestus nonnulli æmulantur, cætera & interna dispares: sic ridiculi isti *Lipsiomimi*, di-  
 citunculas ejus aliquas, aut elegantias, futili imita-  
 tione referunt quidem, sed genium, ac Venerem  
 illius non adsequuntur. Quid enim habet vel eru-  
 ditissima Antiquitas, quod eximis viri illius mo-  
 numentis opponat? & quid non ille, quod cum  
 Antiquioribus non audeat componere, disertissi-  
 mus Romuli nepotum, & seculi nostri Varro? Ju-  
 dicio ejus quid acrius? Ingenio quid unquam fin-  
 xit natura dulcius, quid felicius? Cibus alibi, hæc  
 deliciae sunt: doctrina alibi, hæc voluptas jungitur.  
 Aculei hæc, & penetrant; scintillæ, & emicant. Li-  
 bere dicam? satis mihi ad laudem, vel luminis hu-  
 jus umbram fuisse. Platoni olim puero, & adhuc  
 in cunis vagienti, mel suum apes, velut divinæ fa-  
 cundia indices, in os inferuerunt. At huic, *Gra-*  
*tia ipsæ, non montem Hymettum thymis flore redolen-*  
*tem: sed musarum Heliconios colles, omni genere Do-*  
*ctrina virentes, Dearum instinctu depastæ, maximo*  
*ingenio, dulcissima alimenta summa eloquentiæ in-*  
*stillasse videntur.* Ita ornate polita omnia, tersa, &  
 succo veteris Latii imbuta: in quibus neque Cato  
 gravitatem requirât, neque *Lælius* lenitatem;  
 neque *Gracchus* impetum, nec *Cæsar* calorem, nec  
*Calvus* argutias, nec parsimoniam *Salustius*, nec  
 opulentiam *Cicero*. Verbo, vir & laude nostra, &  
 seculo major. Ad hos Atlantes, pusiones nos &  
*mani*, ad has aquitas, graculi. sed satis ego mihi  
 doctus videar, si quàm non sim, intelligam, ma-  
 gnorum interim virorum si quisquam, admirator;  
 imitator affectu solum, non effectu. Quid enim  
 nos homuli sumus, aut scimus; nisi hoc unum  
 quod nihil simus, nihil sciamus? Efferunt se alii, &  
 jactant? Fero, imò rideo. quid enim hæc *Opinionis*  
 blan-



blandiens aura? Aura mehercules; imo nihil: & crepera, ac vana omniaque studio & labore congeruntur ad pompam.

*Tutius est humiles reptare myricas,*  
& modestiæ remis vento vanitatis obniti. Paucis: hanc ego verè doctrinam judico, doctrina posse uti; Doctrina pellere vitia animi, & in seriam descendere *meditationem sui*; sapere potius, quàm scire. Illam tanquam vitæ meæ ducem, & magistram colo. Reliquas artes, & scientias tanquam comites habeo, & pedissequas. Carmen, quod à me petis, unà quando ita vis mitto. Si placet, benè est. Devotum tibi habe, ut famam aliquam nanciscar à tua fama. Sin minus, *Thetis* habeat, vel si mavis *Vulcanus*, aut Veneris maritus. Affectus hæc muneris sunt, non venæ, quæ Poëtarum propria est, agnata Parnassi montis cultoribus, & pieridum alumniis. Versus westerburgii elegantissimos in obitum Everwini legi, plenos spirituum & sanguinis, acrisque invektivæ in temporis nostri *Novatores*. Quid dicam? Poëta est, & in eo venæ purioris Phœbi, qui sic versus effundit, ut nunquam tale aliquid in Appollinis antro *Sibylla*. Næ ille seculi hujus poëtastris luce sua oculos non præstrinxit solum, sed configit. Tu illi ex me salutem, & Somerio nostro. Vale amicissimum caput, in cuius gratiam paratus sum

— *quidvis & facere, & pati.*

Delphis' Non. Februarii M. DC. XXXII.

J A C O B O C R U C I O

*Medicinæ studioso, cognato S. D.*

In Indiam Orientalem.

**L**Ongo terrarum intervallo, quos vastis ubique spatiis sinibusque mare interluit, te inviso; sed literis, & animo: quando voce & corpore? ut incolumem te audiam,

*Narrantem loca, facta, nationes.*

Bien-



Biennium jam apud ignotos egisti, & ignoto solo. Hac temporis intercapedine, quoties tu mihi in mentem? quoties sermones tui, de re litteraria, Medicina, studio linguarum? Qui illi olim amplexus, susurri, risus, lepôres! Sed

*Tum denique homines nostra intelligimus bona,*

*Cum qua in potestate habuimus, ea amisimus.*

Ego tamen nihil amisi, quia nunc absens vehementius amore tui accendor, tam candidæ animæ, tam pii capitis. Quò fit ut jucunda, & dulci te memoria circumferam, imò haud raro me præsentem tibi sistat cogitationis meæ ala: qua velut Pegaso subvectus, te compello qui jam in extremas mundi oras, equo ligneo delatus per cæruleas vias, pedem fixisti in terris longè remotis, ut videas, discas, colligas. Quid videas? urbès, homines, ingentes regionum tractus, immensa terrarum latè patentium spatia, flumina, lacus, montes; sparsas per vastum insulas, quæ interventu suo maria distinguunt, varias animalium formas; plantarum, arborum, fructuum, herbarum, graminum species invisas ante, & inauditas; gemmas, metalla, mineralia, aliaque rariora naturæ deposita, quæ nec habuit unquam, nec vidit noster Orbis. Quid discas? linguas, & morum elegantiam, ex tot hominum conspectu, & alloquio; Indigenarum religionem, & in sacris, ritus & ceremonias; in Politia, leges, jura, statuta, in bonos præmia, in maleficos supplicia, & pœnarum exempla. Mirum quàm illa iudicium forment & mores. Quid colligas?

— non opinas

*Sardinia segetes feracis:*

*Non æstuosa grata Calabria*

*Armenta; non aurum, aut ebur Indicum:*

sed eruditionem, & doctrinam, ex curiosa rerum rariotum indagine, quæ usui tibi esse possint in Medica tua Sparta: ut in erroribus tuis cum Ulysse, in quo plenum nobis ac perfectum hominis

politici exemplum tota proposuit Antiquitas, πολύροπον evadas, & ex varia rerum notitia, ad prudentiam aliquid accedat. Cujus multi hodie, qui *Neptuni* regna, qui *Indiam* in sejunctis Oceano terris lustrant, admodum steriles sunt. Maximo sciendi desiderio teneri te video: scire autem non potes, nisi discas. Et nescire te multa, non dubitas ingenue profiteri, ut discas. Et ubi opportunius quàm in iis locis, quæ novis rebus abundant? quando felicius quàm hac ætate, in qua matura omnia, judicium, memoria, mens? O plerique è Juventute nostra facerent! qui præcipientes nimis ante florem fructum quærunt, & compendio studiorum *Æsculapium* faciunt βροτολογον. *Nutium* Haga non ita pridem obiisse diem suum, audire tibi novum erit, & grave. Quid agas? Feres communem illam naturæ legem, duram quidem, sed à Deo ipso latam, quæ antiquari non potest, culpari non debet. Omnium hæc meta est, M O R I; paucorum B E N E M O R I. Ad illam cum natura nos ducat, nostrum est fidei, virtutumque præsidio accomitatu, ad hanc seriò contendere & adniti, ultimamque illam lineam, velut proximam, quotidie expendere, Deumque vocantem sequi. Ille beatissimus est, & securus sui possessor qui crastinum sine sollicitudine expectat. Quisquis dixit, Vixi, quotidie ad lucrum surgit. Sed Mori nondum didicit, qui stultissimis votis vitam protollit, imò non vivit, mori qui non didicit. Ergo è Sapientiæ regula familiare nobis fatum faciamus, ut cum *Parca* fufum impleverit, vitam possimus contemnere. Æger aliquandiu languorem suum patienter tulit ex pertinaci atrophæa, & morbum traxit, tractus ipse tandem non immaturo fato. Et haud multò post distracta ingens pecuniæ summa, à pia hac anima non pauperibus solum liberalissimè legata, sed viris doctis, ptohis, & Religionis reformatæ cultoribus exploratis. Nempe

Δρυὶς περὶ τῆς αἰνῆς ξυλεύεται.

Uxor mea quo statu sit, quæris? more suo delicatula est, & imbecilla; sed & illam nuper febris corripuit, & paroxysmis aliquot pene attrivit. Igais ipse fuit, quem misella sustinuit, cò vehementior, quia subitus, quia in corpore macilento, invalido, debili. Sed opem Medicus, Deo annuente, salutarem tulit, & pristinae valetudini restitutam redonavit *Hygeia*. O *Æsculapium*! cui non gallum, sed totam debeo Hecatomben. Quanquam ægrè sparsas virium suarum copias recolligat, & lento trahens vestigia gressu, non tam incedere videatur, quàm repere. Quid mirum? à concussione tam dura, & violenta. Sed ita mori discimus in hac morborum, atque ægritudinum schola, multò ante quàm moriendum est, ne imparatos nos opprimat fatalis illa hora. Quæ si longius abest, hoc saltem discimus, bonæ valetudinis thesaurum suis pretiis metiri: cujus dulcedinem multi nescirent, nisi acerbitatem degustarent malæ. Ut cœli clementiam, & amœnitatem nebula, grandines, nimbi, tempestates commendant: sic corporis *εὐεξίαν* & temperiem, morbi. Adde quod à vitiis absterreant, ad virtutes compellant. *Εν γὰρ ταῖς δυσοχίαις λάμπει τὸ καλὸς*. Quem infirmum (verba Plinii sunt) aut avaritia, aut libido sollicitat; non amoribus servit, non appetit honores, opes negligit, & quantulumcunque, ut relicturus, satis habet; tunc hominem esse se meminit, invidet nemini, neminem miratur, neminem despicit, ac ne sermonibus quidem malignis, aut attendit, aut alitur. Hæc summa curarum est, hæc summa votorum, ita vivere, tanquam si indies moriturus; ita mori tanquam æternum victurus.

—— Ille potens sui  
Letusque degit, cui licet in diem  
Dixisse VIXI.

qui virtute, non tempore ætatem metitur, & ultimam quamque lucem, tanquam non redituram

consumit. Ita qui vivit, malè mori non potest: ita qui moritur, non potuit malè vixisse. Optima enim vita, optima morte finitur. Sed desino sapientia. Fratris tui Abrahami familia nova prole novissimè aucta est, & quidem foeminea. quanto gaudio! Nemo illo ditior, nemo beator. Hanc somniat, loquitur, canit, prædicat; in hac una *carissat cura parentu*, reliqui vappæ, præ his deliciis, hac ambrosia. Tu illi felicitatem hanc ardentissimis olim votis expetitam gratulare, & da fodes huic latitiæ auram, quò melius eam capiat, ac digerat venerens Athleta, & strenuus *Naturæ* propagator. Literas tuas vidi libens, perge, perge in hoc officio, & nos rerum tuarum fac certiores, dum spontaneo hoc exilio, in quo tanquam Ulysses, cognoscis tuorum neminem, lata tibi fuga per immensos patris *Oceani*, *Nympharumque* sororum liquentes campos, & libera vagandi potestas per ampla regna *Vestæ* matris. spondeo non frustra me provocabis. Ut enim ignis uberiores laceffitus stricturas edit: sic mihi stylus epistolas. Omnia alloquia tua grata; & magis nunc extanto intervallo, & audaci in diffitas orbis terras itinere. Parum interim aut nihil de materia sollicitus. Semper enim amor foecundus est, & nascitur sub manu, & calamo uberrima seges narrandi, jocandi, philosophandi, etiam priusquam obseveris. Alit quoque scriptio ingenium, & studio fatigatum, non sine studio tamen reficit. Literas tuas in aprico ruminabor. Tu meas quoque cum solus eris, ne solus sis. Vale amicissime Cruci, & aliquid semper age. Nam qui nihil agit, in procinctu est, ut malè agat, & ex antiquissimi Poëta verbo,

*Otioso in otio animus nescit quid velit.*

Delphis 5. Id. Februar. M. DC. XXXII.

NICOLAO CRUCIO,  
*cognato S. D.*

Dordracum.

**I**N columem te rediisse heri, speramus tristi hoc,  
& procelloso cœlo. Celebrata tibi huc usque  
*Hilaria*; nunc iterum ad labores. Ita dividitur  
vita nostra, quanquam maximam ejus partem ha-  
bent, imò deterunt curæ, tædia, luctus, morbi, &  
quid non? Sunt enim ut mari, sic illi sui fluctus,  
quandoque placidi, plerumque turbidi. In hanc  
fortem nati sumus, nec alia nos manent, dum in  
hac valle versamur lachrymarum. Ut nulli terra-  
rum *Ver* perpetuum contigit, & amœnitas: sic  
ne homini unquam constans otium, & quies. Sed  
*ut stellæ in cœlo per ipsas tenebras fulgent: sic nostra*  
*virtus per obstantes has nubes.* Insertas si placet cu-  
ra diligenter, ut & tuas ad me, quas avidè expe-  
cto. quando venient? Occupationes muneris tui,  
satis importunæ, te molestè sedulum excusant;  
sed dandum interim aliquid amicis in hoc offi-  
cio litterario, etiam horis suffuratis; & curæ  
graviores, voluptatem interdum & remissionem  
poscunt, necessarium laborum condimentum:

—— *vires instillat alitque*  
*Tempestiva quies,* ——

nec tam severa unquam *Minerva*, quin rideat;  
imò quis ille *Thrax*, vetex ultima *Barbaria*, qui  
hoc neget? *Arbores* vide, paucorum mensium  
onus gerunt, sub anni finem omnem fructuum  
suorum sarcinam ponunt, & liberis velut ramis  
quiescunt. *Terram*: concipit illa quidem, & pa-  
rit; sed datis frugibus tanquam ab utero respirat,  
*Ventos*:

—— *Obscuro detergit nubila Cælo*  
*Sape Notus, neque parturit imbreis*  
*Perpetuos: sic tu Sapiens finire memento*  
*Tristitiam, vitæque labores,*

O 5

&amp; usus

& usurpare veterem illam vocem, inter laxamenta curarum; *εἰς αὐτὸν τὰ σπασδαῖα*. Ut enim faciem extinctam si igni admoveas, vehementius accenditur: sic posita ad tempus studia. Feruntur in Italia quædam pascua tam esse pingua, ut nisi pecudes interdum abigantur, saturitate enecentur: & Nilus Ægyptum si nimis inundet, autore Plinio, non foecunditatem agrorum auget, sed parit sterilitatem. Idem hic. Est enim ut corporis, ita & animi sua quædam in epulis quasi luxuria, quas si magis quam deceat, secus ac debeat, voraciter absumat, malè necesse est digeratur, & quadam cruditate laboret. Plura non addo, per temporis angustiam. Tu cum lectissima conjugē, & familia vale, festina manu è Musæo meo. 4. Id. Febr. M. DC. XXXII. Aureum illud par *VVesterburgium*, & *Focanum* à me saluta.

## ABRAHAMO CRUCIO

cognato S. D.

Amstelodamum.

**F**iliam tibi nuper natam audio, & gaudeo. O te beatum qui jam ea frueris, quam toties votis expetisti: sed natam tibi crede, id est datam, ut utaris, non abutaris. Utêris si liberaliter, si probè eduxeris. Abutêre, si indulgenter nimis, & lautè. Commune vitium parentum: à quo tamen te alienum esse volo, qui ex tua ipsius educatione, in patrio lare discere potuisti, qua ratione tollendî liberi, & educendi ad frugem, ex cujus defectu, quàm diffuunt plerique luxu, quos nulla deinde admonitionis aura corrigit, nullum severioris disciplinæ gelu stringat in rectam honesti normam. O pudor! vitia induunt, virtutes ponunt, & prætextam ingenuæ puræque educationis. Tu melius, Argillam hanc finge, dum uda est; testam imbue liquoribus optimis, dum recens; & lanam hanc succo, & colore virtutis, dum nivea adhuc, & maculæ

culæ expers. Qualem in hac ætacula fementem feceris, talem aliquando messem referes. Quæ non potest non esse lata & ex voto, si primoribus illis annis virtutem instillaveris, & studium honesti. *Βεβλῆν ἀρετῆς ἐστὶν ἐν παιδείῳ.* Virgineam hanc dotem longè ego præfero illi, quam Regina Pecunia suis impertit. Illa crepera & vana, hæc solida; illa labilis, hæc stabilis. Exemplum nimis crebra hodie, nimis obvia sunt. Tu plantulam hanc cole, & sobolem, dum tenera est, flecte ad obsequium, ad modestiam, ad verecundiam: & cave ne sperata virtutum fecunditas, nimis tuæ indulgentiæ culpa, in herba quodammodo suppressa esse videatur. Cogor dicere. Male liberos Pater genuit, nisi educet, ac erudiat; imo malus est si bonos faciat, quos erudit. Amplius: *Anguem in sinu* habent, qui licenter nimis educatam prolem. Ab hoc enim fonte, vitæ, morumque labe: imò infelicitas avi, dum educationis vitio pudor omnis puerorum defluit, & studium honesti. Ideò maximam diligentiam in ea requiro. Hæc enim si bona, bonos efficit; si mala, malos. Bene Romanus ille sapiens, *Nihil magis fecit iracundos, quàm educatio mollis, & blanda: ideò unicis quò plus indulgetur, pupillisque quò plus licet, corruptior est animus. Non resistet offensis, cui nihil unquam negatum est, cui lachrymas sollicita semper mater abstergit.* Celandus, celandus est liberis paternus animus, quò enim habentur contemptius, eò meliores sunt. Similes fœno Græco, quò eò felicius crescit, quò durius tractatur. Amitam plusculos dies febris habuit, sed vin' latum etiam nuntium? remisit illa, imò dimisit, & jam paulatim se recolligit. Quid etiam? Patrum ipsum (nisi quid humanitas) videbis brevi, proximis feriis, & iustitio Literarum. Tu larem para, mensam, lectulum, & inprimis hilarem vultum, quo tam gratum excipias hospitem, cum minimè edacem, tum inimicum coenis sumptuosus. De valetudine mea si quæris, valeo,



— *solidaque suo stant robore vires.*

Et te valere gaudeo: sed de puerperæ ægritudine cum dolore audivimus. Quid agas? hæc conditio fere mortalium est, in omni vita miseriarum quodam turbine quati, & totum hoc vivere, quid nisi spinas, & aculeos suos habet? Menandrum audi, *πολλὰν μέσῳ ἐστὶ τὸ ζῆν φεγγτίδων.* Scilicet ut cœlum, sic homines sumus, & ut illud repente nubibus obducitur; sic nos caligine aliqua morbi, nisi esset, quis mortalem se crederet, qui tamen natus pati, natus mori? quis vitam, quis morès, quis animum lascivientem rationi subjiceret? quis denique æternitatem cogitaret affixus huic glebæ, nisi interdum morborum, atque ægritudinum succussuunculis avellatur? Sed & puerperio non malè congruit febricula. ita Medicorum judicant filii, ita obstetrices: tu crede, & tuam brevi sanam & incolumem redonatum iri, tibi & tuis, spera. Ego tecum, & in hoc voto tanquam in bonæ Spei portu anchoram figo, finioque. Delphis. M. DC. XXXI.

## DAVIDI CRUCIO

*cognato S. D.*

*Amsteròdamum.*

**T**U files, ego scribo; facit hoc indoles tua, quam amo, doctrinæ amantem, & honesti. Utrumque mihi semper in votis. Rebus quippe his fluxis statuere modum didici: & ut nihil fortunæ debeam (quæ in hac scena rerum nemini nocet, quàm cui profuit) vera illa æstimiare bona, quæ perennant, & ad æternitatem ducunt. Trahant alii purpuram, gregem famulorum, aut clientium, familiæ luxum, & ambitionis suæ firmata. Alii auro jugiter impallescant, & arcem instructam esse malint, quàm pectus, opes quarant, ut curas inveniant, felicitatem, ut miseri sint. Alii superbas pulsent potentiorum fores, & gratiæ eorum adulentur, consulatus, præturas ambiant,



ambiant, auram ego illam vanitatis sperno, & obsequia blandientis fortunæ. Satis beatus, si bonus, & literaria suppellectile dives. Tu, si ingenium tuum novi, rides quoque scio mecum hanc corrupti ævi stultitiam, & in hominum Mercurialium strepitu, & votorum æstu, à NUTIO avunculo tuo, eximio illo candoris & probitatis exemplo, discis indies,

*Quis modus argento, quid fas optare, quid asper  
Utile nummus habet, Patriæ charisq; propinquis  
Quantum elargiri deceat ———*

Virum te *Natura* fecit, ut te præsta; virtutem cole, quæ nulli præclusa, omnibus patet, omnes admittit, omnes invitat, & ad pulcherrima magno impetu properat. Contra sperne, fuge quæ noxia sunt, quæ menti labem aspergunt. Innascuntur sponte vitia, virtus cultura indiget, nec nisi à denso laborum imbre, probitatis stillicidia profluunt. Disce ante omnia τοῖς καλοῖς ἡδεσθαι καὶ ἀχρεσθαι τοῖς αἰσχροῖς. Optima puta, quæ honesta sunt, & in sola honestate voluptatem pone, & beatæ vitæ summam. sordidum pecuniæ studium, velut bonæ Mentis remoram, detestare: quam ut Sallustius ait, *nemo Sapiens concupivit*. Animum serva in quocunque statu certum adversus incerta; ingenium cole; exsere; *σωπία* omnem à vultu & sermone profliga; frontem cum virtutis colore exporrigere, & latentes literarum stricturas in occasione prome. Breviter, probitati tuæ insignem quod facis modestiam junge, moribus comitatem, annis tuis juvenilibus gratiam. Et fiet, si virtutem diligas, cum virtute doctrinam. Industria tua omnia poteris, nec tarda in fertili solo seges erit. Ita *Mercuriolita*, ut turpe lucrum putes, quod alieno damno crescit, & *Minerva* non omnino repudium scripsisse videaris. Etiam inter negotia, & in æstu curarum, aliquæ horæ studiis vindicandæ. Omnia quippe aliena sunt: tempus tantum nostrum est, & vere nostrum si studiis liberalioribus

dica-

dicatum. Jucundius ages, si cottidie doctior, meliorque Solem adspicies. Apes imitare, & ex diversis floribus *Sapientia* succum constipa. fac aliquid semper tibi temporis supersit, ut vel discas aliquid, vel nescire te recorderis. Studia enim sunt, quæ titillatione quadam honestissimæ voluptatis, discantium animos alliciunt, allectis monita salutaria instillant; atque igniculos illos honestatis, semina inquam justî & æqui, naturæ instinctu nobis insita (sive verius primæ imaginis reliquias) foveant, atque excitant, luxuriantesque cupiditates coercendo, honesti amorem insinuant, atque à vitiis ad virtutem abducunt. Habes quo auspiciatam feliciter lituraturam non colas solum, sed augeas, domi, foris. Domi, muros illos magistros; foris, viros illos summos, & omniscientiarum genere insignes, in novo hoc vestro *Athenæo*. Tu illos adi & audi, nunquam minus ociosus, quàm cum ociosus, & aliqua tibi ab importunis mercaturæ negotiis feriat. Clamoris illic omnia, & turbida. Et ut tela in scopum directæ, & emissæ detorquere solet ventus: sic meliores curas & literarum studia turbare *Lucius ille deus*. Ad quem tamen calidis votis plerique festinant; nec quidquam illis sapit, quod lucrum non sapit. Scilicet in hanc felicitatis opinionem impelluntur, qui ex nullo alio liberali studio voluptatem capiunt, & quorum mens juxta ac corpus humi repit: quasi nihil in vita humana melius, quàm ditescere, & aureo illo Jovis imbre rigari. Sed quàm in lubrico totum hoc blandientis fortunæ opus! quàm fallax, & anceps alea splendentis luti! Et quid hæc omnia quæ admiramur stulti, & suspicimus? quæ repentina sæpe calamitas, & miseranda vicissitudo consequitur? Opes etiam suprâ omnium *Crafforum*, nisi virtute partæ, & huic innixæ, levi momento dissipantur, ac pereunt similes pomis *Tantali*, quæ placent ut fructus, fugiunt ut umbræ. Fulciri debent, ornari debent, & quo alio fulcro, quo ornamento, quàm

sa-

sapientia? quæ non in auro, & argento, vanitatis aut avaritiæ elementis, sed in animo consistit. Sine qua opes qui habent, non tam eas possident, quàm ab iis possidentur. Sed quid *Sapientia* hæc? inquires. Paucis: examinare seipsum, & circumspicere recessus omnes, & latebras conscientiæ excutere severa cogitatione, omnem libidinis imperum coercere, vitiis suis irasci, & quotidie aliquid ex iis demere, non efferri prosperis, non deijci adversis, de aliis sentire honestè, de se modestè, neminem videre cum quo se commutatum velit: denique id esse quod *Doctrina* suadet, *Religio* jubet: quibus ducibus qui se regendum permittit is verè sapit, & ut cum Ilauro loquar, in vitiorum lucta, *victrix victrix cluet*. Neque enim Sapiens ille esse potest, qui intemperanter, qui superbè, qui insolenter, qui ambitiosè vivit; aut liber, quisquis vitiorum servus est. Habet & ista *Civitas*, ut Musas, ita & Sirenas. Tu vide, ut obturatis adversus earum cantus auribus, Musis virginibus adhærescas. Sed diffundor; nec mirum, quia in propinqua ego parte amicitia puto, hortari quem amo, & ea libertate, quam tanta postulat necessitudo. Non sine cura affectus est, non sine affectu, hortamenta. Vale, φίλτατε, καὶ εὖ μετ' αὐτῷ optimum virum *Nutium*, quantum potest, salvere cupio, & te farcire si quid antehac in studiis, per ætatis incogitantiam cessatum est. Dabam Delphis 18. Februar. M. DC. XXXII.

## DIONYSIO CRUCIO

cognato S. D.

Harlemum.

**D**Andi ad te literas occasionem, Cognate amicissime, à munusculo cepi, quod hîc vides. Liber est, sive potius primitiæ mei laboris, in literaria hac Palæstra. Tu illum lege, volve, tere; invenies in eo quæ usui tibi esse possint in studio tuo Logico. Ad altiore classẽ translaturum te audio, & cum laude. Benè est quod seriò studia tua tractas. Sic perge, ingenium, & simul animum doctrina imbue; doctrinam quæ crûda adhuc, & in herba, cole, fove, matura cum doctrina virtutem. *σπουδαίως γὰρ ἔνι δ' ἐρευνᾷ;* & totum illud discere, & scire tuum alium non habet scopum quàm ut bonus sis. Bonus autem sine candore esse non potes, nec sine virtute candidus. Hanc si possides, doctus es: quia Sapientiæ omnis, & doctrinæ summam complectitur. Sine qua ad vanitatem tantum sapiunt, & fastum, quicunque ea destituti, à consequendâ doctrinæ cupidine, pallent. Quid dicam? semina in te video utriusque, sed in hoc flexu ætatis producenda. Confide, fiet; & jam in cursu es, non ut eas ad metam, sed magno gradu properes, & vel parentum tuorum vota diligentia prævertas. *Optima quæque statim, ac primum disce: non enim quàm multa, sed quàm bona percipias, refert. Noli committere, ut libros habeas eruditos, ipse ineruditus. Sciscitari si quid dubitas, nec castigari, si quid errabis sit pudor, seria lectione optimos quoque percurrere Poëtas, Oratores Græcos, juxta ac Latinos, nec res tantum ventilare, sed & sententias, & si quid in epithetis elegans, si quid in figuris eximium, si quod pondus in sensu, si quæ metaphora nobiliores. Ita cum singula defrustraveris, transferre in calamus chartamque tanquam horrea tua poteris, quidquid ex*  
*varia*

*varia eruditorum arca collegeris, ut aliorum opibus,  
 & arario dives, domum tuam locupletes. Nocturnas  
 tamen lucubrationes, atque intempestiva studia  
 fugito: nam & ingenium extinguunt, & va-  
 letudinem vehementer offendunt. Aurora Musis  
 amica est. Pransus aut lude, aut hilaris con-  
 sultare. Sub coenam paulisper inambula. Cœnatus  
 idem facito. Sub somnum exquisiti quippiam, ac  
 dignum memoria legito, de eo cogitantem sopor op-  
 primat, id experfectus à te ipso reposescas. Ignavos  
 illos, & nomine tantum studiosos odi, qui tur-  
 pi desidia tempus prodigunt & ætatem, quæ  
 doctrinæ, & virtutis sementi faciendæ idonea  
 est. Semel elapsa non redit, & frustra olim do-  
 leas neglectam proficiendi in literis occasionem.  
 In sublimi *Musa* habitant, scandendum est, &  
 in hoc Vere ætatis serendum, ut fœcundus stu-  
 diorum Autumnus succedat. Nulla res egregia;  
 nisi difficilibus initiis nata est. Ut qui dormit,  
 imaginem mortis induit: sic iners otium, recte  
 somnum voces. Mortuam illi vitam degunt, qui  
 sic vivunt. Ubi habitant jacent, & ad limen eo-  
 rum, velut ad cippum accedis: Vivi sepulti sunt,  
 qui nondum obiit. Quo quid indignius esse  
 potest liberali ingenio, & benè nato? Tu quic-  
 quid sese offert molestiarum in hoc stadio, su-  
 pera, per rumpe, digere, occasiones omnes quæ  
 ducunt ad desidiam præcide, & opere insidian-  
 tis oculi terge rubiginem, ne animus degustata  
 semel ejus dulcedine, à pristino ardore studio-  
 rum relanguescat: at contrà ex umbratili hoc  
 pulvere emergens, ad publica Academiæ sub-  
 sellia promoveri queas, & dignus haberi audi-  
 tor togatæ gentis. Qui in rupem aliquam ar-  
 duam contendunt, sensim, & per gradus per-  
 venire eò solent: ita studiis ad Doctrinam,  
 quam ego vel Crœsæis opibus longè antepono.  
 Nil opus hic festinato. Non enim potest in eo  
 esse succus diuturnus, quod nimis celeriter ma-  
 turitatem est assecutum. *Macte Adolescens; nihil*  
tam*

tam altè constituit doctrinæ apex , quò diligentia non enititur.

*Major rerum tibi nascitur ordo;*

& quò altius irrumpes in hæc Sacra *Musarum* , eò plus ingruet laborum : sed & plus laudis , quæ individua est studiorum comes. Tu honestam ingenii flammam generosa fiducia ale , & conatum tuum in his tyrociniis promovendis tolle , etiam supra commilitones tuos , supra spem tuorum , & tuam ipsius , ut magnæ illi *Arbori* quæ fuit planta succrescas ; inque oculis hominum aliquando , & luce Patriæ versari possis. Bene navigavit , qui quem destinavit portum , tenuit : quique eum potissimum imitandum habet , cui natura esse similitimum voluit. Quos juventutis tuæ nactus es formatores , boni sunt , sequere. Instruent illi animum præceptis , quæis doctrinæ callem expeditius decurras. Proficiendi occasio tarditatem , & ignaviam nostram non expectat. Dum differtur , vita transcurrit , & scire velle , magna eruditionis pars est , multumque profecit , qui desiderium proficitur. Sed & me audi : cave soli Latinitati incumbas , velut unico studiorum tuorum penso , Græcam quoque linguam familiarem tibi redde ; illam haudquaquam difficilem si amare cœperis : amare autem non poteris nisi discas , ut non nomine tantum doctus audias ; sed re , nec minus literis , quàm annis adolescas. Breviorem me temporis angustia facit , & cogit abrumpere. Tuos saluto , & quibuscunque carus sum. Delphis 12. Kal. Febr. M. DC. XXXII.

JANO ROEVERIO  
S. D.

Dordrechtum.

**A**ffectus, quo te prosequor, in ipso etiam silentio sua capit incrementa, ut videas non vanam olim meam in te instituendo fuisse operam. Certè non possum quin amem eos qui sub cura, aut disciplina nostra fuerunt: & ut non ingrata eorum me subit recordatio, ita gratum mihi retinere, & mei quoque, & beneficii in se collati memoriam. Quod nimis facile juvenus hodie aut elabi patitur, aut ipsa abjicit, & fastidit. Tuum ab hac labe ingenium remotum est: nam ex quo à pulvere Scholæ nostræ dimissus es, non desisti eum venerari, quem juvenatæ tuæ habuisti formatorem. De quo te amo, & (verè dicam) in gloria hoc pono tales instruxisse. Perge, perge mi Roeveri in hac tua humanitate, & morum elegantia, & quæ olim eruditionis sub me jecisti feliciter fundamenta, erige magis ac magis, in familiæ tuæ, nec non urbis patriæ ornamentum & decus. Ante omnia, animam mihi æstima & quæstum negligere potius, quàm ut Honoris callem non insistas. Dives eris si divitiæ tuæ sunt, non tu divitiarum. Dives iterum, si bonus, si candidus, si incorruptus, si in Republica, quod in Schola fuisti. Paucis; fac quæ audita ex me olim, & *Bonæ mentis* leges suadent. Cætera ut flumen censeas labi. Magna mihi de te, & studiis polliceor, sed te digna, & magno parente Pompejo. Felix Pater, qui etiam in filio vivit, felicior longè filius, qui Patrem repræsentat. Ergo ut ad summa pervenias, qui optima consectaris, Poëtæ illud acclamo:

*I bone, quo tua te virtus vocat, i pede fausto.*

Confer ingenio tuo honorem, studiis præmium, nomini famam; qui nihil agere, & cadaver videri, prius-

priusquam animam posueris, flagitium putas. *Cato Censorius*, homini non minus otii, quam negotii reddendam esse rationem dixit. Et ô laudabilem illum Atheniensium morem! *Apud quos, inertia è latebris suis languore marcens, in forum, perinde ac delictum aliquod, protrahitur, sitque ut facinorosa, ita erubescenda rea culpa.* Et apud Sardos, homines incultos & barbaros, ut meminit *Ælianus*, ἀπύλας ἡσυχίας δίδωσι. Quid de Germanis, historicorum princeps *Tacitus*? Ignavos & torpore infames, cæno ac palude, injecta in super crate mergunt.

nempe ——— non purpura Phœbi,  
*Augustoque umbrosa virens in limine laurus,*  
*Non hederæ, & seros deductum nomen in annos*  
*Degeneri virtute datur: melioribus ansis*  
*Doctrina succrescit honos, vitæque meretur*  
*Premia, qui vitam seculi fugientibus adfert,*  
*Pieridumque instaurat opes.*

Sed μὴ δὲν ἀγῶν, ἀγῶν μὲν τίπτεσι. Antelucanam, aut violatis somni induciis, in concubium noctis protractam diligentiam odi. Ita Musis litandum, ut etiam maritum te esse cogites; nec illis tantum dixisse Sacramentum, sed & Paphi magistræ. Invenies & in thoro quod lucubres: si non libris tantum legendis, sed & liberis gignendis strenuam des operam, quod facis. Nam & in hac palæstraversaris non sine præmio. Patrem enim, ut audio, te fecit tua felici puerperio. Macte hac mascula virtute, Athleta, & non minus sanguine Rempublicam demerere, quam factis. Pereat necesse est, nisi in arborum olim concedentium locum depangantur hisurculi. Vivant modò, crescant, & familiam semine pariter, & virtute æternent. Quid amplius? nihil nisi ut valeas, & in te habitent amor mei, & meliorum literarum. Respondi ad meas avidè expecto. Argumentum aliud cave quæras, quàm quod sub manu natum; & calamo. Rem verba invenient. Nigellæ *Cadmi* filiæ, nescio quàm facile se propagent, & vel levi semine



minio nascantur, illæ præsertim amoris interpretes, & officii. Doctissimo Focano, quicum omnia iura summæ necessitudinis intercedunt, quæ cum ullo mortalium esse possunt, plurimam à me salutem. Iterum vale, & scribe. Delphis, prid. Kalend. Mart. M. DC. XXXII. In Musæo meo raptim.

J O H. B E V E R O V I C I O

*Medico clarissimo, & insigniter  
docto S.*

Dordracum.

**V**ir clarissime, ut olim illi pictorum principi *Apelli*, nulla unquam dies sine linea: sic nulla tua ad me epistola, sine aliqua doctrinæ & sapientiæ strictura. Nempe ut tellus exonerari interdum amat, quæ gravatur, ut lassitudinem effugiat. Sic docta, & fecunda rerum ingenia, meditationum suarum scrupos nonnunquam transferre, ut studiorum nauseam declinent, & fastidium. Facis hoc vir humanissime, & iis literis, quarum veneres & gratias admiror: imò sic te

*Scribere posse inter tot curas, totque labores.*

Nam occupationes tuas facile capio, & diem te citius sine nube, quàm horam sine impedimentis habere. Patere tamen ut dicam. Accurrata in iis omnia & subacta in nobili illa, & diu agitata quæstione, de vitæ termino. In qua adductis utrinque argumentis, alterutri partium patrocinantibus, ita *Scepticum* agis, ut nemo te felicius, nemo melius. Utinam quem solvendum proponis nodum, ea dixeritate solvere tibi fuisset animus, qua aliis offers, & à me fieri petis. Petitione fateor humana, sed difficili, nec virium mearum. Quid faciam? Negem? peccare videar in amicitia sacra. Tentem? temeritatis videbitur, & audaciæ. Sicut *Itanonia* avis ubi colorem circumspicit, & plumas, sibi placet & fidit; dejicitur, cum ad pedes se de-

dejecit. Idem mihi. animo audeo; deficio, cum ad ingenii deliquia me converto. Audebo tamen, & *incedam per ignes, suppositos cineri doloso.* Τόλμην θιγαία, καὶ Θεὸς συλλαμβάνει. Tu si abero, & εἴρα πέσοντι δ' ἴδω, in viam reduc & doce. Quaris an adeò fatalis sit terminus, ut nulla mendendi arte, nullis bene vivendi legibus extendi; aut prava victus ratione, intemperantia, vel fortuitis ut vocant causis vel casibus, breviori queat? Fatalem certè esse, vir doctissime, edicit sacra Pagina: Iob. 14. 5. Psal. 31. 16. Psal. 39. 5. & quotquot ejus se profitentur Interpretes; dicit experientia; clamat Natura. Ivit enim hic hominum nascentium, ac pereuntium orbis, quando fuit ipse ORBIS, & rerum humanarum alternæ vices, ut in oceano æstus, quamdiu stetit Natura. Ac ne quis vitæ cottidie vota protollat, tanquam æternus, funus suum quisque à natali orditur, & jam mori cœpit, ubi natus est. Utenim *clepsydram non extremum stillicidium exhaurit, sed quidquid ante defluxit: Sic mortem non ultimus dies facit, sed solus consummat.* Bullas vide à pueris per ludum è concha educatas, ad eandem ne omnes altitudinem assurgunt? Minimè, quædam ab ipso labro nascentes pereunt; quædam in sublimi, diverso omnes spacio, & modo: sic homo quasi bulla ex utero prodiens, sæpe in vitæ limine vitam ponit, imò vix benè infuso spiritu, spiritus eripitur. Sin aliter, ut ingenitum scit cet robur est, aut vires, venit tamen & illi sua dies. In via omnes sumus. Felix ille cui ante lassitudinem peractum est iter. Imò in cursu sumus, velut anhelantes ad metam. Sequimur alii aliorum vestigia, sed linquimus diverso quisque gradu, & motu. Alium puerum, alium jam virum, alium robustum, alium fractum labore & senio, meta fatalis excipit. Quum Fatalem dico, non illam ingero violentam Stoicorum necessitatem, jam pridem omnium rectè sentientium calculo antiquatam, & Christianorum Scholis exterminatam; nec

Annus

*Annus*(\*) illas recoquo diu extinctas; sed eam intelligo, quæ Deo subicitur, non cui Deus. Quem liberum omnium rerum auctorem, & actorem esse volumus, & transcendere, ac rumpere implexa illa, & volumina *Fati*. Cujus decreto stant, & cadunt, vivunt & obeunt, nascuntur, denascuntur. veniunt, abeunt omnia, quæ magnus ille Architectus, & rerum Arbiter in amplo hoc Mundi Palatio collocavit. Etiam nobilissimum rerum Homo, compendium illud Universi, & magni conditoris magna Imago. Vivit? debet hoc Deo, in quo sumus, vivimus, & movemur. Act. 17. 25. 28. Moritur? Evocatur à summo illo Imperatore, nec stationem ejus diuturniorem esse vult is, à quo in ea collocatus. Psal. 90. 3. Repugnat? frustra, numerati sunt dies ejus. Job. 14. 5. & stultum est timere, quod vitari non potest; ridiculum frustra dirigere brachium contra torrentem. Aeternitatem sibi pollicetur? Perperam terminum fixit ille qui vitæ author, & transiliri nequit, Job. 14. 5. Quid? statio hæc vita est, & stipendia facimus Deo in hac militia. Et evocantem timemus, aut reluctamur? Absit. *Malus miles est, qui Imperatorem suum gemens sequitur.* Infelix qui magno huic *Rektori* obmurmurat, aut recalcitrat. Aetas, robur, animus diuturniorem hanc optant stationem? Malè, tuus enim non es, sed illius cui dixisti Sacramentum: nec tuum dare leges, sed accipere. Si molesta, est cur expostulas, ab ea liberandus? Sigrata, cur doles? cum non tuo arbitrio vivas, sed ejus sub quo militas, paratus ut vovisti parete Duci tuo, etiam ad nutum. *Vt ille qui iter facit, milliaria jam sibi lapidum distinctione præmensa invenit, non distinguit: sic qui vitæ hujus viam ingressus est, annos suos complect, non proterminat; accipit, non sumit; finit, non definit.* Sed longiorem vitam speras, & ad senectam aspiras. Quis addixit? Aetas & vita quæ in flore? Sed & hic subito

(\*) *Parca.*

bitò flos deflorescit: & vita velut avicula est, quæ pueri manu tenetur, & sapius in ipsis primordiis evolat. Ætas temporis spoliū est: quam elabi nemo pene, sed elapsam esse omnes sentiunt. Vires? una illas febricula minuit, deterit, absumit. Valetudo integra? quid illa fragilius, in tanta contagio morborum, qui in vita intercurrunt; ut zizania, aut lolium in meliori fruge, & tanquam lictores hominem circumstant, & abducunt. Vita hæc dum crescit, simul decrescit; dum augetur, simul minuitur; quicquid ei accedit, simul etiam decedit, & *ἡ νόσος πρὸς* tendit ad fatalem metam. Imò partem ultimam, sicut in Tragœdia, ita raro invenias in vita. Ut qui navigat, sive stet, sive jaceat, semper ad portum accedit propius, & eò tendit, quò impulsu navis ducitur: sic & nos, sive dormientes, sive vigilantes, sedentes, ambulantes, nolentes, volentes, per momenta temporum semper ad finem ducimur, alii citius, alii segnius: ut naves, quas *pertinax flatus celerrime interdum perfert in portum; interdum lentissimo tranquillitatis radio lassat.* Quid quod *vita*, si sepositis affectibus, rem ad rectæ rationis normam exigimus, non annorum numero, sed actionibus æstimanda est. Animi, non anni ætatem faciunt. Et unus dies hominis probi plus pater, quam improbi longissima vita. Si mores adsunt, in omni ætate senes sumus: & majores ætate, si majora molimur. *Non refert quamdiu vixeris, sed quàm benè.* Quid? An non satis dixit, qui etsi verbulo uno tantum, aut nutu, tamen persuasit? Aut non satis pugnavit, qui, etsi gladio vix dum stricto, vicit? Aut non satis cucurrit, qui palmam apprehendit? *Sentum multi matu-  
rè, & ante senectutem adipiscuntur: plerique nunquam, qui etiam senes, vitia retinent puerorum.* At ephemerica, & dialis sit licet vita proborum, implent tamen dies suos, & quantulacunque est, abunde sufficit. Dies illi suos vivunt, sed hiemales dæxeris, quia breves. *Sed quantumcunque serò de  
hac*

*hac vita tolluntur impii, subito & repente tolluntur: quia finem suum cogitando praevidere nesciunt, & accedere cum quotidie non sentiunt. Subitum est autem homini, quod ante cogitare aut sentire non potuit. Subito dives sublati est, qui herrea quae preparaverat, deseruit; & inferni locum quem non praevidebat, invenit. Alius hominum, & naturae calculus est; alius Dei. Homines vitam longinquitatis ulnâ metiuntur, & Nestoreos sibi spondent annos, si validi, si robusti. Natura sui conservatrix mortem declinat, fugit, horret, & juncta semel corpori anima, non nisi ægrè avellitur. Deus quid? Aliter longè ille qui vitam dedit, de vita disponit. Illos citius, hos tardius mori, illos longius vitam protrahere, hos celerius extingui placet; illos ante ortum, hos in ortu; illos pueros, hos senes, & in extremo ævi decursu. Omnes in eadem via currimus, & ad eundem finem; nec meta, sed tempus nos secernit. Imò ut folia cadunt, & nascuntur, sic homines. Miraris? placet, sed Dei hic sapientiam, aut si mavis providentiam, in magni hujus mundi regimine. Ut sagitta sponte ad scopum non tendit, oculus est qui collimat, manus quæ mittit, sic vita ductorem habet & directorem: & quem nisi Deum? qui temperamento corporum nostrorum dominatur, qui rerum naturæ, qui rerum contingentiae leges dicit, qui causis secundis, sive præcognitis, sive dubiis & incertis imperat: qui cœli motibus, aëri, climati quibus alii ab aliis diversi vivimus vires sufficit, aut longius extendendi, aut brevius contrahendi vitæ curriculum. Homines vide. quis neget densius per Naturam nos nasci, quàm per eandem mori? adeò ut duo aliqui homines, ex suo catu centena capita paucis annis producant, non occidant ex iis dena, aut vicena. Gregem pecudum; crescat immensum, nisi pecuarii quotannis secernant aliquas, & eligant ad macellum. Aves & pisces; aëra sive aquas brevi impleant; nisi disidia quædam, & velut bella inter ipsa sint, itemque insidia*

*dia ab humana gente. Quid ergo mirum, si Saturnius ille pater falcem interdum immittit in luxuriantem hunc agrum, & superflua aliquot millia peste demetit, aut bello, quæ orbe quodam eunt, per hunc Orbem. Nisi faceret quæ jam regio capiendis nobis sit? quæ tellus alendis? Quin ut in affectu singulorum corporibus, interdum utilis est sanguinis missio: ita in magnopopulo expedit exhauriri sententiam civitatis. Et nec fortuito hæc fieri putes, aut casu. Ita in superno illo Tribunali decretum, tolli & damnari ad Orcum magnos interdum hominum greges, in omni ætate, & sexu, in omni etiam ævo & loco, tanquam piaculares iræ divinæ victimas, & publica diluvii vitiorum in mundo litamenta. Qui licet voto suo, & naturæ beneficio longius superesse potuissent, tamen obire: quia ille qui vitam dederat, illis hunc vitæ simul præfixerat terminum, quem transilire nemo potest. Et hæc omnium meta, velut ultima linea, MORI neminem ætas immunem facit; & cum nati sumus subjicimur huic tributo; *Serius ocinus fors exitura.* Imo nulli non senectus sua est, & inæqualibus omnia spatiis eodem *Natura* demittit. Decreta Dei, inquit, agnosco, firma esse & statuta, nec magis mutari posse, quàm ipsum DEUM; iisque evolvendis imparem esse humanam fragilitatem: sed quot crapula quotidie necat, & insanus poculorum amor? quot hominum millia sagina corporis, & crebræ ingurgitationes eorum, qui sitim, non ad satietatem, sed morbum producunt? quot denique in ipso ætatis Vere, vitæ suæ filium abruptunt, & pleni virium, sanguinis, animi, ubi alii vivere incipiunt, desinunt? & è vita, tanquam è ganeo, libidinum saturi excedunt? Quis non videt tales istos, quarere in naufragio portum, hoc est prævertere vitæ suæ terminum, & mori ante diem? pisciculis similes, qui non caperentur hamo, nisi morfu escam appeterent. Mori video, sed ante diem nego. Nam quos Deus ventres esse prævidit, & abdomines,*

projec-

projectos ad omnem luxum, & morum licentiam, eo non raro plecti vult, quo peccarunt hæc gulæ mancipia; & prodiga vitæ suæ dispendia, inexpectato excidio vindicari. Nec injuria.

— *neque enim lex justior ulla est,  
Quam necis artifices arte petire sua.*

Similes enim iis sunt, qui in carcere detenti ludunt interdum tessleris, sed integris viribus ad supplicia mox rapiendi. At immaturi tamen obire, & in primo flore. Quid immaturi! ad mortem maturi omnes sumus ex quo nati, imò etiam antequam nati. Sicut lucernæ jam desitura libera-liorem flammam emittunt: ita & nos aliò abitur, longiorem mansionem promittimus. In hoc Mundi plantario multos habet summus ille *Agri-cola* flores, herbas, fructus; sed non omnes servat; scit quando hunc & illum opus sit tollere in ipsa opportunitate, & ἀκμῇ. Sed Sacra mihi regeris, verba nempe regii Prophetæ, qui impios vix dimidium dierum vitæ suæ attingere asserit, Psalm. 55. 24. Quid? Prophetam Spiritu Dei afflatum contradicere sibi potuisse credis? illic vitæ humanæ termini certitudinem, Psalm. 31. 16. Psalm. 39. 5. hîc incertitudinem statuere, & decurtationem Psalm. 55. 24. Psalm. 12. 14. illic in die, hîc ante diem mori: illic venire ad metam, hîc præveniri? Minime. Divina enim dispositio non fallitur. Unde fieri non potest ut homo vel diutius, vel minus vivat, quam divina dispositio fert in vitæ cujusque termino, immutabiliter præfixo, respectu Dei præscientiæ, & præordinationis. Sed qui divinæ Providentiæ parum gnari, quos vegeta ætate mori vident, diutius vivere debuisse statuunt, quia poterant. Vitam hanc numerantes calculo semper (ut dixi) Naturæ, & suo, id est humano, non Dei; ac propterea præmatura morte creptos, & in vitæ cursu, non meta. Vel quòd diutius vivere ipsi speraverint: ita enim se habent vota hominum ad credulitatem festinantium; ut quod optant, verum

esse credant. Vel quod natura roboris & sanguinis plena, longiorem illis vitam indulgere potuisset, non præpedita: quanquam illum vitæ terminum attigerint, qui illis à Deo præstitutus, & qui nec unius momenti interusurio prolongari potest. Longa vita digni non sunt qui in vitæ suæ autorem insurgunt, & in conditorem calces jaciunt. Sed ut hortulani, aut jam orta, aut in ortu zizania extirpant, & quicquid veprium est & tribulorum: ita D E U S malos, tanquam inutiles, & noxias plantas. Imò plerosque nihil tale cogitantes, quasi furtim invadit, ut non vitam modo, sed & spes eorum, & insaniam votorum in medio abruptat. Et verus hæc est Tragedia: cujus *Deus est choragus; histrio homo; argumentum calamitas; chorus viri, femina; apparatus purpura, aurum, vestes, omnia mutuata, omnia reddenda; theatrum mundus, in quo hominem Natura collocavit, alium alio citius huic scena subducendum.* Theologus non è minimis, dies haud inscitè interpretatur *negotia* quæ improbi moliantur, & exequi tentant ante vitæ suæ finem. *Illæ* inquit *Psalmes non dimidiabunt*, id est abripiuntur è medio cursu, antequam id perficiant, quod intenderant. Possunt tamen *dies* etiam exponi pro tempore vitæ. Tyranni *non dimidiant dies*, id est pereunt, antequam sperent. Pollicentur enim sibi longam vitam, imo sic vivunt, quasi nunquam morituri. Etiam si igitur improbi aliquando annorum accessionem votis mendicantes, cogitationes suas in longum ordinant, & vitam futuri desiderio, præsentium tædio in decrepitam senectutem protollant, tamen quia excessus ipsis est inopinus, & longas eorum spes prævertit, quos mortalitatis suæ vel supina oblivio tenet, vel contemptus, dicuntur *non dimidiare dies suos*, dum inter conatus magnos, & improbos invalidi deficiunt. Contrà pio immatura mors nunquam accidit. sive enim senex, sive juvenis mortem obeat, expleti jam temporis



temporis sui certus est, & non invitus hinc migrat, quia tanquam migraturus habitat. Quid, quod hoc Psalmi dictum de eo vitæ humanæ termino intelligi potest, quem multi assequuntur, quem aut 60. aut 70. vel etiam plurium annorum esse, cernimus. Ad quam ætatem impii raro perveniunt, quod vel in acie cadant, vel inter pocula, vel veneno tollantur, vel carnificis manu, vel alio quocunque modo præventi, ad suum quidem; sed ad justum, & communem cæteris mortalibus vitæ finem, nequeant pervenire. Certè cum talium exitum intueor, saginari videntur ad tempus, ut victimæ ad lanienam. At inquires prolongari interdum vitam testatur Scriptura, & hac promissione invitari liberos ad parentum venerationem & obsequium. Scio; sed tuam fidem! hæcne Dei gratiâ dici credis, an hominum? Certè non Dei, παρ' ὃν ἐστὶ παρρησία, ἢ τρεπῆς ἀποπίστασις. Jacob. i. 17. Esai. 14. 27. Restat ergo hominum, ad quorum captum se demittere Spiritui sancto nonnunquam placet, ut nutricula ad balbutiem infantuli sui, in sublimioribus illis divinæ veritatis *Sacris*, quò melius eacapiant. Idem hîc. Prolongari dicuntur obsequentium filiorum dies, cum longa, & tranquilla vita beantur, quæ ut ab immutabili decreto Dei pendet; ita nihil annis eorum addi potest, ad vitæ longioris cumulum. Sed longa eos frui vita vult Deus, qui vitæ suæ autores venerantur & colunt. Ita tamen ut si contingat, ante maturam ætatem, obsequentem parentibus filium è vita abripi, (quod non rarò cernitur) nihilo minus in suæ promissionis complemento constanter Deus perseverat, quàm si cum centum terræ jugeribus muneretur, cui unum modò pollicitus erat. Quid enim hæc vita ad æternam? adhuc quæ melior, quæ optatior? & quid peccat qui pro fluxis, & momentaneis æterna rependit? Vita enim hæc non mansio, sed via est ad alteram vitam; eoque felices qui hac quàm ma-

turrinè defunguntur , & authoramenta hujus vitæ , stipendiis æternis commutant. Ultima quippe ætas , officinaluctus , fax vitæ, febrium, & catharrorum sentina , portus calamitatum est. quam ut omnes optant; ita nemo consecutus , ea gaudet. Optima cum expectatur ; cum advenit , onerosa sibi , aliis molesta est. Adeò ut qui olim omnibus eam votis expetebat , jam imago sui tantum , aut cadaver vivum inter homines oberret. Ut enim ex amphora primum quod est , sincerissimum effluit ; gravissimumque quodque, turbidumque subsidit: sic in ætate illa decrepita meliora prætervolant ; deteriora succedunt. Totum in hoc situm est , ut expendamus vivacitatem in hac Mundi Oeconomia eatenus promitti , quatenus Dei benedictio est: benedictionem verò esse , quatenus divinæ gratiæ est documentum : quam ipse per mortem , uberius , servis suis testificatur , & te ipsa demonstrat. ὃν γὰρ φίλει θεός , ἀποθνήσκει νέος. Sicut hortorum peritus cultor, plantas quasdam priusquam degenerent , evellit , & utitur : quosdam florum in calice ; quosdam & fructuum in acerbitate decerpit , & in mel ac saccharum recondit : scito sic facere magnum illum mundani horti cultorem , aliosque aliàs carpere , quemque in suum usum. Inconstantem humanæ voluntatis rotam ille scit , & quò ea abitura plenius novit , quàm ipsi nos : quibus notæ quidam præsentis nostræ voluntates , futura verò non item. Prævidet aureum statuæ caput , in ferrum , lutumque desitutum : aut Salomones abs concubinis : Achabos ab uxoribus , & Iesabellis suis : aut contrà pias uxores ab impiis viris prospicit corruptum iri : prævisis sceleribus , aut malis , maturâ morte sepit viam. Exemplum Ezechia regis quod adducis , majorem videtur habere scrupulum , cui à Deo per Prophetam indicta fuit mors , & non ita multò post addicta vitæ ad annos 15. prolongatio. Ut respondeam , pauca hæc habet. unam hirundinem , ut est in verbo , non facere Ver ; nec singulare aliquod exemplum,

plum, communem evertere regulam, aut legem. 2. Denuntiationem illam Prophetæ, *sententiam Dei continere, non decretum. Sententiam vero suam Deus nonnunquam mutat, decretum nunquam*, ut rectè alibi Gregorius. 3. Prophetia est *comminationis, non prædestinationis, aut præscientiæ*, non absoluta, sed conditionalis; absolute quidem proposita, sed conditionaliter intelligenda; ut & in illa concione Jonæ ad Nini-vitas, excidio perituros, nisi resipuerint: Sic moriturum Regem nisi seria pœnitudo se ad Deum convertat. Quæ cum subsecuta sit, revaluit & vita longiore potitus est, inviolato tamen Dei decreto, qui quam ei ab æterno *μὴ ἐγγίστομαι* designarat, hac ratione palam facere voluit, in hoc Rege moribundo. 4. Hæc verba Prophetæ, *Moriens*, non aliò faciunt, quàm ut acri hac comminatione, ad humilitatem, preces, & lachrymas compulsus, à lethali suo morbo liberari posset, & vita ejus ad præfinitum terminum prolatari: quæ aliàs collabi jam, & in cursu fatiscere videbatur per morbum, nisi Dei gratia, & sanitatis fulcro surrecta, finem suum, à Deo præstitutum, attigisset. Benè doctor ille Hipponensis: *secundum aliquas causas, inferiores, jam vitam finiverat: secundum illas autem quæ sunt in voluntate & præscientia Dei, qui ex æternitate noverat quid in illo tempore facturum erat, & quid verè futurum, tunc erat finiturus vitam, quando finivit vitam. Quia etsi oranti concessum est, etiam sic eum oraturum ut tali orationi concedi oporteret; ille utique præsciebat, cujus præscientia falli non poterat; & ideo quod præsciebat, necessario futurum erat. Et Gregorius: Cum exterius mutari videtur sententia, interius consilium non mutatur: quia de unaquaque re immutabiliter intus constituitur, quidquid foris mutabiliter agitur. Mutabilitas si usquam in contingentibus apparet, & fortuitis. Et quid iudicio nostro fortuitum magis, quàm jactus alexæ? quam securis è manu ligna cadentis in prætereuntē lapsus? illa tamen nutu suo diri-*

gi Deus testatur, & dirigi ut certa voluntatis suæ adminicula in eos quos longiori vita non dignatur. Contra venenatos serpentum ictus, diros ferarum impetus, cruentas latronum manus, jugulo hominum avertit, quibus vita longior ab eo præfinita. Summa huc redit. Contractos videri dies Ezechix, & prolongatos: sed videri tantum. Contractos nempe opinione Regis, & suorum, cum nuntiata illi mors, quam credebatur sibi imminere, tum in lethali suo morbo, tum in tristi illo Prophetæ nuntio. Prolongatos inopinata, & subita liberatione à periculo mortis. Haud aliter quàm malefici vita prorogari dicitur, si damniatus capitis, pœnam à iudice deprecetur, quæ indicta illi quidem, sed non decreta; quia hoc mortis nuntio reum percelli vult, & ad scelerum pœnitundinem adigit, ut vivat. Sic patres filios, si deliquerint, castigare se velle interdum simulant, quos tamen castigare non est animus: sed ficto hoc ac personato pœnæ apparatu extorquere lachrymas, ne castigentur. Unum adhuc, & manum de tabula. Si (inquis) vita & mors, prospera & adversa valetudo à Dei decreto pendent, quorsum Medici? ad quid remedia? Frustrà illa, si illum mori decretum est, hunc revalescere. Philosophum hîc audi. *Subordinata* (inquit) *non pugnant*. Summa quidem, & prima omnium rerum causâ est Deus, sed hanc agere credis sine media, & auxiliante causa? non facit. Qui disponit de fine, sapienter quoque de mediis, quæ ad finem ducunt, & per causas medias variè nexas, prima illa causa omnia temperat suaviter, prudenter, utiliter. Exemplum. Deus vivere nos vult, & vitæ hujus humanæ edurare stationem, Sed sine cibo & potu? sine victu, & amictu? Nunquam. Qui vitam indulget, indulget & media, quæ nos in vita conservant. Illa negligere, aut aspernari, temeritas est, imò crimen. Nam qui decreto, & providentia Dei nixi, & nexi, pertinacem in ediam exercerent, quod ante diem mori nemo

nemo possit, non impij solum tales audirent in Deum, & ingrati, qui tam paternè nobis suppetat ad vitam sustentandam necessaria, sed & in se ipsos injurii, & destructores naturæ: cujus sacra aliter constare nequeunt, imò quam ilicò concidere oportet, & ruere sine hoc statumine, & pedamento. Simile hic. Ægrum à morbo sanescere fatum est; sed hætenus ut medicum adhibeat, & fomenta. Gravijactatos tempestate in portum tandem devehi; sed si manum remis admoveant, & vela expandant, non si otiosi captent & exspectent ab alto ventum: imò si opus anchoras expediant ocyus, sentinam exhauriant, proram fluctibus obvertant, demissà hinc inde bolide maris altitudinem explorent, aliaque effugiendo periculo, ac servandis tum se, tum mercibus, haud segniter exequantur. Hominem lautiorē fortuna frui; si manibus compressis decussatisque brachiis aureum illum imbrem speret, qui fluxit in sinum *Danaës*? Non. *μοχθεῖν ἀνάγκη τὸν θεόντας βύτυχεῖν*: sic necesse est vocare medicum, aperire morbum, implorare ejus opem, uti remediis, cuicunque unum in morbo votum est *ὑγαινεῖν*. Sed frustrà hæc (inquies) si quem *Æsculapius* curat, *Parca* necat. O homo! importunè nimis, & curiosè: remove te quæso ab hac *Charybdi*, quæ multorum ingenia absorpsit, & ab hoc mari, quod cymbula tua nunquam enaviges. *Euclides* olim interroganti multa de iis percommode respondit: *Cætera quidem nescio, illud scio, quod odero curiosos*. Idem cense, de fatali illo vitæ humanæ termino, qui aspici vult, non inspicì; credi, non cognosci. *Dædalus* hic esse malo, quàm *Icarus*, & terræ legere confinia, quàm *Cœli*. Et cum me lateant æterni illius Dei æterna decreta, nec in curiam illam cœlestem per-rumpere cuiquam fas, viam quam inire me vult, insistant (nam de ea parum est, modò ad optatam metam) & mediis semper tendam ad finem, aut morbi, aut mei: Certus ire quæ eundum, & quia

in futuris caligamus; ἀδύλον γὰρ μέλλον ἅπαν ἀν-  
 δρώποισι, specto, exspecto, & Deum sequor, nec  
 æternis minorem Consiliis animum fatigo. Homerus  
 Jovem in nubibus habitantem, & καλαρρεῖν appel-  
 lat, à qua alia causa? quàm quod decreta ejus ob-  
 scura, nec pervia humanæ menti sacrique silentii  
 horrore obsignanda. Ego hic curiosus? absit. In  
 corpore fieri cogita, quod in domo solet, facile vi-  
 rium aliquod obrepit; nunc tegula aliqua frangi-  
 tur aut imbrex, nunc murus hiat, nunc trabs fa-  
 tiscit, nunc tigna perpluunt, nunc tectum fidit, aut  
 tabulatum: sed utitur fabri opera pater familias,  
 & laceras tempestivè sarcit ædes, ne majus illi aut  
 periculum impendeat, aut damnum ex mora. Pa-  
 xia verò mala nostra sunt. Nunc caput hemicrania,  
 aut vertigo; nunc fauces angina, nunc renes calcul-  
 lus; nunc ventrem colicus dolor, aut pertinax di-  
 arrhoea; nunc aut nervos spasmus, aut pedes poda-  
 gra infestat. Sarcendum semper hic aliquid, &  
 vix unquam huic corpusculo à dolore feriæ, in an-  
 cipiti hac alea rerum humanarum. Nostrum hic  
 quid? succidere mala cum succreverunt, & ferre  
 morbos, ut tollamus. Primum pharmacum, con-  
 stantem animum censeo; tum temperantiam, &  
 rationem quandam alimenti: si Medicus accedit,  
 is incolumitatis faber esse potest, & dissutæ per  
 morbum valetudinis sartor. Altius non feror.

Quia

*Prudens futuri temporis exitum  
 Caliginosa nocte premit DEUS,  
 Ridetque si mortalis ultra  
 Fas trepidat; quod adest memento  
 Componere æquus.*

Telam habes, vir clarissime, quam injungere mihi  
 visum. Texi, feliciter cœpta, an pertexta, tu vide  
 & judica. Vires si pro animo non fuerunt, ignosci  
 postulo: & hanc scriptiunculam studio potius  
 tui, quam sui pretio æstimari. Salve interim cum  
 tuis à tuo Crucio. Focano viro doctissimo, & su-  
 pra meritum in me prono, officia & salutem à me  
 velim

velim deferri: in Musæo nostro. 8. Kal. Martias.  
M. DC. XXXII. horis matutinis.

JACOBO MUYSIO *ab HOLY*,  
*Equiti, Toparchæ in Ketel, &*  
*Baillivio in Stryen, &c.*  
S. P. D.

Eodem.

QUanti humanissimam tuam compellationem faciam, Vir nobilissime, & affatum tuum literarium, facilius sentio, quàm exprimo. Beneficium enim est, & sic interpretor, meliores istas mentes ad me inclinare, & ignotum complecti. Pauci hodie ita comparati, in celso hoc honoris apice, & blandientis fortunæ cumulo, ut in sterili Musarum contubernio, quærant quem amicitia sua dignentur. Opum ac dignitatum splendor passim affectum conciliat: & ut solem orientem omnes adorant; sic crescentem fortunam. Minorum gentium homunculi, vappæ fere apud eos, qui se & sua suspiciunt, & qui tanquam si Hercule aut Agamemnone nati gregarios longè infra favoris sui dignitatem ponunt. Tumelius, Vir prudentissime, qui veram magnitudinem, non agrorum spatii, & latifundiis metiri didicisti; & virum non pupura, & pecuniæ censu, sed doctrinæ & virtutis: nec inania illa admirari & vana, sed ea quæ hominem faciunt, & perficiunt. Πολλοὶ νῦν ἀνδρες, οἱ λίγοι ἄνδρες: ἐγὼ δὲ ἀνὴρ ὁ πολύτιμον ἐΐαν κερταρὺν & ἀλλ' ὁ τιμὴ ψυχὴν θύναται. Sed quotusquisque ad hanc animi magnitudinem vota attollit? Pleramque hodie nobilitatem pompa tenet, & ambitio fatigat. Alius literas superbè fastidit, ut honestè nesciat: Similis statuis, in quibus præter formam, & magnificum nomen nihil invenias. Alius avitæ sublimitatis oblitus, crapulam amat, aut yenerem. Alius torporem & inertiam.

tiam. Alius haud rarò (ô prodigium!) irreligiositatem, aut atheismum, quo prosapia suæ decus & gloriam dehonestat. Quid? hocine est eminerere?

— καὶ ὑπερῶν ἐμμελὲς ἄλλαν;

in solo fortunæ paratu, aut stemmatis, ac titularum emblemate gloriari, & destitutum esse iis quæ verè nobilitant, virtute, animo, musis, & præclaris sago togaque in Rempublicam meritis? quæ verè insignia sunt heroicarum, & illustrium animarum? Quid enim illi, nisi sanguine tales, aut fortuna? Quæ si tollas, nudi sunt, imo si ad primum hominem provoces, unde nisi à ligonibus, aratro, colo sunt, qui tantopere nobilitatem crepant? Hinc audet Plato neminem Regum non aliquando è servis; servorum neminem non aliquando è Regibus prognatum asserere. Omnia nimirum longa ætatum varietas miscuit. Quid, quod verè γνήσιαι non sunt, sed nothi, qui parentes non aliò referunt, quàm corporis lineamentis; animi, in quo totam nobilitatem Deus posuit, speciem tanto præclariorem adeò non exprimentes, ut sint etiam dissimillimi: nec in aliud valere putant gentis claritudinem, & mentitum nobilitaris titulum quàm ut sub ejus præsidio, non impunitius solùm, sed excusatius liceat, quidquid animo libuit: rati luxuriam, amores, commestrationes, choræas, tripudia, aliaque id genus non modò licere, sed etiam decere benè natos, quæ nullum non mortalem dedecent. O insignem talium dementiam, ne dicam insaniam, dignam certè quæ aures gesserit quales habuisse Midas fertur: cujus tamen hic dies, heu! nimis ferax est. Nobilitas enim hominis, non fortuna, aut sanguine, non utero, aut ubere, non magnitudine fortunæ, sed animo metienda. Bonum aliquem vides? nobilem pronuncia: doctum pariter; sed si bonus est. Quippe

— Omnia adsunt bona, quem penes est virtus.

Quis-



Quisquis aut scelere, aut projecta morum & vitalicentia clarus est, ille profectò plusquam ignobilis est. Quis enim non malit obscurum id est nullum habere nomen, quàm cum *Thersite*, & *Cyclopibus* celebrari? At laudabiles verè Nobilium imagines, si ad generis splendorem, literaturæ & virtutis decus adjunxerint. Ab hoc enim cardine præcipuè pendet Reipublicæ salus, si benè natis maximè cordi fuerint, quæ sunt optima. Ut enim non de nihilo Sapientum calculo damnantur, qui fortunæ beneficio opulenti, animam bonarum partium immunem habent, & qui per natalium stemmata sese venditant, cum nihil habeant nobilitatis, præter imagines; ita meritò laudantur qui se verè bonis, ac perpetuis ornamentis sic condecorarunt, ut ea minima sit in ipsis nobilitatis pars, quam plebecula totam esse nobilitatem censet: Qui pro chartis, fricillo, alea, animum in optimorum librorum lectione occupatum habent. Qui non nisi doctiores, & meliores ab ea redeunt. Qui pro furtivis puellarum amoribus, Pierias illas amplectuntur virgines, & intactas Camœnas: Qui libentius in Helicone, quàm in Aula versantur. Quibus unica studia, non canes, aves, equi, mimi, sanniones, levitatis & lasciviæ magistri, non venationes, non aucupia; sed libri, Musæ, viri sanctitate morum, & sapientia insignes. Qui denique prætextam, & purpuram componunt ad leges, & bonæ mentis normam; & si quæ volunt, volunt non quæ libet, sed quæ licet. Tu talis, vir magne, & cum omnia tua cogar admirari, quippe rara & sublimia; in solum tamen animum, & quæ animi sunt, intuitum meum defigo, humanitatem, modestiam, eruditionem, peritiam linguarum, virtutem, & quod caput, pietatem, & Religionem, quam non satis est publicè profiteri in caligine hac rerum, & temporum, nisi ejus quoque propagandæ animum incessat cura, in publicandis doctissimorum virorum monumentis,

mentis, & ab oblivionis injuria vindicandis iis quæ orthodoxæ militant veritati, & summæ serviunt Ecclesiæ ædificationi. Ita judico, nec aliter mecum, quicumque sacrum hunc pia animæ foetum visuri aliquando, ubi liberalitatis tuæ, & præli beneficio lucem viderit. Stylus in eo tersus, purus, elegans, ab omni affectatione, & fūco alienus. verbo; verè gallicus. Argumentum grave, sublime, pium; Summa fidei, Christianismi nostri medulla, spei cardo, pietatis ac Religionis basis, & fundamentum. Nam frustra creditur, speratur, piè vivitur, si nulla carnis nostræ resurrectione, nulla futuræ beatitudinis certitudo, quæ unicum in hoc mundi pelago jactatis perfugium & portus, ne improvisus vortex desperationis nos absorbeat, æternoque exitio demergat. Favere ergo concedito huic deposito perge, & foetui jam in ortu gratis obstetricari. Melius munificentia tua collocari non potest, nec honoratius impendi, quàm si ea protollas, quæ magni illius Dei gloriæ serviunt, & mortalium salutis. Plura non addo. Auspiciis arctioris necessitudinis hæc esse volui ab occupato nunc calamo, & indicium propensissimæ voluntatis. Ut sic interpreteris, pergenium humanitatis tuæ, & communia Sacra *Misfarum* rogo. Delphis prid. Id. Martias. M. DC. XXXI. Alloquium tuum spero cis paucos dies. Sic auguratur animus: μεταξὺ καλεῖται Ἰακωβὸς ἄνδρῶν ἡ χάρις Κυρίου, Μάριον ὑγιαίνειν. Colvio prisci candoris, & elegantia viro à me salutem.

COR-

CORNELIO à SOMEREN V. Cl.  
S. D.

Eodem.

**C**onciones , vir clarissime , gallico idiomate à doctissimo *Marmeto* conscriptas legi , & lubens : quia solidæ , & nervosæ , nec ab argumenti sublimitate commendabiles tantum , sed & styli elegantia , ac methodo. Zelum nobilissimi *Mysii* cognati tui ut laudo ; sic rogo , ut in pio hoc studio perseveret , nec *κειμήλια* hæc diutius latere patiatur , victura in autoris famam , & publicum usum. Optem aliquando totum hunc oculis lustrare thesaurum ; καὶ ἐν τῷ προδῶν εἰς τὴν καρτὴν ἀκριβῶς ἰδέσθαι doctum hoc monumentum. Inveniet , nullus dubito , non lectores suos tantum , sed & admiratores. Ita elaborata omnia , & stylo , & materia. Plura talia olim , si qua latent , è tenebris in lucem prodeant , & munificencia fautorum suorum , à blattis & tineis vindicata , consecrentur æternitati , quæ ad æternitatem ducunt. Sortem tam docti capitis doleo , & rei familiaris angustiam per Patriæ turbas. Durum mehercle !

— sed levius fit patientia  
*Quidquid corrigere est nefas.*

Hæc bonorum fere alea in hoc mundo , premi , jactari , concuti. Mille hominis miseriæ perpeßu asperæ ; quæ sæpe ingruunt imò obruunt , unde minimè exspectantur ; mille incommoda , si quod in homine fragile est , censemus : at nulla si animum , qui quò magis sævit fortuna , eò est erectior. In via hîc sumus , Cælum nobis patria , opes sarcinæ ; & quia difficili nimis vestigio iter carpit , qui sub onere destinavit proficisci. Deus scrupos illos , & remoras , quæ euntem impediunt , tollit , quò liberius hoc salutis stadium decurrat. Pauci boni , qui divites : quippe hi tales , otio fracti meliorem omnem cultum projiciunt extra ætatis fines. Quid fodes

fodes recti, quid laude digni, molitur, cui plena manu opes Fortuna affudit? quos torpor, & desidiosa segnes ac delicatos circumfluit? At verò qui cum paupertate habet commercium, nihil prius meditatur, quàm temperare animo, moderari libidini, & frænum injicere cupiditati. Ea enim est virtutum omnium mater, bonæ mentis soror, & regina magnarum cogitationum; cujus instructu erectus animus sese ad immortalitatis iter accingit. Laudes tuas ex affectu natas audio, non imbibo: cum sciam nec tanti mea esse, & quidquid sunt, non à me esse, sicut locus splendorem quem habet, non à se habet, sed à sole; sic nobis evenit, quibus lux hæc omnis à suprema illa luce: admitto tamen tanquam monita, & stimulos ad majora; meique gnarus, apud me maneo: quia me novi ipse optimè, & qua parte me stringat calceus. Quid enim sumus homines? alius alio doctior esse potest, nemo supra hominem; & in literis, si quid vel tuo iudicio profeci, quid nisi profundam in doctrina nostra mentis caliginem deprehendo? Rivuli sunt quidquid vides, aut canales divinorum munerum; quæ unciatim nobis impertit magnus ille familiæ suæ œconomus, & dispensator DEUS. In hoc vitæ, & studiorum curriculo, quis metam attingat, ubi discendi non est finis? Quis in tantulo vitæ ævo, fastigium imponat magno huic ædificio doctrinarum? Benè Medicorum ille princeps Hippocrates: *Ars longa, vita brevis*, & ille Sapientum Græciæ unus,

μεγίστη δὲ αἰεὶ πόλλα διδασκόμεθα,

Adspirare ad perfectionem, & doctrinæ ἀκμήν, hominis est: sed eam consequi, nullius, dnm ignorantia hæc nebula hominem circumstat, quæ eum ad tumulum comitatur, ut umbra corpus. Ut finiam, apud nos omnia recte: Deus sic longum esse velit, & te valere. *Colvium* quem animo indui, nec nisi fato ex eo delendum, à me saluta. Delphis vi. Iduum Martii. M. DC. XXXII.

GERAR.

## GERARDO I. VOSSIO

*Historiarum professori**S. P. D.*

Amstelodamum.

**I**am diu est quod literarum ad te nihil dede-  
rim, à calamo plusculum feriatus, non animo:  
hunc enim sapius ad te misi. sed nunc ecce com-  
pellor haud invitus ab illo, qui juvari se com-  
mendatione mea apud te censet, & qui amari  
apud nos, spero & apud vos, præbuit se dignum.  
Adolescens est, quem vides, Seminarii nostri plan-  
ta, Scholæ discipulus, *Suade Sophiæque* alumnus,  
qui me juventæ suæ habuit Doctorem, & Direc-  
torem, ARNOLDVS vander DV SSEN.  
Adolescens ad omne laudis exemplum genitus,  
honestæ frontis, & mentis, gente Batavus, ori-  
gine Delphenfis, & ex *Patriciorum* familia, qui  
indolem animumque ad omnem literarum, ac  
morum elegantiam direxit, linguarum & philoso-  
phiæ tirociniis egregiè defunctus: sed qui raras  
ingenii dotes velo modestiæ involvit. Ætas te-  
nera adhuc (trium vix lustrorum) & ingenui pu-  
doris purpura, qui virtutis color se bonis om-  
nibus commendat. Reliqua quæ latent, elicient  
anni & institutio. *Ut à matutina cæli facie, reli-  
quum diem conjicimus: sic à puerili verecundia, reli-  
quam vitam.* Mores & iudicium *Virum* pollicen-  
tur, aptum ad altiora promoveri, & vero ac veteri  
verbo, *lignum est è quo Mercurius fiat.* Atque ut  
ille Darius dissecto malo Punico, granisque uber-  
tim effusis, totidem sibi Zopyros optabat: sic ego  
plures mihi discipulos, ea mente, ea cura. Ab um-  
bra ille ad lucem se transfert, à pulveris situ ad  
liberiores Scholæ vestræ illustris auram; & à pri-  
vatis subselliis ad publica. Visurus, imo colla-  
turus cum doctis in celebri vestro Athenæo quæ  
audivit aut legit: te visurus quoque qui humani-  
tate,

tate, & affectu in liberalia ingenia emines. Me autorem se transfert. & itineris omnem fructum meis consiliis metitur. Tu vir magne si quid *Crucii* tui causavis, in hoc ostende, & benigno vultu excipe, rege, dirige surgentem (ut auguror) ad magna. Jam litteris amœnioribus operam daturus est, tanquam solidioris doctrinæ præexercitamentis, ut conquiritis abundè his Musarum deliciis, *Astræ* aliquando studia jungat pietati, quò nisi ducunt, valde à recto abducunt: & ut omnia tela aberrant, ubi collineatio fallit; sic illa, ubi hic scopus. Quidquid in candidatum nostrum præstiteris, à parentibus haud ingratis cum fœnore referes. Ipse dignum se favore tuo ac benevolentia (ita spondeo) præbebit: ego verò in hoc *Meo*, beneficium accepisse fatebor, & quibuscunque potero officiis rependam. Ex ejusmodi surculis Arbores educandæ: ex uberi hac semente, messis, quæ in Rempublicam, & Ecclesiam se diffundat. Tu nunc in surculum *Benevolentia* tuæ rorem, parentis & mei causa. Sic vale vir clarissime, tuis quoque votis faventem habe D E U M, si huic quem sisto, faveas, imò habe, uti faveas E nostro musæo IV. Idus Martias M. DC. XXXII. Doctissimo Barlæo collegæ tuo, seculi nostri Poëtarum facile principi, & elegantiarum veterum amanti, salutem adscribo. Sed tuæ quando tandem ad me literæ? Si teneam, inferam velut gemmas Epistolari meæ telæ, quam nunc pertexo. Pondus procul dubio, & pretium eæ addituræ huic operi, prælo brevi tradendo, ut si non meo, doctorum saltem nomine, commendetur. Cupio, opto, exspecto: Firmemus quæso hanc amicitiam mi Vossi, & colamus scriptione, ingenii que tui stricturæ etiam ad nos volitent, ut jucundissimam tui memoriam blandienti gaudio foveam: quod in magna felicitatis parte numerabo. Nam quantum tibi deferam, lingua & stylus hærent efferre. Quod non ad gratiam dico, ita sentio, & candidè. Iterum vale doctorum ocelle,

ocelle, & literarum vindex, cum lectissima tua  
conjuge JUNIA (quanti viri filia!) & me  
amantem ama, quamdiu dabitur, ut cum poeta  
loquar,

— ζῆν, καὶ ὁρᾶν φάσκει παλαιοί.

JOHANNI CRUCIO

*filio, Pater S. D.*

Iselmondam.

Silentium meum fili ne mirare: ut negotia mea  
sunt, vix ago quod maximè cupio. Quid quod  
facile differt, qui quotidie scripturus est, & omit-  
tit sæpe commercium hoc literarium, qui pro-  
crastinat. Profectus tuos in Calligraphia vidi nu-  
per non contemnendos. Laudo diligentiam tuam,  
& generosum conatum in excolendo calamo, ut  
non inter gregarios, sed summos tui ordinis ali-  
quando censere. Non cessisse ulli in arte sua vi-  
ctoriæ auspiciū est: at linearum literarumque  
elegantias, & artis felicitatem, in aliis feliciter æ-  
mulari, ipsa victoria. Mirum quid amula hæc vir-  
tus possit in artifice, qui ad artis ἀμύνην & per-  
fectionem adspirat. Diluit illa non molestias so-  
lūm, & laboris tædia: sed & facit, ut suaviter oc-  
cupet otium suum qui discit, & negotium censeat  
laboriosum non esse.

*Otīo qui nescit uti, plus negotiī habet,*

*Quām cum est negotium in negotio.*

*Nam cui, quod agat, institutum est, nullo negotio*

*Id agit; studet ibi, mentem atque animum oble-*  
*ctat suum.*

*Otioso in otio animus nescit, quid velit.*

Tu inter vitia, ignorantiam, inter damna, otium  
& ignaviam pone; bona mente in juventute emi-  
ne. Sobrietatem, pietatem & Modestiam cole,  
virtutum omnium parentem, & Sapientiæ ipsam  
prolem. Reipublicæ, & Ecclesiæ ingenium te de-  
bere cogita, nec prodesse posse, nisi exercueris.

Et

Et quando opportunius , quàm hoc ætatis vere?  
 In quo omne perit tempus quod studiis non im-  
 penditur. Nemo non ignarus, qui ignavus : quia  
 otiosam mentem bonæ omnes artes fugiunt.  
 In iis pone vitæ tuæ præsidium , & decus. Hoc  
 pulchrum, discere pulchra : cum acquisieris, exer-  
 cere , ne frustra didiceris. Divitias alii anxie  
 conquirant ; tu scientiam, quam si tenes , possi-  
 des quod vis , aut casus non eripiat. Ἀναψάρετον  
 κτῆμα ἐστὶ πᾶσι βροτοῖς. Alii Magnatum super-  
 ba terant limina, ut viam votis aperiant, aut favo-  
 res emendicent, amicitias emant, ne repulsam pe-  
 titio patiatur : tu Sapientiæ limen. Emineant alii  
*Euclionum* thesauris , aut solido auro testis la-  
 quearibus : alii purpura ; tu virtutis & honesti  
 studio. Alii nobilitatis suæ titulis ; tu Scholæ  
 tuæ insignibus , scalpello , circino , linea , ca-  
 lamo , & imperii tui sceptro in moderamine  
 Iuventutis. Quid ? Eamne vitam credis , quæ  
 otio contabescit ? Minimè. Nam ut ager ; sic  
 ingenium est , nisi colas , spinis tribulisque in-  
 horrescit. Quin ut vitis jacet , nec fructum fert,  
 nisi stipite nixa , aut pedamento : sic mens no-  
 stra, nisi scientiæ , & honesto occupationis fulcro.  
 Sunt, non vivunt, quicunq ; inertis desidia ætatem  
 degunt. Imo cadaver est hominis, non homo, qui  
 ociosus. Ocium sine honesta occupatione mors  
 est, & hominis vivi sepultura. Agere contrà , vi-  
 vere est. Ociari, mori. In hanc quippe vitæ sce-  
 nam nos *Natura* duxit, ut suæ quisque fabulæ non  
 spectator sit, sed actor. Cude, finge, forma tenella  
 puerorum ingenia. Quid suavius, quàm possidere  
 Inventutem, quam ipse ornaveris ? Frui agro, quem  
 ipse colueris ? In officina versari , ex qua tanquam  
 sub *Dadalea* institutionis tuæ incude prodeant, qui  
 aliquando *Reipublicam* regant, & administrent ?  
 De valetudine mea si quæris , prospera ea adhuc ,  
 & illibata. Utinam & matri tuæ , quam *Recidiva*  
 jam plusculos dies afflixit , & affixit lecto ; & ut  
 lumen quod extinguitur , flammulis micat interdum:



dum : sic illi fieri videtur , resurgit interdum & exoritur, sed virium vacua, vacillat ilicò, & collapscit. Nempe non una eam Megæra incurSAT, sed Penthei instar repetito laniatu perit catharris , oppilatione mesaraicarum, ventriculi cruditate, scorbuto, & atrophia ; tanta denique coporis invalentia, ut in hoc *σκελετὸν* conspirasse videatur , quidquid ad vitæ finem ducit, & metam. Caducum tamen hoc ædificium fulcit, & sustinet animosè, quæ medicamentis , quæ diatâ : non ut protollat vitam , sed eduret. Parata utramcunque patienter sortem ferre, imò sequi ; & exire ex hac statione, cum Imperatori evocare eam visum , & abire (ut orbis est hic rerum) in alium *Orbem*. Satis vixit, qui benè. Quanquam satius & mihi & vobis, ab Hygeja respici tam amicam conjugem , tam benignam matrem. Et si quid auguror , & rite mihi salit oculus , ab ipsa vehementia morbi benè sperare cœpi : ut ventos videmus cum per iram velut surgunt, & seviunt, mox sedari. Deus vitæ omnium arbiter faciat : & si quid votis possum, ab eo contendo , qui in nos vult & potest. Iterum dico & voveo, Valeat & vivat, quæ cætera valet : & ejus voti syngrapham esse cupio hanc epistolam. Delphis xvi. Kal. April. M. DC. XXXII. *Cabeliavio* ad doctrinæ laudem nato , à me salutem.

## JACOBUS CRUCIUS

*filius Patri suo S. D.*

Delphos.

EN tibi Theses meas, reverende Pater , de *cultu Dei*, sementis , & messis meæ theologicæ primitias, quas jurè & meritò nomini tuo inscripsi. Jure inquam ut Patri ; meritò, ut Præceptori, cui non tantum vivere meum , sed & benè vivere, proximè Deum, acceptum fero. Tu si quid id est, æqui bonique consule, & non tam munusculum  
hoc

hoc levidense, quam gratum, tuique observantissimum filii animum in eo exosculare. Si Patri per occupationes integrum fuerit, optem eum solenni huic actui interesse, ut vel ab ejus præsentia, ponderis aliquid accedat disputationi, & novo huic Athletæ addatur animus in publica hac palæstra. De die si quæris, habebitur 20. hujus mensis, qui à Magnifico Rectore huic nostro exercitio dictus est. Sin vero saxum quod volvis, aut alia, te impedian, id verbulo quàm primum si placet significari optem. Plura non addo. Salve, *meum grande decus, columenque rerum*; & D. Riverium, cui quoque hasce nostras positiones dedicavi, officiosissimè meis verbis saluta. Lugd. Batavorum XV. Kal. April. M. DC. XXXII. *καλὰ μου πρέβειν.*

## JOHANNI WESTERBURGIO

S. P. D.

Dordracum.

**R**esponsum debebam elegantissimis tuis litteris. quod hætenus dilatum potius, quàm neglectum; nec amoris defectu, sed fiducia. Ergo quam alli scriptionis causam habent, ego silentii, & quem tuo reponere affectum distuli, ostendi. Vivit etiam ignis, quoties focum velut tumulum habet, & cineribus obtegitur. Sic interpretare. Hem! memoriam ego tui, cultumque aut depenam, aut minuam, qui jam pridem didici, quid virtuti ac meritis debeatur eminentium virorum? absit. Sed frequentiores solito occupatiuncula, & curæ ultro currentem hætenus retraxerunt. Memoriam certè tui humanitas tua, & candor merentur: cultum eruditio, & virtus. quæ nisi æstimem, peccare profectò videar in omnes Musas. Et ab iis magnum te jam dicerem, nisi ad majora etiam agnata genii, & ingenii præstantia duceret. Eximium hoc mehercle non posse  
solum

solum ad altissima eniti ; sed gradu doctrinæ & virtutis, velle. Viam certè tenes, & in illa urbe, quæ ut inter alias fama, & splendore eminet ; ita ut emineant facit, à quibus regitur. Paucorum hæc via vestigiis premitur, & iri non sine collisione, non sine molestia potest. Sed eundem tamen, imò negligendum, si quid minus auribus placet. Non favent aliqui, imò obstrepunt, & optimè à te facta, aut dicta, sinistris interpretationibus (quæ virtutis fere & magnitudinis calcaneo in hærent) aliorum trahunt ? Sic mores sunt, & multorum hodie curva iudicia, ut & benè, & malè agendo pecces. Si quid enim benè, invidia præstò est: si quid minus, convitia. & quæ? à curru, navi, stabulo. Et quorsum tandem aliquando evadat effrænis illa audacia, in optimi cuiusque deformationem, si tantum calumniandi libidini permittitur, ut rumusculis, & obrectantium susurris, famæ jacturam immeritò pariantur viri doctrina, ac virtute conspicui? nihilque tam probè dici possit, aut scribi, quod non velli care malignitas audeat? & proterva dicacitas, illa individua virtutis comes? Sed quis miretur canes latratu, & porcos cæno ac sordibus delectari? & quid non audent dicere, qui pessima faciunt? Satiùs est aspernari, quàm commoveri ejusmodi inelamatiunculis, & cessisse præstat, quàm incessisse: nam si viceris, sine macula non potes, tam maculosos. Quid quod *proprium est magnitudinis vera, non se sentire percussum.* Sic immanis fera ad latratum canum lenta respicit: sic irritus ingenti scopulo fluctus assultat. Verustas olim, Lamias finxit domi cæcas, foris oculatas. Tales isti. aliena vitia in oculis habent, à tergo sua; & *tanquam importuna muscæ locis impolitis adherescunt, leviter prætervolant:* & dum alienos mores curiosa nimis quærunt indagine, proprios non attendunt. Hæc contemnere prudentia est; sapientia, ferre & ridere, actionumque suarum fructum bona conscientia, non judicantium pruriginè

gine metiri. *In omni via scrupuli sunt; & cum maxime sol splendet, urit.* Domi, forisque invenies quod turbet tranquillitatem animi, quod torqueat, vexet: sed alia dissimulanda sunt, alia negligenda, quædam ferenda. Διαβολὴ καὶ ῥῖψις ἰσχυρὰν ἐργάζεται τοῖς ἀκρίβει τὴν ἐπόλησιν, καὶ οὕτως ὅ παντὶ ἀθηνεστέρα γίνεται. Alacres & erecti per medium calumniantium agmen incedamus, adversus linguarum omnium tela, tanquam Vulcanio quodam scuto tecti *Veritatis & Candoris*. Quæ enim vita mortalium & quæ ingenioso in hoc unum seculo vota sint vides. Quàm projecti plerique hodie ad hanc proterviam! Bonam mentem quis amat? literas quis æstimat? In pretio pene viria sunt: neque quidquam vile nunc est, nisi mores boni. Et mirabimur adhuc, apud tales istos sordere *Musas*, & musarum cultores? imò fugillari, & calumniæ scopulis illidi? illos contra coli, & haberi in pretio, qui nunquam litantur *Gratiis*, nec magis idonei sunt rebus gerendis, quàm asini ad liram, quàm canes ad arandum. Sed ad rem. Epicedium tuum vidi in obitum *Evervini*; censuram expectas? & parum liber tibi videar si laudo? At ego ex animi sensu profiteor, majus esse quàm ut censuræ meæ aleam subire debeat, doctius quàm ut possit. ut verba dare non est meum, & cuiquam palpum obtrudere: ita neminem nisi serio laudo. Placet inventio, vena, stylus, & puritas scriptiois, citrà fucum, & pompam,

— *qualis Apelleis est color in tabulis.*

Sed quis favor aut furor sit Apollinis, tu optimè nosti. Unum doleo, occupationum tuarum nebula obfascari *Pieriam* hanc facem, & vix ac ne vix tantum tibi suppetere otii à curis gravioribus, ut *Parnassios* hos fontes uberius in nos derives, scilicet hæc fere doctorum omnium, & bonorum fors est, negotiis obrui: *fucorum*, orio disfluere, & inertis desidii suæ tædiæ vitiis discutere. Perge tamen, & diverticula tibi sint hæc *Musæ*, à severiori

riori *Sapientia*, quæ Domina non fastidit has famulas. Iterum dico perge, & abjectam istam olim tibiam ex intervallo resume, & felici spiritu anima. Rarum & eximium hoc donum est, amœnioris literaturæ censu impleri animum, non tamen extollere: multa scire, plura velle discere; magna tentare, majora moliri. Facis, & hac te nota ostendis non scientia tantum dignum, sed fama, quâ ad Æternitatem iter. Per ampla illa, & libera spatia *Musarum*, & *Nympharum* nescio quomodo se animus æmulator cœli, unde originem ducit, magis effundit: & quasi sui juris, alta & æterna cogitat, humilia & vana fastidit. *Q* sapientiæ limina, quàm paucorum hodie vestigiis calcata! Quam multos contra transversos rapit ambitio; quot avaritia, & habendi nunquam satiata cupido! qui pro rebus istis umbraticis perinde molliuntur, quasi nunquam morituri, & dignitates ac honores non honesti regula metiuntur: sed purpura, fortunæ strepitu, & pompa quorum inanes, fragilesque curæ ut à corpore oriuntur, sic cum eodem concidunt. Tu melius, & tecum omnes, quos benignior *Sapientiæ* aura afflavit. In ea perseverare te, voveo & opto.

Vale, Apollineum caput, & *Musarum* delictum. Plura non addo: quia scio quàm nolint laudari ii, qui soli laudem merentur. Cognatum *Crucium*, & *Colvium*, da veniam, ut per te salutem. Delphis. anno παρθενότητος. M. DC. XXXII.

JOHANNI CRUCIO S. D.

& ex animo opto.

Harlemum.

*S*alve amicissime cognate; *Homo proponit, Deus disponit*. Filius publicè disputaturus, proximo die Sabbathi, sub præsidio *Polyandri*, me invitavit in id tempus, ut disputationem ejus præ-  
 Q sentia

sentia paterna cohonestarem. statueram etiam interesse. Sed ecce inopinatò ægritudo haud levis conjugis meæ, ex duplici tertiana, itineri meo moram iniecit, & forti loro me alligat meo lari. O instabiles rerum vices! O spes fallaces! Quis de futuro, quis de crastino, quicquam polliceri sibi audeat?

————— *properat enim cursus*

*Vita citato, volucrique die,*

*Rota præcipitis volvitur anni.*

Quare & tu homo vivere propera quisquis es, *maxima enim vitæ jactura, dilatio est*, & singulos dies, imò horas, imò momenta, singulas vitas cense; ne moriens dicaris *fuisse tantum*, non *vixisse*. Propera inquam & *hodie*. desidiosa nimis vox est; *Cras fiet*, nec ullum perniciosius depositum apud nescios vivendi. cum enim,

————— *cras hesternum consumpserit, ecce aliud cras*

*Egeret hos annos, & semper paulum erit ultra.*

Interim homini nihil tutum est, & quocunque protollit pedem, *Parca* sequitur. Sed inter alia mala hoc quoque habet stultitia proprium, semper incipit vivere, imò ne quidem incipit: optat vitam, ut differre queat. Quin & in ipso senio

————— *secunda marmora*

*Locat sub ipsum funus, & sepulchri immemor  
struit domos.*

Remisit hodie aliquantulum febris: sed interim ita dejecta, ut delicatula est, ut non ausus fuerit *Medicus φλεγοτομία* experiri, ad morbi levamen. Quid multa? Corpusculum hoc, morbi spoliū ac temporis indies collabitur, exarescit, deficit, ut convalescere sua prope jubeat, & cogitare de discessu. Heri tam violentus erat, & acris accessus, ut à fati limine crederet paucos pedes abesse, & verbis mihi interruptis, & titubante lingua singultim valediceret. Quid dicam? hæreo inter sacrum & saxum, *Dum curæ ambigua, dum spes incerta futuri*; ita heteroclyta est hæc febris, & anceps.

ceps. Vix simplici ferendæ est, tam fragili corporu-  
sculo. Spem pono in mora. Si recrudescat festi-  
nabo ad vos literas. Interim ego, & mea te salu-  
tamus, cum lectissima Cornelia tua & tuis. *ἀς πᾶ-  
ρα* agro stylo, & mœsto calamo. 15. Kal. April.  
M. DC. XXXII.

## JACOBOCRUCIO

*filio, pater S. D.*

Lugd. Batav.

**H**Aud leve mihi gaudium, fili, imo exultatio  
fuit, in disputatione tua tam feliciter habi-  
ta: sed quod tamen velut animi lumen, nebula  
aliqua mœroris obduxit, ex matris tuæ invaletu-  
dine. Spirat ea adhuc, animo validior, quàm cor-  
pore, & dum spirat spero.

*Ἐλπιδες ἐν ζῳοῖσι, ἀνέλπιστοι δὲ θάνατοι.*

Atque ut illi qui à littore in altum profecti sunt,  
oculis, votisque terram requirunt: sic ego iden-  
tidem è fluctibus diuturnioris hujus morbi, ad  
bonæ valetudinis portum aspiro. Clementior hæc  
aura *Veneris* inclementiam febris, si quid auguror,  
minuet: & servator ille DEU Saveret triste il-  
lud *avelli* & vivere etiam meo bono, & meorum  
(ita interpretor) indulgebit. *Theses* tuas solidita-  
te, & methodo insignes vidi, specimina non pœ-  
nitenda profectus tui, in diviniore illa sapientia.  
In cujus adyta nemo penetrat, qui frigidè, qui su-  
perficiariè, *Sacra* hæc tractat. *Sed ut qui gemmas  
vel aurum quærunt, non summam terræ cutem levi-  
ter stringunt, sed in viscera ejus penetrant, & im-  
mergunt: sic qui veram mansuramque doctrinam, al-  
tius necessum est in scriptorum loca, & sensa sese im-  
mittant.* Facis, & quid in progressu de te sperem,  
qui sic incipis? quæ opera erunt, cum hæc rudi-  
menta? Vides jam ipse, quid sit in studiis eam in-  
stitisse viam, quæ compendio ducit ad metam,

Q<sub>2</sub>

A qua

Aqua aberrare mihi videntur illi qui assidui in volutandis libris, sine ordine, ac delectu movent se quidem, sed non promovent. Et ut peregrinantibus hoc evenire solet, ut multa hospitia habeant, nullas amicitias: sic illi multos libros, nullam scientiam. In sacro hoc studio non multa legenda, sed multum: non boni, sed optimi & inter optimos illi, qui omnium suffragio primas tenent. Magnum illum Theologum *F. Junium* studiosum adhuc, binos tantum anni spacio libros lectitasse ferunt: *Biblia Hebraea*, & *Institutiones Calvinii*, ex quorum indefessa lectione, tantum profecit, quantum nemo sperare, aut polliceri sibi audeat. Distrahit quippe varietas illa autorum, & nocet magis, quam docet. Est etiam hinc causa alia. Qui per multa vagantur, curiositatem magis pascunt, quam animum, & seria ad lulum magis tractare videntur, quam ad usum. Similes iis, qui in convivio omnia penè libant, nec tamen satiantur, quia in tanto ferculorum apparatu, propositum illis titillari solum, & deliciarum novitate falli, non ali. Paucis, iisque solidis immorari decet, & velut innutrir; ex quibus referas, quæ in ætatem eant, & in usum. Quod fecisse te video. Perge modo fili, & quò altius provectus in profundum hoc *Sapientia*; cò longius mihi protrude laudabiles tuos conatus, in patentem hunc campum: nec Theologorum solum filios adi, & audi, sed & P A T R E S. Fontes illi, hi rivuli. Hos tibi imitandos propone: & in primis *Basilium* magnum, & *Gregorium*: quorum in altero facilitatem cum cura; in altero singularem gravitatem, & splendorem: in utroque eruditam pietatem admirari satis non possum. Ut nec *Theodoreti* lenitatem in dicendo, in interpretando sine ambitione ulla candorem, in errorum confutatione planam & nervosam argumentorum copiam, antiquitatis cognitione instructam; *Tertulliani* eruditissimi scriptoris vim, ac lacertos; *Lactantii* diffusam, & cum solo



solo Cicerone conferendam eloquentiam ; *Clementis Alexandrini* , patrum Græcorum doctissimi subactam eruditionem ; *Athanasii* in asserenda veritate constantiam ; *Hieronymi* linguarum peritiam , & dexteritatem singularem interpretandi Scripturas ; *Augustini* acumen in disputando , in scriptis passim sententias acres , penetrantes , & quod caput , salutare ; *Chrysostomi* copiam , similitudines , figuras , & sermonis ornamenta , digressiones quoque melle dulciores ; *Bernardi* acrimoniam ubique , & sententiarum argutam suavitatem , ac eruditam elegantiam , quas crebrò , & salubriter miscet , & unus in eo genere triumphat. Nævi aliqui fateor in iis , sed illius ævi sunt , tu illos judiciosè observa , & ex hoc campo messem lege studiis , & vitæ utilem. Unum addam quod semper mihi in pretio ; ut mores in concionibus formes potius , quàm mentem : vitam magis spectes , quàm sublimiorem doctrinam : & cœlestis sapientiæ praxin , quàm theoriam. Ea sunt quæ in re Pietatis me capiunt , trahunt , rapiunt , & tum maximè cum à spirante animo , & incenso veniunt , & qui sentire se ostendit , quæ dicit. Mihi crede , nihil æquè necessarium hoc ævo , in quo homines , ac mores non sunt qui solebant. De *Religione* hodie quis non loquitur , disserit , disceptat , judicat ? Sed pauci vita exprimunt , & actionum morumque severitate , doctrinæ quam profitentur veritatem obliquant. Multi magni sibi videntur Oratores , si ea dicant quæ ne decem quidem *Sibyllæ* intelligant , dum nimia curiositate , καὶ λεπτολογία minutissima rerum excutiunt , de vocula tanquam de vita certant , & umbram doctrinæ venantur : parum aut nihil solliciti de moribus aut conscientia : sine qua scientia omnis suspecta mihi & despecta. Et cum omnia fecerint , misselli prætereunt ipsi sese. Reliqua sciunt , illud unum , quod scitu necessarium , nesciunt , ut se sciant. Publica vix usquam læta sunt ;

— vicina pericula surgunt,  
Undique, & impositè radiant cervicibus enses.

O Germaniæ statum, quam Mars magis nunc possidet, quam Minerva! ὦ πολέμιον ἄελλας! quis eas siccis oculis videat, & non cum Jove illo Homérico αἰματόεσας ψαῖδας distillet, ita lacerari eam & discerpi? adeò ut alibi bella horrida, & cruenta fuisse, & transisse dixerim, hîc habitare. *Cæsarem* (ut undique nunciant) adventare audimus, collectis naufragii tabulis, & iræ minarumque plenum magna moliri! Sed & magni aliquid magni isti Reges: Magni enim hinc inde apparatus, aperto fine in *Sueco*, occulto in *Gallo*. utinam in *Germania* una nunc *Helena* pro qua tanta bella pugnantur, explicandi! Deus donet, & mitiore oculo eam aspiciat. Nam hæc (liberè dico) diuturna esse non possunt; & comprimendæ illæ *Aquilæ*, ac potentia longè lateque regnantium *Philipporum*, aut opprimunt, si humano more ratiocinari mihi fas. Sed de his satis, neque enim in consilia, aut actiones Principum temerè me immitto, aut pénétro. Quod monui aliquando, & nunc facio; da studiis tuis auram, & cave animum iis ita immergas, ut non emergat interdum, & respiret inter Musarum curas & amores. Nimio enim labore, ingenium tanquam linna deteritur; moderato exercitio reficitur. continuis studiorum curis, corporis vires & animi enervantur, temperatis laboribus jucundissimè refocillantur. Satiè cum omnibus in rebus, tum in literis nihil periculosius. Laxanda est igitur aliquoties illa literarum contentio. Intermiscendi lusus, sed liberales, sed literis digni, & ab iis non nimis abhorrentes. Imò mediis ipsis studiis, perpetua quadam voluptas est intermiscenda, ut ludum potius discendi, quàm laborem existimemus. Nihil enim perditu ferri potest, quod non agentem aliqua voluptate remoretur, & facilius currentibus, quàm repentibus lapsus. Hac de causa Græci olim in usu habuerunt certamina Gymnica, venationes,

tiones, saltationes, nec non alia plurima; quibus quasi ludicris exercitiis, ad serios belli labores juventutem acuebant, ac ne corporis vigorem labefactarent, habuerunt sua oblectamenta, musicam aut Athleticam, aut alia hujusmodi, quibus animus intento nimis studio fatigatus, bellissimè reficeretur. Et ne puerorum ista putes, *Scipio & Lælius* gravissimi, & sapientissimi viri, conchas collegerunt, & umbilicos ad honestam animi diversionem: *Augustus Caesar* talis, & nucibus, *Q. Scaevola* pila ludit: *Socrates* arundinem ascendit: *Amasis* Ægypti rex morionem egit, & jocis liberius indulgit: multi nullum non diem, inter & otium, & curas diviserunt. Quid? in convivio si animus tibi in patinis, si manus; si fercula & convivæ placent, ea sis impudentia, ut contra decus honestatis apposita nolis tolli? non facias, scis enim illa ad tempus tantum, & usum aliquem tua esse. Idem hîc. Habent delicias suas Musæ, & doctrinæ bellaria, sed quæ sumi volunt, non absumi: gustari, non devorari. Flammis similes, quæ sicut paullulum à se remota illuminant; ita satis admota sibi, comburunt; & in iis haud rarò evenire solet, quod pueris saccharum avidius esitantibus, ut nausea intento nimis obrepat & fastidium: *Nempe inamarescunt epula sine fine petita*. Temperanda hæc fames: calidius enim ad cibos imus post abstinentiam; & ut Sol interdum per medias nubes se exerit: sic animi hilaritas, & recreatio in mediis studiorum curis. Quid quod pauca adeò, non omnia, homines scire nati sumus; nec omnibus datum, esse Aquilas, quæ sublimes cœli plagas petunt. satis sit, inter Struthiones, CRUCIOS censerî, aut marinos passeres, qui curriculo, ut ille ait, volant. O quàm omnia modica optima! & mihi semper id votum fuit, littus legere, non provehî in altum. Solitudinem quoque fuge melancholiæ pabulum, ne quasi à consortio huma-

ni generis extorris censeare, & Timonæum aliquid sapere.

———— *Hominum è cætibus*  
*Exire ineptum est, antequam è vita ex eas.*

*Crates* cum vidisset Adolescentem secretò ambulante, interrogavit, *quid illuc solus faceret? Mecum*, inquit *loquor*. Cui *Crates*; *cave* inquit, & *diligenter attende, ne cum homine maloloquaris*. Sentiebat quippe Vir sapiens, nihil periculosius homini esse, quàm sibi relinqui; nihil quoque ab ipsa humanitate magis alienum. Soli enim homini istud adhæret, cum homine vivere, atque adeò, ut absque eo nec vivat, qui ad societatem natus est, non solitudinem, non latebras. Summa; audi, & per Deum sequere bonos & literatos, ut ex affatu talium aliquid tibi semper adhæreat. Fores animi si his aperis, eruditio inibit aut sapientia, & animus assidue formari senties ad doctrinam, & virtutem: qui ut ager quotidiano ut sic dicam, vomere proscindendus, & obserendus est, ad meliorem illam frugem, quid enim eruditio, sit absit pietas? Deum veneror ita sit, & te fili talem faciat, & fervet. De matre si quæris, ægra ea adhuc, & in morbo, qui tamen abire videtur, sed lento, & plumbeo pede: abeat modò, non tenemus; & hæc spes nobis afflictiis solatium aliquod adfert, ut nautis veleminis conspecta *Pharus*. Delphis. 4. Kal. April. M. DC. XXXII.

J O H A N N I S T A N C E R O

*Correctori Scholæ Delphensis, Collegæ  
amicissimo S. D.*

P O S T magnas, variasque tempestates, in portum te jam delatum gaudeo, & gratulor. Quem inquires? rogas? E vita turbida, in tranquillam; e familiaris angustis in amplum rei faciendæ, & virtutis tuæ exserendæ campum, felici conjugio, & publica

blica Sparta. Recte sanè, & commodè cecidit, tibi & tuis, quos in arctum redegerant, Patriæ turbæ, ac dissidia. Ita nati, jactari interdum, & concuti; quid enim nisi fluctus hæc vita? Assiduè in metu, & inspe sumus, & ab omni unda calamitatum rapimur; quæ ventis modò inhorrescit, nunc placida tranquillitate ludit, & blanditur. Sed ut illis qui ex gravi, & ancipiti morbo convalescerunt, jucundior est & acrior sensus restituta valetudinis, quam si nunquàm ægri fuissent; ita nemo melius felicitatem suam capit, nemo sincerius agnoscit, quàm quem duri, & dubii casus plurimum exercuerunt. In hoc munere si quæ molestiæ sunt, sustines eas magno animo, & vincis, tum quod ejusmodi laborum gnarus, & vetus es, tum quod alia publicæ Scholæ facies, quam privati laris, aut conubernii. In qua quidquid sudatur ad Rempublicam spectat, si institutio sit à fidei, & erudita manu. Utrumque tibi inesse censemus, & fidei satis, & eruditionis, ad illos tuos, & grandiores etiam formandos, ex voto tuo, & usu eorum qui disciplinæ tuæ submittuntur. Sic judico, & animus in te meus, etiam ad majora animum tibi addit.

*Sibi habeant sua regna Reges, sibi divitias divites.*

Alii alia re profint Reipublicæ; hæc mea militia est; in qua quidquid donorum à magno illo Deo accepi, in publicum refundo, nec ullo genere officii impensius capior, quàm si cura, & industria nostra juvare possim adolescentum impetus ad ea studia, quibus honos, & vera gloria comparatur. Et quanquam canescente jam capite, amor hic usque adeò me habet, ut imperium hoc in teneram ætatem, & juvenilis prætextæ mores, longè præferam *Perfarum* gazis,

— *nec isthæc*

*Otia divitiis Arabum liberrima mutem.*

Quis sapiens aliter judicavit? Multa sunt fateor, & magna Civitatum, & Rerum publicarum columnæ; multa quibus stant, florent, vigent, regna, populi,

Qs

puli,

ni generis extorris censere, & Timonæum aliquid sapere.

———— *Hominum è cætibus*  
*Exire ineptum est, antequam è vita exeas.*

*Crates* cum vidisset Adolescentem secretò ambulante, interrogavit, *quid illuc solus faceret? Mecum*, inquit loquor. Cui *Crates*; *cave* inquit, & *diligenter attende, ne cum homine maloloquaris*. Sentiebat quippe Vir sapiens, nihil periculosius homini esse, quàm sibi relinqui; nihil quoque ab ipsa humanitate magis alienum. Soli enim homini istud adhæret, cum homine vivere, atque adeò, ut absque eo nec vivat, qui ad societatem natus est, non solitudinem, non latebras. Summa; audi, & per Deum sequere bonos & literatos, ut ex affatu talium aliquid tibi semper adhæreat. Fores animi si his aperis, eruditio inibit aut sapientia, & animum assidue formari senties ad doctrinam, & virtutem: qui ut ager quotidiano ut sic dicam, vomere proscindendus, & obserendus est, ad meliorem illam frugem. quid enim eruditio, sit absit pietas? Deum veneror ita sit, & te fili talem faciat, & servet. De matre si quaris, agra ea adhuc, & in morbo, qui tamen abire videtur, sed lento, & plumbeo pede: abeat modò, non tenemus; & hæc spes nobis afflictis solatium aliquod adfert, ut nautis vel minus conspecta *Pharus*. Delphis. 4. Kal. April. M. DC. XXXII.

J O H A N N I S T A N C E R O

*Correctori Scholæ Delphensis, Collegæ  
amicissimo S. D.*

**P**ost magnas, variasque tempestates, in portum te jam delatum gaudeo, & gratulor. Quem inquires? rogas? E vita turbida, in tranquillam; e familiaris angustis in amplum rei faciendæ, & virtutis tuæ exserendæ campum, felici conjugio, & publica

blica Sparta. Recte sanè, & commodè cecidit, tibi & tuis, quos in arctum redegerant, *Patriæ* turbæ, ac diffidia. Ita nati, jactari interdum, & concutij; quid enim nisi fluctus hæc vita? Assiduè in metu, & inspe sumus, & ab omni unda calamitatum rapimur; quæ ventis modò inhorrescit, nunc placida tranquillitate ludit, & blanditur. Sed ut illis qui ex gravi, & ancipiti morbo convaluerunt, jucundior est & acrior sensus restituta valetudinis, quam si nunquàm agri fuissent; ita nemo melius felicitatem suam capit, nemo sincerius agnoscit, quàm quem duri, & dubii casus plurimum exercuerunt. In hoc munere si quæ molestiæ sunt, sustines eas magno animo, & vincis, tum quod ejusmodi laborum gnarus, & vetus es, tum quod alia publicæ Scholæ facies, quam privati laris, aut contubernii. In qua quidquid sudatur ad Rempublicam spectat, si institutio sit à fideli, & erudita manu. Utrumque tibi inesse censemus, & fideli satis, & eruditionis, ad illos tuos, & grandiores etiam formandos ex voto tuo, & usu eorum qui disciplinæ tuæ submittuntur. Sic judico, & animus in te meus, etiam ad majora animum tibi addit.

*Sibi habeant sua regna Reges, sibi divitias divites.*

Alii alia re profint Reipublicæ; hæc mea militia est; in qua quidquid donorum à magno illo Deo accepi, in publicum refundo, nec ullo genere officij impensius capior, quàm si cura, & industria nostra juvare possim adolescentum impetus ad ea studia, quibus honos, & vera gloria comparatur. Et quanquam canescente jam capite, amor hic usque adèd me habet, ut imperium hoc in teneram ætatem, & juvenilis prætextæ mores, longè præferam *Persarum* gazis,

— nec isthæc

*Otia divitiis Arabum liberrima mutem.*

Quis sapiens aliter judicavit? Multa sunt fateor, & magna Civitatum, & Rerumpublicarum columnæ; multa quibus stant, florent, vigent, regna, populi,

Q5

puli, gentes. Sed si rem recto iudicii oculo æstimemus, quid sodes Respublicæ, quid civitates sine scholis? quid regna sine literario hoc regno? & nisi sint qui ad omnium virtutum exempla geniti, tanquam furculi succrescant in arborum concidentium locum, aliquando depangendi? Has sitollas ex hominum medio, Cyclopice necesse est oriri ἀπαξίαν, rerumque omnium nefandam παναλεθειαν.

*Hoc civitatum stat salus fundamine :  
Ex hoc adulta Seminario virum  
Surgit propago, qui scientia graves -  
Olim capeffant publicæ clavum rei.*

Ut speculum, sic ingenium est: & ut argilla, ita juvenis, quam capit imaginem, reddit, & dum ætas hæc mollis, & quasi cerea, signa melioris doctrinæ, & monitorum facile admittit. Quare ut membra infantis statim ab ipsis natalibus fingenda sunt, ut recta adolescant, non distorta: ita etiam jam inde ab initio indoles ejus formanda est, principisque ipsis invigilandum, à quibus tanquam fundamentis, universa educationis fabrica pendet. Utinam manus, ac directio semper accedat idonea, huic testulæ imbuendæ odore literarum, & primis Latinitatis tyrociniis! Sed in tetricis his, penè dixeram tricis, quanta plerumque præceptorum mole onerari solent tenera iægenia? per quas ambages, & mæandros duci ad *Minervæ* sacra? quibus regularum, exceptionum, observationum labyrinthis involvi? Et dum in illis ediscendis desudant, quæ non magis illi intelligunt quam *Sibyllæ* folia, haud rarò fit, ut institutionis anima destituti, nempe seria ac operosa inculcatione eorum, quæ ignorari nequeunt, cum multa didicerunt, nihil tamen profecerint. Quin discipulos multi mori, & morosi magistrelli, ut psittacos habent, quos χαῖρε suum docent, & ad dimensum, aliquot ordine paginas edicto prætorio recitare jubent, è rudimentis quæ non capiunt.

Satis



Satis esse rati, si verba teneant, non res, & memoriam colant, non mentem. Medicis similes qui parum docti & satis seduli, languidos multos officiosè necant. Opædantissimos, ô ineptias! digna vel detrimento famæ mulctari, vel aliqua censoriæ severitatis nota adspergi. Quid? hocce est instituere, verborum inani, & importuno tintu, in prima studiorum infantia lassare puerorum aures, & currentibus (ut utar Plautino verbo) remoram facere, dum animum ignorantiaë situ torpere patiuntur? Errant. Nullus enim ibi veræ doctrinæ succus, nulla solidè jacta Latinitatis fundamenta; quibus tanquam radicibus innitur quicquid melioris doctrinæ postea superstruitur. Ut quæ summo solo sparsa sunt semina, celerius se effundunt, sed fundi pinguedine destituta concidunt ilicò, & collabascunt: sic puerorum mentes superficialia hac, & verbosa institutione delibutæ multa spondent, pauca præstant. Herbulis quibusdam haud absimiles; quæ spicas imitatæ, inanibus aristis ante messem flavescent. Quanto tu rectius vir doctissime, qui veram instituendi rationem non in præceptorum mole, sed crebra & indefessa eorundem inculcatione ponis, ut probè intellecta, & facilius discantur, & inhæreant profundius. Nam ut vascula angusti oris, affatim infusos latices respuunt, sensim instillatos admittunt; sic puerorum titubantia adhuc ingenia discendi copia deprimuntur, & in ardore studiorum tepescunt; in paucis, si inculcentur seriò, faciles præbent ad discendum animos, & tanquam ex tripode deprompta avidè arripiunt, inque usus suos quicquid sit, convertunt. Tum maximè, si se amari sentiant ab iis à quibus instituuntur. Et sentiunt, si severitatem docentis blando imperio, & amicæ temperatam videant, & non nisi invitum ad pœnas compelli, præsertim in adultiores. Peccant? melius est alterius culpam ferre, quàm tuam prodas; magisque illorum vitia, quàm laudes dissimul-

les. In offensis puerilibus, nemo prudens statim immitteret manum ferulæ. mora danda: ultrò pœnitudo accedet, & ut in morbis secura illa pharmaca sunt, quæ paulatim sanguinem corrigunt: sic illa in Scholis disciplina, quæ molli fræno ferocientes, pederentim reducit in officii gyrum. Si cui est mens tam illiberalis, ut objurcatione non corrigatur, is etiam ad plagas, ut pessima quacunque mancipia durabitur. Mihi crede, amari, coli, diligî, majus imperio est, & sunt vitia quæ sanantur efficacius tolerando quàm tollendo: sunt quibus quies medetur, & blandissime jubetur exemplis. Quid mollius stillicidio, & à tam molli elemento saxa exeduntur, & rupes. *Leniter qui sapiunt, sapiunt magis*, majorque semper ab amore, quàm à metu veneratio. Odi hortulanum qui à radice olera excindit; nihilque est, quod minus Præceptori conveniat, quàm soluto mentis repagulo, præceptum in iram effusio. quæ cum semel limitem excessit, modum postea non habet, inimica consilio, & sana rationi. *ἀς γὰρ δι' ὀμίχλης τὰ ἴσχυατα, καὶ δι' ὀργῆς τὰ πρᾶγματα μείζονα φαίνεται: ὅτι φλόγῃς ἀκρίως ἐκ τοῦ πυρὸς ἐκτίθεται.* Nihil contra quod æquè eam deceat, quàm *μακροθυμία*, & suo loco indulta clementia; quàm seria ad virtutem hortamenta, acres ad honorem, & gloriam stimuli.

— hoc qui nequit,

*Fateatur se nescire imperare discipulis.*

Est enim insita liberalibus ingeniis, gloriæ quædam cupiditas, amor laudis, & fuga vituperii, & flexiles ac sequaces sunt mentes *bonorum*, quamcunque in partem facili & molli via ducuntur. Tunc videas lachrymnis rigari genas, dimitti in terram vultus, depelli socordiam, laborem intendi, quidquid admonitum est, memori mente retineri, & redire in viam officii. Hinc veneratio, & amor in præceptorem, tanquam in patrem; hinc obsequia etiam ad nutum, quæ do-

centis

centis tædia solantur, & levant in pistrino hoc literario, & sudores quasi detergant, in volutando hoc saxo.

Sed diffundor, ut finiam, duo ad te adfero, *Benevolentiam*, & *Amorem*: quorum illa frui te rogo, isto uti. Vale cum tua, & tuis. E musæo nostro.

A N D R E Æ C O L V I O. V. Cl.  
S. D.

Dordrechtum.

Tuum est Vir doctissime.

— ὅσον μὲν ἐγὰ δύναμαι χερσίν τε πόσιν τε, καὶ δέχει.

Idem de filio polliceri audeam, quem humanitas tuâ ita sibi devinxit, ut ingratiſſimus ſit, niſi eam quibuſcunque officiis rependat; Mecænati ſuo obſecundare paratus etiam ad nutum, & vocantem ſequi. Sed jūſſu régentiſ, operam ſuam Riverio addixit, qui literas Colvii ſcriptione jam antevenerat. Parat ſe interim ſerio in feſtum Paſchatiſ, ne vel tunc partibuſ ſuiſ deeſſe videatur, ſi Mattonii inopinato, ac præpropere ad caſtra diſceſſu, forte ſpe tua decidas. Reſ apud noſ lentæ fuerunt hac brumâ, & cum anni tempore frigentes. Apparatuſ nunc calidi, & magni, terramarique. Conſilia Deuſ dirigat in rem Patriæ, & Principiſ famam, cantque olim in Annales, & conſignata monumentiſ historiaruſ, eximiis Poſteroruſ laudibuſ celebrentur. Sunt qui iterum de maritimis *Flandriæ* ſuſpicantur; nec hoſtiſ ipſe in hoc motu (ut eſt ingeniuſ ſollicitudiniſ) immunis metu. Ita nunc multa ſtruuntur, & aptantur quæ *Thetidi* magiſ congruant, quam *Veſtæ*, lintreſ, liburnaphaſeli, pontiſ, laborioſa nautaruſ cohoreſ mari juxta & pugnæ parata,

— & quidquid in hoſtem.  
*Bellatrix doctrina ſtruit,*

ſed

fed rimari hæc curiosius defino. Quorfum evadent dicet aliquando dies, & jam (ut Homeri verbis utar)

— Δεῶν ἐν γόνασι κείται.

Suecus quid? magna quoque spirat, magna molitur, afflicta Germaniæ vindex, contra mala & malos, in tenebris, turbisque his temporum. *Minerva* ei adfit, & armata. Utroque enim nunc opus, & Prudentia, & Armis. Hostem habet nomine, & re formidabilem, fufum quidem ante, in veteratore illo Tillio; fed non planè confufum: preffum, & redactum ad angustias; fed non oppreffum. Vivit adhuc & spirat, minarumque plenus fe recolligit, ad vires cito & ferio (ut fama eft) exerendas. Sed cum felicia belli hujus Principis auspicia intueor, & penè ad miraculum incrementa, qui nominis fui famam tot adoreis, tot victoriis insignivit, magnam mihi spem faciunt, fore ut brevi civilia hæc bella ponant, & turbis æftuantem Germaniam, fretus ope & auxilio divini Numinis componat, & in tuto collocet, non appendicem victoriarum fuarum, fed pretium. Nam publica nunc fluere adverfa Austriacis, quis non videt? & qui jugulum aliorum petière, nunc vix à jugulo suo, iustiffimi hujus oppreffæ Germaniæ vindicis manum, & mucronem propellere, in felici auspicio vergentis in deterius fortunæ? *Cæsarem* qui imperium Oceano, famam astris æquavit, in hoc Rege contemplari mihi videor, & cum magni illius Imperatoris fortuna, reviviscere in eo militarem ejus fortitudinem, & prudentiam. Ex quo, exigua militum manu, Baltico *Rubicone* superato, Aquilas ipfas graculus involare sustinuit: & vel in nubibus, id est in ipso victoriarum cursu exultantes, laceffere, & adoriri. Sed quàm dispari scopo! Ille ambitione abreptus honori fuo litavit tantum, & magnitudini: hic Dei gloriæ. Ille Italiam novo, & inaudito ante imperio opprefsit: hic oppreffam tyrannide Germaniam liberat. Ille causam suam egit:

egit: hic Christi, & Ecclesiæ. Et quàm prospero  
hactenus, & optato eventu, cæcus est qui non vi-  
det. O verè Regem! & quæ vidit ætas parem?  
Contemptus ille quidem primò, sed qui in ipso  
contemptu, cruentum sæpe dedit certamen, &  
ut anceps semper fortuna præliorum, & fluxæ vi-  
cissitudines rerum humanarum, suo jam experi-  
mento didicere magni illi terrarum helluones, &  
regnorum Harpyiæ, quos non *Oriens*, non *Occi-*  
*dens* satiaverit, victoriam cœlo delabi, nec in equis  
aut curribus consistere, sed in favore Numinis,  
qui plerumque adspirat causæ meliori. Nihil quò-  
que tam validum esse, cui non sit periculum ab in-  
valido: nec ullos facilius opprimi, quàm qui nihil  
timent. Quia frequentissimum initium calamita-  
tis est securitas, etiam in potentissimis. *πῶς δὲ  
τὸ γέγονεν, ἂν τε τὰς μείζω δυνάμεις ἔχοντας, ὑπὸ  
τῆς ἀδυνεστεργον καὶ δυνάμει.* Quid quod semper vi-  
gilat divinus ille oculus & cum nictare eum cre-  
dis, conniver. Triumphant? cladibus omnia  
plusquam Cannensibus, & funeribus incescant?  
Ianienas exercent? calamitatum quasi confluxus  
videtur in hunc vel illum populum, ut amnium  
omnium, in Oceanum? Videt ista *Deus*, & rider,  
& quos ad tempus immissis crudelitatis habenis  
impune patitur lascivire; reprimit tandem, & ad  
duriorum aliquem casum reservat; rebusque jam  
pene conclamatis, *ὅπο' μὴ χαρὴς* clementer in ipso  
deliqui puncto succurrit, objicitque non spera-  
ta, imò nec prius (annales sacros, & profanos  
consule) tales advocat *Æsculapios*, quàm res ad  
extremum sit deducta discrimen. Interim quis,  
*tragœdiam si spectet indignetur, si Atreus ille, aut  
Thyestes in primo alterove actu sublimes per scenam,  
& etati paulisper incedant? regnent, minentur, im-*  
*perent. Scenæ hæc mox sanguine diffluet, & vol-*  
*ventur in ea purpureæ, aureæque vestes. Alta ful-*  
*minibus obnoxia sunt, nec ulla in re plus aut lu-*  
*fit fortuna, aut sæviit, quam in summis. Quid*  
*etiam?*

— Impre-

— *Improba nunquam*

*Spes latata diu est.* —

& qui cades oculis haurire assueverunt, a videque contemplari sub gladio militum, aut carnificum, tremulas innocentium cervices, sentiunt & illi tandem quid sit *θεομειχρίν, καὶ πρὸς κέντρα λακτί-  
ζειν*, habentque sceptralimites suos, quò cum venerunt, sistunt, retroeunt, ruunt. Ex omnium seculorum, ætatum, gentium victoribus, quam pauci non funestarunt tandem triumphos infelici suo sanguine, exilio, vinculis, veneno? Intuere primos orbe toto Alexandrum Macedonem, Pyrrhum, Annibalem, Pompejum, Casarem, Marium, & intuere exitum, non quantum gloriæ, infelicitatis tantum? Tu magnæ Germaniæ vindex, & nutantis Imperii restaurator fortissime,

— *ex quo tot millia vitam,*

*Fortunamque trahunt,*

arma tua longius, longiusque protrude in afflictorum tutelam, & oppressæ libertatis vindicias. Juva, juva inquam, & instabilitatis rerum humanarum memor, vicinorum calamitates, funera, excidia, clades subleva & solare, non lessu, aut verbis, sed manu, & armis; optimæque mentis, & causæ conscientia nixus, non ante galeam pone, aut Sagum, quàm fractis intolerandæ illius tyrannidis repagulis, & liberatis tot tantisque populis sub duro illo imperii jugo, fatiscentibus. Quo restituta tandem maxima illa terrarum, vigeat iterum & floreat antiqua Musarum sedes, & ingeniorum fœcunda mater.

*Hoc precor, hunc illum nobis Aurora nitentem*

*Luciferum roseis candida portet equis:*

hocque intimum meum est votum, meum? imò bonorum omnium: neque enim quisquam est tam inhumanus humanarum rerum arbiter, qui magni Principis illius armis (qui virtute bellica, & rebus armata manu gestis nulli veterum heroum secundus est) in tam justa, tam pia causa non assen-

assentiat, acclamet, applaudat. Ut regrediar unde abieram, si usus mei, tibi aut tuis, significatum velim, impetrabis, quod credere te quidem cupio : & magis experiri. Ego quid ? Negotium illud de filio, in Synodo vestra (nostri momenta temporum) fidei tuæ, ac prudentiæ committo. Suffragium enim tuum hic plurimum posse non nescio. Si fiat, penes te perfecti operis laus, penes me & ipsum beneficii accepti gratia in æternum manebit. Vale vir clarissime, cum tua cara, & caris, quos saluto, *Crucium, Focanum, Somerium*. Dum hæc scribo nescio qui tristis rumor nobis ad aures accidit, in Hispania mirificos fieri apparatus, classem numerosam in nos instrui. Mallem in *Barbaros*, ne mentiar, aut *Mauritanos* : nisi tamen, (quod voveo,) fastu suo navali ludibrium debent magno illi *Reſtori Amphitrites*. Fac, fac Deus, da pondus huic voto, &

———— *Sceleſtum vergat in caput ſcelus,*  
*Suiſque pereat artibus ;*  
*Aſtirpe caſa, donec impietas ſimul*  
*Eliminetur, & impius.*

Delphis. proſtridie Kal. April. M. DC. XXXII.  
 De valetudine mea ſi quæris, non ſatis ea nunc ex voto. De hujus corpusculi vigore quotidie aliquid decerpit cum ætas, tum ſtudioꝝ ſemper increſcens labor : ſed multò maxime tardium ex pertinaci conjugis *ap̄poſita*. Utinam aliquando meliora Deus ! Interea firmitudinem animi illi adprecor, & mihi.

ISAACO

## I S A A C O B E E C M A N N O

*Rectori Scholæ Dordracenæ*

S. D.

Dordrechtum.

**H**abet hoc virtus , ut ipsa sibi pretium sit , & vel sine proxeneta amicitias concilier. In te video V. Cl. quem tacito quodam affectu colo & amo , ob insignes animi dotes , virtutem & doctrinam. Quorum alterum, gratum te reddit Bonis , alterum Reipublicæ , cui strenuè litas in literaria tua palæstra. Tuam dico , quia ejus tibi commissa est incolumitas. In qua quo digniorem sustines provinciam , eò graviores tibi ex ea curæ , & labores in regenda juventute nimium hodie petulca , & formandis ingeniis natura barbaris & incultis. Sed quanquam efficax res est natura , vincit tamen hanc efficacior institutio , & plus ab instructoris vigili cura , quàm à materno utero ubereque puer hauriet , certiora eriam & quæ ætatem ferant , altiusque in animum descendant. *Themistocles* summus ille Athenis vir , quem nulla posteritas filebit , nulla unquam oblitterabit oblivio , mirantibus aliis , in adolescente quodam, qui feroci pravoque ingenio videbatur, muratos esse mores , dicebat asperos , & indomitos pecoris generosi pullos exuere feritatem, optimosque evadere , si quis illis disciplinam, & maturam institutionem adhibuerit : maturam dico , quia intempestiva ne hilum proficit. Quid ? nulla tam effera est , nulla tam immanis bellua , quæ non mansuescat cura , & industria domitoris : & ullum erit hominis ingenium tam agreste , tam deploratum , quod diligenti non mirescat institutione , & artibus homine libero dignis ? Sed tractanda est cæra dum mollissima. Virga si curva sit, flectenda est in eam formam , quam ei perpetuam esse velis dum tenera adhuc , & flexilis : Alioqui frangas citius,



tius, quàm corrigas, quæ in pravum induruerunt. *Antisthenes* cum filium cuiusdam suscepisset erudiendum, rogatus à parente, quibus rebus opus esset, *libro* inquit *novo, novo stylo, nova tabella*. Rudem nimirum, & vacuum animum requiebat Philosophus. Nam ut ceræ quidlibet imprimas, tabulæ rasæ quidvis inscribas; exarata parum, aut nihil: Sic etiam animo. In quo excolendo tanto magis est desudandum, quanto nobilissimum rerum homo, cætera quæ condidit Deus animantia longè antecellit. Mirata olim est Antiquitas magnos illos *εικονοπλαστας*, *Polycletum* qui ære duxit Alexandrum, *Apellem* qui penicillo, *Lyfippum* qui cælo. Sed hominem qui fingunt, & formant, magnam nempe magni illius Dei imaginem, majori mihi & laude, & admiratione digni videntur, quàm qui humanas imagines artis suæ scalpro, aut penicillo adumbrant; aut quicquid pretio, aut opere admirandum. Illi quippe tantum externa fingunt, hi interna: illi corpus, hi animam. Cujus tanta est præstantia, ut hominem animal admirandum à Sapientibus Ægyptiorum appellatum fuisse, memoriæ proditum sit; à Mercurio illo ter maximo, Naturæ miraculum; à Pythagora μέγαν ἀπάντων, à Platone sapientum Principe θαύμα θαυμάτων; à Theophrasto ἀντίμιμον παρέδειγμα, & proximum à Deo animal; à Tullio divinum; à Plinio Mundi Epitomen, & naturæ delicias; ab omnibus μικρόκοσμον, & compendium Universi. Sed quemadmodum odorem illum, quo semel est imbuta testa recens, diutulè conservat; nihilque aded est in proclivi, quàm primæ ætatis incunabula depravari, nisi pietatis & eruditionis σοιχῆα cum ipso velut lacte hauriantur, danda equidem opera est, ut mox à primis annis, crudis puerorum mentibus virtutum & doctrinæ semina instillentur. quæ paulatim ætate, & usu rerum pullulent ac maturescant; & semel infixa in omnem usque vitam inhæreant. Scilicet tum sincerus

cerus adhuc & integer est animus, & in omnem facile habitum sequax. Ab his mens lumen accipit, haud secus ac visus à circumfuso aëre. Hinc interrogatus quidam, quid sibi conferret eruditio? quid disciplina? respondit; ne in Theatro lapis, lapidi infideam. Sapienter mehercule. Nam ut præclare Comicus;

Ὁ γεαυμάτων ἀπειρῶ, & βλέπει βλέπων.

Contra,

Διπλῆν ὁρῶσιν οἱ μαθόντες γεαυμάτα.

Viderunt hoc olim principes in litteris Viri, *Plato, Plutarchus, Xenophon*: ideo nulli rei majorem impendi voluerunt operam, quam puerorum institutioni, in qua publicæ felicitatis apicem ponendum censuit Antiquitas. Quid? an non arbores si negligentur in gyros eunt, & curvamina? Ager si cultura desit nonne mox carduis, & tribulis inhorrescit? At equus natura sternax & intractabilis, admissio semel fræno nonne totum incedit, & vel ad nutum sessoris paret, & virgæ umbram? Adeo à teneris assuescere multum est, naturamque rebellem recta educatione, velut rationis fræno compesci. Cujus rei cum traderet documentum Lyncurgus Lacedæmoniis, duos catulos iisdem canibus prognatos in concionem produxit. Alterum foco & pulmentis, alterum indagine, & venatione assuetum: quorum hic in leporem insiliit, ille in olam. Ne mirare. Nam & arbusta ipsa & stirpes ut cultura corriguntur; sic neglecta vel emoriuntur, vel in vilissimas plantas degenerant. Sunt autem humana ingenia propemodum uti frutices, ac virgulta, quæ si commodè tractas facile, ut ait Poëta,

*Exuerint sylvestrem animum, cultuque frequenti.  
In quasunque voces ARTES hand tarda sequen-*  
*tur;*

*Quippe solo natura subest.*

Sed ut à teneris unguiculis feliciter instituat puer, ex Quintiliani consilio quærendi in primis præce-

præceptores eruditi, incorrupti, graves; quibus & ætas conciliet reverentiam, & doctrina auctoritatem, & morum comitas benevolentiam, & amorem: ne instituentium acerbitate offensus tenellus animus prius incipiat virtutem odisse, quàm nosse. Fuit hæc magni illius *Philippi* cura, qui nato sibi Alexandro, non tam ob nativitatem filii lætari se testatus est, quàm quod Aristotelem filio suo dispexisset, quem ex multis unum, teneræ huic ætati formandæ idoneum judicabat. Ad eruditionem accedat pietas, & morum civilis honestas, accedat *μνησθῆναι*, prudentia severitate condita: adsit quoque in obeundo hoc munere, diligentia & *φιλοπονία*, in docendo aperta brevitatis, & ordo facilis, quæ compendiarie viâ ducant ad metam. Sed & in discernendis puerorum ingeniis solertes erunt, & circumspicienti. Nam est in hoc incredibilis quædam varietas, nec pauciores animorum penè, quàm corporum formæ, & nisi seriam exactamque ejus varietatis habuerint rationem, parum feliciter cessura est institutio. Imago paganæ sapientiæ *Plato*, ingenuum pudorem, tanquam colorem virtutis, in adolescentibus probasse fertur. *Socrates* ex sermone de indole judicabat: hinc ad puerum conversus, loquere inquit *ut te videam*. *Apolonius*, cujus in Oratore suo meminit Cicero, in explorandis puerorum ingeniis, & admittendis discipulis adeò dicitur fuisse sagax, & oculatus, ut quemcunque crederet non futurum Oratorem, eum ilicò dimitteret, aut ad eam artem cui maxime idoneum censebat, adhortaretur. Reluctante enim natura, omnis irritus labor, & frustra disciplinam iis adhibeas, quos indociles adeò natura genuit, ut ex petra aut quercu exsculpti esse videantur. Sunt quidam nisi disciplinæ fræno cohibiti in modestiæ gyrum compellantur, admodum natura audaculi, & petulantia tribuni; & quia pravo & sinistro ingenio nati, non dubitant deprehensi correpere in latebras subiti

men-

puli, gentes. Sed si rem recto iudicii oculo æstimemus, quid sodes Respublicæ, quid civitates sine scholis? quid regna sine literario hoc regnó? & nisi sint qui ad omnium virtutum exempla geniti, tanquam furculi succrescant in arborum concidentium locum, aliquando depangendi? Has si tollas ex hominum medio, Cyclopiceam necesse est oriri ἀταξίαν, rerumque omnium nefandam παναλεθειαν.

*Hoc civitatum stat salus fundamine :  
Ex hoc adulta Seminario virum  
Surgit propago, qui scientia graves  
Olim capeffant publica clavum rei.*

Ut speculum, sic ingenium est: & ut argilla, ita juvenis, quam capit imaginem, reddit, & dum ætas hac mollis, & quasi cerea, signa melioris doctrinæ, & monitorum facile admittit. Quare ut membra infantis statim ab ipsis natalibus fingenda sunt, ut recta adolescant, non distorta: ita etiam jam inde ab initio indoles ejus formanda est, principisque ipsis invigilandum, à quibus tanquam fundamentis, universa educationis fabrica pendet. Utinam manus, ac directio semper accedat idonea, huic testulæ imbuendæ odore literarum, & primis Latinitatis tyrociniis! Sed in tetricis his, penè dixeram tricis, quanta plerumque præceptorum mole onerari solent tenera iugenia? per quas ambages, & mæandros duci ad Minervæ sacra? quibus regularum, exceptionum, observationum labyrinthis involvi? Et dum in illis ediscendis defudant, quæ non magis illi intelligunt quam *Sibyllæ* folia, haud rarò fit, ut institutionis anima destituti, nempe seria ac operosa inculcatione eorum, quæ ignorari nequeunt, cum multa didicerunt, nihil tamen profecerint. Quin discipulos multi mori, & morosi magistralli, ut psittacos habent, quos χᾶρις suum docent, & ad dimensum, aliquot ordine paginas edicto prætorio recitare jubent, è rudimentis quæ non capiunt.

Satis

Satis esse rati, si verba teneant, non res, & memoriam colant, non mentem. Medicis similes qui parum docti & satis seduli, languidos multos officiosè necant. Opædantissimos, ô ineptias! digna vel detrimento famæ mulctari, vel aliqua censoriæ severitatis nota adspergi. Quid? hocce est instituere, verborum inani, & importuno tintu, in prima studiorum infantia lassare puero- rum aures, & currentibus (ut utar Plautino verbo) remoram facere, dum animum ignorantiaë situ torpere patiuntur? Errant. Nullus enim ibi veræ doctrinæ succus, nulla solidè jacta Latinitatis fundamenta; quibus tanquam radicibus innitur quicquid melioris doctrinæ postea superstruitur. Ut quæ summo solo sparsa sunt semina, celerius se effundunt, sed fundi pinguedine destituta concidunt ilicò, & collabascunt: sic puero- rum mentes superficialia hac, & verbosa institutione delibutæ multa spondent, pauca præstant. Herbulis quibusdam haud absimiles, quæ spicas imitata, inanibus aristis ante messem flavescent. Quanto tu rectius vir doctissime, qui veram instituendi rationem non in præceptorum mole, sed crebra & indefessa eorundem inculcatione ponis, ut probè intellecta, & facilius discantur, & inhæreant profundius. Nam ut vascula angusti oris, affatim infusos latices respuunt, sensim instillatos admittunt; sic puerorum titubantia adhuc ingenia discendi copia deprimuntur, & in ardore studiorum tepescunt; in paucis, si inculcentur seriò, faciles præbent ad discendum animos, & tanquam ex tripode deprompta avidè arripiunt, inque usus suos quicquid sit, convertunt. Tum maximè, si se amari sentiant ab iis à quibus instituuntur. Et sentiunt, si severitatem docentis blando imperio, & amica vi temperatam videant, & non nisi invitum ad pœnas compelli, præsertim in adultiores. Peccant? melius est alterius culpam feras, quam tuam prodas; magisque illorum vitia, quam laudes diffinies.

les. In offensis puerilibus, nemo prudens statim immitteret manum ferulæ. mora danda: ultro poenitudo accedet, & ut in morbis secura illa phar-maca sunt, quæ paulatim sanguinem corrigunt: sic illa in Scholis disciplina, quæ molli fræno ferocientes, pederentim reducit in officii gyrum. Si cui est mens tam illiberalis, ut objurigatione non corrigatur, is etiam ad plagas, ut pessima quacunque mancipia durabitur. Mihi crede, amari, coli, diligi, majus imperio est, & sunt vitia quæ sanantur efficacius tolerando quàm tollendo: sunt quibus quies medetur, & blandissime jubetur exemplis. Quid mollius stillicidio, & à tam molli elemento saxa exeduntur, & rupes. *Leniter qui se viunt, sapiunt magis*, majorque semper ab amore, quàm à metu veneratio. Odi hortulanum qui à radice olera exscindit; nihilque est, quod minus Præceptori conveniat, quàm soluto mentis repagulo, præceptus in iram effusio. quæ cum semel limitem excessit, modum postea non habet, inimica consilio, & sana rationi. *ὁς γὰρ δι' οὐκ ἰσχυρῆς τὰς λέξεις, καὶ δι' ὀργῆς τὰς ἀειρήνας μετ' ὧν αἰνέται: ὅςτις flame us acrior est, quò ex majore incendio emicuit.* Nihil contrà quod æquè eam deceat, quàm *μακροθυμία*, & suo loco indulta clementia; quàm seria ad virtutem hortamenta, acres ad honorem, & gloriam stimuli.

———— hoc qui nequit,

*Fateatur se nescire imperare discipulis.*

Est enim insita liberalibus ingeniis, gloriæ quædam cupiditas, amor laudis, & fuga vituperii, & flexiles ac sequaces sunt mentes *honorum*, quancunque in partem facili & molli via ducuntur. Tunc videas lachrymnis rigari genas, dimitti in terram vultus, depelli socordiam, laborem intendi, quidquid admonitum est, memori mente retineri, & redire in viam officii. Hinc veneratio, & amor in præceptorem, tanquam in patrem; hinc obsequia etiam ad nutum, quæ do-

centis

centis tædia solantur, & levant in pistrino hoc literario, & sudores quasi detergunt, in volutando hoc saxo.

Sed diffundor, ut finiam, duo ad te adfero, *Benevolentiam*, & *Amorem*: quorum illa frui te rogo, isto uti. Vale cum tua, & tuis. E musæo nostro.

ANDREÆ COLVIO. V. Cl.  
S. D.

Dordrechtum.

Tuum est Vir doctissime.

ὅσον μὲν ἐνὰ δύναμιν χερσίν τε πόσιν τε, καὶ δέχει.

Idem de filio polliceri audeam, quem humanitas tuâ ita sibi devinxit, ut ingratissimus sit, nisi eam quibuscunque officiis rependat; Mecænati suo obsecundare paratus etiam ad nutum, & vocantem sequi. Sed jussu regentis, operam suam Riverio addixit, qui literas Colvii scriptione jam antevenerat. Parat se interim serio in festum Paschatis, ne vel tunc partibus suis deesse videatur, si Mattonii inopinato, ac præpropere ad castra discessu, forte spe tua decidas. Res apud nos lentæ fuerunt hac brumâ, & cum anni tempore frigentes. Apparatus nunc calidi, & magni, terramarique. Consilia Deus dirigat in rem Patriæ, & Principis famam, eantque olim in Annales, & consignata monumentis historiarum, eximiis Posterorum laudibus celebrentur. Sunt qui iterum de maritimis *Flandriæ* suspicantur; nec hostis ipse in hoc motu (ut est ingenium sollicitudinis) immunis metu. Ita nunc multa struuntur, & aptantur quæ *Thetidi* magis congruant, quam *Vestæ*, lintres, liburnaphaseli, pontis, laboriosa nautarum cohors mari juxta & pugna parata,

— & quidquid in hostem.

*Bellatrix doctrina struit.*

sed

sed rimari hæc curiosius desino. Quorsum evadent dicet aliquando dies, & jam (ut Homeri verbis utar)

— Δεῦν ἐν γόνασι κείται.

Suecus quid? magna quoque spirat, magna molitur, afflicta Germaniæ vindex, contra mala & malos, in tenebris, turbisque huius temporum. *Minerva* ei adsit, & armata. Utroque enim nunc opus, & Prudentia, & Armis. Hostem habet nomine, & se formidabilem, fustum quidem ante, in veteratore illo Tillio; sed non planè confusum: pressum, & redactum ad angustias; sed non oppressum. Vivit adhuc & spirat, minarumque plenus se recolligit, ad vires cito & serò (ut fama est) exerendas. Sed cum felicia belli huius Principis auspicia intueor, & penè ad miraculum incrementa, qui nominis sui famam tot adoreis, tot victoriis insignivit, magnam mihi spem faciunt, fore ut brevi civilia hæc bella ponant, & turbis æstuantem Germaniam, fretus ope & auxilio divini Numinis componat, & in tuto collocet, non appendicem victoriarum suarum, sed pretium. Nam publica nunc fluere adversa Austriacis, quis non videt? & qui jugulum aliorum petière, nunc vix à jugulo suo, iustissimi huius oppressæ Germaniæ vindicis manum, & mucronem propellere, in felici auspicio vergentis in deterius fortunæ? *Cesarem* qui imperium Oceano, famam astris æquavit, in hoc Rege contemplari mihi videor, & cum magni illius Imperatoris fortuna, reviviscere in eo militarem ejus fortitudinem, & prudentiam. Ex quo, exigua militum manu, Baltico *Rubicone* superato, Aquilas ipsas græculus involare sustinuit: & vel in nubibus, id est in ipso victoriarum cursu exultantes, lacescere, & adoriri. Sed quàm dispari scopo! Ille ambitione abreptus honori suo litavit tantum, & magnitudini: hic Dei gloriæ. Ille Italiam novo, & inaudito ante imperio oppressit: hic oppressam tyrannide Germaniam liberat. Ille causam suam egit:



egit: hic Christi, & Ecclesiæ. Et quàm prospero hætenus, & optato eventu, cæcus est qui non videt. O verè Regem! & quæ vidit ætas parem? Contemptus ille quidem primò, sed qui in ipso contemptu, cruentum sæpe dedit certamen, & ut anceps semper fortuna præliorum, & fluxæ vicissitudines rerum humanarum, suo jam experimento didicere magni illi terrarum helluones, & regnorum Harpyiæ, quos non *Oriens*, non *Occidens* satiaverit, victoriam cœlo delabi, nec in equis aut curribus consistere, sed in favore Numinis, qui plerumque adspirat causæ meliori. Nihil quodque tam validum esse, cui non sit periculum ab invalido: nec ullos facilius opprimi, quàm qui nihil timent. Quia frequentissimum initium calamitatis est securitas, etiam in potentissimis. *πολλὰκις γὰρ γέγονεν, ὅτε τὰς μέγας δυνάμεις ἔχοντας, καὶ τῶν ἀδυνάστευτον καὶ ἀνίκητον.* Quid quod semper vigilat divinus ille oculus & cum nictare eum credis, connivet. Triumphant? cladibus omnia plusquam Cannensibus, & funeribus incescant? Ianienas exercent? calamitatum quasi confluxus videtur in hunc vel illum populum, ut amnium omnium, in Oceanum? Videt ista *Deus*, & rider, & quos ad tempus immixtis crudelitatis habenis impune patitur lascivire, reprimat tandem, & ad duriores aliquem casum reservat; rebusque jam pene conclamatis, *ὅπο' μὴ χαλῶς* clementer in ipso deliqui puncto succurrit, objicitque non sperata, imò nec prius (annales sacros, & profanos consule) tales advocat *Æsculapios*, quàm res ad extremum sit deducta discrimen. Interim quis, *tragædiam* si spectet indignetur, si *Atreus* ille, aut *Thyestes* in primo alterove actu sublimes per scenam, & etati paulisper incedant? regnent, minentur, imperent. Scena hæc mox sanguine diffluet, & volventur in ea purpureæ, aureæque vestes. Alta fulminibus obnoxia sunt, nec ulla in re plus aut luffit fortuna, aut sæviit, quam in summis. Quid etiam?

— Impre-

— *Improba nunquam*

*Spes latata diu est.* —

& qui cades oculis haurire assueverunt, a videque contemplari sub gladio militum, aut carnificum, tremulas innocentium cervices, sentiunt & illi tandem quid sit *θεομειχρίν, καὶ πρὸς κέντρα λακτί-  
ζειν*, habentque sceptrā limites suos, quò cum venerunt, sistunt, retroeunt, ruunt. Ex omnium seculorum, ætatum, gentium victoribus, quam pauci non funestarunt tandem triumphos infelici suo sanguine, exilio, vinculis, veneno? Intuere primos orbe toto Alexandrum Macedonem, Pyrrhum, Annibalem, Pompejum, Cæsarem, Marium, & intuere exitum, non quantum gloriæ, infelicitatis tantum? Tu magnæ Germaniæ vindex, & nutantis Imperii restaurator fortissime,

— *ex quo tot millia vitam,*

*Fortunamque trahunt,*

arma tua longius, longiusque protrude in afflictorum tutelam, & oppressæ libertatis vindicias. Juva, juva inquam, & instabilitatis rerum humanarum memor, vicinorum calamitates, funera, excidia, clades subleva & solare, non lesu, aut verbis, sed manu, & armis; optimæque mentis, & causæ conscientia nixus, non ante galeam pone, aut Sagum, quàm fractis intolerandæ illius tyrannidis repagulis, & liberatis tot tantisque populis sub duro illo imperii iugo, fatiscentibus. Quo restituta tandem maxima illa terrarum, vigeat iterum & floreat antiqua Musarum sedes, & ingeniorum fœcunda mater.

*Hoc precor, hunc illum nobis Aurora nitentem*

*Luciferum roseis candida portet equis:*

hocque intimum meum est votum, meum? imò bonorum omnium: neque enim quisquam est tam inhumanus humanarum rerum arbiter, qui magni Principis illius armis (qui virtute bellica, & rebus armata manu gestis nulli veterum heroum secundus est) in tam iusta, tam pia causa non assen-

assentiat, acclamet, applaudat. Ut regrediar unde abieram, si usus mei, tibi aut tuis, significatum velim, impetrabis, quod credere te quidem cupio: & magis experiri. Ego quid? Negotium illud de filio, in Synodo vestra (nostri momenta temporum) fidei tuæ, ac prudentiæ committo. Suffragium enim tuum hic plurimum posse non nescio. Si fiat, penes te perfecti operis laus, penes me & ipsum beneficii accepti gratia in æternum manebit. Vale vir clarissime, cum tua cara, & caris, quos saluto, *Crucium*, *Focanum*, *Somerium*. Dum hæc scribo nescio qui tristis rumor nobis ad aures accidit, in Hispania mirificos fieri apparatus, classem numerosam in nos instrui. Mallem in *Barbaros*, ne mentiar, aut *Mauritanos*: nisi tamen, (quod voveo,) fastu suo navali ludibrium debent magno illi *Rectori Amphitrites*. Fac, fac Deus, da pondus huic voto, &

———— *Scelestum vergat in caput scelus,*  
*Suisque pereat artibus;*  
*A stirpe casa, donec impietas simul*  
*Eliminetur, & impius.*

Delphis. prostridie Kal. April. M.DC. XXXII.  
 De valetudine mea si quæris, non satis ea nunc ex voto. De hujus corpusculi vigore quotidie aliquid decerpit cum ætas, tum studiorum semper increscens labor: sed multo maximè tedium ex pertinaci conjugis *apposita*. Utinam aliquando meliora Deus! Interea firmitudinem animi illi adprecor, & mihi.

I S A A C O B E E C M A N N O

*Rectori Scholæ Dordracenæ*

S. D.

Dordrechtum.

**H**abet hoc virtus , ut ipsa sibi pretium sit , & vel sine proxeneta amicitias conciliet. In te video V. Cl. quem tacito quodam affectu colo & amo , ob insignes animi dotes , virtutem & doctrinam. Quorum alterum , gratum te reddit Bonis , alterum Reipublicæ , cui strenuè litas in literaria tua palæstra. Tuam dico , quia ejus tibi commissa est incolumitas. In qua quo digniorem sustines provinciam , eò graviores tibi ex ea curæ , & labores in regenda juventute nimium hodie petulca , & formandis ingeniis natura barbaris & incultis. Sed quanquam efficax res est natura , vincit tamen hanc efficacior institutio , & plus ab instructoris vigili cura , quàm à materno utero ubereque puer hauriet , certiora etiam & quæ ætatem ferant , altiusque in animum descendant. *Themistocles* summus ille Athenis vir , quem nulla posteritas filebit , nulla unquam oblitterabit oblivio , mirantibus aliis , in adolescente quodam , qui feroci pravoque ingenio videbatur , muratos esse mores , dicebat asperos , & indomitos pecoris generosi pullos exuere feritatem , optimosque evadere , si quis illis disciplinam , & maturam institutionem adhibuerit : maturam dico , quia intempestiva ne hilum proficit. Quid ? nulla tam effera est , nulla tam immanis bellua , quæ non mansuescat cura , & industria domitoris : & ullum erit hominis ingenium tam agreste , tam deploratum , quod diligenti non mirescat institutione , & artibus homine libero dignis ? Sed tractanda est ceras dum mollissima. Virga si curva sit , flectenda est in eam formam , quam ei perpetuam esse velis dum tenera adhuc , & flexilis : Alioqui frangas citius,

tius, quàm corrigas, quæ in pravum induruerunt. *Antisthenes* cum filium cuiusdam suscepisset erudiendum, rogatus à parente, quibus rebus opus esset, *libro* inquit *novo, novo stylo, nova tabella*. Rudem nimirum, & vacuum animum requirebat Philosophus. Nam ut ceræ quidlibet imprimas, tabulæ rasæ quidvis inscribas; exarata parum, aut nihil: Sic etiam animo. In quo excolendo tanto magis est desudandum, quanto nobilissimum rerum homo, cætera quæ condidit Deus animantia longè antecellit. Mirata olim est Antiquitas magnos illos *εικονοπλαστάς*, *Polycletum* qui ære duxit Alexandrum, *Apellem* qui penicillo, *Lyfippum* qui cælo. Sed hominem qui fingunt, & formant, magnam nempe magni illius Dei imaginem, majori mihi & laude, & admiratione digni videntur, quàm qui humanas imagines artis suæ scalpro, aut penicillo adumbrant; aut quicquid pretio, aut opere admirandum. Illi quippe tantum externa fingunt, hi interna: illi corpus, hi animam. Cujus tanta est præstantia, ut hominem animal admirandum à Sapientibus Ægyptiorum appellatum fuisse, memoriæ proditum sit; à Mercurio illo ter maximo, Naturæ miraculum; à Pythagora μέγρον ἀπάντων, à Platone sapientum Principe θαύμα θαυμάτων; à Theophrasto ἀντίμιμον παρέδειγμα, & proximum à Deo animal; à Tullio divinum; à Plinio Mundi Epitomen, & naturæ delicias; ab omnibus μικρόκοσμον, & compendium Universi. - Sed quemadmodum odorem illum, quo semel est imbuta testa recens, diutulè conservat; nihilque adèd est in proclivi, quàm primæ ætatis incunabula depravari, nisi pietatis & eruditionis σοιχῆα cum ipso velut lacte hauriantur, danda equidem opera est, ut mox à primis annis, crudis puerorum mentibus virtutum & doctrinæ semina instillantur. quæ paulatim ætate, & usu rerum pullulent ac maturescant; & semel infixæ in omnem usque vitam inhæreant. Scilicet tūm sincerus

cerus adhuc & integer est animus, & in omnem facile habitum sequax. Ab his mens lumen accipit, haud secus ac visus à circumfuso aëre. Hinc interrogatus quidam, quid sibi conferret eruditio? quid disciplina? respondit; ne in Theatro lapis, lapidi infideam. Sapienter mehercule. Nam ut præclare Comicus;

Ὁ γραμματῶν ἀπειροῦ, ὃ βλέπει βλέπων,

Contra,

Διπλῆν ὁρῶσιν οἱ μαθόντες γραμματα.

Viderunt hoc olim principes in litteris Viri, *Plato*, *Plutarchus*, *Xenophon*: ideo nulli rei majorem impendi voluerunt operam, quàm puero-  
rum institutioni, in qua publicæ felicitatis apicem ponendum censuit Antiquitas. Quid? an non arbores si negligantur in gyros eunt, & curvamina? Ager si cultura desit nonne mox carduis, & tribulis inhorrescit? At equus natura sternax & intractabilis, admissio semel fræno nonne totum incedit, & vel ad nutum sessoris paret, & virgæ umbram? Adeò à teneris assuescere multum est, naturamque rebellem recta educatione, velut rationis fræno compesci. Cujus rei cum traderet documentum *Lycurgus Lacedæmoniis*, duos catulos iisdem canibus prognatos in concionem produxit. Alterum foco & pulmentis, alterum indagine, & venatione assuetum: quorum hic in leporem insiliit, ille in olam. Ne mirare. Nam & arbusta ipsa & stirpes ut cultura corriguntur; sic neglecta vel emoriuntur, vel in vilissimas plantas degenerant. Sunt autem humana ingenia propemodum uti frutices, ac virgulta, quæ si commodè tractas facile, ut ait Poëta,

*Exuerint sylvestrem animum, cultuque frequenti.*

*In quascunque voces ARTES hand tarda sequentur;*

*Quippe solo natura subest.*

Sed ut à teneris unguiculis feliciter instituat puer, ex *Quintiliani* consilio quærendi imprimis præce-

præceptores eruditi, incorrupti, graves; quibus & ætas conciliet reverentiam, & doctrina auctoritatem, & morum comitas benevolentiam, & amorem: ne instituentium acerbitate offensus tenellus animus prius incipiat virtutem odisse, quàm nosse. Fuit hæc magni illius *Philippi* cura, qui nato sibi Alexandro, non tam ob nativitatem filii lætari se testatus est, quàm quod Aristotelem filio suo dispexisset, quem ex multis unum, teneræ huic ætati formandæ idoneum judicabat. Ad eruditionem accedat pietas, & morum civilis honestas, accedat *μακροθυμία*, prudentia severitate condita: adsit quoque in obeundo hoc munere, diligentia & *φρονεσις*, in docendo aperta brevitās, & ordo facilis, quæ compendiarīa viā ducant ad metam. Sed & in discernendis puerorum ingeniis solertes erunt, & circumspēcti. Nam est in hoc incredibilis quædam varietas, nec pauciores animorum penè, quàm corporum formæ, & nisi seriam exactamque ejus varietatis habuerint rationem, parum feliciter cessura est institutio. Imago paganæ sapientiæ *Plato*, ingenium pudorem, tanquam colorem virtutis, in adolescentibus probasse fertur. *Socrates* ex sermone de indole judicabat: hinc ad puerum conversus, *loquere inquit ut te videam*. *Apolonius*, cujus in Oratore suo meminit *Cicero*, in explorandis puerorum ingeniis, & admittendis discipulis ad eò dicitur fuisse sagax, & oculatus, ut quemcunque crederet non futurum Oratorem, eum ilicò dimitteret, aut ad eam artem cui maximè idoneum censebat, adhortaretur. Reluctante enim natura, omnis irritus labor, & frustra disciplinam iis adhibeas, quos indociles ad eò natura genuit, ut ex petra aut quercu exsculpi esse videantur. Sunt quidam nisi disciplinæ freno cohibiti in modestiæ gyrum compellantur, admodum natura audaculi, & petulantia tribuni; & quia pravo & sinistro ingenio nati, non dubitant deprehensi correpere in latebras subiti

men-

mendacii, quidam contrà adeò meticulosi, & ad obsequium nati, ut verbulo, aut nutu oculi contineantur in officio. Alii rursus ferrea fronte, & obfirmato animo, imperia quævis, & pœnas despiciati, aut nullos juxta se ferunt, ut refractarii illi equi, quos unum equile non capit, aut ad verbera, asinorum instar occallescent. Alii vel minima increpatiuncula, aut comminatione fremunt, horrent, trepidant. Sunt quos aspera quævis & dura ad officium compellunt: sunt quos laudes. Sunt qui audita semel facile capiunt; sed ut aqua cribro infusa celerrimè effluit; sic animis eorum, quæ audiverunt. Rursus invenias qui operosè sua discunt, sed percepta semel nunquam animis eorum, aut memoria exolescunt. Quorum ingenia *Cleantes* tabulis æneis, & vasis angusti oris, appositè meherculè, comparare solebat. *Pindarus* ingenii promptitudinem, *Aquilæ*, quæ prædam etiam longè remotam mirâ pernicitate prævertit, visuque ita pollet, ut abditissima quæque perspiciat. In tanta ingeniorum diversitate non una tenenda via. *Recta* enim ingenia debilitari, ait *Plinius*, *verecundia*, & *quidquid in iis ingenua est indolis comminui trepidatione degeneri; perversa* quæ obstinatum in nequitia proposito, pectus gerunt, *confirmari audacia*. Præcocia autem ad tempus impetu quodam ferri, sed torpere in medio cursu, & nisi prudenter habeantur, rarò metam attingere studiorum docet experientia. Tarda quid? erigi necesse est, atque excitari laudum atque admonitionum palpo, ut obsequii viam teneant, & suadere potius honesta, quàm cōgere videaris. Nam ut fluvii quidam qui erepti oculis, & sub terram reconditi, feruntur nihilominus ad suum mare: sic tarda haud rarò, & latentia ingenia ad studiorum suorum finem. Ignava? pudore suffundi, & tanquam fucos, aliorum diligentia ad labores compelli. Dura & aspera? Severioris disciplina cuneo, tanquam durio-



duriores nodos retundi, & petulanter lascivientes redigi in circum, & gyrum rationis. Nisi fiat, licentia pariet audaciam, audacia disciplina contemptum. Ira tamen ablit, cum qua nihil rectè, nihil moderatè, nihil consideratè potest. Imo illud ipsum quod acerbitalis habet pœna, significandum est, ipsius causa, qui vapulat, susceptum esse. Hoc qui nequit, fateatur se nescire imperare juventuti, & disciplinae sceptrum moderari, in literario hoc regno. Ut enim in Cithara si vel una fides discrepat, concentus perit & harmonia: sic *Institutio*, si quid horum delinquat. Sed quæri hic solet à nonnullis, meliusne domi, an in Scholis erudiantur pueri? Sententiam meam si exposcis, Vir clarissime, dicam quod sentio. Publicam ego scholarum frequentiam privatis longè parietibus antepoño: duabus potissimum de causis. Prima quod major hinc proficiendi occasio: dum enim distribuuntur in classes pueri, & mutua contentione ad certamina, & virtutum præmia incitatur flos & soboles ingenue juventutis, tenella, & prætextata adhuc indoles, mirum quid æmulatio illa possit, in liberalibus ingeniis, & quantos tacita quadam vi & via animis generosis addat stimulos, enitendi ad altiora. Audiunt quippe multa quotidie probari, multa corrigi: prodest alicujus objurgata desidia, prodest laudata industria, excitatur laudata æmulatio, quæ nisi inter plures esse non potest. Turpe ducet cedere pari, pulchrum superasse majores. Accendunt omnia hæc animos puerorum, & licet ipsa vitium sit ambitio, frequenter tamen virtutum occasio est. Quemadmodum enim nobiles equi plausu cervicis, blandisque magistrorum vocibus mirificè delectari solent: sic nata ad laudem ingenia, molli hoc palpo. Altera quod in magno Scholæ confluxu, hominibus paulatim assuescant, parrhesiam sibi concilient, & loquendi libertatem, ac innatam ferè melioribus ingeniis *Suavia* frontisque molliem quæ multorum profe-

profectus silentio premit, egregiè corrigant, & balbutientis naturæ ruditatem, ac si verba forte facienda in magna auditorum corona, in publicum prodire nulli dubitent, dum umbratici illi, verecundi nimis latebras quarunt, & infantis sui pudoris perfugia. Quo fit ut etiam pueri maneant post ætatem, qui in ætatula hac pueri esse assueverunt. Sed regerentem audio, frequentiam hanc Scholæ in hac temporum colluvie, non carere contagio. *Adfert enim seorsim quisque pessimo more, & pernicioso exemplo, suas culpas, quas mixti vulgant, & alii alius rubiginem suam affricant; Et ut flumina per se dulcia, cum in mare venerint salescunt: sic pueri haud mali, si in malorum venerint consortia, tactu inquinantur, & mixtione.* Ita profectò est. Sed quasi hæc domi non sint, quæ in Scholis timentur, vel in ipso pedagogo, vel in discipulo. Ille si malus est, domiproclivior ad malum quàm foris est educatio; quia quod institutio dedit, morum contages eripit: & potentius in animum influunt exempla, quàm præcepta. Hic si semina nequitix habeat, licentius ea pullulant & succrescunt, quia major indulgentia privati Laris, quàm publicæ Scholæ, ubi disciplina strictior, & in omnes indifferens. Haud manum verterit, si verbis increpetur, atque ita sensim erectis in audaciam cristis, oblitusque pudoris omnis & verecundiæ, in suam præceps perniciem ruit, quia nullus hic aut certè non tam magnus est metus, quo possit insolentia retundi: cumque à disciplinæ contemptu conscientia semel occalluit, sui quasi juris, fas putat, quidquid impunitum est: & corroborarum vetustate malum, semperque gliscens in pejus, remedia non admittit. At quis sani pectoris illud in publicis gymnasiis reformidet? quis ullam pœdotriben ita dejectam vidit, ut vitia in ea dominantur, virtus exulet? Perperam certè, princeps ille ingenii & doctrinæ Plato Academiam crexisset, Aristoteles Peripatum, Zeno Stoa-

am

am, temporum canitie, atque ipsa antiquitate venerabiles, nisi publicam illam institutionem juventuti perutilem esse judicassent. Ne quid hic referam de Cynosargi, & Prytanæo Atheniensium, de Corinthiorum Craneo, de Schola Byzantina in Græcia, Antiochena, & Laodicæa in Asia, de Carthaginensi in Africa, de Bononiensi in Hetruria à Theodosio juniore instituta; de Patavina & Pisarum in Italia; de Salamantica in Hispania, in qua studiosorum VII. millia aliquando fuisse, uno eodemque tempore; testantur historia, aliisque innumeris, à maximis etiam viris, in Reipublicæ usum & decus erectis. In Ægypto olim *Salus* & *Heliopolis* fuere, & artium ibi doctores, *Sacerdotes*. Homerus eò discendi causa, Solon, Thales, Plato, alii iverunt: & sacræ literæ palam: *Moyse institutum omni disciplina Ægyptiorum*. Dicam quod sentio: nusquam ingeniorum felicior proventus; nusquam doctrinæ uberior seges. Et ex hoc quasi seminario deliguntur, qui olim urbes, provincias, regna administrarent. Demus privatam instituendi rationem, suas quoque habere utilitates, sua commoda (quod haud eo inficias) quis tamen adeò vecors, ut inde credat scholarum compendio quicquam detractum, aut imminutum, quas ipsa Antiquitas olim in pretio habuit, & nunc florentissimas quasque Respublicas nomine suo cohonestant, nomenque pariunt, & famam iis qui ex publico, & illustri Lycæo prodire? Unus *Tigranes* à Philosopho quodam egregiè feliciterque fuit institutus; unus *Dion* à Platone privatim; Solus *Augustus* ab Apollodoro; solus optimus principum, *Trajanus* à Plutarcho; solus *Scipio* à Panætio. At contrà infelicitèr à Seneca, *Nero*; à Theodoro Sophista, *Tiberius*; ab Onesicrate, *Commodus*; à Fabio, *Domitianus*, à Maximo, *Julianus*; ab eodem Platone, *Dionysius* tyrannus. Quotus etiam quisque est, qui sic instituitur, ut à Scauro *Antoninus*; à Lyfide *Epaminondas*; à Lactantio *Constantinus*? Sed & Principes,

R

ipso

ipſos , ſcholas publicas frequentaffe legitur .  
 Exempla vis adducam ? Multa ſunt . Sed illuſtre  
 eſt Julii Cæſaris , quicum poſt Pompeji necem in  
 Ægyptum veniſſet τὴν πόλιν Ἀλεξανδρείαν περι-  
 ῶν , ait Appianus , τῆς χάλκας ἐδάμαρξε , καὶ τῶν φιλο-  
 ſόφων μὲν τῆς πλῆθους ἐς τὴν ἡμέραν , in publicis audi-  
 toriis & gymnafiis . Pompejus cum ex Aſia re-  
 verſus , omnes bonarum artium Profeſſores au-  
 diviſſet , ſingulis auri talentum obtulit , & Poſſi-  
 dōnium Philoſophum graviter in morbo cuban-  
 tem inviſſe , teſtatur Cicerō , & faſces imperii  
 literis ſubmiſſiſſe , cui ſe Oriens Occidensque ſub-  
 miſerat . Tiberius Rhodi ſalubritate delectatus  
 circa ſcholas tam fuit aſſiduus , ut illi hoc à ple-  
 riſque vitio verteretur . Claudius itidem Cæſar ,  
 inopinatus ſæpe recitantibus interveniebat . Idem  
 videre eſt in Arragonum ; & Siciliæ Rege Al-  
 phonſo , artium ingeniorumque amantiſſimo ,  
 teſte Panormitano . Qua alia de cauſa , quàm quod  
 S C H O L A S doctrinæ , & virtutum officinas  
 eſſe judicarunt , Muſarum domos , ſedes hono-  
 ris , bonæ mentis palæſtras , & feracia artium ac  
 diſciplinarum ſeminaria , ubi non corpus forma-  
 tur , ſed animus , & vacua mentis humanæ tabu-  
 la , caſtis purioris ſapientiæ monitis imbuitur .  
 queis adverſus Chimeras , & Circes pocula præ-  
 munita , eas doceatur artes , *quæ adoleſcentiam*  
*(Tullii verba pono) agunt , ſenectutem oblectant ,*  
*ſecundas res ornant , adverſis perſugium ac ſolacium*  
*præbent , delectant domi , non impediunt foris , per-*  
*noctant nobiſcum , peregrinantur .* Sed quò tandem  
 delabor ? Scribere ſolum mihi propoſitum ; non  
 philoſophari ; & ſcripiſſem jam diu , niſi me è  
 tranſverſo obortæ ſæpius occupationes tenuiſ-  
 ſent . Occupationes dico literariæ . Nam à publicis  
 & civilibus illiſmihi feriæ , & ſemper erunt , nec  
 iſtæc ambituuncula nos habet . Jam tandem in otio  
 primo meæ ad te literæ , tu illas vide , lege , & in  
 iis animum planè tuum : & quod notitia adhuc ,  
 aut in occulto amor fuit , age ſit amicitia : quam  
 ego

ego tecum sanctè coëo, & hac scriptione pacificor. Vale vir doctissime, & me tuum cense. Beverovicio & Focano, ex penitissimo pectore salutem, & officium à me defer: quos animi brachiis amplector, & qui reverà

————— *Troica digni*

*Secula, & Euboici transcendere pulveris annos.*  
Delphis prid. Id April. cId. Idc. xxxii.

GUILIELMO NIEUWENHUISIO

*Medicinae Doctori, & Rectori Scholæ  
Harlemensis S. D.*

Harlemum:

**S**I negem, in animo meo partem te habere, mentiar: nominis tui fama inseruit, sed magis honesti studium, & eruditio. O caput, ô finem *Sapientiae* hæc meditari, ad hæc eniti! & viam habere in animo, in oculis, quæ ad eam ducit. Facis hoc vir clariss. qui cum linguarum artiumque liberalium instructu, ita junxisti studia humanitatis, & gloriam eruditionis, ut hanc nullum (quod ferè solet) supercilium comitetur, totusque es in hac cura, ut non doctus solum audias, sed bonus; & utroque *Spartam* tuam cohonestes, dirigasque ad supremam illam legem publicæ utilitatis.

De me, ἐδὲν ἀλαζονεύομαι & dicam, non aliam ego quoque insisto viam, & habemus quæ nos eo impellit, alta & divina illa pars: quam si colimus, quod homine dignum est facimus, & meliore illa origine nostri. *Ut enim radii solis per terram sparsi à cælo, & in cælo tamen sunt: sic noster animus.* Misera & ambitiosa vita est, quæ finem tantum habet scire aut sciri. Amo virtutem, & ejus studium. Alia mihi crede, fumi, quisquiliæ, bullatæ nugæ, & quæ vulgus miratur bona, quæque ædificant, arant, navigant homines, quorum causa currunt, æstuant, sudant, ambulatoria sunt, & ut cum poëta loquar.

R 2

— *momen-*

— momento labilis hora

*Transmutant dominos.*

Illa sola, unius Sapientum thesaurus est, & purissima vitæ gemma, quæ viros facit, unde etiam nomen sortita. Quam qui despectum eunt in studiorum cursu, mangonibus mihi similes videntur, qui obsoleto, & vili panno fucum novitatis inducunt, & vel leviter interpolata curiosius ostentant. Quid enim scientia nostra, & eruditio sine tinctura *Virtutis*? liberè dicam, umbra tantum, imò nihil. Fulcrum enim illa omnis literaturæ, & disciplinarum vinculum, quæ labuntur aut diffuunt, nisi ea nixæ, & nexæ. Imbui hac imprimis Juventutem vel ab ipsis incunabulis, consilium meum semper est, & votum in publico hoc ævi contagio; quo nemo non teneræ huic ætaturæ vel voce, vel exemplo, vitium commendat, aut imprimit, aut nescientibus allinit & incautis. Κακίας γὰρ ῥᾶν μεταλαβείν, ἢ ἀρετῆς μεταδέναι, ἐπεὶ καὶ νόσος μεταχεῖν μᾶλλον, ἢ ὑγίαιεν χαρίσασθαι. Fœcundiora quoque bonis mala sunt: nec quidquam facilius, quam boni fruticis semina zizaniis opprimi; nempe ad deteriora omnes naturâ labiles sumus, & non primum tantum (ut ait Seneca) iter est ad vitia sed præceps: difficilis contra, & ardua ad virtutem via. nec alia ad eam nitentibus via est, quàm contra aquam remigantibus. At ubi semel deerratum est, in præceps ruitur, & in tanta colluvie malorum, per tot bonæ mentis impedimenta, inclinatis semel in vitium animis, nulla ruina deformis est, & vix est ut eluctari quis possit ad ullam frugem. Sed hæc ad te, quid opus est? cui unum ferè hoc opus, & labor, ut juvenus à disciplina tua, non doctior solum abeat, sed melior. Præclare meherculè, & sapienter! Hæc enim duo indissolubili quodam nexu complicata sunt, nec ullum in recta institutione dissidium patiuntur. Quam enim eruditionem mihi dixeris, quæ virtutis studio immunis sit? quæ fortius loquitur, quàm agit? quæ  
in

in solo quæstus, aut laudis aucupio tota occupatur? à qua modestia omnis, temperantia, candor, humanitas exulant? ubi ventosa omnia, & ad pompam? Sed nec hic pedem figis. Utrisque enim curis ut capax tua mens est, serio incumbis, nec satis esse putas virtutem teneris instillasse animis, nisi & pari industria purioris literaturæ succo imbuas juventutem, & doctrinæ decus, tanquam fastigium, & culmen surgenti ædificio imponas: latinitatis præceptis rectè traditis coniungendo Græcarum quoque literarum cognitionem. Quarum altera, ut sine altera, claudicat; ita si jungantur, non artium solum ex iis semina hauriuntur, sed in rebus ipsis sublimioribus enodandis, una in alterius opem egregiè conspirat. Viderunt hoc, ævo patrum, in Italia Beroaldi, Barbari, Mureti, Politiani; in Gallia Turnebi, Lambini, Budæi; in Germania Erasmi, Sturmii, Grynæi, Camerarii, aliique innumeri: Adde quod Græca, ut nullo dictionis exoticæ fucō inquinata est; ita erudita est admodum & locuples, & multa de natura rerum, de moribus, de philosophia, de legibus, de medicina, de pietate, Græcis literis sunt consignata, quæ ex ipsis fontibus & facilius hauriuntur, & purius. Quid quod, quemadmodum Latina, alias copiâ suâ, atque elegantia ditat: sic Græca, (linguæ enim ut auri divitiæ quædam sunt) tum Latinam ipsam, tum alias quoque, auget, & adornat, liquidumq; rerum sensum fecunde, & facunde repræsentat. Quæ enim vis illi, & quæ dictio? quantum elegantia habet? quantum nervorum, & sanguinis, quantum etiam inferit? Me certè jejenum nunquam dimittit, nunquam Gratiarum, & leporum expertem. Vidit hoc Cato qui Philosophiæ causâ, senex græcam scire voluit. Vidit & eloquentiæ illud miraculum *Cicero*, qui licet proprietatem Romanæ linguæ, simul cum lacte materno, purissimo seculo, ex ipso latinitatis penu hauserit, aliunde tamen divinum illum suum sermonem, majoribus

incognitum, posteris omnibus tam admirabili, deprimpsit, & alia longè quam Latina exercitatione & auxit, & aluit. Ille enim quo inter alios excelluit sermo, non in Italia natus, sed è Græcorum subactiore disciplina, in Italiam traductus fecit, ut sola Ciceronis oratio, præ reliquis omnibus Romanis, qui illi, ætate aut superiores, aut suppare fuere, sub regibus, Decemviris, Principibus, non colore solum nativo purè tincta, sed Atticarum Venerum succo plenè imbuta, & Græcorum eruditione corroborata, tantum emineret inter summos illius temporis Oratores,

— *quantum lenta solent inter viburna cupressi.*  
 Quis enim sententiis illo aut acutior, aut crebrior? quis verbis aut ornatior, aut elegantior? Insigni omnibus qui Scholis præficiuntur, documento, ne committant aut nimia facilitate, aut incuria, ut græci illi Sapientiæ fontes, unquam in desuetudinem veniant, aut despectum apud illos, quorum maximè interest his musis græcanicis instrui. Nam si ipsa Latinitas florentissima sua ætate, in ipso puræ, id est Romanæ locutionis centro *Roma*, domicilio imperii, in ipso Cicerone, omnium suffragiis uberrimo, & inexhausto facundiæ fonte, ad summam perfectionis *in pulv* sine græca lingua non assurrexit, quæ illa fodes dementia est, in sola Latina quærere, quod Cicero ipse, qui victurus quamdiu ulla nominis Romani extabit memoria, absque Græca non invenit? cur temerè quis speret consequi quod ille non potuit? cur imprudenter contendat eam inire viam, quam ipse insistere noluit? cur ejus consilium detrectet, quem solum, aut potissimum in ea parte & arte, tanquam summum ducem, sequendum esse nemo non statuit? Nisi forsitan Cicero ipse iudicio quidem pollens, aliis tamen & inutilis consilio, & ineptus exemplo, planè esse videatur. Quas igitur *Cicero* linguas sibi re ipsa utiliter, aliis exemplo prudentissimè conjunxit, & filio jungendas injunxit, non  
 in



in Philosophia solum : sed in ipsa etiam dicendi exercitatione , absit ut earum studium & amor , nostris unquam animis exoleseat , aut aliquà in contemptum veniant , quæ summam laudem merentur. Sed doleo ex interioris mei animi sensu, imo indignor , cum ævum video (sive hæc pœna sit, seu vicissitudo rerum fatalis) paulatim inclinare ad barbariem , & amœnioribus his studiis non dicam aversum , sed inimicum. Hodie enim quàm multi fuci , quorum animus inerti otio torpet, & quibus nihil proclivius est , quam dulcia hæc antiquioris literaturæ mella aspernari , & puriores doctrinæ favos ? qui cum loqui nesciant , hoc unum in tanta literarum luce asini rudunt , *Græca esse , legi ideo non posse ; non debere : φύσεως ἐνδεΐα* ut scribit Platoniorum mellitissimus *κατακρηματίζοντες τὰ μὴ δυνάμεθα χωεῖσθαι*. Quid quod nonnulli græcari malunt quàm Græcissare, genioque suo indulgere quàm ingenio , quia labores , qui ad ea ducunt , aut detrectant, aut horrent ; superbè respuentes nobiliores has *Musas*, ut honestè nesciant. Amplius, quàm multi hodie patres inepte stulti , qui hanc in filiis græcarum literarum nauseam non foveant modo sed movent ? rati *Iura* tractari posse, sine his adminiculis ( nec tam cara capita , tam rara pignora , fastidiosis linguæ longè molestissimæ tyrociniis fatigari debere , aut obtundi ; sufficere si vel leviter libata Latinitate , per sacra *Themidis*, ad honores proruant triduani J. Cti. & ad Remp. vocati nihil præter togam & barbam afferant. Hæc quoque vota matrum in liberis : hinc viri, hinc docti censentur. literatura, amœniores musæ , historia , linguæ , antiquitas , & quidquid hùc non facit, quisquilix , & nugæ ; & voto eorum jamdiu *Doctrina* omnis sit fumus, imò nihil , eoque ventum apud hos tales, ut proparum sano sit , qui non sic insanit. Scilicet intertiæ jam reverentia debetur , omnibusque artibus antistat hodiè indulgentia liberorum, & spes

R 4.

lucri

Iucris, *gratiorque longè est nummus auri, quàm quidquid Græci condunt, & promunt sapientia* : aut si placent artes, illæ placent quæ pecuniæ serviunt. Ex hoc numero deinde veniunt ad gubernaculæ rerum, Principum aut Ordinum consiliis intersunt, aut præsent, & vel *Iustitiæ* aut *Militiæ* clavum tenent. O Patria, ô mores ! sic heu ! pessum ire nunc amœniores literas, & suam habere *Emathiam*, suas *Cannas*, dum quæsito colore vitia rerum obvolvuntur, ut ignorantia in pretium veniat, & laudem eruditionis supplantata.

Sed hæc privata, publica magni quid moluntur, & grandibus passibus nunc eunt, ut iudicia nostra sunt, & vota. Apparatus, ut vides magni hîc, alibi, ad nostri, & Germaniæ quæ nunc miseriarum fatalis sedes videtur, libertatem; ad quam si non ut membrum, ut appendix trahimur. In *Bavaria* res Sueci calent. Urbes in ea quædam expugnata, quædam deditæ nunciantur. Hostes nova clade affecti, cæsi, fusi; formido ubique, & terror à funesta hac strage, quæ ortum Imperiû præfigere mihi videtur in Austriaci occasu : & ut istæ ab *Arcto* nubes minantur, non diu erit quin & ipsa,

*Austria terribili tremet horrida terra tumultu.*

O res humanas, & infida sceptrorum ! sed quid nisi præludium frangendæ magnæ illius *Carthagini* à boreali *Scipione*, & stabiliendi mox Imperiû pariter ac pacis. Quid hæc ad nos ? inquires : Imo ad nos. Unica enim ea via est mittendi in compendium Belli. à quo terrarum tractu abjuncti, non causa, non fœdere sumus. Dum magni illic, & decumani fluctus surgunt, *perhæria* nos habet & tranquillitas. Diu ita sit, & aurea secula redeant & vivamus in *Patriæ* securiorem vitam. Momentum haud leve ad eam adferunt ( si quid auguror ) *Gustavi* trophæa, quæ perennare opto, & bellum, in quo omnium tragicorum malorum agmen, quasi mare quoddam exundat, extra fines nostros ire, restituta Germaniâ. Quid enim aliud

aliud est, quam illa Sophoclaea ἐρευνῶντες πολύχειρ, πολύπες, χαλκίπες, Religionis cursum, morum disciplinam, literarum otium, & omnes suavioris felicitatis partes penitus suppressens; ut in agris fructum subita calamitas. Sed abrumpo: ne abeam, quod Græci dicunt, ἐκτὸς ἑρῆς ἐλαίου. Plura eorum, si Deus mihi vivere det & valere. Ille te, vir doctissime diu incolumem servet rei literariæ, & tuis. Saluta optimos viros, & ex asse amicos *Suvalmium*, & *Ampsingium*. Tuæ etiam ad nos litteræ. Mihi crede, non *Castor* & *Pollux* stellæ tam gratæ nautis, turbante mari adfulgent, quam mihi illæ. Sed quando erit? *Moram* pœnam duco, & sentio. Delphis è Musæo nostro, propriid. Kal. Majas clo. Ioc. xxxii.

## SAMUELI AMPSINGIO

S. D.

Eodem.

**T**Riste mihi fuit vir amicissime, & juxta lachrymas, audire de conjugis tuæ obitu, imo uti ii qui de cœlo tacti sunt, silui fateor, & stupui. Heu sortem humanam! homuli quid sumus, aut quid hæc vita? quam exiguum hoc quidquid vivimus, & casu pendulum! quàm vitrea res, valetudo! quàm dubiæ spes nostræ, quàm fallaces! Uxorem habuisti probam, castam, sine fuco aut pompa, viri olim & liberorum amantem, domus suæ, & œconomix intelligentem. Et satis hæc in scœmina. *Mulier quæ ultra mulierem sapit, non sapit*. Sed heu! habuisti, & vinculum hoc conjugale rupit nigra illa *Diva*, omni ære durior, ac ferro. Dejiciant hæc mi *Ampsingi*, nisi caducæ sortis intelligens animus clavum teneat, & melior ratio fulciat; non illa quæ hominem redolet, sed quæ Deum originem suam ducens è cœlo, non ex cerebri humani cœno. Tu eam, per Deum & illam ipsam quam luges, adi, & audi, ad-

R. S.

missamque

missamque semel in animum, digere, cole, serva. In hac officina herbæ, & medicamenta, in hac dictamnus & panacea, quibus patientia in animo excitetur; & quibus & virtus, & robur in omnes res adversas, quod nec malorum aries comminuat, balista frangat, evertat catapulta. Vulnus tibi inflictum ex hoc casu? I, & unguentum hinc pete. Aegritudo tibi & luctus ex tristi jactura tam cari capitis? hinc mœrorum solatia deprome, & lenimenta. Erepta viro, crepta liberis? Quid hic fodes novi? Quotidie tales in vita casus: & hominem cum video, navem videre irato in pelago videor, quam novi fluctus semper succutiunt. Sed novum in nobis erit aut nostris, quod alibi & in aliis frequens? Frustra quis queritur in ea conditione se esse, in qua nemo non est. Ita enim nati sumus; nec alia lege intratur in hunc mundum, quàm ut ex eo migretur aliquando, cum vitæ illud depositum reposcit ille qui vitæ autor. *Qui exire ex hac vita detrectat, intrasse non debuit, & qui mortalem se dolet, dolet se hominem.* Malus *Athleta* est qui carceres spectat, non metam. Malus homo, qui natus, negat mori; pessimus debitor, qui creditori facit convicium, & naturæ debitum solvere, solus abnuat, quod omnes. Sed in eo peccamus, quod quisque de se tantum est sollicitus & suis, & quod de aliis legit, audit, videt, insolentiam, aut injuriam interpretatur, si in familia videat. Malè. Nam *ut in arbore cum undique fructu suo onusta est, alia confertum & impetu, alia sensim, & singula, sed tamen assidue cadunt: sic in nostro hoc genere, & densi, aut singuli morimur, proprio, vel communi aliquo fato.* In quo, qui animum firmat & munit, mori ille quidem potest, vinci non potest; mori quoque videt suos, sed non extinguere; abire, non obire. At inquires, nimio citius & in ipso flore ætatis. Quàm multi ante illam, & cum illa? quàm multi etiam post illam? quoties olim vidisti & nunc vides fieri in aliis, quod in tua? nemo nimis cito moritur, qui victurus diutius,

tius, quàm vixit, non fuit. Si in optimo ævo, etiam in fama optima. Vita est, non quæ in hac mole, & spiritu: sed quæ in memoria virtutis, & posterorum consistit, & non nisi in æternitate ipsa terminatur. *Ut hortulanus plantas quasdam ne degenerent evellit, & utitur, quosdam fructuum immaturos adhuc, & acerbos carpit, ne vitio contracto, aut ventis excussi, cadant: Sic in plantario hoc mundi, summus ille Agricola, alios aliosque alias carpere solet, quemque in suum usum.* Quid? hic obstrepes? noli. Voces, aut lamenta sparges? Cave. Nihil ille quod non è re nostra sit vult, nihil decernit quod non utile, non tempestivum. Certè sic Christiani instituti, sic imbuti sumus, vitam hanc esse carcerem, lachrymarum vallem, navigationem periculi plenam, per brevina, vada, syrtes; profectiorem è terra in cœlum, per nemora; & resqua hujus mundi. Mortem contra refugium, & asylum malorum & in mundi his fluctibus portum, quem sapiens nunquam fugiat, imo Deo vocante, totis velis in eum feratur. Quid ergo dolori nostro lenocinamur? Quid querelis prosequimur, quod votis debebamus? Obiit? ab exilio, ad patriam ivit; è carcere, ad libertatem. Abiit? à terrenis, ad cœlestia, à fluxis his bonorum umbris, ad aternas illas opes. Pia enim animæ deest quantum restat, nec unde veniat perpendit, sed quò tendat. Obiit? stadium vitæ decurrit, & è turbis curisque educta, non ut corpori inquilina, sed Domina, humanæ felicitatis metam attingit, palmam tenet. Quisquis luget, videat ne invidenti propior sit, quàm amanti. Sed privari dulcissimo hoc convictu, contubernio, alloquio, aspectu, grave est: à parte nostri dispesci, costam vivo evelli, sub terram condi, & semimortuum alteri sui parte, id est vitæ, & curarum consorti superesse, durum. Hi sunt fateor affectus conjugales. Sed ratio quæ homini propria, & sacra quasi anchora in his malorum procellis, quid dicit? melius esse discessura nobis

bona, quàm nulla contingere; satius non diu felicem esse quàm nunquam. Quid amplius? commune debitum esse, communem legem, quam alii subierunt ante te, tecum quotidie subeunt, & post te subibunt, quicumque facti ad hanc legem *nasci, surgere, languere, mori*. Hac rerum vicissitudo, cui quisquis resistit ne hilum proficit, & more gigantum cœlum impugnat. Quæ si cogitas, dolori tuo quis hic locus? Aut si dolori, quis patientiæ? cujus hoc proprium, ferre quæ *Deus* immittit, nec obniti. quis amor? qui cum sua noxa, benè etiam illi vult, quam amat: nec revocari optet, aut retrahi in hanc mundi scenam quam summa beatitudine frui certò confidit. Ratio si recta est, superari à dolore non debet: si firma, non potest. Mortem quam vocamus, exitus non est sed transitus, abitus non obitus, torrenti similis qui ferè saxis admurmurat, & plus terroris ostentat quam habet. Amissam doles? non amissisti; sed præmisisti, ex tenebris ad lucem, ab hominibus ad Deum. Cara illa tibi? sed carior tibi Deus, qui eam voluit ad se traduci ex turbido hoc vitæ oceano in portum; & corporeo hoc ergastulo in libertatem. Placuit id Deo? placeat & tibi. Quod vult velis; quo ducit eas, & nisi facis, trahendus nihilominus, aut impellendus. Quid abstulit, nisi quod dedit? quid recepit, nisi quod ad tempus tantum dederat? Spartam etiam, & stationem tuam cogita, in qua à Deo collocatus, Sacra tractas, & in pretioso illo animarum deposito, curæ tuæ studia occupantur, & ab iis jam animus colorem aliquem ducit: suscipe sodes personam, nec patere domesticam calamitatem verti in Ecclesiæ noxam. *Q. Marcus* ea olim animi constantis fuit, & *Supia*, ut ab ipso rogo filii & quidem unici, in curiam veniret, operam Reipublicæ navaturus. Quid Rutilia? matris certe affectum sic temperare potuit in ipso luctu, ut nemo lacrymas ejus post elatum filium notarit. Tu eximium illud Romani pectoris robur non mirare tantum, sed

sed imitare. Qui doctus in longè meliori Schola didicisti, vitam hanc peregrinationem esse ad patriam nostram; mortem, ad eam viam esse, imò portum, in quem qui delati sunt pulsari desinunt, & jactari. Vexeris, plores, gemas? cursus, & lex illa rerum manebit, fixa & sancta ab æterno. Quid si *Deus* per hanc viam nos explorat simul, & expurgat? Sequamur sodes compositi, placidi, lati, gnari nempe ab optimo illo optimè omnia regi, & temperari, suamque illi semper constare rationem, etsi nulli reddatur. Mihi crede, mens quæ ad ista adsurgit, ad luctum non dejectur, & scit mortem homini non tam supplicium esse, quàm tributum; & hoc vivere nostrum, punctum tantum esse temporis, & puncto minus: in quo præsens instabile est, præteritum nihil, futurum incertum. Et in hoc instabili, casum excipit casus, dolorem dolor, miseriam miseria: nisi tamen animo stamus, solo hoc decreto beati, neminem ab his externis dici posse miserum, nec esse. Imò nihil miseriùs illo, qui miseram eam dicet, tot miseriis ereptam. Cogita, & te vel propter tuos ad animi firmitatem compone, quibus unicum nunc es in hac amissione optimæ matris, præsidium & decus. Utriusque parentis vices nunc supple: O sic persevera, ut dulcissimæ matris orbitatem doleant tantum, non sentiant pupilli, in tam benigno patre. Gymnasia hæc sunt virtutis, & patientiæ, quæ ad omnem fortunam nos firman, ad omnem statum nos formant. Nam qui in turbato, & afflicto isto contubernio tot liberorum, omnia ad votum expectat, aut exigit, fallitur. Tristitia hic multa, & molesta interveniunt, sed ferenda: & ut fructus crudos adhuc, & æcerbos non rejicis, sed maturitatem patienter expectas: Ira hic faxis, & dictum factumve aliquod juvenilis incogitantia dissimula, aut nec vide, memor & tuæ olim pueritiæ, & deliqui morum in hac ætatula. Sed desino talium: quia iis nihil apud te opus, qui jam pridem didicisti quid sit *PATREM*

T R E M esse , & blanda severitate aberrantes reducere in officii gyrum. *Ut enim equorum domitores ferocientes , non flagellis exasperant , sed popysmis blandè tractant , & demulcent.* Ita hic tu. Sed diffundor , nec mirum , quia ut flumen in plures rivos diductum minuitur : sic luctus amicorum communicatus cum aliis, levior fieri solet & minor, & quæ aliunde nobis veniunt solatia , agritudinem haud rarò lenire , & aliquam dare mœrori nostro auram. Opto ita sit, & te valere validè, & longum tibi & tuis, ex animo precor: atque in hoc voto, alia, & epistolam ipsam claudio. Delphis  
III. Non. Majas M. DC. XXXII.

A U S r. I. M U Y S D E H O L Y.

M Onsieur , *La verité (cedit un ancien Pere) n'a honte que d'estre cachée : parce qu'en sa face paroist tant de beauté & de grace , que l'oeil ne la peut regarder sans affection , ni le cœur la recevoir sans plaisir & contentement. C'est le propre du mensonge d'avoir ses cachettes, & recoins. Le visage duquel est si difforme & hideux, que si ses plus passionnez Amans , n'en estoient extrêmement aveuglez, & espris , ils auroient honte , & horreur de l'avoir embrassé. Qui a il donc de plus necessaire , que de descouvrir, & estaler aux yeux du Monde, la beauté de l'un pour l'aimer, & la laideur de l'autre pour le fuir, & hayr ? Sur tout en ce siecle, auquel l'impieté semble avoir rendu sa gorge, & où le mensonge qui ne souloit parler qu'entre les dents , & se desguiser par equivoques , ayant pris front de fer , ose se desborder publiquement , & sans masque en blasphemes, & vomir l'infection des plus abominables heresies : qui comme un deluge universel ont passé & passent encore journellement par dessus les hautes chaussees de toute raison. Et comme le mal va tousjours en croissant : aussi voit on les erreurs comme une contagion, & gangrene de l'ame, entrer comme à flot & en foule*



foule au monde , & avoir de plus en plus la vogue , parmi ceux , ausquels le Dieu de ce siecle a aveuglé les entendemens , & crevé les yeux pour ne pas voir les destours , & precipices du mensonge. Car sachant que son temps est court , il le mesnage , tant qu'il peut a son avantage , & ingenieux qu'il est à nous perdre , pendant que nous dormons , il seme & espard sa semence aux champs du Seigneur par ses emissaires , & esprits abuseurs. Si que par tout ou Dieu a un Temple , Satan comme par concert ; & comme singe de Dieu , bastit une Chapelle aupres ; & où il ne peut supplanter ou destruire la Verité en luy contredisant , il tasche de la brouiller , & obscurcir en la contrefaisant , ou desguisant. Mais tout ainsi qu'ès grandes maisons , s'il advient que les chambrieres , & valets font le cheval eschappé , ou s'entrequerellent , comme la Maistresse vient , chacun s'enfuit , se cache & a honte ou crainte d'estre surpris : Ainsi quand la Verité se monstre , & se met en veüe , le mensonge honteux de ses haillons , & de sa laidur , se perd , & cede à la Verité , comme les tenebres à la lumiere , & l'obscurité de la nuit , à la splendeur du jour. C'est ce qui a esmeu de tous temps , & encores en nos jours , plusieurs grands personnages d'insigne pieté & doctrine , de publier cette Verité , non seulement de bouche , mais aussi de la plume en leurs solides & doctes escrits. Et tel est aussi entre autres le zele de l'auteur de ce livre , qu'il vous a plu m'envoyer. Car outre les belles & excellentes doctrines , & consolations , qui y sont contenues , vous y voiez le mensonge attéré , les abus destruits & mis au jour , la Papauté , caverne de Cacus , estable d'Augie , convaincuë de fausseté , en ce qui est des principaux articles de foy au mystere de nostre redemption. Et à ton droit. Car si I. Christ n'est laissé tout entier à ceux , qui croient en luy : si on ignore le moyen par lequel l'homme pecheur subsiste devant Dieu : s'il est tenu continuellement en bransle , & incertitude de son salut : s'il peut croire à credit , ou par procureur , sans savoir , sans connoistre : si l'assen-

si l'assurance de passer de mort à vie, est entrecoupée, & troublée par des narrations fabuleuses d'un feu de purgatoire. Quel est le Christianisme ? quelle la marque interieure & essentielle d'un homme racheté par un seul I. Christ & appuyé sur luy seul, sur son merite, sur le sang de sa Croix ? quel le prix de ce sang, s'il y a un thresor en l'Eglise, autre que celui de Christ, duquel le Pape a la clef, & d'où se tirent les merites, & œuvres de supererogation des saints & saintes, les absolutions & Indulgences Papales, & autres piperies blasphematoires ? Si par gain deshoneste on fait traffique des ames ? si on tâche de persuader aux hommes : que la grace de Dieu s'achette par argent ? si douter c'est croire, & si croire, c'est presumer, & estre arrogant ? En somme si la pieté n'est aujourd'huy, qu'un aveuglement volontaire sous ombre de docilité, & la Religion une devotion tremblante, & superstition servile, pleine d'idolatrie ? Car jusques là en est venu un de leurs principaux Docteurs, le Cardinal Cusan, qui veut que l'obeissance brutale soit l'obeissance parfaite, par laquelle on se laisse conduire à l'autorité de ses Maistres, tanquam jumentum fessori, comme une beste obeit à son guide. Quin'est à la verité, autre chose, qu'accoustumer le peuple à tirer son salut à trois dez, pour estre sauvé ou perdu à tout hazard, en se meslant parmi une troupe d'aveugles, & ignorans qui se payent de toute monnoye ; & comme des Samsons à qui l'on a crevé les yeux, vont par tout où on les mene, & suivent sans connoistre. Theologie certes inconnue à toute l'Antiquité orthodoxe, & vrayment catholique, ains sortie du puits del' Abyssme. Aussi le monde y voit trop clair, pour se laisser embeguiner de tels abus, dez qu'il a veu, & leu tant soit peu l'Escripture, qui nous desfile les yeux, & nous trouvant endormis mortellement en une profonde lethargie, nous resveille par les clairons, & trompettes de la parole de Verité, qui brise les rochers, & est plus penetrante que nulle espée à deux trenchans, & atteint jusques à la division de l'ame & del'esprit, & des jointures,

res,

res, & des moüelles Heb. 4. 12. C'est cette parole que le sieur Marmet nous detaille si dextrement en ses sermons sur le text tiré du livre de Iob, & l'applique comme une medicine salutaire aux consciences abbatues du sentiment de leurs pechez; & comme un restaurant excellent aux affligez, en toutes sortes de maux, & adversitez; afin qu'à l'exemple de Iob vray patron de foy & de patience, ils tiennent leurs ames en assiete aseurée, durant les plus furieux orages, & bourasques d'affliction, dont ils se trouvent agitez, & parmiles plus grieves tentations, & combats de l'esprit. ils se roidissent par la foy contre le torrent des doutes & frayeurs, & par les promesses de Dieu, ancrées sur le rocher de Verité. Semblables à l'aiguille du quadran, qui au milieu des plus grandes tempestes demeure tousjours immobile, & arrestée sur un point; pource qu'elle se gouverne selon le ciel: Ou au Cube qui demeure tousjours ferme en son plan: car aussi tous accidens humains sont sous les pieds de la foy. Foy que l'auteur nous represente si naïvement, & solidement, en ses parties, causes, effets, conditions, qualitez, marques, comme aussi en ses combats, defaillances & pasmoisons, soustenue cependant tousjours par la vertu de celui qui la donne, & espend en nos cœurs, qu'il ne se peut faire que toute ame chrestienne en lisant ces sermons, ne s'en trouve grandement instruite, & edifiée: ne benisse aussi & le travail de l'auteur en cet œuvre, & le zele de vos Sires qui avez fait conscience de cacher un si precieux joyau, & d'enfoüir cet alent en terre. Puissons nous voir souvent de tels escrits naistre & se mettre en veüe par la diligence, & liberalité de ceux qui desireux de la gloire de Dieu, & du salut des ames contribuent leurs biens pour l'avancement d'un si grand bien, & versent aux pieds de Christ l'or & l'argent, que les enfans du monde gaspillent en vanité, & foles despences. C'est l'endroit Mons. où je finiray la presente, priant Dieu, vous combler de plus en plus de ses graces, & vous accroistre

le ze-

le zele de sa Verité à sa gloire, & à vostre salut. De  
Delf ce 16. de Mey 1632.

Vostre affectionné & serviable amy  
I. de la Croix.

JOHANNI CRUCIO  
S. D.

Harlemum.

**O** Nuncium lætum! ô gratas literas!

Ὡς ἡδονῆς, καὶ τέρπουσι: καὶ χαίρουσι!

Itane penè ex insperato melius factum esse tibi? Itane respexisse bonam te *Hygeiam*, & valentem nobis reddidisse, quem *Parca* dejecerat, & affixerat lecto, per satellitem, & tortorem ferbrim? Scilicet hæc rota est, & vicissitudo rerum in hac vita: quæ ut rosarium est, in qua flores spinis suis intermixti, similisque aëri quem ducimus, & in quo versamur qui modò sudus, modò udus. Ita *Deo* visum temperare vitæ hoc *Faler-num*, nunc melle, & delicio optatæ valetudinis; nunc absinthio mœrorum, & ægritudinum. Nempe ut aquæ diutino situ vitium capiunt: sic animi nostri assiduo vel otio, vel *Ἀεζία*. Utque intermissio armorum dulcedine securitatis, gloriæ insidiatur, & virtuti: ita prospera nimis animos molliunt, & frangunt. Concussi unculis interdum opus est, quæ nos moveant, & torpentem animum excitent, in vitia labilem nimis, & pronum, nisi retractus per has noxas in viam frugi redeat, & bonæ mentis. Videsne ut in medicina quoque tristitia, & acerba propinentur, sed salutis causa? & ab hoc fine aded non odimus medicos, amamus, & laudamus.

Qui assiduè in tutis aut lætis rebus, parum eas gustant, aut oblectantur: atqui in dubiis aut adversis, votis & suspiriis poscunt. Idem nobis. satietas nauseam plerumque parit & fastidium; carentia desiderium, diuque optata si veniant, dulcius

cius obtinentur. Et ut veris amœnitatem nemo melius capit, quàm qui brumæ diu sustinuit frigora, nebulas, nives. Ita nemo sanius de hoc vitæ thesauro judicat, quam qui caret. Quid quod hæc morborum deliquia, mortalitatem ingerunt egregiè, & inculcant, auremque ægro vellunt, ut in tanta temporum fuga vasa colligat, & cogitet de discessu. Quid enim morbi, nisi prodromi itineris in patriam? danistæ importuni & exactores tributæ naturæ? qui tanquam lictores ægrum adducunt ex corporis & vitæ stabulo, velut victimam nigræ illi *Divæ*. Felix qui quotidie est in procinctu; navi similis quæ primo vento velificationem parat; & militi qui stationem linquit ad Imperatoris sui nutum. In partibus Scythiæ homines quosdam nunquam domicilium figere, sed plaustro se suaque identidem transferre, memoriæ proditum est. Id vere Christianum decet: dolium hoc nostrum more Diogenis, identidem volutandum est, sistendum rarò, figendum nunquam & nusquam. Nimirum ut in scena partes qui peregit, personam, vestemque ponit, & libens domum abit: sic nos à vitæ, & mundi dramate in superam illam sedem. Leontinus Georgias, ex numero eorum qui dicendi artem, ante Socratem in Græcia profitebantur, cum nunc senex esset, vicinus morti, quæreretque ex eo amicorum aliquis, qui lecto adstabat, an libenter moreretur? *Minimè*, inquit, *sed ex putri illâ domo, maxima cum voluptate excedo*. Sentiebat nempe vir altæ mentis, veram vitam neque duci in hoc corpore, neque mori eos qui ex hoc corpore discedunt. Eam, verò magnam esse animam, quæ hoc ipso tanquam hospitio utitur. De mea si quæris sceletro propior, quàm homini, morte infestiorẽ vitam trahit, ita fracta, & exhausta, fatiscere identidem videtur sub tanto malorum onere, & febrium carnificina. Miselli homines, quid sumus? quàm fluxa, caduca, imò nihil, ver, & flos vitæ! De reditu ad  
valetu-

valetudinem quæ jam afflictissima est ψυχὴ ἐκ μὲν  
ἐλπίς. Morbus enim nescio quis ἀδύνατος

ὅτε μέλιστα,

Τηκεδόνι συγερῇ μελέων ἐξείλετο θυμόν : καὶ

Διὰ δακτυλίσκου ἐν (αὐτῷ) γ' ἂν διεκλύσταις.

Spes tamen, quandiu vita : quam extinctam penè  
restaurare potest, & ἀναζωπυρεῖν, καὶ ἰατρὰ μα-  
gnus ille *Æsculapius*, & vitæ autor. Ego quid ?  
inter suspiria & gemitus ; inter spem, & metum  
rem gero, & in hac virtutum officina mortalita-  
tem disco, & improvisos vitæ casus, in omni æta-  
te, & sexu, ac quidquid circa me jacet rerum, tan-  
quam hospitalis loci sarcinas specto : quia alia ori-  
go nos expectat, alius rerum status. Vis me ve-  
rum dicere ? nescio an quidquam salubrius esse  
queat animæ christianæ, his exercitiis. *Disciplina  
enim mores facit, & id sapit unusquisque quod didi-  
cit. Quin ut Athleta, cum in gravi certamine  
versantur, & sub ictibus stant, animos à plagis su-  
munt : ita sapiens ab afflictionibus robur ; à dolo-  
re tolerantiam. Præclarè Augustinus : Molestus  
est medicus furenti phrenetico ; & pater indiscipli-  
nato filio : ille ligando, hic cadendo, sed ambo diligen-  
do. Si autem illos negligant, & perire permittant,  
ista potius mansuetudo falsa, crudelitas est.* Sed ita  
natura comparati sumus, ut maxima hominum  
pars, cœlestem hanc disciplinam non detrectent  
modo, sed horreant, & quidquid triste in ea est  
aut acerbum acriter & intentè volvant ; quod in-  
est boni, vix ac ne vix levi cogitatione delibent.  
Rigemus, aut diffluimus mortales ad quemcun-  
que rerum adspectum. Res prosperæ ac serenæ ?  
gaudio peccat animus. Adversæ ? luctu. Confusa  
quasi temperie pectoris, aut frigore corripimur,  
cum se prospera subducunt ; aut æstu cum adful-  
gent. Malè. Nam ut torrem seminum è foco qui  
tollit, non ea parte trahat, quæ incanduit, sed quæ  
friget : sic nos decet non acerba hac, & urentia ma-  
lorum tangere, sed magis benigna iniis, & levia. Quid  
adverso hic ferat æstu, & ventis ? aut turbatum  
jam

jāni flamen turbem etiam magis impatientia : Non soleo , sed fero , & ad *Deum* à quo hac manant refero , quidquid ei malorum immittere decretum. *tribulatio enim medicamentum est ad salutem , non pœna ad damnationem : sub medicamento positus uror , secor , clamo ? non audit Medicus ad voluntatem , sed audit ad sanitatem.* In hoc mundo quasi in campo certaminis , positi sumus : qui hic dolores , aut plagas , aut tribulationes non suscepit , in futuro inglorius apparebit. Ita est. Plerunque magnis gaudiis dolores adhærescunt ; & magis periculosa navigatio est cum vento secundo , modo in hanc modo in illam partem fluctuat anceps velum , quàm cum adverso turbine anxie sinus obliquat gubernator. Beati quibus succensere dignatur Deus ; nam *medicus cum curare desinit , desperat.* De publicis tu nihil ; nunciantur tamen & bona ; sed satini fida ? opto equidem , quamquam haud raro dispalescant aliter , atque gesta sunt. Certè

————— horrida passim

*Bella tonant , trepidumque quatit discordia mundum.*

Magni alibi , magni hic apparatus ; arcana ultrò citroque communicata consilia. quæ cum video non possum quin cum Homero illo Ulysse dicam

*Κήδεά μοι καὶ μέλλον ἐνὶ φρεσὶν ἢ ἄρ' ἀέθλοι.*

Quia haud rarò solent eludi , à magno illo *Deo* maxima etiam Principum , & Rerumpublicarum molimina , & tentamenta , cum spes nostræ , vota , oculi in homines intenti magis , quàm in *Deum*. Unum tamen mihi spem facit , animumque addit , quod Dei causæ hæc militant , & Veritatis propagationi in accolæ gentes. Finio : pluribus coram. Tu interim & *Cornelia* tua , cum utroque filiolo valete , & longum. *Suvalmio* quo nihil ἀκρίβηστερον , & *Campio* , viro moribus plusquam niveis , ex me salutem. Audire gestio , quid valeant. Delphis Prid. Iduum Maji Cl. Ioc. XXXII.

GERARDO SGRAEFWEGIO, J. C.  
S. D.

Hagam-Comitis.

**F**ORTIBUS solatiis leniisti ægritudinem meam, vir doctissime, & luctus mei ardori opportunè frigidam suffudisti. Ita certè oportuit. Τὰς γὰρ φίλους ἐν τοῖς κακοῖς καὶ τοῖς φίλοις ἀφελεῖν Amicus nihil potuisti in amicum. Ea enim demum vera amicitia est, dolentibus condolare, & labantem tristitia animum, piarum consolationum statimine surrigere, & divinioris Sapientiæ pedamento. Hominem me fateor, & quæ mihi non ita pridem humanitus evenerunt, in luctuoso conjugis longè carissimæ obitu; ita me perculere, ut vix ac ne vix mœrori ferendo fuerim. Nempe sine dolore non amittitur, quæ cum amore possidetur; neque tantum gaudii veniens tulit, quantum abiens doloris. Quid enim vel marito durius, vel familiæ gravius accidere potest, quàm ab ejus consortio divelli, & œconomix cura, quæ utriusque numeros implere nata erat, & facta ad conjugii felicitatem? Sed cum ea rite apud me deputo, quæ tu velut ex tripode Oracula, non minus doctè, quàm piè suggeris, animam ad patientiam & firmitatem compono. Mors enim nostrorum, si eam sanis rectisque oculis intueamur, doloris portus est, & *Animula mea* mors, non funus fuit, sed scœnus. mortua enim peccare desiit, & migrans ex hac vita, vitam iteravit, in qua gaudiorum nec modum ullum scit, nec finem. Quid adimet ægritudinem, nisi hæc adimant? Accedit & defunctæ in obeundo fato plus quam matronalis fortitudo, & alacritas quam quoties expendo, ac præteriti temporis memoriam replico, haud facile dixerim quantum mihi pariter & admirationis adferat, & solatii. Admiratus enim sum non semel, hac ista adhuc ætate virenti, & vegeta, masculum illud in sequiori sexu



sexu animi robur, quo *Mea* fati sui legem excepit. Nam cum antea semper in utroque fortunæ vultu par illi & æqualis animi tenor esset, tum in extremo vitæ actu, quo etiam sanctissimi haud rarò percelli solent, ac conturbari; tanta constantia munitum pectus habuit, ut nulla doloris vi, nulla mortis formidine, de statu mentis sese dejici pateretur: rata nempe nihil esse turpius, quàm in ipso limine securitatis esse sollicitum. Quin & ardentibus votis hilarique oculo optabat, cum illo gentium doctore Paulo, hoc corporis tugurio liberari, & esse cum CHRISTO: Cursoribus similis, qui spiritus & vires excitant, aspectu ipso metæ. Nihil aliud preces ejus, nihil suspiria, & gemitus, nihil denique cygneæ voces ab imo pectore elicitæ aliud spirabant, quàm vanitatis, & inanium Mundi contemptum, quàm seriam meditationem humanæ fragilitatis, peccatorum pœnitundinem, & certam fiduciam immortalitatis. Nec mirare. Jam pridem enim mori didicerat, & instructa quasi mul-tò antè ad iter in patriam, simulatque se morbo correptam sensit, continuo mens futuri præscia, augurata est decretorium illum sibi instare fati diem; idque non semel sermone, & vultu ad constantiam erecto, mihi denuntiavit, cumque ego aliquam ei spem facerem recuperandæ valetudinis, nec illicò si quid opis, si quid artis in Medicis est, despondendum esse animum, illa moto leviter capite, ut si jam collectis quasi sarcinis, in procinctu esset, nec ea res quidquam ad se pertineret, non passa est, se ejusmodi sermunculis deliniri, & credulitate, agnato bonis mentibus deliquio, animum inescari. Ac ne (quod sollicitæ ac prudentis Oeconomæ est) intestata hinc emigraret, supremæ voluntatis curas ordinavit, & in iis egregia amoris conjugal specimina præbuit, ne ei moriens defuisse videretur, quem obnixè semper viva coluerat. Toto autem illo tempore quo lecto affixa fuit, quanta ejus in perpetua

tua febris nunquam intermittentis lañena, quanta dico JANÆ meæ MILLINGIÆ tolerantia! perinde ac si longa potiendi consuetudo, callum sensibus obduxisset? quanta animi firmitas? quanta in ipso dolorum æstu mentis tranquillitas, ex vitæ antea actæ conscientia, & sensu illibata simplicitatis? Quoties erecto in cœlum animo, oculis, manibus, ad futuram aspiravit felicitatem & ad eam seria se pœnitentia communivit? Nempe *ut flores quidam non nisi ad cœlum se vertunt: sic piæ anima non nisi ad DEUM.*

Quàm intrepidè diem illum meditata est, cum standum sibi diceret apud eum *Iudicem*, cui nemo decoquit, nemo mentitur; & ante tribunal, ubi nullus fucò locus est, nullus involucris dissimulationum, nixa non suis (quæ nulla erant) sed Servatoris sui meritis?

In hac spe, & fiducia, vitæ satura, & rerum humanarum egressa corpore est, ut viva solebat è cubili, animamque ita placidè exhalavit, ut nihil ei ad summam votorum deesse videretur, tam leniter, tam suaviter expiranti. Habitus quoque corporis quiescenti, quàm defuncto similior, mortem piorum *somnum* verius, quàm mortem esse, astantibus prædicabat. Ita mihi occidit mea *Penelope*, ita cœlo recepta, grande familiæ meæ præsidium, & decus; & mortalitatem immortalitate commutando, ad cœlestem patriam commigravit: unde dono Dei tam rarum amoris pignus, ad nos transmissum erat. Sed quam per mortem caram amisi, cariorem olim recipiam, & beata æternitas aliquando me illi iterum conjunget, à qua brevi nunc temporis intercapedine sejungor. Benè Doctor ille Hipponensis; *Is solus*, inquit, *nil carum amittit; cui omnia cara sunt, in eo qui non amittitur.* Tu vale mortalium charissime, & animæ dimidium meæ, ac *Crucium* tuum amare persevera. Si quid erit in quo tibi queam gratificari, facito periculum, an ex animo te diligam. Cætera coram, quod

quod utinam fiat brevi. Tantum nunc licuit ad tuas. Dabam mœstus, gravissimoque domesticæ calamitatis vulnere afflictus. Delphis postrid. Id. Sextil. M. DC. XXXII.

*Clarissimo Viro ERYCIO PUTEANO*

*S. D.*

Lovanium.

**A**Nxia diu mecum deliberatione agitavi, vir clarissime, utrum mihi citra audaciæ notam fas esset liberius te compellere: sed vicit cunctationem amor; pudorem, nominis tui veneratio, quæ fluctuantis animi assensum tandem in eam partem flexit, quæ bonorum omnium vota conspiranti suffragatione diriguntur. Ita enim fere comparati sunt literarum amantes, ut amicitias eorum calidè ambiant, qui ingenii sui monumentis, ac virtutum fama, nomen perennitati consecrarunt. Nempe ut magneti quædam vis est, trahendi ferrum: sic doctis, conciliandi sibi animos illicio literarum, & rarioris ingenii palpo. Tu mihi talis doctissime Puteanè. Ex quo enim legi scripta tua, notas elegantissimæ indolis, & exquisitæ doctrinæ, *promulsidem* dico Epistolarum, bellaria, & *apophoreta* id est, amœniores styli delicias, subiit fateor animum admiratio Venerum tuarum, & lepōrum, quæ usque eò amorem tui in me accendit, ut etiam invisum, atque ignotum exosculari, haud invitus compellar. *Historiam* tuam *Insubricam* jam aliquandiu publico juri vindicantem, nec vidi nec legi: sed si σοφῆς μοι δέμῳ καὶ ἐκ τῆς κεραιῆς τὸ ἱερὰ πινύσκειν, & ex scriptione virum, quis dubitat & in hoc argumento triumphare Puteanum, succincta rerum narratione, candore, materia, ordine, stylo: nec minorem docto huic seculo censerī historicum, quàm literatorem; non infeliciorem, quoque imitatore *Curtii*, *Sallustii* & sagacissimi scriptoris

S

*Taciti,*

*Taciti*, quàm *Ciceronis*. De literis certè si iudicium postulas, dicam quod sentio. Merum mihi *nectar*, mera *ambrosia* sunt, ita dictio in iis tersa, pura, facilis, inventio lepida, flosculis sententiarum ubique, & similium deliciis molli-ter luxurians: ut non nisi à polito ingenio, manare possint politiores illæ *Musa* & *Gratiarum* elegantia.

Verbo. Doctrinæ partes habes suprâ invidiam: que is ad æternæ famæ templum, non sine faustis acclamantium votis, vel quadrigis albis subve-ctus properas. Sed eam solam spectari à me, aut æstimari si censes, erras. Amo, amo candorem, vir-utem, humanitatem & ejus studium in viris præ-ferim literatis, qui quò magis se demittunt, & in celso dignitatis fastigio, fasces benignitatis suæ ac benevolentia comiter submitunt bonis, hoc al-tius assurgunt, magisque enitescit egregia virtutis, & ingenii eorum indoles. Neque enim ma-gnorum virorum gloria, muneris tantum ampli-tudine, & titulorum splendore metienda est, sed multò magis æquabili morum tenore, qui clarius elucet in recessu intrâ privatos lares, & *Vestæ* pe-netralia, aut amica cum doctis literarum comer-cia, quàm in publicis subselliis, in oculis & coro-na frequentium auditorum. Hic enim ingenii, & eruditionis principes viri scenæ serviunt magis, quàm sibi, & personati latent. At verò ubi secre-tioris auræ licentiam nacti sunt, remoti à mun-di histrionia, plurimum humanitatis præ se fe-runt, supercilii nihil: & velo quasi levato indole sua utuntur, & ingenio, tantumque à pompa, & fastu alieni sunt, quantum ab ullo alio vitio. Nec mehercle injuria. Nihil enim æquè literaturæ di-gnitatem adulterat, quàm fatalis illa imperitiæ pedissequa, *animi elatio*, qua quod videri quisque vult, hoc & esse se credit, & fidem aliis facit. Hunc tamen affectum, seu potius animi morbum, ægrè multi adduci possunt, ut ejurent, etiam qui sapientiæ studium profitentur: ita ferè meliori-bus

bus ingeniis suaviter obrepere solet amabilis hac infania. Quam ridere te scio, & cordatos omnes tecum. Quid enim *scire* nostrum, secretum à sapientia, nisi scientiæ deliquium, & umbra? quid eruditionis nostræ splendor, quid literarum? nisi eam dux & imperatrix vitæ mortaliū *bona mens* fulciat? quæ si desit, desit *Colosso* basis, ædificio fundamentum; & omnis doctrinæ moles arrogantia, & fastus turbine tanto fœdius corrui, quanto celsius se attollit. At contrà humilitati & modestiæ superstructa perennat, quia fundus illa, & fundamentum est omnis veræ literaturæ; quæ non quid adsit, sed quid desit, attendit: nec de quæsito secura, sed de quærendo sollicita est. Hanc tu reginam virtutum in *palestra bonæ mentis*, serîo ut nuper vidi inculcas, & unam ferè hodie adolescentiæ pestem *philautiam*, quæ juventuti leniter nimis blanditur, impugnatam validè prostituis, tanquam meretriculam aut lenam, à qua ingenia liberalia ipsam dico *Virtutis & Musæ prolem*, non minus abhorrire oportet, quàm *Ulysses* à *Circæo* illo poculo, & *Sirenium* cantu. Quidquid enim intervertit opinio, & arrogans de se persuasio (dum ætatis, & annorum legitima spacia, virium fiducia antevertit) nunquam assequitur industria. Contrà verò facile omnia consequitur, & quidem suprâ quam ab illa ætate expectetur, qui omnia deesse sibi videt: non facile qui se jam consecutum credit, & sapere plus multò, quàm *Thalem* olim *Milesium*. Parum enim proficit, qui sibi sufficit, nec facile discere incipit, qui nescire se prius non didicit, imò scientiam excludit, qui non prius opinionem: & audi verum verbum, eruditio nasci non potest, nisi ejus persuasio percat. perit autem, si modestia, & non fucata animi demissio mentem occupavit, & in intimo animæ penetranti domicilium fixit. Cui si accedat illibata illa quam urges, vitæ simplicitas, morum innocentia, & niveus illi animi candor, quid in Athleta tuo, aut Paix-

strita amplius desiderari possit, non video. Vera enim hac exculti animi insignia sunt, & ornamenta, ut sive in *Republica* versari velit, benevolentiam, & amorem populi; sive in *Aula*, Principis sui oculos, & gratiam demereri queat. Sed heu vanitates! heu ineptias! ad quas precipites nimis hodie delabuntur, qui vitæ petulantioris licentia ebrii, ignavo, ac turpi otio, ætatis florem in *Academiis* deterunt, & serio conatu nugas agunt, in dedecus sui nominis, & intertrimentum studiorum. Nam *ut lignum occulta teredo consumit: sic animum delinat paulatim, & exedit ignavus hic affectus.* Sed nec hoc sine stat malum. Levia hæc sunt præ illis vitiorum portentis, quæ inemendabili penè pravitate in multis callum obduxerunt; alea, popinæ, veneres, grassationes intempestæ, stentoreæ lymphatorum instar vociferationes, projecta multorum crapula, qui turpitudine vitæ defamatißimi, & poculis strenui, irriguam *Baccho* mentem ad omnem luxum solvunt. Insulsa pecora, fungi, & spongiæ madentes, queis præter nomen, nihil adest humani cordis, & quibus caca, & prona sunt ad voluptates vita & vota. Tantum scilicet potest publica illa morum contagio & lues, quæ ubi fractis semel honesti repagulis, & Cyclopico Numinis contemptu, grassari cœpit, nullam amplius à ratione legem capit, aut modum, quo intra gyrum obedientiæ coërceatur: sed immissis habenis, celsiores pudoris omnis, & verecundiæ calles supergressa, impunè dominatur, & furit. Interim hoc dulce venenum, hæc blanda pestis, quæ etiam rectissimas mentes, à virtute detorquet, certam perniciem adfert incautæ juventutis: nec ea quidquam miserius, cum omni honesti sensu derelicta, & bis naufraga probitatis, & modestiæ, proterviæ fibulam laxat, nec honoris, ut sic dixerim, sufflamine, à maleficio retardatur. Sed videlicet, ut quidam sunt morbi, qui stupore sensum præpediunt, ut eorum pericula non intelligant

ligant ægri: sic nec ille, indubitata ruinæ suæ præludia. Nos quid? Ut sterilitatem, aut nimios imbres, & cætera Naturæ mala toleramus: sic desperatos talium mores. Vitia erunt donec homines, sed neque hæc continua. *Quam multi disjunctis nequitia claustris, virtutem efficaciter ostenderunt?* Nihil est quod non expugnet pertinax opera, & intenta, ac diligens cura. *Robora in rectum quamvis flexa revocabis: curvatas trabes calor explicat, & aliter nata in id finguntur, quod usus noster exigit: quanto facilius animus?*

Maeste ergo vir clarissime, qui pro virtute, & re literaria tantum fudas, quantum nemo, & inter hæc morum propudia, formandæ *Juventuti* strenuè, quod facis incumbere, literas & virtutem instilla, ac sublatis prudentia tua nequitia authoramentis, evaganti licentiæ, quæ blanda quadam vi perstringit ingeniorum aciem, & industriæ nervos elidit, frænum injice, ut è nobili tua palæstra, non doctiores solum, sed meliores exeant: nec præceptis tantum, sed & exemplo tuo (quod est efficacissimum docendi genus,) intelligant, quales esse debeant. Ut enim qui iter facit, vestigia amat: sic qui ad Virtutem grassatur, exempla. Nihil hac provincia, nihil hac *Sparra* dignius dici, aut excogitari potest. Nam si præclaro, & salutari munere funguntur, qui privati, privatis hominibus normam præscribunt, quo pacto vitam institueret oporteat: quanto magnificentius de Republica meretur, qui *Socraticis madens sermonibus*, juventutem, natam ad purpuram, & *Patriæ* gubernacula format, imbuat, maturat? ut semina literarum ac virtutum, docta & pia manu sparsa, subactis adolescentiæ solo, ad solidam aliquando frugem efflorescant: nec tantum ornamenta sint *Reipublicæ*, sed robur, & fundamentum stabilitatis.

Sed ne longum faciam, & styli ubertate licentius exspatiari videar, in tam patenti campo tuarum laudum, tam plausibili argumento, amicitia

tecum ineundæ , filum scriptiōis abrumpo. Vale vir clarissime, καὶ τὴν ἡμετέραν περὶ ῥησίαν δι' ἡμῶν δέχσ. Spondeo , affirmo , fidejubeo , non ero ex illorum numero , quos fures temporis appellant , nec importunis missitationibus literarum , deteram florem gratiæ , quam mihi apud te esse patieris. Ut enim rara suppellectile ; ita amicis parcius utendum esse censeo. Sancta quippe res est eruditorum societas , & non nisi sanctè habenda. Satis beatus , si virtute mea , reſtisque conscientia involutus ætatem degam , ascitus in album tam rari nominis. Hoc unum enim mihi semper in votis , &

— *quamvis*

*Infrà Lucili censum, ingeniumque, tamen me  
Cum doctis vixisse, in vita facietur usque  
Invidia.*

Tu currenti, benevolentia tuæ plausu, calcar adde, & à *Crucio* tuo vale. Datum Delphis 4. Id. Oct. M. DC. XXXII.

C L A U D I O S A L M A S I O.

*viro Nobilissimo, S.*

Lugd. Batav.

Ἐπεπιπau' τα πόρεια, ἀν' ἐ λογιτάλει. Vix pedem fixisti , & sedem in illustri nostro *Athenao* , & mea (ut quisque venatur, quod amat) ad te eunt literæ. Libertati meæ quæso ignosce , ne dicam audaciæ. Expressit eam amor in literas , & literatos , quorum nunc (liberè dicam) dictator audis , & princeps. Magnum est fateor , in tam augustum famæ theatrum evocari. Majus in viri illius incomparabilis S C A L I G E R I locum , eorum quibus *Academia* salus concredita est, suffragio surrogari : sed longè maximum , ejus premere vestigia , qui suprà malevolorum invidiam positus , summusque Orbis literati (sic appellare liceat)



liceat) Princeps, illustris nominis sui famam, in templo *Memoria* æternitati consecravit.

*Beata quondam Leida, Musarum domus,  
Sedes honoris, officina Palladis,  
Sophiæ palestra, dulcis artium parens,  
Campus juventa, læta virtutum seges,  
Feraxque frugis seminarium bonæ,  
Cor, & benigna cura cæli! dum tibi,  
Tot candidi fulsere soles. —*

At in tanto *Musarum* deliquio, non minus hodiè beata, Batava nostra *STOA*; quod magna olim *Academia* lumina, Principibus eruditionis viris, huc usque haud infeliciter commutet, & quod caput, in tanti Solis occasu, non indignus *Hercules* succedat magno illi *Atlanti*. Ita est vir doctissime, eunt, abeunt humana hæc omnia, *ὅκύνλ τὰ ἀνθρώπων*: &

*Sunt Regnis studiisque vices, pariterque curules.*

*Et Musas fors ceca premit.*

Sed quæ fatalis illa necessitas docta demittit *Orco* capita, devotasque perennitati animas terris subducit, paterna Dei cura iterum redonat scholis. Nimirum ut novum semper, & quasi redivivum *Phœnicem*, ex cineribus mortui subnascaiat *Antiquitas*. Ita ex castris literarum novus semper aliquis exsurgit dux in militia hac rogata, & ex docto obeuntium *Choro*, novus aliquis *Actor*, qui prodeat in scenam, & *Theatri* *Musarum* labantis dignitatem tueatur, & decus. In te video Vir nobilissime, qui virtutem atque eruditionem felici adeò temperamento sociasti, ut melior ne audias, an doctior, jure ambigant, quicunque Amplitudinem tuam norunt. Duo mehercule Reipublicæ literariæ columnina, ac firmamenta. Quorum alterum eruditionem perficit; alterum virtutē adornat. Manca doctrina omnis, imò nulla, quæ virtutis præsidio destituta, ad laudum tantum aucupia sudat, & honoris inaniam. Quamquam, mores multorum si video, vix aliter solet, & ferri se eò patiuntur.

tiuntur ingenia hujus ævi. Vanitati hodie reverentia debetur, & vitia honorem poscunt. quorum tanto uberior hîc messis est; quò major, & liberior eorum seges. Viros nunc censu censere, & externis inanibus metiri, mos est; purpuram venerari, non merita, & *vestem plurius æstimare, quàm vestis factum*: aut monetam, & splendens illud lulum *Pluti Patris*, quàm animi, & ingenii dotes. Tu melius, vir clarissime, qui vana & bullata hac omnia contemnere didicisti, & solio *Virtutis* subicere, quæ vulgus hominum mirari solet, fortunæ ludibria. Certius enim longè est probitatem illibatam tenere, quàm sceptrum; celsius ad eruditionem eniti, quàm diadema; splendidius doctrina vestiri, quàm purpura; bona fama quàm trabea.

Maeste hoc animo vir magne: cui summa votorum est placere bonis; & placebis si regiam insistens viam *Virtutis* lites unicè, & doctas tuas Musas ad solius hujus *Dominae* cultum componas, & obsequium. Nulla enim res efficacior est, viris in celsò doctrinæ fastigio, & honoris apice collocatis, ad aliorum sibi conciliandam benevolentiam, quàm flagrans amor, & constans assiduitas rectè faciendi. Calumniæ nihil te moveant, nec malevolorum dicacitas. Magnis enim ingeniis, agnatum quasi, imò fatum penè, fugillari, conviciisque proscindi sycophantarum. nempe ut luculentus ignis sine fumo non surgit: sic nec nomen sine nube aliqua livoris. Nunquam tamen tantum *calumnia* poruit in generosa, & magnanima pectora, ut invidiam placare velint, virtute relictâ, aut temerata conscientia. Ringuntur, pallent, fremunt? nullum doctorum immunem habent improbi sui dentis? hinnuli leones impetunt? aquilas scarabei? & ex magnitudine adversarii laudem captant, nominis, & famæ aliorum sordidi vespiliones? Ita sunt.

Magna

*Magna pars, non crimina  
 Damnat; sed homines.*

Ad verò quantula ista sunt? Ferenda, ferenda inquam, non verenda, levia hæc obtrektionum tela; quæ si in nos feruntur, non tamen feriunt; & ut ne hilum nomini nostro decoctum eunt, ita contemptu solùm ulciscenda. Verè magni est animi, quasdam injurias negligere, nec ad quorundam convicia habere vel aures, vel linguam. Quid? Leone leporem sectatur? aut armiger Iovis, & fulminis satelles insurgit in muscas? nunquam. proprium hoc est egregiæ, generosæque virtutis, non sentire se lædi ab inferiori? & ut convicia non provocat, aut laceffit, sic nec timet. Similis nobilioribus istis feris, quæ pavidos & imbelles damas, infra iræ suæ dignitatem ponunt, & minorum canum importunos latratus securæ contemnunt. Quid quod hujusmodi concussionculis, virtutem nostram nonnunquam expedit agitari. Ut enim gemmæ, etsi in lutum abjectæ, splendorem non amittunt: sed dies postea revelat, & attollit. Sic illa tenebrionum sordibus impetita, longè post clarius enitescit. Atque ut ignis paleam exurit, aurum nitidius reddit: sic calumniæ vanum, aut vacuum aliquem absument, vera virtute gravem illustrent. Nempe Deo ita visum, optimos quosque traducere ad optimam illam vitam. Ad quam in hoc seculi contagio, hac temporum difficultate nos quoque adspiramus, & te salvere jubemus eximium Mystam Virtutis, & Doctrinæ. Cujus si favorem hac mea salutatione meruero, moriar, si quidquam mihi gratius accidere potest. qui nunquam vincar in amoris, & venerationis tui cursu. Delphis. prid. Non. Decemb. M.DC.XXXII.

## J A C O B O C A M P I O

*Eccles. Harl. pastori S. D.*

Harlemum.

**C**RUCII nostri filiolum, venustulum illum & parentis utriusque delicias, non ita pridem denatum esse doleo magis, quàm miror. Quid enim hac vita fragilius? quid incertius in omni aetate, & sexu? Quodcunque videmus, fato cedit: quodcunque relinquimus, aliquando desinet. Et qui sunt, quique erunt homines, tandem non erunt, Ita sati, ita nati sumus. *Animo huic nostro corpus sarcina est, sumitur, ut quandoque ponatur: gerimus hoc onus mortales, quamdiu mortales & miseri, imò servi quamdiu gerimus.* Sed hem nupero conjugis puerperio, novam illi prolem natam audio, quæ defuncti jacturam leniet. Ita nimirum cum natura fere comparatum est, ut *Vacuum* non ferat in matre tam foecunda, nec plantarum deliquia in tam fertili solo. Manum in sacro fonte parenti obtuli: sed invaletudo ex podagra facit, ut pedem non efferam domo, sed sedentarium jam & agrum affligat, & affigat *Vulcano*. Tu si placet, vir humanissime, absentis vices præsta. Nec enim si hominem novi, necesse est cum familiarissimo capite, tanta cum ceremonia rem geri, ut præsentia mea opus sit: & per te fecisse censebor, qui ipse his Sacris interesse non potui. Si feceris, curabo ne ulla ex parte beneficii accepti memoria claudicer, sterilisque apud me gratia sit, *ἵνα ἡ ἐξ ἡμῶν ἀποδομιὰς διασώξῃς τὸν βασιλεὺς ἡμῶν.*

Hæc privata. Publica quid? tristis ad aures nostras accidit rumor, & infaustus nos perculit nuntius, de inopia, ac præmatura ad beatas sedes abitione magni illius *Regis*, (in quem in tanto impetu, cursuque rerum, totius Christiani Orbis oculus defixus fuit) & parum læta victoria, illustrissimi principis cruento obitu nobilitata.

*Quem*

*Quem legis expertes Suecæ  
 Vindelici didicere nuper,  
 Quid Marte possit; scilicet impia,  
 Devota morti pectora strenuus  
 Quantis fatigavit ruinis!  
 Indomitas prope qualis undas  
 Exercet Auster, Plejadum choro  
 Scindente nubes: impiger hostium  
 Vexare turmas, & frementem  
 Mittere equum medios per ignes.*

Imo qui in ipsis pene cunabulis Imperator, antequam miles arma tractavit, bella gessit, victorias cumulavit, obsidionum ærumnas pertulit, sudorem, & pulverem castrorum incredibili labore, ingenti animo toleravit. Quid in rebus bellicis ab eo non tentatum? quid inausum, quid inexpertum? Quæ eum militiæ pars lausit? quæ militaris disciplinæ forma? Quis prosperis, & secundis minus intumuit? quis in utraque fortuna constanter? O tristem & acerbum Germaniæ casum! & jacturam inæstimabilem, in hoc rerum motu, & metu! Mirum enim quantum ancipiti Martis alexæ momentum adferat fortitudo, vigilantia, prudentia belli ducis nati ad arma, & in armis, cui in campo Martio seges est & materies gloriæ, & qui ad bella hæc funesta protractus, non alia mente galeam induit, & sagum, quàm diu oppressæ libertatis vindicandæ studio, ac propulsandæ tyrannidis. Sed Heu cladem!

———quam blanda vacillat,  
 Excelsæ fortuna loco!

Caucaso durior est, & omnem humanitatis sensum ex animo eiecit, qui securis auribus, aut obfirmato animo, tragicum hunc audit casum: imò ferus planè & ferreus, qui Athletam hunc (Atlantem verius dixerim) lachrymis non prosequitur. Quid tamen est? Vix enim aliter hæc Sacra constant, & fortissimum quemque Mars & mors pignerari solent,

— *magnisque negatum*, ut cum poëta hoc dicam,

*Stare diu*, & funeribus interdum miscere triumphos, triumphis funera.

Mon tamen desperandum in tam iusta belli causa, quæ Deo militat, & vindictis conclamata pene *Germania*, sed spei (quod voveo) forte tum proximæ, si omnis adimatur.

*Induciarum* magnus hic apparatus. & jam pedem habent in Patria, in Aula, partium legati. Utrunque ut videtur negotiatio hæc calet. Forum, curias, templa, domos hi jam sermones habent. Senes, pueri, viri, fœminæ de iis quærunt, disserunt, iudicium suum interponunt. Affulget & specula quædam *Pacis*, inter partes sarcindæ, in longam annorum seriem.

Sed oculi multorum claudentur credo, priusquam *Iani* nostri Templum. Vides enim in qua simus navi, quò mari feramur, & quàm secundis ventis. Alia nunc Patriæ nostræ facies, quàm olim, & fundatior longè rerum nostrarum status; Sic enim pugnatum hætenus, ut timere cœperint plus semel qui timebantur, & potentia nostra hostibus terra marique formidabilis sit; quia consilio nixa, ordine, concordia, cura: adèò ut cum qualibet Rep. vel copiis, opibus, gloria, fœderibus, omnique rerum cumulo quæ ad magnitudinem faciunt, certare possè videatur. Accedit quod progressus, quos supra spem suam fecerunt Patriæ Patres, in prolatandis ditionis suæ pomœriis, Princeps in capiendis urbibus, & Provinciis sub fœderati Belgii imperium redigendis, addent utrisque animos, quæ sunt generositate, & prudentia, laudissimas stipulandi condiciones, quæ haud leve adferant momentum & decus, tot reportatis victoriis, tot triumphis, & Patriæ nostræ esse possunt robur, fundamentum stabilitatis, & securitatis asylum. Quas haud dubiè alii qui Regi suo agrè quicquam detractum volunt, renuent; rati præstabilius esse, simplici damno defungi, & quod vident periisse, per-

perditum ducere, quàm recenti intertrimen-  
to (omen meum est) veterem jacturam cumu-  
lare, & inferioribus Majestate regia conditio-  
nibus, augustam existimationem foedare, in de-  
decus, & opprobrium sceptrorum. Hinc seges,  
& materia altercationum; quarum tadio mag-  
na pars temporis abibit, & negotium hoc in len-  
tam trahet moram, ut magnæ molis delibera-  
tio tardos solet habere progressus. Quanquam  
malo suo, vix aliter humano consilio subveni-  
ant, quàm si tolerantia levioris incommodi, gra-  
vius periculum propulsent. Nam si infectis *In-*  
*duciis* abeant, proclive erit Principi nostro, *Tra-*  
*jecto* capta, quæ nunc data porta in patentes *Bra-*  
*bantia* campos, arma sua longius longiusque pro-  
trudere, & quidquid fere hostilium restat oppido-  
rum, terrarum, regionum crebris excursionibus  
infestare. Quod enim in Annibale laudat Livius,  
*non minus hostium, quàm sua loca explorata habet.*  
Sed altius non inquirō novum hoc publicæ rei  
schema. Faxit *Deus* ut in hoc cardine rerum, *Ordi-*  
*nes* nostri, quibus concredita est dignitas Patriæ,  
incolumitas populi, libertas civium, & in primis  
cura sanctæ fidei, ac Religionis, consilio & affectu  
propendeant in eam partem, quæ publica salus, &  
utilitas præponderabit. Bene Tacitus: *plura in sum-*  
*ma fortuna auspiciis, & consiliis, quàm telis & ma-*  
*nibus geri.* Interim quem hostem habeant, jam pri-  
dem cruenti belli irreparabili dispendio didicere,  
quàm fluxa, vel nulla potius fides sit in Hispano,  
quàm parum tuta pax cum hoste reconciliato, qui  
vindictæ furorem, & irarum causas quietis aliqua  
mora differt, non aufert, suspensa belli causa, non  
deserta. Quam periculosa armorum remissio, in  
populo ad arma nato: enervari hac quiete, hoc o-  
tio, martia pectora, & masculos ducū, ac militum  
animos; adversarios temporibus insidiari, nobis  
rerum prosperè gerendarum opportunitates in-  
terea eripi: hebescere Ordinum auctoritatem, fi-  
duciam hostibus increescere: vulpinam pellem as-  
sutam

sutam leoninæ plus adferre detrimenti quàm si aperto Marte res gererentur. Optimates haud raro tunc odiis collidi, aut largitionibus, ac promissis labefactari, per emissarios Hispanicæ factionis; plebejos dissidere otiose factionum procellis:

— *præmissa futuris*

*Dant exempla fidem;*

acerrimosque sæpe populos, qui vinci non potuerunt, non alia ratione certius vinci, quàm si pugnare desinant, & blandiente *Induciarum* palpo deliniri se patiantur. Inviectos prius Annibalis milites labor ad *Cannas* fecit, ut vincerent; otium ad *Capuam* fregit, ut vincerentur. Civili semel bello commissi, arma in omnes habent, in eos acerrima, quibus victis spolia maxima sunt. Contra timor externus, & communis ex hoste formido solet in officio, & bonis moribus continere in Rep. civitates. Sed absit omen. Deum rogo, ut quemadmodum necessitas omni lege potentior, & legitima capitis, famæ, ac libertatis defensio fecit auspiciū belli: ea ipsa nunc calamitatum nostrarum, ac cladum finem faciat, sub tuta, ac inviolata pactione *P A C I S*, quæ novum nobis victoriæ genus sit, & triumphī argumentum: illis quibus

— *animi sub vulpe latentes,*

fidei servandæ. Utriusque Palladium securitatis, & adversus exterorum tyrannidem, tranquillitatis publicæ stabilimentum. quo tandem aliquando Patria è profundo miseriarum, repentina rerum mutatione emergens, omne in serenitatem tempus commutetur, ponant venti, fugiant nubes, fluctus residant: Omnia foris placida, domi prospera: ac post tot pugnata bella, velut aureo quodam seculo, pietas, optimæ leges, & quicquid est honestarum artium simul efflorescat: quæ velut phari, & lucentes quidam ignes sunt, in tempestuoso mari, semperque *paci* & comites esse solent, & alumna. Quin &

*Tutus*



*Tutus bos avidè rura perambulet,  
Ditet rura Ceres, almaque Faustitas;  
Pacatum volitent per mare navitæ;  
Culpari metuat fides.*

redeat, redeat inquam villis, agrisque fertilitas, urbibus honos, mari commercium, animo candor & integritas. Verbo, quicquid Rempublicam beare potest, & bonis omnibus cumulatam, à violentia impotentissimi dominatus, & ab interitu æternum vindicare. Vale vir clarissime. si quid hic meo studio, cura, diligentia præstari posse judicabis, id pro tuo jure liberè à me flagita. Delphis v. r. Id. Decembr. M. DC. XXXII. *Suvalmum* quo vix in multis millibus reperias vel integriorem, vel humaniorem, meo nomine saluta. quem eò effusius amo, quod *Crucio* meo *Theseus* sit, aut si quid *Theseo* fidelius.

JACOBO CRUCIO viro Clarissimo  
*Clandius Salmasius S. D.*

Delphos.

UT minus me poeniteat præstantissime Cruci, hæc in loca migrasse, & sedem heic relicta patria fixisse, faciunt doctissimorum hominum quæ maxima turba est, atque etiam optimorum quod longè præfero, licet minor sit hic numerus, quotidianæ quæ præsentium incoram, quæ absentium per epistolas, amicæ compellationes, adventum gratulantium. Quibus pro egregia illa voluntate, quam testantur homini externo, & nunc primum cognito, quid reponam non invenio, præter parem de his benè merendi voluntatem. Nec enim in præsentia quidquam habeo, quo ipsis ostendam, quàm gratum mihi sit, atque acceptum, quod cum homine nullis sibi meritis adhuc noto, hoc genere officii certare priores non dedignentur. Tu in horum albo doctissime Cruci, nomen quoque tuum profiteri dignatus es,

es, amantissimis illis, omnisque humanitatis plenissimis literis, quas hodie per filium accepi. Imparem esse me, referendæ pro ista inusitata benevolentia gratiæ, hoc primum, & in ipso limine fateri debeo. Deinde illud etiam attestari, ac re-promittere, me omni ope annixurum, ut animo suppleam id quod vires aspirare nequiverint, ut saltem (inquam) ostendam quibus potero cunque testimoniis, me vicem iis velle reddere, qui tam benè mihi volunt, potius quàm posse. Hoc si pro votis meis præstare non valeo, longe utique illud minus valebo, ut quod mihi imposi-tum est onus, tam celebri in hanc Academiam vocatione, etiam Atlanti alicui grave futurum, meis istis humeris sufferam, ac pro dignitate sustineam. Non monitore opus habeo, qui me doceat quis sim, & quo me debeam modulo metiri. Satis hoc ipse per me de me novi, & cum alias majores dotes mihi Deus optimus maximus denegarit, hanc saltem pro sua benignitate, ac liberalitate indulsit, ut me ultra quàm pennæ meæ ferre possunt, non eveham, ac novi Icarî more, cereo volatu cœlum tentare audeam. Quod qui faciunt, pari semper exitu, dum nimis alta appetunt; sed minore, quàm ille fama, in profundum decidunt. Maximum mihi fateor, videri debuit in ejus viri locum surrogari, quæm ætas sua pro principe literarum coluit, & sequens omnis, ubi parem se illi alium dare non posse videbit, exinde magis admirabitur. Sed quo major hinc honos mihi surgit, onus etiam gravius accedit, & invidia certior. Quid enim? An ex alieno orbe vocandus fuit, qui vices istas impleret cum tot alii præstò essent indigenæ longè digniores, quibus hoc offerretur, etiam non ambientibus? Quocunque hîc te vertas, hinc inde omnis platea referta est hominibus, qui in spem istam meliori jure surrepere poterant. Heic heic certè fateri cogor, non carituram ratione invidiam, si quos è transverso inducat, qui quietum non sinant, indignum

dignum infessorem, ad eò illustri loci possessione frui. Sed quid invidiam loquor, aut invidos mihi Cruci? Quasi huc non potius vocari debeat iustissima indignatio, quod immeritissimo id delatum sit, & extero, & quod majus est, non petenti? profectò si fortunæ tantum tribuerem, quantum veteres soliti sunt, & melioris lucis expertes, dicerem & heic, illam partibus suis functam. Quid enim aliud dicere, aut cogitare, succurrit, ubi meriti nullus locus fuit? Sed illi hoc querantur, quibus dolet. Quod ad me attinet, in tuto sum. Quod autem me mones ut forti animo sim, hoc facis, & gratias ago gratissimas. Omnia tamen scias mihi & prævisa ante, & provisæ, quæ opus sunt ad ferendas hominum ineptias. Ex altiore certè fastigio eos despiciam, quam luna canes adlatrantes. \* \* \* \* \*

Mirum tamen in docta pectora has cadere livoris labes, & lolliginis succos, quæ tota niveus candor obsidere, ac possidere deberet. Nihil moror libros, & combustos omnes velim, si doctiores tantum, non etiam meliores, qui dant illis operam, reddere idonei sunt. Hæc liberius in sinum tuum effundere volui, eruditissime Cruci, quod tuis ex literis non vulgaris benevolentia notas haurire me voluisti, & quod aliquod eorum te inaudivisse inde colligo, quæ aures meas verberarunt, non etiam animum exulcerarunt, quibus non magis moveor, quàm magna maris magni rupes, circumundique obstrepentibus æquoris undis, vesaniante vento. Heic desinam, ac rogabo te simul, ut quoniam semel amicitia tua me non indignum judicasti, iudicium tuum tuearis, ac me amare pergas. Lugduni Batavorum. Nonis Decembribus M. DC. XXXII.

*Doctissi-*

*Doctissimo, & Eloquentissimo viro J A C O B O  
C R U C I O, Erycius Puteanus  
S. D.*

Delphis.

**M**agno prorsus affectu, & pari eloquio ad suavissimam amicitiae necessitudinem me invitās. Durus sum, nisi affectum aestimem; indoctus, nisi eloquium. Tanquam ignem miseris, exarsi: & totum hausi CRUCIUM, ut gaudio implerem. Literis igitur cum satis non viderer animum exprimere, petendum à munere subsidium censeui; ut librum potius, quàm epistolam mitterem; provocatus epistola, quæ libri precium superavit. O pectus tuum, sapientia plenum! ô calamus tuum, verum sapientiæ ministrum, ac promum! Quia philosophari audes, & quo potissimum vel sale, vel melle spargenda sit oratio, ostendis? tam serius, quàm amœnus, tam opulentus, quàm ingeniosus.

Σοὶ δ' ἐν μὲν μορῇ ἐπέων, ἐν δὲ φρέσιν ἐσθλὰ.

Sed qua laude doctus, & facundus es, etiam candorem, & humanitatem profiteris; quasi in scriptis meis, nec non moribus animadvertas, quod ad exemplum juventutis sit, & benevolentia tua dignum. Gaudeo igitur hunc me fructum laborum capere: quod tibi Clarissimo Mercurii, paladisque mystæ placeam; gnaro imprimis, quæ via ad bonam mentem bona ætas ducenda sit, & quibus feminibus virtutes succrescant. Florem juventutis passim in vita degenerare, quid mirum? Mollis nimium, & soluta educatio est, & priusquam literas plerique, ventum, & vanitatem induunt, doctiores tantum, ut amplius noceant. Utinam qualem laudavi, aliquando Juventutem Belgicam talem videamus! utinam sobria, sicca, seria sit, & qualem tua disciplina format! imò qualem aurea epistola tua formandam esse præscribit! Huc redeo,

redeo, & hanc velut facem habeo, qua densæ morum tenebræ dispellantur. Sanè ut lumina ista sunt, obscurari simul necesse est, quidquid in responsum adjungam. Adjungo librum, qui diem continet, & suo diem principio ordinat, hætenus non constituto. Quia hîc natura luctet, audebo non obscurus esse: tuum verò judicium novum mihi jubar erit. Ita vale, Amice nove, sed semper future; de quo non aliter statues, quàm si semper fuerim. Lovanii in Arce, 111. Kalend. April. M. DC. XXXIII.

JOHANNI HOGENHOUCQUIO  
J. C. S. D.

Lugd. Batav.

LIteras tuas ultrò, & tam amanter ad me scriptas accepi. An gratæ mihi fuerint quæris? Gratissimæ & in iis insignes tui progressus in ea lingua quâ nulla nunc tritior est in aulis Principum; aut apud eos qui hodie comitatis omnis, & elegantia audiunt Candidati. Si sic pergis, Gallus rediturus es, qui Belga abiisti. Prudenti mehercle, ac laudabili instituto. Ita nimirum una fidelia duos dealbas parietes, & ad *Sapientia* ædem tendis recta via. Sic peregrinari, quid est nisi ad mercatum ire literarum, & scientiarum panegyri, animumque doctrinæ succo imbuere, linguam eloquentiæ? Sine qua quid *oratio* nostra? jejuna, languida, quæ somnum prius pariat oculis, quàm aculeum defigat in mentibus auditorum. Quid literatura nostra, quid eruditio? nuda, manca, *muta*: sed quam *mutuam*, præstat eloquentia fecundo & facundo linguarum stipatam comitatu. Quæ si sub honoris purpura, in scenam Reipublicæ protracta, operam suam Themidi devotum eat, mirum quantum arduis fori negotiis ponderis adferat & momenti, quantam sinuosis legum involucris lucem, pauci hodie ad hunc scopum collimant;

mant ; plerisque quod doleo in peregrinatione sua una cura est, pascere oculos , non mentem. Curiosi tantum circa levia & vana ; ubi nempe locorum , *Apicii* culina fuerit , ubi *Messalina* fornix ; ubi , & quot stillicidia Romæ ; Cujas equus *Curtii*, *Thessalus*, an *Numida* ; Vinum *Faler-num* Chio ; *Lesbium* Cæcubo , aut *Massico* sapientius, & his etiam nugaciores nugæ, quæ vel *Catoni* risum exentiant. Tibi (quod laudo) unicum ; & ardens studium compellendi illustres viros , & illa vidisse lumina , illas in elegantissima terrarum Academies , unde non melior solum , sed doctior ad nos redeas. Ruina , & monumenta veterum heroum nos commovent aspectu : quidni istæ vivæ imagines virtutum ? & nomina non trabibus tantum , quibus teredo sua est ; sed monumentis æternæ laudis incidenda. Hoc tantum moneo , cave quæ passim illic sese offerunt illicia vitiorum. Cave juventutis incautæ laqueos venales formas , & certamina vanitatum , quibus haud rarò inescari hæc ætas solet , Nempe quandiu peregrinationis hoc æquor navigas , tamdiu pericula tibi, & naufragii metus non à fluctibus solum & scopulis : sed & à *Circæis* illis *Sirenarum* blandimentis , quæ venenum suum melle dulcius nutu oculorum, incessu, risu, jocis, osculis ; grata denique protervia quadam inspirant , ut capi te non sentias nisi captus ; nec perire, nisi cum perieris. Præcipitia hæc Adolescens vide , sed & vita ; Neque enim ille peritissimus nauclerus est qui navem cum conjecit in brevia , salvam tamen deducit in portum, sed qui deflexit : neque ille deligendus est Medicus qui agrum ad extrema deducit , ut post medeatur , sed qui ante provida cautione minitanti morbum necat. Idem tu. Malum aut præveni, aut si forte præventus ipse, per ætatis incogitantiam, monstrum illicò in ortu opprime , & vitiorum messem in herba. Et ut in præcipiti aurigæ freno equos retinent : sic tu oculos, & mentem, ubi quæ delectant, & alliciunt. Mihi crede , nusquam

quam periculosius degitur, nusquam crebrius & licentius peccatur, quàm foris. Arte hîc opus est, atque *Argi* oculis: & sumenda *Lycurgi* facies, ut sub vitæ severioris mantili, & probitatis velo elabaris. Ut enim calorem culices & muscæ: sic indolem ingenuam, quæ facta & nata ad virtutem, hæc morum licentia sequitur, & libidinum irritamenta, nisi eas recta mens, recta ratio temperet, ac moderetur. Tū fac ô Studiose, ut peregre redux aliquando in *Patriam*, parenti, consanguineis, mihi, bonisque omnibus exoptatus advenias, nec minus illibatam morum integritatem gratulari tibi liceat, quàm titulos, & insignia *Doctura*. Quam quo sapius mente retracto, hoc magis gaudeo, quod tales hoc ætatis meæ decursu, videam ex disciplina nostra, & velut sinu, in Patriæ decus natos, per sacra hæc *Themidis*, ad honorum fastigia eniti. Sed audi me, imò ausculta, ad praxin aliquando daturus animum, pragmaticorum hodie quorundam mores fuge; *Avaritiam* dico, & sordida lucri aucupia. Qui dum lites, ex lite ferunt (quarum tardio boni sæpe præoptant juri suo renunciare potius, quàm in ambiguum certamen descendere, & præsentipretio emere spem incertissimam) clientes suos parum solliciti Titius an Sejus vincat emulgent, & ad rerum angustias redigunt, menti bonæ plerumque fatale onus. Ego de publicis nunc nihil certi. Fervent hic omnia belli apparatus. Princeps in procinctu est. Miles ubique in armis: motus & metus in Brabantia & Flandria; & in ipsa *induciarum*, aut *pacis* negotiatione hostilis utrinque rerum facies. Præludia hæc credo stabiliendi imperii, & compulsoria ad æquam conditionum pactionem; quæ nusquam strictius, aut tutius cuduntur, quàm in tympano, & strepitu armorum. Faxit Deus ut omnia hæc in *Patria*, tot jam lustrabellis jactatæ, salutem cedant, & publicæ tranquillitatis stabilimentum. Sine qua *bellum* longè mihi *tutius pace dubia*: &

*Indu-*

*Inducia*, non nisi tendiculæ sunt & laquei, quibus Batavum candorem irretire conantur illi, qui hodie libertati nostræ succensent, & quibuscum (dicam quod sentio) vix est ut ulla pax iniri possit, nisi vel cum præsentis bonorum dispendio? vel quod gravius est generoso pectori, cum pactione servitutis. Vin' causam? Ita à patribus, majoribusque didicerunt, ut dolo magis, quàm virtute contendant, damnentque aliquandiu nocendi studia, non causas, pugnas, non odia, his opertis magis, quàm extinctis, iramque ad tempus taciti concoquant, ne professi odia perdant vindictæ occasionem, ita ut nemini mirum videri debeat si hostis tum maxime sit metuendus, quum leoninis exuviis vulpinam pellem assuit, nec ab armato exercitu tantum immineat discrimen, quantum ab illecebris subdolæ, ac infidæ pacis. Sed abrumpo, &

— ne te longis ambagibus ultra  
Quàm satis est moror,

vive, vale, & crebrò tere hoc literarium iter. Suave enim (non blandior) audire de te, & in literis quasi videre, atque alloqui, cum in-  
toram non datur. Delphis vr. Kalend. Majas M.  
DC. XXXIII.

*Amplif-*



• *Amplissimis, Ornatissimisque Viris:*

D. FRANCISCO MEERMANNO,

D. NICOLAO BOGARDO,

Illi Reip. Delphensis Consuli; huic Scabino,  
& illustrissimorum Ordinum Hollandia Del-  
phis Quaestori.

E T

D. JACOBO VALLENSI, celsissimi  
Principis FREDERICI HENRICI  
Principis Auriaci Medico.

*Amplissimi, Prudentissimique Viri,*



*Tylum dicendi magistrum optimum,  
atque praestantissimum, optimus ipse  
& praestantissimus dicendi magister  
Cicero appellat. Nec injuria. Quid  
enim eruditio, pura & nativa latinitate de-  
stituta, nisi infans, & muta rerum cognitio?  
Quid artes, & scientia, nisi eas eloquentia co-  
mitetur, quae dilucide cogitata mentis enun-  
tiare possit? Quid literatura ab omni ser-  
monis elegantia aliena, nisi mera balbuties?  
Ideò olim arctissimo inter se vinculo jungi  
Mercurium, & Palladem Antiquitas vo-  
luit, quod sine facundia, sapientia, pruden-  
tiaque illa rerum humanarum Regina, &  
Civitatum Domina atque Imperatrix, nul-  
la sit. Et profecto si ii qui pacis tempore in  
armis tractandis se exercuerunt; usu plus,  
quàm corporis viribus, & robore praestant,  
galeam alacres induunt, & sagum, hostilis  
exercitus aut frontem petunt, aut tergum ad-  
oriuntur,*

oriuntur , aut cornua laceffunt , collato cum eo pede preliantur , aliaque militia munia obeunt ; quis non scribendi , dicendique illis exercitationem necessariam esse judicabit , qui in hominum oculis aliquando versari , cathedram conscendere , publicè verba facere , causas agere , Legationibus fungi , aut alio quoquam modo Oratorum tueri partes cupiunt ? Vidit hoc princeps ille Philosophorum Aristoteles , qui Rhetoricam horis pomeridianis docuit in Peripato , & ea dicendi copia fuit , ut eum Oratorum princeps auro fluentem fluvium nominarit. Vidit Cicero , qui in colenda Oratoria totus fuit , & tantum abest ut Philosophiam ab hac alienam esse judicaverit , ut contrà profiteatur se non aspernaturum eum Philosophum qui eloquentiam attulerit. Vidit Theophrastus qui à divina loquendi facultate nomen retulit. Viderunt & ii qui Scholis unquam cum laude præfuerunt , rati rerum scientiam ita esse cum facultate ornatè , copioseque dicendi conjunctam , ut eas qui distrahere conarentur , & vel rerum cognitionem sine ulla politæ orationis adminiculo , consecrari se dicerent , vel verborum flosculis , & elegantiss contenti , ne adspirarent quidem ad solidioris doctrinæ gradum pessimè utrosque tum suis , tum alienis studiis consulere , & perniciosum quasi corporis , & animi dissidium inducere. De me affirmare hoc audeam , non minimam me semper in eo muneri mei partem collocasse , ut In-

ventu-

ventutem curæ meæ concreditam in utroque  
 formare, & cum artium qualicunque scien-  
 tia, ad comparandam lautæ quoque orationis  
 suppellectilem, manu quasi ducerem. Quo fru-  
 ctu? aliis judicandum relinquo. Hoc citra ja-  
 ctantiam, ut opinor, testari possum, multos quos  
 sub disciplina mea ad styli elegantiam olim ac-  
 cendi, & institutione mea exemploque prae-  
 vi, tantum in ea profecisse, ut præclara ejus quo-  
 tidie, data occasione, quâ publicè quâ privatim,  
 specimina præbeant. Itaque mirari soleo illos  
 ineptè sciolos, nugarum architectos, & lucifu-  
 gos tenebriones, qui styli elegantiam vocum a-  
 speritate metientes, verba foliis Sibyllinis ob-  
 scuriora, anxie curiosi corradunt, & phrasas  
 antiquitatis situ squalentes affectant, aut si  
 quod forte paulò abstrusius loquendi genus à  
 se inventum, laudant, observant, imitantur:  
 nonnunquam etiam de ejusmodi tricis, jam  
 pridem è finibus puræ Latinitatis extermina-  
 tis, ita inter se certant, ut pro aris & focis pu-  
 gnam iniisse videantur, & in hoc puncto sitæ  
 essent spes & fortuna Græcorum. Malè meo  
 quidem judicio, & imperitè. Nam si, ut scri-  
 bit princeps ingenii ac doctrinæ Plato, non no-  
 bis tantum nati sumus, sed & Patriæ, consan-  
 guineis, propinquis, quis literaturæ nostræ fru-  
 ctus ad quenquam redire potest, si nobis solis sa-  
 pere videamur, & cum affectare in dicendo aut  
 scribendo sylum, qui ab aliis divinari citius,  
 quàm intelligi queat? Ita sapiât, qui volêt. Magis

T

mibi

mihi cura est, τῇ αὐτῷ ὁ τῆτι θυδὺ, καὶ σαφλεῖα  
 & à me stant Tulliana omnes elegantiae candi-  
 dati, & quicunque unquam didicerunt, quid  
 sit latinè loqui, & obscuritatem fugere tan-  
 quam scopulum. Sub vestro verò, Viri amplissi-  
 mi, illustri nomine, in lucem prodire quod has  
 styli exercitatiunculas voluerim, minus credo  
 vel mirabimini, vel etiam graviter molesteque  
 feretis, si quæ ad hanc me potissimum ἀναθεῖν,  
 impulerint, considerare dignemini. Causa du-  
 plex. Prior quia singulari vos amore literas, &  
 literatos complecti video. Et quid aliud æquè  
 purpuram vestram cohonestat, & illum hono-  
 ris apicem ad quem benignè vos cæli favore  
 vexit? Causa altera benevolentia vestra est, &  
 insignis humanitas, qua semper me estis com-  
 plexi: Quam munusculo hoc literario si non re-  
 pendo, ingenuè saltem, & palam agnosco. Exi-  
 guum quidem fateor, sed gratitudinis, & meæ  
 erga vos observantiæ ἐν ἐχρῶν ἀνενδοίαστον.  
 Vos laborem hunc meum qualemcunque, no-  
 mini vestro inscriptum, benevolo animo, sereno  
 vultu suscipite, gratum futurum (ut auguror  
 & spero) non pretio suo, quod nullum est, sed  
 authoris in vos affectu. Valete amplissimi, Con-  
 sultissimique Viri. Deum rogo ut vos Reip.  
 diu servet incolumes. Delphis, ex Museo no-  
 stro, Anno salutis partæ 1642.

Vestræ Amplitudini additissimus

J. C R U C I U S.

J A C C O-

# JACOBI CRUCI

## EPISTOLARUM

### LIBER QUINTUS.

LEONARDO HARLÆO  
*Studio S. D.*

Oxonium.



**A**Dhucne vivis mi Harlæ , & nos amas? De utroque enim dant suspicari, & locorum intervalla, & silentium quod Pythagoricè nimis hætenus coluisti. Tot menses tu in Anglia, & verbum nullum ad Crucium? Emenda studiose, & cessationis hujus diuturnioris culpam elue. Literas tuas videre gestio, quæ peregrinationem sapiant, non erraticam illam, & vagam, quæ pedes magis exercet, quàm mentem; non curiosam, quæ oculos: Sed seriam quæ urbes, regiones, terras lustrat, ut indaget, discat, ruminet, proficiat in scientia, linguis, moribus. Ad voluptatem enim solum qui peregrinantur, & per tot terras & maria oculos, pedesque ferunt, aberrare mihi videntur à vero ejus fine & usu, qui non in eo situs, ut cælum mutes, sed animum, & more apum favos stipes doctrinæ, atque ex auditu & alloquio tot insignium virorum, Sapientiæ liquentia mella. Locorum mutationes nihil momenti habent, nisi comitem adjunxeris sapientiam. *Da operam inquit Seneca, non tam ut alibi sis, quàm ut alius fias. Quid enim peregrinari juvat, si peregrinaris cum affectibus tuis, & tua te vitia sequuntur?* Naturam habes, ad litterarum commercia natam, & Mœcenatum tuorum munificentia amandatus hinc è patrio tuo solo, ad externos: mercatum dico, & panegyrim bonarum artium: habes campum quem virtus tua feliciter

liciter , & cum laude decurrat , palæstram in qua se exerceat , & cum atate , quæ jam ad maturitatem vergit , in Patriæ decus tandem aliquando exurgat , & Ecclesiæ Christi cui jam pridem devotus , ædificationem . Angliam aliquandiu infedisti , & in ea Academiæ principem *Oxoniam*. In qua quot virtutis & doctrinæ videre lumina datum tibi , & audire ? quot illustres nomine , & fama viros ? quæ ex conspectu , & alloquio tantorum virorum proficiendi occasio , & imbuendi animum succo diviniore illius Sapientiæ ? Quam non illi docent solum , sed inculcant : non contemplantur tantum , sed & vita , moribus , exemplis exprimunt , nihilque esse putant videri , nisi etiam sis quod videris. Præclare mæhercule , & prudenter ! Quid enim in Divinis illis scientia nostra , nisi eam conscientia comiteretur , imo fulciat ? quid theoria hic sine praxi ? si lingua eam proferat solum , & præferat , non vita ? si libris inhæreat , non animi fibris ? si iidem sumus , non aliter quam spectatores in theatris ? Mihi crede , anima illa est. Theoria sine illa , verba tantum , fucus , & inane simulachrum. Sine ea frustra quisquis est Theologiam proficetur , si quam aliis ore inculcat Sapiëntiam , ipse eam vita , & moribus profituat , imò & animis suorum exculcet. Eximie Stoicus : *Nullos pejus mereri de omnibus mortalibus judico , quam qui aliter vivunt , quam vivendum esse præcipiunt : nec magis talis potest prodesse præceptor , quam gubernator in tempestate nauseabundus .* Quin ut gladius est in manu furiosi : ita eruditio omnis , & scientia , nisi ἀπειροπικὴ , & animorum imperatrix pietas clavum moderetur. Verbo. Illum ego demum verè Theologum censeo , à quo alii non solum disciplinam capiunt , sed exemplum , & qui non modo scit quæ recta sunt , sed facit. *Ut illi qui ad speculum se comunt , faciem , & cultum rectè solent disponere : prorsus hic idem. Aliena vita & facta speculum sunt & imago , in qua te videas , & ad eam*

*eam decorè componas.* Sed heus, migrandum tibi. Aliò enim te vocant Mecanates, qui relièta Anglia, transfretare te volunt in Galliam, illam cultissimam terrarum, & comitatis omnis ac elegantia magistram, primaque opportunitate, primovento, citra moram, via quà poteris maxime compendiarie rectà tendere *Salmurium*, illam Musarum officinam & doctrinae theatrum. Ejus praesertim cui nunc operaris, & in qua consequenda, totus desudas. Hic sedem tuam figes ad semestrem, quo elapso cogitandum tibi de reditu in patriam, nec enim diutius te volunt *ἀπαλειν*, longiusque indulgere exilio tuo literario. O te beatum interim, & albæ gallinae filium! cui cum sacro Theologiae studio linguas conjungere datum; & illam quæ omnium nunc audit elegantissima, & quæ nulla jam receptior in aulis Principum, & civium potentiorum adibus. Sed unum te moneo, studiose. Cave quæ passim illic sese offerunt contagia morum, & vitiorum irritamenta. Cave incautæ nimis juventutis laqueos, desidiam, aleam, luxum, crapulam & quæ id genus sunt illicia malorum, quibus haud rarò inescari hæc ætas solet, & velut Circeæ poculo fascinari. Ac nisi magno conatu, & veluti contra violentum cupiditarum æstum luctetur assidue, turbæ, ceu torrentis imperu statim auferatur. Quæ ut blandiendo, instar aspidum, venenum suum inspirant, & fallente morfu: ita pereire te non sentis, nisi cum perieris, nec obesse illicò contagis suæ affricu, sed obfuisse. Ad meliorem quidem frugem, è pessimis morum exemplis emerfit *Themistocles*, emerfit *Scipio*: sed non omnes esse possunt *Scipiones*, & *Themistocles*: nec si sint, nimium virtuti suæ confidant, labuntur optimi: non etiam ingenio falluntur sagacissimi? Omnes quadrupedes odore pantherarum, ferarum immanium, feruntur admodum delectari, sed abstergeri torvitate capitis. Ideo pantheræ caput occultantes

Ut finiam, Deus studiorum tuorum sementem  
foveat, messem maturet, maturam server. Va-  
le. Delphis. 6. Cal. Quintil. M. DC. XXXIII.

HADRIANO & GUILIELMO VAN  
DER MEER, *fratribus pro gradu Doctri-  
na in V. I. consequendo disputa-  
turi S.*

Lugd. Batav.

**T**Heses vestras inaugurales, Juvenes ornatissi-  
mi, quas offerre mihi visum, legi, & legi lu-  
bens. Valde alienus à Gratiis omnibus sim, si non  
& illæ gratae, & ista ad disputationem invitatio,  
tam amica, tam humana, à *meis*. Sic vos appello.  
A mea enim velut manu estis, à Schola, & à dis-  
ciplina. Ut pictorem tabula sua delectat, si egre-  
giè, si affabrè picta: sic me indoles vestra, quam  
formatam olim in Athenæo nostro tendere  
nunc video, & eniti ad alta. Et si quid auguror,  
enitetur, si non audietis solum præcepta quæ cre-  
bro dedimus, sed admissa in animum re exprime-  
tis, & factis. Ad virtutem ante omnia vos hortati  
sumus. Cui etiam servire volumus, quidquid in  
vobis civilis est prudentiæ, & sacrarum legum.  
Tam arcto enim hæc inter se nodo juncta, & nexa  
sunt, ut alterum alteri decus conciliet, ac robur:  
Date mihi quæso prisca illa *Iuris* lumina, quorum  
responsa vim Legum merito obtinuerunt, pari-  
ter omnino in *Iuris*, & *Virtutis* studio desuda-  
runt, ut non minus boni audirent, quàm docti.  
Idem vos. Ad hæc non actiones solum omnes ve-  
stras, sed & cogitationes necessum est collinquare:  
Huc jura omnes cogunt, leges instruunt. Cavete  
quæso, ne quid labis, aut maculæ trahatis ex con-  
sortio juventutis maculosa. Fugite illos, fugite  
qui liberioris vitæ obtentu, ad licentiam, & volu-  
ptatis præcipitia pessum trahunt, quæ una inge-  
niorum pestis est, una probitatis & modestiæ gan-  
græna. Magna mihi de vobis pollicor, quos ad  
omnem



omnem laudis cumulum natura genuit, ratio formavit, voluntas & studium accendit, vos videre ne frustra, & in hoc lubrico ætatis vos depravent pravi, qui, ut pondera ab alto lapsa, in præceps eunt, & trahunt, ut vix ac ne vix caveat qui cavet ne decipiatur, cum etiam cavet. Phileras Gous cum corpore tam macro esset, ut non tantum impulsu ictus, sed etiam vehementiori vento concussus in terram daretur, plumbeis uti soleis solebat, ut consisteret: sic vos, qui à chartis pallorem, maciem à studio trahitis, virtutem vobis substernere debetis, ne admiratione vestri adflati concidatis. Hæc hæc scientiarum omnium, atque artium *Orbis* est, imò hæc una scientia existimanda, quæ scientias omnes non solum possidet, sed ornat, fovet, perficit. Alii mentem, manumque mancipient avaritiæ, auro, & pecuniis inhient, ut *Mida*, & *Craßi*: alii honores ambiant, ut *Marii*, & *Syllæ*: alii otio, & desidia diffuant, ut *Vacia*: alii luxu, ut turpes illi Veneris nepotuli, quos nescio quæ socordia occupavit, ut ne attollere quidem desiderium ad honesta, & egregia possint. Vos qui Majorum stirpe ac indole digni, avitam gloriam novis virtutum subsidiis sustinetis, & tam necessarium putatis doctrinam consequi, quàm pulchrum in Rep. eminere: tam utile literatos esse, quàm gloriosum, de omnibus bene mereri, virtutem semper cum doctrina, doctrinam cum virtute conjungite, ut doctioresne, an meliores audiat, jure possit ambigi. Fucus hîc absit. Nam qui virtutem fronte, oculis, vultu metiuntur, quid nisi *Curios* simulant, vita interim, & moribus deformatissimi? nec absimiles illis qui in Theatro coram spectatoribus agunt *Agamemnonem*, si detrahas personam, *Thersiten* imitantur. Scilicet arte & actu vivendum in Rep. & sumenda Lycurgi facies, ut sub velo peccetur. O malè, & malos! Nam non ut lucus è lignis: ita virtus è verbis consistere putanda est. Praxi hîc opus, & esse, quàm videri, bo-

*Inducia*, non nisi tendiculæ sunt & laquei, quibus Batavum candorem irretire conantur illi, qui hodie libertati nostræ succensent, & quibuscum (dicam quod sentio) vix est ut ulla pax iniri possit, nisi vel cum præsentis bonorum dispendio? vel quod gravius est generoso pectori, cum pactione servitutis. Vin' causam? Ita à patribus, majoribusque didicerunt, ut dolo magis, quàm virtute contendant, damnentque aliquandiu nocendi studia, non causas, pugnas, non odia, his opertis magis, quàm extinctis, iramque ad tempus taciti concoquant, ne professi odia perdant vindictæ occasionem, ita ut nemini mirum videri debeat si hostis tum maxime sit metuendus, quum leoninis exuviis vulpinam pellem assuit, nec ab armato exercitu tantum immineat discrimen, quantum ab illecebris subdolæ, ac infidæ pacis. Sed abrumpo, &

— *ne te longis ambagibus ultra*  
*Quàm satis est moror,*

vive, vale, & crebrò tere hoc literarium iter. Suave enim (non blandior) audire de te, & in literis quasi videre, atque alloqui, cum in-  
 toram non datur. Delphis VI. Kalend. Majas M.  
 DC. XXXIII.

*Amplif-*

• *Amplissimis, Ornatissimisque Viris:*

D. FRANCISCO MEERMANNO,

D. NICOLAO BOGARDO,

Illi Reip. Delphensis Consuli; huic Scabino,  
& illustrissimorum Ordinum Hollandiæ Del-  
phis Quæstori.

E T

D. JACOBO VALLENSI, celsissimi  
Principis FREDERICI HENRICI  
Principis Auriaci Medico.

*Amplissimi, Prudentissimique Viri,*



Tylum dicendi magistrum optimum,  
atque præstantissimum, optimus ipse  
& præstantissimus dicendi magister  
Cicero appellat. Nec injuria. Quid  
enim eruditio, pura & nativa latinitate de-  
stituta, nisi infans, & muta rerum cognitio?  
Quid artes, & scientiæ, nisi eas eloquentia co-  
mitetur, quæ dilucide cogitata mentis enun-  
tiare possit? Quid literatura ab omni ser-  
monis elegantia aliena, nisi mera balbuties?  
Ideò olim arctissimo inter se vinculo jungi  
Mercurium, & Palladem Antiquitas vo-  
luit, quod sine facundia, sapientia, pruden-  
tiæque illa rerum humanarum Regina, &  
Civitatum Domina atque Imperatrix, nul-  
la sit. Et profecto si ii qui pacis tempore in  
armis tractandis se exercuerunt; usu plus,  
quàm corporis viribus, & robore præstant,  
galeam alacres induunt, & sagum, hostilis  
exercitus aut frontem petunt, aut tergum ad-  
oriuntur,

oriuntur , aut cornua laceſſunt , collato cum eo pede praeliantur , aliaque militia munia obeunt ; quis non ſcribendi , dicendique illis exercitationem neceſſariam eſſe iudicabit , qui in hominum oculis aliquando verſari , cathedram conſcendere , publicè verba facere , cauſas agere , Legationibus fungi , aut alio quoquam modo Oratorum tueri partes cupiunt ? Vidit hoc princeps ille Philoſophorum Ariſtoteles , qui Rhetoricam horis pomeridianis docuit in Peripato , & ea dicendi copia fuit , ut cum Oratorum princeps auro fluentem fluvium nominarit. Vidit Cicero , qui in colenda Oratoria totus fuit , & tantum abeſt ut Philoſophiam ab hac alienam eſſe iudicaverit , ut contrà profiteatur ſe non aſpernaturum eum Philoſophum qui eloquentiam attulerit. Vidit Theophrastus qui à divina loquendi facultate nomen retulit. Viderunt & ii qui Scholis unquam cum laude præſuerunt , rati rerum ſcientiam ita eſſe cum facultate ornatè , copioſeque dicendi conjunctam , ut eas qui diſtrahere conarentur , & vel rerum cognitionem ſine ulla politæ orationis adminiculo , conſectari ſe dicerent , vel verborum floſculis , & elegantiiſ contenti , ne adſpirarent quidem ad ſolidioris doctri-næ gradum peſſimè utroſque tum ſuis , tum alienis ſtudiis conſulere , & pernicioſum quaſi corporis , & animi diſſidium inducere. De me affirmare hoc audeam , non minimam me ſemper in eo muneris mei partem collocàſſe , ut Iu-

ventu-

ventulem curæ meæ concreditam in utroque  
formarem, & cum artium qualicumque scien-  
tia, ad comparandam lautæ quoque orationis  
suppellectilem, manu quasi ducerem. Quo fru-  
ctu? aliis judicandum relinquo. Hoc citra ja-  
ctantiam, ut opinor, testari possum, multos quos  
sub disciplina mea ad styli elegantiam olim ac-  
cendi, & institutione mea exemploque prae-  
ri, tantum in ea profecisse, ut praeclara ejus quo-  
tidie, data occasione, quâ publicè quâ privatim,  
specimina praebeant. Itaque mirari soleo illos  
ineptè sciolos, nugarum architectos, & lucifu-  
gos tenebriones, qui styli elegantiam vocum a-  
speritate metientes, verba foliis Sibyllinis ob-  
scuriora, anxie curiosi corradunt, & phrases  
antiquitatis situ squalentes affectant, aut si  
quod forte paulò abstrusius loquendi genus à  
se inventum, laudant, observant, imitantur:  
nonnunquam etiam de ejusmodi tricis, jam  
pridem è finibus puræ Latinitatis extermina-  
tis, ita inter se certant, ut pro aris & focis pu-  
gnam iniisse videantur, & in hoc puncto sitæ  
essent spes & fortunæ Græcorum. Malè meo  
quidem judicio, & imperitè. Nam si, ut scri-  
bit princeps ingenii ac doctrinæ Plato, non no-  
bis tantum nati sumus, sed & Patriæ, consan-  
guineis, propinquis, quis literaturæ nostræ fru-  
ctu ad quenquam redire potest, si nobis solis sa-  
pere videamur, & eum affectare in dicendo aut  
scribendo sylum, qui ab aliis divinari citius,  
quàm intelligi queat? Ita sapiât, qui volêt. Magis

T

mihi

mihi cura est, τῇ αἰσθόρῳ τῇ δὲ καὶ σαφελείᾳ  
 & à me stant Tullianæ omnes elegantie candi-  
 dati, & quicunque unquam didicerunt, quid  
 sit latinè loqui, & obscuritatem fugere tan-  
 quam scopulum. Sub vestro verò, Viri amplissi-  
 mi, illustri nomine, in lucem prodire quod has  
 styli exercitatiunculas voluerim, minus credo  
 vel mirabimini, vel etiam graviter molesteque  
 feretis, si quæ ad hanc me potissimum ἀναθεῖν,  
 impulerint, considerare dignemini. Causa du-  
 plex. Prior quia singulari vos amore literas, &  
 literatos complecti video. Et quid aliud æquè  
 purpuram vestram cohonestat, & illum hono-  
 ris apicem ad quem benignè vos cæli favore  
 vexit? Causa altera benevolentia vestra est, &  
 insignis humanitas, qua semper me estis com-  
 plexi: Quam munusculo hoc literario si non re-  
 pendo, ingenuè saltem, & palam agnosco. Exi-  
 guum quidem fateor, sed gratitudinis, & meæ  
 erga vos observantiæ ἐν ἐχρῶν ἀντιδοῖά σεν.  
 Vos laborem hunc meum qualemcunque, no-  
 mini vestro inscriptum, benevolo animo, sereno  
 vultu suscipite, gratum futurum (ut auguror  
 & spero) non pretio suo, quod nullum est, sed  
 authoris in vos affectu. Valete amplissimi, Con-  
 sultissimique Viri. Deum rogo ut vos Reip.  
 diu servet incolumes. Delphis, ex Museo no-  
 stro, Anno salutis partæ 1642.

Vestræ Amplitudini addictissimus

J. C R U C I U S.

J A C C-

# JACOBI CRUCI

## EPISTOLARUM

### LIBER QUINTUS.

LEONARDO HARLÆO  
*Studioſo S. D.*

Oxonium.



**A**Dhucne vivis mī Harlæ , & nos a-  
 mas? De utroque enim dant suspicari,  
 & locorum intervalla , & silentium  
 quod Pythagoricè nimis hætenus co-  
 luisse. Tot menses tu in Anglia, & ver-  
 bum nullum ad Crucium? Emenda studioſe, & ces-  
 sationis hujus diuturnioris culpam elue. Literas  
 tuas videre gestio , quæ peregrinationem sapiant,  
 non erraticam illam, & vagam , quæ pedes magis  
 exercet, quàm mentem ; non curiosam, quæ oculoſ:  
 Sed feriam quæ urbes, regiones, terras lustrat,  
 ut indaget, discat, ruminet, proficiat in ſcientia, lin-  
 guis, moribus. Ad voluptatem enim ſolum qui pe-  
 regrinantur, & per tot terras & maria oculos, pe-  
 desque ferunt, aberrare mihi videntur à vero ejus  
 fine & uſu, qui non in eo ſitus, ut cœlum mutes,  
 ſed animum, & more apum favos ſtipēs doctrinæ,  
 atque ex auditu & alloquio tot inſignium viro-  
 rum, Sapientiæ liquentia mella. Locorum muta-  
 tiones nihil momenti habent , niſi comitem ad-  
 junxeris ſapientiam. *Da operam inquit Seneca, non*  
*ram ut alibi ſis, quàm ut alius ſias. Quid enim pere-*  
*grinari juvat, ſi peregrinaris cum affectibus tuis , &*  
*tua te vitia ſequuntur?* Naturam habes, ad littera-  
 rum commercia natam , & Mœcenatum tuorum  
 munificentia amandatus hinc è patrio tuo ſolo, ad  
 externos : mercatum dico, & panegyriſ bonarum  
 artium : habes campum quem virtus tua fe-

T 2

liciter

liciter, & cum laude decurrat, palæstram in qua se exerceat, & cum ætate, quæ jam ad maturitatem vergit, in Patriæ decus tandem aliquando exurgat, & Ecclesiæ Christi cui jam pridem devotus, ædificationem. Angliam aliquandiu infedisti, & in ea Academiæ principem *Oxoniam*. In qua quot virtutis & doctrinæ videre lumina datum tibi, & audire quot illustres nomine, & fama viros? quæ ex conspectu, & alloquio tantorum virorum proficiendi occasio, & imbuendi animum succo diviniore illius Sapientiæ? Quam non illi docent solum, sed inculcant: non contemplantur tantum, sed & vita, moribus, exemplis exprimunt, nihilque esse putant videri, nisi etiam sis quod videris. Præclare mehercule, & prudenter! Quid enim in Divinis illis scientia nostra, nisi eam conscientia comiteatur, imo fulciat? quid theoria hic sine praxi? si lingua eam proferat solum, & præferat, non vita? si libris inhæreat, non animi fibris? si iidem sumus, non aliter quam spectatores in theatris? Mihi crede, anima illa est. Theoria sine illa, verbatantum, fucus, & inane simulachrum. Sine ea frustra quisquis est Theologiam proficetur, si quam aliis ore inculcat Sapiëntiam, ipse eam vita, & moribus profituat, imò & animis suorum exculcet. Eximie Stoicus: *Nullos pejus mereri de omnibus mortalibus judico, quam qui aliter vivunt, quam vivendum esse præcipiunt: nec magis talis potest prodesse præceptor, quam gubernator in tempestate nauseabundus. Quin ut gladius est in manu furiosi: ita eruditio omnis, & scientia, nisi ἀπειροπικὴ, & animorum imperatrix pietas clavum moderetur. Verbo. Illum ego demum verè Theologum censeo, à quo alii non solum disciplinam capiunt, sed exemplum, & qui non modò scit quæ recta sunt, sed facit. Ut illi qui ad speculum se comunt, faciem, & cultum rectè solent disponere: prorsus hic idem. Aliena vita & facta speculam sunt & imago, in qua te videas, & ad*  
*eam*



*eam decorè componas.* Sed heus, migrandum tibi. Aliò enim te vocant Mecænates, qui reliq̃ta Anglia, transfretare te volunt in Galliam, illam cultissimam terrarum, & comitatis omnis ac elegantiaë magistram, primaque opportunitate, primo vento, citra moram, via quâ poteris maxime compendiarie rectâ tendere *Salmurium*, illam Musarum officinam & doctrinaë theatrum. Ejus præsertim cui nunc operaris, & in qua consequenda, totus desudas. Hic sedem tuam figes ad semestre, quo elapso cogitandum tibi de reditu in patriam, nec enim diutius te volunt *ἀφελῆν*, longiusque indulgere exilio tuo literario. O te beatum interim, & albæ gallinaë filium! cui cum sacro Theologiaë studio linguas conjungere datum; & illam quæ omnium nunc audit elegantissima, & quâ nulla jam receptior in aulis Principum, & civium potentiorum ædibus. Sed unum te moneo, studiose. Cave quæ passim illic sese offerunt contagia morum, & vitiorum irritamenta. Cave incautæ nimis juventutis laqueos, desidiâ, aleam, luxum, crapulam & quæ id genus sunt illicia malorum, quibus haud rarò inescari hæc ætas solet, & velut Circeæ poculo fascinari. Ac nisi magno conatu, & veluti contra violentum cupiditarum æstum luctetur assidue, turbæ, ceu torrentis impetu statim auferatur. Quæ ut blandiendo, instar aspidum, venenum suum inspirant, & fallente morfu: ita perire te non sentis, nisi cum perieris, nec obesse illicò contagis suæ affricu, sed obfuisse. Ad meliorem quidem frugem, è pessimis morum exemplis emerfit *Themistocles*, emerfit *Scipio*: sed non omnes esse possunt *Scipiones*, & *Themistocles*: nec si sint, nimium virtuti suæ confidant, labuntur optimi: non etiam ingenio falluntur sagacissimi? Omnes quadrupedes odore pantherarum, ferarum immanium, feruntur admodum delectari, sed abstergeri torvitate capitis. Ideo pantheræ caput occultantes

cum prædam venari volunt, allestas odoris suavitate bestias, ubi propius accesserint, corripunt, & mactant. Lenones vitiorum, ut prædentur homines, pantheras imitantur: abscondunt quod torvum est, quod terret omnes; in voluptatum illecebris, turpitudinem; comitem carnificem conscientiam, pœnitudinem quandoque seram, atque pœnam vindicem. ostendunt quod suave est, quod delectat, dulcedinem gaudii, speciem lætitiæ, præmia *Bacchi*, aut *Veneris*, quibus allectos instar pecudum incautos invadunt, & dilaniant. Quare degeneres illos Academia incolæ fuge, qui & se dedecorant, & omne nomen literarum. Ac præ aliis (liberè dicam) Batavos nostros, quos scio libertatem illam quam habent in publicis Athenæis, haud rarò vertere in turpem morum licentiam, & petulantioris vitæ ansam. Sirenes hîc passim, quæ aure surda præterlabendæ; Syrtes quoque & vada, quæ ut enaviges, in periculoso peregrinationis tuæ salo, opus tibi non *Argi* solum oculis, sed *Lycurgi* supercilio, fronte, vultu, quæis consortia illa declines, quæ nimis hodie ad proterviam, aut vanitatem inclinant. Alliciunt, & invitant? subduc te & deflecte; multum est velle servari. Blandiuntur? fuge, non omnes sunt ea constantia, qua *Socrates*, ut *Critonem* audiant male consulentem, & ei refragentur: complures *Alcibiadi* sunt similiores, qui malum consilium cupidè arripiunt, & arreptum semel cupidius exequuntur. Oderunt? remedium in manu est, sperne, imò ride similitates illas & odia, quæ virtus tibi conciliat, & illibata vitæ conscientia. Domi nos magna sæpe circumstant pericula à seculi contagio, fertiliori hodie *Ciodiorum*, quàm *Milonum*; sed longè majora foris. Ubi juvenus immixtis licentiæ habenis, lascivire solet magis, & excusso obsequii jugo, sibulam laxare morum proterviæ; nec pecuniæ paternæ alium fructum putant, quàm profusionē, tantumque sæpe luxuria sua aris alieni contrahunt, ut decennali

cennialifrugalitate non possint explere lacunas sui damni; imò si salvi esse velint, *Syllaiis*, aut *Lucillus* ab inferis sit excitandus. Tanti nempe illis emendum est ultrò decipi, & pœnitere. Hinc enim studiorum languor, imò nausea, laboris remissio, animi mollities, honoris contemptus, & quid non? Inter tot remoras bonæ mentis, tot vitiorum proxenetas, quid mirum virtutis arcem difficilius conscendi, quàm *Capitolium*, & precipitem ruere in omne nefas, fractis omnis honesti ac pudoris repagulis? Tu melius *Candidate*. Ad virtutis, & doctrinæ palmam adspira; claudere, claudere inquam aures malis vocibus, & quidem primis; nam cum initium fecerunt, admissæque sunt, plus audent, & ut imponant, pelliciunt; ut fallant, adulantur. Deum vitæ tuæ autorem sequere, & ducem, me cum Plautino illo sene monitorem: nihil abducatur, quacunque specie, aut obtentu. Cogita id optimum esse, rute ut sis optimus, si id nequeas, saltem ut optimis sis proximus. In sacro quod tractas studio non multa lege, sed multum. Qui simul omnia volunt & affectant pulcherrimè cum Polybio, gulosis comparantur. καὶ γὰρ ἐκεῖνοι πάντων ἀπεχόμενοι τῶν παρεκκειδμένων ἔδῃ καὶ τὸ παρὸν ἔδῃ ἀληθινῶς ἀπολαύσει τῶν βεβημάτων ἔτι εἰς τὸ μέλλον ἀφέλιμον ἐξ αὐτῶν τὴν ἀνάδωσιν, τρεφὴν κομίζοντες. Nam & illi omnia, quæ apposita sunt, gustantes neque in præsentia fruntur ullo ciborum, neque in posterum digerunt satii, aut utiliter eis nutriuntur. Plane hîc simile. Voluptatis gratia multi degustant multa, & libant varia, quæ florem, & fucum magis, quam robur, & veritatem habent, & sine alio fructu, omnia cursim, & properanter transmittunt. Tu optima, & pauca, quæ in ætatem eunt, & in Ecclesiæ usum, cui destinatus. Vides affectum meum studioso, & quam propenso, ac benigno in te sim animo, & ero

*Dum parcent animæ fata superstiti.*

T 4

Ut

Ut finiam, Deus studiorum tuorum sementem  
foveat, messem maturet, maturam servet. Va-  
le. Delphis. 6. Cal. Quintil. M. DC. XXXIII.

HADRIANO & GUILIELMO VAN  
DER MEER, *fratribus pro gradu Doctu-  
ra in V. I. consequendo disputa-  
turn S.*

Lugd. Batav.

**T**Heses vestras inaugurales, Juvenes ornatissi-  
mi, quas offerre mihi visum, legi, & legi lu-  
bens. Valde alienus à Gratiis omnibus sim, si non  
& illæ gratae, & ista ad disputationem invitatio,  
tam amica, tam humana, à *meis*. Sic vos appello.  
A mea enim velut manu estis, à Schola, & à dis-  
ciplina. Ut pictorem tabula sua delectat, si egre-  
giè, si affabrè picta: sic me indoles vestra, quam  
formatam olim in Athenæo nostro tendere  
nunc video, & eniti ad alta. Et si quid auguror,  
enitetur, si non audietis solum præcepta quæ cre-  
bro dedimus, sed admissa in animum re exprime-  
tis, & factis. Ad virtutem ante omnia vos hortati  
sumus. Cui etiam fervire volumus, quidquid in  
vobis civilis est prudentiæ, & sacrarum legum.  
Tam arcto enim hæc inter se nodo juncta, & nexa  
sunt, ut alterum alteri decus conciliet, ac robur:  
Date mihi quæso prisca illa *Juris* lumina, quorum  
responsa vim Legum merito obtinuerunt, pari-  
ter omnino in *Juris*, & *Virtutis* studio desuda-  
runt, ut non minus boni audirent, quàm docti.  
Idem vos. Ad hæc non actiones solum omnes ve-  
stras, sed & cogitationes necessum est collinquare:  
Huc jura omnes cogunt, leges instruunt. Cavere  
quæso, ne quid labis, aut maculae trahatis ex con-  
fortio juventutis maculosa. Fugite illos, fugite  
qui liberioris vitæ obtentu, ad licentiam, & volu-  
ptatis præcipitia pessum trahunt, quæ una inge-  
niorum pestis est, una probitatis & modestiæ gan-  
græna. Magna mihi de vobis pollicor, quos ad  
omnem

omnem laudis cumulum natura genuit, ratio formavit, voluntas & studium accendit, vos videre ne frustra, & in hoc lubrico ætatis vos depravent pravi, qui, ut pondera ab alto lapsa, in præceps eunt, & trahunt, ut vix ac ne vix caveat qui cavet ne decipiatur, cum etiam cavet. Phileras Gous cum corpore tam macro esset, ut non tantum impulsu ictus, sed etiam vehementiori vento concussus in terram daretur, plumbeis uti soleis solebat, ut consisteret: sic vos, quia chartis palliorem, maciem à studio trahitis, virtutem vobis substernere debetis, ne admiratione vestri adflati concidatis. Hæc hæc scientiarum omnium, atque artium *Orbis* est, imò hæc una scientia existimanda, quæ scientias omnes non solum possidet, sed ornat, fovet, perficit. Alii mentem, manumque mancipient avaritiæ, auro, & pecuniis inhient, ut *Mida*, & *Craffi*: alii honores ambiant, ut *Marii*, & *Syllæ*: alii otio, & desidia diffuant, ut *Vacia*: alii luxu, ut turpes illi Veneris nepotuli, quos nescio quæ socordia occupavir, ut ne attollere quidem desiderium ad honesta, & egregia possint. Vos qui Majorum stirpe ac indole digni, avitam gloriam novis virtutum subsidiis sustinetis, & tam necessarium putatis doctrinam consequi, quàm pulchrum in Rep. eminere: tam utile literatos esse, quàm gloriosum, de omnibus bene mereri, virtutem semper cum doctrina, doctrinam cum virtute coniungite, ut doctioresne, an meliores audiat, jure possit ambigi. Fucus hîc absit. Nam qui virtutem fronte, oculis, vultu metiuntur, quid nisi *Curios* simulant, vita interim, & moribus deformatissimi? nec absumiles illis qui in Theatro coram spectatoribus agunt *Agamemnonem*, si detrahas personam, *Thersiten* imitantur. Scilicet arte & actu vivendum in Rep. & sumenda Lycurgi facies, ut sub velo peccetur. O malè, & malos! Nam non ut lucus è lignis: ita virtus è verbis consistere putanda est. Praxi hîc opus, & esse, quàm videri, boni

ni malunt. *Esse* dico, atque id à prima ætate, cum simplex adhuc indoles, & *modestiae* candidata. Bonum esse, longè ego præfero, quam doctrinâ magnum. Vos mihi tales, & ut diu sitis, precibus à Deo contendo. Valere Astreæ alumni, & magno parenti vestro à me salutem. Delphis. Id. Iul. M. DC. XXXIII.

JOH. WESTERBURGIO.

A. COLVIO.

J. FOCANO.

J. BEECMANNO, *amicissimam*

S. D.

Dordrechtum.

ET vos viri clarissimi vestrum in me affectum, testatum ire voluistis, utrinque largi, & amando, & donando? Miseram ad vos nescio quos nuper *Musarum* mearum rivulos, vos ilicò pro rivulis fontem, ita affabrè factum, ut Lyssippi quis cælo ductum credat, aut Dædalea manu. Pretium in eo respiciam, aut animum? omnia ejusmodi sunt, quæ haud leviter me vobis devinciunt. O dies veniat! qua occasio mihi sit, rependendi hunc animum aliquo saltem genere officiorum. Ingentè dico, is est quem in his talibus specto: nec pretium iis unquam à se facio, sed ab affectu. Aurum illud, aut argentum cum pensitatè examino, quid nisi splendens lutum, & nitidius paulò ejectamentum luti patris? Altior mihi mens, quam ut ad ista se demittat: firmior, quam ut moveant. Mover insignis hæc vestra humanitas, mover benevolentia, & luculenta propensi in me animi reificatio, quæ omnia non impetrare solum à Crucio potest, sed imperare. *Verovicium* nostrum audio totum chartis impallescere, & non minus serium, quàm elegantem tractatum moliri de *termino vite*, collectis undique super hac nobili materia doctorum sententiis. Industriam viri laudo,

laudo & probo, qui dum notas sui in literis amoris, illustrisque orii testes literata posteritati relinquit, nomen ab oblivione vindicat, victurum in secula quamdiu nomen erit, & fama literarum. Faxit Deus ut brevi lucem videat hic fœtus, cui si quisquam strenuè obstetricatur. Libavi illum leniter ut scitis, quia penetrare in eum, nec mens mihi, nec vires. Faciant qui subtilis ingenii sui ala, in abditissima quæque involant, & perplexis quæstionum labyrinthis feliciter se expediunt Thesejo sapientiæ suæ filo. Ego suspicere illa malo, quam inspicere, & doctorum sententias mirari, quàm meam curiosius rimari. Sed heus! qui nuper de obitu *Infantis Hispaniarum* ad nos rumor? itane è vivis excessit, & abiit? O infida sceptrorum! ô spes & res humanæ, quid estis? quo itis? quam levi casu frangendæ! Nempe ut nauclerum firmatis anchoris ventorum illudit rabies, & *quas nolebat cogit inire vias*: ita nos abripit fatalis illa vis, & nequicquam reluctantes cogit sequi; etiam eos quos supra sortis humanæ aleam evexit regalis apex, & in terris *Deos* Deus esse voluit. Hac parte homines, quod mortales, & in extremo naturæ deliquio, cum minimis

*Victima nil miserantis Orci;*

& futuri in hoc rerum humanarum orbe, quamdiu hîc Orbis.

*Æqua tellus pauperi recluditur,  
Regumque pueris —*

Non alia lege nati. Et hæc illa est *purpure* personata felicitas, post tot tantasque Imperii curas, tot pugnatabella, & rerum sursum ac deorsum euntium vicissitudines, ut spoliū tandem sint temporis, & vile depositum naturæ, in gremio magnæ matris. Quis fodes vitæ privatæ tranquillitatem, otia, delicias, si sano iudicio res æstimeretur, non longè præferat his sceptrorum importunis, & concatenatis curis? quæ foris nitent, introrsus miseræ sunt. Nam in altam illam fortunam, quot

nimbi, procellæ, fulmina incidunt, aut incurrunt.  
De me, dicam quod sentio.

*Stet quicumque volet potens,*

*Aula culmine lubrico :*

*Me dulcis saturaret quies*

*Obscuro positus loco,*

*Leni perfruar otio.*

Quid enim purpura illa ? quid Majestatis ille apex ? nisi superbe extructi carceres, atque aureæ compedes, quæ latentes animi torturas celant ? & furda carnificis conscientia flagella, equuleos, fidiculas, uncas, sub splendido mentita felicitatis mantili. Si, ut mendici vulnera sua, & cicatrices detegunt ad eliciendam populo misericordiam ; ita Principes palam oculis hominum exponerent curas, sollicitudines, faces furiarum, quibus perpetuò inquietantur, non abundè miserari eos possent, quos ad invidiam felices, ac fortunatos judicant ? Sed quid est ? cæci plerique sumus, & caliginem amamus miseri, & calamitatem sequimur, Quod quisque est, & habet, nemo, aut pauci æstimant. Placent vanitatis, & ambitionis aucupia, placent tiaræ, coronæ, sceptræ, quæ per discrimina mille, & pericula quari debent, & majore cum periculo possideri. Quidquid securum, & tutum est, stultissima opinione vilescit. Indolui, nuper humanitus accidisse Heinsii conjugii, quod nulli non homini. Sic impares nascimur, pares morimur :

*Æqualege necessitas*

*Sortitur insignes, & imos :*

*Omne capax movet urna nomen.*

Et nostrum aliquando motura, in hoc cum muni Naturæ sortilegio, cum dies ille venit, illa hora, Nihil ortu obscurior. Felix qui in procinctu est, & qui paratus ad hoc iter indies de abitu cogitat, tanquam quotidie abiturus. Nam quid hæc vita ? nisi punctum, quid corpus ? hospitium, non domus, in quo brevem omnino moram trahimus : si cum  
æter-



æternitate compareretur. Laudo hunc animum quicumque habet. Habet, qui opes, qui honores, qui vitæ commoda contemnere didicit, & fidei alis subvectus cœlum possidet in terris, paratus ire, cum evocatur. Quid enim si relegata fortunæ pompa, & ambitione rem ipsam intueri velimus: quid inquam sunt seculi opes, ad non morituras? quid vita hæc, ad æternam? quam meditari, frui est: & qui fruitur, quid eum diutius teneat in hac Mundi scena? quid alliciat? ubi semper alius ex alio labor, novi semper luctus, lamenta, lachrymæ, quamdiu vita? Prolixior eram, sed æris per brumam inclementia cogit abrumpere. Pluribus coram, si Deo ita visum. Cujus tutelæ vos quatuor viros commendo; etiam me, quem scire certo debetis, vestri ex animo amantem. Salveant à me Catsii, Beverovicii, Somerii, quæis nec amicitia amicior, nec integritas integrior est in illo doctrinæ fastigio, in illa commitate, & candore morum. Delphis. M. DC. XXXIII.

*Viro amplissimo J. CATSIO urbis*

*Dordracenæ Syndico: Χαρίτων ἡγῶ*

*ἐν πρᾶξιν*

Eodem.

**E**Ximia animi tui, Vir clarissime, in me propensio est, eximia quoque nuper liberalitas tua, & πολυδωγία, quæ eò fortius stringit, quod iterata, ut repetita vincula arctius innectunt; ex quo apertis mihi non modo foribus, sed adytis amicitiae tuæ, nihil abs te prætermisum est, quo in tuas partes raperes, raptum magnitudine officiorum devincires. Quid scribam? gratias agere me? ne concipio quidem, & verè dicam, expectationem meam longè superarunt. Ut Ulysses apud Alcinoûm nihil habet, quod rependat pro ingentibus meritis, præter vota, & grates: ita ego nihil præter munera hæc animi, & grata mentis. Certè bene-

beneficia beneficiis cumulas, & tanquam satis non sit, ignotum ante & invisum, in album amicorum tuorum adscribi, & *Crucium* à C A T S I O amari, etiam affectus tui egregia apud me exstare voluisti specimina. Alterum ingenii tui monumentum: alterum *Mercurii*, aut *Pluti* patris: Utrumque meherculè pergratum: quia à tam docta, tam liberali manu. Et ita me *Musa* amant, in pretio mihi erunt, quamdiu ero, nec animo meo unquam patiar exolescere memoriam tam proni in me affectus. Nam ut victores, circulis quibusdam vasa adstringunt, atque alligant, ne quid effluat: sic ego reminiscencia identidem meum animum, ne humor ille benignitatis tuæ, quem combibit. Ita sum; & habet hunc morem gratitudo, ut novissima virtutum exuatur, acceptique beneficii memoria in homine grato, omni affectu sit non solum flagrantior, sed & diuturnior. Quanquam ex veteri etiam Sapiencia: *magnam debiti partem jam solvit, qui lubens se debere profitetur*. Profecto certe, & profitebor lubens, dum vivam, nominisque tui memoriam sanctam mihi, & antiquam fore, omni juramento sanctius adfirmo. Hæc privata. De *Pace*, & *Induciis*, pauci nunc, & fracti sermones. Belli contrà motu & metu omnia nunc æstuant. Acies utrinque in armis;

*Et fremitus spumantis equi strepitusque virorum.  
Tympanaque in mediis spirant nunc prælia campis.*

Faxit Deus, ut feliciter nobis cadat hæc *Martiale*, quæ dubia esse solet, & anceps, suspectumque habere quidquid ab eventu pendet. Periculosi certe conflictus, cruenta prælia cum veterano hoste, & quem pugnare docuit non ambitio tantum, & cupido profunda Imperii, odiumque in sacramentem; sed & necessitas ex jactura tot urbium, quas invictissimas esse illi hætenus clamitarunt. Sed nec bene ominari adhuc desino; & cum belli nostri initia, progressus, causas intueor, non levi spe ducor, fore ut Deus

— *cujus*

— *cujus stant numine bella*  
*Bellorumque decus,*

ad suum, id est bonum finem hæc omnia sit directurus, & nostandem sub Principis nostri auspiciis, bello tam longo, sævo, indomito, quod non sine rapina, incendio, vastitate geritur, liberaturus, tempestate in malaciam, nocte in diem, luctu in lætitiâ commutato. Ingenuè dico, scopus, & summa votorum eò tendit. Victoria modò applaudat, & circumvolet purpureis suis alis, Palladisque olivæ tandem cedat triumphî laurea, dum nihil aliud armorum nostrorum præsidio quaritur, quàm ut in pace securè vivere liceat, quâ nihil in rebus mortalium & nomine dulcius, & re ipsa magis salutare, magisque consentaneum officio, & ingenio humanæ naturæ. Tu interim vir nobilissime me totum tibi vendica. Magnum esse oportet, & charius, quàm *Achilli Briseis* fuit, quod Amplit. tuæ negem: & si vires desint, nunquam deerit voluntas, nunquam animus. Qui jam pridem ex assè obsequia sua tibi tuisque devovit, paratus non venerari tantum raras ingenii tui dotes, sed & nominis tui famam tueri adversus sæculi Sycophantas. Quamquam nec tali auxilio, nec defensoribus istis virtus tua egeat, & ea es sapientia, ut non tam repellere calumniæ ista tela didiceris, quàm declinare. Nam directâ, aut emissâ non perveniunt, & ut perveniant, non lædunt: quippe armatum animum habes constantiâ, roburque colligis, quo tutus adversus omnem linguæ proterviam consistas. Socrates ille fons arcana sapientiæ, cum comœdiam spectaret, & convitiis suis interesset, constanti vultu animoque fuit, & scenam tanquam *Xantippen* suam risit, ratus nullum esse præstantius genus ultionis, quàm rebus ipsis & moribus confutare calumniam. Quamdiu enim hoc vitæ salum navigamus, tamdiu procellæ, tamdiu fluctus; & interdum blandior aura si nobis affulget, ilicò se subducit, & ferè acrior tempestas

pestas ingruit. Nimirum homini christiano ista à Deo dicta lex est, *premi, turbari, concuti*. Sed quid nisi feramus tanquam Bonum, quod à S U M M O I L L O B O N O? Animis hic opus est, & armis, quæ ratio subministrat, quæ Sapiencia, in quam malorum ingruentium agmen nihil potest. Ad omnem enim incursum *Sapiens* invictus, atque interritus est,

*Nec si terra mari miscebitur & mare cælo,*

pedem referet. Securus contra illa ibit plenus fiducia, plenus animi, ex vitæ antea actæ conscientia, & sensu illibatæ integritatis. Ita generosiores fera ad canum latratum lentè respiciunt, ac plurimum, nec aspectu dignantur. Quid? Aureum illud Solis jubar, deliquia pati non miramur, & pallidam Lunæ faciem noctis colore tingi: & famæ nostræ lumen calumniæ nebulis obfuscari, mirum nobis videbitur, & novum? Malè. Nam quidquid in hac Universitate pulchrum, quidquid eximium, defectus suos habet, & navos, si non à se semper, à malorum saltem protervia, quos qui contemnere didicit, jam fregit, dejecit, vicit. Sed hæc magis seria fortassis, quam pro epistola. Plura non addo, nisi ut valeas, & me ames, qui te æternum. Delphis. XI r. Kal. Octobris. M. DC. XXXIII.

*Clarissimo Doctissimoque Viro. J. BEVEROVICIO S. D.*

Eodem.

**A**Nnales *Belforesti* quam grati mihi fuerint, missi nuper à tam candido pectore, tam liberali, & amica manu, vix habeo scribere. Pro munusculo meo, ne quid ad explendum amoris cumulum deesset, munus reponis, quod in bibliotheca mea primarium tenet locum, agris fertilibus similis, qui multo plus afferunt, quam acceperunt. Gratiam tibi vir clarissime mea *Musa*, & habitura quam-

quamdiu erunt. Nam genus ego illud hominum odi, quorum animis beneficia citius effluunt, quam doliis *Danaidum* infusæ aquæ, nec eorum memoriam magis apud se tenent, quam matres matrum partum. Accipiunt tanquam perpetuæ memoriæ recondituri, æternæ recondunt oblivioni, & in ipsa prope manu benefacti memoria perit. Alia mihi mens, & ad tuas jam pridem respondiſſem, nisi *Hilaria* nuptiarum fuissent in mora, quas aliis intendi curis, aliis distringere negotiis, nemo nescit. Tu vir humanissime, si quid hic delictum, indiligentiæ meæ sodes, aut si mavis cunctationi condona. Vides quæ differuntur non auferri, & literarum commercia intermitteri quidem, non penitus omitti. Vale, & me tui amantissimum, quod facis, ama. Delphis. v. Kal. Oct. M. DC. XXXIII.

JACOBO FOCANO  
*Ecclesiastæ S. D.*

Sylvam Ducis.

**T**ACITE litatum fatis mi Focane. Quando tandem tuæ ad me literæ? Alloquio earum caruisse me tam diu, non re solum, sed cogitatione molestum fuit. Quid? adeone nova hæc Sparta te habet occupatum, ut veteris amici memoria animo tuo exoleverit? Non fidei tuæ videtur, non amoris. Quid quod altioribus radicibus innixa est utriusque necessitudo, quàm ut eam leviusculis his fulcris literarum statuminari sit opus. Sed amo (cur dissimulem) jucundissimum hoc amicitiae commercium. Et quidni quos amamus, etiam absentes libenter in literis videamus, & alloquamur? literis, quas summum solatium censere licet humanæ vitæ. In qua turbida ferè omnia & amara, jactationes meræ, & fluctus, nisi hæc talia interdum interveniant, studiorum, & solitudinum condimenta, quæ animi ægritudinem, si non adimant, saltem dulci quadam diversione leniant

leniant, & fatigatum non invitè abducant. In me sentio, & si quid judico, non alia quoque tibi mens. Fruamur ergo, quamdiu licet & liber, affatu hoc literario, diuturnioris nostræ absentia tardius discutiendis idoneo. Ita tamen ut ex amœniori hoc Musarum commercio, nihil detrimenti capiat sedula tua muneris obeundi cura. Quem (serio loquer) in te laudo. Quid enim ea tibi prius esse debet, quid antiquius, in tanta messis faciendæ spe, tanto animarum quæstu? quæ tenebris hæctenus, & densa errorum caligine demersæ, fidem in ignorantia ponunt, & Religionem in bruto populi obsequio. Nam in pontificio hoc regno quid nisi jumenta sunt homines? quicquid imponitur portant, ut asinus *Isidu* sacra; nec magis intelligunt, quid sit Religio, quàm mulus, aut equus. Quid mirum? Cæca obedientia, & tantum non stupor, ibi encomium est CHRISTIANI, & bubalorum instar, naso circumduci ad superstitionem, & idolatriam, hoc vere est *Catholicum* esse. Ire quæ itur, non quæ eundum, vulgi gloria est, & Christiani obsequii laudem habet, ac meritum. Hoc fascino præstrictæ mentes hærent, & stupent ad apparatus, & pompam Religionis pontificiæ, & ignorantia suæ, pia (servilis dico) venerationis purpuram prætexunt. O cecitatem! & ô miseri, ac miserandi! Quid enim illa, si eam penitus excutias, detracto mentis veritatis mangonio, nisi Histronia? quid nisi fabula in Theatro, operosa simulac ludicra? Tu vir piissime, qui jam pridem sub Christo stipendia facis, & illibata ejus veritati dixisti sacramentum, strenuè in sacra hac militia desuda, & profligatis hæresium in Papatu portentis, errantes reduc in viam, nutantes firma, lapsos erige, & contra onera ac pondera superstitionum, palmæ instar assurge, perque obstrepentium adversariorum remoras, odia, simultates, viam fac Veritati. Et facies, si eam cum morum candore, & modestia conjunxeris; humanitatem cum prudentia, mansuetudinem cum affabilitate, & vitæ sanctimo-

Etimonia. Mirum quantum illa possit virtutum  
*παραρμονία* in animas dociles, & *φιλομαθεῖς* quan-  
 tacunque etiam cecitate laborent. Mihi crede  
 duci volunt hi tales, non trahi; suaderi non co-  
 gi. Error veniam & commiserationem meretur.  
 Erudiendi ergo cum lenitate, & abstersis errorum  
 nebulis, molli frano ducendi in viam rectam, quo  
 uno stringi, ac vinci se patitur animus. Si remora  
 hic, & obstacula, non uno ictu concidit arbor, non  
 una semper concione se patitur capi, & aggregari  
 ad Christum. Patientia hic opus est, & *μακροθυ-  
 μία*. Instandum *εὐχαίρεος καὶ ἀκρίεος ἐν πειθεύσει*  
*τῷ ἐντιδιαθεμένῳ, μήποτε δῶ αὐτοῖς ὁ θεὸς*  
*μετανοίῃ εἰς ὁπίγνωσιν ἀληθείας*. Uti mustum  
 tempore despumat, & facibus subsidentibus eni-  
 tescit: Ita etiam tractu temporis, non raro sedan-  
 tur præjudiciis & affectibus abrepti animi, ubi in-  
 stillata sibi à pueri Religionis reformatæ odia se-  
 mel ebullierunt, & defervescente paulatim con-  
 tradicendi studio & contentionis æstu, aurem  
 præbere cœperunt rationi. Levis sæpe, captato  
 commoditatis articulo, salutatiuncula, amica con-  
 fabulatio, collatio familiaris errorem tollit, ut  
 radius nubem. Non enim solum gravior est amica  
 hac *ὁμιλία*, & conversatione institutio tua, sed  
 validior, nec colorem modò ab illa ducit, sed ro-  
 bur. Utrumque tibi voveo, & in firma hac spe sal-  
 vere te jubeo, & diu. Scribe ad me si quid apud  
 vos novi. versaris enim in limitanea, inter arma,  
 & tubas. Datum Delphis x i v. Kalend. Januar.  
 M. DC. X X X I I.

JOHAN.

## J O H A N N I C R U C I O

S. P. D.

. Harlemum.

Πολυελέστατον ἀνάλωμα χροῖον. In te video mi *Cruci*, qui ita affixus es libris, ita assiduus in studiis, ut nulla alia te vexet avaritia, quàm temporis. Charas à te litteras accipio, sed verè laconicas argumento, & stylo; ne tantillum scilicet tempori tuo decedat, & racemus (ut sub imagine loquar) ex uberi tua vindemia, aut è copiosa tua segere manipulus deruatur. Parcè nimis cognate. nulla enim tibi studia tanti esse debent, ut amicitia officia deseras. Emenda, & scribe, non quia debes solum, sed cupis. Certe debes. quid jucundius, quàm cum amicis diu non visis, per litteras confabulari? & celeri pennarum remigio advolare ad longè diffitos, iisque absentibus, quasi præsentem sisti? Plusculos quidem ego dies filui, sed invitus. Bruma hoc facit, solito acrior, quæ manibus frigus, calamo torporem induxit. Sed jam ut vides, scribo, & impatiens longioris moræ, ad te propero nigellas has *Cadmi* filias, non ingratas interpretes actionum, & nuntias valetudinis amicorum. Vin' dicam? adhuc votiva est; Vin' amplius? Totus sum in historiis, quas avidè nunc lego, volvo, pensito. Studium meherculè non minus utile, quàm jucundum! In quo tanquam in augusto Mundi theatro iatueri licet, hominum in omni fortuna ingenia, mores, dicta, facta, consilia, eventus, Rerum publicarum ortus, & occasus, fatales Imperiorum, & Regnorum periodos. Verbo. quidquid Orbis habet, & habuit, hic est. Sine sumptu, & periculo, labore nullo, emolumento maximo, aliena non tempora tantum, sed loca lustras, & celeri lectionis tuæ ala, magnum hoc pervolas Universum. Nihil invisum oculis, nihil auribus inauditum se offert; quod in  
amplo



amplo hoc vitæ humanæ speculo contemplari,  
 imò penè tangere non detur. Nam quidquid u-  
 bique terrarum patet, pererras; quidquid aqua-  
 rum Sol videt, navigas, & dum Mundi termi-  
 nos tuos facis, larem non mutas. Orbem inclu-  
 dis non domo, sed Musæi angustiis, aut cubiculi.  
 Secula ipsa sub manu tenes, quia HISTORIA  
 M, illam rerum gerendarum quasi *Animam*,  
 qua si cares, ubique novus es, & vel domi pere-  
 grinus. In historia prælia vides, in præliis anci-  
 pitem fortunæ aleam, bellorum dubios eventus.  
 Hinc trophæa, hinc clades: in utroque exempla  
 illustria virtutum, vitiorum, rectè factorum,  
 ἀμαρτυριῶν, salutaria semper, si bona mens eli-  
 git, & excerpit. Gerere ipse videris, quæ legis;  
 ad bellum ducere milites, & accendere ad pu-  
 gnam; urbes obsidere, & capere; Rubiconem  
 transire cum Cæsare, eumque in campis Pharsa-  
 licis cum Pompejo prælium ineuntem comitari;  
 Carthaginem exscindere cum Scipione; Alpes  
 penetrare cum Annibale, pacis aut induciarum  
 conditiones pacisci, leges condere, formare  
 Principem, legationibus defungi, regere popu-  
 lum, & Imperii habenas moderari. In Senatu O-  
 rator es, in Tribunali Judex. Apud hostes, apud  
 tuos, in foro, curia, templo disseris, alieno inter-  
 dum ingenio, tuo semper facundus, mentis nec  
 oris egens. Siquid prudentiam acuit, iudicium  
 format, *Historia* est: qui non unius in ea ævi, aut  
 urbis exempla, sed omnium temporum, omnium  
 gentium, quasi in diffuso Theatro, res gestæ spe-  
 ctantur, & ut præclarè Thucydides compendio  
 tradit τὰ γνηρόμμενα καὶ ἀεὶ ἐσόμενα, ὥς αἱ ἢ ἀντὶ  
 φύσεως ἀνθρώπων. Adeo ut jam inde ab omni ævo,  
 tot seculorum rebus gestis interesse legentibus  
 contingat, tot secretorum arbitris esse liceat, tot  
 Regnorum arcana, tot Rerum publicarum archiva  
 introspicere; à quibus omnibus, eum qui historia-  
 rum expers, exclusissimum esse, necessum est. Nec  
 minore ius in Divinis, quàm humanis est usus.

Sacra

Sacra tractas ? quot in iis occurrunt, quæ aliunde illustrari nequeunt, quàm ab *Historia* ? Facem illa præfert ubique, si quid in Dei populo, & alibi gestum ab orbe nato. Arcana Prophetarum recludit, in abditissima temporum penetrat, & levato Oraculorum velo, abstrusam seculis veritatem eruit, & spectandam proponit. Sine hac quis subitos populorum & gentium interitus, quis Ecclesiæ nunc jactationes, nunc liberationes inopinatas rectè & adamussim intelligat ? quis Monarchias Mundi à propheta prædictas ? quis impletionem Prophetiarum in Christo vero illo Messia contra Judæos, pertinacia ipsa pertinaciores, nisi *Historia* gnarus, & ævi prioris ? quis sacræ urbis excidium à Romanis ? quis denique cursum prædicationis Euangelii in omnes gentes, & alia pene innumera, nimirum quanto sanguine initio Ecclesiæ cœperit, & succreverit ; quam variæ ejusdem facies, modò succumbentis, modò emergentis, modò emigrantis ; qui Martyres, qui Patres, quo tempore vixerint, quid scripserint ; qui hæretici, ubi & quando exorti, quæ Concilia, & quando habita, quid in illis decretum ; quando, & quibus viis tyrannis simul, ac superstitio Ecclesiam invaserit ; quo tempore, & quibus gradibus Antichristus venerit ; quæ origines *Monachorum*, *Monialium*, *Eremitarum*, *Festorum*, *jejuniorum*, *sacrorum*, & mille superstitionum in Papatu, & id genus alia, populo dignè pro concione representet ? *Historia* verè dicam, hic prora, & puppis, & concionum in his talibus vita & anima. Ores verè pulchra ! & potestne major esse voluptas, aut usus ? At contra *Historiarum* ignari, quam frigide, quam jejune Scripturam interpretantur ? quàm turpiter interdum se dare necesse est ; qui hic rudes ? De maximis illi mysteriis haud aliter sæpè judicant, quàm cæci de coloribus, & numeris Platonice obscuriora illis sunt, quæ sine Annalium cognitione, & temporum memoria intelligi, & explicari nequeunt. Adde quod insignia passim extent providen-

dentia, justitia, & misericordia Dei in historiis exempla, quæ in praxi theologica usum habent haud exiguum. Sed quid longius foeneror lucem Soli? res ipsa loquitur, nec aliter te sentire scio. Perge modo, & quidquid temporis tibi permittunt *Sacra*, conferte ad hanc curam, ut non minus bonus audias Historicus, quàm Theologus, Nam audere aliquid in *Sacris* sine *Historia*, nescio periculi majoris, an audaciæ. Sed prolixius de his, (Deus faciat) aliquando coram,

*Ne te forte mea gravis urat sarcina chartæ.*

μεταξὺ ἑρῶα σο εὐσεβέστατε, καὶ ἐμῶ πολὺ φίλτατε  
 θυμῶ, & me ama, qui te longum. Delphis  
 M. DC. XXXIII.

## JOHANNI BEVEROVICIO

*S. dico.*

Harlemum.

**R**ARæ mihi à te literæ, sed certè caræ: ad quas jam pridem respondiſſem, sed quotidie me aliud ex alio impediit. Mirum, quantum importuna illa crambe in hoc pulvere, curarum, & laborum poſt ſe trahat. Quare rogo te, & obreſtor pro ſumma tua in me benevolentia, & mea in te pari, ne indiligentiæ nomine ſuſpectum me habeas. Ac ne fiat, inanes nunc eſſe meas literas, quam nullas malui. Non enim exiſtimavi me ſalvo jure amicitiaſt nostræ, facere poſſe, ut ſcriptione hac diutius ſuperfederem. Libellum tuum *πολεμικὸν* vidi, & legi, ſuper diu agitata quæſtiuncula de *Termino vitæ*, & collidentes invicem ſententias. Placet literarium hoc diſſidium in literatis; ſed diſplicuit (verè dicam) unius inter alios ſcriptio pluſquam magiſtralis, & cenſoria dicacitatis, qua ſua ſtabilire animi ſenſa non contentus, meam & eorum qui à me ſtant,

Sacra tractas ? quot in iis occurrunt, quæ aliunde illustrari nequeunt, quàm ab *Historia* ? Facem illa præfert ubique, si quid in Dei populo, & alibi gestum ab orbe nato. Arcana Prophetarum recludit, in abditissima temporum penetrat, & levato Oraculorum velo, abstrusam seculis veritatem eruit, & spectandam proponit. Sine hac quis subitos populorum & gentium interitus, quis Ecclesiæ nunc jactationes, nunc liberationes inopinatas rectè & ad amissim intelligat ? quis Monarchias Mundi à propheta prædictas ? quis impletionem Prophetiarum in Christo vero illo Messia contra Judæos, pertinacia ipsa pertinaciores, nisi *Historie* gnarus, & ævi prioris ? quis sacræ urbis excidium à Romanis ? quis denique cursum prædicationis Evangelii in omnes gentes, & alia pene innumera, nimirum quanto sanguine initio Ecclesiæ cœperit, & succreverit ; quàm variæ ejusdem facies, modò succumbentis, modò emergentis, modò emigrantis ; qui Martyres, qui Patres, quo tempore vixerint, quid scripserint ; qui hæretici, ubi & quando exorti, quæ Concilia, & quando habita, quid in illis decretum ; quando, & quibus viis tyrannis simul, ac superstitionis Ecclesiam invaserit ; quo tempore, & quibus gradibus Antichristus venerit ; quæ origines *Monachorum*, *Monialium*, *Eremitarum*, *Festorum*, *jejuniorum*, *sacrorum*, & mille superstitionum in Papatu, & id genus alia, populo dignè pro concione repræsentet ? *Historia* verè dicam, hic prora, & puppis, & concionum in his talibus vita & anima. Ores verè pulchra ! & potestne major esse voluptas, aut usus ? At contra *Historiarum* ignari, quàm frigide, quàm jejune Scripturam interpretantur ? quàm turpiter interdum se dare necesse est ; qui hic rudes ? De maximis illi mysteriis haud aliter sæpè judicant, quàm cæci de coloribus, & numeris Platonice obscuriora illis sunt, quæ sine Annalium cognitione, & temporum memoria intelligi, & explicari nequeunt. Adde quod insignia passim extent providen-

ut in iis occurrunt, quæ aliunde  
quàm ab *Historia*? Facem illa  
quid in Dei populo, & alibi ge-  
Arcana Prophetarum recludit,  
orum penetrat, & levato Oro-  
trufam feculis veritatem eruit,  
ponit. Sine hac quis subites  
tum interitus, quis Ecclesiæ  
nunc liberationes inopians  
intelligat? quis Monarchas  
radictas? quis impletiom  
Christo vero illo Messia com-  
sa perrinaciores, nisi *Historia*  
quis sacrae urbis exordium  
que cursum prædicationis  
ntes, & alia pene innote-  
anguine initio Ecclesiæ  
quam variaz ejusdem facies,  
modò emergentis, rudo  
res, qui Patres, quo tem-  
ierint; qui hæretici, ubi  
Concilia, & quando habita-  
; quando, & quibus ris  
et litio Ecclesiæ invalescit,  
s gradibus Antichristus ve-  
Monachorum, Mendacium,  
, jejuniis, satum, &  
Papatu, & id genus alia,  
one repræsenter? *Historia*  
puppis, & concionum in  
Ores verè pulchra! &  
tas, aut usus? At con-  
nam frigide, quam jejune  
r? quàm turpiter inter-  
quihic rudes? De maxi-  
er sæpè judicant, quàm  
neris Platonis obsecu-  
nialium cognitione, &  
gi, & explicari neque-  
ballim essent provi-  
den-

dentia, justitiæ, & misericordiæ Dei in  
exempla, quæ in praxi theologica usum  
haud exiguum. Sed quid longius scener  
Soli? res ipsa loquitur, nec aliter te sen-  
Perge modo, & quidquid temporis tibi  
tunt *Sacra*, conferte ad hanc curam, ut  
nus bonus audias Historicus, quàm Th  
Nam audere aliquid in *Sacris* sine *Historia*  
periculi majoris, an audaciæ. Sed prolixius  
(Deus faciat) aliquando coram,

*Ne te forte meæ gravis urat sarcina cha-*

μετὰ τὸ ἔρποντο εὐσεβέστε, καὶ ἐμῶ πάλιν  
δυμῶ, & me ama, qui te longum.  
M. DC. XXXIII.

JOHANNI BEVEROVIC

*S. dico.*

**R**ARæ mihi à te literæ, sed certè ca-  
quas jam pridem respondiſſem, sed  
die me aliud ex alio impediit. Mirum  
tum importuna illa crambe in hoc pulver-  
rum, & laborum post se trahat. Quare r  
& obrestor pro summa tua in me benevo-  
& mea in te pari, ne indiligentiæ nomi-  
spectum me habeas. Ac ne fiat, inanes n  
meas literas, quam nullas malui. Non  
existimavi me salvo jure amicitia nostra  
posse, ut scriptione hac diutius superseder  
bellum tuum πλεμικὸν vidi, & legi, su  
agitata quæstiuncula de *Termino vite*, &  
dentes invicem sententias. Placet literari  
dissidium in literatis; sed displicuit (verè  
unius inter alios scriptio plusquam mag  
& censoria dicacitatis, qua sua stabile  
senſa non contentus, meam & eorum q

stant, sententiam ita incurſat, peſſundat, proterit, ut me ſolum præ aliis, petulantis ſui ſtyli cotem eſſe voluerit, & ſcopum in quem acerbioris ſuæ tela vibraret. Oſupercilium!

— *quàm nimis uncis  
Naribus indulges.*

Quanquam quid hanc in me ignotum, & immerentem ſubit mirari *περιεῖν*? Ita ſunt poſtquam NOVITATI operam dentium locare cœperunt; nec alius talium eſt ſtylus, ſi in eos incidunt, quos ſententiæ ſuæ, præſertim in SACRIS non habent ſuffragatores. Vidi ſtrenui illius Athletæ ſcriptum ſub Apolog. Remonſtrantium titulo, nuper editum: ſed quàm omnia, bone Deus, in eo aſpera, aculeata, ferrea, virulenta! quàm eſſræna procacitatis in viros pietate, & doctrina claros! qui non aliter ab eo vapulant, quàm pueri in trivio, aut ſub ferula tyrunculi. Coryphaum cum diceret, & literaturæ dictatorem, omniſque promum condum *Veritatis*, & *Sapientia*: reliquos præ hoc Doctore, bliteos, fungos, vappas. Nempe ſic calamis debacchari hodie in his talibus, & ſupra modum modèſtiæ eſſerveſcere, elegantia quoddam genus eſt, & ſublimioris doctrinæ, & acritatis ingenii argumentum. Ego hic quid? magni animi eſſe puto iis non commoveri, & morus ſim (ita loquor) ſi morer. Nam quis bonorum non retulit vulnera à talium morſu? quis ullo ævo, non proximus aliquando ſtetit huic igni? quem non ambuſſit hæc flamma? Ut fere ſignum ſit viri boni, pati obtreſtantium linguas, qui non niſi in tales ſellis dolia effundunt; & eò acrius, quò incautius. In veterata hæc doleo dicere, animorum multorum ſcabies eſt, cui ſi medicam adhibeas manum, acrius recrudescit, & in monitorem inſurgit. Riveti, & Salmaſii diſſertationes ſuper hoc ipſo argumento videre geſtio, ita nihil niſi terſum, & politum ab hoc penu; nervj quoque hic, & rori.

Fac

Fac lucem videant, ut lucem dent in caligine hac  
 dissidentium opinionum, & caduceo suo finem  
 statuunt bello huic TERMINALI. De tragico  
 Wallestenii casu, quàm inopinatus hic rumor!  
 Itane ab AQUILA discerptus graculus? & cui  
 olim Germania pene tota fuit in prædam, præda  
 nunc ipse factus est suis? O instabiles rerum vices!  
 ô lubrica Aularum!

— quàm nescit eodem

*Stare diu fortunæ loco, quàm quidquid in alto est  
 Labitur, ingentemque trahit sors magna ruinam!*

Miraris? non insolens hic fortunæ ludus est. Vi-  
 ctimæ huic Reges, & regum purpurati. Quidquid  
 excelsum ferè in hoc Mundo, fabula huic stat, aut  
 tragœdiæ pars cruenta; ut gloriæ illius partem  
 esse credas, saviissè in Magnos, & sanguine tinxis-  
 se purpuram. Exempla obvia passim, & omni  
 ævo. Ut mirum sit, FORTUNÆ alumnos &  
*Sejanos* nostri temporis, qui manus, & spes ab  
 Oriente, ad occasum mittunt, paratum sibi non  
 videre unum, si delinquant. Ut incendio propior  
 est, qui igni; & præcipitio vicinior, qui jugis mon-  
 tium inambulat: ita quo quis sceptro propior, &  
 folio Regum, hoc ruinæ est. Talium bracteata fe-  
 licitas est, & non absimilis illis quibus in *Scena*  
 personam *Agamemnonis*, aut *Priami* gerentibus,  
 sceptræ & tiaræ porriguntur, ut elati ad tempus,  
 & cothurnati incedant; sed post unum alterumve  
 actum exuendi, ut ad staturam suam redeant.  
 Idem hic, ubi reducta hoc vel illo die fabulæ  
 quam agunt, cortina, cadunt, qui in solido stare  
 visi, & ut grande ædificium, mole sua desidunt.  
 Causam quæris? Sapientem illum Romanum au-  
 di: *Nihil inquit medium inter præcipitia, & sum-  
 ma, inter fortunam maximam, & ultimam.* In-  
 terim quis justum hic Dei iudicium non agnoscat?  
 Tyrannis si seræ, non tamen leves veniunt pœ-  
 næ: nec sicca morte pereunt, & sine sanguine,  
 qui sanguinè aliorum fundere consueverunt. Non  
 aliter



aliter hæc sacra constant, quoties ut clavus clavo, sic malum malo pellitur. Hic factum. Sanguine, nefariæ crudelitatis suæ pœnas luit, & qui perfidia, dolo, alios credulos nimis, non semel opprefsit, iisdem nunc artibus circumventus opprimitur, iræ Cæsareæ victima. Tulit nempe quæ meruit, & quæ docuit, rediit in auctorem exemplum. Sed de his alii. Ego ἐν ἀλλοτρίῳ χρεώπῳδα εἰ τίθηναι. Ad te redeo, & tuas quas vehementer expecto, quæstionis nuper meæ apud te motæ arbitras. Veni, aut veniant, benigne adeò & comiter eas excipiam, & tuum in iis animum, ut nec magis Pheaces Ulyssem. Cura ut valeas, & me ut amas, ama. Triumviris *VVeſterburgio*, *Colvio*, *Beemanno* deliciis utriusque nostrum, plurimam meis verbis salutem nuntia. Delphis. M. DC. XXXIV.

## J O H A N N I C R U C I O

cognato S. mitto.

Harlemum.

Socero ad vos abeunte, jure mihi amplectenda occasio fuit, mi C R U C I, te compellendi. Ne mirare, si per literas tantum. Saxo enim quod volvo indies, ita alligor, ut non magis Andromeda suo scopulo. Nullæ mihi à curis & laboribus feriae, nisi in feriis, quas avide expecto, ut te videam, complectar, fruor. Imò mente jam adsum,

—— & videor tuos

*Errare per lucos, amœnæ,*

*Quos & aquæ subeunt, & aura.*

Verè loquar? *Apollinis* sedem dixeris, & *Musarum* *Heliconem*. Tu hoc uno felix, quod tuus, quoties à studiis gravioribus aliqua tibi remissio, ut inambules, & amœna solitudine, ægritudines animi discutias. Ut Equum ad cursum apertus, & liber circus provocat: sic animum vagans, vacans.



vacansque aura. Sylvam illam viridem videt? nemus ambulacris amœnioribus, & viis philosophicis interstinctum? hîc meditari avet, & contemplari arcana Naturæ, arborum concinnos ordines, & plantaria. Hîc sub ilicis, aut tiliæ umbra cum libello decumbere. Fluminis molliter præterlabentis strepitum audire & murmur? obrepente leniter somno, nictare oculis, & apricari. Avium suaviter trutillantium, & fritillantium modulationes, & querulas voces? excitari ilicò, & grata illa concentus discordia demulceri. Errantes denique alibi in reducta valle mugientium, aut balantium greges? mirari providentiam DEI, etiam in brutis abjectis ad pastum, ut hominem vestiant, & alant. Altum hîc securumque otium: nemo qui appellet, aut interpeller, quamque in partem circumfert oculos, multa ei suggeritur materia laudis, latusque campus aperitur sanctæ meditationi. Invitatio nupera ad solennia nuptiarum Amstelodami, grata, ne mentiar, fuit. Sed scis quæ negotia me circumstent, & abripiant sæpe invitum. Ita nati sumus, & ego ut mutem, ferum est. Sed nimirum, ut qui semel curriculum ingressi, pedem non referunt, nisi ubi ad metam: sic nos qui palæstram hanc literariam. Sanitas tantùm adsit, & valetudo. quæ votiva mihi hætenus, & faxit Deus ut diu. Nam Spartam hanc ingenuè fateor, amo, quia amari me in ea sentio, etiam à primariis urbis nostræ viris, qui benevolentia sua leniunt fastidiosam nimis hanc, si eam pretiis suis æstimes, laborum meorum cramben. Rerum Indicarum hîc nihil, nisi quod jam pridem percerebuit, *de Rio grande*, & novis nostrorum in hostili fundo trophæis. Sed nec hoc sine stat victoria, altius ut audio, arma sua protrudunt; & ut ab Arcto nubes has cogi video, majorem dabunt tempestatem, & brevi (votum meum est) procellæ ingruent faviores, tanto hic apparatu, tantis animis res Indiæ calent. Mihi crede, non alia brevior mittendi belli

incompendium ratio, quam magni illius Colossi subruere fundamenta & pene jam fatiscentis imperii incidere nervos. Utinam qui possunt, etiam velint. Quas laureas, & victorias videam! quàm longè latèque sparsa Christiana signa, in barbaras gentes? Injice hanc mentem Deus, & tot innocentium olim capitum horrendam lanienam, tot millium, imò myriadum mactationem plus quam belluinam, vindica. Sævitiâque eorum inauditam qui pueros lactantes avulsos ab uberibus & gremio matrum, scopulis & parietibus alliserunt, aut tremulos & spirantes adhuc eorum artus particulatim dissectos, canibus devorandos projece-  
runt. Quo exterminatis his barbariâ, & nefariâ crudelitatis portentis, respirent tandem aliquando incolæ, attritisque jam diu populis sua redeat libertas, vita ipsa potior, & auro. Vale mi CRUCI, & Corneliæ tuæ salutem, parvulis osculum (ita jubeo) è me ferto. Delphis. M. DC. XXXIV.

F R A N C I S C O G O M A R O

*S. S Theologiæ Doctori, & Pro-  
fessori S.*

Groningam.

NULLUM mihi unquam alloquium tecum per litteras, nata nunc Vir clarissime tui compellendi occasio. Quæ illa inquires? Paucis habe. Petiit à me vir magnus, & urbis nostræ patricius, cui negare hoc qualecunq; humanitatis officium, nec potui, nec debui, ut filium qui Academiam vestram recens insedit, curæ tuæ de meliore nota per litteras commendarem. Parui ut vides: nec alius mihi mos, etiam in exteros, & non planè notos; quomodo non in istos, qui è disciplina, & velut gremio nostro prodierunt? Qualis N. N. de quo scribo, juvene ingenuo, & moribus laudatissimo. Cui ego Academiæ candidatos omnes, similes

similes optem. Quamdiu enim apud me egit, modestia illi juncta semper cum industria. Nihil in eo protervum, nihil pervicax:

*Nec frons triste rigens, nimiusque in moribus horror,  
Sed simplex, hilarisque fides, & mixta pudori  
Gratia.*

Sed ad altiora nitenti, opus qui viam præeat in qua vestigia tutò ponat. Tu illi si placet dux esto, & lux in studiis, in vita. En me sponforem, non poeniturum, si quis benigne complectetur. Indolem invenient docilem, faveant modo, & dirigant ad proprium, & publicum bonum cui natus. Sed lubrico hoc ævo, & in vitia prono stirps ista melior irriganda est, ut florem, fructumque proferat. Et proferet, si colatur. *Sicut plantulas qui sevit, opportune eas irrigat, atque alit ut adolescant: sic nostrum est, ingeniorum istos velut frutices fovere, & attollere, vel sole, vel pluvia ut sic dicam salutarium monitorum.* Sed de his tantum est, & fortassis nimius sermonis sum in ea re quam tibi tua sponte commendatam esse confido. Quid? tu ne etiam operam tuam sacro huic operi navas, versioni dico Bibliorum? cujus te Revisorem inter alios, esse voluerunt illi qui Patriæ nostræ habenas moderantur. O factum bene! Quis enim te dignior hac Sparta? qui græcis & hebræis simul literis ita imbutus es, ut in te habitare videantur hæ Musæ. Ea certe doctrina, ea industria tua est, ut non nisi docta, & polita expectem ab hoc calamo, ab hac manu. Perge modo, & dignum aliquid auribus, dignum chartis, more tuo elabora. fac brevi videamus hunc foetum, cui obstetricando anni jam aliquot abiêre. Desideratus ille jam diu à multis qui textus genuini colorem, genium, & veritatem amant. Utinam jam pridem vidisset lucem. Nam tua fide, crassiusne errari potuit in his *Sacris*? vix censeo. Ita cum judicio, & cautione legenda est versio, quæ omnium nunc manibus teritur, nec fidei ejus usquequaque fidentum.

dum. Sæpe hallucinatur, sæpe defleſcit à mente Spiritus Sancti, & ſcopo; quia veterem Gallicam ſecuta, nec ad fontes attenta ſatis & intenta, pluſculis nunc mendis expurgata, prodeat tandem, & veſtra induſtria cum iis tralationibus paria faciat, quæ doctorem judicio optimæ hodie cenſentur, qualis illa Genevenſium, Cypriani de Valera, Theodati & aliorum. Ætatem tuam cogita, & in ea maturum judicium, ſubactam eruditionem: quodque Æneas apud Homerum aurigæ ſuo dixit, ego tibi

Αλλ' ἄγε νῦν μέσση, καὶ ἥνια σιγαλέεντα  
Δίξαι.

Atque unà ſalve, & inter cultores virtutis, nominis que tui, Crucium non falſò cenſe. Delphis poſtrid. Id. Jun. M. DC. XXXI V.

A R N O L D O *van der* G R A V I O  
*Studioſo S. D.*

Eodem.

**T**Estor fidem, non minus gratæ tuæ ad me literæ quàm inopinæ, quia notæ in iis luculentæ candidiſſimi amoris, & propenſi in me animi, de quo nunquam dubitavi, nec aliter tibi facere fas. Placet ea mens, quæ agnata non niſi optimæ cuique menti. Pauci hodie tales, & plerique quod doleo, in beneficos recalcitrant, ut muli in matres. Parum eſt apud tales iſtos, in oblivionem venire, aut contemptum, niſi beneficia in ſe collata maledictis rependerent: quod jam pridem didici, & eò magis exemplum tuum exoſculor, quo rarius hoc ævo. Illos ut fero ira rideo, firmatus adverſus leves has concuſſiunculas, non ſolum à rationiſſed malorum uſu ipſo, qui in animo iſto genuit callum. Conſilium meum deſideras in auſpicato nuper ſtudio Juridico. Sed tuam fidem, hac mei fundi eſſe cenſes, aut fori? Erras. Si quid  
in

in hoc genere posse tibi videmur, parum est, pene dixerim nihil. Et tamen quidquid illud est (quando ita vis) cur te celem? Certe in amore mihi semper hoc studium, imò in pretio. Quid enim utilius, quam in iis discendis operam collocare, quæ PATRIÆ litatum eunt, & populi saluti? quid augustius, quàm ad ea eniti, quorum præsidio regna, & imperia stant, vigent, florent? Corruere necesse est quidquid est civitatum, sine hoc statumine, & pedamento, & fastiscere, imò dissolvi sine hoc vinculo compaginem humanæ societatis. Sed rem audi. Salum hoc Juris ingressò, quod breviter hîc, & vada? in quæ labi proclive est, sine helice aliqua, aut cynosura. Nulla tutior, quàm si fontes ipsos adeas, & via regia tendas ad metam. Præscripta illa tibi à sacratissimo Principe in *Institutionibus*, quas non legi tantum à te, & relegi, sed & in succum verti, & sanguinem volo, & hortor. Quod enim in Theologia, *Sacra Scriptura est*; in Medicina *Hippocrates*; in Philosophia *Stagirita*; hoc, in Jure *Iustinianus*. Cui si ad majorem lucem interpretem jungas, nihil veto. Manu te ducent ad sublimiora *Sacra Themidis*. Sed cave præcipitantiam: serius enim absolvit, qui nimium properat. Littus hic legere satius est, quàm in primis illis tyrociniis in altum proveli, cujus profunditatem ingenii tui bolide non explores, nec cymbula tua enaviges. Maturanda hæc studia, non temere protrudenda. Jactis semel solidè fundamentis, quidquid deinde superstruitur, perennat. Via hæc tibi ad *Digesta*, & *Codicem*, quæ altius se insinuabunt, devoratis his primis *Astræa* principiis. *Iis innutrirî oportet si velis* (ut Senecæ verba usurpem) *aliquid trahere quod in animo fideliter sedeat*. Ut nihil æque sanitatem impedit, quàm remediorum crebra mutatio; sic nihil profectui magis est inimicum, quàm vaga illa, & desultoria librorum lectio, sine ordine; sine scopo, quæ onerosa prolixitate, ingenia obtundit, imò obruit. Similis vineæ quæ imputata, late

Sacra tractas ? quot in iis occurrunt, quæ aliunde illustrari nequeunt, quàm ab *Historia* ? Facem illa præfert ubique, si quid in Dei populo, & alibi gestum ab orbe nato. Arcana Prophetarum recludit, in abditissima temporum penetrat, & levato Oraculorum velo, abstrusam seculis veritatem eruit, & spectandam proponit. Sine hac quis subitos populorum & gentium interitus, quis Ecclesiæ nunc jactationes, nunc liberationes inopinatas rectè & ad amissim intelligat ? quis Monarchias Mundi à propheta prædictas ? quis impletionem Prophetiarum in Christo vero illo Messia contra Judæos, pertinacia ipsa pertinaciores, nisi *Historie* gnarus, & ævi prioris ? quis sacræ urbis excidium à Romanis ? quis denique cursum prædicationis Euangelii in omnes gentes, & alia pene innumera, nimirum quanto sanguine initio Ecclesia cœperit, & succreverit ; quam variæ ejusdem facies, modò succumbentis, modò emergentis, modò emigrantis ; qui Martyres, qui Patres, quo tempore vixerint, quid scripserint ; qui hæretici, ubi & quando exorti, quæ Concilia, & quando habita, quid in illis decretum ; quando, & quibus viis tyrannis simul, ac superstitio Ecclesiam invaserit ; quo tempore, & quibus gradibus Antichristus venerit ; quæ origines *Monachorum*, *Monialium*, *Eremitarum*, *Festorum*, *jejuniorum*, *sacrorum*, & mille superstitionum in Papatu, & id genus alia, populo dignè pro concione repræsentet ? *Historia* verè dicam, hic prora, & puppis, & concionum in his talibus vita & anima. Ores verè pulchra ! & potestne major esse voluptas, aut usus ? At contra *Historiarum* ignari, quam frigide, quam jejune Scripturam interpretantur ? quàm turpiter interdum se dare necesse est ; qui hic rudes ? De maximis illi mysteriis haud aliter sæpè judicant, quàm cæci de coloribus, & numeris Ilatonicis obscuriora illis sunt, quæ sine Annalium cognitione, & temporum memoria intelligi, & explicari nequeunt. Adde quod insignia passim extent providen-

dentia, iustitia, & misericordia Dei in historiis exempla, quæ in praxi theologica usum habent haud exiguum. Sed quid longius foeneror lucem Soli? res ipsa loquitur, nec aliter te sentire scio. Perge modo, & quidquid temporis tibi permittunt *Sacra*, conferte ad hanc curam, ut non minus bonus audias Historicus, quàm Theologus, Nam audere aliquid in *Sacris* sine *Historia*, nescio periculi majoris, an audacia. Sed prolixius de his, (Deus faciat) aliquando coram,

*Ne te forte mea gravis urat sarcina chartæ.*

μεταξὺ ἑρῶα σο εὐσεβέστατε, καὶ ἐμῶ πολὺ φίλτατε  
 θυμῶ, & me ama, qui te longum. Delphis  
 M. DC. XXXIII.

## JOHANNI BEVEROVICIO

*S. dico.*

Harlemum.

**R**ARæ mihi à te literæ, sed certè caræ: ad quas jam pridem respondiſſem, sed quotidie me aliud ex alio impediit. Mirum, quantum importuna illa crambe in hoc pulvere, curarum, & laborum post se trahat. Quare rogo te, & obrestor pro summa tua in me benevolentia, & mea in te pari, ne indiligentiæ nomine suspectum me habeas. Ac ne fiat, inanes nunc esse meas literas, quam nullas malui. Non enim existimavi me salvo jure amicitia nostræ, facere posse, ut scriptione hac diutius supersederem. Libellum tuum *πολεμικὸν* vidi, & legi, super diu agitata quæstiuncula de *Termino vitæ*, & collidentes invicem sententias. Placet literarium hoc dissidium in literatis; sed displicuit (verè dicam) unius inter alios scriptio plusquam magistralis, & censoria dicacitatis, qua sua stabilire animi sensa non contentus, meam & eorum qui à me stant,

stant, sententiam ira incurſat, peſſundat, proterit, ut me ſolum præ aliis, petulantis ſui ſtyli cotem eſſe voluerit, & ſcopum in quem acerbitatis ſuæ tela vibraret. Oſupercilium!

— *quàm nimis uncis  
Naribus indulges.*

Quanquam quid hanc in me ignotum, & immerentem ſubit mirari *maxime*? Ita ſunt poſtquam NOVITATI operam dentium locare cœperunt; nec alius talium eſt ſtylus, ſi in eos incidunt, quos ſententiæ ſuæ, præſertim in SACRIS non habent ſuffragatores. Vidi ſtrenui illius Athletæ ſcriptum ſub Apolog. Remonſtrantium titulo, nuper editum: ſed quàm omnia, bone Deus, in eo aſpera, aculeata, ferrea, virulenta! quàm eſſrana procacitatis in viros pietate, & doctrina claros! qui non aliter ab eo vapulant, quàm pueri in trivio, aut ſub ſerula tyrunculi. Coryphaum cum diceret, & literaturæ dictatorem, omniſque premium condum *Veritatis*, & *Sapientiæ*: reliquos præ hoc Doctore, bliteos, fungos, vappas. Nempe ſic calamis debacchari hodie in his talibus, & ſupra modum modèſtiæ eſſerveſcere, elegantia quoddam genus eſt, & ſublimioris doctrinæ, & acritatis ingenii argumentum. Ego hic quid? magni animi eſſe puto: ſi non commoveri, & morus ſim (ita loquor) ſi morer. Nam quis bonorum non retulit vulnera à talium morſu? quis ullo ævo, non proximus aliquando ſtetit huic igni? quem non ambuſſit hæc flamma? Ut fere ſignum ſit viri boni, pati obtreſtantium linguas, qui non niſi in tales ſellis doliæ effundunt; & eo acrius, quò incautius. Inveterata hæc doleo dicere, animorum multorum ſcabies eſt, cui ſi medicam adhibeas manum, acrius recrudescit, & in monitorem inſurgit. Riveti, & Salmaſii diſſertationes ſuper hoc ipſo argumento videre geſtio, ita nihil niſi terſum, & politum ab hoc penu; nervi quoque hic, & tori.

Fac



Fac lucem videant, ut lucem dent in caligine hac  
 dissidentium opinionum, & caduceo suo finem  
 statuunt bello huic TERMINALI. De tragico  
 Wallestenii casu, quàm inopinatus hic rumor!  
 Itane ab AQUILA discerptus graculus? & cui  
 olim Germania pene tota fuit in prædam, præda  
 nunc ipse factus est suis? O instabiles rerum vices!  
 ô lubrica Aularum!

— quàm nescit eodem

*Stare diu fortunæ loco, quam quidquid in alto est  
 Labitur, ingentemque trahit sors magna ruinam!*

Miraris? non insolens hic fortunæ ludus est. Vi-  
 ctimæ huic Reges, & regum purpurati. Quidquid  
 excelsum ferè in hoc Mundo, fabula huic stat, aut  
 tragœdiæ pars cruenta; ut gloriæ illius partem  
 esse credas, saviissè in Magnos, & sanguine tinxis-  
 se purpuram. Exempla obvia passim, & omni  
 ævo. Ut mirum sit, FORTUNÆ alumnos &  
*Sejanos* nostri temporis, qui manus, & spes ab  
 Oriente, ad occasum mittunt, paratum sibi non  
 videre unum, si delinquant. Ut incendio propior  
 est, qui igni; & præcipitio vicinior, qui jugis mon-  
 tium inambulat: ita quo quis sceptro propior, &  
 solio Regum, hoc ruinæ est. Talium bracteata fe-  
 licitas est, & non absimilis illis quibus in *Scena*  
 personam *Agamemnonis*, aut *Priami* gerentibus,  
 sceptræ & tiaræ porriguntur, ut elati ad tempus,  
 & cothurnati incedant; sed post unum alterumve  
 actum exuendi, ut ad staturam suam redeant.  
 Idem hic, ubi reducta hoc vel illo die fabulæ  
 quam agunt, cortina, cadunt, qui in solido stare  
 visi, & ut grande ædificium, mole sua desidunt.  
 Causam quæris? Sapientem illum Romanum au-  
 di: *Nihil inquit medium inter præcipitia, & sum-  
 ma, inter fortunam maximam, & ultimam.* In-  
 terim quis justum hic Dei iudicium non agnoscat?  
 Tyrannis si seræ, non tamen leves veniunt pœ-  
 næ: nec sicca morte pereunt, & sine sanguine,  
 qui sanguinè aliorum fundere consueverunt. Non  
 aliter



aliter hæc sacra constant, quoties ut clavus clavo, sic malum malo pellitur. Hic factum. Sanguine, nefariæ crudelitatis suæ poenas luit, & qui perfidia, dolo, alios credulos nimis, non semel opprefsit, iisdem nunc artibus circumventus opprimitur, iræ Cæsareæ victima. Tulit nempe quæ meruit, & quæ docuit, rediit in auctorem exemplum. Sed de his alii. Ego ἐν ἀποστείῳ χριστῷ πόδα εἰτίθην. Ad te redeo, & tuas quas vehementer expecto, quaestionis nuper meæ apud te motæ arbitras. Veni, aut veniant, benigne adeò & comiter eas excipiam, & tuum in iis animum, ut nec magis Pheaces Ulysses. Cura ut valeas, & me ut amas, ama. Triumviris *VVesterburgio*, *Colvio*, *Beemanno* deliciis utriusque nostrum, plurimam meis verbis salutem nuntia. Delphis. M. DC. XXXIV.

## J O H A N N I C R U C I O

cognato S. mitto.

Harlemum.

Socero ad vos abeunte, jure mihi amplectenda occasio fuit, mi C R U C I, te compellendi. Ne mirare, si per literas tantum. Saxo enim quod volvo indies, ita alligor, ut non magis Andromeda suo scopulo. Nullæ mihi à curis & laboribus feriæ, nisi in feriis, quas avide expecto, ut te videam, complectar, fruor. Imò mente jam adsum,

—— & videor tuos

*Errare per lucos, amœnæ,*

*Quos & aquæ subeunt, & aura.*

Verè loquar? *Apollinis* sedem dixeris, & *Musarum* *Heliconem*. Tu hoc uno felix, quod tuus, quoties à studiis gravioribus aliqua tibi remissio, ut inambules, & amœna solitudine, ægritudines animi discutias. Ut Equum ad cursum apertus, & liber circus provocat: sic animum vagans, vacans-

vacansque aura. Sylvam illam viridem videt? nemus ambulacris amœnioribus, & viis philosophicis interstinctum? hîc meditari avet, & contemplari arcana Naturæ, arborum concinnos ordines, & plantaria. Hîc sub ilicis, aut tiliæ umbra cum libello decumbere. Fluminis molliter præterlabentis strepitum audire & murmur? obrepente leniter somno, nictare oculis, & apricari. Avium suaviter trutillantium, & fritillantium modulationes, & querulas voces? excitari ilicò, & grata illa concentus discordia demulceri. Errantes denique alibi in reducta valle mugientium, aut balantium greges? mirari providentiam DEI, etiam in brutis abjectis ad pastum, ut hominem vestiant, & alant. Altum hîc securumque otium: nemo qui appellet, aut interpellet, quamque in partem circumfert oculos, multa ei suggeritur materia laudis, latusque campus aperitur sanctæ meditationi. Invitatio nupera ad solennia nuptiarum Amstelodami, grata, ne mentiar, fuit. Sed scis quæ negotia me circumstant, & abripiant sæpe invitum. Ita nati sumus, & ego ut mutem, ferum est. Sed nimirum, ut qui semel curriculum ingressi, pedem non referunt, nisi ubi ad metam: sic nos qui palæstram hanc literariam. Sanitas tantum adsit, & valetudo. quæ votiva mihi hætenus, & faxit Deus ut diu. Nam Spartam hanc ingenuè fateor, amo, quia amari me in ea sentio, etiam à primariis urbis nostræ viris, qui benevolentia sua leniunt fastidiosam nimis hanc, si eam pretiis suis æstimes, laborum meorum cramben. Rerum Indicarum hîc nihil, nisi quod jam pridem percerebuit, *de Rio grande*, & novis nostrorum in hostili fundo trophæis. Sed nec hoc sine stat victoria, altius ut audio, arma sua protrudunt; & ut ab Arcto nubes has cogi video, majorem dabunt tempestatem, & brevi (votum meum est) procellæ ingruent faviores, tanto hic apparatu, tantis animis res Indiæ calent. Mihi crede, non alia brevior mittendi belli

in compendium ratio, quam magni illius Colossi subruere fundamenta & pene jam fatiscentis imperii incidere nervos. Utinam qui possunt, etiam velint. Quas laureas, & victorias videam! quàm longè lateque sparsa Christiana signa, in barbaras gentes? Injice hanc mentem Deus, & tot innocentium olim caputum horrendam lanienam, tot millium, imò myriadum mactationem plus quam belluinam, vindica. Sævitiæque eorum inauditam qui pueros lactantes avulsos ab uberibus & gremio matrum, scopulis & parietibus alliserunt, aut tremulos & spirantes adhuc eorum artus particulatim dissectos, canibus devorandos projece-  
runt. Quo exterminatis his barbariæ, & nefariæ crudelitatis portentis, respirent tandem aliquando incolæ, attritisque jam diu populis sua redeat libertas, vita ipsa potior, & auro. Vale mi CRUCI, & Corneliæ tuæ salutem, parvulis osculum (ita jubeo) è me ferto. Delphis. M. DC. XXXIV.

F R A N C I S C O G O M A R O

*S. S Theologia Doctori, & Pro-  
fessori S.*

Groningam.

NULLUM mihi unquam alloquium tecum per litteras, nata nunc Vir clarissime tui compellendi occasio. Quæ illa inquires? Paucis habe. Petiit à me vir magnus, & urbis nostræ patricius, cui negare hoc quaecumque humanitatis officium, nec potui, nec debui, ut filium qui Academiam vestram recens insedit, curæ tuæ de meliore nota per litteras commendarem. Parui ut vides: nec alius mihi mos, etiam in exteros, & non planè notos; quomodo non in istos, qui è disciplina, & velut gremio nostro prodierunt? Qualis N. N. de quo scribo, juvene ingenuo, & moribus laudatissimo. Cui ego Academiæ candidatos omnes, similes

similes optem. Quamdiu enim apud me egit, modestia illi juncta semper cum industria. Nihil in eo protervum, nihil pervicax:

*Nec frons triste rigens, nimiusque in moribus horror,  
Sed simplex, hilarisque fides, & mixta pudori  
Gratia.*

Sed ad altiora nitenti, opus qui viam præeat in qua vestigia tutò ponat. Tu illi si placet dux esto, & lux in studiis, in vita. En me sponso, non poenituro, si quis benigne complectetur. Indolem invenient docilem, faveant modo, & dirigant ad proprium, & publicum bonum cui natus. Sed lubrico hoc ævo, & in vitia prono stirps ista melior irriganda est, ut florem, fructumque proferat. Et proferet, si colatur. *Sicut plantulas qui sevit, opportune eas irrigat, atque alit ut adolescant: sic nostrum est, ingeniorum istos velut frutices fovere, & attollere, vel sole, vel pluvia ut sic dicam salutarium monitorum.* Sed de his tantum est, & fortassis nimius sermonis sum in ea re quam tibi tua sponte commendatam esse confido. Quid? tu ne etiam operam tuam sacro huic operi navas, versioni dico Bibliorum? cujus te Revisorem inter alios, esse voluerunt illi qui Patriæ nostræ habenas moderantur. O factum bene! Quis enim te dignior hac Sparta? qui græcis & hebræis simul literis ita imbutus es, ut in te habitare videantur hæ Musæ. Ea certe doctrina, ea industria tua est, ut non nisi docta, & polita expectem ab hoc calamo, ab hac manu. Perge modo, & dignum aliquid auribus, dignum chartis, more tuo elabora. fac brevi videamus hunc fœtum, cui obstetricando anni jam aliquot abiêre. Desideratus ille jam diu à multis qui textus genuini colorem, genium, & veritatem amant. Utinam jam pridem vidisset lucem. Nam tua fide, crassiusne errari potuit in his *Sacris*? vix censeo. Ita cum judicio, & cautione legenda est versio, quæ omnium nunc manibus teritur, nec fidei ejus usquequaque fidentum.

dum. Sæpe hallucinatur, sæpe deflectit à mente Spiritus Sancti, & scopo; quia veterem Gallicam secuta, nec ad fontes attenta fatis & intenta, plusculis nunc mendis expurgata, prodeat tandem, & vestra industria cum iis translationibus paria faciat, quæ doctorum judicio optimæ hodie censentur, qualis illa Genevensium, Cypriani de Valera, Theodati & aliorum. Ætatem tuam cogita, & in ea maturum judicium, subactam eruditionem: quodque Æneas apud Homerum aurigæ suo dixit, ego tibi

Ἀλλ' ἄγε νῦν μέσιγα, καὶ ἥνια σιγαλόεντα  
Δίξαι.

Atque unà salve, & inter cultores virtutis, nominisque tui, Crucium non falsò cense. Delphis postid. Id. Jun. M. DC. XXXI V.

ARNOLDO *van der* GRAVIO  
*Studio S. D.*

Eodem.

**T**Estor fidem, non minus gratæ tuæ ad me litteræ quàm inopinæ, quia notæ in iis luculentæ candidissimi amoris, & propensi in me animi, de quo nunquam dubitavi, nec aliter tibi facere fas. Placet ea mens, quæ agnata non nisi optimæ cuique menti. Pauci hodie tales, & plerique quod doleo, in beneficos recalcitrant, ut muli in matres. Parum est apud tales istos, in oblivionem venire, aut contemptum, nisi beneficia in se collata maledictis rependerent: quod jam pridem didici, & eò magis exemplum tuum exosculor, quo rarius hoc ævo. Illos ut fero ita rideo, firmatus adversus leves has concussuunculas, non solum à rationis sed malorum usu ipso, qui in animo isto genuit callum. Consilium meum desideras in auspicato nuper studio Juridico. Sed tuam fidem, hæc mei fundi esse censes, aut fori? Erras. Si quid  
in

in hoc genere posse tibi videmur, parum est, pene dixerim nihil. Et tamen quidquid illud est (quando ita vis) cur te celem? Certe in amore mihi semper hoc studium, imò in pretio. Quid enim utilius, quam in iis discendis operam collocare, quæ PATRIÆ litatum eunt, & populi saluti? quid augustius, quàm ad ea eniti, quorum præsidio regna, & imperia stant, vigent, florent? Corruere necesse est quidquid est civitatum, sine hoc statumine, & pedamento, & fastiscere, imò dissolvi sine hoc vinculo compaginem humanæ societatis. Sed rem audi. Salum hoc Juris ingressio, quod breviter hic, & vada? in quæ labi proclive est, sine helice aliqua, aut cynosura. Nulla tutior, quàm si fontes ipsos adeas, & via regia tendas ad metam. Præscripta illa tibi à sacratissimo Principe in *Institutionibus*, quas non legi tantum à te, & relegi, sed & in succum verti, & sanguinem volo, & hortor. Quod enim in Theologia, *Sacra Scriptura est*; in Medicina *Hippocrates*; in Philosophia *Stagirita*; hoc, in Jure *Iustinianus*. Cui si ad majorem lucem interpretem jungas, nihil veto. Manu te ducent ad sublimiora *Sacra Themidis*. Sed cave præcipitantiam: serius enim absolvit, qui nimium properat. Littus hic legere satius est, quàm in primis illis tyrociniis in altum provehi, cujus profunditatem ingenii tui bolide non explores, nec cymbula tua enaviges. Maturanda hæc studia, non temere protrudenda. Jactis semel solide fundamentis, quidquid deinde superstruitur, perennat. Via hæc tibi ad *Digesta*, & *Codicem*, quæ altius se insinuabunt, devoratis his primis *Astree* principiis. *Iis innutrirī oportet si velis* (ut Senecæ verba usurpem) *aliquid trahere quod in animo fideliter sedeat*. Ut nihil æque sanitatem impedit, quàm remediorum crebra mutatio; sic nihil profectui magis est inimicum, quàm vaga illa, & desultoria librorum lectio, sine ordine; sine scopo, quæ onerosa prolixitate, ingenia obtundit, imo obruit. Similis vineæ quæ imputata, late

V. 4. se

se spargit, & infructuosa est. Multum lege, non multa, nec lege solum, sed nota, reconde, servi, quæ usum sui eximium præbere nata sunt. Nisi fiat, effluet, quicquid instillabis, non aliter quàm cribro aqua. Vides parentis tui vota. Quis illo tui amantior? Vides studiorum tuorum finem, *Patriam, opes, honores*. Egregia meherculè palæstræ hujus literariæ auctoramenta! Huc lucubrationes tuas, actionesque dirige, ut emenso tandem studiorum cursu, Reip. servias, in qua natus. Nil deterreat, nihil avocer. Labori *ἀπαι ἀπὸ ἐργονόημα*, nihil quoque feracius ingeniis bene natis, cum gnaviter excutuntur. Maeste tantum mi Gravi, & industria, ac modestia ducibus ad fastigium laudis, & honoris conscende. Solonem tanta olim discendi cupiditate exarsisse ferunt, etiam circa ipsam mortem. Nam cum langueret, & assidentes amici aliquid inter se dislerent, ille caput sustulit, & flexit ad audiendum. Interrogatusque, quo fine tunc aut fructu? nobilem illam vocem edidit: *ut cum istud sciero, doctior moriar*. O desiderium! & quid in vita, aut ejus flore faciendum: cum ille hæc in morte? Sed *Pietas* tibi inprimis cordi, & curæ; sine qua omnis eruditio nostra, omnis doctrina, non nisi nomen sunt, & umbra. Illa musæum primæ ætatis ardorem, tanquam suffusa aqua temperet, & lascivientem reprimat. Corrupto hoc præsertim ævo, & effræna morum licentia: quæ etiam rectissimas mentes à Virtute deflectit, & torrentis instar in omnem vitiorum lacunam dat præcipites. Nusquam Juventus à contagio libera. Protervuli ubique, & probitatis alienæ prædunculi, suggestione, & exemplo. Cave studiose, qui recens adhuc ab incude studiorum, ne vitium hinc trahas, aut labem. Videsne ut nautæ vela sinuent, & obliquant, & tendant nihilominus ad suum portum. Imitare;



*Novi enim ego hoc seculum, moribus quibus sit :  
malus malum*

*Esse volt, ut sit sui similis, turbat, miscent mo-  
res, mali.*

Aurem si præbes, periisti, nec *Pallas* agide sua, te regat, ita quidquid attingunt, tenent hi polypi, & venenum suum sapiente quodam morsu inspi- rant hæ aspides, natæ in pestem *Academiae*, & ju- ventutis. Apage à te illos, tineas vere virtutum, & honestatis omnis averricula, & si me audis cautam circumspectamque mentem gere in novo hoc *Athenæo*, & avidam aliquando ad tuos rede- undi, cum sœnore literario. Tu interim vale, & salve ab amico (nihil addam amplius) tuo, & me quod facis ama. Altingius vir & laude nostra, & invidia major à me salveat. Literas tuas valde exspecto. Delphis. M. DC. XXXIV.

# GISBERTO VOETIO

*S.S. Theologiæ Doctori, & Professo-  
ri in Academia Ultrajectensi*

*S. D.*

Ultrajectum.

**T**Andem vir clarissime, tandem meæ ad te lite- re. Diu fateor mihi hic animus; sed nescio quæ ex transverso identidem intercurrent, quæ scri- pturientem sufflaminant. Nempe in hoc pulvere, quæ quies nobis, aut remissio? Alius semper ex alio labor, qui commercia hæc literaria cum do- ctis aut tollit, aut intervertit. Ad sortem hanc nati sumus, quicunque fræna juventutis moderamur, & testulæ huic pietatis liquore, & liberalium ar- tium succo imbuendæ indefessam navamus ope- ram. Syrtes in Africa esse ferunt, in quibus homi- nes obruuntur æstu reciprocantium arenarum. Il- læ si usquâ hic sunt, & in arenam hanc Scholæ quæ semel descendit, cum poterit exhibet, non cum vo- let. Quid tamen est? declino interdum, & ut il qui

à scorpiis isti sunt , ab iisdem remedium habent :  
 sic ego ; dum doctorum alloquio in turbis , di-  
 versionem quæro ab his turbis , & curis. Tu mi-  
 hi inter eos vir ornatissime , in cujus animo jam  
 pridem defixisti aculeum reverentiæ , & admira-  
 tionis. Nam animi tui bona si intueor , ad erudi-  
 tionem factus es , & comitatem. Si ingenium ,  
 ferè dicam? cultissimum illud ; & lauta in te su-  
 pellex linguarum , artium , & disciplinarum , qui-  
 bus mihi quasi innatus videris ; & innutritus.  
 Sed ne blandiri videar , libo tantum hoc laudum  
 tuarum limen , non penetro. Quis sis , dies porro  
 dicet , in nova hac quam sustines provincia. Et  
 jam specimina luculenta in manu omnium , quid  
 possis in hac palæstra. Fide tantum mi Voeri , &  
 quo tua te virtus , quò doctrina , quo suscepti jam  
 muneris in sacris his pulpitis cura te vocat , con-  
 stanter sodes enitere , *Veritatem* tot tantisque  
 turbantium convitiis impetitam tuere , *ὅν δὲ  
 ὅν ἀσπίδι* , qua lingua , quo stylo : pro hac sta , pu-  
 gna , dimica , hanc publice profiteri , doce , urge ,  
 clama , nihil ab hac deflectat , nihil avocet. Quo  
 stare possit inconcussa adversus homines , per-  
 lantis in Sacris audaciæ , & lascivientis proter-  
 viæ in luxandis Religionis fundamentis , sub ipso  
 Religionis mantili , & velo mentitæ pietatis.  
 Quasi parum nobis sit , manus in hac militia con-  
 ferere cum Pontificiis , & aliis , nisi insuper in  
 partem certaminis veniant illi qui à nobis exie-  
 runt , & novandi studio sursum deorsum omnia  
 vertant. Homines improbè acuti ; similes iis qui  
 nescio quo vitio oculorum de die cecutiunt , &  
 dum ad obscura oculos curiosè pandunt , clau-  
 dunt ad sapientiæ lucem. Malum inveteratum !  
 & cui nullam ego aliunde medicinam expecto ,  
 quam à talibus Æsculapiis. Nam quam altè se  
 hæc gangræna pro dolor ! insinuet in patriæ no-  
 stræ viscera , & quàm periculosè Ecclesiam con-  
 cutiat , vides mecum vir reverens , & seriò scio  
 doles. Sed quo acrius in eam insurgunt hi tales ,  
 cò

eò promptior tuus , & bonorum omnium in  
 causa Christi, ejusque veritate tuenda, sit animus.  
 Hac ratione fieri haud potest , quin gratiam om-  
 nium bonorum tibi concilies, qui tristitia hæc tem-  
 pora, qui seculi mores dolent , & lugent. Si qui  
 agrum nostrum stantem sentibus deruncinet, be-  
 neficium conferre censebitur : non conferent ii  
 qui Seminaria Reip. & Ecclesiæ, improbissimo  
 labore , pertinacissimo studio, à vitiis , ab erroribus  
 purgant ? qui juventutem instituunt , qui  
 aberrantes reducant in viam, qui lapsos erigunt,  
 vacillantes firmant ? Certe *ut viti pedamentis qui-*  
*busdam, ac ridiculus opus est, ne jaceat : sic juventuti*  
*monitis, ne cadat.* Facile enim aut inescari solet  
 novitatis applausu, aut parum circumspècta capi ,  
 dum canon capit , quæ illi vafri Scripturarum  
 mangones , tyronibus speciosè obtendunt. Ara-  
 nearum telis vide, minuta animalia inhaerent, for-  
 tiora spernunt , ac perrumpunt. Idem hic , con-  
 textus illi argutarum, & subtilitatum tela, quas  
 affabrè texunt illi , qui hodie sibi promi condi vi-  
 dentur purioris theologiæ, quid nisi rētia sunt,  
 & casses quibus incauti implicantur , nec ante se  
 captos sentiunt, quàm cum capti. Huic malo oc-  
 currere vestrum est , & monstrum opprimere in  
 ortu , zizanias in herba , ne longius serpat hac  
 lues, & succisa leviter repullulet. Optimus er-  
 ranti portus est mutatio consilii in melius , & re-  
 traxisse tales, ab erroris crepidine ac præcipitio ,  
 dum mutant, aut etiam nutant , servasse est. Mi-  
 rum quid illa semel à pueris instillata Veritas pos-  
 sit in animis eorum , quibus hoc unum in votis  
 ὁρθοδοξία, & in sacro hoc studio ὁρθοδοξίαν vita ipsa  
 cariorem tueri, ubi eam semel imbibere. Cui si  
 accedat illibata morum simplicitas , & vitæ in-  
 nocentia , nā illi strenui aliquando evadent ve-  
 ritatis assertores , & vel pallente invidia , Eccle-  
 siæ pastores ἀντίληπτοι. Quid refert ? ille mi-  
 hi vere theologus , qui theoriam cum praxi con-  
 jungit ; scientiam cum pietate , moribus , con-

scientia : qui vita sua exprimit , quæ lingua proficitur ; & non modo scit quæ recta sunt , sed facit. Turpe enim est aliud loqui , aliud sentire. *Hæc in animo* (inquit Romanus ille sapiens) *voluta, quæ sæpe audisti, sæpe dixisti, sed an vere audieris, an verè dixeris, effectis proba.* Hoc enim turpissimum est , quod nobis objici solet *verba nos philosophia, non opera tractare.* Pauci hodie tales , sed plures dabit quod voveo industria tua , & institutio , quem Practicam Theologiam profiteri audio & audio libens , nam absque ea , quid Religio nostra ? nisi cadaver , & σκέλετον sine nervis , sanguine , medulla , anima ? Perge modò , ac seriò eam inculca ; Reip. & Ecclesiæ bono. Vale. Collegæ tuo A. Æmilio meis verbis salutem si placeat , nuncia. Tuas expecto te dignas ; Voetianas scilicet , & perelegantes. Delphis. M. DC. XXXIV.

## J O H A N N I C R U C I O

S. D.

Harlemum.

**H**EUS tu. Siccine frustra spes nostras habes ? *δὲ τὸς φιλῶντας πῶς ἐν, ἐ λόγους ἔχειν.* In horas te expectamus , & dies abeunt & necdum ades. Obellum pollicitatorem ! nempe pluvix te credo , & frigora deterrent , non Sarmatica , non Arctica , sed levia. O delicatulum ! Alia mihi mens , ad amicos non propero solum , sed volo , cum vel minimæ mihi in studiis feriæ. Emenda , & veni ; iterum dico veni. Quid ? nullum ergo Musis tuis otium indulges , nullas animo inducias ? Tempera quæso ardorem hunc in studiis , quæ colivolunt , non cogi. Vere dicam ? non amo nimium diligentes : & scitum illud sæpe mihi in animo , imò in ore : *ut ex studiis gaudium , sic studia ipsa provenire ex gaudio.* Tempus negligere in loco , maximum haud rarò lucrum. Vegetæ enim mentes , quò plus capiunt recessus , eò acio-

res

res edunt impetus. Contra, ut nimia & nunquam intermissa fœcunditas agros exhaurit: sic nimius ingenia labor. Fac quod in itinere fieri solet, qui tardius exierunt, velocitate pensant moram. Tu tuam apud nos, ubi redieris, majore diligentia. Rerum novarum hic nihil, præter vagos rumores de occupata à nostris in India occidentali, COR SO A, de qua plura coram ociosè, vel in galli cantum. Nunc abrumpo, & te salvere jubeo cum tuis. Datum Delphis M. DC. XXXIV. Campio, & Nieuwenhusio à me salutem, quæ ad illos pertinebunt, proximis literis explicabo. Ad Swalmium quoque propediem scribam.

*S. P. in CHRISTO per quem redundet tua consolatio.*

Delphos.

**I**Ta quidem ordiri mihi visum est, clarissime, & reverende frater, hac ipsa hora de filii tui ad sedes meliores translatione monitus. Beatus quidem ille est, qui sedula tua, & aliorum institutione cò usque provexerat, ut non sibi solum, sed aliis etiam prospicere potuerit de necessario, ad viam illam quam ingressus erat, commeatu. Quod etiam diligenter, & aptissimè fecit pro data occasione, donec ad metam perduceretur, & post navigationem portum occuparet. Celerius non dubito, quàm factum voluisses, quam voluisssem ego, qui ingenio ejus favebam, cujus mihi arriserat genius, qui votis meis cum ad majora destinabam, & tibi aliquando superstitem in Ecclesia ædificanda diutius succenturiandum. Sed aliter voluit, cui velle nostrum subjici debet, qui in suorum gratiam in melius mutat, quæ nobis bona videntur: qui quos ei consecramus, in terris ejus gloriæ ministraturos, ad gloriam paratam evehit, immaturè ut nobis videtur, decerptos, sed

sed plantatos uberiori solo, & infitos meliori trunco. Non sum tamen nescius, quamvis hæc ita se habeant, eaque indubitato credamus, reluctari carnem, *σάρκα*, & paternos affectus, erga non degeneres filios nobis raptos, in talicasu se exerere, nonnunquam etiam in voces erumpere, quas suppressas voluissimus. Hujus mali non ignarus, quid alii sentiant ex me iudico, qui filium habui, ad sacram vocationem paratum, ab Ecclesia cui destinatus erat, approbatum, eo ipso tempore in juventuris flore mihi ereptus fuit, spesque quam de eo conceperam, decollavit. Sed cum perpenderem, eum spe sua non fuisse frustratum, temporibus malis, ad beatam æternitatem fuisse perductum, lacrymas absterfi, imò eas absterfit ipse Deus, qui cum in agone ita disposuit, ut mundi, & carnis victor ad *Βεηλζεζ* contenderit, illudque prehenderit. De tuo Charissime frater, non dubito, quem etiam lentus morbus paulatim confecit, & ad migrationem paravit, dum fatifcente corpusculo, animus ad altior vires collegit, ut se Creatori & Redemptori suo redderet, ac fidei munitus sisteret se throno gratiæ per Christum. Non est ergo quod ejus causa doleas: nec tu hoc facis scio. Non est quod tua, quando voluit à te DEUS hoc depositum reposcere, & filium quem sibi adoptaverat, assumere: quem etiam tu ipse DEO consecraras. Habes apud te divitem consolationum omnis generis penum, in similibus eventis aliis aperiendum, ex quo jam deprompsisti quantum satis est tibi, & tuis. Non scœnerabor Soli lucem, nec doctum docebo. Id tamen quodcumque est officii, non debui omittere, ut testatum tibi facerem, meam *συμπάθειαν*, & dolorem etiam meum exprimerem, in jactura discipuli olim dilectissimi, & mei peramantis. Deus tibi in superstitibus restituat quod amisisti, eosque duplici spiritu impleat, senectuti tuæ solatio futuros, & Ecclesiæ ædificationi inservituros.

ros. Vale καὶ εὖ ἀναψύξε. Hagæ Comititis I V.  
Cal. Sextileis. M. DC. XXXIV.

*Tibi in Christo addictissimus, & ad omnia  
officia paratissimus frater*

ANDREAS RIVETUS.

ANDREÆ RIVETO

S. D.

Hagæ. Comititis.

**L**iteras tuas, Vir clarissime, qui non amem, imò  
exosculer, tam opportunè ad me datas; quod  
in deliquio animi suffusa frigida, hoc mihi in tri-  
stissimo filii obitu, consolatio tua. Vere dicam?   
gratiam habeo, & debeo, pro insigni humanitatis  
tuæ in me officio. Ut nihil te dignius, ita jucun-  
dius nihil evenire mihi potuit. Ea demum vera  
amicitia est, malum amici, suum ducere malum, &  
dolenti συμπάχειν. Certè nihil in vita dulcius  
ἢ πρὸς ἐν γαστρὶ ἀνὴρ. Non serenitas nautis gra-  
rior in tempestate advenit, aut gemelli illi Casto-  
res; non naviganti secundus & ferens ventus,  
quàm lugenti amico, amicus. Facis hoc vir ami-  
cissime, & quidem iis rationum momentis, ea ar-  
gumentorum vi; ea copiâ, ut mœroris & luctus  
nebulam menti meæ haud parum absterferint, &  
dolori meo lachrymas. Filium habui, & vin' fatear?  
unico magis unicum; in filio votiva omnia, indo-  
lem, ingenium, mores, literaturam, & quod caput,  
pictatem; ad quam mihi factus vel à puero. & in  
quam velut astro quopiam inclinante ivit, nec ju-  
venis studium ejus mutavit, sed auxit. Quid ta-  
men est? fatalis eum urna citavit, imò abiit len-  
ta, & pulmonaria tabe extinctus, & rarum illud  
amoris pignus repetiit, qui dedit. Querar? Deo  
ita visum, qui optimos ferè quosque traducit ad  
optimam illam vitam;

*Inqñe*

*Inque vices mors, vita fluunt, genuisse, perisse est,  
Et rursus periisse salus.*

Si in flore ætatis obiit, certè non imperatus. Mori enim multo ante didicerat. Et ô beatum qui labilis hujus vitæ stipendia, æternis commutavit! Durus sim, & in defunctum injurius, si lachrymis meis, & votis, ad terrena hæc revocem, & misérias humanas, cui trophæa sub manu, & cœlum patria, imo domus. Præmisi eum, non amisi. Ante votum quidem fateor, & spem, sed non ante diem. Quis enim ante diem mori eum dicet, qui omni die vitam Deo debet? qui exigente creditore debitum solvit? Non reposcitur præmature, quod commodatum tantum, non datum; & quod nostrum non est, sed ejus à quo omnia. Ante tempus quòque mori non potest; qui in tempore moritur, & qui cum eo desinit esse, quo cum cœpit. Humanum scio hic angere, sed humanum tantum. Nam si tributum naturæ, MORS, stultè facit, qui se vult eximium, & exsortem, & qui fatua mollitiæ querelam, & planctum miscet. Nempe quid est homo? nisi spoliū temporis, & umbræ somnium, quid vita, nisi jactationes, & fluctus? in qua nihil firmum nihil stabile. Nubes hic ferè semper, & procellæ, & pro tenui mellis favo, plena fellis dolia. Et quos præeuntes videmus, quid nisi prodromi, qui de colligendis sarcinis tempestivè nos monent? Intempestivum enim est, cum abeundum *Theatro*, cum plaudendum, ordiri *Prologum*, & melioris vitæ telam aggredi, cum detextam oportuit. Talium quoque jactura, quid nisi patientiæ Christianæ exercitia sunt, & fortitudinis animi nostri in afflictionibus tentamenta? Herba Anthemis, quo magis deprimitur, eo latius se diffundit. Palma quo gravius oneratur, eo fortius assurgit. Unguentum cum agitur, olet fragrantius. Aromata si atterantur, spirant odoratius. Ita nobis. Defuncti vicem cur lugeamus? aut quid miserius illo, qui miserum eum dicit,



dicit, tot miseriis ereptum? Vivit enim, & abjecta mortalitatis sarcina, ad originem sui rediit. Vivit, & supra omnem mutationis aleam positus, fama fruitur quam meruit, felicitate quam quæsit: imo jam vivere istic cœpit, ubi nunquam desinet. Sed heu quàm hic homines sumus! quàm molles in calamitate mortalium animi! & quantis dissident intervallis, in meditatione hac mortis, *theoria*, & *praxis*: in illa Hercules sumus, in hac vix nani, aut pusiones. Tantum scilicet potest *sophia* illa, agnata nobis, qui patres sumus, ut obfirmatos etiam (adeò ingeniosa est in sui vexationem) de statu dejiciat, & obnitentibus lachrymas excuriat, & lamenta. De me fateor. Sed deliquia mea firmari voveo, ab eo qui ipsa firmitas. Ille te vir ornatissime diu servet incolumem, Patriæ, Principi, tuis. Datum Delphis. prostrid. Kal. Sextileis. M. DC. XXXIV.

*Am Sieur* ANTOINE ÆMILE  
*Professeur des histoires à Utrecht.*

MONSIEUR! le porteur de la presente, est fils d'un honeste marchand de nostre ville, qui s'estant icy par sa diligence rendu digne des leçons publiques, a preferé l'Escole illustre d'Utrecht, à toutes autres, pour y achever le cours de ses estudes. Jeune homme de grande esperance, & duquel les parens ne desirent rien plus, que son advancement, sous vostre discipline. Je vous prie l'avoir pour recommandé, & lui donner adresse en ses estudes. Nam juvenus nostra, ut verum fatear, hoc vitio plerumque laborat, quod sine ordine, & methodo, desultoriè & leviter studia sua tractet, & magno sæpe conatu, parum proficiat, dum incerti vagantur per autores. Quo fit, ut cum multa lustrarint, legerint, didicerint, vix tamen ac ne vix se promovisse sentiant. Tu vir clarissime, facem illi præfer in studiis,

diis, in vita, ne quam in herba messem pollicetur, incultu pereat: aut qua est morum ingenuitate, ac modestia, labem contrahat ex consortio, & licentia malorum, qui frequentes nimis, & crebri in Scholis. Ad hoc nati, ut se & alios corrumpant, non tam suggestionem, quàm exemplo. Gratiam spondeo non exiguam initurus à parentibus, qui curam tuam & institutionem haud inviti agnoscent. Interim est quod R. T. hanc Spartam gratuler in novo hoc Athenæo, in qua serio obeunda ita desudas, ut in ipsis professionis tuæ auspiciis fama eruditionis tuæ & industriæ ad nos emanarit. Maeste hoc animo. Campum habes non Martium, sed Palladium, in quo virtus tua dignè decurrat. De me, precibus hoc à Deo contendam, ut laboribus tuis abundè benedicat, Reip. & Ecclesiæ bono. Vale vir humanissime, à Crucio tuo nec invisio, nec ignoto, deque eo tibi ea pollicere, quæ de viro tibi amicissimo unquam posses polliceri. Si Voetium salvere à me jufferis, nihil est quod ultra velim. Delphis. M. DC. XXXIV.

JOHANNES POLYANDER.

*I. Crucio S.*

Delphis.

**V**Ir reverende, ac clarissime, ob binas sessiones nostras quotidianas, quibus non tantum ut Revisor Belgicæ sacrorum librorum hebraicorum versionis, sed ut Præses extraordinarius interdum vices supplens D. Bogermanni, cum debiliior ipsius valetudo id postulat, assiduè cogor interesse, ad te hinc excurrere non potui, ut Delphis te coram consolarer. Nunc verò tantum otii nactus, ut aliquo saltem epistolio officium illud veteris amicitiae erga te demonstrarem, cum hac epistola carmen meum consolatorium ad te ire volui, quod filio tuo piæ memoriæ per prosopopœiam attribuo. Quam breve, & exiguum, incertumque in hoc vi-

tæ curriculo nobis sit gaudium, ex familiari cum intimis nostris amicis consortio, facile ex hoc subito, inexpectato, multisque acerbo filii tui obitu, animadvertimus. Tu filium domus tuæ lumen, ac columen; nos Professores theologi, discipulum nobis charissimum; Collegium nostrum Gallo-belgicum, ratæ pietatis, ac singularis eruditionis studiosum; Ecclesiæ nostræ, quibus operam suam consecraverat, certissimæ spei candidatum, sacras meditationes suas publicè ex cathedra Ecclesiastica, quamdiu Deo placuit, cum piorum ædificatione proponentem amiserunt. Quid loquor? Nemo nostrum filium tuum revera amisit, verum in cœlos ipsum præmisit. Hoc interim fateor, quod ipsius abitu Deus insignibus donis quibus eum exornaverat, nos privaverit, illorumque usumfructum apud nos perexigui temporis esse voluerit. Qua mortis consideratione dicamus hic cum Jobo; *Iehova dedit, & Iehova recepit, sit nomen Iehovæ benedictum.* Job. 1. 21. & cum Davide; *obmutesco, non aperio os meum, quoniam tu id fecisti.* Psal. 39. 10. Non mirum est ethnicos mortem amicorum suorum tantopere lamentari, cum universalem carnis humanæ resurrectionem non credant. Nos vero Christi Evangelio melius edocti, non solum amicis placidè in Domino mortuis, à laboribus suis omnino requiescentibus, carnisque suæ resurrectionem expectantibus: at nobis quoque hoc nomine gratulari, ac gaudere debemus. O beatum filium tuum qui æternæ tranquillitatis primitias quoad animam, nunc in cœlis percipit! O nos beatos qui ipsum post universalem carnis resurrectionem in primogenitorum in cœlis inscriptorum numero atque ordine, coram Christi tribunali stantem videbimus, juxtaque benignam Iudicis nostri sententiam corona justitiæ redimiti, in Ecclesiam triumphantem introducemus, ut in ea lætitia, gloriaque infinita perfruamur, quam Christus nobis sanguine suo acquisivit. Faxit Deus ut hæc considerans,

derans, Davidem imiteris, ac dicas: cum æger filius meus viveret, jejunans flevi, ac dixi, gratiam fortè mihi facturum est Jehova, ut filius meus sanitati restitutus vivat. At nunc mortuus est, quorsum diutius flerem? possèmne cum meis denovo te vocare lachrymis? ipse non est ad me reversurus, at ego ad ipsum sum abiturus. Qualem dolorum tuorum præteritorum, in perpetuum gaudium conversionem, toto tibi pectore exoptans, te tuamque uxorem lectissimam salvare jubeo. Datum Leidæ. Kalend. Sextil. M. DC. XXXIV.

### Prosopopœja filii defuncti ad Patrem.

**O** *B mea fata Pater, lachrymas ne funde perennes.  
His mihi facta quies, crux mea, morsque fuit.  
Corpus in hoc terræ gremio requiescit, Olympum  
Mens tenet, & trini gaudet amore DEI.  
Me, Pater ipse sua facie, me Filius ipse,  
Alloquiis recreat, deliciisque suis.  
Spiritus ipse fovet mea gaudia, Spiritus idem  
Te lamentari nunc mea fata, vetat.  
Huic pater ausculta, meritas, lachrymisque relictis.  
Solve tuas grates ob mea fata, DEO.*

J O H A N N I P O L Y A N D R O  
S. D.

Lugd. Batav.

**T**antum-ne tibi otii, vir doctissime, ab occupationibus quibus perpetuo distraheris, ut etiam tuæ ad me literæ? O niveum pectus! ô pronum & flagrantem in me animum! Nempe hoc verè amicorum est, amicis in luctu suppetiari, & piarum consolationum fulcro vacillantes surrigere. Dilatum mihi responsum ad tuas, non omissum. Dum enim quotidie in hoc mœrore, & luctu aliud ex alio intervenit, dies aliquot in hoc silentio abiire, ut vides. Quid dicam?  
Gra-

Gratissima vir humanissime scriptio tua , uti & amor. Firmari quidem jam ante nos oportuit contra hos casus , & familiæ deliquia , quæ evenire unicuique non solum possunt , sed communi quadam lege debent. Sed quid nisi homines sumus , labiles ad minimum fortunæ novercantis impulsus , nisi Deus , ratio , amici , nos in statu contineant ? Tu mihi inter alios unus. Et quid nisi grates rependam , vel quia hæc mihi à tali viro , quem amo unicè ; vel quia benevolentia , & affectus testimonium me reficit , ab eo quem æstimo , quemque veneror ? Obsecro enim , ut quid ista amicitia studia , quæ tam ambitiosè multi affectant ad pompam , titulis liberales , imo prodigi , in recessatores ? Tibi melior , ut video mens , atque ut porro sit , hortor. Quid refert ? Viri omnes in prosperis sumus , in adversis vix pueri , aut foemina , ita plerumque nos illa animi mollieties habet. Et ut in corpore agro , & male affecto , quidquid ingeritur , morbi est alimentum : sic in homine afflicto , quidquid occurrit , videt , cogitat , luctus materia est , & doloris irritamentum ; nisi animum ejus perflet serenior consolationum intervenientium aura , quæ nebulas has tristitiæ paulatim dispellat. In me video , atque eo gratior mihi compellatio tua literaria , quæ certe opportunior advenire non potuit. Habet hoc amicitia. Adversa premunt unum ? sensus in utroque est. Mœror occupavit unum ? occupavit utrumque : & ut prospera , sic adversa amici , sua credit amicus , habetque pro suis ; nec minor illi doloris sensus in amici damnis , quàm in suis. Carmen , quod Musarum suaviter aspirante aura sub finem addis , tanquam consolationum tuarum ὀψιμτερον , non minus gratum mihi , quàm tuæ literæ. Cui quod reponam , non habeo , præter has nœnias. Brevitati meæ interim , & indiligentiæ condona , quorum alterum ab occupationibus meis est , alterum à luctu. Angeronia Dea os non habet , aut si habet , clausum habet.

habet. Vale vir reverende, & salveat à me le&tissi-  
ma tua conjux. Delphis. M. DC. xxxiv.

### Prosopopœja Patris ad filium.

**Q**uod lachrymis defuncte mei, tua funera FILI  
Prosequor, & primitristia damna tori.  
Hoc musa meruere tua, pietasque, fidesque,  
Atque inculcata simplicitatis amor.  
Te fulcrum, columenque mea superesse senecta,  
Spes erat, & voti pars iterata mei.  
Sed FATIS aliter visum, quæis velle reniti  
Planctibus, & querulo murmure, religio est.  
Illa suum repetunt, ego quid? compescere linguam  
Et supero didici subdere colla DEO.  
O te felicem interea, qui gaudia cæli,  
Terra commutas tristitia, & lachrymis.  
Vive, vale, & mundi nunc immemor, alma capeffe  
Præmia Cœlicolûm, deliciisque Poli.  
Donec nos iterum, post hæc discrimina vitæ,  
Arctius æterno fœdere jungat amor.

### A. I. de la Croix.

**M**onsieur, & honoré frere, la resolution, &  
constance, qui paroist en vos lettres, est  
vrayement sainte, & Chrestienne. C'est  
l'avantage de nostre Religion, de produire es  
cœurs fideles, la patience accompagnée de l'espe-  
rance, qui ne confond point. La patience qui re-  
çoit les afflictions, non tant pource qu'elle sont  
inevitables, que pource qu'elles sont salutaires,  
parmi lesquelles l'esperance certaine d'immor-  
talité, triomphe sur toute adversité. La philoso-  
phie chrestienne proprement monstre le moyen  
de n'stre esbranlé, & enseigne à supporter, si  
non sans larmes, au moins non sans consolati-  
on, le trespas d'un fils. Elle monstre en vous ses  
effets, & son efficace, puis que de patient, elle  
vous

vous rend Medecin , & qu'elle vous fait bander vos propres plaies. Nos mains n'y seroient pas nécessaires , n'estoit que vostre perte nous est commune : qui nous est d'autant plus sensible , que vostre fils estoit nostre , par vostre don. Et en cecy vous avez subiect de vous consoler , que maintenant vous avez rendu à Dieu , ce que desia vous aviez donné aux hommes , en le consacrant aux Eglises. Dieu l'a redemandé , & il estoit sien , & ne l'a redemandé , sinon pour le mieux mettre , & l'avancer. Il ne pouvoit recevoir meilleure promotion , que d'estre promu de la terre au Ciel , pour cognoistre parfaitement , ce qu'icy nous ne connoissons qu'en partie , & voir face à face celuy , que maintenant nous ne voyons que par un miroir , & obscurément. Si Dieu cueille les fruiets de nos esperances communes , c'est la gloire , & felicité de vostre fils maintenant affranchi , & du mal d'offense , & du mal de misere , des craintes , & soucis de la vie presente , & avec cela comblé de la jouissance des biens aujourd' huy à nous incomprehensibles. Il est allé où nous voudrions estre , pourquoy nous contrister de voir qu'il a obtenu , ce que nous croyons estre nostre bien souverain ? s'il est plus heureux que nous ; esjouissez vous de son bonheur. Si est parvenu le premier à la couronne , que demandez vous davantage que de le voir couronné ? Saviez quoy que courte , a esté telle , qu'elle doit estre pour parvenir au Ciel , & estant telle rien ne luy manque ; puis que c'est le but de la vie. Et si les Eglises ne moissonnent pas selon leur attente , si ont elles veu ce qu'il pouvoit par la grace d'en haut , si Dieu le leur eust laissé : Aussi leur esperance n'a point esté vaine , puis qu'elles l'ont veu propre , & capable pour ce ministration auquel il estoit destiné. Le rang que vous avez tenu , la grace que vous avez receüe , & les effets que nous en voyons , nous retient de vous donner ces consolations , qui abon-

abon-

abondent en vous. Vostre pluye est mēlée de la clarté du soleil, & la lumière du Ciel escarte vos nuages : Aussi doit vostre foy apprehender le remede, que long jour seulement donne aux autres. Le Sieur de la Riviere vous signifiera le surplus des bonnes intentions de nostre compagnie vers vous. Nous prions au reste le Dieu de toute consolation, que par son Esprit, il vous face sentir les effets de sa faveur paternelle, & ses meilleures graces, à la joye de vostre ame, & sommes Monsieur, & honore frere

*Vos bien affectionnez freres en Christ,*

*Les pasteurs, & anciens des Eglises  
françoises en ces Provinces Unies,  
assemblez en ces Provinces Unies;  
assemblez en Synode à Zierickzee,  
& au nom de tous,*

Jeremie de Pours president.  
André Colvius scribe.

A Zirickzee le 15. de  
Septembre 1634.

J A C O B U S F O C A N U S  
*I. Crucio S.*

Delphos.

**I**Tane filius tuus discessit mi Crucio, & triste  
sui desiderium patri reliquit? ita est. Sane do-  
lui, ac graviter molesteque tuli: eoque magis,  
quod inopinata ea plaga, & præter expectatio-  
nem. Sed sicut navem interdum improvisus  
vortex absorbet: ita homines immatura, atque  
inopina mors, & præsertim eos quibus indoles  
melior, & ingenium supra vulgus & annos:  
quod in filio tuo fuisse, verè affirmare possum.  
Jam dudum dolorem meum, quem ex obitu ejus  
accepi, testatus fuissē, sed studio distuli, ne vul-  
nus quod crudum, ac recēs erat, intempestiva mea  
scriptione refricarem, non nesciebam etiam fidos  
tibi



tibi esse amicos , qui in tali & tam acerbo casu officio suo non deessent. Tandem itaque rumpo silentium , & serius fortasse facio , quod jam dudum à me expectasti. Sed utinam mihi jam suppeterent verba mi Crucii , quibus te in tam gravi vulnere consolari , atque ingentem animi tui dolorem , aliqua ex parte minuere , aut saltem lenire possem. Tentabo tamen , non quod prudentiæ tuæ diffidam , sed ut officio amici defungar. Non est opus , ut te talem virum , tantumque Theologum , communis legis admoneam , quæ nascentibus dicta est MORI : nam quod omnes facturi sumus , id fecit filius tuus , id est obiit. Ea lege omnes nati sumus , ut aut serius , aut ocys moriamur , ut nihil præcipue in eo dolendum sit , quod accadat universis. Magnus ille Deus , tuus atque illius parens , filium eripuit , & quidem in flore ætatis , sed tamen suo id est determinato tempore & termino , quem Deus in tabulis providentiæ suæ scripsit. Acquiesce itaque , & statue sic expedivisse , & nihil Deum nisi tempestivè , nisi utiliter , & ex salute nostra nostrorumque facere. Vita hæc nostra , quid est nisi carcer , peregrinatio , & miseriarum abyssus ? quid ergo querelis prosequeris , quem votis debebas ? Filius tuus obiit. Obiit ? imò verò à vinculis ad libertatem abiit. Obiit ? à curis , & angoribus ad gaudia ivit. Obiit ? absolvit iter , decurrit stadium , & palmam ac coronam jam habet immarcessibilem. Non lubet hic tecum *desolatus* mi Crucii , & ex sacris ea dicta & exempla congerere , quibus exulceratum tuum animum mitigare , ac consolari queam. Per te ista nosti , tantummodo ea tibi ingeram ex historiis , & quotidiano vitæ usu , quæ dolorem tuum , si non penitus tollere , certe præmere , ac moderari queant. *Nullus dolor est* , (inquit Romanus ille) *quem non longinquitas temporis minuat atque molliat*. Et cur quod ab idiotis impetrat paucorum dierum spacium , id à viro docto , & sapienti , non

impetret ratio ? Nusquam animo de jici Sapien-  
 tis est ; at in his casibus quibus omnes ex æquo  
 sumus obnoxii , immoderatus dolere , non est  
 sapientis. *Feras , non culpes , quod mutari non po-  
 test* , inquit Mimus ille Publianus. Quod si fa-  
 ciendum est in omni re adversa , cur non & in  
 morte ? quæ & ob id ipsum æquiore ferenda ani-  
 mo , vel quod inevitabilis , vel quod tam ex æ-  
 quo communis omnibus. \* Quid hic tibi recen-  
 seam Ethnicorum exempla , qui liberorum suo-  
 rum interitum excelso infraßtoque tulerunt ani-  
 mo ? Pericles cum intra quatrimum duobus ado-  
 lescentulis orbatus esset , solito vultu , atque ad-  
 eo coronatus in publicum prodiit , & in concio-  
 ne disseruit. Xenophon cum inter sacrificandum  
 mors filii esset nuntiata , coronam modò depo-  
 suit , & eandem mox , simul atque fortiter in a-  
 cie cecidisse cognovit , reposuit. Quam nobilis  
 illa Anaxagoræ vox fuit , cui cum nuntiatum  
 fuisset , filium vitam cum morte commutasse ,  
 sciebam inquit me genuisse mortalem. Similia  
 de multis aliis Græcæ narrant historiae. Quod si  
 te magis capiunt exempla Romana ; respice Pau-  
 lum Æmilium qui intra septem dies duobus æ-  
 missis filiis , progressus in concionem ultrò , po-  
 pulo Romano gratulatus est , quod publicam for-  
 tunæ invidiam , domestico luctu redemisset .  
 Cogita Fab. Maximum , qui cum filium consula-  
 rem amisisset , Consul in concionem prodiit , &  
 encomium filii recitavit. Intuere Catonem il-  
 lum Censorium , cui cum filius natu major obi-  
 isset , juvenis singulari ingenio , ac summa virtu-  
 te præditus , & jam prætor designatus , nihil quic-  
 quam hoc casu commotus fuit , ut officio deesset ,  
 aut Reip. negotia segnius administraret. Deni-  
 que occurrat animo Martius ille Romanus qui  
 cum filium unicum summæ pietatis magnæque  
 spei juvenem amisisset , orbitatem suam adcò  
 forti tulit animo , ut statim à rogo juvenis cu-  
 riam peteret , ac Senatum legis ferendæ causa  
 evo-

evocaret. Ut omittam Pisones, Scævolas, Metellos, Marcellos, aliosque magni nominis Romanos, à quibus animi magnitudine Christianum superari, indignissimum videatur. Cornelia (si te fortassis magis movent exempla foeminarum) cum duos filios, Tiberium & Caium, magnos illos Gracchos occisos vidisset, ac eo nomine amici eam consolarentur, miseramque dicerent, respondit *nunquam me miseram, sed potius felicem dicam, quæ Gracchos peperit.* Similiter Spartana illa mulier cum audiisset filium in prælio cecidisse, *ideo ait illum genui, ut esset qui pro patria mori non detrectaret.* Sed quid ego hæc tibi suggero, & memorem moneo? quid ex Antiquis exempla hæc congero? nonne quotidiana vita satis exemplorum suppeditat? Circumspice vicinos, cognatos, affines, quot reperiēs vel ex infima plebe, imo etiam mulierculas, quæ mortem liberorum constanter & moderatè ferant? adeo ad hanc rem magnis Philosophiæ præfidiis non est opus. Nam si quis modo secum animo reputet, quàm calamitosa sit hæc vita, quot periculis, quot morbis, quot casibus, curis, incommodis, injuriis obnoxia, potius gratulabitur iis qui mature eam reliquerunt, quàm dolebit. Absolvit jam cursum suum tuus filius, & pervenit ad metam, ad quam omnes tendimus, laboriosa jam vitæ suæ functione perfunctus est, in portu jam navigat, liber ab omnibus insanientis hujus mundi tempestatibus, ac procellis. Obstrepit quidem paternus affectus, & dolor? ante diem obiit, obiit juvenis, & in flore ætatis obiit, vita longiore dignus. Sed obsecro te, quid appellas ante diem? cum nulli sit certus dies præscriptus, sed is demum legitimus est dies, quemcunque Imperator ille noster, supremum esse voluerit. Repreme itaque dolorem, & contine lachrymas, atque ea fac, & reminiscere quæ digna persona tua sunt. Noli oblivisci te Crucium esse, atque

eum virum qui aliis consueveris præcipere, & dare consilium, & ne imitere malos medicos, qui in alienis morbis profitentur se tenere medicinæ scientiam; sed ipsi se curare non possunt, sed potius quæ aliis tute præcipere soles, ea tibi subijce, atque apud animum propone. Cogita an tuus ille filius lacrymis, & comploatione dignus sit? de quo certus es, illum è servitute in libertatem, de ærumnis ad felicitatem, de caligine in lucem, de periculis in tutum portum, de morte ad vitam, de morbis ad immortalitatem, de tot malis ad summum bonum, denique ab hominum coluvie ad Angelorum contubernium esse traductum, ubi jam gaudio ineffabili, atque ævo fruitor sempiterno. Propone tibi exemplum sapientissimi illius Regis ac prophetæ, qui filium quem agrotum ac languentem fleverat, non flevit extinctum, cogitans quod irrecuperabilia lugere supervacua dementiæ potius sit, quam sanæ sapientiæ aut pietatis. Ideo robusto hoc solatio animum firmabat. *Ego quidem ibo ad puerum, sed puer non revertetur ad me.* Coërce itaque dolorem, & obfirma animum, fortiterque fer quod Deus te ferre voluit, & mutari jam nequit. Cum obversatur tibi animo, quod filius tuus mortuus est, cogita quod mortalem genueras: cum succurrit quod optimum, & pium adolescentem amiseris, gaude quod talem habueris: cum reputas quod tanto bono privatus es, cogita, quod reddidisti ei qui gratis tibi dederat: quod immatura morte occubuit, reputa, quod nulla mors non matura est. Bene morienti: quod in ipso vitæ flore periit, considera, tum optimum esse mori, cum vivere est suavissimum: atque his cogitationibus animum tuum erige, atque ab omnibus molestiis, curis, & doloribus abstrahere. Sed pudet me ad te virum sapientissimum hæc perscribere, quæ qualiacunque sunt, amor & dolor expresserunt, non quod ea te fugere existimem,

stimmem, sed quod dolore impeditus, jam forte minus ea perspicias. Desino itaque, & te salvare, & forti animo esse jubeo, ac voveo. Sylva Ducis. postrid. Kal. Octobr. M. DC. XXXIV.

## IOHANNI BEVEROVICIO

S. D.

Dordracum.

**N**Unquam satis dicitur, quod nunquam satis discitur. In te video vir clarissime, ita strenuè adhuc desudas, in Socratico tuo examine de *Vita termino*. Argumentum meherculè industria tua, & indagine dignum! & mentior si quid subactum magis, & elaboratum unquam prodierit, ab incude tot doctorum ac præstantium virorum. Ad me quod attinet, sententiam non muto (vel si Cato jubeat) nixum si quid video sacræ paginæ autoritate, & testimonio. Quid refert? infans ne quis moriatur, an puer, & *prima quæ vitam dedit, hora carpat*, adultus jam cadat, an senex; effletur anima ore, an per vulnus emittatur; pereat febris, an calculo, prospera valetudine, an adversa? De o suum semper constat decretum, qui unum nascendi modum omnibus statuit, mille moriendi, & utriusque certum, ac præfinitum diem. Oraculum audi, non ex tripode Phœbi depromptum, sed ex ipso *Sapientia* penetrali:

אם- חרוצים ימיו מספר- חרשיו אחר חקו  
עשיר ולא יעבר : איוב יר. ח.

Ante diem quis hominem mori dicet, si cuique stat sua dies, & ille suus sit dies, quo moritur? Quis vitam hanc prorogari, si statio est? Quis mortem differri, si debitum? Hinc sapiens omnem diem sibi ultimum credit, omnem horam supremam: & ut vitæ nec tenax nimis est, sic nec prodigus, in utrumque paratus, seu vivere, si

Deo, si patriæ, si suis; aut mori si summo illi Imperatori visum, evocare eum ex hac mundi statione, ad meliorem vitam. Hac enim lege nati, & eo nos singuli ducunt dies. Hac universus præiit coetus patrum; cuncti sequentur: *quisquis ad vitam editur, ad mortem destinatur*, imo ut ea ipsa quâ destinarat nati sumus: ea ipsa qua destinavit horâ moriemur, nobis quidem ex sapienti Dei consilio salutariter incerta; at illi cognita, imo ab æternitate præcognita *περὶ αὐτῆς* ista, quæ nec fallit, nec fallitur. At vero quia vita hæc non sine nube, tonitru, aut procella, multaque interveniunt, quæ finem extremum quem omnes expetunt, intercipiunt, Medicum, ut fari & naturæ ministrum, intuetur Sapiens, quasque tuendæ valetudinis, morbiq; profligandi rationes præscribit, sequitur; sanitatem consecutus, ad extremum vitæ terminum, tanquam ad optatum portum, tandem perveniat. Nec injuria. Cum enim omni generi animalium natura insitum sit, ut se, vitam, corpusque tueatur, declinetque ea quæ illi nocitura videntur, atque omni cura sibi, suæque incolumitati prospiciat, quis adeo stolidus est, & rationis expers, ut morbo correptus Medicorum remedia respuat, & adversetur? Quis si crus fregerit, si membrum luxaverit, si vulnus ulla corporis parte accēpit, obligari recuset? Eo enim naturæ ductu impellimur, & Dei instituto provocamur. Sic sapiens medicum acciri vult, ingruentibus morbis, eosque arte Machaonis expugnari. *Eccles. 38. 1. 2. 4.* Sic Paulus Timotheo, quo munus suum alacrius obiret, moderatum vini usum præscripsit. *1. Timoth. 5. 23.* Sic Tobias avidè Raphaëlis consilium admisit in curanda cœcitate, collyrio confecto ex felle piscis. *Tob. 11. 10.* Sed hypotheticos Doctores regerentes hic audio, medicam frustra manum implorari, si ex decreto divino vitæ terminus ἀπλῶς debet definiri. Quasi qui finem statuit,

tuit, non quoque media ad finem. Ut in exercitu varii affectus militum sunt; & hunc præda incitat, hunc gloria, illum odium, omnes tamen pro victoria, & Principe pugnant: sic inferiores omnes causæ qualescunque sunt, Deo militant, & veniunt ad hunc finem finem. Atque hinc Medicorum necessitas, quam & Cicero agnoscit, *cum tam fatale esse ait Medicum adhibere, quam convalescere*. Mirum quid arte sua, & industria possit. Neque enim si periculosè aliquem laborantem videas, ilicò est desperandum, quasi extremus vitæ terminus egrotanti immineat, Quoties emergunt, qui conclamati videbantur, & jam propediem apud inferos cœnaturi? & quis scit, an concussiuncula hæc vel illa, castigatio tantum paterna sit, & paucorum dierum, an ad interitum morbus? Tu igitur propera, curre, vola, opem fer & suppetias agro, & dum spes aliqua adhuc in vita, Poëtæ illud occine;

παρσέν γὰρ φίλῃ Βάτῃ τάχ' εὐχρον ἔσται

ἄμενον,

Ἐλπιδες ἐν σωῶσι, ἀγέλπῃσι δὲ θάροντες.

Præstitutum à summo illo temporum Arbitro, vitæ nostræ terminum scimus, sed nos latet ipsa termini hora. *Ultima ergo semper expectanda dies homini*, & cum nos lateat arcana Dei voluntas, officium præstandum ex revelata. Non alia mens olim Athanasio, qui in apologia pro fuga sua utitur hoc argumento, probatque cum inexploratus sit vitæ terminus, vitam servandam quamdiu licet. Non alia ipsi Christo, pro tempore cedenti furori Judæorum, quanquam vitæ terminum non ignoraret. *Marth. 12. 15.* Non alia Paulo cum sporta per Damasci mœnia elapsus, conjuratorum manus effugit. *Act. 9. 25.* Non alia denique Davidi, Saulis atque aliorum insidias declinanti. *1. Sam. 22. 1.* Absit ut *Providentiam Dei*, ignaviæ nostræ faciamus asylum, & industriæ humanæ remoram, quæ decreto Dei subser-

vire debet, & ancillari. Subordinata sunt, non *ἀνταρτά*. Et supremam illam rerum omnium causam Dei voluntatem, ita agere certum est, ut per medias etiam, & auxiliantes causas operetur. Exemplum, ut infinita præteream, in Ezechia, qui licet jam revaliturus, & longioris vitæ certissimus esset, non tamen curam valetudinis suæ deposuit, sed confecto cataplasmate ex ficibus, quæ attrahendi, & maturandi vim habent, pestilens ulcus ad suppurationem perducipassus est. *Esa.* 38. 21. In Paulo cui Deus per Angelum revelârat, neminem eorum qui secum in navi erant periturum, nihilominus tamen urgente tempestate, & imminente naufragio, cum nautæ scapha expedita sibi essent prospere, retineri illos iussit, quia scilicet Deus ita tuerat eos servare opera, & ministerio nautarum. *Act.* 27. 31. Media igitur, ut veritatem Dei, aut potentiam in exequendis decretis non tollunt, imò ne quidem sufflaminant: ita fatalis illa, & decretoria Dei voluntas, in regimine hoc rerum humanarum, non abolet causas secundas; sed eas sapienter dirigit ad suum finem, id est ad gloriam ejus qui supra nos vult, & potest. Plethora mihi præludit ad morbum? Medicum accerso, qui sentinam exhauriat copiosi nimis sanguinis, & corpus noxio suo pondere liberet, & materia morbi, qui ingruit sæpe naturæ opera, sed nostrâ sæpe culpa, qui naturam corrumpimus, *postquam cæpit queri cibus* (verba Senecæ sunt) *non ad tollendam famem, sed ad irritandam, & inventa sunt mille conditura, quibus aviditas excitetur, quæ desiderantibus alimenta erant, onera sunt plenus. Inde pallor, & membrorum vromadentium tremor, & miserabilior ex cruditatibus, quam ex fame macies. Inde incerti labentium pedes, & semper qualis in ebrietate titubatio. Inde in totam cutem humor admissus, distensusque venter, dum male assuescit plus capere, quam potest. Inde suffusio lurida bilis & detolor vultus, retorti digiti articulis obrige-*



obrigescentibus, & nervorum sine sensu jacentium torpor. Immunes erant ab istis malis qui nondum se deliciis solverant, qui sibi imperabant, sibi ministrabant, corpora opere, ac vero labore durabant, aut cursu defatigati, aut venatu, aut tellure versata: nihilque opus erat tam magna Medicorum suppellectile, nec tot ferramentis, atque pyxidibus. Simplex erat, ex simplici causa valetudo; nunc multos morbos, multa fercula fecerunt. Rarus quisque hic innocens, & tamen si quis est, malè naturam accusat, impiè fatum. Valeo? valetudinem curo, & consilium si opus de humanis instituo, non de divinis; de mediis, non de eventu; securus quid de vitæ meæ termino decretum in supero illo tribunali, in quod penetrare nemini fas. Ægroto? artem Medici exploro, opem imploro, nec stulta miraculo recuperandæ valetudinis fiducia Deum tento, ne & Deo injurius sim & mihi. Revalesco? ita vivo, ut mori quotidie discam, & diem hunc ipsum, imo horam, & horæ punctum, cum morte dividam. Quid vota mea protollam in lubrico hoc vitæ, qui jam mori cœpi, ut natus? In hoc enim fallimur, inquit Romanus ille sapiens, quod mortem prospicimus quasi venturam: magna pars ejus jam præterit; quidquid ætatis retrò est, mors tenet. Bene & pie de vitæ termino disputat, cui meditatio hæc termini vitiis imponit terminum, vitamque ita instituit, ut ad fidei tandem suæ, & spei terminum pertingat, DEUM, cujus non est terminus. Et hic finire erat animus, cum ecce tuas lætitanti quædam occurrunt, quorum solutionem postulas: quis nempe vitæ terminus eorum, qui à morte excitati, iterum mortui? Item ridendusne ille qui nobis Nestoreos annos precatur, liberisque pro vita parentum orantibus, ingerendumne hoc Maronianum?

*Desine, fata Deum flecti sperare precando.*

De excitatis à morte, & iterum mortuis, facilius est movere quæstionem, quàm solvere. Illam

si per te licet, doctiorum subselliis, ventilandam relinquo.

*Tutius mihi humiles inter reptare myricas,*

nec cymbulam meam committere tam alto, tam dubio mari. Pergo ad alia. Quid ? ille ne deridendus, qui nobis Nestoreos annos precatur ? non magis, quàm qui gratiam, quàm qui benedictionem D E I. Nam quid hæc vita, nisi donum D E I, quam ardentibus votis à D E O flagitarunt etiam sanctissimi ? *Esa.* 38. 18. 19. *Psal.* 6. 6. Quid *μὴ ἐγγίγμις*, nonne promissa filiis morigeris, & obsequentibus ? & si promissio est, certè gratiæ & favoris plena, quam qui alicui adprecatur, non video in quem delinquat. Fatum inquires, quo decretum hunc cui longam vitam voveret, subita, & inopina morte extingui in medio cursu. Sed bona fide, decreta D E I credis infringere, & violare humanitatis, & amoris officia, hominis in hominem ? aut pietatem liberorum in parentes, pro vita eorum orantium, etiam in ipso senio, & ætatis occasu ? Scio non facies. qui Pater es, & jam pridem quam grata sint parentibus hujusmodi liberorum vota, in te, & familia tua didicisti. Pars non minima honoris est, quem liberi parentibus debent, A M O R. Et quæ majora esse possunt amoris specimina, quàm si eos diu superstites esse optant, à quo E S S E suum habent, & quos tanquam vitæ suæ autores venerantur ? Aliter D E O visum ? Esto. Faciunt quod ipsos natura docet, ratio dicit, lex jubet, imo quod ipse D E U S, cujus dum arcanam voluntatem ignorant, auscultant revelatæ. Norma actionum nostrarum, & vitæ instituendæ regula, lex Dei scripta est, non arcana Dei consilia, & decreta, quæ horrore sacri silentii mirari decet, non rimari, & inaccessas illas curiositati humanæ Scyllas & abyssos, humili modestiæ velo præterlabi, ne temerè circum eas ludentes absorbeant. Nihil addo amplius, ne termino careat epistola, quæ de termino,

no, præter salutationes, & vota, quæ tibi, & tuis toto horreo admetior. Si ad ultimas meas responderis, apponetur gratiæ, & accedet cæteris beneficiis, quorum cumulo sum tibi devinctus. Non soles parcus esse, aut condus talium: sed occupationes tuæ sæpe in mora. Rumpe quæso, & colamus commercia hæc literarum, quando locorum intervalla prohibent sociare sermones, & *notas audire, & reddere voces*. Magno illi Catfio, & Corneliano interpreti, qui laudari merentur, etiam arbitrio ipsius invidiæ, plurimam à me salutem. Dabam Delphis. M. DC. XXXIV.

In doctissimam *Marcellam* eruditissimi  
viri J. Beverovicii, aliorumque de  
vitæ termino,

**Q**uid trepidus Vitæ tacitos inquiris in annos?  
Et mortis rimaris iter? causasque latenteis  
Morborum evolvis? seu te tenet arida febris,  
Aut dirus te vexat hydrops, anginaque fauces  
Strangulat, & validos tristem demittit ad Orcum.  
Te ne adeò vani recreant pellacia Mundi  
Gaudia, ut impatiens spaciū brevioris, & ævi  
Dulcia præteritæ revoces dispendia vitæ,  
Exactosque optes iterum juveniliter annos?  
Non ita, nascentes morimur, quem fixa dederunt  
Fata diem manet immotus: seu te aspera tandem  
Parca necat vitæ saturum, aut florente juventa  
Incolumem Stygias Erebi detrudit ad umbras.  
Cuncta vorant anni volucres, domat omnia Tempus  
Indomitum, pereuntque suis nascentia fati:  
Quosque sua Deus in mundo statione locavit;  
Temporis imparitas discriminat; exitus æquat.  
O sapiens! qui fluxa perosus gaudia vitæ,  
Instabilesque vices rerum, brevis incola mundi,  
Cælestes meditaturo pes, mortemque minantem  
Spectat ovans morbosque inter, casusque supremum  
Præsentem ratus esse diem, submittere vota  
X 6 Numinis

*Numinis obsequio didicit. Quid vivere longum  
Fert hominis? Vixisse diu non indicat ætas,  
Non spacium, non longa dies, sed candida morum  
Canities, annisque ipsis prudentia major,  
Frustra per obscuri sinuosa volumina Fati  
Excuties, dubiosque ævis scrutaberis annos,  
Ante diem nemo moritur. Sic vive futuri  
Inscius, ut moriens animam compage solutam  
Corporis, excelsâ cælorum in sede reponas,  
Æternum victuræ DEO, qui terminus olim  
Unus erit nobis, pretiumque, & meta laborum.*

J. CRUCIUS.

PAULO BRIELIO

Studio S. D.

Lugd. Batav.

**I**mpedimentis de subito mihi natis, responsum  
ad tuas distuli, quæ gratissimæ mihi fuerunt:  
quia amoris tui in me indices, & diligentia.  
Amorem interpretor, tuam ad me scriptionem:  
diligentiam styli, & latinitatis cultum in literis.  
Ita certe oportet. Quid hominis tam proprium,  
quàm erigi ad alta? quid studiosi, quam ad doctri-  
næ fastigia eniti? quæ non alio pretio, quam la-  
bore parabilis. Hunc igitur usurpa, quidquid oc-  
cinant temporis sui & aliorum prædunculi, qui  
industriam eorum aut turbant sæpe, aut sufflami-  
nant, quos vident studiis suis contentius immo-  
rari, Muscas has fuge, quæ importunè nimis cir-  
cumvolant, & fugies, si contempseris. Liberè, libe-  
rè dico: remore sunt bonæ mentis, & ἐμπόδια cer-  
tantibus in Palladio hoc circo, & ituris ad me-  
tam. Si in hoc juvenili vere sementem feceris  
doctrinæ, est unde messëm speres aliquando, Pa-  
renti tuo non injucundam, tibi non indecoram.  
Occasio homini nunquam deest, sed occasione  
homo. Aures tuas feriat illa nunquam satis lau-  
data vox: πολυτέλειαν ἀνάλωμα χέρον, Cui-  
jus

jus heu ! prodiga nimis hodie juvenus nostra,  
 in libera illa Academiae aura ; quæ velut pesti-  
 lens aliquod sidus incautos saepe afflat , imo ne-  
 cat , dum sub licentiæ velo , desidiæ , aut luxu-  
 riæ ansam arripiunt in nominis sui dedecus , &  
 studiorum intertrimentum. Tu cymbulam ju-  
 ventæ tuæ defleste , si quid sapis , ab hac Cha-  
 rybdi , & cum Ulyssæ Homérico , Sirenes has  
 præterlabere , & virtutis scopulos ; ad quos si se-  
 mel impegeris , haud facile pedem referas : ita  
 mentis aciem perstringunt hæc vitiorum illi-  
 cia , & liberalia ingenia à recto tramite in devia  
 abducunt. Ut in Sole si itur , mutatur vultus ;  
 ita si inter pravos animus. *φθείρεται ἡ ἐν χερσὶ  
 ὁμιλία κακῇ*. Nec bona tam citò adhærent , &  
 quæ decent. Pietas ( quod maximum duco ) tibi  
 in primis cordi , & curæ. Sine qua doctrina  
 omnis & literatura , fumus & umbra , imo ni-  
 hil. Basis illa tibi , & fundamentum , cui super-  
 struas surgentis doctrinæ fastigium. Multum  
 in ea profecit , cui illa placere cœpit. Eam vi-  
 des in Patre , & in tuis , imitare. Habes qui in  
 hoc bivio ætatis , viam præmonstrent eunti , vita,  
 & exemplo. Nihil abripiat quacunque specie ,  
 aut illicio. Nam contagio hoc merum te volo  
 immunem , & à mea disciplina profectum , in-  
 cedere velut exemplum modestiæ , & probitatis in  
 Batavo hoc Athenæo. De studiis si quæris horas  
 tuas dividi volo , in matutinas , & pomeridianas.  
 Illas studiis gravioribus impendi , Philosophiæ &  
 historiarum lectioni. Has levioribus , linguis ni-  
 mirum , & stylo. Ad Jurisprudentiam eunti , quid  
 necessarium magis Ethico , & politico studio ?  
 quid utilius linguis , latina , & græcâ ? Famulæ sunt ,  
 quæ ad majora præludunt , & tanquam manu nos  
 ducunt ad altiora. In ea mente olim summus ille  
 dicendi magister Tullius , qui græca semper cum  
 latinis conjunxit. Certè ex his linguarum fonti-  
 bus , multa aliarum Artium semina hauriuntur , &  
 in rebus ipsis enucleandis , altera in alterius openi  
 egregiè

egregiè conspirat. Græca ut erudita admodum est, & locuples, Latinam ipsam, tum alias quoque insigniter auget & adornat; ejusque imperitia, ac contemptus, unicus est ætatis nostræ scopulus, aut verius naufragium. Apage ergo illam quorundam in re literaria barbariem, qui tantam lucem disciplinarum studiosis invident, ipsasque linguas quas ignorant, aut oderunt protervè, aut superbè fastidiunt. Tu Themidis candidate, susurriones hos fuge, pravo & sinistro ingenio natos, & elegantioris literaturæ propudia. Non sunt contemnenda parva, sine quibus magna constare non possunt. Pauci tibi in manu libri, sed boni, imò optimi. Hos lege,olve, tere, & vel magnorum virorum exemplo, bellaria tua sint, & deliciæ, nec ponendi de manibus, nisi in succum verteris, & sanguinem. Lectio quidem varia delectat, sed certa prodest. *Qui quo destinavit, pervenire vult, unam sequatur viam, non per multas vagetur: non ire istud, sed errare est.* Ita septies Terentium evolvit Erasmus: Xenophontem comitem ubique habuit Scipio: Homero delectatus est unicè Alexander: Virgilius Ennio: Avicenna Euclide: Cyprianus Tertulliano: & Cæsaris commentariis flos ille Regum Alphonsus. Idem tu. Distrahit animum librorum multitudo, & fastidientis stomachi est multa degustare, quæ ubi varia sunt inquinant, non alunt. Itaque cum legere non possis quantum habueris, sat est habere, quantum legas, multoque satius paucis te auctoribus tradere, quam errare per multos, & in iis circa minutias operose philosophari. Et mihi crede, proderunt non parum loci communes, in quos tanquam in thesaurum recondas, quidquid legendo, vel audiendo didiceris: melius enim distincta servantur. Quid nobile illud J U R I S studium sine linguis? quid sine tinctura aliqua Sapientiæ moralis? quid Astrææ placita sine Historia, illa teste temporum, magistra vitæ, & nuntia vetustatis?

statis? Sed in ea delectu opus est. Paucos si me audis legendos tibi propone, & bonos. In Romana Livium, aut si brevitatis magis placet & res, Sallustium, & præ aliis magnum illum civilis prudentiæ magistrum TACITUM, quo scriptore nullus unquam altius penetravit in arcana Principum. In Græca Thucydidem, Polybium, Xenophontem. Non numero authorum, sed præstantia certandum. Cum multa percurreris, unum excerpe, quod illo die digeras. Fieri enim non potest ut simul multa quispiam faciat, eademque omnia benè. Qui voluptatis gratia degustant, & libant varia sine alio fructu, omnia cursim, & properanter transmittunt. Sedeant igitur in animo fideliter, nec sicut unguentorum aliquis odor, statim ad aërem dissipentur. *Non prodest cibus, nec corpori accidit, qui statim sumptus emititur. Quemadmodum quæ in usu sunt, & manum quotidie, tactumque patiuntur, nunquam periculum situs adeunt: ita quidquid frequens cogitatio exercet, ac renovat, memoria nunquam subducitur, quæ nihil perdit, nisi ad quod non sæpe respexit* Cogita mi Brieli, &

*Præceptum auriculis hoc instillare memento.*

Plura non addo: cura ut valeas. Delphis. M. DC. XXXV.

JOHANNI CRUCIO

*Cognato S. D.*

Harlemum.

**T**Ristis hîc rerum facies, ingravescente indies contagio, quo centeni, & quod excurrit singulis septimanis abripiuntur ad furvæ regna Proserpine. Si unquam, certè funesto hoc tempore, mors omnibus serio commentanda, quæ senum ac juvenum passim nunc miscet funera, & de abitu, sarcinisque colligendis cogitationem injicit, etiam maximè securis. Incolumes adhuc sumus

sumus Dei gratia, sed grassante hac lue, momentum est inter vitam & capulum: & ut olim in certamine Olympico; sic in hoc crepero vitæ cursu, alii aliis lampada tradimus. Ille mihi verè sapiens, cujus in procinctu stat animus, & qui conscius sibi melioris naturæ dat quidem operam, ut in hac statione quæ positus est, honestè se atque industriè gerat; sed nihil horum quæ circa ipsum sunt suum judicans, iis ut commodatis utitur, peregrinus & properans, vitamque ita instituit, quasi indies moriturus. Quid enim vita nostra, faviente hoc malo, nisi somnium & umbra? Lanoyus noster amicorum delictum, magno suorum, & Ecclesiæ luctu, etiam hac lue cecidit, & ad beatas illas sedes commigravit. Doleo orbitatem liberorum, & inopinatum patris obitum, in prole tam numerosa. Deus illis sit pater, quem curam eorum gerere voveo, & precor. De valetudine tua si nos feceris certiores, erit nobis pergratum, nam communis hujus incendii stricturas & ad vos volitare, hic rumor est. Res Indicæ crescunt, & florent. Deus faxit ut diu. Cui te cum familia commendo. Delphis.

## THEODORO SCHREVELIO

*Schola Lugduno-Batava Rectori vigilantissimo. S. D.*

Lugd. Batav.

**D**ono me prævenisti Vir clarissime, non affectu, qui pronus mihi semper in viros virtute & doctrina conspicuos, nec prius illum ponam, quàm vitam. Habent videlicet quid ἐλκυστικὸν amœniores Musæ, quo dulcedinem sui inspirant animis φιλομαθῶν, & tacito quodam sensu titillant mentes, recti honestique amantes. In te video. Et jam diu fuit mihi animus te compellendi per literas. Sed alius nobis semper ex alio labor, qui in volutando Sisyphio hoc saxo, huma-



humanitatis officia, & literarum cum doctis commercia, non suspendit solum, sed intervertit. Ita facti, ita nati sumus. Tu vir humanissime si quid in eo delictum, agnosce, & ignosce. Munus tuum profectum à tam amica manu, tam docto calamo, merito mihi carum. Monumentum enim ingenii tui est, in re verè seria, utinam minus luctuosa. Threnodiam scribis & benè: sive tua ad Deum vota intueor, sive afflictum Reip. vestræ statum, quem ita nobis carmine repræsentas, tam graphice venæ tuæ penicillo depingis, ut oculis pene lustrare mihi videar tot millium hominum una in urbe excidia; quos tanquam piaculares Orci victimas, & publica iræ divinæ litamenta, lues illa ἐκρηόλα & violenter absorpsit, & in sinum recondidit magnæ matris. Verè dicam? non tenui lachrymas. Quis enim tam natura ferreus, quem non percellat tristis hæc imago luridæ mortis, in omni ætate, omni sexu? tot cumulata funera, nullo purpuræ, & lacernæ discrimine? quis adeò stipes, qui ad ea non stupeat? Quanquam non nova hæc, & inaudita. Magna olim pestis fuit sub Gallo & Volusiano Imperatoribus, per omnes Romanas provincias. Sævitia tamen, & impetu insignior illa Byzantii, finitimisque locis grassata, sub Justiniano, cujus vis tanta, ut in singulos dies quinque millia funerum daret, interdum etiam decem. Nec minus miranda Africana Pests, quæ eversa Carthagine orta, in sola Numidia octingenta hominum millia delevit. In Græcia verò tanta fuit, ut una tunc Libitina vix suffecerit. Quid Italia? tam validè in eam incubuit, ut ex millenis quibusque hominibus vix decem superessent. Ita nempe Deo visum immittere interdum falcem suam in luxuriantem hunc mundi agrum, quæ millia aliquot demetit, tanquam messes eximias Plutoniæ domus. Nisi faceret, quæ jam regio capiendis iis sit? quæ tellus alendis? cum densius longè videas  
homines

homines per naturam nasci quam denasci. Adhæc ut in malè affectis corporibus, interdum utilis est sanguinis missio : ita resp. populi, gentes sentinas suas habent, quas expedit exhauriri, & in iis acri calamitatum nitro, labes & sordes elui vitiorum. Agricolam laudas, si Zizania extirpet ligone, marra, sarculo : in Deo cur improbes, si in hoc amplo plantario Universi, noxias & inutiles plantas eruat, aut evellat, utiles oppressuras aliquando nisi opprimantur ? Scio bonos, imo optimos quosque his etiam malis haud rarò involvi, & in communi contagio, tanquam à torrente quodam violento, in communem interitum rapi, quis tamen mala dicet, quæ immixta bonis & à Deo id est non ab ipso summo bono solum, sed bonorum omnium authore ? à quo non magis est, ut malum aliquod emanet, quam ut ipse sit malus. Quid ? irasci eum censes, & lethifera hæc tela spargere in suos, ut perdat ? non facit. Flagella sunt, & castigationes paternæ cum peccavimus, frâni, ne peccemus : & quomodocunque se habeant hæc Dei παιδεία, gymnasia virtutis sunt, & exercitia fidei, ac patientiæ in bonis. Ad quæ formari nos vult, & firmari summus ille gymnastes, non ad sudorem solum, sed & sanguinem. Vider hunc divitiis suis insolenter efferri ? eripit tanquam materiam, & fomitem vitiorum. Illum ingenii dotibus inflatum, alios præ se contemnere, & aspernari ? paterina hac ferula fastum illum retundit. Alium prospera valetudine abuti ad vitæ luxum ? Adimit, & affigit lecto. Quid, quod non una quoque curandi ratio cœlestis hujus Medici in omnes. Illi plus absinthii, aut ellebori miscet, quam huic ; nempe quia morbus ejus id postulat, aut natura. Mitior ille, & in gyrum flexilis, vel sola virgæ umbra : hic ferocior, & non nisi durioribus flagris coërcendus. Illi vitam indulget ; huic negat, & meritum transfert in meliorem. Inepti hic si querimur, οὐκ εἶμεν enim quædam sumus.

Et

Et quid mirum si magnus ille figulus, quos finxit, etiam pro arbitrio cum illi visum, diffingat? Beati qui tanta in hominum strage quotidie vitæ suæ summam imponunt, se excutunt, vitia sua circumcidunt, & intimos animi recessus scrutantur, vitæ suæ, non alienæ censores, & tanquam non indies, sed & in horas hinc abituri, quæ aliis eveniunt, etiam sibi evenire posse credunt, quæque immittuntur à Deo ita ferunt, ut ferenda humana sunt.

ἢ δ' ἐμοὶ καὶ θυμὸν αἰεὶ φαίνεται βελή.

De valetudine nostra si quæris, adhuc ex voto est. Sed heu quam fragilis, & in dubio hoc vitæ cursu, quam levi momento labilis! Vin' scire quid agam? In utroque fortunæ vultu ad firmitatem me compono, & Imperatoris mei nutum, paratus ire quo vocor. Quid enim hæc vita, nisi statio? quid nisi tributum naturæ? cui subducere se nemo potest, nemo debet. Vale vir πολυμυθεύων, cum conjuge, & familia, & me tui amantissimum ama, qui te æternum. De induciis hic rumusculi quidam, credo & apud vos. Si ineundæ nobis cum Hispano, faxit Deus, ut è re nostra sint, & patriæ. O quam suavis vita sit? quam juvet communione illa terrarum, hominumque frui? tot jam lustris accisa patria, non excisa. Arcis Schenckianæ captura, progressus nostrorum supra spem in Brasilia, & exhausta utrinque diutino hoc bello æraria, haud leve fortassis huic negotiationi afferent momentum. Viderint qui ad clavum, quorum fidei, custodiæque concredita est dignitas publica. Ego quod unum possum, vota mea interpono, & boni omnes mecum. Iterum vale, & animitus. Delphis. M. DC. xxxv.

JOHANNI BEVEROVICIO.  
V. C. Salutem D.

Dordracum.

**L**iteras tuas Vir doctissime, nuper accepi, & adjunctum iis librum de vitæ termino, maxima ut video sui parte auctum. Qui aliter potest, tot Musarum coryphæis protractis in hanc scenam, tot athletis bonarum artium in hanc arenam? Vin' fatear? bis mihi grata, quia à te missi, quem jure veneror, & colo; & quia missi in optatum mihi finem. Quis ille inquires? ut diversione non injucunda delassatum studiis severioribus animum reficiam, & hebescentis ingenii aciem reparem ad has delicias, ut aberrantes nonnulli oculos ad speculi virorem. Sentio. Dissertationes enim has epistolicas non avidè solum lego, sed lectas ruminor identidem, & examino ut solent amantes. Quidni faciam? doctæ sunt, seriæ, promptæ ex pectore & (ut ille ait ἐκ φρενῶν μυχῶ, ) quæ si quid iudicio in dubio hoc sententiarum dissidentium certamine, caliganti Veritati lucem egregie fœnerantur, & lectorem non delectant solum, sed instruunt. Diligentia tua, quod laetor, debemus καίμῃσιν hoc literarium, & ingenii tui agro auream hanc messem; qui plura, qui majora dabit si obseveris. Fac mi Beverovici, & lucem videant, quæ adhuc premis, nomenque tuum erudito huic seculo haud inficiandum propagent, quacunque imperium doctrinæ patet, & literarum.

*Paulum sepulta distat inertia*

*Celata virtus.*

Et quid vivere nostrum, nisi hoc sale conditum sit Sapientiæ, & amœnioris literaturæ? Sunt, non vivunt, qui ætatem degeneres in otio degunt, & tam obscuri hinc migrant, quàm intrarunt. Sublimior tibi mens qua te attollis, & secernis à vulgo.

vulgo. Maſte tantum hoc animo Vir magne-  
 Viapater, & habes quæ te eo ducunt, ingenium,  
 literatura, linguarum cognitio, rerum ſcientia,  
 lectio authorum indefeſſa, & quod caput, judi-  
 cium acre, & ſagax, recondens in uſum  
 tuum, & aliorum, quæ lecta olim, & audita.  
 Hæres? peſtus tuum roga: dicet. Amicos, an-  
 nuent, imo & calcar ſubdent currenti, nominis  
 tui, & famæ Pegaſo, nec in hoc ſtadio quieſcere  
 donec decurrat. Weſterburgium in Helico-  
 ne verſari audio, & obſtrictantibus Muſis, co-  
 gitare de partu fœtus ſui poëtici. Faciat, hibe-  
 bit qui excipient, qui fovebunt hanc prolem  
 diu expetitam. Me inter alios, qui ſemper ama-  
 vi has veneres; & fungi mihi aut candices, qui  
 non eas mecum. Tractatum nobiliſſimi Catſii ſi-  
 mul & tuum videre geſtio, de ratione tuendæ  
 valetudinis: ſine quâ ſtudia noſtra nulla ſunt,  
 niſi firmentur hoc ſtatumine, ac pedamento.  
 Quid enim ingenii molimina, quid labores? ſi  
 dubia illa ſemper, & anceps. Promoveant rem  
 literariam qui illam ſartam teſtam eſſe volunt,  
 & ſtudent. Perge, perge, ſerio in eam cogita-  
 tionem incumbere, & excute diligenter omnes  
 partes, & artes, quarum præſidio munitus es,  
 eaſque in communem confer uſum. Nam hoc æ-  
 ris contagio, Æſculapiis his opus eſt. Funera hic  
 paſſim, & alibi, quis tandem victimarum Or-  
 ci finis? ita invaleſcit hic indies illa lues *μω-  
 ρόν*, quæ ad tempus remittere videbatur,  
 & auram clementiorem polliceri. Utinam non  
 ſpargant ſe ſcintillæ hujus incendiû, & veſtram  
 etiam patriam urbem comprehendant. Nam  
 non tolluntur, ut video hac mala, ſed mi-  
 grant. Et ô ſi tantum hac parte miſeri!  
 ſed accedunt in cumulum, & alia quæ Rem-  
 pub. tangunt, terra marique parum læta, pa-  
 rum proſpera. In cauſas me non penetra, neque  
 etiam culpo, qui rebus præſunt, nec poſſum, nec  
 debeo. Hoc ſaltem videre mihi videor, hunc  
 ægrum

ægrum diu spirare non posse, sine celeri medicina. Deus mederi dignetur, qui Imperii hujus itator, & vindex. De me si quæris, Paulo nunc melior sum ab invaletudine ex catharris, quæ plusculos dies me afflixit. Ita nimirum mori paulatim discimus, & migrare hinc sine mora, sine metu, à pravis, & turbidis, ad latiora. Quid enim nisi homo sum, & ab humo, & in eam iturus? cum magno illi D E O visum, cui & vivere & mori, ut meum, ita & bonorum omnium votum est. Plura vector. Ut finiam pro munere tuo habeo gratiam. quid rependam? nihil nisi animum, & verba, cætera immunis. Vale vir humanissime, & me ama. Catsio, Westerburgio, Colvio, & Somerio, viris supra invidiam, plurimam salutem voveo, dicoque. Delphis. M. DC. XXXVI.

THEODORO SCHREVELIO  
S. D.

Lugd. Batavor.

Q Uod dies serenus in bruma; in frigore  
apricus locus, hoc mihi tuæ litteræ. Verè  
dicam? ab iis incalui, & ambrosia mihi sunt,  
& nectar; ita elegantia, & leporis plena. Nec  
solas eas ad me ire pateris, in comitatu suo ha-  
bent Musas, non lascivas illas quales plerumque  
poëtarum, sed sacras, & quæ pietatem spirant,  
egregiè, in illa gratiarum actione ad DEUM pro  
liberata Lugduno vestra, à grassante contagio. Hic  
nempe afflictionum in DEO finis, formare & fir-  
mare suos ad meliorem frugem, ut miseris im-  
mersi, seriam vitæ antea actæ poenitudinem agant,  
& liberati aliquando, videant, & agnoscant pa-  
ternam castigantis benignitatem: qui suos non  
cædit ut pereant, sed pareant, & aberrantes redi-  
gat in officii gyrum. Hallucinationes enim homi-  
num crebræ, & quis tandem earum finis, nisi hoc  
fræno reducantur in viam? Felices verè, ac beati  
qui

qui hic sapiunt. Et mihi crede, sapiunt, qui post tot tantasque coelitus immissas clades, tot funera, ubi lenior divini Numinis afful sit aura, valetudinem suam, & suorum, imò vitam, DEO in solidum tributum eunt,

— *qui solus opem, qui summa medendi  
Iura tenet.*

Facis hoc vir reverende, non tuo solum, sed & concivium tuorum nomine, sub insigni illa prosopopœia non ita pridem ad nos missa. In qua sine affectatione ulla, & cura, accurata omnia: stylus temperata sublimitate suavis, vena facilis, & vel ad veterum elegantiam. Argumentum grave, & pium, *παθὴν* passim, & affectus acres, qui veram & vivam spirant pietatis indolem, quique pectora adamantina percellunt, & mentes caute marpesia duriores. Verbo, directa omnia ad feriam gratiarum actionem, humilitatem, vota, poenitentiam, non illam quæ nata in labris, pluma levior est, sed eductam ex intimo sensu animæ, & immeritæ liberationis conscientia; quæ felicitatem suam intelligit, eamque gratis animis interpretatur. O multi in Patria facerent! quorum animis illicò beneficiorum memoria defluit, & ne externa quidem confessione grati sunt. Tu melius, qui animo, ore, calamo: nec tardè, sed statim defaviente malo. Ita certè oportet. Proprium quippe est libenter facientis, citò facere. Nam cum in omni officio, magni æstimetur voluntas, qui tardè beneficium agnoscit, diu noluit, & qui moratur, ac differt, neganti proximus est. Tales quia oscitanter, & serò grati, ingrati sunt, & gratiam eorum abundè agnoscit, qui ignoscit; quia tantum gratitudini suæ demunt, quantum moræ adjiciunt. Quamquam non satis admirari hic possim Dei *μανεσθῶν*, qui in tanta hominum ἀχαρυσία, non desinit esse beneficus. Quàm multi indigni luce, & tamen dies oritur? quam multi bona valetudine,

dine, quæ tamen perfruuntur? quàm multiopibus, qui rerum omnium copiam affluunt? Sed sapienter hæc omnia à DEO, qui immerentes sæpe beneficiis cumulat, ut dum instat, & onerat priora sequentibus, etiam ex duro, & immemori pectore, gratiam extundat: aut ut pudor eos, aut occasio, aut imitatio, aliquando gratos possit efficere: aut si ingrati manerant tanto inexcusabiliore sint, quo pluribus beneficiis sibi tales obstrinxit. Vincit enim aut saltem convincit malos pertinax bonitas, & vel invitis auctorem suum ingerit, & inculcat. De SALMASII reditu in Galliam sparsi quidam apud nos rumores; crudi fateor, & parum mihi grati. Virum enim medullitus amo, colo, veneror, tanquam rarum seculi decus, & doctrinæ miraculum, deque eo nihil à me tam splendide dici potest, ut ad meritum sublimitatem assurgat. Quid eum impulerit nescio, nisi quod fortassis aëri vestro non satis fuerit ferendo, ejusque asperitati cedere maluerit tempestive, quàm longius cum eo colluctari. Molliores procul dubio auras inveniet in patrio solo, & nebulis magis defœccatam: qua fieri non potest, quin summopere delectentur si qui liberam & inoffensam respirationem amant à cultu literarum, & Musarum commercio. Optassem longiorem juventuti nostræ Batavæ tanti luminis usuram, & Academiae subsellia diutius hoc principe literarum condecorari. Nam quod in cœlo micantes illi ignes sunt, & sidera scintillantia: hoc in scholis lumina illa ingeniorum, & splendidæ doctrinæ faces. Quid tamen est? ferenda hæc sunt, ut omnia humana. Et quando ita visum, alibi oriri patiamur hunc Solem, qui nobis occidit. Scholam vestram pristino splendore restitui, gaudeo. Floreat diu, & crescat, quæ jam aliquandiu decrescere visa est, & infrequentia sua solitudinem minari, tantoque altius assurgat Palladia hæc palma, quanto graviore sub  
onere



onere depressa genuit. Votum meum vides. Quid amplius? & te diu valere Reip. & Ecclesiæ bono. Delphis. M. DC. XXXVII. Triumviros illos Polyandrum, Walæum, & Thyrium, quorum gloriam nulla tempora minuent, nulla memoriam delebit oblivio, valdè velim à me salutes. Salve & tu quoque à me vir clarissime, cum tua, & tuis, & amœniores musas, nosque ama.

## AMICISSIMO N. N.

*Salutem dico.*

**I**am diu est, quod nullæ tuæ ad nos litteræ, nec meæ ad vos. Egregiè utrinque colitur TACITA illa Romana. Sed importuniores occupationes in schola, & collegio assiduè distractos nos habent, & distractos. Et te præter occupationes publicas, & æconomicas, jam totum esse audio in cultu *Floræ*, cujus insignia induisse te intelligo, promotoribus S. & P. patribus in flore illo senatu conscriptis. Maeste, maeste hoc animo, dum pretium *Floræ*, & temporis. Sed cucullatos petaces esse oportet, atque emendicare hinc inde, quæ in floridos suos lectulos recondant. Nusquam minori damno, & probro frons ponitur. Socerum nunc habes, blandire, pete, roga. Habes, si nescis, quæ intercedat, addictissimam tibi socrum: non potest quin unctas inde referas manus. Ita sese exserit ubertim *Floræ* in horto patrio,

— *hic lumina pascit*

*Tulparum venerandus honos, pretiumque coloris  
Mirantur tam grande sui: stat margine quadam  
Discolor; hæc varia folium vibice flagellat;  
Sanguineis hæc tincta notis; hæc carula fundo  
est;*

*Hæc umbone rubet; fulvumque intermicat ille;  
Illi purpureum.*

Harum & mihi quoque spem aliquam fecit. Sed cuculli laureolam junioribus libens defero, & in

Y

Erasmi

Erasmii moria paginam, ut familiariter apud te nuger. Satis nobis erit hilarem hanc insaniam in aliis admirari. Bellè adhuc Dei gratia valemus. His diebus acri Medici potiuncula sentinam corporis exhausti, non sine insigni evacuatione, quæ non nihil me deiecit, sed diæta spero, paulatim me recolligam. Festinat, & poscit qui feret; prolixior essem, nisi hoc esset. Tu salve. Delphis.  
M. DC. XXXVI.

## DIONYSIO CRUCIO

*Philosophiæ studioso S. D.*

Ultrajectum.

**S**ilentium meum culpas? audi. Plusculos dies occupatior fui. Jam feriæ mihi ab encaniis nostris Delphicis, quæ rescribendi mihi otium dederunt, & animum. Literas tuas accepi, & unâ theses, quas dedicare mihi, visum. Verè dicam? placuerunt. In illis stylum laudo, in his progressus tuos in Philosophicis. Gratias agam, aut habeam? habeo maximas. Hoc magis, quod ultro provocas, & studiorum tuorum primitias tam humaniter offers. Voluptatem ne mentiar, ex iis cepi haud exiguam, si verbo eo uti mihi fas, in tristitia hæc rerum. Nam de lue pestifera, quæ Patriam perreptat, & vicos, pagos, urbes funeribus passim incestat, quam luctuosa quotidie ad aures nostras accidunt? & graviora adhuc (si quid auguror) minatur,

*Flagrantis atrox hora Canicula,*

nisi Deus nostri clementer miserescat. Sed publica hæc committo publico, & magno illi Rectori. Tu adolescens studiis tuis gnaviter incumbere in ocio hoc literario, & si me audis, navim tuam (ut sic dicam) flecte ad optatum illum Musarum portum. Cur enim differas? In flore vitæ es, in vere; non alii anni commedi huc magis, & apti: nisi ad magna, & alta nunc is, nunquam

quam pervenies. Occasio tibi nata in novo hoc Athenæo protrudendi studia tua, & perducendi ad metam. Illa si continuè ab ingenio nostro foveantur, tandem in luculentissimos progressus erumpunt. Neglecta tarditatem nostram non expectant, & serò nimis nos subit pœnitudo transacti desidia temporis. Alacritate hic opus, & constantia, nec ante in hoc Musarum stadio currendi finis, quam præmium tibi sub manu. Impetus dilatione, & mora extinguitur: industria, & labore augefcit. Ad virtutem ante omnia te hortamur, cui literas tuas servire volumus, & ad eam aurigari. Non enim solum gravior est per virtutem eruditio, sed & colorem ab ea ducit, imò sanguinem & robur. Quin ut gemini illi Castor, & Pollux, cum apparuere, tranquillitatem nautis nuntiant, sic hæc duo, sapientiæ ἀκμήν, si jungas. Utinam juvenus nostra hoc à me audiat! quæ literaturæ intentam magis, quam virtuti. Sine qua tamen vix est ut maturitatem attingant semina, quæ jaciunt firmioris doctrinæ. Ita sunt, & hæc peccantur quotidie, non tam virtutis incuria, quam seculi contagio, quo abrepti doctiores ferè domum redeunt, rarò (quod caput) meliores. Sed de his plura coram, ut spero feriis Autumnalibus. Amstelodami quam visere cis paucos dies, in animum induxi, & in ea consanguineos,

*Si parcent animæ fata superstiti.*

vale, & salve à me, Deigratia adhuc salvo. Delphis.  
M. DC. XXXVI.

ANNÆ MARIÆ à SCHURMAN

*virgini doctissimæ S D.*

Eodem.

NE mirare Virgo lætissima, quod meæ etiam ad te eunt literæ. Doctrina tua, cujus jam pridem fama percrebuit, etiam igno-

ros blanda quadam vi, ad sui amorem & venerationem impellit: virtus arctissima animorum conjunctione, longè etiam remotos, devincit. Quanquam si rem recto judicii oculo æstimemus, notior ille nobis esse debet, de cujus doctrina, & virtute audivimus, quàm cujus vultum vidimus. Quare cum insignes animi tui dotes, non pectoris cancellis inclusæ latent, sed in illustri famæ theatro collocatæ, ad nos quoque dimanarint, facile mihi spero veniam dabis, quod ad te scribo: cujus tam mihi nota virtus, quàm ignotus vultus. Quid vultum dico? Hominem non externis illis, sed internis, ingenio nempe, doctrina, probitate, & modestia metiri didici. Adeò ut tam illos ignorem, quibus adsum, si sint mali, quàm eos noscam, à quibus absum, si boni. In horum numero te posuit apud me literata tua virtus, ita mihi audita, & constanti bonorum sermone, tam altè in animo meo inharens, ut neminem in Batavia nostra, videar nosse melius. Pulchrè dixit Plato: *Virtutem ornare hominem; si te vidisset, pulchrius hominem ornare virtutem.* Nam non ut lucus in lignis: ita virtus in verbis consistere putanda est. Praxi, non theoria hic opus, & esse, quàm videri boni, malunt. Solo vitæ usu, nec boni sumus, nec homines: nam id quoque beneficium brutis natura indulsit. Doctrinæ fructum ille possidet, qui non sapit modò rectè, sed facit. Rarò fit, ideoque laudabilius, quod à raris. Tu mihi inter eos, quæ doctrinam cum virtute conjungis, non minus eximiè, quàm pie. Nam absque ea quid fodes eruditio nostra? quid labores, in sacro hoc Musarum choro? quid molimina ingenii in Sapientiæ palæstra? Vin'dicam? nihil. Conjuncta eminent: & frustra Musas nobis, aut Sibyllas, frustra Pythias objiciat Antiquitas: frustra Diotimam, aut Aspasiā Socratici: frustra Lælii, & Hortensii filias Romani, aut Corneliam Gracchorum matrem. Nam quid ta-

lium

lium virtutes, quid eximia naturæ, & ingenii dotes, quibus supra alios olim claruere? Libere dico, nil nisi virtutum umbræ, vera Dei cognitione, vera pietate destitutæ. Quam unam qui non discit, ignorat reliqua. Altius, altius eunt (non blandior) virtutes tuæ, quæ alis fidei subnixæ, ad ejus solius gloriam collimant., qui earum omnium in te est author. Nec enim satis esse putas, iis præditam esse, nisi Deo fœneres, eique in solidum cuncta devotum eas, cui te totam debes, Placet ea mens, quam agnitam scio non nisi optimæ cuique menti. Perge tantum, & dum aliæ in vinculis illis conjugalibus, aureisque compedibus sibi placent & fustum fastidiosè tractant, aut colum; tu calanum: aut dum inter speculum & pectinem otiosè versantur; tu decima Musarum, inter libros, mutos illos sapientiæ magistros; & libera ab omni œconomix cura, ac liberorum, curis melioribus incumbere, quæ Musas sapiant, & earum veneres. Mirum quid in virgineo illo statu & otio literario, indoles possit, ad alta nata, & quæ non tincta solum, sed inbuita amœniore literatura, nominis sui famam, doctis ingenii monumentis, ad posteritatem propagat, & aræ æternitatis devover. Quid enim scripture tuæ, quid stylo tersius, quid venustius? Cujus ut stricturas aliquot vidi, in tuis nuper ad Colvium litteris, non minori admiratione, quàm voluptate animum meum affecere. Ita latinæ erant, & quanquam virginali gratia, & candore dulcissimæ, mirè tamen etiam sententiosæ, & graves. Quæ si sub manu nata, tam polita sunt, tam accurata, quid seria tandem, quid elaborata, & quæ, ut cum poëta loquar, *demorsos ungues sapiunt*? Sed laudibus tuis (quas ignorare peregrini est, dissimulare improbi) recensendis impræsentiarum supersedeo, ne, quod mei moris non est, assentari videar. Dolui, cum de parentis obitu in iis legerem: quam non ita pridem amisisti, vita

tibi ut scribis cariorem. Tristis meherculè casus! Si tamen amissa censeridebet, quæ præmissa. Obiit? Sed quid hic novum? Ita res humanæ sunt, fluunt, nutant, cadunt. Et quicumque sumus, eo imus: si longævi hic aliqui, nulli æterni, adeo ut non magis mirum aut novum sit, mori hominem, quàm nasci. Id unum certum, incerta esse omnia, fluere, verti, agitari, & violento tandem quasi turbine abripi. Mundus quasi Theatrum est, & in eo sola mortalitatis vestis verè nostra. Reliquæ emendicatæ ad tempus, aut ut mollius loquar, mutuatæ, & pro theatro tantum. Exuendæ huic citius, illi tardius, omnibus necessariò, & ad nutum summi illius Choragi: qui hoc sub mendici lacerna, illos sub Regis purpura, tanquam Actores inducit in vitæ scenam; & ut omnium finem facit Comoediæ finis; sic Mors nostri. Quare

—— *desine mollium*

*Tandem querelarum.*

Patientia superanda sunt, quæ non in nobis, & magno excipienda animo quæ vitari non possunt. Abiit? ad meliora ivit, ad puriora, ad latiora. Et quis non hæc infima, hæc terrea cum superis, & solidis permutet? Quis ubi liquit carceres, non tendit ad metam cursor? Quis æstuoso mari portum recuset? aut exul errans per nemora, & solitudines, deleat reverti in patriam? Reversa est. Sed mater inquires. Scio, & quàm tenero se complectantur affectu parentes, & liberi; quàm etiam durum illud *Avelli*. Quid tamen est? quotidie fit, & cum frequens in aliis, cur in te novum? aut te credis eximiam? Frustra.

—— *stant fata Dei, stat ferreus ordo,*  
*Cunctaque prætereunt, finisque ab origine prima,*  
*Fit propior, propiorque sibi. Nonne aspicias ultro*  
*Ante oculos, ut nulla dies sine funere, Solis*  
*Condat equos pelago, roseisque emergat ab undis.*

Homi.

Hominem fateor lugere, humanum est; parentem, pium. Sed si votis tuis retractum is in terram, quæ jam Cœlum habitat, nimio amore, nimio affectu peccas: dum injuria in matrem, & crudeliter officiosa, his rursus vitæ ærumnis immergi optas, quæ educta, & quæ jam è cœlo, inter tot sidera, tot micantes ignes, in DEI, in Angelorum, in beatarum animarum choro, divitum pavimenta ridet, & totam cum auro suo terram. Ut è convivio etiam lauto, abeundum semel est: ita ex hoc Mundo, quia ad tempus hospitium dat, nulli in ævum. Cogita, & te ad animi quod facis, firmitatem compone, ne videatur omnibus, plus apud te valere unus dolor, quam hæc tam multa solatia. Nihil summus ille rerum Arbiter vult, quod non è re nostra sit; nihil decernit, quod non utile nobis, & salutare. Eriam cum vitæ nostræ Hilaria, temperata absynthio mœrorum, & ægritudinum, ita nenspe DEO visum explorare suos, & afflictionibus, quæ virtutum officinæ sunt, formare ad patientiam, & humilitatem. Quid hic mali? Imò quid non boni? Et ô verè beatos, quos Deus exercet, indurat, sibi præparat: quorum emendationi instat, quibus dignatur irasci, non ut pereant, sed pareant. Quid quod in obitu suo, parentes viam quam inituri sumus nobis præmonstrant, unaque monent, nullum esse studii genus æquè necessarium mortalibus, ut est moriendi disciplina, quam qui per totam vitam imbibit, huic optimè constat, & temporis, & impensæ ratio. Finio, ne importunius, & literis verbosis nimis obstreperè tibi videar. Neque enim promiscuè vulgari debet hic honos. Si rescribas, videbis Ingrati dicam, scriptum mihi jure nunquam iri. Vale Virginum ocelle, & Patriæ nostræ decus. Salveat à me, virorum optimus, & doctissimus Voetius. Delphis. prid. Id. Octobr. Anno πρῆβοτονίας  
M. DC. XXXVII.

*Doctissime VOETI.*

Eodem.

**A** Crucio tuo salve. Causa mihi scribendi nata ex meis ad ANNAM SCHURMANNAM literis. Ignosce libertati meæ, ne dicam audaciæ, quam amicitia mihi dat, si rectè ad te eunt, quo tutius, ac certius in manus veniant. Diu mihi fateor hic animus, sed alia, atque alia identidem intercurrent, quæ ardorem hunc, aut praripiunt nobis, aut sufflaminant: ita occupati semper cum Sisypho, in voluntando literario hoc saxo. Declino tamen (ut levato velo tecum agam) interdum ad amœniores Musas, & jucunda cum doctis per literas colloquia, quæis crambes nostræ rædia dulci diversione dispellam. Tu vir humanissime, amantissimum tui, quod facis, ama, & me in amicitiam Virginis Ultrajectinæ, quæ nunc sexus foeminei delictum audit, insinua. Vale orthodoxæ Veritatis antistes. Deus piis tuis laboribus benedicat, ad nominis sui gloriam, & Ecclesiæ Christi ædificationem. Iterum vale, & optimæ virginum à me osculum, sed quod Vestales sumere vellent, & dare ipsi Catones. Plura ociosus, Hæc cum essem in Schola exaravi. Tu festinationi meæ, & brevitati literarum ignosce. Delphis. M. DC. XXXVII.

JOHANNI CRUCIO

*Eccles. Harlem. pastori. S. M.*

Harlemum.

**L**iteræ tuæ quò rariores, eò afficiunt vehementius. Nam cum suavissimæ sint, & elegantia ac leporis plenæ, quid mirum si quas opto quotidianas, eas tardius rariusque adven-  
tantes,



tantes, & amem versus, & legam libentius. Quare ut augeas mihi hanc voluptatem, tu tibi auge diligentiam, & scribe non quoties objecta occasio, sed occasionem erue, etiam latentem. Quid enim commercio hoc literario dulcius? ut mollellissimis istis tuis occupationibus animum, si non exsolvas, relaxes saltem aliquantulum. Uxor mea nuper in comitatu consanguineorum excurrit Bredam, visura castra Principis. & in iis aggeres, reductus, castella, dimidiatas lunas, stationes, suggesta, corbes loricales, lineas, accessus, moles, forcipes, opera cornuta, vias coopertas, obices, columnas, vineas, cuniculos, & quidquid talium est in bello portentorum. Cur non unâ inquires? Audi, & ride. In procinctu eram, sed dum tendo ad navem, incidi in plumbea quædam capita, qui panicum mihi timorem incussere, insuffurrantes non carere periculo viam à vicinis prædunculis, pedem ilico retraxi, & redii ad molam meam, pene dixeram asinariam. Mea quatri-duo post reversa, foeta rerum novarum, narrare mihi quæ viderat admiranda, nova, invisâ antè, & inaudita, de Principe, milite, urbe, ejusque munimentis; & stupenda de confluxu hominum circa Bredam, etiam infantium pendentium ab uberibus matrum. Ego subtristior, & illi pene invidens has oculorum, pedumque ferias, tacite expostulare mecum, cur susurronibus istis aurem præbuissem, & fidem. Sed dispulit hanc pœnititudinis meæ nebulam, Victoriæ magnitudo. Quam quoties cum animo meo deputo, DEI in nos benignitatem deprædicare satis nequeo, nec strenuam Principis nostri in tantæ urbis obsidio, vigilantiam. Hanc enim aggredi, magni fuit animi, majoris in hostili fundo, adhuc munitam, & amplam, tam brevi temporis spacio circumvallare. Maximi, paucioribus septimanis post absoluta obsidionis munimenta, illam expugnare, quam mensibus olim factum ab Hesperio illo Duce, qui quam armis frustra tentavit, fame devicit, unico

ariete, urbium invictissimarum mœnibus diruendis idoneo. Sed quid hic magnum? Ignavissimus quisque ista potest, si urbem claudat, & clausam ad ventris inducias redigat. At clausam, instructam milite, armis, commeatu, vi, impetu adoriri, laceffere, debellare, hoc demum vere magnum, & Principe dignum Factum. Grati tantum simus Deo, magno illi Patriæ nostræ vindici, & Batavici Imperii statore. Socer excursionem ad vos minatur, ante brumales pluvias, aut nives. Tu cum expecta indies, onustum (nisi jam misit) Floræ spoliis: nam & tui quoque hortuli meminit. De meo non est quod querar, quas dedit propagines, recondidi nuper in sinum Vestæ matris. Si sic pergat brevi futuri (tecum hoc sit) Cucullatorum primi. Spranchusius apud vos, ad dies aliquot commoratus, statim ut rediit, salutes vestras nobis impertiit. Lætum mihi fuit audire ex eo, vestrûm omnium valetudinem; nostra ad votum est, & ut diu sit vobis mihiq; adprecor. Rumores hic surdi de nova expeditione in hostium pomeria; cogitare de ea Principem, ut reportatæ victoriæ suæ sit appendix, dum Gallus in Artesia triumphat. Occasio vincendi voluntatem facit: arripienda dum sese offert; nam elapsa semel, non redit. Quidquid horum sit, dies dicet. Tu cum Cornelia tua, & liberis Vale. Delphis  
M. DC. XXXVII.

*Viro clarissimo J A C O B O C R U C I O*

*Anna Maria Schurman.*

*S. P. D.*

*Delphis.*

QUamvis vitam in solitudine tranquillam, inque otio umbratili subobscuram degere, jam pridem in animum induxerim, atque etiamnum seriò mediter Vir ornatissime, vel quod peculiari quodam genii ductu eò propendeat animus, vel quod

quod aliter non ferat studiorum meorum ratio, tamen ab omni humanitate aliena forem, si odio lucis in quam me pertrahere voluisti, ad amicissimas tuas literas, respondendi vices longius protraherem. De facie quidem mihi ignotus es hactenus: verum ab ea parte qua maximè censeris debes, jam antè apud nos quoque fama, ac scriptis tuis inclarescere cœpisti. Adhæc S. S. Theologiæ professor Voetius, vir fide omnium dignissimus, te mihi tuis coloribus talem depinxit, ut non solum cum amico apprime erudito, verum etiam pietatis cultore eximio, per hæc literas agere liberius non dubitaverim. At quotiescunque ad tuas oculos converto, unde potissimum telam hanc orsura sim, nescio: adeò me laudibus, encomiisque tuis obruisti, ut iis amoliendis, quantum ad modestiæ meæ partes tuendas satis sit, neutiquam mihi videar sufficere. Nullum sane virginalis verecundiæ sensum retinerem, præsertim cum satis superque conscia mihi sim meæ supellectilis, si tam magnifica præconia, ac invideas voces, detecta ut ajunt fronte, admitterem. Grandior est uti video orationis tuæ character, quàm ut coarctari se patiatur intra mediocritatis nostræ angustias. Quod de Phydia statuario, Græcorum celeberrimo memoriæ proditum est: eum scilicet Divis, quam hominibus effigian- dis fuisse aptiorem, hoc in te quoque quàm optime quadrare, non immeritò dixerim, Et quem- admodum ille Palladem, non ad vivum, prout fides ejus, reique veritas exegisset, sed ex mirabilis artis suæ præscripto effinxerat omnium pulcher- rimam: sic tu nobis ingenium potius tuum, quam meam effigiem expressisse videris: in hoc uno ta- men dissimillimi, quod ille pernicioso errore im- poneret aliis, tibi autem impositum sit aliorum errore, nempe amicorum rumusculis. Ne vero oleum, & operam te perdidisse existimes, non committam ut ignores, quam acres subjeceris animo meo stimulos, quamque præclarum mihi

exhibueris typum, sive exemplar, ad quod deinceps me meaque studia componere valde cupio. Porro incredibile est, quàm volupe mihi fuerit ex te intelligere, quanti pietatem facias, quanti modestiam. Equidem præstantiora nostri sexus ornamenta nulla agnosco, quæ ubi non adsunt, scenæ, & ambitioni inservit, quidquid sapientiæ nomine venit. Hæ enim virtutes nostri officii cum primis esse docent, quantum scimus in omni vita proficere, quantum verò nescimus submisso animi sensu, agnoscere. Et quanquam non inficior nos divinæ clementiæ munere, longè feliciter in hoc Christianæ Philosophiæ studio versari, quàm ulli ethnicorum, natura duce, contigit, tamen eam quam mihi præ tot tamque illustribus nominibus palmam tribuis, verecundè amolior. Nimis profecto rebus meis confiderem, si ad famæ immortalitatem, quam illis præclara sua molimina peperere, aspirare auderem. Porro quid hoc seculo videri possit mirabilius, quàm quod in tanta mundi caligine, ejusmodi fœminæ existerint, quæ tam paucis mediis instructæ, tamque tenuibus provocatæ præmiis, ad politiores literas, honestaque studia mentem erexerint. Nec tantum scientiarum, artiumque liberalium gloria, sed & animi magnitudine, ac modestia, affectuum moderatione singulari, summaque in rebus agendis prudentia, excellere: adeò, ut eas hodie Orbi Christiano, non exiguum & ruboris, & æmulationis materiem reliquissè, nemo dubitare queat. Ita nimirum Deo nostro visum est, domesticos suos sapientius confundere alienigenis virtutibus, & quasi e tenebris lucem quæ nos tenebrarum arguat, in medio clarissimæ lucis, educere. Quod autem vitæ meæ institutum, cujus olim auctore, ac directore *τὸς ἀγαθὸς πατήρ*, Patre meo, fundamenta jecimus, suffragio tuo comprobare dignatus sis, est quod magnopere mihi gratuler, vel ideo maxime, quia hoc velut tibicine, meas rationes quibus & nostro sexui, ad sacra hæc tractanda, adi-  
tum

tum patere statuimus , adversus quorundam sinisteras opiniones stabiliri arbitror. Ceterum consolationem, quam tibi , quo meo dolori super Charissimæ meæ parentis obitu concepto , medicinam faceres, subjicere placuit , eò avidius sum amplexa, quod eam, & per omnia fere cœlestis veritatis auram spirare , & ab amico candido , ac veræ Religionis mysta proficisci sentiebam. Quocirca ingratiſſima sum mortalium , nisi ejusmodi officiis provocata, me tibi plurimum debere testificarer. Vale vir humanissime, & ne quid decedat tuæ erga nos propensitati, & per favorem ut cœpisti errare, & per errorem favere perge. Ultrajecti. III. Non. Januarias. M. DC. XXXVIII.

## SIMONI STEINIO

*Studioſo. S.*

Amstelodamum.

**D**Um literarum amicissime Steini , ut moris mei est, commercia colo , & ad eos scribo , quos in animo, quos in oculis fero , valde peccarem , si non ad te unà. Nec enim Scholæ solum nostræ pars es, sed & mei, qui te amo , & abs te amor, nec ut verum fatear , facile pectus reperio magis in me propensum, magis pronum. Fidem faciunt inter alia literæ tuæ , fidem munusculum tuum, Oratio nempe doctissimi Barlæi de recepta Breda. Grata duplici nomine, quod à te missa, quod tanti viri. *Bis dat qui citò dat, ἀκείῃ χάριτες γλυκυερότεραι.* Ingenium hominis ut admirari satis nequeo, ita nec stylum. Verè dicam? expectationem meam longè superavit. Ita omnia in Oratione hac sublimia, nervosa, sententiosa, & supra vulgus doctorum assurgentia. Nihil enim in ea humile, aut languens, nihil jejenum: contrà dictio mascula, narrationes acres, prosopopœiæ non minus pathetiæ, quam suaves, descriptiones graphicæ, ut præsens contemplari putes omnia

omnia quæ ad amussim describit, & gerere ipse videaris, quæ legisti, ad bellum ducere milites, & accendere ad pugnam; Bredam obsidere, & capere; inter tormentorum tonitrua, clangores tubarum, tympanorum strepitus versari, oculisque subijcere aggeres reductus, stationes, dimidiatas lunas, suggestus, lineas, opera cornuta, vineas, cuniculos, & quidquid talium est machinarum, vel ad capturam Carthaginis, aut Numantiae. Verbo, quid enim inferam lucem soli? tori ubique, & jubæ, ac verrens lacinia dictionum, quæ Tullianam spirant elegantiam, veterisque Latii puritatem inaffectatam. Et ut in mensis assolent Magnatum, proritamenta lectori ubique interspargit novæ famis, & sitis, ut quò altius fertur, hoc avidius ad reliqua suspiret. Vivat modo & diu, rarum hoc Bataviæ caput Reip. literariæ bono, & Patriæ cui natus. Et fiet si quid votis possum apud vitæ omnium nostrum auctorem. Animum tibi in studiis esse laxor, & Musarum ambrosia delectari. Mihi crede, quò longius progrediêre, magis placebunt. Quæ ætate sis, vides. In hac adolescentia, nisi virtutis, & doctrinæ sementem feceris, frustra messem expectes. Spes & vota parentis ad alta te vocant: tu vide ne frustra. Obsecro enim, ut quid ista humanitatis studia, longè ab urbe patria, nisi ut in nobili illa artium panegyri in qua nunc es, doctior ad nos redeas, tanquam ex opulento literarum mercatu? industriaque tua tibi pares ad ædem Honoris aditum. De Collegio Erhico sub Barlæo, quod scribis, probo. Nulla melior, & certior proficiendi ratio, quam sub oculis, & incude doctorum formari, & quasi manu duci in penitiora Sapientiæ monita. Perge modo, & si qui temporis prædunculi, & licentiæ alumni, qui in Academia præter numerum nihil afferunt, currentem ut solet sistant, aut abducant, remove te ab iis, & fuge supra ipsam pestem, quia desidiæ suam studiorumque contemptum, si familiarius se

fe

se insinuent, facile incautis affricant, & non minus verborum illicio nocent, quàm exemplo. Cogita, & in suscepto studiorum curriculo constanter persevera. Delphis. M. DC. XXXVII.

*Amplissimo, Nobilissimoque Viro*

J A C O B O C A T S I O

*in æg. æt.*

Hagam-Comitis.

Q Uod olim Vir amplissime votis, nuper ore, nunc literis præsto. Gratulor, gratulor inquam, Amplitud. tuæ insignem illam provinciam à patribus patriæ oblātam, non ita pridem & delatam. Cœlo huic fulciendo dignior certè Atlas surrogari non potuit. *Religionem* enim amas, & *Iustitiam*. Duo Reip. benè constitutæ columnina. Illa quid augustius? hac quid præclarior? Et ô beatam Patriam quæ his nixa præsidio tot annos invicta stetit, & stabit quamdiu utrique in ea pretium. Tu vir amplissime, curæ ne quid detrimenti capiat à seculi contagio. Epaminondam à majoribus accepimus, cogitandum, & plenum curarum obambulare solitum, civibus epulantibus. Rogatum à familiari, quid ita subtristis, & meditabundus incederet, respondisse ferunt, ut vobis omnibus securis esse liceat. O vocem Principe dignam! Personam quoque sustines, & te dignam, & Patriâ, bonorumque omnium votum est, & meum, ut diu te frui liceat, ut dum armis foris res geritur, domi consilium vigeat. Sine quo vana sunt Reip. nostræ molimina, vani conatus adversus hostem, potentia, & longè lateque diffuso terrarum imperio formidabilem. Stetimus hætenus præsidio DEI & armis, consiliisque Patrum patriæ. Inter quos qualis, quantusque sis, nulli nesciunt. Perge modo, & quas Imperii Batavi habenas tenes, sic modera-

derare , ut semper Deo constet sua gloria , Ecclesiæ , & populo sua salus. Non aliæ nostrum omnium ad DEUM preces , & exauditum iri confido , quamdiu Rectores tales nostra Patria , unitatem fidei , & concordiam colet. Incidi nuper in novissimum ingenii tui partum , subiitque admirari , inter tot tantasque muneris tui curas , etiam Musis vacare animum , ita occupatum , ita districtum . Vidi in eo inter alia effigiem Virginis Ultrajectinæ , egregiis tuis condecoratam encomiis , quæ versu exprimere , & Amplit. tuæ offerre libuit. Tu Vir magne si placent & cum à fori strepitu vacatio tibi aliqua , oculis tuis dignare , & gratia , quam si vel minimam apud te invenient , id magni beneficii loco sum habiturus. Sin minus Vulcano tradantur , aut Thetidi. Affectum meum vides in Virginem , sed præ aliis in te . Cujus Amplit. colam , quamdiu mihi hic animus. Vale Vir nobilissime , & nos , amore tuo honestare persevera , hocque tibi etiam , atque etiam persuade , Crucium ita tuum & esse , & semper fore , ut nullius magis. Delphis.

M. DC. XXXVIII.

VIRGO



## VIRGO BATAVA,

SIVE

Encomia clarissimæ, doctissimæque

ANNÆ MARIÆ à SCHURMAN

**M**usa sibi pretium semper, meritisque superbis  
 Doctrinæ debetur honos. Quid vivere longum  
 Fert homini, si vita procul melioribus ausis,  
 Desidia, ac turpi nimium correpta veterno  
 Torpeat, & dubii tempus breve prodigat avi?  
 Explorant AUGUSTA viros. Quid sæta triumphis  
 Gloria, quid saturæ cocco, vel murice vestes?  
 Quid Regum tabulata, & celsis fulta columnis  
 Atريا? barbaricoque auro radiantia circum.  
 Tecta juvant, Tyriis intus decorata tapetis?  
 Cuncta cadunt, pereuntque & queis Fortuna superbit.  
 Tempus edax rerum in cineres, & tristia vertit  
 Funera. Tuque olim toti spectabilis Orbi  
 ROMA triumphatis quæ gentibus aspera cunctis  
 Iura dabas, legesque ignotis effera terris,  
 Quæ fractos didicere tuo submittere fasceis  
 Imperio, quid tanta tibi molimina rerum,  
 Victricesque aquilæ? quid tot comitata trophæis  
 Bella dedere? iruces quid debellasse tyrannos  
 Profuit, atque armis populos domuisse potentes?  
 Victa jacens ignota tuis. Quàm nescit eodem  
 Stare diu fortuna loco! quam quidquid in alto est,  
 Labitur, ingentemque trahit sors magna ruinam!  
 DOCTRINÆ stat fixus honos. Musisque perennat  
 Gloria, Pieridumque decus, dum transvolat annos,  
 Eternum sibi longa parat post secula nomen.  
 Captet Avarus opes, petat Ambitosus honores,  
 Et trabeas votis ardentibus ambiat. At tu  
 Rectius ô quanto Anidum SCHURMANNA Sororum  
 Delitiæ, quæ desidias, & marcida luxu  
 Otia, degenerumque nimis contagia morum

ACHNIS

*A cunis exosa tuis, pietatis amorem  
 Materno cum lacte bibis; pia semina laudum,  
 Virtutumque exempla dabant, generosa parentum  
 Nomina. Mox tacito paulum provecior aeo  
 Doctrina (neque enim piguit subiisse labores)  
 Fundamenta jadis, studiisque intenta, tenellam  
 Etatem antevenis meritis, progressibus ornas:  
 Impatiensque mora, doctas prætexta Camænas  
 Aspicit, & primis Pallas se ostendat in annis  
 Ingenii præsaga tui, laudisque futura  
 Enthous ardor agit, docilemque per ardua ducit  
 Mascula vii, haud tarda sequi, quacunque patenti  
 Ad Musas datur ire via. Nox omnis in usu est,  
 Et lucis pars nulla vacat: preciumque labori  
 Ponis, & Aônias meditaris pectore lauros  
 Doctrina securæ tuæ: generosa calorem  
 Mens stimulat, viresque acuit. Velut intus aqua vis  
 Cum furit, & magno oppositam premit agmine molem,  
 Perrumpit discenda labor; stant præmia cæptis  
 Virtutemque rependit honos: non invia rerum  
 Culmina deterrent animum; sed ut altius Olympi  
 Celsior exurgit vertex, cum nubibus actos  
 Præcipitat nimbos, & ranca tonitrua cælo:  
 Libera sic tibi mens, per tanta negotia victrix  
 Emergit, similisque sui. Tu conscia rerum  
 Dic mihi Calliope (nec enim sine Numine tantus,  
 Virgineus se prodit apex, & gloria Nympha)  
 Dic linguas quas UNA tenet, quas ore rotundo  
 Prompta loqui, doctisque simul committere chartis  
 Audet ovans. Te sævus Iber, te Tonto, Britannus,  
 Nympha stupent, teque Hebrææ, Latiaque Camæna  
 Suspiciunt, te Celta colit, te solibus uestus  
 Laudat Arabs, atque una inter ditissimæ linguæ  
 GRÆCIA miratur tantas in Virgine dotes.  
 Rarus honos! Quid enim potuit sublimius unquam  
 Famineo prodire sinu? quid dignius? At nec  
 Hoc durus stat sine labor. Præconia postcit  
 Ingenitus majora pudor: juvenilibus annis  
 In linguas sudasse parum, mentemque, animumque  
 Nobilior jam cura coquit, nec sufficit uno*

Emi-

*Eminuisse modo. Magni praecepta Platonis  
Doctaque scrutari Stagira scripta Magistri  
Est animus, dum Fata sinunt, Sophiaeque latentis  
Arcanas penetrare vias. Academia, nec non  
Iam Latium, jam Stoa placent, jam Cecropis arces,  
Brachmanumque scholae: dum non nisi splendida  
spiras,*

*Aeternumque struis ventura in secula nomen,  
Dumque artes, ex arte trahis. Quis mente repostas  
Virginea virtutis opes? quae Musae labores  
Digna canat? seu vasta juvat confinia celsi  
Ingenio instrare Poli, gelidumque Rooten,  
Eridanumque Lyramque Aquilam, tum quicquid ab  
alto*

*Natura miratur honos: seu viscera terrae  
Rimari sit cura tibi, pecudesque, ferasque  
Aut plantas quas foeta parit, pictasque volucres,  
Indigenasque maris, medioque natantia ponto  
Monstra, tui totidem sunt argumenta laboris.*

*Sed terris me Sacra vocant. Sat maxima virgo  
Sat musis studiiisque datum. Quid scita, quid artes  
Humanas didicisse juvat, si nulla Salutis,  
Nulla Dei nos curatenet? Sed quantus avitæ  
Religionis amor! quanta à puerilibus annis  
Numinis æterni reverentia! quantus in ore  
Virgine pietatis honos! seute ardua cerno  
Eloquio insigni pandentem Oracula VERBI,  
Et divinarum trutinando cacumina rerum,  
Cœlestes tentare vias: seute igneus arder  
Accensam rapit in nodosa sophismata. Quis te  
Acrius errori insultat? Tu fraude latentès,  
Argutosque dolos, & quæ mendacia Mundo  
Intulit, & stygio daemon revocavit ab Orco,  
Docta necas, cæcasque pia face discutis umbras,  
Plena animi; velut in pugnam volat incola Ponti  
Sarmata, Amazonio vel Thrax bellator amictu.  
Nampe DEO devota semel non claudicat unquam  
Religio, sed bella malis erroribus infert.  
Invictasque acuit jurata in praelia vires,  
Nixa DEO, egregiaeque intus sibi conscia cause.*

NIL

NIL MEDIUM EST , stant arma armis. Concordia  
*summa est*

Discordes habuisse animos, & strage calentes.

Pergis adhuc (neque enim veteres exosa labores)  
 Is curis SCHURMANNA comes sublimibus.

*Alta*

Ingenium sublime decent. Quid prisca revolvam  
 Sanctorum monumenta Patrum? quid docta Rabi-  
 nūm

Scripta, quid arguti subtilia dogmata Thoma?  
 Quid Floros, Tacitosque, & Grajis credit a fastis?  
 Eximiosque olim natos ab Apolline Vates  
 Commemorem, quos docta legis? Majoribus instat  
 Ardua vis animi, studiisque innata cupido  
 Expleri, pascique nequit. Non una puella  
 Lingua satis. Quos Persa sonos, quae verba loquuntur  
 Aethiopes, tum quae Samaritum gratia lingua  
 Discere amas, summosque viros conatibus aequans,  
 Occultum nihil esse finis, metasque latentes  
 Intrat, & abstrusos percurrat fama recessus.  
 Nec minor interea, morum, vitaeque parentum  
 Aemula cura tibi. Patrios jactare penates,  
 Quid juvat, & proavos? quid stemmata? si benè na-  
 tos,

Dedecorant culpa, aut castos contagia mores?  
 Non ita. Sed mediis celsus sese exserit annis  
 Virgineae virtutis apex. Non improba Siren,  
 Non Circe innocuam potuit pervertere mentem,  
 Aut scelerum suadere modos. Dic Musa puella  
 Quantus in ore lepos, vultuque modestia, verbis  
 Quanta fides? pietasque animo, quae corpore toto  
 Gratia? Praeclaris neque enim (mirabile dictū)  
 Artibus emicuisse satis, nec docta mereri  
 Aonidumque, virūmque simul suffragia. Landis  
 In partem venere manus. Ventura stupebis  
 Posteritas, cum Lysippos in Virgine cernes  
 Parrhasiosque Orco reduces, redivivaque Apellis  
 Ingenii monumenta vagus mirabitur Orbis:  
 Omnigenisque elementa suis expressa figuris  
 Excusis certare typis, nec cedere praelis.

Tantus

Tantus amor calami! tanti est insignibus annos  
 Artibus excoluisse! levi seu sculperet celo  
 Fert animus, seu pingere acu, variasque animantum  
 Effigies, florumque altis inferre tapetis,  
 Naturamque equare manu; dum candida fuscis  
 Lilia contextis violis, & germina formis  
 Disparibus, Tulipamque suo, quæ carula fundo est,  
 Aut umbone rubet, decus aut regale Corona  
 Threjiis quæ missa plagis, nardumque, rosasque  
 Quæ superent candore nivem, vel odoribus Hyblam;  
 Arte refers, precioque bcas. Quid multa? sonoros  
 Uranie tibi diva modos, Polyhymnia cantus  
 Suggestit, & molles docet in testudine nervos  
 Virgineâ pulsare manu, cytharaque, chelyque,  
 Formosam resonare tuas Amaryllida Musas.  
 Non semper scrutanda placent. Districta jocosæ  
 Miscetur decori virtus, mentisque benigna  
 Temperies, doctique sales. Alternæ Cæmonas  
 Otia blanda juvant. Non intermissa colonis  
 Fertilitas exhaustit agros; studiisque negatum  
 Stare diu, si fessa sui sub mole fatiscant.  
 Danda quies animo. Magnus sic fertur Achilles  
 Armorum strepitus inter, lituosque, tubasque  
 Indulxisse jocis. Non si Parnasia Musa  
 Antra mihi, sacrosque aditus, atque aurea pendant  
 Limina, commemorare tua præconia laudis  
 Sufficiam, nostroque amplecti singula versu.

Quid mihi fœminei quondam miracula sexus,  
 Pieridum immortale decus, doctasque Sibyllas,  
 Praxillam, Telesillam, & Graccham cana Vetustas  
 Objicis? ingenio claram, quid Græcia mendax  
 Aspasiâ, & quæ sacra tuis sunt nomina fastis?  
 Hic major se prodit honos: supereminet omnes  
 SCHURMANNÆ Aënio prolutum nectare pectus,  
 Et cello mens nata Polo. Te Fama nepotum  
 Ingenii mirata decus, vitæque labores,  
 Per terras, pelagusque vehat, lauroque superbum  
 Nomen eat, quæ se Thracum Mæurtia tellus  
 Pandit, & argentem Rhodope procurrit in Ænum:  
 Quæ Mæcedum per saxa fremit spumantibus undis  
 Axius,

*Axiis, hebesque tegunt Alyacmona ripae.  
Huic uni libasse satis. Quas mobile vulgus  
Plus nimio miratur opes, sublimis ab alto  
Despicis, & vani rides ludibria Mundi.  
Stat soli servire DEO sententia; quâque  
Fata trahunt, retrahuntque sequi, licet ima dehiscat  
Terra loco, montesque ruant, compage soluta  
Præcipites, quatiatque amplum timor hosticus Or-  
bcm,*

*Adversis infracta manes, & conscia Cæli  
Quis speras, meditaris opes, castaque decorus  
Virginitatis honos, pietasque infixæ medullis  
Intrepidum præbent rebus solamen in arctis.  
Emenso donec tandem feliciter ævo,  
Emeritam terris animam saturamque dierum,  
Mundi MENS ÆTERNA, & inenarrabile NUMEN  
Suscipiat, vastoque olim te inscribat Olympo.*

### Eidem.

**D**Um fronti fucum indulget, pedibusque choreas  
    *Fæmina deliciis debita tota suis;*  
Dumque vagos hæc culta nimis meditur amores;  
    *Illa rotat pictæ sormata longa toga:*  
Hæc patrias ostentat opes; illa inter amantum  
    *Basia, spem thalami desidiosa fovet.*  
Quam benè tot Virgo pene inter millia, sola  
    *Et sapis ipsa aliis, & sapis ipsa tibi.*  
Dum magno devota DEO, pellacia Mundi  
    *Gaudia, & illecebras intemerata fugis.*  
Et genio suffulta tuo, sublimibus ausis,  
    *Ingenii celsum nomen ad astra velis.*  
Scilicet hic studiis labor est, ea cura perennis  
    *Nobiliora intus pectora sollicitat.*  
Obscuros pessundat apex; fastigia laudum  
    *Sola sua merito mens generosa petit.*  
Perge modo, & doctas didicisse fideliter artes,  
    *Sit precor ingenii sedula cura tui.*  
Quò tandem seros ductum nomen in annos,  
    *Laudibus extolli posteritatis amet.*

*Fæmi-*

*Fæmineumque decus mirentur secula: Nam si  
 Innocuus puræ Religionis amor:  
 Et laudem pietas ullam sincera meretur;  
 Et sua non fictus præmiacandor habet.  
 Eximia si qua est DOCTRINÆ gloria, & almis  
 Virgineum musis excoluisse animum.  
 Si doctis placuisse viris: si gloria linguis  
 Innumeris doctos sit superasse viros.  
 Hic meritus tibi surgit honos; hæc gloria soli  
 Competit, hæc fama laurea digna tuæ.  
 Nam quod Lunaignes inter præclara minores;  
 Hoc inter doctos ANNA MARIA viros.*

*Amplissimo Viro JACOBO CATSIO  
 S. D.*

• Hagam-Comitis.

**V**Ir amplissime, multisque nominibus mihi plurimum observande, nuperum ingenii tui monumentum accepi, vidi, legi: gratum duplici nomine, quod ab Amplitudine tua; quod à tam docta manu, tam docto calamo. De utroque merito glorior, nos homunciones eo loco haberi, ut nostri etiam meminisse dignentur ii, quos fama & honoris apex longè supravulgum evexit. Nunquam optata mihi sint, nisi optatæ literæ tuæ fuerunt, & chartaceum tuum munus. Certè truncus sit aut stipes, quem non moveat insignis illa humanitas. Rara meherculè virtus in tali fortuna, tamque illustri fastigio dignitatis! Judicium meum si quæris, liberè dicam quod sentio. Alti animi totum hoc scriptum. Conditam in eo habes, quidquid ad elegantiam facit, delectationem, & usum, Placet materies, ordo, stylus. Illa utilissima, iste facillimus, hic amœnissimus. Maacte hoc animo vir eximie, & si quæ forte adhuc premis sublimioris doctrinæ tuæ monumenta, prome, quæ venam animamque referant veteris illius Phœbi. Sed ne longius

longius temporatua remorer, & peccem in publica commoda, quibus assidue promovendis omnes curæ cogitationesque tuæ consecrantur, finio, unumque hoc per genium humanitatis, & per omnes Musas te rogo, ut nos illustri favore tuo, porro complecti haud dedigneris.

Εὐχάστο καὶ εὐφράτῃ, λαμπρὸν φάος καὶ μέγα ἰὼ-  
δός τῃς πατρίδος. Delphis. prid. Kalend. April.  
M. DC. XXXVIII.

## A ANNE MARIE SCHURMAN.

Mademoiselle,

je ne vous puis exprimer le contentement que j'ay receu de la venue, & encore plus de la lecture de vos lettres, desquelles il vous a plu m'honorer ces jours passés. Car outre les beaux traits de la plume, nés de la main, & admirés icy de tous ceux qui les ont vus, j'y ai reconnu des marques d'un esprit relevé, tant au regard de vostre style, en cette langue qui aujourd'huy est honoré de tous, qu'au regard de vos sententieux, & graves discours qui m'ont tellement edifié, que je reputeroiy à grand heur, & honneur, de pouvoir jouir souvent de vos escrits. Pour à quoy parvenir, permettes moy, je vous prie que je vous face offre des miens, publiés passés quelques années, sur un sujet que je sçai compatir avec vostre honneur; qui ne faites pas tant profession de sçavoir, que de bien vivre: ayant des vostre jeunesse aimée, & embrassée cette Verité d'en-  
hant, qui ne loge qu'en une ame religieuse, & qui met en pratique, par des vertus vraiment chrestienes, ce qu'elle a apprise de la parole de Dieu, vraye regle de nostre foy, patron de nostre vie, & l'unique compas, au moyen duquel parmy les tempestes, & lo-  
rasques de cette mer du monde, nous tendons droit au port de salut, l'unique but de nostre vie. Ce me sera un singulier contentement, s'il vous plaît recevoir ce mien œuvre en gré, & me faire l'honneur d'em-



d'employer à loisir, & par un doux divertissement de vos plus serieuses meditations, quelques heures en la lecture d'iceluy, l'espere que vous y trouverez, de quoy addoucir vos ennuis en la perte de celle qui vous touche de si pres. Perte vraiment sensible, mais que la raison, & sur tout l'obeissance, que nous devons à la volonté de Dieu, nous commande de surmonter par patience, vraye marque des enfans de Dieu, en temps d'adversité. Il *tegnoso* fuge il peccato, dit l'Italian. Et à la verité il est ainsi. Les enfans du monde, noyés en delices, ne peuvent endurer l'estrille des afflictions, sur la tigne, & gale de leurs vices. Mais il en prend tout autrement aux enfans de Dieu, qui nourris & eslevés en une trop meilleure escole, scavent que les maux qui leur sont envoyés de Dieu, leur sont tournez en biens; que ce sont Chastimens, & corrections paternelles, visites de nostre ame: & les visites sont de l'ami à l'ami, du Medecin au malade. Bien venues donc nous doivent estre ces afflictions, qui nous sont salutaires. Salutaires à l'ame par le corps, salutaires à ce corps mesme, apres la guerison de l'ame, & qui nous monstrent le moyen de nostre esbranles, & enseignent à supporter si non sans l'armes, au moins non sans consolation le trespas de nos parens. Et qui doute que n'en sentiez les effets par la lecture, & pratique journaliere de la Parole de Dieu? C'est pourquoy, pour ne vous arrester trop long temps, je finiray la presente, non la volonté de demeurer,

Madelle.

Vostre plus humble &  
affectionné amy, &  
frere en Christ.

I. de la Croix.

JOHANNI BEVEROVICIO  
*Viro clarissimo S.*

Dordrechtum.

INsigni mihi gaudio fuerunt tuæ literæ, laconicæ fateor, sed plenæ prolixi in me affectus. Quid dicam? Jam plusculum tempus est, cum literas tuas non vidi; & officii aliqua cessatio apud nos fuit, non amoris qui flagrans mihi semper in doctos, etiam in ipso silentio. Nec mirum, tam seriò enim fundamenta jecimus amicitia nostræ, ut vi sua ster, nec dirui, aut labefactari machinis ullis possit, altiusque in animum utriusque nostrum demissa est, quàm ut à descriptionis insolentia languorem trahat, aut frigus. Munere tuo literario nihil mihi gratius accidere potuit. Vidi & legi doctorum qui recens prodierunt super vitæ termino sententias, & inter alias nobilissimæ Virginum SCHURMANNE. Cujus veneres, & elegantias in stylo, in re argumentorum pondera & rationum momenta, ut mirari satis nequeo, ita ad ipsissimam veritatis vocem aures obdurant, & ad meridianam lucem oculos claudunt, qui tam docto, tamque elaborato scripto non suffragantur. O beatam verè! & cui ex animo gratulor, tali genere monumentorum posteris, seculoque monstrari, tam rarum Patriæ nostræ decus, & literatum in sexu fœmineo nomen. Jactet Sibyllas suas, & Aspasijs Græcia; Rutilias & Cornelias Roma; nos SCHURMANNAM tanto laude digniorem, quod illæ maternam linguam coluerunt; hæc exoticas, ad miraculum penè, & supraviros. Illæ solo naturæ lumine ductæ, humana sapere; hæc divina: illæ patriam condecorarunt; hæc Orbem. Carmen in obitum filii tui primogeniti vidi. Quid? Itane abiisse eum; itane inopinato, & in ætatis ortu? Grave certè & æcerbum fuit audire immaturam ejus ad beatas sedes

sedes abitionem, dignissimi longiore vita, nisi ad meliorem commigrasset. Ferenda tamen hæc sunt mi Beverovici, ut omnia quæ cœlitus immittuntur, & æternæ illi legi subijcienda hæc voluntas. Frustra doles mortuum, quem sciebas mortalem, quia hominem. Quid eripuit nisi quod suum, ille cum quo nec expostulare possis, nec justè queri. Jus suum tenet in dando & adimendo, in omni ætate, in omni sexu. In lucro deputa, etiam tantillum hoc frui. Nam vitæ longinquitatem quis addixerat? Idem fatum in alios qui supersunt, potest: fruiere tamen dum licet; quos adhuc tenes, habe, & habeas ut amissurus; & amiseris, tanquam habeas. Hæc nempe vicissitudo est, & catastrophe rerum humanarum, *nasci, denasci, oriri, aboriri*. Non omnes in agro fruges, in herbam, culmum, in aristam surgunt, aut maturescunt. Idem nobis. Quidam in herba, alii in culmo pereunt, sunt qui in maturitate, & in ipso senio. Ita nati sumus. A rebus conditis agmen illud morientium cœpit. Exire ex hac vita non potes, nisi & comites habeas, & tanquam cum exercitu migres. Inspice præsentem rerum humanarum statum, cogita præteritum, meditare futurum,

*Non alium videre patres, aliumve nepotes  
Aspicient*

Illud quod gemimus, majores nostri experti sunt, & experientur post-futuri. Sicut cæterarum omnium rerum; ita aliquis tristitiæ modus est, quem egredi hominem fortem, & rerum humanarum gnarum, ac quod caput rei est, Christianum non oportet. *Optimum est pati, quod emendari non potest, & Deum quo auctore cuncta eveniunt, sine murmure comitari*. Levamentum quoque aliquod miseriæ est, non reniti. Amplius. Cogita quantum boni opportuna mors habeat, & quàm multis diutius vixisse nocuerit. Optimè nati, imò & optimè educati quàm sæpè degenerant, hæc præfertim sæculi licentia? Nam quæ nunc sint tem-

pora, vides scio mecum, & doles : quàm labilis hæc ætas, & quàm lubrica, quàm facilis quoque in proclivaviriorum decursus. Quot Davi hodiè & Phormiones, qui juventutem quam maximè corrumpunt? Si ergo quos amat D E U S benignè ad se recipiat, ne labeni trahant à seculi contagio, quid querimus? at cur non potius gratulamur eduëtis? Amissum dices, quem præmisisti? Obiisse, qui tantum abiit? & ad lætiora? quem si votis tuis retractum is in hanc mundi scenam, nã tu injurius es ineum quem unicè amasti, & qui doleat, libatâ nunc qua fruitur beatitudine, vel tantillum his iterum turbis commisceri. Nam ut optimè cedat, hic lætitiæ quasdam spinas habemus, illic flores: hic miseriæ mixtas curas; illic liberam & velut in violis, in rosis quietem. Vita hæc, si via tantum ad meliorem vitam, quæ causa querelæ est, quæ lamenti? jam in meta est. Mors ipsa, si iter ad patriam, & navigatio ad tranquillitatis portum, jam subiit. Cave jacturam putes, ubi temporaria æternis commutantur; mundana cœlestibus, humana divinis. Deus sine solatio te non reliquit. Primogenitus fuit, sed non unicus: amasti; sed & alii sunt quos ames, lectissima tori conjugalis pignora. Itaque ut finiam, statue dolori tuo modum, & animum pondere illo rationis firma. Habes in quem mœstum animum reclines & solatium in luctu petas. Amplectere modò hanc unicam in ægritudine quieris anchoram; in animum hæc conde, ac me unà, qui tui amans sum, & ero

— *dum tarda mihi per membra senectus  
Serpes, & in nobis vitæ claustra resolver.*

Delphis x. Kal. Nov. M. DC. XXXIX.

## Ἰακωβὸς Κρέκιον Ἀννῇ

Μαρία Σκύζμαν χαίρειν.

**Π**ρὸς ἄλλας γράφων ἐπιστολάς, ὡρᾷ τὸ  
 πρέπον ὥμῳ ποιήσιν εἴτε μὴτε παρ-  
 ερῶ, μὴτε ἀσπάσομαι, μὴτε γράψω  
 τί τοῖς πεν ὃ ποιήσῃ τὰς ἀγνοῦντας μὴ νομί-  
 ζειν, ἥδη με σὺ ἀμνημονεῖν. πάντων γὰρ τῶν  
 ἄλλων ἀμελήσας ἐνὸς μόνου φροντίζω, τῆ φα-  
 νήσας ἀποδίδων ὑπὲρ τῆς τῶν ἐκλογισμοτά-  
 των φιλίας: οἷ ἡδὲ σὺ ἐστίν. Ἀρετῆς γὰρ καὶ δό-  
 ξης καλῆς ἐπιθυμεῖς ἥς ἐδὲν κλήμα σεμνότερον  
 ἐδὲ βεβαιόπρῳ ἐστίν, καὶ σημεῖον ἐμικρὸν ἐκ-  
 φέρεις πολυμαθείας, ἀλλ' ὡς δυνάτον μέγιστον.  
 Συγχαίρω δέ σοι κόρη παρσφιλεστάτη ταύτης  
 τῆς γνώμης, καὶ τῆ παρσέχειν τὸν νῦν τοῖς πρά-  
 γμασιν, ὧν ἐδεμίχῃ τῇ παρσένων φροντίσει  
 μάλλον ἢ σοι παρσική, ἐδὲ γὰρ ὀλιγορῶσα τῆς  
 ἀρετῆς, ἐδὲ ῥαθυμῶσαι διατελεῖς τὸν βίον,  
 ἀλλὰ τὸ μὲν σῶμα τοῖς πόνοις καλοῖς τε καὶ  
 ἐσίοις παρσ τὴν ὑγίειαν γυμνάζεις, τὴν δὲ  
 ψυχὴν τοῖς ἀποδίδου λόγοις ἀνέξάνεις. Καὶ  
 ἂ μὲν ἐπίστασαι διαφυλάττεις μελέταις ἀδὲ  
 μὲ μεμαθήκας παρσλαμβάνεις ταῖς ἐπιστή-  
 μαις, καὶ κατανάλισκεις τὴν ἐν τῇ βίῳ σχολὴν  
 εἰς τὴν τῶν λόγων φιληγοίαν, ἡγεμνὴ τῇ ἀ-  
 κασμάταιν πολλὰ πολλῶν εἶναι χρημάτων  
 κρείττω. εἰκότως. σοφία γὰρ μόνη τῶν κλη-  
 μάταιν ἀθάνατον, καὶ τοιαῦτα τῶν ἀναλωμά-  
 των αὐτῇ τέ σοι παρσμύει. Ἀλλὰ πῶς ταῖς  
 ἐγκώμια πάντα καὶ ἕκαστα λέγονται διατερί-  
 βειν;

βαιν; ἐλδύθελτοι παιδεΐαι, πόνοι, ἀγρυπνίαι (ἀμείζω ἢ ὥςτε λέγειν) ἱκανῶς μαρτυρεῖσιν ἡμῖν πανταχόθεν σε τὸν ὅκνον ψόρον, τὸν δὲ πόνον, ἔπαινον ἡγεμνίῳ παροσέχου καὶ συλλέχου δι' ὧν οἷόν ἐστιν ἀσκήσαι τὴν σὴ διάνοιαν, κατὰ τὸν τρόπον τῆς μελίσσης ὡς ὁρῶμεν ἐφ' ὅπαντα μὲν τὰ βλασήματα καὶ διζάνεζαν ἀφ' ἐκάστου δὲ τὰ χρήσιμα λαμβάνεζαν. συνελόντι δ' εἰπεῖν, ὡς καλῶς σε πρὸς πλείονος ποιεῖν παιδεύειν σοι, ἢ πλεονεκτεῖν. ὁ μὲν γὰρ θνητός, ἡ δὲ ἀθάνατος, καὶ ἐν τῇ φρονεῖν ἡδύς ἐστίν. ἐπὶ δ' ἂν πλείω σοι, πασῶν ἐν παρθένοις ἐντιμωτάτη, πρὸς πολλῶν διελέχθην, εἰ μὴ πάντ' ἀπασιν ἐδέησέ με ὡς τάχιστα γράψαι τὴν ἐπιστολὴν. Τέως ἐρρωσθεῖα κεφαλὴ, καὶ αἰγυπαῖν μεδιατέλῃ, ἢ τὴν σὴν παιδείαν, καλοκαγαθίαν, καὶ εὐπαιθεσίαν, τό γε ἐφ' ἡμῖν, καὶ ἕως ἂν ζῇ, θαυμάζοντα. ἐκ τῆς ἐμῆς Μισσεῖς. Δῆλοισι.

## THEODORO SCREVELIO

S. D.

Lugd. Batav.

**O**Rationes tuas vir clarissime, quas lustrari & legi à me voluisti, juxta libros de Patientia ante hac editos, jam remitto. Judicium si petis, dicam ingenuè quod sentio. Placent, & mentior, nisi me doctiorem reddiderint, argumento suo non minus gravi, quàm literato. Stylus quid? tersus, facilis, inaffectatus, flosculis suis interim molliter luxurians, vel ad elegantiam dictionis Tullianæ. Plura non addo, ne tibi qui laudum tuarum auditor es impatiens, blandiri videar. Nempe ut venatores feram norunt ex impresso vestigio, & ex  
linea

linea artifex artificem : sic ego ex scriptione virum. Lucem videant, quæ in luce nata, & ad lucem. Autorem suum spondeo non erubescant, in castris Minervæ militem jam veteranum, & vel in prima doctorum acie stare dignum. Salve Vir ornatissime à Crucio tuo, hoc novo anno, quem feliciter tibi, & tuis decurrere opto. Καὶ ταῦτα καὶ δὴ ταῦτα, Plura alias. Delphis.

## JOHANNI CRUCIO S. D.

Harlemum.

Succensere debebam, si possem. Quid ? puerpera tibi nuper conjux, & nova non ita pridem prole ditior, & nullæ tuæ ad nos literæ? Quid in causa sit, tu videris. Aut ira studii alligatus es, ut omnem tibi scribendi animum præripiant, & silentio plus quàm Pythagorico celare cogant ea, quæ celandi non eramus? Pectus tuum si voles roga, non dicet id esse pro candido, & fide inter nos amore. Fero tamen, & nisi jam denatum esse, & in ortu concidisse hunc flosculum inaudivissem, tibi & matri gratularer hanc prolem, quia mascula, & novum surgentis familie stabilimentum. Sed aliter Deo visum, qui infantulum ex hoc miseriarum pelago, in æternæ felicitatis portum traduxit, miseriarum adhuc immunem. Nempe ὃν φίλει θεὸς, ἀποθνήσκει νέῃ. Hac si cogitas, quæ tristitiæ causa, quæ luctus? Innocentius certe mori non potuit, quia nescius, & ignarus eorum quæ nocentem reddunt; nec citius quoque coronari, quia in ipso vitæ limine & ante luctum. Prolixior eram, sed temporis angustia intercludor. Uno hoc voto finiam: Deus te, tuam, tuosque servet, in quo & à quo omnis salus. Tuas expecto, sed quando venient? post decennium credo, unà cum Ulyssæ. Delphis.

# לחנה מרים

שורמן שלום :

טוב לי כי אקח רכרי פוך נעימים מאלפי חכ וחסק  
לא אשכח לפילם ספריך כי כם שעשעהי להבין  
מאת מליצת אמריך כן ארחות כל בצע חכמה ואשר  
אזנו ימה לרעה ולבו לתכונה על מטמני הארץ  
חמרת יומם ולילה תורת יחיה וחכמה ישרי לב  
לנפשי יגעים כי טוב סחורה מסחר בסף ומתרוץ  
תכואתה פרוכה חעלמה כי הקשבת למוכר מכך  
ואזניך לאמרי רעת אל תעזב תשמרך לעולם יחי  
חיים לנפשך וכן לגרורותיך כי עמך יראה יהוה  
ועם יראה מוכר ותכונה לכן אורך ואספרה כל  
תהלותיך בעית חכמים יחי לך ארך ימים ושנות  
ושלום בלידתך שלוח לעתה בצורה :

CORNELIO à SOMEREN

*Viro sine ambitione eruditissimo, & Doctori*

*Medico amicissimam salutem*

*mitto.*

Dordrechtum.

**S**ilentium meum, Vir doctissime, plus nimio  
diuturnum videri tibi jure suspicor, qui me  
elegantissimis tuis literis ad respondendum,  
tam humaniter invitas. Sed in causa fuerunt, ne  
nescias, occupationes meae solito importuniores  
in recensendis epistolis meis ante hac editis, quae  
emendatae jam, & auctae novo libro, praelum mi-  
nantur. Addo & aliam causam, vincula in quae  
nuper conjectus fui. Quae illa inquires? coelitus  
immissa,



immissa, quæ ambas mihi manus tam validè constrinxerunt, ut mei juris non fuero. Licetorem si quaris, Chiragra fuit, ingrata illa doctorum fere contubernalis; quæ inducias quidem calamo meo, ad dies indulgit; mihi otium, sed cui occupatissima præferrem studia, quæ præ fidiculis his, & catastis, deliciae mihi sunt & ludi. Quid faciam? fero, & quæ patienda mihi sunt patior, etiam libenter. Cur enim renitar? si non solum Deus est, qui ita de nobis statuit sed & pater. Voluntati ejus qui paret, sapit. Adhæc utile mi Someri, utile admoneri nos interdum mortalitatis nostræ, cujus nos crebrò nimis capit oblivio. Morbi sunt, qui fluxa nostræ conditionis memoriam nobis inculcant, securitatem exculcant. Aegritudines corporis, quæ animæ deliquia curant, mentemque ad terrena hæc nimis labilem, erigunt ad alta, & origine sui digna. In me sentio. Occurrunt adversa? amplector ut amica, & ab iis patientiam disco, robur induo. Inopinata insurgunt? nihil animæ Christianæ inopinatum, nihil improvidum. Mala incurstant? magni esse animi puto, non commoveri: & ut maria navigantibus periculorum frequentia, contemptum eorum tandem inducit, sic mihi malorum ingruentium crebritas patientiam. Nempe ad hanc sortem facti sumus, & adversus hos casus formari nos vult Deus, & firmari tanquam scopulos ad assilientes fluctus. Meliusculè nunc mihi est Deo gratia. Faxit ut diu. Nam quemadmodum in re & publica, & familiari, usu evenire cernimus, ut qui summæ rerum præsunt, indigeant aliorum ministerio, ad functiones suas obeundas: ita & animus noster, dux atque imperator vitæ mortaliæ, famulatu eget corporis, quamdiu eo continetur. ἀλλὰ ποῦς ἐπὶ. Orationem tuam accepi, vidi, legi. Vio' amplius? ad os appressi & ad pectus, ita mihi perplacuit, cum stylo, tum argumento. Stylus in ea tersus, sublimis, elegans. Argumentum serium, jucundum, utile. Tota enim

in pace commendanda occupatur , quæ *optimare . rum quas homini novisse datum , quæque una triumphis innumeris potior , & quæ custodire salutem , & cives æquare potest.* Ad hanc , Patriam tuam hortaris , & in ea Patricios sub titulo Unitatis , & Concordiæ . Præclarè meherculè , & sapienter ! Quamdiu enim stat Concordia , tamdiu stat Respublica . Exemplum ne longius abeam , in Patria nostra , in qua quamdiu sumptis armis , ac communicatis consiliis , Provinciæ unitæ ac concordæ fuerunt , tanto bello gerendo , sustinendisque potentissimi Regis conatibus pares fuere . Invisi quoque steterimus hætenus , & DEI præsidio stamus adhuc , non tam metuentes , quam metuendi ab Hesperio illo dormitore terrarum . Memores nempe salutaris illius moniti Scyluri , qui morti vicinus filios suos telorum fasciculo monuisse fertur , ut Concordiam inter se colerent : *futurum enim , ut si juncti manerent , essent invicti ; sin dissiderent , facile ab hostibus suis superatum iri.* Et Micipsæ apud Sallustium ; *Regnum tum demum firmum fore , si in eo sint boni , imbecillum si mali.* Tractatum quoque tuum de Variolis & Morbillis nuper ad me missum legi , sed si de eo judicium faciam , quid nisi Apellæum illud in me conveniat ; *ne sutor ultra crepidam ?* dicam tamen , & fidenter , allubuisse mihi dissertatiunculam tuam super hoc argumento , quia docta , & deprompta ex ipso antiquorum Medicorum penu . Liberè fateor . Hoc verè est Medicum esse , & in eo scivisse agnitum , prope superasse est : contra perimit qui ignorat , & è levibus morbis ignoratis , sæpe mors nata . Ideo ut tyroni , & inexperto , nemo exercitum committat , nemo Oceani fluctuūque ignaro navem : sic nemo valetudinis curationem nesciis , & imperitis . Qui quantamcunque jactent experiētiām , si morborum causis , si signa , si symptomata , si eorum ἀεθ' γ' νωσιν , & διαγ' νωσιν , si pulsum discrimina , si ægrorum temperamenta , si criseos tempora , si medendi methodum , medi-

camentorum facultates, & compositiones ignorent, quid nisi operosa sedulitate, ægros officiosè necant? Hoc nomine felices, cum peccant, quod aliorum delicta sol videat, horum terra tegat. Barba sola, pallio, vestiumque splendore commendabiles, dum ab his externis mutuantur doctrinæ opinionem, quam domi non habent. Tu melius vir doctissime, qui indefesso labore, & studio, in artis medicæ arcem penetras, nec satis esse putas Medicinam profiteri, nisi eâ, cum laude defunctum eas concivium tuorum & Reip. bono. Publica quid? Arcis Gennepææ captura voti mei nunc tota est, & spei. O decula quando exorire, ut de ea triumphare nobis liceat, & gratiarum actiones offerre Deo, unico Imperii nostri Batavi, & libertatis Patriæ defensori? Turbæ in Anglia me habuerunt sollicitum, & adhuc habent. Quam tristitia enim & funesta de ea, ad aures nostras accidunt, etiam post casum tanti capitis? quo tanquam Jona tempestatem hanc sedatum irimultorum spes erat. Jacet interim, & temeritatis suæ, ne quid gravius dicam, poenas luit. Sic in Flaminio olim apud Trasymenum lacum: in Varrone apud Cannas cum quadraginta millium cæde, litatum temeritati est: in C. Manilio, Q. Capione contra Cimbr̃os & Teutonas octoginta millibus: in Crasso contra Parthos, septem legionibus, cum equitum quatuor millibus, totidemque velitum, cum ipso duce, ducisque filio, cæsis, aut fugatis. Proinde fugienda calida nimis consilia, & tanquam de torculari spumantia, præsertim si parum è Regni, aut Reip. bono. Igneos enim ferè eventus, flammæque calor hic dare solet in domini caput arsuras. Et hic ferè Fortunæ ludus est in magnis, quos haud raro repentina calamitas, & miseranda vicissitudo consequitur. Quis enim ferrum in Galba, Ottone, Vitellio, Caligula, Nerone, Domitiano? quis in Tyberio, Claudio, Germanico venenum? Quis in Maximo, Leontio, Mauritio, Heracleone, Phoca arma, ignes, secures

in pace commendanda occupatur, quæ *optimare*.  
*rum* quas homini novisse datum, quæque una trium-  
 phis innumeris potior, & quæ custodire salutem, &  
 cives æquare potest. Ad hanc, Patriam tuam horta-  
 ris, & in ea Patricios sub titulo Unitatis, & Con-  
 cordiæ. Præclarè meherculè, & sapienter! Quam-  
 diu enim stat Concordia, tamdiu stat Respublica.  
 Exemplum ne longius abeam, in Patria nostra, in  
 qua quamdiu sumpris armis, ac communicatis con-  
 siliis, Provinciæ unitæ ac concordēs fuerunt, tanto  
 bello gerendo, sustinendisque potentissimi Regis  
 conatibus pares fuere. Invisi quoque stetimus ha-  
 tenus, & Dei præsidio stamus adhuc, non tam  
 metuentes, quam metuendi ab Hesperio illo do-  
 mitore terrarum. Memores nempe salutaris illius  
 moniti Scyluri, qui morti vicinus filios suos telo-  
 rum fasciculo monuisse fertur, ut Concordiam in-  
 ter se colerent: futurum enim, ut si juncti mane-  
 rent, essent invicti; sin dissiderent, facile ab hostibus  
 suis superatum iri. Et Micipsæ apud Sallustium;  
*Regnum tum demum firmum fore, si in eo sint boni,*  
*imbecillum si mali.* Tractatum quoque tuum de  
 Variolis & Morbillis nuper ad me missum legi, sed  
 si de eo judicium faciam, quid nisi Apellæum illud  
 in me conveniat; ne sutor ultra crepidam? dicam  
 tamen, & fidenter, allubuisse mihi dissertatiuncu-  
 lam tuam super hoc argumento, quia docta, & de-  
 prompta ex ipso antiquorum Medicorum penu-  
 Liberè fateor. Hoc verè est Medicum esse, & in eo  
 scivisse ægritudinem, prope superasse est: contra  
 perimit qui ignorat, & è levibus morbis ignora-  
 tis, sæpe mors nata. Ideo ut tyroni, & inexperto,  
 nemo exercitum committat, nemo Oceani fluctuū-  
 que ignaro navem: sic nemo valetudinis curatio-  
 nem nesciis, & imperitis. Qui quantamcunque ja-  
 ctent experiētiā, si morborum causas, si signa,  
 si symptomata, si eorum ἀσθενειαν, & διάγνωσιν,  
 si pulsuum discrimina, si ægrorum temperamenta,  
 si criseos tempora, si medendi methodum, medi-  
 ca-

camentorum facultates, & compositiones ignorant, quid nisi operosa sedulitate, ægros officiosè necant? Hoc nomine felices, cum peccant, quod aliorum delicta sol videat, horum terra tegat. Barba sola, pallio, vestiumque splendore commendabiles, dum ab his externis mutantur doctrinæ opinionem, quam domi non habent. Tu melius vir doctissime, qui indefesso labore, & studio, in artis medicæ arcem penetras, nec satis esse putas Medicinam profiteri, nisi ea, cum laude defunctum eas concivium tuorum & Reip. bono. Publica quid? Arcis Gennepææ captura voti mei nunc tota est, & spei. O decula quando exorire, ut de ea triumphare nobis liceat, & gratiarum actiones offerre Deo, unico Imperii nostri Batavi, & libertatis Patriæ defensori? Turbæ in Anglia me habuerunt sollicitum, & adhuc habent. Quàm tristitia enim & funesta de ea, ad aures nostras accidunt, etiam post casum tanti capitis? quo tanquam Jona tempestatem hanc sedatum irimultorum spes erat. Jacet interim, & temeritatis suæ, ne quid gravius dicam, poenas luit. Sic in Flaminio olim apud Trasymenum lacum: in Varrone apud Cannas cum quadraginta millium cæde, litatum temeritati est: in C. Manilio, Q. Capione contra Cimbros & Teutonas octoginta millibus: in Crasso contra Parthos, septem legionibus, cum equitum quatuor millibus, totidemque veliis, cum ipso duce, ducisque filio, cæsis, aut fugatis. Proinde fugienda calida nimis consilia, & tanquam de torculari spumantia, præsertim si parum è Regni, aut Reip. bono. Ignos enim ferè eventus, flammæque calor hic dare solet in domini caput arsuras. Et hic ferè Fortunæ ludus est in magnis, quos haud raro repentina calamitas, & miseranda vicissitudo consequitur. Quis enim ferrum in Galba, Ottone, Vitellio, Caligula, Nerone, Domitiano? quis in Tyberio, Claudio, Germanico venenum? Quis in Maximo, Leontio, Mauritio, Heracleone, Phoca arma, ignes, secures

ignorat? Pulchræ mortes cum pro Rep. stant, pro  
Iustitia, pro DEO: turpes contra Finio, ne prolixitas  
nimia fastidium pariat. Tu vir humanissime à Crucio  
tuo salve, cum lectissima conjuge, & liberis, Par-  
nassium illum Alumnum & elegantioris literaturæ  
principem Beverovicium, à me si placet officio-  
sissime saluta. Datum Delphis vi. Kal. Augusti.  
M. DC. XLI.

F I N I S.



INDEX



## I N D E X

# R E R U M

Quæ hoc Opere continentur,  
copiosissimus.

### A.



- Academia degeneres incolæ qui.* [42.](#) [56.](#)  
[57.](#) [61.](#) [63.](#) [66.](#) [82.](#) [83.](#) [412.](#) *In Aca-*  
*demia qui nugæ & ineptiæ ætatem*  
*terunt, quibus similes.* [56.](#) [67.](#) [85.](#)  
*Academici libertate plerumque abutun-*  
*tur ad morum licentiam.* [42.](#) [65.](#) [66.](#) [82.](#) [87.](#)  
*Ætas labilis.* [86.](#) *non otiose transigenda.* [65.](#) [86.](#) [140.](#)  
[249.](#) [329.](#) *simil. & exempla.* [73.](#) [74.](#)  
*Afflictionum fructus.* [78.](#) [79.](#) [114.](#) *simil.* [115.](#) [202.](#) [309.](#)  
[498.](#) [502.](#) [514.](#)  
*Albani sevitia in Belgio, ejusque gloriatio sub redi-*  
*tum in Hisp.* [246.](#)  
*Alterna durant.* [28.](#) [31.](#) [61.](#) [321.](#)  
*Ambulacra, eorum amœnitas & usus.* [458.](#)  
*Amici mortui non amissi, sed præmissi. Simil.* [23.](#)  
[24.](#)  
*Amici veri qui.* [134.](#) *qui parasiti.* [134.](#) [135.](#)  
*Amicitiam non tollunt locorum intervalla.* [317.](#)  
*Amicitia proborum & doctorum in pretio habenda.*  
[Cur.](#) [134.](#) [215.](#) [299.](#)  
*Amicitie usus & commoda.* [292.](#)  
*Animi ardor temperandus, qua ratione.* [205.](#) [206.](#)  
*Anima Christianæ in mortis limine versantis descri-*  
*ptio.* [406.](#) [407.](#) [408.](#)  
*Anne Mariæ Schurman laudes.* [507.](#) [513.](#) [514.](#)  
[519.](#)



- Anti-Christus hierarchie suæ pompa hominum oculos perstringit.* [122.](#)  
*Arcopagita nocturno tempore judicabant. Cur?* [234.](#)  
*multiforis Agri, domus talpa.* [156.](#)  
*Ars longa, vita brevis.* [38.140.](#)  
*Ataxia in studiis noxia.* [56.266.](#)  
*Athenienses quando de pace cogitarent.* [117.](#)  
*Avari insatiabiles. Simil.* [8.311.326.](#)  
*Autores quomodo legendi.* [29.30. qui 57.58.267.](#)

B.

- Beatitudo piorum post hanc vitam.* [47.50.399.](#)  
*Belgii status sub Albano,* [246.347.](#) *pro Belgio fœderato votum.* [447.](#)  
*Bella DEO militant. Simil.* [104.](#) *reguntur à DEO.*  
[159.248.375.](#) *quando paci aut induciis præferenda.* [170.](#)  
*Belli calamitates.* [104.136.252.392.](#)  
*Biblia versa olim à Chrysostomo, Methodio, Hieronymo & aliis.* [155.](#)  
*Boni à malis non semper inquinantur. Simil.* [55.](#)  
*Bredæ obsidio, & de ea judicium.* [509.](#)

C.

- Multorum ad Calumnias propensio.* [156.263.](#)  
*contemptu ulciscendi.* [156.212.214.240.263.447.](#)  
*Simil.* [448.](#)  
*Calumniandi hoc ævo licentia.* [359.416.417.](#)  
*Calumnie virtutem illustrent.* [277.417.](#)  
*Calvini laus.* [302.](#) *non nisi sacro horrore percitus suggestum conscendit.* [302.](#)  
*Causidici mali, vultures sunt & harpyæ forenses.*  
*Sordida eorum avaritia, fraudes, & male artes.*  
*Corvus crudeliores. Cur?* [34.429.](#)  
*Calibatus.* [147.](#)  
*Clades classis hostilis prope Bergas ad Zomam, & de ea judicium.* [244.245.](#)

Clemen-



*Clementia crudelis est qua parcit malis.* 235.

*Conciones commendat breuitas* 18. *quales esse debeant.* 224. *affectatio omnis in iis odiosa.* 300. *item obscuritas.* 300. *extemporanea damnanda.* 301. 304. *in Concionibus alexisera laudabilis.* 300. *boni Concionatoris imago in Trelectio.* 18. 19.

*Concordia res parua crescunt, exempl. in patria nostra.* 519.

*Conjugii alea non temere tentanda.* 102. 103. 148. *Conjugio felici nihil beatius.* 141. *infelici nihil miserius.* 103. *Seria ad Conjugium adhortatio.* 144. 145. 146. *Conjugii commoda.* 146. *omni populo religiosum.* 144. *eius necessitas.* 148. *suauitas.* 145. 146. *Conjugii Christiani fructus.* 147.

*Consiliis nihil tam inimicum quam ira & precipitantia.* 205.

*Consolatio in obitu conjugis.* 20. 21. 22. 51. 52. 393. 394. 406. *Matris.* 47. 48. 49. 507. 508. *Liberiorum.* 270. 271. 471. 472. 481. 282. 515. 516. *Amicorum.* 44. 257. 258.

*Consortia mala vitanda. Simil.* 3. 4. 32. 54. 61. 66. 100. 120. 133. 256. 388. 437. 438. 440. 493. *qua sectanda.* 32.

*Constantia in aduersis.* 448.

## D.

*DEI voluntati in aduersis nemo obniti potest, nemo debet. Simil.* 23. *ratio.* 48. 79. 395. 396.

*Deus cur inopinato nonnunquam viros magnos ex hac vita eripiat.* 47.

*Deus in afflictionibus suos exercet & firmat.* 78. 115. 309. *Ecclesiam suam aliquandiu afflictam liberat.* 107. *Dei donis fœnerandum in hac vita. Simil.* 275.

# I N D E X.

- Diaboli tentationes varia.* 71. 72.  
*Dies adimit egritudinem.* Simil. 20.  
*Difficilia quae pulchra.* 73. 74.  
*Diligentia omnia superantur.* 2. 15. 25. exempl. 33. 65. 69. 73. 163. diligentia in studiis, honestu recreationibus temperanda. cur. 28. 31. 312. exempla. 367. ad Diligentiam seria adhortatio. 64. 68. 73. 75. 86. 249. 265. 326. 329. 505.  
*Disciplina vis etiam in brutis.* 81. 128. in durioribus ingenis. 128. 129.  
*Disputatio optima, quae.* 239. curiosa nimis vitanda. 238. 239. 287. 345.  
*Divitiarum fluxus & refluxus.* 75. 175. 181. 186. 281. 326. eis non fidendum. 76. virtuti inimica. 305. noxia sunt & infidiosa. Simil. 75. 76. quae homini paranda. 75. 310. Divites multi insatiabiles, quibus similes. 8. 311.  
*Doctrinae perfectio non datur in hac vita.* 15. 16. 39. 70.  
*Doctrina, gradus ad honores.* 57. Doctrina, & virtus conjungenda. cur. 7. 87. 119. 132. 267. 268. 411. 412.  
*Doctrinae consequenda ratio ex consilio Erasmi.* 15. 30. 65. 328. labore parabilis. 65. 73. 86. 163. 505. exempla. 73. Simil. 75. doctrinae praestantia. 29. 265. 324. homini eripi nequit. 76. 265. doctrina comes modestia. 185. 250. doctrina superficialia novitatis & errorum mater. 250. doctrina vera quae. 315. 327. doctrina opinione vulgi non est metienda. 70.

## E.

- Ebrietatis effecta & seria ab ea dehortatio.* 82. 83.  
*Ecclesia navicula jactatur quidem ad tempus, sed naufragium non patitur.* cur. 107. 248. 252  
Eccle.

## R E R U M.

*Ecclesie tabes, dissidia sunt, tristissimi eorum effectus.* [212.213.228.230.237.286.](#) qui eam turbant, quibus similes. [2.8.](#)

*Educatio liberorum in multis parentibus hodie culpanda.* [9.155.305.](#) educationis vis etiam in brutis. [380.](#) mala educatio vitiorum omnium fons. [9.10.323.](#)

*Epistolarum antiquitas, utilitas, necessitas.* [91.296.297.](#)

*in Epistolis conscribendis vera proficiendi ratio.* [161.](#)

*Epithalamium in nuptias L. Polyandri & L. Stangeri.* [149.151.](#)

*Europae tristis hodie facies.* [228.](#)

*Excellere non cuiusvis datum.* [261.367.](#)

## F.

*Fides simplicitas in Papatu, nihil nisi bruta ignorantia est.* [122.450.](#)

*Filioli principis Freder. Henrici laus.* [219.220.](#) ejus educatio. [221.](#)

*Formae corporis, & animi consensus.* [219.](#) venustas corporis, pulchritudinis animi index. [219.](#)

*Fortuna inconstantia.* [76.181.186.375.](#)

## G.

*Galliae laus.* [98.119.298.](#) peregrinantibus in ea pericula. cur. [100.120.121.437.](#) in ea cum fructu peregrinandi ratio. [95.96.97.118.120.268.428.](#)

*Gallicae linguae affectata pronuntiatio vitanda.* [118.](#) in gallica lingua proficiendi ratio. [53.118.](#)

*Genethliacon in nativitatem filii Ioh. Crucii.* [12.](#)

*Generis sui propagandi cura laude digna. Simil.* [105.332.](#) res Germaniae sub armis Sueci. [251.259.366.374.392.](#)

# I N D E X

*Græcæ linguae præstantia.* 58. 60. 389. *eius contemptus in multis.* 391.  
*Gratitudo.* 446. 449. 503.  
*Gula plures occidit, quam gladius.* 338.  
*Gustavi regis Sueciæ bella, victoria.* 109. 259. 289.  
 313. mors 419.

## H.

*Hebrææ linguae contemptus in multis.* 16. 188. *quâ ratione illi occurrendum.* 17. *eius utilitas, præstantia, necessitas.* 187. 188. *qui in ea excellerunt.* 189. *ad ejus studium adhortatio.* 189. 190.  
*Historici laus in quosita.* 6. 198.  
*Historia anima Veritas.* 6. *historiarum cognitio Theologo necessaria.* 454. *ad lectionem earum adhortatio.* 453, 454.  
*Hominis excellentia.* 375.  
*Hominis miseria, & fragilitas.* 270. 308.  
*Hostes patriæ nostræ quales.* 245. 246. 247.  
*contemptus Hostis cruentum sæpe dat certamen,* 375.  
*Hypocrisis vitanda.* 441.

## I.

*Ignavia doctrinæ inimica.* 65. 66.  
*Ignavi quibus similes.* 65.  
*Ignavia olim publicas pœnas dedit, exempl.* 332. *ab ea debortatio.* 73. 74. 328. 329.  
*Impatientes in rebus adversis quibus similes.* 79.  
*Impietas malorum omnium extremum.* cur? 67.  
*Indiæ Occidentalis societas, & de ea spes.* 110. 209. 248. 249.  
*Induciarum negotiatio Haga.* 420. *de ea judicium.* 421. 422. 2. 429.  
*Ingeniis tardioribus non est despondendum. ratio.*  
Simil,

*Simil.* 25. 26. 27. de Ingeniis precocibus *judicium.*  
28. liberalia Ingenia liberaliter habenda. 231. in-  
 genium hominum artibus excolendum. 68. ingenia du-  
 riora disciplina molliuntur. 128. ingenium mediocri-  
 bus etiam sua laus est. 261.

Ingeniorum diversitas, ac propterea non uno modo re-  
 genda. 382.

Institutio Principis qualis esse debet. 217. 218.  
 220.

Institutionis necessitas, & usus. 128. 129. 221. exem-  
 pla. 307. 323.

Institutionis *Vu.* 380. 131.

*Judicium iniquorum mores.* 234. 236. *Judicis equi de-*  
*scriptio.* 235.

Jurisperiti Romani, olim Græci. 60. multi ad Ius  
 properant crudi, & illiterati. § 8. 391. in Iure profi-  
 ciendi ratio. 440. 463. 493.

*Iustitia & Religio præcipua Reip. fulcra.* 235. 236.  
 275. *iustitia remota respublica nihil sunt nisi li-*  
*centie asyla.* 234.

*Juvenilis ætas lubrica.* 63. 256. *Juventus nostra hodie*  
*plerumque philantia laborat: ejus pericula.* 70. 92.  
 191.

*Juventutis ver studiis impendendum.* 56. 57. 68. 81.  
84. 91. 96. *seria ejus ad eruditionem adhortatio.* 65.  
69. 73. *ad virtutem.* 67. 71. 87. 325. *Juventus ra-*  
*tionis freno regenda.* 231.

*Juventus prostituta in adolescentia moribus, haud*  
*raro in familia & patriæ decus exurgit. exempla.*  
128. 307.

*Juventutem præpostera in nonnullis, instituendi ra-*  
*tio.* 370. 371.

*recta Institutio quæ?* 371. ejus effecta. 128. 413.

## L.

*Labori nihil difficile.* 2. 65. 69. 163.

*Lamia & qui hodie illis similes.* 259.



# I N D E X

- Latina lingua sine græca manca est & mutila.* [58.](#)  
[389.390.](#)
- Latina lingua neglectus in Academia.* [162.391.](#)
- LECTIO authorum vaga fugienda.* [30. 267.](#) Simil.  
[56. 57.](#) quomodo legendi cum fructu. [30. 439.](#)  
[463.](#)
- Liberi Deo à parentibus devovendi.* [8. 9. 10.](#) liberi  
 quamvis à virtute patria degenerent , non tamen  
 odio habendi. Simil. [306.](#) quomodo educandi. [10.](#)  
[323. liberorum](#) optimum patrimonium, virtus. [10.](#)  
[106. non opes. 304. 305.](#)
- Libertas prophetandi hodie quid , ejus effecta.* [287.](#)  
[288.](#)
- Librorum multitudo turbat.* [30. 266. 364. 494.](#) libro-  
 rum externa admiratio : & in vectiva in tales ma-  
 le [curiosos. 85. 86.](#)
- Licentia ejusque effecta.* [66. 67.](#)
- Lycurgus duobus canibus ostendit quid possit educa-  
 tio.* [380.](#)
- Lingua Hebræa utilitas & præstantia.* [187. 188.](#) ad  
 eam seria adhortatio. [189. 190.](#) in lingua Gallica  
 proficiendi ratio. [53. 118.](#) linguarum studia ancil-  
 lantur nobilioribus disciplinis, Theolog. Jurisprud.  
 Medicina. [119.](#)
- Literarum præstantia famam parit.* [37. 130.](#)  
[157.](#)
- Luctus in obitu parentum, conjugis, amicorum mode-  
 randus. rationes.* [20. 21. 47. 48. 270. 271. 393. 406.](#)  
[467. 471. 474. 477. 478.](#)

## M.

- Magdeburgi excidium.* [252.](#)
- Mali in hac vita prospere fere omnia fluunt , mali  
 ominis.* [78. 79.](#)
- Malo tempestivè occurrendum.* [87.](#)
- Martii alca.* [446.](#)

*Matrum*

# R E R U M.

*Matrum in liberos indulgentia, & tristitia ejus effecta.* [9.155.](#)

*Matres que prolem suam citra necessitatem alienæ fidei committunt, matris nomine indignæ sunt. Simil. exempl. 10.11.*

*Medicina laus. 177. 178. studium ejus arduum & operosum. 177. ejus usus & necessitas. 178. 345.*

*Medicus non tantum corporis medicus est, sed & anima. 178.*

*Medicina opum pararia est, & ubique terrarum accepta. 179.*

*Mensa frugalis. 244.*

*Mercator maria, & terras pervolat. cur? 73.74.*

*Mercurialium hodie una ferè cura, ditescere: cui similes. 210.*

*Militis in subeundis periculis animus. 73.*

*Ministerii dignitas, & usus. 111. Ministri non minus vita, & exemplo ædificant, quàm doctrina. Simil. 123.305. 169. Ministerii, candidati requisita. 168. 169. monendi & corrigendi in concionum tyrocinii. cur. 79. 191. 192. 223.*

*Morbus lentus, & ejus effecta. 107.*

*Morborum usus in bonis. Simil. 114. 115. 309. 319.402. 403. qui periculosi & lethales plerumque. 178. hominem dejiciunt, & frangunt. 203. 357.403.*

*Mors nemini parcit. Simil. 20. 45.165.443. inevitabilis est in omni ætate & sexu. 166.167. 117. 354. expectanda cuivis. 49.318. 357. 394. & constanter. 407.444.*

*Mors bonorum, imminentium calamitatum non raro præsagium. 47. Mors commune tributum naturæ. 258.308.*

*Mortis commoda in bonis. 23. 49. securitas multorum. 362. ad Mortem christiana præparatio. 406. 407.444.499.*

Musa

*Musa à Poëtis in arduo montis jugo collocata. cur?*  
65. nominis aeternitatem pariunt. 37. 130. 157.

N.

*Naturæ tarditas diligentia pensatur. 2. haud. raro  
emergit. Simil. 26. 31.*

*Nobilitas vera in quosita. 208. 347. 348.*

*Novatores, & eorum mores. 212. 229. in eos invectiva.  
237. 238. 466-467.*

O.

*Obsidio Bredana, & de ea iudicium. 509. 510.*

*Oeconomia quando misera. 204.*

*Opes, honores, voluptates, tanquam fortunæ ludicra  
 contemnenda. 75. 76. eorum vanitas & inconstan-  
tia. 75. 76. 181. 186. 280. 326.*

*Orationis anima pronuntiatio. 224.*

*Otium ignavum vitandum. 65. 74. 75. 356.*

P.

*Parentes honorandi. I. Parentum nimia hodiè indul-  
 gentia in educandis liberis. 9. 155. 195. in liberis  
 suis vivunt etiam mortui. Simil. 24. 147.*

*Parentes defuncti lugendi, sed moderate. 47. 48. 49.  
 507.*

*Parentes solliciti tantum de corradendis opibus libe-  
 ris suis, quibus Similes. 8. 305.*

*Pastor est non tantum voce, & scriptis edificare, sed  
 vita & exemplo. Simil. 123. 305. 169.*

*Patentia in adversis. 78. 79. 394. 472. 521.*

*Patriæ disidia periculosa. 106. 228. 237. patriæ nostræ  
hostes quales. 245. 246. qui Patres à Theologo legen-  
di, & de iis iudicium. 364. 365.*

*Patrum ut Chrysostomi, Methodii, Hieronymi dili-  
 gentia in versione Bibliorum. 155.*



# R E R U M.

*Pax quando bello præferenda.* 170. *parum tutæ cum hoste reconciliato.* 421.

*Pentateuchus Moſis Perſicæ lingua verſus.* 155.

*Peregrinationis in exteræ gentes uſus.* 95. 96. 118.

119. 120. 226. 266. 317. 428. 435. *ejus pericula.* 100.

120. 268. 428. 429. 437.

*Peregrinationis rectè inſtituendæ ratio.* 95. 97. 118.

120. 266. 317. 436. 437. 448.

*Peregrinatio curioſa.* 95. 428.

*Pæſtis graſſantis exempla.* 495. 497. 498. *Conſol.* 499.

*Philantia ſtultitia.* 15. 33. 70. 410. *noxia ſtudiis.*

*Simil.* 27. 70. 192. 223. *Seria ab ea dehortatio.* 70. 192.

*ad Pietatem adhortatio.* 71. 77. 119. 493.

*Plantus, & Terentius latinitatæ principes.* 282. *ridiculi eorum imitatores qui.* 283.

*veræ Poëſis uſus, præſtantia, laus.* 173. 174.

*Præceptorum nimia ſeveritas vitanda.* 372.

*Præceptorum quorundam ineptæ inſtituendi ratio.*

370. 371. *qui præceptores deligendi in inſtituenda juventute.* 381.

*Præceptorum diſcernenda ſunt ingenia. cur?* 381.

312. *vera Principis imago in Rege Sueciæ Guſta-vo.* 419.

*Principis puero inſtitutio apprime neceſſaria, ejus utilitas, & exempla.* 217. 220. 221.

*Principes in bellis ſuis ſatellites ſunt ultionis divina.*

*Simil.* 104.

*Principes privatim feliciter inſtituti, qui.* 385.

*Principum perſonata felicitas.* 443. 444. 457.

*Proſpera ſubito triſtium interuentu turbantur.* 109.

*cur.* 375.

*Provinciarum Belgii unio optanda.* 159.

*Pſalterium Egyptiaca, & Perſicæ lingua verſum.*

155.

Recidiva

R.

- Recidiva quomodo cavenda.* 114.  
*Religio sceleribus haud rarò obtenditur.* 287.  
*in Religione sequenda veritas, non multitudo.* 122.  
*premitur, non opprimitur. Simil.* 211.  
*Religio constanter asserenda.* 112. 288. 289. *virtutum omnium est basis.* 236. 237.  
*Res India Occidentalis, & de iis iudicium.* 110. 209.

S.

- Sapientia in quo sita.* 327. *omnibus mundi thesauris potior.* 74. 279. *sua sorte contenta est.* 311. *in adversis patiens, animosa, constans.* 202. 203. 280.  
*Satanae in tendendis hominibus astutia.* 71. 72.  
*Satyrici aliorum censores, Culpa saepe ipsi non immunes.* 89.  
*Sceptorum instabilitas.* 443. 444.  
*Scholarum usus.* 370. 385. 386.  
*Schola, privatae institutioni preferenda.* 383. 384.  
*Scholae olim celebres in Gracia, Hispania, & alibi.* 385.  
*Scholarum antiquitas.* 385. 386.  
*Scholae etiam Principes in pretio habuerunt.* 386.  
*in Scholis disciplinae severitas temperanda.* 372.  
*Schola tedia, & perpetua crambe. Simil.* 222. 223.  
*Securitas frequentissimum calamitatis initium.* 375.  
*Senatorium munus grave, & arduum.* 223.  
*Solitudo fugienda.* 367. 368.  
*Studia ordine tractanda.* 30. 56. 58. 266. 463.  
*Studiorum horae quomodo dividenda.* 58.  
*Studiorum precipitantia noxia.* 69. 70.  
*Studiorum & doctrinae non est satietas.* 254. 255.  
*Studiorum devoranda molestia. Simil.* 25. 26. 163. 464.

*in Studiis*

- in Studiis doctrina, & virtus conjungenda. ratio. [4.5.61.132.163.268.410.411.464.](#)
- in Studiis nimia sui diffidentia noxia. 25. 26. 27.
- Studiis sua sunt laxamenta. [28.61.256.312.321.367.qualia.31.126.256.](#)
- Studius immorari licet, non immori. cur. [61.62.256.366.367.Simil.28.31.32.](#)
- Studioforum quorundam projecta ignavia, & literarum contemptus. 65. [139.](#)
- Studiosi multi hodie idiotæ, & præter maternam linguam vix ullam loquuntur, in eos invectiva. [162.](#)
- quorundam studia nugacia. [37.85.vaga.85.](#) qui hodie quorundam in Academia mores. [42.61.66.75.139.412.](#)
- Styli comparandi ratio, & quæ vitanda. [30.58.160.282.433.](#) Styli vis. Simil. [138.431.](#) Styli copia, lectione Senecæ, Sallustii, Taciti temperanda. [251.253.254.267.](#)
- Succia Regis bella, victoria. [109.259.289.313.374.375.](#) cum Iulio Cesare comparatur, in quo differant: [374.](#) ejus mors. [419.](#)

T.

- Taciti Historicilais. [189.199.200.](#)
- Talentum non est defodiendum. [260.277.](#)
- Temeritatis pœna, in Magnis exempla. [519.520.](#)
- Temporis pulchra est avaritia. 75. ejus habenda ratio. [cur.86.492.](#)
- Thebani Iudicium statuas soliti effingere à Xéipus, & oculis averfis. cur. [234.](#)
- Theologia practica optima. cur. [123.365.436.468.](#)
- Theologia tanquam Domine, lingua & artes famulantur. [54.](#) Seriò tractanda. [250.364.](#)
- Theologis cognitio historiarum necessaria. [454.](#)
- Theologis paucilegendi & optimilibri, exemplo. Fr. Junii. [364.](#)

Theolo-

- Theologorum quorundam hodiè mores.* [156](#).228.229.  
[286](#).  
*Torpedo piscis, ejus natura.* [55](#).  
*Turcarum imperium ex Christianorum dissidiis capit incrementa.* [136](#).  
*Tyranni imago sub Albano.* 246.247.  
*Tyrannorum plerumque tragici, & tristes exitus.*  
 357.375.520.

V.

- Venetia.* 227.  
*Veritas in Religione strenuè asserenda.* [107](#).[112](#).[213](#).  
[288](#).[289](#).[466](#).[467](#).*mangonia* odit & fucum. *Simil.*  
[224](#).  
*Versio Bibliorum à nativa fontium puritate recedit.*  
[16](#).[17](#).*ab* Ordinibus demandata viris doctis in pa-  
 tria, ejus utilitas. [154](#).[155](#).  
*Versio S. Scriptura à Chrysostomo in Armenicam lin-*  
*guam, ab Hieronymo in Dalmaticam, à Methodio*  
*in Sclavonicam, ab Ulphila in Gothicam.* [155](#).  
*Virgo Batava.* [514](#).  
*Virtus per calumnias magis enitescit.* 277.278.  
*ad Virtutem seria adhortatio.* [67](#). [51](#). [72](#). [99](#). [100](#).  
[119](#).[440](#).[441](#).  
*Virtus, anima literarum.* 132.169.244.  
*Virtus non amat turbam. Simil.* [133](#). *una & sola se-*  
*ctanda.* 175.  
*Vita hominis quid.* 19.45.126.202. *Simil.* 19.169.270.  
[365](#).*ejus brevitatis.* 20.44.209.257. *Simil.* 165.166:  
[334](#).[397](#).  
*Vita hominis non annorum numero metienda, sed*  
*probitate morum.* 46.330. *multis curis & arumnis*  
*obnoxia est.* [47](#).[52](#). 177.202.308.321. [369](#).[445](#).[448](#).  
 472. *questio de Vitæ termino, an prolongari possit,*  
*& contrahi, ventilata.* 334. 335. 336. 337.485.  
 486.  
*Vita ociosa, mors verius quam vita.* 336.

R E R U M.

*Votum ad Deum super Germania statu.* [110.170.](#)

[171.](#) *item pro unione provinciarum Belgii.* [159.](#)

*Vulgus Plutum adoratur, & reginam Pecuniam.* [8.210.](#)

*Vulgi iudicia* [contemnenda.213.240.276.292.293,](#)

Z.

*Zelus in asserenda veritate Religionis.* [107.112. 288.](#)

[289.450.466.](#)

*disidia & contentiones Zelum acunt.* [211.](#)

F I N I S.





















*Regina Lachrymæ*